



FLL

16 072

291,8
V24 f.

100

FRANCISCI
VALLESII.

DE IIS, QUÆ SCRIPTA SVNT PHYSICÆ
in libris sacris, sine de sacra Philosophia,

LIBER SINGVLARIS.

AD PHILIPPVM SECVNDVM HISPANIARVM
& Indiarum Regem potentissimum.

CVM PRIVILEGIO.



Por comisi n de los se nores in-
qu isidores conosi de libro
conforme al nuevo indice
de purgacion de los se nors
Cardenal Arzobispo Inqu -
sitor. ano 1612 +

Mercurio

esta comisi n conforme
al nuevo indice de los se nors
de 1632 y conforme al
de 1640

De del Marmol

AVGVSTAE TAVRINORVM,
Apud Hæredem Nicolai Beuilaquæ, MDLXXXVII.

Ex Sacrosanctæ Inquisitionis permisso.

16022
291

V 26.8



EL REY.




O a quanto por parte de vos el doctor Francisco de Valles medico de nuestra camara nos fue fecha Relation que bos auiaades presentado ante nos vn libro yntitulado Sacra philosophia e nel qual auiaades puesto mucho trauajo y por que hera muy vtil y prouechofo nos suplicasies os mandasemos dar licencia, para poder ynpresir y priuilegio para le vender por tiepo de veinte años o como la nra merced fuesse, lo qual visto por los del nro consejo por quato e nel dicho libro se hizo la diligencia que la pregmatica por nos sobre ello fecha dispone fue acordado que deuamos mād dar esta nuestra cedula en la dichiarazō y nos tubimos lo por aien. Por la qual vos damos licencia y facultad para que por tiempo y espacio de diez años cumplidos primeros següientes que corran y se quenten des del dia de la data desta nra cedula en adelante vos o la persona que vro poder para ello obiere yno otra psona alguna podays ymprimir y vender el dicho libro que de suso fecha zeminciō y por la presente damos licencia y facultad a qualquier ynpresor destos nuestros Reynos que vos nōbraredes para que por esta vez lo pueda ymprimir con que despues de ympresso antes que se venda lo traiga al nuestro consejo juntamente con el original, que en el fue visto que barrubricada cada plana y firmado al fin del de Alonso de Vallejo nuestro scriuano de camara y vno de los que e nel nuestro consejo residē para que se vea si ladicha ympression esta conforme ael o traigais fe en publica forma en como por corrector nombrado por nos sebio y corregio la dicha impression con el dicho original y se imprimio cōforme ael y que quedan ansi mismo ympresas las herratas por el apuntadas para cada un libro de los que ansi fueren ympresos y seos tace el precio que por cada bolumen ubieredes de auer y mandamos que durante il dicho tiempo persona alguna sin vra licēcia no lo pueda ymprimir ni vender sopena que el q lo ynprimiere o bendiere aya perdido y pierda quales quier libros moldes y aparejos que del tu bierre, y mas yneurra en pena de cinquanta mill marauedis por cada vez que lo contrario hiziere, la qual dicha pena se a la tercia parte para el juez quelo sentenciare, y la otra tercia parte para nra camara y la otra tercia parte para el quelo denunciare y mandamos a los del nuestro cōsejo presidentes oydores d las nuestras audiencias y chācellarias alcaldes alguazilles de la nuestra casa y corte y a todos los corregidores asistētes gouernadores alcaldes mayores y ordinarios y otros jnezes e iusticias qualesquier de todas las ciudades Villas y lugares de los nuestros Reynos y señorios ansi a los que agora son como a los que seran de a qui adelante que vos guarden y cumplan esta nra cedula y merced que an si vos hazemos y contra el tenor y forma, de lo en ella cōtenido no vayan ni passen ni cōsientan yr ni pasar en manera alguna sopena dela nra merced y de diez mill marauedis para la nuestra camara fecha en. El pardo. a xxvij. dias del mes de Octubre de mille y quinientos y ochenta y quatro años.

Jo el Rey.

Por mandado de su Magestad.

Antonio de Erasso.

Secretario Vallejo.



FRANCISCVS
VALLESIVS
COVARRVBIANVS

AD PHILIPPVM SECVNDVM
Hispaniarum, & Indiarum Regem potentissi-
mum dominum suum.



*V*M tibi me meaꝑ omnia debeam
(Rex potentissime) non possum li-
brum quempiam in lucem emissu-
rus, de vlllo alio patrono cogitare.
Nam cum me tua maiestas deter-
ret, ea benignitas, & beneuolen-
tia, quam in primis expertus sum, inuitat. Tanto
igitur nomini dicatum volo librum de Sacra Philo-
sophia. Videbitur certè, estꝑ munusculum tenue,
tamen argumentum non indignum, est enim de ijs quæ
in sacris libris occurrunt, quæ ad Philosophiam per-
tinent: quo solo nomine, quæ tua est in res omnes sa-
cras pietas recipere non dedignaberis. Pondus meis
A 2 humeris

humeris impar esse scio, tamen conatus tales haud
quaquam possunt esse inutiles. Nam si quàm maxi-
me videbor in re tanta parum praestitisse; hac ipsa
causa alios prouocabo ut in argumento optimo & no-
uo, tractato tenuiter, laborent felicius. quod etiam
mihi debebitur quodammodo, qui quam alij percur-
rerent, viam indicauerim. Ergo Rex potentissime
& bonorum studiorum unicum praesidium faue his
inceptis, atque, si res exiget, etiam auctoritate de-
fende.

FRANCISCI VALLESII

De ijs,

*QUÆ SCRIPTA SVNT PHYSICE
in libris sacris; siue de sacra Philosophia.*

PROOEMIUM.



VA'M plurima occurrunt in libris sacris ad naturam pertinentia, quæ pleriq; sic censent accipienda, quasi sanctissimus Dei spiritus, nihil ad naturam pertinens, nobis voluerit interpretari; sed omnia ad salutem animarum referens, iuxta humanas sententias, Philosophorum, aut etiam vulgarium hominum, proposuerit. Veterum Philosophorum pleriq;, ad quorum manus sacri hi libri peruenerunt, eos legebant, velut alia quæuis Philosophica monumenta: atq; adeo ipsa Iudæorum, & Christianorum dogmata, velut singularis cuiusdam scholæ Philosophorum, examinabant, certabantq; de eorum probabilitate, conferentes cum alijs dogmatis: quæ fuerunt innumera. Ego diuina hæc eloquia, minimè ad naturæ interpretationem scripta esse, à viris Dei amicis, sancto afflatis spiritu, mihi persuadeo. quia vt testatum reliquit Ecclesiastes cap. i. naturæ arcana noluit Deus reuelare nobis (quod ad vitam æternam obtinendum, quam quis de natura teneat opi-

A . . . nio-

nionem, indifferens est) sed hanc occupationem pessimam, Philosophandi, dedit Deus filiis hominum, ut occuparentur in ea. Tamen, cum quædam in ipso sermonum ductu texantur naturalia, ea omnia verissima esse, existimo, utpote quæ, à summè verò Dei spiritu, dictata sint, & ab ipso naturæ autore fluxerint, quem latere nihil potuit. Velut profectò, contexta sunt in his libris quàm plurima, pertinentia ad historias, quæ & ipsa aliorum spectant, quàm ut antiquiorum facta, & gesta prælia, homines nouerint. Nemo tamen pius, & catholicæ ecclesiæ filius, putauerit, vel latum vnguem à veritate deuiare, aut rem, aliter ac narretur, gestam esse. Cur non ergo, eodem modo censeas de historia naturali? Nollit enim nos Deus naturales rerum causas, & ortus docere, utpote quas, nos certò scire, non adeo referat ad æternam salutem: atq; ob id, de illis ne edisserat, sed cum obiter aliquid attingit, cur nos decipiat? Certè decipi non potest, neq; decipere: siquidem summè sapiens, & bonus est. Atqui naturales rerum causas scire, ut non est ad salutem æternam necessarium, ita neq; quidquam lædit. Quapropter, ut neq; nobis Deum aperire, ita neq; cælare fuit necessarium. Ob hæc ego mihi persuadeo, atq; omnibus persuasum volo, ut omnem aliam doctrinam, quæ vera sit, ita naturalem, in his diuinis libris contineri: adeo, ut disciplinas omnes quàm plurimum iuuari posse sperem, si doctissimi viri, alijs perlustratis, in eis præcipuè laborent, sua quique tractantes. Nam veterrimi Philosophi, horum lectione sunt plurimum adiuti. proinde ego, perfectis iam in omnes auditorios Aristotelis de natura, & quàm plurimos Hippocratis, & Galeni de re medica, libros, commentarijs, quod Deus concefferit vitæ reliquum, statui in his philosophari. cum quoniam nulla alia ratione censeo certi quippiam de
natu-

naturalibus haberi posse; tum quia nescio quo modo eorum lectio, etiam historica, aut physica, animum pietate imbuit latenter. Quare huic lectioni, consecrare senectutem, equum est, putare, scripta esse mihi hactenus Philosophica, ad opinionem, hæc autem scribi ad veritatem. Horum enim autor, ipse est Deus, qui quoniam totius naturæ est principium & causa: constat interpretationem naturæ non aliunde posse melius incipere, quam ab ipso. Volo tamen hæc in Dei gloriam, potius quam mei nominis celebritatem, scripta, atq; rei tantæ difficultatem, & humanæ mentis debilitatem agnoscens, testor ante omnia, nihil me in hoc aut vlllo alio meorum operum asserere, nisi quatenus probetur à sancta Romana Ecclesia, penes quam veritas est, & sapientia. quæ, ut dicitur Prouerbiorum. 9. misit ancillas suas, hoc est, naturales scientias, ut vocarent in arcem. ut me nunc naturalis Philosophia vocat in arcem, & ciuitatis mœnia, hoc est, lectionem sacrorum, in quibus tamen ita versabor, ut à physicis quàm minimùm recedam; mihi enim magnopere probatur illud: ne futor ultra crepidas.

CAPVT PRIMVM GENESEOS.

” **I**N principio creauit Deus cœlum & terram.
” Terra autem erat inanis & vacua, & tene-
” bræ erant super faciem abyssi, & spiritus
” domini ferebatur super aquas. Dixitq; Deus,
” fiat lux. Et facta est lux. Et uidit Deus
” lucem quòd esset bona: & diuisit lucem
” à tenebris: appellauitq; lucem diem, & tenebras noctem;
” factumq; est vespere & mane dies vnus. Dixit quoq; Deus,
” fiat firmamentum in medio aquarum; & diuidat aquas ab

„ aquis. Et fecit Deus firmamentum, diuisitq; aquas, quæ erant
 „ sub firmamento, ab his quæ erant super firmamentum. Et
 „ factum est ita. vocauitq; Deus firmamentum, cœlum; & factum
 „ est uespere & mane dies secundus. Dixit verò Deus: congregetur
 „ tur aqua, quæ sub cœlo sunt, in locum unum; & appareat arida.
 „ & factum est ita. Et uocauit Deus aridam, terram; congregationesq;
 „ aquarum appellauit maria. Et vidit Deus quod esset bonum; &
 „ ait, germinet terra herbam virentem, & facientem semen,
 „ & lignum pomiferum faciens fructum iuxta genus suum,
 „ cuius semen in semetipso sit super terram. Et factum est ita.
 „ Et protulit terra herbam virentem, & facientem semen iuxta
 „ genus suum, lignumq; faciens fructum, & habens unum-
 „ quodq; seminem secundum speciem suam. Et vidit Deus quod
 „ esset bonum, & factum est uespere & mane dies tertius. Dixit au-
 „ tem Deus, fiant luminaria in firmamento cœli, & diuidant diem
 „ ac noctem, & sint in signa, & tempora, & dies, & annos, ut
 „ luceant in firmamento cœli, & illuminent terram; & factum est
 „ ita. Fecitq; Deus duo luminaria magna; luminare maius, ut
 „ præset diei, & luminare minus, ut præset nocti: & stel-
 „ las, & posuit eas Deus in firmamento cœli, ut lucerent su-
 „ per terram, & præset diei ac nocti, & diuiderent lucem ac
 „ tenebras. Et vidit Deus quod esset bonum; & factum est uespere &
 „ mane dies quartus. Dixitq; etiam Deus, producant aquæ
 „ reptile animæ uiuentis, & volatile super terram sub firma-
 „ mento cœli. creauitq; Deus cetera grandia, & omnem animam
 „ uiuentem atq; motabilem, quam produserant aquæ in spe-
 „ cies suas, & omne volatile secundum genus suum. Et vidit Deus
 „ quod esset bonum, benedixitq; eis, dicens, crescite & multi-
 „ plicamini, & replete aquas maris; auesq; multiplicentur su-
 „ per terram. Et factum est uespere & mane dies quintus: Di-
 „ xit quoq; Deus, producat terra animam uiuentem in genere
 luo

» suo ; iumenta , & reptilia , & bestias terræ , secundum species
» suas ; factumq; est ita . Et fecit Deus bestias terræ , iuxta spe-
» cies suas , & iumenta , & omne reptile terræ in genere suo.
» Et vidit Deus quòd esset bonum , & ait : faciamus homi-
» nem ad imaginem & similitudinem nostram , & præsit pisci-
» bus maris , & volatilibus cœli , & bestiis , vniuersaq; terræ ,
» omniq; reptili , quod mouetur in terra . Et creauit Deus homi-
» nem ad imaginem & similitudinem suam ; ad imaginem Dei
» creauit illum , masculum & foeminam creauit eos . Benedi-
» xitq; illis Deus , & ait , crescite & multiplicamini , & replete
» terram , & subiicite eam , & dominamini piscibus maris , &
» volatilibus cœli , & vniuersis animantibus , quæ mouentur su-
» per terram . Dixitq; Deus , Ecce dedi vobis omnem her-
» bam afferentem semen super terram , & vniuersa ligna , quæ
» habent in semetipsis sementem generis sui , vt sint vobis in
» escam , & cunctis animantibus terræ , omniq; volucris cœli ,
» & vniuersis , quæ mouentur in terra , & in quibus est anima
» viuens , vt habeant ad vescendum , & factum est ita . Viditq;
» Deus cuncta quæ fecerat , & erant valde bona , & factum est
» vespere & mane dies sextus .

Nihil magis controuertitur inter veteres Philosophos ,
quàm sit ne corporeus & aspectabilis mundus , principio tem-
poris carens , fueritq; semper qualis nunc esse conspicitur
itaq; semper fuerint , hæc Luna , hic Sol , hæc Astra , & aliæ
omnes mundi partes , quæcunq; videntur esse incorruptibi-
les , reliquarum verò species , æterna vicissitudine , seruatae
sint , & nunc seruentur : an aliquando inceperit , cùm aliquan-
do omnino non extiterit . rursus , an ab aliquo factus , ince-
perit , an per se ipsum casu constiterit . Atqui profecto , opti-
mum id mihi esse videtur totius physicæ exordium , si quis ve-
lit resolutiuum tenere ordinem , qui discentium naturæ magis
se ac-

se accommodat, ^{es} petitionibus minus indiget, quia incipit a postremis, de quibus primum omnium naturaliter contingit dubitare. Nihil autem est, quod prius homines natura dociles. cum primum ex puerili ignoratione incipiunt emergere, dubitent, & per se ipsos dubitando contendant inuestigare; Deo arbitror, ita volente, quia nulla disquisitio citius fert in Dei optimi maximi, mundi scilicet opificis, cognitionem. Plato & Pythagoras, factum esse mundum hunc aliquando à Deo, censent. atq; à nullo alio, quàm ab ipsomet Deo, a quo factus est, posse ad interitum deduci; interitum verò nunquam: sed Dei voluntate perseveraturum. ita tamen factum, ut non ex nihilo, sed ex rudi quadam materia, in qua sine ordine, omnia mundi huius exordia latitaue- rint. eam verò materiam factam esse nunquam, sed extitisse semper, & aliquando exornatam esse. Aristoteles ut nullus est futurus interitus mundi, ita nullum fuisse temporalem mundi ortum, sed eternam quandam à prima causa emanationem, & dependentiam. Epicurus, coepisse mundum, interiturumq; rursum, atq; utrumq; sæpe, fortuito, nunc coeuntibus aptè, nunc discedentibus corpusculis. Anaxagoras, temerario etiam congressu, sepe dissolutis, quæ ineptè coierant, aliquando aptè coniuncta esse corpuscula homogenea, bonasq; rerum formas non amplius dissolui, sed successiua generatione eternum seruari. Deus optimus maximus, in initio eorum, quos per eos, quos elegit in Prophetas, ad homines habuit sermones, nobis reuelat, mundum hunc a se factum esse, neq; extitisse semper. ut pijs iam hominibus dubitandi nullus relictus locus sit. Ut verò, naturalis etiam philosophia, & ipsa per sese humana mens, ad contemplandam Dei veritatem, suam exiguam conferat suppellectilem, enitendum nobis est eorum, quæ in his libris videbuntur
ad eam

adeam, aliqua ex parte, pertinere, naturales inuenire rationes. Præstabo quod potero, certò sciens, id ipsum, quantumcunq; erit, ab ipso esse Deo. Sententia Platonis, hoc solum dissidet à veritate: quòd ponit materiam æternam, à qua sit factus mundus temporalis. Cætera enim omnia vera sunt, & rationi congruentia, mundum scilicet hunc factum esse à Deo, ac proinde à nulla alia causa dissolui posse, quàm ab ipso Deo, ab eo verò posse, vt factus est, corrumpi. Plato dicit dissolui in ea, ex quibus est compactus: nos verò dicimus, posse à Deo in nihilum deduci, vt ex nihilo est factus. Itaq; in principio, id est, cùm nondum vllū fuisset tēpus, neq; vlla rerū corporearū extitisset, Deus, hoc est, prima causa, æterna, & immutabilis, fecit ex nihilo cælum, & terram, hoc est, totū hunc mūdi aspectabilis, & corporalis, orbem; qui etiam in nihilum reduci, ab eodem Deo posset, seruabitur verò in æternum, eadem bonitate, qua factus est. Verùm, quandoquidem multas continet assertiones propositus sermo, satius est sigillatim disputentur. Mundum hunc non esse ab eterno, sed incepisse aliquando, constare videtur posse. Nam eius sunt partes duplices (de solis agitur hīc corporibus. ne de insensibilibus disputatio incertas reddat monstrationes) quædam natura incorruptibiles, quæq; eodem numero persistunt, ut cœlestia corpora: quædam corruptibiles, & quæ similium successionē seruantur, alioqui defecturæ, vt homines, equi, arbores, ac deniq; omnia, quæ intra cælum oriuntur. Res corruptibiles non possunt ab eterno esse; sunt verò necessariae mundi partes: ergo neq; mundus omnino potest ab eterno esse. Propositio indicatur, quia res corruptibiles seruantur multitudine singularium ordine succedentium: multitudo verò non potest esse infinita actu, sed potentia; non potest ergo ea successio ab eterno venire (possit verò si Deus velit in
eter-

æternum abire) nàm nullum corruptibile potest durare nisi
 tempus finitum: ex finitis verò numero, & magnitudine, non
 potest constare nisi finitum: tempus verò ab æterno veniens,
 necessario fuisset infinitum. Ergo necesse esset, quodcunq; cor-
 ruptibile venire ab infinitis numero similibus. fuisset igitur
 infinitus numerus singularium. numerum verò infinitum esse
 actu, continet contradictionem; igitur fieri non potest, vt
 corruptibilium generatio veniat ab æterno. Vt verò in æter-
 num abeat, non repugnat, quia multitudo, adiectione fini-
 torum, & si adiectio nunquam cesset, nunquam fit infinita,
 nisi potentia: hoc est, quod nunquam finiatur neque ces-
 set adiectio: vt continuum potest diuidi diuisione nunquam
 finienda; tamen congectione singulorum, nunquam posset
 esset congecta multitudo infinita. Eadem ratione monstra-
 tur, neque corpora cœlestia ab æterno esse (nisi forte fue-
 runt æternum quiescentia, & cæperunt aliquando moueri)
 nam etsi neq; oriantur, neque intercant, mouentur semper
 successiuis circuitionibus. adiectione verò circuitionum con-
 stat earum numerus: quare esset iam numerus infinitus. Itaq;
 constat posse dierum successiua continuatione, ordinem
 durare in æternum si velit Deus, tamen venire ab æterno non
 posse; continetq; re vera contradictionem, æternum & prin-
 cipio carens esse, quod vnquam mutabile sit. Sed forte
 quispiam monstrationem non intelliget, & proteruiens di-
 cet, non posse esse numerum certum & infinitum, tamen pos-
 se esse multitudinem incertam infinitam. aut rursus, non
 posse esse infinitam multitudinem rerum simul existen-
 tium, posse tamen esse ordine præteritarum. Ob hanc enim
 causam, sunt qui dicant, repugnare, mundum ab æterno esse,
 & hominum animas immortales, timentes scilicet, ne infinitę
 iam animæ, æterna hominum generatione, collectæ sint.

Sed

Sed hi debiliter admodum intelligunt, quam contradictionem contineat, numerū esse infinitum. non enim refert, res, quarum est numerus, sint, an fuerint, nisi forte censent, ob id non posse esse eam rerum multitudinem infinitam, quod non sit locus quo capiantur, aut quibus nutriantur cibi. certè repugnantia in ipsius numeri natura est; qui, si numerus est, non potest non esse numerabilis, par aut impar, atq; ob id finitus. neq; potest esse numerus, qui non fiat adiectione vnitatis maior. infinito verò nihil maius. neq; minus est numerus rerum præteritarum, quàm præsentium. verè enim idem est numerus dierum præsentis anni, & superioris. neq; verò locus est dicendi, multitudinem esse quæ non sit numerus. multitudo enim omnis diuisibilis, & quanta: quanta verò quantitate discreta: quantitas verò discreta, & numerus, eadem res est: quapropter, multitudo, & si mihi possit esse incerta & innumerabilis, simpliciter verò, & in sese nulla potest esse, nisi certa & numerabilis. Verū propter imperitos, & proteruos, monstretur hoc idem, ducendo ad inconueniens. hæc enim ratio, facilius reuincit minus perspicaces. Pone contrarium, puta, ab æterno esse hunc Solem, & circa terram volutari, necesse est diem hodiernam ab infinitis diebus, ordine succedentibus, fluere. quapropter à superiorum dierum aliquibus, distabit hæc, tempus finitum, ab aliquibus, infinitum. nam si ab omnibus distaret finitum, totus ipse mundus habuisset initium: ab omnibus verò non distat infinitum (neq; enim ab hesternis) siigitur fuerunt dies à quibus hæc distat, infinitum tempus, ab illarum quacunq; incepit dierum numerus, qui additione vnitatum factus fuerit infinitus. quare si ab ea die cepisset fieri, ita vt singulis diebus pars proportionalis decederet, perfecta iam esset continui diuisio: si quidem facta esset diui-

fio infinita . atq; eadem ratione , qui ab hodierna die inciperet numerus aliquando esset euasurus infinitus , fieretq; infinitum ex finito additione finitorum : & esset infinitum inter duos fines , hanc scilicet diem , & illam à qua hæc distabat infinitum . Dices , non potest indicari dies , a qua hæc distaret infinitum . à te certè non possit . sed rogo , an fuerit aliqua? si enim nulla fuit , neq; mundus fuit ab æterno . sin autem fuit , ab illa incepit numerus . nam quæcunq; unitas , quæ non est vltima , inchoat numerum . Dices , continent contradictionem hæc , atq; ob id non potest intelligi dies quidam , à quo hic distauerit infinitum . Certè si fuerunt plures ; in multis non potuit non esse aliquis . quare si posito mundo ab æterno , fit necessariò vt plures dies fuerint , a quibus hic distet infinitum , & multis existentibus fit necessariò , vt eorum quiuis fuerit aliquis , à quo hic distet infinitum . & dato aliquo tali , sequuntur absurda , & contradictionem continentia , fit necessario , vt id quod primò ponebatur , puta mundum ab æterno existere , contineat contradictionem , & censeatur impossibile . nam ob absurdum , quod colligitur , tolli debet quod primum ponebatur , non quæ fiebant . nam si concedis id quod accipiebatur , & tollis aliquid eorum quæ fiebant , cogeris concedere duas assertiones contradicentes . quia non potes non concedere , quod fit ex eo quod admittis ; quia verò hoc idem tollis , concedes oppositū , & contradicens . Mūdus igitur non potuit esse ab æterno . Sed hætenus processit monstratio ex corruptibilibus mundi partibus , aut saltem mutationes aliquas subeuntibus . Sed si quis affirmet ortus & interitus , atq; omnino omnes mutationes , aliquando incepisse , tamen fuisse ab æterno , & ante omnem mutationem , æterna cælorum corpora , quiescentia , aut etiam corpora elementorum , ob
 cælo-

cœlorum quietem ab omni mutatione vacantia. itaque, præcipuas mundi partes, esse nunquam, moueri verò cœpisse aliquando, atque inde cœpisse initium ortus & interitus. qui, inquam, ita diceret; nunquid convinci posset? posset certè, hac ratione. Aut corpora illa, quæ eternùm quicuerunt, fuerunt facta ab eterno, aut omnino non fuerunt facta: neutrum verò esse potest verum: ergo neque omnino potuerunt esse ab æterno. Nam si facta omnino non sunt, sit ut sint per sese ab eterno, & esse proprio existentia. Quapropter nullum illorum ab alio pendeat, aut alio posterius sit, sed per sese sint, & operentur ab æterno (cùm operatio procedat à cuiusq; rei natura, & proprio esse) quare nulla illis prior causa sit (si enim hæc effecta ab alio non sunt, non sit vlla eorum causa) quapropter mundus hic vniuersus, neq; vnus erit, neq; totus, neq; perfectus, cùm non pendeat totus ab vnica virtute & causa, neq; causæ omnes, in vnam omnium primam, referantur: sed sint multæ mundi partes, à quibus non procedatur ad vllam aliam superiorem, & priorem. hoc verò fieri non potest. nam aut illæ partes habent aliquam naturam siue essentiam communem, aut omnino habent nihil commune. Ex adeo diuersis, ut nihil commune dicatur de illis, nulla ratione potest conflare vnum: nam neq; ordo esse potest inter omnino diuersa. ordo enim secundum aliquid commune est; dicimus enim inter Petrum & Franciscum ordinem quendam esse. iunioris, & senioris; quia Doctores sunt, quia hic antiquior, ille recentior est: & quia homines, quia hic iunior, ille senior; tamen quia Petrus homo, & Franciscus doctor; aut quia Petrus doctor, & Franciscus Burgenfis, nullus ordo est. quia hominis, & doctoris: aut doctoris, & Burgenfis, non est ulla communis ratio. si igitur dicas,

illas partes à nulla causa pendentes, neq; vlla posteriores, nihil habere commune, tollis omnino mundum, quo sublato, nihil est: nam mundus, neq; vnitate causæ primæ, neq; vnitæ essentiæ, neq; ordinis, erit vnus. si verò nulla ratione vnus est, neq; est omnino, quia ens, & vnum, conuertibiliter dicuntur. Si eò velis procedere stupiditatis, vt concedas mundum non esse ens, sed entia diuersa omnino, & æquiuocè dicta, mundum ponis rem omnium imperfectissimam; præterquam, quòd sensus ita dicere prohibet, cum vnica & omnium perfectissima rotius figura, & partium positio, esse cernatur. Si verò concedis partes illas mundi habere aliquam essentiam communem, constat, quandoquidem non sunt omnino eadem, habere eas aliquid commune, & aliquid diuersum. Est autem quod commune vnum: quæ diuersa multa. illud ergo commune, prius erit illis omnibus diuersis: si quidem ex eo consistant hæc. non ergo erant illæ partes, suo quæq; ordine, primæ causæ, sed pendebant illæ omnes ab aliqua priori causâ, à qua data erat eis communis illa essentia. Nullatenus ergo fieri potest, quin corpora omnia facta sint. Si verò facta sunt, non certè ab æterno tempore, sed aliquando. nam quod fit ex non ente fit, quod ergo factum, ex non ente est factum. Ergo antequam esset ens, fuit non ens, seu non fuit ens, non ergo fuit semper, & ab æterno ens, sed aliquando ens, aliquando non ens. quod enim semper fuit, nunquam est factum, quia quod fit non est. Neq; certè aliud est facere, quam ei quod non est, esse tribuere. Verùm hoc ita habere, hoc modo melius intelliges. Nemo dicet Solem nunc fieri à Deo, quia nunc Sol non fit. Si verò Sol ab æterno est, nunquam fiebat, magis quam nunc fit, quia nunquam erat minus, quàm nunc est. nullo ergo modo potest esse ab æterno, quod
factum

factum est. Siquidem ergo satis monstratum est mundum esse factum, constat non esse ab æterno, sed in principio temporis, simul scilicet cum corporibus incipiente motu, & cum motu nascente tempore. Itaq; in principio facta sunt cœlum & terra. Si verò facta sunt in principio, aut facta sunt à se ipsis sponte nature orientia, aut ab alio: à se ipsis non potuerunt: quia quod facit, est actu, quod fit, non est actu. non magis ergo potest aliquid facere se ipsum, quam esse simul & non esse. superest facta esse ab alio. illud verò aliud, aut erat factum, aut æternum. si factum, illud rursus fuerit factum ab alio, & illud ab alio, peruenietur ergo ad aliquod æternum, à quo sint facta omnia, aut ibitur in infinitum. Si permittis ire in infinitum, redibunt omnia argumenta, quibus monstrabatur non potuisse infinitas rerum generationes antecedere: ergo necesse est ponere æternum aliquod, & primum, à quo facta sint omnia, quæ facta sunt. illud verò quia æternum, sit primum, quia primum, simplex, & vnum, quod verò eiusmodi, omnes homines Deum esse dicunt. Deus igitur est, qui in principio fecit cœlum & terram. Sed quo pacto fecit? Latini nolunt legere, fecit, sed creauit, significantes hoc verbo, fecisse ex nihilo. quod etiam ipsum, videtur mihi monstrari posse eisdem argumētis. nam si fecit ex aliquo, aut illud aliquid factum fuit, aut non: si factum fuit, rursus rogabo an ex nihilo, an ex aliquo: si ex aliquo, de illo rogabo rursus, ibiturq; iterum in infinitum, & redibunt argumenta numeri infiniti: sin aliquando cepit rerum fabrica ex nihilo, hoc est quod asseritur: si verò illud nunquam est factum, redeunt argumenta eadem quæ de incorruptibilibus mundi partibus proferebantur eisdem igitur argumentis, quibus indicauius, mundum esse factum, indicatur factum esse ex nihilo. Adeo ridere lubet prestantissimi

mos illos Philosophos , qui ante mundi ortum , ponebant
 alij corpuscula , quæ in immenso spatio sine ordine voluta-
 rentur : alij hæc ipsa corpora , velut in conturbata miscel-
 la latitantia . quid hi faciebant lucri ? vt scilicet mundus ab
 æterno fuisset deformis , & aliquando exornaretur . an minus
 est absurditatis & repugnantia , in infinita multitudine mo-
 tionum inordinatarum , quàm ordine succedentium , & in
 eternitate corporis deformis , quàm pulchri ? an non satius
 erat pulchrum ab æterno ponere ? nam perfectio & pulchritu-
 do prior est ipsi esse : imperfectio & deformitas ; ipsi non
 esse . Ego certè hac in re laudo Aristotelem , quòd cum im-
 possibilitatem (vt ita dixerim) eternorum motuum , & cor-
 porum , non præuiderit , maluit ab æterno esse pulchram
 hanc mundi faciem , quàm aliquando ex æterna deformita-
 te emeruisse . oportuit verò ipsum æternitatem illam tempo-
 ris meditari , reperisset si quidem , vt neq; in corpore , neq; in
 loco (hæc enim ille demonstrauit) ita neq; in tempore infini-
 tatem esse potuisse : si quidem est etiam tempus quantum ,
 vt & corpus , & locus . si igitur omnia quanta finita , tempus
 quoq; totum finitum est , & erit . quare factus est aliquando
 mundus ex nihilo . Porro fieri aliquid album , est fieri quale ,
 fieri septipedale , est fieri quantum , huic loco accedere , est
 fieri hic , fieri verò hominem , aut equum , est fieri hoc : fie-
 ri mundum , est simpliciter fieri , aut fieri ens : quia neque
 est fieri hoc aut illud , neque quantum , neque quale , sed
 fieri simpliciter . vt ergo quale sit ex non tali , vt album
 ex non albo , quantum ex non tanto , vt tripedale ex non
 tripedali ; sic , ex non hîc existente : velut Complutum ve-
 nit , qui erat Toleti : hoc aliquid , ex non hoc , vt homo ex
 non homine . ita necesse est fieri simpliciter , ex simpliciter
 non ente ; atq; ita ex nihilo . respondebis fortasse Platonice ,
 factum

factum esse mundum ex non ente simpliciter, non tamen proinde ex nihilo. Sed neq; hoc dici potest nam si ponis illud, ex quo mundus est factus, quodq; ab æterno erat, qualem materiam primam fingimus, ea ne intelligi quidem sine omni forma potest, nedum esse. Si enim ea, mera potentia, omni actu vacua, erat, non poterat existere actu (nulla enim existentia sine essentia est) sed potentia, potens virtute diuina educi ex nihilo, vt ex ea corporales formæ virtute naturali educerentur: interim tamen, nihil existeret, præter ipsum Deum, qui in principio fecit cælum & terram, ex nulla materia. Sed quo pacto fecit? iubendo fieri. Hoc quoq; deridebant summi illi, & admirandi Philosophi, censentes Deum, velut fabrum quendam, aut figulum esse, neq; aliter, quam quædam contorquendo, quædam producendo, quædam pinſendo, & alia quædam machinando, sua opera effecisse: & quædam eorum per se, quædam per minores Deos. Verùm, si, vt monstratum est, fecit Deus omnia ex nihilo, constat, Deum ipsum per sese fecisse omnia, quia potentia infinita est ex nihilo facere, & ob id nulli finitæ virtuti poterat demandari. non potest verò esse virtus infinita nisi vnica, eaq; prima & summa. neq; enim in infinitis est maius. Si igitur fecit Deus ipse per sese omnia ex nihilo, non potuit facere aliter, quam iubendo: non enim educendo ex materia vlla, neq; aliquid machinando circa materiã, quæ erat nulla: neq; erat quod operi repugnaret; neq; quæ se minus ductilem præstaret; materia, quam elaboraret. nihil aliud esse potuit, illud facere, quam ex sua infinita fecunditate, bonitate, potentia, & sapientia infinita, quæ in eo vnica & simplicissima reſest, iubere, vt res fierent. esse autem primæ causæ fecunditatem infinitam, Hoc est facultatem faciendi ex nihilo; neq; indigere, vt faciat, materia vlla; idq; ponere

ponere, ob ipsius mundi integritatem & perfectionem, necessarium esse, in Physicis questionibus monstrauius: neq; pigebit nunc repetere. Certè non est perfectus & pulcher mundus, nisi omne quod sit pulchrum, sit aliqua bonitas quæ velit; & omne quod scibile, sit sapientia quæ sciat; & quod possibile potentia quæ possit. Nam quæ aliquid possibile non potuit, aut scibile ignorauit, aut pulchrum noluit, vel inuidit, mancum & imperfectum exierit opificium. ipsum verò pulchrum, aut scibile, nemo definit ad bonitatem volentis, aut scientiam scientis. Sed pulchrum est, quod rei cui accidit, ad propriam bonitatem obtinendam, perfectionem adiicit; & scibile, quod in se habet principium, vnde sciri possit: igitur neq; possibile, quod simpliciter dicitur & non ad aliquid, definiri debet ad potentiam. sed simpliciter possibile, est illud, quo facto & posito, nulla repugnantia sit, aut contradictio. tunc enim res per se se fuerit impossibilis, cum in ipsa est (vt ita dicamus) impossibilitas. externum verò quiddam fuerit, si ob id solum dicatur impossibilis, quod non sit causa quæ possit facere. Oportet igitur sit in rebus causa aliqua, quæ possit, quidquid in se se repugnantiam nullam continet. At verò fieri ex nihilo, non est simpliciter impossibile, sed impossibile cuidam virtuti finitæ, puta naturali. qua virtute esse aliam superiorem, & potentioorem, non est impossibile. Si igitur esse aliam virtutem maiorem omni natura, quæ possit facere ex nihilo, non est impossibile, est possibile: Si verò est possibile, est etiam necessarium. quia, vt Aristoteles acutissimè dicit. in æternis idem est quod possibile & quod necessarium. necesse est igitur esse Deum, cumq; per sese fecisse in principio temporis cælum & terram, iubendo vt ex nihilo fierent. neq; est quod quempiam perturbent aniles dubitationes.

birationes, quid faceret Deus solus, in illa eternitate otiosus? cur non fecerat hæc corpora multò antea? nam qui omnia habet intra se eminenter, nulla unquam recaret; qui sibi est sufficientissimus, nunquam est otiosus. Iam verò mundus si quidem factus est in principio temporis, cum in eternitate neq; sit prius neq; posterius, ~~non quia factus sit in principio~~ fieri verò non potuit ab æterno, ob contradictionem, quam aperuimus. non est ergo quod queramur non esse factum antea. Sed relictæ eternitate, accipies interrogationem à tempore, in quo est plus & minus, prius & posterius, rogabisq; cur ut est nunc mundus sex mille annorum, non est etiam decem mille, ut esset factus mundus quatuor millibus annorum, antequam factus est? ego te rursum rogo, an si ita esset factus, non esset hæc tua dubitatio? neq; rogares cur non esset factus prius? certè esset eadem. quid si centum mille nunc esset annorum mundus, ut aliquando erit, nisi intercipiatur tempus? esset certè eadem. quid si centies millenis mille? tunc quoq; si igitur nisi ab æterno fieret, non posset abesse hæc dubitatio; ab æterno verò fieri non potuit, ad quem potius pertineret momentum creationis indefinitum definire, ad te qui dubitas, an ad Deum qui fecit? meritò ergo fecit in principio. idque temporis principium fuit, cum ipso creationis. Videri possit, verbum illud, creare, non habere eam vim, quam diximus, sed esse utcumq; facere. si quidem dicitur, creauit Deus hominem. at verò non fecit eum ex nihilo, sed ex limo terræ. sed neq; alia viuientia fecit nisi ex terra, aut aqua. Diuus Augustinus censet, omnia esse creata simul eodem momento, seu in eodem nunc; illam verò partitionem dierum, nō significare partes temporis, sed distinctionem, & gradus quosdam naturæ rerum: atq; factum esse hominem ex terra,

non actu præexistente, sed existente potentia in ipso. velut
 cuius dicitur nostrum, verè factus ex quatuor elementis, ta-
 met si nulla terra, aut aqua, erat actu id, ex quo facti sumus, sed
 semen & sanguis. Itaq; ut vnico intuitu tota facies, & eius
 omnes partes, in speculo exprimuntur, ita vnica Iussione
 Dei, constituisse totam hanc corpoream molem, & in ea re-
 fulsisse illum diuinitatis fulgorem, quem vocamus naturam.
 ceterum quia non omnes sancti hoc ita intelligunt, alia re-
 sponsione est opus. De verbo, creare, ego ita censeo, creare
 duplex esse, alterum & præcipuum, ex nihilo facere: alte-
 rum sine materiæ dispositione facere. nam substantia non
 videtur aliter fieri posse, quam generatione, aut creatione.
 generatio verò non est nisi in materia disposita, quæ igitur
 sine materiæ dispositione est, creatio vocari debet. Qua-
 propter siue ex nihilo omnia, siue ex nihilo quædam, quæ-
 dam ex materia non disposita, sed iubendo fecit, om-
 nium est Deus effector & creator. Fecit verò Deus, omnia,
 quæ fecit, valde bona, id est, suis singula formis perfe-
 cta: quia ipse valde bonus est: & bonus omnia vult bona esse:
 quia nulla vnquam de re inuidia tangitur. vult ergo om-
 nia fieri valde bona, quoniam bonus; sciuit verò quæcunq;
 voluit: & potuit quæcunq; sciuit & voluit, quia ut est summè
 bonus, ita & summè sapiens & potens. Tria igitur sunt om-
 nium rerum principia; potentia, sapientia, & bonitas, quæ
 in prima causa vnicum, & idem principium est. Innumera
 alia continet præscriptum caput, de quibus, quia scio non
 posse me pro dignitate dicere, tacere malo, ac relinquere
 enarranda Theologis, quibus dedit Deus, in hoc sancta-
 rum scripturarum paradiso liberius versari. Apponam verò
 quam mihi Deus dederit, sex dierum enarrationem, hinc
 capto initio.

,, Vidit

- » Vidit (inquit) Deus quod esset bonum, & ait, germinet ter-
» ra herbam virentem, & facientem semen, & lignum po-
» miferum, faciens fructum iuxta genus suum, cuius semen
» in semetipso sit super terram, & factum est ita. & protu-
» lit terra herbam virentem, & facientem semen iuxta ge-
» nus suum, lignumq; faciens fructum, & habens vnum-
» quodque sementem iuxta speciem suam.

Videtur his verbis significari, nullam omnino esse herbam, neque plantam, quæ semen nō proferat: siquidem omnia quæ terra producit, videntur esse creata à Deo. at verò nihil videtur Deus iussisse ut germinaret terra, præter ea quæ semē proferunt. omnia ergo quæ terra germinat, semen proferunt. at verò videtur, huic assertioni experimentum repugnare: si quidem in arboribus Salix, Ulmus, Populus, & Fraxinus, & huiusmodi alia, nullum videntur habere semen. minutulæ & annuæ herbulæ, quibus præter omnia conuestiuntur, spontè nascuntur sine vlllo semine, & fungorum omnia genera, qui & ipsi nutrimentum & ortum ex terra capiunt. filici etiam nullus flos, nullus fructus est, teste Dioscoride, sine quibus semen nullum esse possit. Quid ergo, an hæc non sunt creata à Deo? certè creata sunt omnia à Deo, sed ut arbitror (nisi tamen aliter sancta censet Ecclesia, ita enim facile assentiar) non omnia eodem modo. nam rerum, quæ ortui & interitui sunt obnoxia, quædam non aliter generari possunt, quàm à suo simili: ut homo ab homine: equus ab equo; quædam vero dissimilium causarum concursu generantur per accidens, ut quæ generantur per putrescentiam, aut etià per concoctionem, aut per alterationes quasdam. quarum rerum generationes, non tam referuntur in vllam facientem causam, quæ proxima sit, quàm in materiæ dispositionem. velut aurum non gignitur ab auro, aut argentum ab

argento, aut omnino metallorum ullum ab eiusdem speciei
 alio; neq; lapis ullus à lapide. his enim rebus nulla seminalis
 virtus est, ut neq; ullis earū, quę vegetabilem non habent na-
 turam. Plantarum etiam & animalium multis accidit, ut per
 accidens, neq; à sui similibus generentur. atque in vtrisq;
 (plantis inquam & animalibus) est triplex differentia. quæ-
 dam enim (quę scilicet sunt perfectissima) non aliter quàm
 per se, & à sibi similibus generari possunt, ut homo, equus,
 bos, & elephas, & nux, prunus, & palma, & pomifera omnia:
 quędam (quę scilicet sunt vilissima) semper generantur per
 accidens; ut pediculi, & vermes, & fungi, & alga. quędam
 sunt inter hæc, perfectione etiam media, quę cum à simili-
 bus, & seminali vi generentur, sponte etiam nasci possunt; ut
 mures, qui habent vtranq; generationem, & vesparum, & lo-
 custarum, ac scarabeorum genera. Herbas etiam aliquas
 earum quę semen afferunt, sponte nasci, ac sine semine pos-
 se, omnes existimant, inde capto argumento, quod quibus-
 dam in terris, visę sint denuò, atque vbi nullę unquam ta-
 les fuerint innasci. velut Theophrastus, cap. 5. primi, de cau-
 sis plantarum, narrat, laserem aliquando in Apturea or-
 tum esse ex imbre quodam crasso, cum in ea mundi parte
 fuisset nunquam: atq; ibidem, siluam quandam ingentem
 profiluisse aliquando, vbi nulla antea fuisset. quanquā nō de-
 sunt, qui horum etiam euentuum quærunt seminalem cau-
 sam, velut Anaxagoras, qui censet ipsum aerem deferre ex
 alijs in alia loca semina, hincq; fieri, ut hominibus id non sen-
 tientibus, fiant generationes quędam alicubi, quę videan-
 tur esse spontaneę, cum tamen non sint. alij causantur inun-
 dationes confluxusq; aquarum, dicentes amnium diggres-
 sionibus fieri, ut semina ex alijs in alias partes deferantur.
 Sed & si hæc non ineptè dicantur, mihi videtur multo pro-
 babilius

babilius, si quidem in animalium genere sunt nonnulla, quæ utrunq; habent ortum, esse in plantis quàm plurimas. nam ex semine solum posse consistere, neque ullum habere accidentalem ortum, perfectioni tribuitur. at verò genus animalium perfectius multo, quàm plantarum est. plantæ ergo plures habent nascendi modos, neq; tam tenentur conditione nascendi ex semine, quàm animalia. quod rursus vel hoc argumento constat, quòd animalia perfectà, non aliter quàm ex semine nasci possunt; plantæ verò etiā hæ, quæ maximè semen proferunt, nascuntur etiā insitione, & plantatione, & germinatione, suntq; illis omnes hæ productiones per se. itaq; non est quòd videatur inopinabile, plantas plerasq; earum, quæ ex semine nascuntur, nasci posse spontè ex terræ & aquæ fecunditate solum, cum id accidere videamus animalium non paucis. quin potius existimo, quæ omni careant semine, esse perpaucas: quæ possint spontè nasci quàm plurimas. nam, ut Theophrastus rectè censet, latitare potius quàm non esse seminis naturam, est arbitrandum. velut in thimo est semen, quod sensu percipi nequit, & in salice, & ulmo, & eiusmodi alijs. sunt etiā quibus seminalis vis est in lachryma, ut iridi. atq; generatim, ut Theophrastus inquit, ea facilius, atque ex minori principio valent generari, quæ imperfectiora sunt. quamquam ergo verisimile sit, quàm plurimas, & herbas & arbores, quæ carere videantur, habere semina, ut de salice, & ulmo, dicebamus: non tamè proinde negandum, esse multas, quæ omnino non habeant, & nonnullas earum, quæ habent, sponte etiā oriri posse: cum illa triplex nascendi differentia notetur in animalibus, quæ genere quidem sunt perfectiora. ex dictis constat, res quasdam esse, quibus (nisi illas Deus in illo mundi exordio fecisset) necessario esset semper mundus cariturus

riturus aliàs verò, quæ, & si à principio factæ non essent, pos-
 sent deinceps, ex ipsis mundi elementis, naturaliter oriri.
 Nam elementorum, si vel vnum tollas, necesse tolli omnia,
 ac cum illis etiam concreta corpora. quia cum primæ contra-
 rietates, primò insint elementis, sintq; ipsæ elementorū natu-
 ræ, sublatis elementis, tolerentur cōtrarietates primæ. atq; his
 sublatis, tollerentur rerum omnium generationes. cū hę
 omnes agantur per alterationes mutuas, quę nascuntur a
 contrarietatibus. quòd verò sublato eorum quocunq;, ne-
 cesse sit tolli omnia elementa, constat: quoniam si frigus
 omnino non est, neq; calor sit. siquidem, si calfactio nulla
 esse potest, neq; calor omnino est. at verò si omnino non
 est frigus, neq; calfactio vlla est: neq; refrigeratio, nisi cal-
 lor: si quidem omnes contrarij motus, sunt inter eosdem ter-
 minos, contrario modo: vt calfactio à frigido in calidum; re-
 frigeratio à calido in frigidum. Necesse est igitur, quocun-
 que eorum sublato, alterum tolli. eadem ratio est humidi &
 sicci. Porro hę duę contrarietates, calidi & frigidi: humi-
 di & sicci, relationem quamdam habent ad sese, sunt enim
 primæ actiuæ, secundæ passiuæ. quapropter utręq; sine alijs,
 ad generationes rerum essent otiosæ & inutiles. omnes er-
 go necesse est, in mundi exordio extiterint: quare, & pri-
 ma corpora, quorum primæ illæ, seu virtutes, seu qualitates,
 sunt. necessariò ergo si modo futurus erat mundus, creata
 fuerint in initio elementa. quo autem modo, postea dice-
 mus. Iam verò cœlestia corpora multo magis, & propter se
 se; & propter alias mundi partes. propter sese; quandoqui-
 dem nisi diuina virtute essent in initio creata, cum nullum
 habeant ortum aut interitum naturalem, nunquam deinceps
 oriri possent: propter alia verò, quoniam cum omnis
 aliarum rerum virtus ab illis gubernetur, nullæ prorsus na-
 turalium

turalium mutationum sine illis esse possent. Necesse etiam est, fecerit Deus ab initio ea omnia animalia, atq; omnino viuentia, quæ ex solo semine, aut germinatione generationem habent. nisi enim in initio diuina virtute essent facta, nunquam deinceps oriri possent. vt neq; modò, si omnes homines, aut equi, aut leones moreretur, esset vnde rursus oriri possent. nimirum non habent aliam generationem quam ex semine. Ita etiam arbitror, si nuces omnes, cum toto nucum semine, perirent, mundus esset in posterum ea planta cariturus. at verò metalla, & lapides, & ea, siue animalia, siue plantas, quæ putrescentia quadam generari possunt, non par necessitas est, vt Deus fecerit ab initio: possent enim ipsa postea, ex rebus alijs naturaliter oriri. velut nunc gignitur mures & vermes, vbi nulli antea fuerint, atq; metallum quodcunq; , solis virtute, gignitur ex terra & aqua. quapropter, ne mundus his careret, minus videtur necessarium fuisse, vt Deus creandi vim apponeret, cum naturalis esset futura satis. atqui fortasse propositæ dubitationi iam respondimus, atq; ob hanc causam, non simpliciter dixit Deus, producat terra herbam virentem, sed virentem, & facientem semen, & lignum pomiferum faciens fructum iuxta genus suum: ac repetijt, cuius semine in semetipso sit super terra, hoc est, quod non aliter oriri ex terra possit, quam ex suo semine. fortasse etiam hanc ob causam, in tota mundi creatione, nulla fusiium, neq; gemarum, facta mentio est, sed tantum elementarium corporum, & cœlestium, & animalium natantium, & volantium, & terrestrium, & plantarum, quarum semen in semetipsis sit super terram, ac postremò hominis. quasi ex in initio creatis, reliqua essent naturaliter eruptura. neq; verò huic sententiæ repugnat, quod

18. cap. Ecclesiastici dicitur, Deus qui semper est fecit om-

nia

nia simul. verè enim fecit omnia simul in illo mundi initio, non tamen omnia eodem modo, sed alia quidem ipsa per se, alia in suis principijs. Extiterunt à principio omnes rerum formæ, alia quidem actu, alia potentia. quoniam iam inde omnes, aut erant actu, aut poterant naturaliter oriri. neq; quidem hoc durum videri cuiquam debet, quod in quibusdam exemplis videtur posse demonstrari. cum enim sint quædam animalcula, quæ non aliam, quam ex hominis morbis, ac excrementis, generationem habent, vt pediculi, lentes, & acarus, animalculum inquam illud omnium minimum, quod scabiei est initium (aratorem vocant vulgò, & vulgares chirurgi syronem) & lumbrici, tam lati, quàm rotundi, & ascarides vocati, & quædam alia animalcula innominata, quæ in quibusdam abscessibus, & in ossium carie reperta sunt, constat ea ab initio non extitisse: cum Adamus sine vlllo morbo creatus à Deo sit, atque adeo perstiterit vsq; dum peccauit. quod perfecta iam mundi creatione, euenit. Itaque res quasdam vilissimas, & quæ putrescentia tantùm fiunt, cuiusmodi quæ dicta sunt animalcula, & algam, quæ putrescente aqua in lacunis gignitur, quæq; sordes potius dicuntur quàm res, vt inquit Arist. non dubito post exactam mundi creationē pullulasse. an verò res alia, quæ adeo vires non sunt, poterant tamen naturaliter oriri, vt metalla, lapides, & viuientia, quæ vtrunque ortum habent, ex semine inquam, & spontaneum, intra sex primos dies ornandi mundi gratia extiterint, an non, sed postea orta sint: haud habeo quòd affirmem. Illud tamen mihi videtur probabilissimum, ea si in ipso mundi initio extiterunt, nō tam creatione, quàm properata generatione esse facta. nam receptissimum est illud Philosophorum axioma, naturam (multo magis Deum) nihil frustra facere. frustra vero apponeretur creatio, vbi generatio naturalis esset satis. poterat verò Deus optimus

mus Maximus, exornandi statim, ac perficiendi mundi gratia, earum omnium rerum ortum, alioqui naturalem, properare adeo, ut statim erumperent, cum creandis, & si non eodem ortus genere. neque verò proinde non esset ille naturalis ortus, quia aucta celeritas non mutat speciem motus. si enim lapis descenderet, eadem celeritate qua sol fertur, aut etiam prima sphaera, celeritas quidem illa, maior esset quàm pro lapidis natura, motus verò nihilominus naturalis. ut ergo tria rerum genera esse diximus, ita nunc tria earum initia ponimus. quædam enim initio creata esse, factaq; ex nihilo aut sine materiæ dispositione: quædam postea succreuisse; quædam, inter hæc, extitisse quidem in initio: ortu tamen naturali. Moses verò ea tantum videtur narrasse, quæ primo modo extiterunt, creata scilicet per sese, ac non solum per sua principia. nam primo die fecit elementorum corpora, & lucem. secundo fecit firmamentum, hoc est corpus illud totum cœleste, quod constat multis orbibus: tertio separavit aquam à terra, colligensque aquam in locum vnum fecit maria, terraque detecta creavit omne genus plantarum, quæ ex semine habent generationem: quarto fecit, Solē, Lunam, & Stellæ. & posuit in firmamento (ex eadem, arbitror, firmamenti substantia, non aliter ac hominem fecit ex terra) quinto fecit animalia omnia, natatilia & volatilia: sexto terrestria, cum quibus & hominem. At verò præter hæc, cōstat esse in mundo res quàm plurimas, quæ intra sex primos dies non extiterunt. vinum enim non esset, cum nulla antecessit vindemia: neque oleum, cum nondum tulæ oliuæ: neque mel, cum nondum apes mellificassent. nimirum hæc, & huiusmodi alia, creata sunt in suis principijs, ex quibus deinceps orta naturaliter sunt, ut etiam ex terra & aqua, fouentibus ea cœlestibus corporibus, aut intra ipsos sex dies, aut postea, orta sunt metalla, & lapides, & bitumina,

bitumina, & herbæ sponte nascentes, ac denique alia omnia, quæ non habent seminalem ortum, neque fiunt à similibus, sed concursione aliarum causarum, per accidens, producuntur. Videtur neque ignis facta esse, in hac narratione, mentio. quapropter existimare videtur quispiam posse, ne omnia quidem elementa facta esse in illo mundi exordio, sed tria tantum, ignem verò postea, concursione aliarum causarum, ortum esse. Iuvabit hanc opinionem antiquitas, quæ, ut aliarum rerum quam plurimum, ita etiam huius, quærit inventorem, quasi ignis non sit à principio in rebus, sed alicuius hominis industria, postmodum factus: scilicet, ut & vinum. Plinius narrat, ignem è silice, primum inventum esse à Pyrode, Cili-
cis filio: idem autor affirmat, primum esse inventum in Pyripile. Si igitur inventum hominum ignis est, non videtur à principio mundi extitisse. sed quo pacto potuit hic mundus constare, præstantissimo & efficacissimo carens elemento? Cū sint duæ mundi partes, altera humilior ac imperfectior, corporibus constans ortui & interitui obnoxijis: altera sublimior ac perfectior, cōstans corporibus incorruptibilibus. humilio-
rem & ignobiliorem, oportuit primò fieri, quasi fundamentum, & mundi exordium. natura enim ita comparatum est, ut principia sint viliora, atque ad perfectiora, in cuiusvis rei opificio, procedatur. atque illam quidem, oportuit primo fieri impolitam & incultam, postea exornari. ita enim & natura & ars procedit, ab obscuris quibusdam & rudibus delineamentis, ad exactiorem formam. neque verò non est hoc optimū argumentum: nam ut ars naturam imitatur, ita natura divinitatem, à qua fluxit. ut ergo artificialia opera imitantur naturalia, ita est rationi consonum, naturalia imitari divina opificia. Quapropter ex eo ordine, quem rerum natura tenet, rationem divini opificij volentes investigare, haud quaquam errabimus.

rabimus: ipse enim Deus est naturę parens. Proinde primo die, facta est tota generabilium & corruptibilium sphaera, constans elementorum corporibus, terra inquam, aqua, aëre, & igne: illis verò, neque puris, & syncerissimas naturas retinentibus, neque seorsum positis, & ordine collocatis, neque illustratis villo cœlesti lumine, sed intra obscurum aërem aqua & terra permixtis, atque intra hæc omnia, igne inuisibiliter incluso, qui inter cætera, fouebat aquas, reddebatque fluxiles, ne frigore concreverent, moxque, ac Cahos hoc extitit, fecit Deus lucem, per quam reddita sunt corpora illa aspestabilia, factusque est dies primus. verum vt hæc distinctius eloquamur, oportet quædam, de elementorum naturis, enarremus. Elementa prima, principijs rerum naturalium, materiæ inquam & formæ, à Deo proxima sunt, vt per sese, & omni mixtione vacantia, nullibi munda sint, aut fuerint vnquam, aut etiam esse possint. nam cum eorum naturæ definiantur per summas qualitates, & consistentia corporis, mixturam quandam desideret, & contrarij mixturam, quia mera humiditas nullam consistentiam haberet, mera siccitas nullam cōpactionem & continuitatem, nihil penitus syncerum existere in corporibus potest. Quapropter elementa prima intelliguntur, definitis seorsum eorum naturis, suntque potentia in rebus concretis, actu verò nullibi. quod quia intellexit Galenus, in com. primi de natura humana, elementis primis nullas formas substantiales attribuit, sed pro his, qualitates primas, affirmans ea constare ex materia prima, & calore, frigore, humore, aut siccitate, aut harum binis qualitatibus. itaque terra hæc quam incolimus, & aqua qua vtimur, aërque quem inspiramus, elementa mera non sunt, sed corpora, simplicissima eorum, quæ extant, & proxima elementorum naturis. quo factum est, vt eorum nomina dentur ipsis elementis, quę men-

te potius intelliguntur, quam re vera subsistunt. aut certè, si simplicium elementorum sunt illa nomina, priora hæc corpora, quæ videmus, non sunt appellanda hæc, sed, vt Plato dicit in Timeo, talia. nimirum non terra, sed terreum corpus: non aqua, sed aqueum: ita & aëreum, & igneum. ridiculum enim quod quidam pueriles Philosophi affirmant, oportere, vt quodcunque elementum sit alicubi purum, in proprijs scilicet regionibus. Vbi enim talis sit aqua? an in mari, vbi falsissima, & piscibus scatens? Elementa itaque prima, potentia sunt in corporibus, actu nusquam. neque verò expedit: ob concreta enim sunt illa necessaria: per se se nihil esset inutile. Verùm & si elementa actu non sint, maximè viget eorum natura in his elementis, quibus vtimur, terra inquã, aqua, aëre, & igne, quæ ordinem eum amant naturaliter, vt sint crassa sub tenuibus. atque proinde, sicubi confusa ac conturbata sunt, mox in imum mergitur terra, aërque emergit, & interfluit aqua. Ignis quoque, vt maximè communis Philosophorum opinio fert, effertur naturaliter in supremum locum, atque proinde proximum cælo locum tenet: aut, vt ego existimo, is solus inter omnia corpora, nullum potius locum præ alio amat, neque in vllum fertur, nisi per accidens, motu materiæ, quam occupat, aut tractus à lumine (ab hoc enim naturaliter trahitur) sed velut quædam mundani huius corporis anima, totum occupat, permeans per omnia, vt omnia fecundet, ac quodammodo viuificet. Nam cum omnes naturales ortus agantur concoctione quadam, quod caloris est opus, constat sine eo omnia futura sterilia: aquam præcipuè, quæ ab omnibus ferè Philosophis censetur esse primum frigidorum. vt verò ortus tribuuntur calori, vt efficienti causæ, ita tribuuntur humiditati crassiori, qualis aquea est, vt materiæ. atque hac ratione efficitur, vt aqua ob humiditatem crassam, qua abundat, sit

dat, sit velut mater omnis generationis: ignis verò pater per calorem. Rerum ergo generationes, maximè adscribi debent aquæ ab igne fœcundatæ. ita fit, vt nisi hæc duo adhibeantur principia, omnia steriliscant: velut terra, nisi irrigetur primum, ac deinde concalescat. Ipsum quoque mare, quod omnium mundi partium est fœcundissimum, vt mirabilis rerum, tam viuientium, quàm vita carentium, quæ in eo gignuntur, differentia indicat, si calore destitueretur, futurum esset penitus generationi ineptum, & cōcretum frigore. quin & tota mundi aqua, nisi, à quo concalescit, igne funderetur, futura esset glacies. Si enim primum frigidorum esse rectè dicitur, nulla frigiditas potest illi esse præter naturam. videmus verò eam aliquando concrefcere frigore: haberet ergo id secundum naturam semper, nisi aliquid accederet, quod funderet. quid verò aliud potius sit quam ignis, qui caloris omnis principium cum sit, fouet, atque fœcundat, facitque, animalium & aliarum rerum ortui & conseruationi, idoneam? at qui consentaneum est censere, aquam per hyemem, absentia ignis potius concrefcere, quàm præsentia frigidi aëris, vt putant, qui aërem statuunt primum frigidorum. verùm in eam, adeo dissidentem à communi sensu opinionem incidunt, quia hanc ignis, per res omnes delationem non assecuntur. Ignis itaque per omnia permeat, alimentum ab illis accipiens (quia sunt illi omnia substrata vt materia, vt mirus dixit Aristoteles) aquæ verò ab eo accipiunt colorem genitalem, & motum, ac fluxilitatem. Itaque igne fouente & incubante aquas, rerum omnium aguntur generationes. Hæc verò disertissimè docuit Hippocrates libro primo de dieta his verbis.

„ constituuntur quidem igitur tum animantia omnia alia, tum
„ homo ipse, ex duobus, differentibus quidem facultate, con-
„ cordibus verò & commodis vsu, igne inquam & aqua. hæc
autem

„ autem ambo simul sufficientia sunt, tum alijs omnibus, tum
 „ mutuo sibi ipsis. vtrunvis verò seorsum, neque sibi ipsi, neque
 „ ulli alteri sufficiens est. vim igitur ac facultatem vtrunque ip-
 „ sorum talem habet. ignis enim omnia per omnia mouere po-
 „ test; aqua verò omnia per omnia nutrire. particulatim verò
 „ vtrunque superat & superatur (hoc est pugnant mutuo in-
 „ ter se, vtroque eorum partim vincente, partim victo) ad sum-
 „ mum ac minimum quantum eius fieri potest, (hoc est plus
 „ aut minus, vt quodcunque eorum potest) neutrum enim su-
 „ perare penitus potest. hanc ob causam sanè, igni quidem, vbi
 „ ad extremitatem aquæ peruenerit (hoc est vbi penitus con-
 „ sumpta humiditas est) deficit alimentum (ita euanescit ignis
 „ cum ventum est ad cineres) euertitur igitur eo, vnde nutri-
 „ ri potest (hoc est serpit in alias materias, quærens alimen-
 „ tum) aqua verò vbi ad extremitatem ignis peruenit (hoc est
 „ vbi penitus exclusit ignem) deficit motus (quia concreuit in
 „ glaciem, fitque immobilis). vides quàm disertè Hippocra-
 „ tes dicat, aquam accipere fluxilitatem, motum, ac fecundita-
 „ tem ab igne; ignem verò ipsum ferri per omnia, atque ali-
 „ mentum ex omnium humiditate capere, & generationes om-
 „ nes his duobus principijs attribui. hoc idem est quod hîc in-
 „ sinuatur his verbis, Et spiritus Domini ferebatur super aquas,
 „ seu incubabat aquas, ambo enim hæc significat dictio hebrai-
 „ ca. insinuatur verò vtrunque, ignem scilicet ferri per aquas,
 „ eas quæ fouere ac incubare. merito verò spiritus appellatur,
 „ quia ignis, corporum omnium maximè, videtur ad spiritua-
 „ lium substantiarum naturam accedere. est enim tenuissimus,
 „ & visum ac omnino sensum fugiens, nisi cum, ob materiæ,
 „ quam occupat, densitatem, apparet, vt in ignito carbone, &
 „ fumo ardente. In his enim ipsis, cum rarefcunt, disparet, vt
 „ cum dissipatur fumus. contrà, cum eius ignis, qui intra nu-
 „ bem

berem inuisibilis continebatur, circumstanti frigore densatur materia, is emicat, abiens in fulgur, aut etiam fulmen. itaque est tenuissima quædam & insensibilis substantia, ut quædam eorum anima, per alia permeans, neque apparens, nisi cum densatur cum materia. hanc substantiam a principio fecit Deus. cum verò multo tempore homines igne non indigerent sensibili, utpotè neque carnibus vescerent, neque fructus assantes aut elixantes, eo caruerunt, usque dum inuenirent rationem retinendi eius in materia densa, in qua apparet, fieretque utensilis. Merito itaque inter corpora omnia hic maxime dicitur spiritus. Domini verò ob magnitudinem virtutis, & præstantiæ: est enim phrasis diuinæ scripturæ, Domini, aut Dei vocari, quæ magna, aut præstantia. hic igitur spiritus, hoc est hæc substantia tenuissima, ac perfectissima, ferebatur, incubans & fecundans aquas. per hunc spiritum factæ sunt aquæ fluxiles, alioqui futuræ, ut diximus, concretæ. in quam sententiam dictum est illud psalmi, flabit spiritus eius, & fluent aquæ. sed quia Physici nunquam acquiescunt ullis dogmatis, sine monstrazione, hanc adhibeamus oportet, quoad nostra fieri possit, indicemusque, ignem, non habere ullam regionem, in quam seorsum feratur, separatus ab alijs corporibus. Primum quidem illa, quam Hippocrates adhibuit, non levis est, procedit enim ab experimento. siquidem videmus nullibi ignem manere, nisi illi suppetat materia unde alatur, eaque consumpta statim deficere, ut dissipato fumo & consumpto oleo, flammam; siccat is usque ad cineres lignis, prunas. at verò in sua regione seorsum ab alijs omnibus positus, omni alimento esset destitutus. sed ex motu eius corporis, multo evidentius monstratur, quod propositum est. si enim supremum appeteret locum, in eum ferretur naturaliter. si autem ferretur, efferret etiam secum alia, quæcunque ei essent agglutina-

tinata : atque ut lignum, quod ob naturalem raritatem, aëris nonnihil habet inclusum, ascendit per aquam, ita etiam quod ignitum esset, ascenderet per aërem (tanto enim lævior esset ignis aëre, quanto aër aqua) at verò non ita fit: euolarent enim ex prunarijs aut foco prunæ omnes : ut scilicet magnæ etiam trabes emergunt è profundissimo flumine : tantum autem abest, ut quæ sunt imbuta igne, euolent, ut ne tantillum illis ignis ponderis detrahat. frustum enim ferri aut lapidis ignitum, non minus deprimit lancem quàm frigens, nisi quid substantiæ decisum illi sit, dum vreretur. non ergo ignis sursum potius fertur quàm deorsum, sed materiam, sequitur, atque cum densis, lapillis, ferro, aut carbonibus, descendit : cum exhalatione ignita, qui fumus ardens est, ascendit : compareret verò dum densam tenet materiam, ea extenuata, aut dissipata, disparet. sed & ex usu, in quem res omnes naturales semper diriguntur, constare videtur posse, quod asserimus. quem enim rebus usum præstaret ignis, supremam mundi regionem tenens, seiunctus à reliquis corporibus? non enim calorem, cum media regio frigidior quàm infima esse cognoscatur, actiones verò naturales contingant per medium : si ne calore verò nihil præstare possit. at verò permeans per alia omnia, calfacit, &, ut dictum est, liquat, fundit, ac mouet : quædam alia densat, concoquit, atque ad ortum deducit, atque in humoribus quos elaborat, omnis naturalis ortus parens est. At dices, id me falsò igneo calori tribuere, quod sit solaris; igneum enim, potius vrere, ac per siccitatem in marcorem trahere omnia, & interitum. Ita est sanè, solaris calor est qui hæc præstat, ipse verò solaris calor, nihil est aliud quàm calor ignis, solis fulgore, quo naturaliter trahitur, ut ita dixerim, modificatus. nam sol, cum sit corpus incorruptibile, necessario sit expers qualitatum cor-

ruptiuo-

ruptiuarum, caloris, inquam, frigoris, humoris, ac siccitatis, non possit ergo calfacere, nisi per aliud, & accidente quodam. Quid verò sit illud, cuius accessu calorem inferat, potiusquàm, quod à Philosophis omnibus statuitur, per se, ac primo calidum? Si enim Sol per accidens calidus est, ignis verò quòd primò ac per se, necesse est causam caloris illius, ad hunc referri. est verò hoc ipsius etiam ignis naturæ valde congruens. Cùm enim inter elementaria corpora, igneum solum cœlestem imitetur fulgorem: ipsum verò ita, vt pluri-
 » la verba capitis primi Ecclesiastes. Oritur Sol, & occidit, &
 » ad locum suum reuertitur, ibique renascens, gyrat per me-
 » ridiem, & flectitur ad aquilonem. Iustrans vniuersa in circui-
 » tu, pergit spiritus, & in circulos suos reuertitur. His verbis
 » apertè dicitur, spiritum illum, què indicatum est esse ignem,
 » circuire simul cum ipso Sole: nam nomine spiritus, non est
 » verisimile, vocari Solem ipsum. nam præterquam quòd ef-
 » set repetitio inutilis, vocari ita non potest: nam neque quod
 » tenuis, neque quod inuisibilis, neque quod animatus &
 » viuens, cùm nihil horum sit. circuit itaque ignis, vt ipse
 » Sol, estque eius comes. Quo fit, vt dies, atque omnino
 » lux omnis, calida: nox, atque omnino tenebræ, frigida
 » sint. hic ipse igitur est solaris calor, qui cùm ad materiam
 » accedit moderatus, coquit, ac nutrit: alioqui, si copiosus,
 » atque destitutus humore accedit, etiam vrit; vt non raro
 » messes, ante tempus, ob pluuiæ inopiam, & defectum etc-
 » siarum.

liarum. Vnde rursum constat, non esse aliam diuinitatem
 solari calori, sed eundem penitus esse & igneum. Itaq; mul-
 tis iam argumentis probabilissimum effecimus, ignem esse
 illum spiritum domini, qui in ipso mundi exordio, genera-
 tionum præstans initium, incubabat aquas. est verò ignis
 symbolum diuini amoris, qui Deus ipse est. vnde sublimior
 alius, qui ad me non spectat, nascitur sensus. His positis,
 ad enarrationem primæ diei, videmur iam posse accedere.
 In principio, hoc est in ipso temporis initio, creauit (hoc est
 fecit de nouo ex nullis præexistentibus) cœlum & terram.
 cœli nomen, tum in tota scriptura diuina, tum in hoc ipso
 capite, significat aërem, aut incorruptibile illud & maximum
 corpus, quod superstat. Constat verò, siquidem dicitur, do-
 minamini piscibus maris & volatilibus cœli. non sunt autem
 volatilia, nisi in aëre. & iterum, vocauit Deus firmamentum
 cœlum. Firmamentum verò non est aër, sed firmum illud,
 æternum, & stabile corpus, in quo posuit Deus duo lumina-
 ria, & stellas omnes. cum autem duo hæc significare possit
 ea vox, in narratione diei primæ significat aërem, quia fir-
 mamentum fecit Deus in die secunda. Fecit itaque Deus in
 primæ die aërem & terram, vt verò insinuet, non hæc duo
 solum elementa facta esse in illa die, neque hæc ante alia, sed
 quatuor corpora simul, velut vnum Chaos: addit, Erat au-
 tem terra inanis & vacua, & tenebræ super faciem abyssi, hoc
 est, aquarum: & spiritus Domini, hoc est ignis, ferebatur su-
 per aquas. itaque cum primùm fecit cœlum & terram, fecit
 & abyssum & ignem, erantque ea in prima illa die adeo con-
 fusa ac conturbata, vt terra cōmixta cum aqua intra ipsum aër
 esset. cum verò aquæ maior quàm terræ moles sit, secundum
 superficiem videbatur esse tota aqua, vt quoddam lutum,
 atque ita erat terra inanis, hoc est nulla gignens ex sese ani-
 malia,

malia, & vacua, hoc est nullis plantis ornata: & erant tenebrę
super faciem abyssi, qui scilicet tenebat intra se totam ter-
ram. nam cū essent iam corpora, quę lucem poterant re-
cipere, nondum habebant tamen, constat esse tenebras. ignis
verò inuisibiliter permeabat per aquas, fecundare iam inde
eas incipiens, ac prohibens quominus concreverent, vt gelu.
hęc cū ita haberent, creauit Deus lucem, per quam ea cor-
pora in conspectum venire posse ceperunt. diuisitque Deus
lucem à tenebris, quia non illuminauit totam eam molem
æquę, sed ab altera superficie apposito lumine, ab opposita
corpus ipsum faciebat tenebras, vt & nunc. gyrante verò lu-
mine totum id corpus, factus est vespere & mane dies vnus.
In die secundo fecit Deus firmamentum, firmum inquam
illud & solidum cęli corpus, neque diuisionem, neque rari-
tatem, neque omnino alterationem vllam recipiens corru-
ptiuam: posuitque illud firmamentum in medio aquarum,
fecitque vt diuideret aquas ab aquis, eas scilicet quę sunt sub
firmamento, ab ijs quę supra firmamentum. De his aquis,
quę supra firmamentum sunt, dubitatur quàm plurimum.
Sunt qui dicant aquas supra firmamentum, vocari eas, quę
pluendo decidunt in terram, illasque, ab his quę supra ter-
ram sunt, separari cęlo; hoc est aëre. verum falluntur, quia
& si cęli nomen de aëre, & de superno illo & incorruptibili
corpore dici possit, firmamenti verò non ita. sed firmamen-
tum illud solum est, in quo sunt luminaria & stellę. itaque
haud dubiè supra cęlum sunt alię aquę. sed quo pacto? su-
pra cęlum enim hoc, quod conspiciamus; nihil aliud esse po-
test, quàm sedes Beatorum; quam quidem tanto præstantio-
rem, & mutationis minus participem esse oportet, quàm cę-
lum; quantò cęlū ipsum quàm elementaria corpora. quare
vt elementaria sunt morus & alterationis participia, cęlestia

motus solius, ita sedē Beatorum esse oportet corpus purissimum, & mutationis, & omnis motus expers. at verò si aqua esset, aut ex aqua, recipere posset alterationem, atque à contrarijs pati, siquidem frigus & humiditatem haberet naturaliter, & contrarias illis qualitates, posset, præter naturam, recipere: certè eodem argumento, quo Aristoteles monstravit, altra non esse ignea, monstratur cœlum illud supremum aqueum non esse. sed ut fatemur, cœlum & astra ignea esse, igne quodam cœlesti, qui præstantioris quàm elementaris est naturæ, fulgore solum referens illum, non etiam calore, & siccitate, ita dicemus, cœlum illud, quod plurimi hanc ob causam vocant chrystallinum, aqueum esse, aqua quadam cœlesti, quæ puritate aquam resferat, non tamen frigore aut humore. atqui nomen ignis & aquæ, non propriè dicuntur de vtrisque, sed analogia quadam, ut sit duplex ignis (non genere sed secundum analogiam) elementaris & cœlestis, & aqua quoque duplex. Ut itaque astra vocamus æthereos ignes, ita quod supra firmamentum est, vocamus cœlestes aquas, aut aquas, quæ supra cœlos sunt, quas in psalmo inuitat David ad laudes Domini. duobus itaque diebus fecit Deus elementaria corpora, & totum cœlum: duobus sequentibus exornauit: postremis duobus repleuit ea animalibus. exornauit verò prius eam mundi partem, quā prius fecerat, (elementarem inquam) dixit itaque Deus congregentur aquæ, quæ sub cœlo sunt in locum vnum, & appareat arida, & vocauit Deus aridam terram, & congregationes aquarum maria. hæc congregatio aquarum in locum vnum, ita ut terræ facies appareret, ac nunc appareat, celebratur plurimum in sacris eloquijs, quasi argumentum maximum potentiae Dei. mirum enim est, ut quod supra naturam esse videatur, terram grauiorem multo & minorem aqua, ab ea non obrui, turgentisque

tesque & elatissimos maris fluctus, intra certos fines se se continere, neque in totam terram quæ longo interuallo subistere videtur, se se effundere. Verum hoc æquè est argumentum sapientiæ & potentiæ. non enim violentia continet Deus terram supra aquas, aut cohibet aquas quominus fluant, sed ita composuit ab initio, vt naturaliter eueniat, sitque, nisi Deus disponat aliter, in æternum citra violentiam, duraturum. nimirum fecit, non quidem terræ solius globum (hic enim necessario aut innataret, aut sub aqua totus mergeretur) sed ex terra & aqua globum vnicum, cuius centrum, mundi etiã centrum est: non ita, vt eiusdem globi medietas altera, aut pars tertia terræ sit, reliquum aquæ (ita enim etiam mergeretur terra sub aqua) sed terra & aqua ita se se continent mutuò, vt vtriusque sit idem centrum, quod & totius mundi. id verò sit terra integrum globum reddente, cum verò non solidum, sed maxima parte interius, & ad superficiem, cauum: amplissimasque illas cauitates replente aqua. quo fit vt terræ facies & maris, eiusdem globi sint superficies. vt verò non corruat in se se tota terra, & in mundi medium subsidens, exprimat aquam, cum sit cauitatibus plena, causa est, longè maior soliditas, quam habet in profundis, quàm ad superficiem. quod ijs qui aperiunt puteos, aut defodiunt mineralia, liquidò constat: cum non multò infra superficiem sentiatur lapidescere. fecit ergo Deus in terra ingentes sinus, intra quos colligi iussit aquas, vt appareret arida: atque vt id ita manere posset, iecit firmissima fundamenta terræ. Postea terram exornauit herbis virentibus, ac facientibus semen, & arboribus pomiferis, & omnibus quorum semen in semet ipsis est, vt antea explicuimus. Die quarta fecit Deus duo luminaria, Solem scilicet & Lunam, & Stellas omnes, posuitque astra ea omnia in firmamento, vt diuiderent diem ac noctem, & essent

essent in signa, & tempora, & dies, & annos. Quoniam in firmamento posita sunt astra, constat facta esse ex ipsa firmamenti substantia: alioqui necesse esset eam firmamenti partem, quæ erat ubi quodcunque astrum positum est, redderetam esse in nihilum, cum cæli partes abscedere non possent aliæ ab alijs, vt denuo nascentibus astris loco cederent, & indiuisibiles sint natura, & neque densitatem, neque rarefactionem recipere possint. at verò Deus, nihil vnquam eorum quæ fecit, redegit in nihilum. fecit ergo luminaria illa ex substantia firmamenti. Quoniam autem inquit, vt essent in signa & tempora dies & annos, qui astrologiæ iudiciariæ sunt studiosi, accipere hinc tentant argumentum certitudinis, dicentes, Deum fecisse astra vt essent in signa, hoc est significationem præberent mortalibus imminentium casuum, verum, quia ea astrologiæ pars vanitatis insimulatur, à plerisq; pijslimorum & sapientissimorum, satius est intelligere, dictum esse in signa & tempora, quasi in signa temporum. nimirum motus astrorum, præcipuè Solis & Lunæ, definiunt tēpora. vt dies est circuitio solaris: hora, vigesima quarta eius circuitiois pars, annus motus integer Solis per totum Zodiacum: mensis motus Solis per vnicum Zodiaci signum, aut motus Lunæ per totum Zodiacum. tempora etiam quatuor anni definiuntur accessu & recessu Solis. nimirum tempus, vt Arist. docet, est numerus qui numeratur motu: motus verò est numerus, quo numeratur tempus. vt numerantur horæ per transgressionem gnomonis à lineis ad lineas; & dies per circuitiones Solis. non tamen quia fecit Deus astra in signa temporum, statuendum est, vt vulgus Philosophorum censet, tempus ipsum esse motum cæli. nam vt Plato inquit, tempus est imago æternitatis, in numero fluens. quod idem alijs verbis dixit Aristoteles, Æternitatem esse nunc stans, tempus

tempus verò nunc fluens. ille verò fluxus, seu illa duratio, quod ipsum tempus est, non aliter numerari potest, quàm per motum. In motibus autem, nullus tam idoneus calculus est, quàm cœlestis, ac præcipue solaris, quia maximè omnium regularis, & incommutabilis, vt minimè possit calculus fallere. omnibus etiam mortalibus idem conspicuus, vt nullum aliud habere possit mundus totus, commune horologium. Scimus tamen numerari etiam vtcunque horas clepsydris: quin & menses & annos horologio Ianeli. verum est, hæc omnia horologia ad primum illud referri, vtpotè ad priorem, stabiliorem, & sui similiorem: atque nisi ad illud referantur, non posse esse certam computationem temporis: cùm alij omnes motus sint irregulares, & in subiecto corruptibili. nihilominus in quocunque motu est duratio numerabilis, quod tempus est. Quapropter nullam repugnantiam continet, fuisse ante cœlum diem, & ante Solem, tres. sed si hæc vocantur luminaria, quasi luminis fontes, factaq; sunt vt separent diem à nocte, diuidantq; in dies, quo pacto potuerit esse lux tres dies ante Solem? ipsi dies quo pacto potuerunt numerari? Quod quidem id fieri potuerit, nulli videri debet dubium, quia quæcunque potest Deus facere per causam secundam, facere potest per sese. Si enim rectè monstratum est antea (vt certè mihi videtur) factū esse hunc mundum ex nihilo, constat Deum à quo factus est, nulla, ad quidpiam faciendum, indigere secunda causa: siquidem neq; ad faciendum totum, indiguit vlla materia. At verò cur ita fecerit, ac non potius Solem principio, ac per eum lucem & dies, dignum consideratione est. primum quidem, pro hac dubitatione non est satis dicere, quod multi, ijque gravissimi sacra scripturæ interpretes, dicunt, omnes mundi partes factas esse simul in eodem instanti. Nam etsi ita esse conce-

concedatur, est necesse, hac serie narrationis, ordinem aliquem indicari naturæ. non enim temerè hæc dicuntur ante illa facta, cùm præcipuè etiam dierum numero distinguatur ille ordo. Si ergo quæ prius facta dicuntur, priora etiam esse natura oportet, nulla necessitas cogit affirmare, in eodem instanti facta esse, quin potius consentaneum magis esse videtur, mundum in tempore futurum, temporalem habere creationem: atque in eam, hebdomadam vnâ insumi, quandoquidem omnia sæcula, multitudine hebdomadarum, constant. vnitas ergo hebdomadis, meritò sit principium multitudinis hebdomadarum, hoc est omnium sæculorum. neque verò hoc vllam arguit primæ causæ debilitatem. nō enim eam causam naturalem ponimus, quæque faciat semper quantum potest, sed liberam & sapientissimam, quæ facit vt maximè expedit, atque omnia pulcherrima & concinna, in numero, pondere, & mensura. Quapropter verba illa capituli 18. Ecclesiastici, qui, viuit in æternum creauit omnia simul, ego ita interpretor, Creatâ esse omnia intra illam hebdomadam, perfectumque esse mundum, ita vt nulla eius pars princeps, quæque à creatione habitura esset initium, deesset. Nam vt initio capituli secundi dicitur, perfecti sunt cæli, & terra, & omnis ornatus eorum, compleuitque Deus die sexta opus suum. quibus verbis faciliè refelli potest sententia quorundam Astrologorum, qui stellam illam, quæ superiori anno, qui erat septuagesimus tertius supra millesimum & quingentesimum, aparere cepit in genu Cassiopeæ, durauitque per magnam præsentis anni partem, affirmarunt esse nouam, creatamque denuo: non minus quàm deceptus est Hipparchus, nouam stellam suo æud se putans deprehendisse: quod narrat Plinius libro 2. cap. 2. nondum enim fuisset perfectus omnis ornatus cælorum, si illa stella in hoc
vsque

vsque seculum caruisset mundus, essetque iam mutilus nunc, ex quo desijt apparere. Itaque fuisset nunc, & creatio, & annihilatio, cum scriptum sit tertio capite Ecclesiastes, didici quòd omnia opera Dei perseverent in perpetuum. durasset verò illa stella minus anno. Rem profecto fuisse admiratione dignissimam, vel ex opinionibus, in quas viri doctissimi coniecti sunt, intelliges. Cùm enim nullam stellam primæ magnitudinis, qualis ea esse videbatur, ibi unquam extitisse scirent, videretur verò, quicquid id esset quod appareret, supra Solem esse, quod nullam haberet paralaxim: alij stellam quidem esse, eamque nouam, affirmabant: alij (facilius hoc rati) esse cometam genitum intra ipsum cœlum, atque inde agnosci, cœlum non esse alterationis incapax, ut censetur. sed, quia hoc mihi durissimum videtur, illud prorsus falsum, censeo stellam illam à mundi principio ibidem extitisse, ac nunc extare, exiguam adeo, ut videri, nisi debilitate, non possit: tuncque visam esse increfcere vsque ad primam magnitudinem, ob aliquam medij mutationem: quæ tandiu durauit. cùm enim cœli partes non sint æquè crassæ, ut via lactea, & Lunę maculę & ipsa alstra indicant, fieri potuit, ut ea stella, per proprium stelliferi motum, inciderit in partem aliquam proximi cœli, densiorem reliquis: per quam densatum lumen, maioris stellę exhiberet speciem, deinceps verò inde decedens, videretur esse minor. ut nunc quidem, aliquando videtur exigua, aliquando nulla, ut aer habet. Facta itaque sunt omnia simul intra primam hebdomadam, sed alia ante alia, ut ego existimo, non natura solum, sed etiam tempore. cur verò lux ante Solem, rursus dicere aggrediamur. Sol non illustrat totum hunc orbem, sed eam solum partem, quę motui subiecta est. nam quandoquidem in quarto orbe situs est, substantque illi tres tantum, super-

stant verò plures: si quidem planetarum alij tres, insuperque stellatus, & nona sphaera, atque qui his superstant, tanto sunt crassiores, quanto sublimiores, constat Solis splendorem non posse sedem Beatorum attingere, aut adeo languidum, ut illa futura esset obscura. constat verò eam non posse esse lumine vacuam, quia cum corpus luminis receptivum sit, esset in tenebris; si lumine careret. quid verò magis absurdum, quàm putare Beatorum sedem tenebrosam esse, aut omnino parum lucidam, idque lumine ab imperfectiori mundi parte emendicato? cùm enim sint tres mundi partes, superna, ima, & media: media tanto imperfectior est quàm suprema, quanto perfectior quàm infima. media est cœlum quod movetur, corruptioni verò non est obnoxium; suprema verò est cœlum purissimum, & omni vacans motu, in quo sunt etiam beatam ducentia vitam, ut Aristoteles dicit. absurdum ergo illam aut lumine carere, aut ab imperfectiori emendicare. non est ergo ita, sed tanto est fulgentior quàm solaris orbis, quanto sublimior: idque lumen

» a Sole non accipit, sed ab ipso supernæ illius civitatis rege

» Deo, ut scriptum est capite penultimo Apocalypsis, ubi ita

» habetur. Et civitas non eget Sole neque Luna, ut luceant in ea. nam claritas Dei illuminavit illam, & lucerna eius est agnus. Sed neque in hoc mundi orbe, qui subiacet mutationibus, est omnis lux à Sole. nam ignis etiam effundit lucem, & animalium etiam oculi, præcipuè quorundam. hoc si ita est, constat lucē priorem esse naturā Sole. quia nō potest esse Sol sine luce, potest tamen esse lux sine Sole, ut in sede Beatorum, & ab igne. Si igitur lux prior est Sole, & alterum ante alterum fieri oportuit, consentaneum erat fieri lucem ante Solem. oportuisse verò non fieri simul, hinc rursus constabit. Consentaneum est rationi, idque ordo exigit, ut

in om-

in omni structura, seu opificio, procedatur ab imperfectioribus ad perfectiora. non decuit igitur Solem, præstantissimum huius corporei & mobilis mundi membrum, ante alia creari: quin potius, omnem corruptibilem partem, & cælum ipsum, fieri prius. lucem verò in ipsa prima die fieri oportuit. quia, ut dictum antea est, hæc tribuit rebus vitâ, ignem, generationum omnium parentem, per omnia circunducendo. Si ergo melius fuit, ab ipso principio generationis, incipere aquarum fœcunditatem, ipsamque rerum naturam pullulare, quàm per tres dies esse omnia otiosa, tenebrosa, & Chaos, satius profectò fuit, in medio hebdomadæ fieri Solem, in medio aliorum, ut omnium regem collocandum, ut lucem tueretur, impertireturque alijs omnibus corporibus: lucem verò fieri à primo die, ut mundi vitam, dumque nondum erat Sol, ab ipso mundi parente pendere: non aliter ac in hominis cuiusque ortu (qui non hac solum in re, sed in multis alijs, similis est ortui totius mundi) euenit, ante corrigini umbilicum & hepar, & in illis facultatem esse vitalem, pendentem à matre, tametsi in animali iam integro, non aliunde quàm à corde ea facultas esse potest. ita inquam, lux quæ in mundo iam perfectò, à Sole pender, in illo inchoato, pendeat à Parente. Usque ad diem quartam, ita actum est. Creatis iam in quatuor primis diebus, omnibus quæ vita carent (dictum enim antea est, plantas esse virentes, non viuentes) processum est ad viuentia: natantia, & volantia, die quinta: sexta, serpentia, & progredientia. quorum vltimus factus est homo, ut omnium rector, & dominus; nisi ipse paulo post, veri Domini imperium detrectando, è domino fecisset seruum. Itaque duobus primis diebus fecit duas mundi partes, sphaeram hanc corporum corruptibilium, & illam incorruptibilem. neutram verò exornauit, neque perfecit.

duobus sequentibus exornauit eas, eodem ordine quò fecerat, corruptibilem, separando elementa; vestiendoque terram omni fructicum genere: incorruptibilem, luminaribus, velut gemmis, exornando. duobus vltimis creauit viuentium omnia genera: aquatilia primùm: deinde terrena. atqui, quoniam primis duobus diebus, nihil fecit perfectum & exornatum, cum in singulis sequentium quatuor dicat Moses, & vidit Deus quòd esset bonum, primò & secundo die id non dixit: scilicet, quod factum fuerat primò & secundo die, nondum erat bonum, id est perfectum, & plenè exornatum, sed imperfectum & inchoatum. Quoniam verò primo die fecit lucem, quæ, vt dictum est, natura prior est Sole, ac proinde nulla creatura corporali posterior, sed suo genere perfecta, hanc laudare oportuit. Proinde in primi diei narratione, Moses non dixit, vidit Deus quòd esset bonum: sed vidit Deus lucem quòd esset bona. reliquum verò eius diei opificium non laudauit, neque omnino quòd factum est die secundo. Occurrere possit hîc dubitatio, cur vt totius mundi fabricam ab imperfectioribus inchoauit, non ita singulorum, & animalium & arborum, primùm quidem semina creans, deinde ex illis ipsa nasci iubens. huius verò causa est, quòd semen generationis est causa, ipsum verò generare animalium perfectiorum (eadem est ratio arborum) est: quapropter naturalis ordo poscebat, vt semina post perfecta hierent animalia. est enim homo hominis causa præcipua & effectrix, semen instrumentalis & materialis. naturaliter verò prior est causa præcipua, quàm instrumentum: & effectrix quàm materia. Porro animal quodcunque, prius esse natura quàm suum semen, docet Aristoteles cap. 7. duodecimi Metaphysicorum, his verbis. sperma namq; ex alijs prioribus perfectus est, neque sperma primum est, sed quod perfectum

factum est, veluti hominē dices priorem spermate esse, non
 „ illum qui ex eo generatur, sed alium ex quo ipsum sperma est
 hanc ipsam ob causam, factus est vir ante mulierem, vt ca-
 „ pite vndecimo epistolæ primæ Pauli ad Corinthios dicitur.
 „ Non enim vir ex muliere est, sed mulier ex viro. etenim non
 est creatus vir propter mulierem, sed mulier propter virum.
 Videri possint alicui, verba hæc, physice consideranti, im-
 probabile aliquid, & ijs quæ secundum naturam eueniunt ad-
 uersum, continere. Siquidem non videtur rationi conso-
 num, idem esse, ex quo & propter quod aliquid fiat. nam id
 ex quo, videtur pertinere ad materiam: propter quod, ad fi-
 nem, & cuius gratia. materia verò & finis in causis, videntur
 plurimum dissidere. alterum enim est quid imperfectissimum,
 puta materia: alterum quid perfectissimum, optimum,
 & diuinissimum, puta finis. quomodo igitur colligit
 Dicitur Paulus, vir ex muliere factus est, quia mulier facta est
 propter virum? imo verò videtur melius fortasse dicturus, vir
 factus est ex muliere, quia mulier propter virum: vt scilicet
 ligna congerimus propter ignem, quia ignis ex lignis fit.
 quapropter videtur, neque hoc dici satis physice, neque se-
 cundum naturæ rerum conditionem effectum esse, quod c.
 2. Geneseos narratur, vt scilicet vir fieret ante feminam: sed
 oportuisse, vt femina velut imperfectius quiddam, con-
 staret prius, ac deinceps opificio crescente, & perfectionem
 consequente, ex ea fieret vir. vt, scilicet, sit prius embrio, &
 deinde ex illo homo. hæc certè fuit sententia Pythagorico-
 rum, & Pseusippi, qui dictis argumentis, vt narrat Aristo-
 teles duodecimo Metaphysicorum, cap. 7. censebant semen
 naturā prius esse animaliaut planta, quæ ex illo fieret. quia,
 vt illis videbatur, quod optimum & pulcherrimum, non po-
 test esse in principio, sed potius ex tenuibus principijs inchoa-
 re, res

ræ res, perfectiores euadunt. quapropter iuxta horum sen-
 tentiam, neq; arbores, arbusta, & herbas virentes, oportuit
 fieri in principio, sed eorum semina, atq; ex eis illa deinceps:
 neq; virum ante foeminam, sed foeminam primum, & ex ea
 virum deinde nasci. si enim alterum ex altero fieri oportebat,
 ac non ambos simul, vicem viri supplere Deum fecundantem
 mulierem, vt nasceretur vir, erat magis consentaneum, quàm
 foeminæ, vt ex viro nasceretur foemina. hoc enim passionis &
 imperfectionis est, illud efficacis & perfectionis. Videtur
 huic opinioni fauere, opificium totius mundi, quod ab inanimatis
 ad vtcunque viuientia, & ab his ad sentientia & ab his ad
 rationalem processit creaturam, atque omnino ab imperfectioribus
 ad perfectiora. Cur non igitur perinde in singulis rerum generibus
 factum sit? hæc videntur pro Pythagoricis & Pleusippo dici posse,
 & præscriptis verbis Diui Pauli oblici. Nihilominus Aristoteles
 loco citato ex Metaphysicis, contrariam statuit assertionem, scilicet,
 quid optimum & pulcherrimum esse rerum principium. quod quidem
 primum in vniuersitate manifestum est. quia non aliter quàm
 participatione boni, quod inest primo facta esse possunt reliqua
 omnia. nam, aut mundus hic totus ab æterno extat qualis nunc
 est, aut aliquando factus est, cum antea non extiterit. non posse
 esse ab æterno quippiam, eorum, quæ commutationis, aut vtcunq;
 motus aliquis sunt receptiua, monstratum antea est. superest ergo,
 aut omnino nihil ab æterno esse, aut solum principium aliquod
 impatibile, atq; immobile. vt omnino nihil fuerit ab æterno,
 fieri non potest. quia nulla potentia, neque actiua neque passiu
 præexistente, ne intelligi quidem potest, effectum esse aliquid.
 Quando igitur mundus hic corporalis, quem conspiciamus, est nunc,
 non est autem ab æterno, necesse

cesse est aliqua actiua, aut passiuā, aut utraque, ab æterno existerint. passiuā siue actiua necesse quidem potest, quia fieri non potest, quod nulla res potest facere. effectiuam igitur virtutem fuisse ab æterno necesse est, siquidem factus est mundus. illi autem virtuti nihil potuit esse coæternum extra ipsam, quia essent duo per se entia diuersa natura: ita verò neque maneret mundi vnitas neque perfectio, neque omnino mundus. nulla ergo erat ab æterno futuri mundi materia, alioqui esset dualitas in principio, quod fieri non poterat. quia non potest esse dualitas, qua non sit prior aliqua vnitas. omnium ergo primum fuit quod vnum, idque fuit virtus omnium effectrix, sine vlla materia. nulla ergo ex re fecit, sed ex se ipso. constat verò quod non ex se vt ex materia, siquidem nihil habebat passiuæ potentia, sed vt ex exemplari. vtraque ergo ratione constat, illud principium esse quod summum bonum, & quia fecit omnia præcipuè ex nulla materia; & quia ex se ipso vt exemplari. nam si fecit, habuit in sese actu bona omnia, quæ reliqua poterant recipere. quod enim facit, facit quā actu habet id, quod accipit, id quod fit. si verò ex nulla materia, virtutis infinita erat. omnis enim finita, certæ cuiusdam materiae dispositionis necessitate tenetur. Si igitur aliarum omnium rerum habuit perfectiones omnes, & virtute infinita est, certè nullam admittit imperfectionem. quia imperfectio omnis perfectionem aliquam excludit. vbi ergo nulla perfectio deest, nulla est imperfectio. illud ergo ex quo vt exemplari, & vt effectrice causa, facta est rerum vniuersitas, omnium est optimum. si autem omnium optimum, necesse est, & omnium esse finem, siquidem finis omnium in bono est, & ipsa bonitas est ratio finis, & cuius gratia. necesse est ergo illud ipsum exemplar ex quo facta sunt omnia, fecisse omnia propter seipsum, propter bonum scilicet.

scilicet. quod capite. 16. Prouerbiorum apertè dicitur; his
 » verbis. Omnia propter seipsum operatus est Deus. Siqui-
 » dem igitur ipse ex seipso vt ex exemplari, propter seipsum fe-
 » cit, verissimè dicitur cap. 22. Apocalypsis, Ego sum .α. & .ω.
 principium & finis. Itaque in vniuersitate, constat princi-
 pium esse quod optimum, atque inde reliqua deriuari. Sed
 in quocunque rerum genere perinde habet, estque, quod
 perfectius & melius, etiam prius. velut arbor & homo (ea-
 dem est ratio cuiuscunque viuientis; seu virentis cuius est
 semen iuxta genus suum) prior est semine: semen verò
 posterius quiddam. nam illud est generationis instrumen-
 tum, generatio verò est perfecti seu animalis, seu om-
 nino vegetabilis, actio. Vt igitur natura prius est quod vti-
 tur, quàm id quo vtitur, & artifex quàm instrumentum,
 ita ipsum animal quàm semen. hoc verò, vt posterius quid-
 dam, ex illo deciditur. ita etiam in sexu euenit. mas enim vt
 perfectior, ita prior natura est quàm fœmina. nam cum eius-
 dem sint naturæ, loloque discreta sexu, sitque sexus fœmi-
 neus, vt Aristoteles docet. 4. de generatione animalium, læ-
 sio quædam, & quoddam detrimentum, seu, vt quis dixe-
 rit, quædam mutatio virilis sexus, constat fœminæ genera-
 tionem esse velut mutilationem, & debilitationem viri. con-
 stat verò necessariò, quod integrum & perfectum, prius
 esse quàm debile & mutilatum. quia quod mutilatum, fit in-
 tegri mutilatione. vt ergo homo sanus natura prior est quàm
 mancus: quia hic fit, illo hoc modo læso; ita secundum na-
 turam effectum est, vt si quod fuit totius generis initium,
 id esset à mare, illo verò percusso fœmina fieret, vt debilius
 quiddam, necessarium tamen propter ipsum virum. nimi-
 rum vir est quod firmum, & proinde efficax, fœmina quod
 debile, ac proinde receptiuum, & pati idoneum. finis autem
 est in

est in eo quod melius. igitur fit, ut, velut in re quacunque natura constanti: materia propter formam est, forma verò causa efficiens & finis, ita in quocunque genere cuius est sexus, mas sit causa præcipuè effectiua & finis, fœmina verò, qua fœmina sit, passiva. dixi qua fœmina: quia si quæ illi vis est & efficacia, id masculinæ perfectionis inest participatione, ut fœminæ verò sola debilitas, patibilitas, & mutilatio. nimirum mas & fœmina idem animal est, facit verò fœminam defectus, quare quâ tali, nihil efficaciam, sed sola passio inest. Cùm igitur causarum omnium, intentione prima sit finis, effectiois autem ordine, quæ efficit, constat marem naturæ ordine esse priorem fœmina, quia efficit, & intentione, quia fœmina propter virum. Si enim solis viris posset constare humanum genus, neque indigeret sexu debiliore ad generationem, omnino nullæ factæ essent mulieres (nisi forte per impotentiam ut monstra quædam) illud enim nostri principium, quod & summum bonum esse indicauimus, boni gratia semper operatur, bonaque omnia esse vult. si ergo fœmina facta est propter virum, ut propter optimum sui generis, oportet verò principium esse quod optimum, constat appositissimè atque admodum philosophicè dictum esse à Diuo Paulo, mulierem factam ex viro quia propter virum, maximèque congruere hæc cum Aristotelica doctrina ex. 1. 2. Metaphysico. neque verò ex dictis difficile sit respondere Pythagoricorum argumentis & Pseusippi. id enim quod dicunt (principium scilicet rerum esse quod imperfectissimum & minimum) de materiali principio solum verè dicitur, ut sit panis ex frumento, & ex cemento domus. nos verò de principio effectiuo intelligimus & exemplari, quod idem indicatum est esse finem & cuius gratia. homo ergo factus est ex vilissimo principio ut materia, ex limo inquam terræ, tamen

ut effectiuo ex diuino exemplari, per quod, & cuius gratia facta sunt omnia. fœmina uerò ex uiro, propter quem etiam facta est: quia non erat bonum esse eum solum, utpotè perituum, nisi per debilitatem mulieris, facta conceptione similitum, conseruaretur. est enim, ut loco citato Diuus Paulus dicit, mulier ex uiro, uir tamen non sine muliere, sed per mulierem. omnino enim & à principio, fœmina ex uiro, deinceps autem per singulos, uiri per mulieres seruantur. itaque hominis ortus (ita autem & aliarum rerum omnium natura constantium) ex uilissimo principio materiali incepit, ex effectiuo uerò optimo & sui generis præstantissimo, à quo & propter quod factus est. ita & tota rerum uniuersitas ab imperfectissimis sui partibus, ut reliquorum omnium futura materia incohata est, effecta autè est per optimum illud æternum & diuinissimum principium, ex quo etiam ut exemplari, & propter quod facta sunt omnia. Neque uerò (ut obijciebatur) si fecit Deus alterum ex altero, ut fœminam ex uiro, necesse est alterius uicem suppleuisse. neque enim ex uiri perfecti semine fieri mulierem uoluit, utpotè quam non oportuit esse filiam uiri, (ne deinde ex turpi congressu inciperet generatio naturalis) sed ex latere decidam, ut sociam, & alteram hominis partem, quasi uir & fœmina eadem caro futura esset, & alter idem. utrunque itaque fecit ipse Deus, non tamen æquè primò, sed alterum ex altero, ut ex quodam principio perfectiori, & exemplari. nimirum ut fecit virum ad imaginem & similitudinem suam, ita mulierem ad imaginem & similitudinem uiri, atque proinde, ut caput uiri est Deus per Christum, ita caput mulieris est vir: atque quoniam vir ex Deo, & fœmina ex uiro suam accepit perfectionem, meritò vir gloria Dei est, & fœmina gloria uiri, ut scilicet filius patris, & discipulus magistri; & optimum quodque

quodque opificium artificis, & cuiusque imaginis pulchritudo, sui exemplaris. cur igitur arbores, fructus, & herbæ, facta sint antequam sua semina, & vir ante mulierem, curque mulier ex viri latere decisa, dicta utcunque est naturalis causa. non enim spero me, vel minima ex parte consequi posse, quæ in his & alijs sacrae scripturae locis latent, vel quæ ad solam naturam spectant arcana, de quibus solis est hæc commentatio. altiora enim quæ hic sunt sacramenta, perquirent Theologi, quorum altissimis contemplationibus humiliores has nostras servare volumus, ut viro foeminam. Succedit verò mox dictis dubitatio, cur siquidem monstratum est, sexum masculinum natura priorem esse foeminino, quod hic velut ex illo mutilato fiat, non perinde Deus in alijs animantibus efficiendis se gessit, atque in homine, masculos scilicet efficiens prius, & ex illis foeminas, sed nulla sexus distinctione, aquis terræque imperavit dicens, Producant aque reptile animæ viventis, & natatile & volatile super terram sub firmamento cœli. & rursus, Producat terra animam viventem in genere suo, iumenta, & reptibilia, & bestias terræ, secundum species suas? certè non in vno aut altero, sed in omni genere viventium, quibus est sexus differentia, mas, ut perfectior, ita est natura prior quàm foemina. nimirum ut singulorum animalium sunt duo latera, dextrum & sinistrum, quorum dextrum & perfectius, & prius est quàm sinistrum, (definitur. n. dextrum mouendi principio, sinistrum fine) ita cuiusque generis talis est duplex sexus, masculinusque perfectior est & natura prior. neque certè exemplum est valde dissimile. nam ut à dextro incipit animalis progressio, & sinistro finitur, ita generatio à mare inchoatur, & perficitur in muliere. itaque ut dextrum sinistro, ita masculinum foeminino prius est. tamen satis fuit id in vnius, eiusque præstantissimi animantis

ortu indicare , in alijs multo magis præstitit materialem si-
 gnificari naturam , nihilq; in illis esse Diuinum , & supra cor-
 poralem essentialem separabile , & immortale , vt in homine ,
 sed ea omnia , secundum se tota , educi de potentia materiæ.
 „ Hoc enim significans dicit . Producant aquæ reptibile , & na-
 „ tatile , & volatile super terram , & terra producat iumenta , &
 „ reptilia , & bestias . hominem verò , etsi ex terra fecit , non ta-
 „ men iussit terræ vt produceret , sed ipse apud sese Deus sta-
 „ tuit illum facere , dicens . Faciamus hominem . vsque adeo
 „ habent magnam energiam verba singula . Sed hîc rursûm
 dubitatio alia subit . Cur volatilia ex aqua potius fecerit quàm
 ex terra , cûm præter quædam illorum genera , perpauca sint
 quæ submergantur aut natent , omnia verò terræ insideant ,
 cum cessant à volatu , ibique nidificent , dormiant , oua incu-
 bent , pullos excutiant . si igitur inde animantia fieri oport-
 uit vbi viuunt , ex terra potiusquam ex aqua uidentur de-
 buisse fieri volatilia , aut saltem ex aëre : ex aqua verò minimè ,
 vtpotè in quam eorum plurima nunquam descendunt . ma-
 ximè cûm plurima eorum victum ex terra capiant (perpauca
 enim eorum sunt ichthyophaga , vt aquilæ vnum genus) Hip-
 pocrates . n . & medici omnes uno ore affirmât , ex eisdem nos
 fieri , quibus nutrimur . Præterea si substantiâ eorum & tem-
 periem consideres , uidebuntur ex terra potius quàm aqua es-
 se facta . tametsi enim magna ex parte tenuior substantia est
 uolatilium quàm terrestrium , tamen eorum quædam durio-
 rem & crassio rem habere uidentur quàm horum multa , ut
 uultur & accipitrum genera , quàm arietes , atque adeo omnia
 in commune , ut sunt quàm terrestria tenuiora , ita & siccio-
 ra . siccitas uerò plurimum dissidet ab aquæ natura , à terra
 non dissidet . Sed quoniam terra ut sicca , ita & crassa est , quod
 tenue & siccum igneum potius uidetur . Congruit ergo uo-
 latilium

latilium natura cum igne maximè, cum terra aliquatenus, cum aqua minimè. facta ergo fuerint, si habitaculū spectes, ex aëre: si temperiem, ex igne: sin minus, ex terra: cum qua utraque ratione conueniunt ex parte, nimirum partim uiuentia in ea, & partim illi temperie similia, secundum siccitatem scilicet: ex aqua uerò nulla ratione uidentur fuisse efficienda. Esse qualem diximus eorum naturam, ex Hippocrate licet discere, qui libro 6. Epidemicôn sectione sexta, inquit, bilis ut dicebam de auibus, quod biliosæ. quo pacto ergo potuerint biliosam naturam ex qua recipere? Medici quoque omnes, carnes uolatilium censent esse tenuiores & sicciores. quin & ganeones testimonium tali naturæ præbent quidam enim eorum non satis assis uescuntur, nulli uerò nisi cum sunt pingues: ut scilicet læui assatione, & pinguedine, temperetur naturalis earum carniū siccitas. unde ergo quis coniectet, aues esse ex aqua natas? Aristoteles capit. 4. libri 4. Meteororū indicauit, in igne aut aëre nullum animal gigni, sed in aqua aut terra omnia, eo quòd corpora omnia solida, ex sicci & humidi crassi commistione, generentur, quæ sunt terræ: & aquæ atq; ita corpora omnia cōcreta, aut ad aquam, aut ad terrā pertinere, quod ad substantiæ modum attinet: Itaque tametsi ponantur elementa quatuor, corpora uerò solida, ex crassis esse: ex tenuibus, aëre inquam & igne, accedere illis temperamenta & uirtutes. siquidem igitur ex quocunque quatuor elementorum animalia fieri possent, aëriuaga ex aëre fieri, fuisset consentaneum: cum uerò id aëris substantia non ferat, consentaneum mox è duobus crassis, ex quibus fiunt omnia, ex eo maximè facta esse quod aëri est proximum. eiūsmodi est aqua. Nolo nunc de aëris temperie differere, neque difficilem contentionem ingredi. Stoici enim affirmant esse summè frigidum Peripatetici summè ferè

ferè calidum. Mihi semper vilus est nihil esse insigniter, sed
 temperatum quiddam, & mediocre. sed hoc nunc habeat
 utcunque commutandi facilitate proximam esse dico aquam
 aëri, idque ob substantiæ modum. nam aqua in aërem abit
 extenuata, & aër in aquam densatus, nulla intercedente ge-
 neratione, nisi fortè vaporis. facta itaque dicimus volucris
 in aërem euolutura ex aqua, ut ex ipsius aëris materia futura.
 ut etiam ex aqua vapores, ipsius aëris proxima materia. ita
 enim euolant etiam ex aqua vapores, ipsius aëris materia fu-
 turi; nisi rursum densati in pluuiam præueniant descendere
 Diuus Augustinus. lib. 2. de Genesi. ad literam, addit, volati-
 lia non volare per sublimem aërem, qui serenus, tranquillusq;
 est: sed per hunc turbidum & crassum, terræ proximum qui
 excipit vapores omnes terræ & maris, & in quo pluuiæ con-
 crescent. ita ut ea eius pars, aqua potius extenuata, quam
 aer esse uideatur. atque ita principium ex quo sunt factæ
 aues, & habitaculum earum, simile ac ferè idem esse. insinuat
 ergo Augustinus, natatilia & volatilia facta esse ex aqua: illa
 verò ex crassa quæ in mari fluctuat; hæc extenui, quæ in aëre
 volitat. tamen corpulentia auium crassum etiam desiderat
 principium: iuxta id quod ex Aristotele accepimus. neque
 verò quia non sunt volatilia temperie aquæ, non sunt facta
 ex illa. non enim ex similibus res fiunt, sed ex cōtrarijs, & ea
 non fiunt ex manente tali, sed ex alterata aqua. exemplo est
 sal, qui nō solum ex aqua fit, sed etiam in eam facile emollitus
 soluitur, tamē temperie est siccus & calidus. Itaq; ex aqua facta
 sunt natatilia, & uolatilia: illa uerò ex minus alterata, hæc ex al-
 terata magis: proinde pisces temperamēto etiam sunt similes
 aquæ. aues contrariæ: tenuior verò substantia quàm terre-
 stribus vtrisque est. Attestantur huic communi ortui multa,
 quæ piscibus & auibus communia sunt, quibus à terrestribus
 discrepant.

discrepant. vtraque enim sunt ouipara (præter pauca quædam natantium, quæ & ipsa intra sese pariunt oua) hæc viuipara. vtraque etiam vesica carent, & partim nullo, partim exiguo potu vtuntur. terrestria omnia habent vesicam, & mingunt, & vtuntur copioso potu. Porro squamæ & plumæ ad aquam videntur pertinere, præ pilis, hi verò ad terram. generationem enim his tribuunt omnes, & Physici & Medici, ex fuliginibus, quarum est terrea & exusta natura: illis verò ex pituitosis crassisque excrementis. argumento sunt quidam morbi, per quos crustæ quædam squamis similes, cuti adhærent. eæ enim in crudorum & crassorum excrementorum circa cutem putrescentiam, refferuntur. Squamarum verò & plumarum materiam esse aquam, quæ mingenda foret, autor est Aristoteles, vt multis alijs in locis, ita tertio de partibus animalium cap. 7. quod idem de alimento pennarum auium dixit pluries in eodem opere. Itaque non parum videtur cum rerum ipsarum naturis consonare, vt volatilia & natatilia ex aqua facta sint, velut terrestria ex terra. Inanimatorum itaque & animatorum omnium ortus primus, ita constitit.

C A P V T S E C V N D V M.

¶ *Ex capite secundo Geneseos.*

STÆ sunt generationes cœli & terræ, quan-
do creatæ sunt, in die quo fecit Dominus
Deus cœlum & terram, & omne virgul-
tum agri, antequam oriretur in terra, om-
nemque herbam regionis, priusquam ger-
minaret. His verbis, intelligit Philon Iu-
dæus, significari rerum omnium ideas, & causas exempla-
res:

res : quòd non aliorum videatur posse dicere , uirgultum agri antequam oriretur in terra , & herbam regionis antequam germinaret, nisi ut insinuaret, factum fuisse virgultum antequam oriretur è terra, intelligibile scilicet & incorporeum, exemplarque huius materialis, quod postea è terra ortum est. ita etiam & res alias omnes, quæ corporeæ creatæ sunt, extitisse antea incorporeas. at verò si virgultum antequam oriretur in terra, significat virgulti ideam, videntur hæc verba significare, fecisse Deum virgulti (ita verò & aliarum rerum omnium) ideas, atque adeo totum mundum intelligibilem, antequam res ipsas sensibiles, deinde has, ab illis, velut ab exemplari, deduxisse. id verò falsum est. nam si exemplares causæ factæ essent, earum oporteret esse alia exemplaria, & illorum rursus alia, atque ita procederetur in infinitum, aut perueniretur ad æterna, omniq̃e carentia principio, exemplaria. quæ si sunt, mox ab illis, citra aliorum exemplarium generationem, fieri, deduciq̃e possunt res sensibiles, & omnes mundi partes. Ideæ ergo, & exemplares rerum causæ, extra Deum nullæ sunt, sed in ipsius Dei substantia. id quod Platonem quoque sensisse, haud dubium est, siquidem dicit, Rursus considerandum est, an mundi faber sit imitatus exemplar: id ne quod semper idem & simile est, an id quod genitum fuerit. atqui si pulcher est hic mundus, & opifex mundi bonus, sempiternum certè exemplum maluit imitari; sin secus, quod ne dictu quidem fas est, generatum exemplar, est, pro æterno, sequutus. hæc Plato. ex quibus constat, exemplar rerum, quæ factæ sunt, in substantia esse ipsius opificis. nihil enim Plato æternum esse censet, præter Deum. nam minores Deos, & factos, & dissolubiles, nisi benignitate Dei Optimi Maximi seruariantur, esse autumat. mundi igitur intelligibilis, nulla

tempo-

temporalis Genesis est , sed tantum huius sensibilis . Quapropter , ponere vlla rerum exemplaria creata , absurdum est . alioqui fecisset Deus hominem , deinde Petrum & Ioan- nem . id verò fieri non potest , quia in definitione & essentia hominis , est , vt constet corpore & anima , ac sine eis , ne in- telligi quidem potest , nedum esse . vt neque finitas esse po- test , vbi non sit natus , quia in definitione finitatis est natus , cum sit nasci curuitas . quo pacto ergo homo , quin sit ani- mal ? aut quo pacto animal , quin sit corpus ? corpus autem non mathematicum , quia non esset sensitiuum : si autem corpus physicum , certè & hoc : siquidem vniuersalia per ma- teriam sunt hæc . non potest igitur esse homo , qui non sit aliquis homo . sed vniuersale in rebus creatis , est ratio vni- uersalis in omnibus existens , cogitatione separabilis . exem- plar verò ad quod facta sunt singula , est æterna illa notitia rerum omnium , quam Deus semper apud se habuit , ab æter- no conceptam , factam autem nunquam . Constat etiam ex verbis his capituli octaui Prouerborum Dominus possedit me ab initio viarum suarum , antequam quidquã faceret à principio . si enim ea à Deo esset facta , quomodo posset à Deo possideri , antequam quidpiam fieret ? esset enim ipsa facta . non est itaque facta . est tamen eadem ab æterno con- cepta , siquidem addit , ab æterno ordinata sum , & ex anti- quis antequam terra fieret . nondum erant abyssi , & ego iam concepta eram . & capite 24. Ecclesiastici dicit ipsa sapien- tia , Ego ex ore altissimi prodiui , primogenita ante omnem creaturam . Itaque Dei sapientia , per quam facta sunt om- nia quæ facta sunt , facta esse non potest , concepta verò ab æterno , quæ est ipsum Dei verbum , Dei sapientia . hæc verò in Deo (vt & alia omnia quæ in ipso sunt) nullatenus acciden- talis , sed ipsamet diuina substantia est . hanc in Deo necesse

H

est po-

est ponere. alioqui fecisset Deus omnia, nesciens quid faceret, velut cæcutiens, & temere aliquid agens: factaque essent omnia casu, præter intentionem agentis. hoc verò est impossibile. quia aut hæc faciens volebat alia facere, quæ non fecit, aut nihil volebat, sed necessitate hæc fecit: si primò, Deus fuerit causa per accidens mundi. quod si ita est, non potest esse causa præcipua. quia omne quod fit per accidens, reducitur ad aliam causam per se. Mundi ergo esset, præter Deum, alia causa per se, & præcipua. illa ergo potius esset Deus. quapropter Deus non potest, ita fecisse mundum. si verò necessitate fecit, nulla causa est quod non fecerit ab æterno. at verò monstratum antea est, mundum non esse ab æterno, igitur superest Deum ab æterno habere apud sese notitiam rerum omnium creandarum, atque fecisse tales quales agnoscebat, illamque notitiam esse exemplar, per quod facta sunt omnia. atque cum illamet notitia sit ex substantia Dei, divinitus enarrata est mundi creatio in Evangelio Ioannis, ducta scilicet ab exemplari causa, & æternis ideis. in principio, „ hoc est Deo, erat verbum, & verbum erat apud Deum, & „ Deus erat verbum, omnia per ipsum facta sunt. Præter hoc verbum nullæ sunt ideæ, neque causæ exemplares mundi, neque in tota hac narratione mihi videtur Moyses, exemplaris causæ rei ullius meminisse, præterquam hominis, de quo inquit, ad imaginem Dei creavit illum. Propriissimè quidem, quia ad illud exemplar, quod est verbum Dei. id verò est imago substantiæ Patris. hoc ipsum fuit exemplar aliarum omnium rerum, siquidem omnia per ipsum facta sunt. fortasse satis fuit, hinc exponere causam exemplarem hominis, ut eadem intelligeretur esse totius mundi. quandoquidem in substantia hominis sunt omnes mundi partes, ut nihil verius à Philosophis dictum sit, quàm hominem esse microcosmum.

quod

quod non ita intelligens Philon, commentatur illud esse dictum de anima hominis, illiq; soli fuisse Deum ipsum exemplarem causam, corpus verò atque reliqua corporalia, facta esse ad exemplaria creata. proinde in primo capite, creationem animæ, quæ præcipua hominis pars est, atque ut censet Plato in dialogo de natura hominis, & Auicenna in mahat, sola est homo, traditam esse, ubi dicitur, Ad imaginem Dei fecit illum: in hoc secundo capite tradi corporis creationem, ubi nulla imaginis Dei fit mentio, sed dicitur, formavit igitur Dominus Deus hominem de limo terræ, & inspiravit in faciem eius spiraculum vitæ. Verba verò Philonis in libello de opificio mundi, sunt hæc. Quod autem in anima quoque par inerat præstantia, manifestum est. nullo enim creato exemplari, in ea facienda usus videtur, sed solo, ut diximus, suo ipsius verbo. ideoque narratur, effigiem & imitamentum fuisse, hunc hominem inspiratum in faciem. hæc Philon, quibus apertè dicit, hominem inspiratum in faciem illius statux, quæ ex luto constitit, esse animam, eamque sine creato exemplari factam esse, effigiem & imitamentum Dei: corpus verò, atque adeo alia, facta esse ad exemplaria, quæ erant in vrbe intelligibili, quam primo die, de sententia illius, fecit. neque verò non ita sentit, quia paulò antea dixerat, mundum intelligibilem esse verbum Dei. nam non utcunque id dicit, sed mundum intelligibilem, esse verbum Dei iam facientis mundum; urbem verò intelligibilem (hæ sunt causæ exemplares) esse rationationē Architecti, cogitantis iam, urbem mente conceptam, condere. Itaque ille ponit verbum Dei, idque æternum. illud verò, non ab æterno, sed cum iam vellet mundum condere, (ita ut solent artifices) excogitasse intra se mundum quendam seu urbem intelligibilem, ad cuius exemplar condidit hanc visibilem. au-

diamus verò eius verba. Quod si cui libeat (inquit) apertio-
 ribus uti vocabulis , nihil aliud dixerit esse mundum intelli-
 gibilem , quàm verbum Dei iam mundum condentis , neque
 intelligibilis vrbs est aliud quid , quàm illa architecti ratioci-
 natio , cogitantis iam urbem , mente conceptam , condere .
 Itaque ponit mundum intelligibilem , quod dicit verbum
 Dei iam condentis mundum , & in eo urbem intelligibilem ,
 illam effigiem mundi tunc conceptā , cum iam conderetur ,
 atq; in ea vrbe fuisse exemplaria omnium , præterquam ani-
 mæ , quæ non ad exemplaris ullius creati , sed ad Dei ipsius
 imitamentum , facta est . Ex dictis nascuntur duæ opiniones ,
 quæ malè philosophantium Iudæorum sunt , vna , esse sapien-
 tiam quandam creatam , quæ ante mundi opificium facta est ,
 atque per eam alia omnia , illam scilicet mente conceptam vr-
 bem intelligibilem . Cui opinioni favere videntur quàm ma-
 ximè illa verba capituli primi Ecclesiastici , Prior omnium
 creata est sapientia , & fons sapientiæ verbum Dei . & rursus ,
 Unus est altissimus & creator , omnium omnipotens , & rex
 potens & metuendus nimis , sedens super Thronum illius ,
 & dominans . Deus ipse creavit illam . Alia opinio est , men-
 tem humanam , siquidem non ad exemplar creatum est fa-
 cta , ex substantia esse ipsius Dei . in quam Philon quoque vi-
 detur lapsus , qui ita inquit . Omnis homo iuxta mentem , di-
 vino verbo est cognatus , beatæ illius naturæ sigillum , siue
 particula quædam , siue splendor , & quasi radius . Verùm
 hæc omnia plena sunt absurditate . nam , ut monstratum est ,
 exemplares mundi causæ , non possunt non esse æternæ , ut
 Deus ipse , ac proinde , neque aliud quàm ipse Deus . quare
 nulla vrbs intelligibilis , nulla sapientia creata esse potest , per
 quam omnia facta sunt , neque omnino quidquam , quod
 non sit ipsum verbum . nam , præter dicta , si illa vrbs intel-
 ligibilis ,

ligibilis, aut illa sapientia erat in verbo, neque ex substantia ipsius verbi, atque adeo ipsum verbum, erat profecto quiddam illi accidens, & tempore superueniens. constat verò Deum incapacem esse alterationum. nihil ergo aliud fuit per quod omnia fierent, quam ipsum verbum Dei. Atqui illa verba Ecclesiastici, de generatione æterna sapientiæ diuinæ intelligi, etsi abusuè accipiat nomen creationis, constat ex adiunctis. Hæc enim sunt prima verba capitis, Omnis sapientia à Domino Deo est, & cum illo fuit semper, & est ante æuum. de hac sapientia dicuntur alia omnia. super cuius thronum dicitur sedere Deus dominans, super thronum scilicet sapientiæ illi coæternæ, & consubstantialis, quæ est suum verbum, per quod facta sunt omnia. nam si velimus eo loco, nomine sapientiæ creatæ, intelligere intellectualem substantiam angelorum, ne ita quidem quadrabunt reliqua. quadrarent enim fortasse illa, Prior omnium creata est sapientia, siquidem spiritalis substantia censetur creata ante corporalem: Sed non illa, Ipse creauit illam, & effudit illam super omnia opera sua, hoc est & creauit omnia opera sua, effundens sua bona ex æterno illo sui thesauri promptuario, super omnia illa. nimirum bonum est sui ipsius diffusuum, atque ita summum bonum summè se effudit. effusione igitur illius diuinæ sapientiæ, quæ ab æterno est apud Deum, atq; ipse Deus, facta sunt omnia. quapropter, vt neque animæ, ita neque corporis, neque omnino rei vilius creatæ fuit creatum exemplar, sed omnium increata. vt verò imitamenta non sunt ex substantia exemplarium, sed ad similitudinem illorum, ita neque anima facta est ex substantia Dei, sed ad imaginem & similitudinem, vt & totus homo, & aliæ omnes res creatæ, suo quæque gradu, vt bonitas illa, quæ exemplariter erat in verbo, plus aut minus in quacunque se effudit.

dit. itaque anima rationalis, atque humana mens, multo plus accepit illius bonitatis, quam alię animę, non tamen ex substantia Dei est magis quàm illę. atque sapientia illa, quę prior omnium creata esse dicitur, est per quam facta sunt omnia. at verò per intellectualem, & incorpoream angelorum substantiam, nullę res creatę sunt, nisi verò etiam placeat cum Platone & Philone (ambo enim huius sententię sunt) illud colloquium, Faciamus hominem ad imaginem & similitudinem nostram, fuisse inter Deum Deorum & minores Deos, hoc est angelos, alloquente illos Deo, atque ad hominis opificium prouocante. Id verò est absurdum, quia cui esset communicata facultas creandi, communicata esset facultas infinita, nulli verò creaturę infinita virtus communicata est: atque an possit communicari, meritò à Theologis dubitatur, probabiliori sententia negante. Nulla igitur creatura cooperata est cum Deo in creatione. quare superest, vt illud colloquium intra ipsum Deum habitum sit, apud quem erat verbum, per quod omnia facta sunt, & infinita bonitas, seu amor, quo sese effudit per omnia opera sua. Quod igitur ad causam exemplarem attinet, ita habet. neque in tota hac tractatione Moses illius meminit, nisi in his verbis, quibus ad imaginem & similitudinem Dei dicitur factus esse homo. neque vlla idearum, siue exemplarium, creatio, „ seu genesis temporalis fuit, quidquid Philon velit. Interpre-
 „ temur ergo, quid sibi velint illa verba in initio huius capituli
 „ præscripta. he sunt generationes cœli & terrę, quando crea-
 „ tę sunt, in die quo fecit Dominus cœlum & terram, & omne
 „ virgultum agri, antequam oriretur in terra, omnemq; her-
 bam regionis, antequam germinaret. Aristotelicorum om-
 nium, & partis magnę Platoniorum, opinio est, mundum
 hunc à Deo factum esse, ita tamen, vt nunquam non fuerit,
 sed

sed factum esse ab æterno : quod ego antea refutaui , indicans fieri non posse , vt quod factum est , aliquando infectum non fuerit . huic opinioni occurrit Moses , ac ne quis falleretur , putans , & si Deus fecerit virgulta & herbas , ac denique omnia , nunquam tamen non fuisse virgulta ex terra orta , & herbam germinantem , inquit , fecit Dominus omne virgultum agri antequam oriretur ex terra , & omnem herbam antequam germinaret . quasi diceret , fecit Deus hæc omnia in mundi initio , cùm antea nunquam virgulta essent orta ex terra , neque herba germinasset . itaque cùm antea nunquam extitissent , nisi in exemplari , facta sunt denuo omnia : & rerum omnium species , quæ in priori illo seculo , hoc est , in illa æternitate , erant in mundo intelligibili ; inuisibiles , visibiles in hoc temporalis seculo fecit Deus apparere . quod disertissimè dixit Paulus capite vndecimo epistolæ ad Hebræos , his verbis , fide intelligimus aptata esse secula verbo Dei , vt ex inuisibilibus visibilia fierent .

CAPVT TERTIVM.

Capite secundo Geneseos .

” **I**EGIMVS . Omne enim quod vocauit Adam
 ” animæ viuentis , ipsum est nomen eius . appel-
 ” lauitq; Adam nominibus suis cuncta animan-
 tia . quæ verba non videntur oscitanter præ-
 tereunda , oritur enim ex illis , magna illa &
 antiqua dubitatio , an sint rebus sua nomina , eis naturaliter
 congruentia , an nulla sint talia , sed consensione hominum ,
 atque ad colloquentium libitum constant omnia . si enim
 suis nominibus appellauit Adam cuncta , videntur habuisse
 nomina

nomina antequam appellarentur, alioqui non vocauerit illa suis nominibus, sed dederit illis nomina. quod si antequam appellarentur ab Adam habebant omnia, non sunt nata ex appellatione et usu, sed ex rerum naturis. naturaliter ergo congruunt rebus sua nomina, non voluntate hominum. in hanc sententiam videtur multis argumentis ferri Plato in cratylo, siue de recta nominum ratione: Huic quaestioni videtur esse coniuncta illa alia, an nominibus insita sit vis aliquid efficiendi, siue boni siue mali, an nihil aliud, quàm significant. si enim sunt naturales rerum imagines, non sit inopinabile posse naturaliter aliquid efficere, ut & res ipsæ. si verò nihil est verbis cum rebus præter hominum placitum, nulla illis inesse vis naturalis potest, siue facultas. si igitur indicari possit, vim inesse verbis aliquid efficiendi, indicatum etiam putari oportet, esse ea naturaliter coniuncta rebus, significareque non ex placito solum, sed naturaliter. habere autem verba vim talem, autoritate medicorum eorundemque philosophorum præstantium, constare videtur posse: qui, ut pharmacis, ita etiam verbis quibusdam, ad quosdam morbos uti iubent: neque verbis solum prolatis, sed & scriptis, ægroto alligatis, aut suspensis. Plinius lib. 28. naturalis historia cap. 2. quaestionem hanc disceptans, multa narrat ad hanc partem pertinentia, velut Vlixem (narrantem homero) profluvium sanguinis, vulnerato femine, inhibuisse carmine: Theophrasto autore sanari ischyadicos carminibus: autore Catone, luxatis membris auxiliari carmen: Marco Varrone, podagricis. Aëtius lib. 8. cap. 50. ita inquit. ad educationem eorum quæ in tonsilas deuorata sunt, statim te ad ægrum desiderentem conuerte, ipsumque tibi attendere iube, ac dic, Egredere os, si tamen os, aut festuca, aut quidquid tandem existit, quemadmodum IESVS CHRISTVS ex sepulcro Lazarum

„ zarum eduxit, & quemadmodum Ionam ex ceto. atque ap-
 „ prehenso ægri gutture dic, Blasius martyr CHRISTI di-
 „ cit, aut ascende aut descende. Tralianus incantationes plu-
 „ rimum posse iuuare asserens, cap. 4. lib. 9. autoritate Galeni
 „ suam sententiam confirmat, ita dicens. præterea etiam di-
 „ uinissimus Galenus, qui ne esse quidem incantationes puta-
 „ uit, longo tempore multoque usu plurimum ipsas posse de-
 „ prehendit. audi igitur verba ipsius, quæ de medica Homeri
 „ tractatione reliquit. habent autem ea in hunc modum. non-
 „ nulli igitur putant, incantationes auicularum fabulas esse
 „ per similes, quemadmodum ego quoque diu existinaui, tem-
 „ poris autem processu ab ipsis, quæ euidenter apparent per-
 „ suasus sum, vim ipsis inesse. nam in percussis ab Icorpio ad-
 „ iumentum sum expertus, nihilo autem minus in ossibus
 „ gutturi infixis, quæ incatatione statim expuebantur. ac multa
 „ præclara singulæ habent incantationes, cum institutū conse-
 „ quuntur. hæc Tralianus ex Galeni lib. qui licet nunc non ex-
 „ tet, extitisse tamen verè, autoritate Traliani cōprobatur. Extat
 „ quidem in Galeno adscriptis libellus quidam de incantatio-
 „ ne. is verò non est genuinus, tamen est alicuius non contem-
 „ nendi autoris. apud Quintum serenum legimus inscriptam
 „ modo quodam certo vocem hanc Abracadabra, & carta li-
 „ no inclusa, atque colo suspensa, sanare hemitriteum. multa
 „ alia huiusmodi occurrent scripta & apud Græcos, & Latinos,
 „ atque apud Arabes medicos. Iam verò inter vulgares nihil
 „ magis usu receptum, quàm quibusdam recitationibus (His-
 „ pani vocant ensalmos) morbos quosdam, aut etiam omnes,
 „ curari. videtur autem hoc ita se habere, vel hoc argumento,
 „ quod si verba quædam sunt noxia, aut etiam mortifera, pos-
 „ sint etiam esse alia salutaria. at verò omnes homines viden-
 „ tur, naturaliter timere maledictiones, & imprecationes: &

venefici vtuntur diris carminibus. multaquē passim narran-
 tur exempla morborum, per imprecationes, fascinationes,
 venefica verba, & alia eiusmodi; illatorum. possint ergo &
 medici vti verbis salutaribus, ac benedictionibus, non minus
 quā pharmacis ad morborum curationes. si igitur verba
 vim habent efficiendi quippiam, velut ignis urendi, non sint
 tantum ex colloquentium placito, significantia id quod quis-
 piam cogitet, sed naturam quampiam habeant communem
 cum ipsis rebus, ob quam, & ipsis congruant naturaliter. his
 argumentis censent plurimi (in quibus Platonem etiam po-
 no) non temere his vocibus has, illas illis significari, sed na-
 turaliter nomina rebus aptari suis: Non tamen omnia æquē,
 neque quæcunque: neque enim Hispana, neque Gallica,
 neque verò Latina, neque Græca quæcunque, sed vt Plato
 censet citato Homero, quibus loquuntur Dij: & vt alij, pri-
 mæua illa, quibus Adam putatur esse vsus, hoc est, hebræa.
 eam ob causam dicunt, in Ecclesiasticis hymnis retineri sem-
 per verba quædam Hebræa, vt, Alleluia, Osana, Sabaoth,
 Epheta, & alia eiusmodi. quæ sanè (dicunt) verterentur
 etiam in Latina, vt alia omnia, nisi vis quædam & efficacia
 illis naturaliter inesset. hanc sequuti sunt sententiam magi,
 quorū princeps putatur fuisse Zoroastes rex Bactrianorum,
 Nini contemporaneus, quique naturalem esse suam magiam
 contendunt, & inter Hebræos vocati Cabalistsæ, qui suam
 doctrinam iactant à secretioribus Dei reuelationibus fuisse
 deriuatam, promittunt se verbis & characteribus miraculosa
 quædam opera edituros. videtur autem his fidem etiam fa-
 cere, de incantationibus, seculis omnibus concepta opinio.
 Si enim (vt ex Atali sententia narrat Plinius) prolata hac vo-
 ce, duo, visus scorpio cohibetur, nè vibrare ictus possit. siq;
 (vt ait poeta) frigidus in campis cantando rumpitur anguis,
 qui

quî possit negari naturalis verborum vis? aut cur non poterunt rectè, apud omnes gentes adhiberi salutare incantationes aduersus morsus rabidorum canum, & venenatorum omnium ictus, atque adeo aduersus ipsas feras? Neque verò vanum esse videtur, quod de incantationibus fertur, siquidem Psalmo. 57. ita cecinit regius vates. furor illis secundum similitudinem serpentis, sicut aspidis surdæ, & obturant aures suas, quæ non exaudiet vocem incantantium, & venefici incantantis sapienter. Ecce ut diuino oraculo confirmari videatur, vis, & facultas incantationum, & incantatoris sapientia, & calliditas serpentis obturantis sibi aures, ne audiat vocem incantatoris. adeo igitur naturalis est verborum potentia, ut etiam ab irrationalibus naturaliter agnoscatur, atque aduersus eam naturaliter sese muniant. constat verò aduersus noxas, quæ naturales non essent, non fuisse naturam beluvas armaturam, neque daturam instinctum, quo se ab illis tuerentur. Hieremias quoque cap. 8. ita scripsit. Ecce ego mittam vobis serpentes regulos, quibus non est incantatio. videtur autem comminatio hæc innuere, alijs serpentibus esse incantationes. hanc sententiam videtur etiam iuuare autoritas ecclesiæ, quæ iubet exorcistas uti conceptis verbis, quasi illis, demones fugandi, virtus quædam præcipuè insit. quo etiam spectare dicat quis illud Euangelij, In nomine meo demonia eijcient. non enim iam in ieiunio solum & oratione dicit, sed in nomine meo, quasi ipsa nominis IESU prolatio, efficaciam habeat ingentem. præterea illa crebra recitatio, qua Ecclesia, & fideles singuli vtuntur: illæ, nunc ter, nunc quinquies, nunc quinquagesies, nunc pluries repetitæ salutationes Angelicæ, aut dominicæ præces, quid aliud innuunt, quàm in ipsa verborum Sanctorum recitatione, vim quandam esse animæ salutarem? alioqui si

non ob ipsorum verborum vim, sed orandi Deum gratia recitarentur, quorsum recitarentur eadem pluries? videtur ergo his omnibus argumentis fieri, inesse verbis ipsis vim quandam naturalem, partim noxiam, partim salutarem, idque nunc corporibus, nunc animabus, nunc utrisque, atque ita analogiam habere cum rebus quarum sunt, quod præscripta Genesios verba innuebant. Verum etsi tam multa congerant vani & superstitiosi, magi, & Cabalistsæ, & qui se putant diuinissimos, Platonici, falsum est prorsus, & ab omni ratione alienum, vim esse per se ullam verbis, aut aliam, quam significandi ex hominum placito. Nam, ut eidem, cui illi, viæ insistamus, si verbis ipsis nihil est commune cum rebus, neque ipsa quippiam sunt aliud, quam ita diuerberatus aer, neque alia causa est, qua hæc has, illa illas res significant, quam hominum, ab eorundem voluntate profecta, consuetudo, nulla vis esse potest nominibus per se. Quid autem aliud est loqui, quam per quasdam linguæ motiunculas, res quasdam innuere, ut inter colloquentes constitutum est? nimirum, ut quidam (multi præcipuè) consueuerunt, suas sibi mutuo cogitationes aperire varia digitorum motitatione. hoc solum interest, quod lingua, accommodatissima est omnium nostri corporis partium, ad significandum quod mente conceptum est, ob illam mirabilem mobilitatem, & quia in ipsa via spiritus posita, eius diuerberatione, sonitus edit multiplices, auditui hominis, etiam eminus, occurrentes. itaque, est hæc particula paratissima, ac maximè idonea, cui homines demandent munus innuendi inuicem, quæ mente conceperint: quia nulla tot, tamque varias motiunculas subire potest, eaque sola voces effingit multiplices, unde & aspectabiles, & audibiles nascuntur differentiæ. neque quidem casu factum est, ut lingua ad hunc usum extiterit accommodata,

data ; sed ipsa natura ita est comparata , mollis scilicet , ac substantia volubilis , multis ad radicem musculis prædita , superposita laryngi , supposita palato , circumsepta dentibus , ut expiratum per laryngeni aërem excipiens , & ad palatum & dentes multifariam allidens , posset multiplices edere sonitus , quibus pro suo arbitratu , posset homo homini significare , incognoscibiles alioqui cogitationes . accommodatior ergo multo est ad innuendum lingua , quàm manus , aut pes , aut vlla alia particula . velut autem , vtcunque tu moueas digitos , nihil intelliget alter , nisi inter ambos conuenerit , ut hæc motiuncula huius , illa illius rei nota sit , ita neque vtcunque crepas ore . neque enim Hispanus Gallum , neque hic Germanum , neque ille Arabem , neque Latinus Græcum , neque Græcus Hebræum , loquentem intelligit . quia , scilicet , non sunt docti eundem sermonem . nimirum sermo non constat natura , sed consuetudine . alioqui ut est omnibus gentibus vna eademque natura , esset idem sermo : sed non ita est , quin potius multiplex , ut & consuetudo . falsum enim ac ridiculum , quod sibi quidam philosophiæ ignari persuaserunt , si quis ab infantia nullum omnino doceretur sermonem , futurum ut loqueretur Hebraicè , sermonem scilicet , innatum hominibus . Nam si sine doctore , ut alia quamplurima , innasceretur sermo iste hominibus , innasceretur profectò , etià si alium sermonem discerent , essentque omnes duplicis sermonis . Si enim sermo quem prius homo didicit , non prohibet quominus discat alium denuo , sed sciunt multi biffariam , trifariam , aut etiam quadrifariam loqui : multominus prohiberi posset qui ex ipsa natura pulularet , ab eo qui esset comparatus studio . quin potius , si vllus sermo hominibus esset naturalis , non possent esse ad alios dociles . quia quod intuitus manet , prohibet extraneum . ut ergo natura fecit homi-

nem

nem prorsus inertem, ut esset ad omnes artes habilis, necesse est, fecerit omni sermone carentem, ut possit omnes discere. videmus verò plures homines, ad alios multos sermones habiliores, quàm ad Hebræum. quod quidem nullatenus fieri posset. nam in id quod naturale illis est, sponte feruntur res omnes. Ex dictis igitur constat, loqui quidem naturale esse hominibus, quia natura, ut ex ipsa linguæ formatione cognouimus, in hunc usum eam destinavit. hoc autem aut illo sermone uti, studio ac doctrina euenit, & ipsa quidem idiomatica, usu ac tacita consensione hominum, nata sunt: præter septuaginta illa, quæ ad turrim babel, in diuisione linguarum orta sunt, quorum Deus ipse voluit esse auctor & doctor, non quod illa potius, quam quæ deinceps usu extiterunt, cognationem ullam haberent cum natura, sed quod ad breuem & expeditam distributionem gentium, expediret esse multilingues. dilexit verò Deus, quæ ipsi placuit. itaque cum hominum vitæ nihil posset esse utilius, neque iocundius, quàm suas sibi inuicem cogitationes communicare, neque quidquam magis naturale, quàm scientiæ desiderium, & scientia comparetur docendo ac discendo: docere verò ac discere non contingat aliter, quàm conceptionum mentis communicatione: ipso naturæ impulsu feruntur in loquelam. quia, ut indicatum est, nulla neque potior, neque facilior, excogitari potest ratio inuendi. inuenerunt igitur primùm loquelam, quò verbis significarent animi conceptiones. deinde, quia sermo haberi non poterat, nisi ad præsentem, ac statim ac emissus est, effluit, excogitata scriptura est, quasi verba missilia, & permanentia, quibus & cum absentibus, atque adeo cum posteritate loqui contingeret. loqui, inquam, hoc est verba illis significare, ac sermonem præsentare. quoniam enim scriptura, inuentione posterior est,

est, loquela, sit ut loquela per se significet omnes conceptiones, & scriptura loquelam. nimirum hæ duæ Scripturæ, homo & anthropos, eandem rem significant, sed non per eandem vocem, lectæ enim diuersum admodum sonant, per diuersas enim voces significant eandem rem, & ingerunt menti eandem notitiam. velut etiã per diuersas Scripturas significari potest eadem vox, ut per has, anthropos & ~~ἀνθρωπος~~ eodem igitur modo habent scripturæ ad voces, quo voces ad cogitata. Atqui, neq; hic ordo, ut sermo discatur ante scripturam, atque proinde scriptura per vocem significet, potiusquã vox per scripturã, necessitatem habet naturalem, ita ut nullatenus possit contrã fieri, Sed ob facilitatem potius ita euenit, & quia citius sunt homines nullo sensu orbat, habiles ad loquendum, quàm ad scribendum. posse verò omnino contrã fieri, aperte indicauit Petrus Pontius, Monachus Sancti benedicti, amicus meus, qui (res mirabiles) natos surdos docebat loqui, non alia arte, quàm docens primùm scribere, res ipsas digito indicando, quæ characteribus illis significarentur, deinde ad motus linguæ qui characteribus responderent, prouocando. itaq; ut audientibus à loquela, ita auribus captis, rectius incipitur ab scriptura. neutrum igitur habet necessitatem naturalem. Sed videtur ex rei natura esse eadem ratio sermonis & scripturæ, præter maiorem loquendi facilitatem, in ijs qui omnibus sensibus vtuntur. qui verò carent auditu habere possint scripturam loco sermonis. acceditq; illis rerum diuinarum notitia ex visu, ut alijs ex auditu. cuius ego rei testis sum, in discipulis illius amici mei. Itaq; est sermo, velut scriptura effluens, & scriptura velut Sermo manens. at verò scribendi, nullam rationem constare natura, Sed usu & arte, manifestum est. nam neq; cuiusq; hominis est scribere, neq; hominum omnino fuit semper, sed post aliquot

quot mundi secula excogitatum, diuersum admodum apud diuersos, ubiq; magno labore discitur. ita igitur de loquela & uerbis censere consentaneum est: nulla scilicet uerba significare aliter, quàm ad libitum, eorum qui primùm eis vsi sunt. quod (si nihil aliud) ipsa idiomatum mutabilitas indicat. nullus enim est, qui non, uel in suo seculo, uideat, ubique gentium quædam uerba antiquari, quædam nouari. ut facile sit intelligere, nisi scripturæ beneficio seruata essent, nullum omnino uerborum quibus antiquissimâ secula usa sunt, suam significationem fuisse retenturum. non igitur eorum significationes natura constant, sed usu. nam præter dicta, res omnes ab eisdem Seruantur causis, à quibus fiunt. seruantur uerò significationes uerborum omnium, usu, alioqui per obliuionem perituræ, igitur & natæ sunt ex uoluntate utentium, non ex natura. neq; quidem obstat, uerba quædam, quibusdam rebus, ob quasdam causas, tributa esse (quod maximi facit socrates in cratilo) ut homo quia exhumo, & ποτή quasi πόσις & πόσις. nam deriuatiua deducuntur exprimitiuis, ipsa uerò primitiua, & simplicia, non alia ex causa significant res quarum sunt, quam ex placito auctorum. igitur & deriuatiuorū & cōpositorum significationes, referuntur ad uoluntatem utentium. quin & illa etiam nomina, quæ ob similitudinem quandam sonitus conficta sunt (grammatici uocant onomatopœiam) ut clangor, tinitus, bombus, βοῦς βοῦς significant ad libitum utentium. quia si illa eadem nomina tributa essent rebus longe diuersis, aut illis eisdem rebus nomina longe diuersa, valeret colloquentium vsus, nulla neq; similitudine, neque dissimilitudine obstante. itaque & uoces omnes & scripturæ significant ad libitum. quapropter ex ipsa natura nullam vim habent significandi, nedum efficiendi quippiam: sed significant solum, quia ita conuenit inter colloquentes

loquentes, plures, aut pauciores. Nulla igitur naturalis ratio est, qua verba aut characteres possint morbum inferre aut sanitatem, aut aliud quippiam efficere, eorum quæ magi pollicentur, & cabalistæ. quod si quædam nomina Hæbrea, in Sacris hymnis retinentur incommutata, id quidem non fit, quod Deus Sabaoth, verbi gratia, maius quippiam sit, quam deus exercituum, Sed (vt Plinij utar verbis) externa & ineffabilia verba audientium animos magis mouent., semper aliquid immensum expectantes, ac dignum deo mouendo. itaque facit id ecclesia, vt peregrinarum vocum recitatione, magis animus inflammetur, quia vulgares facilè contemnuntur. quo etiam fortasse consilio sanctissimus Papa noster Gregorius decimus tertius, prohibuit horarias preces vulgari sermone recitari, ne scilicet vulgares voces vulgus contemnat, quod inauditas solet demirari. hanc verò esse causam retinendi eas voces, non quòd hæbreæ sint, constat, Si quidem & græcæ retinentur quamplurimæ, vt Chirye Eleyson, o Theos, Athanatos. Ischyros, & alia eiusmodi. certè nihil hoc aliud est, quàm, quod sancta ecclesia, omni ratione curat, secundum hominum conditionem, nos ad pietatē, & rerum diuinarum estimationem prouocare. alioqui verbis ipsis nulla naturalis vis ineſt. Quapropter incantationes uanę sunt, ac superstitiosę, quæque de illis narrantur, falsa aut maligna: maligna dico, quæ cacodemonis interuentu fiunt: falsa, quæ cum non fiant, delusa, sibi persuadet vulgi credulitas. falsum est igitur, cantando rumpi angues: falsum quoq; eos sibi obturare aures, ne audiant, quod vel Plinius per derisum narrat dicens, non pauci etiam (credunt scilicet) serpentes ipsas incantari, & hunc unum illis esse intellectum, contrahique marforum cantu. Merito ergo illa impostura damnatur diuinis ora

culis, & interdicatur fidelibus. deuteronomij decimo octauo
 „ ita habetur. Quando ingressus fueris terram, quam dominus
 „ Deus tuus dabit tibi, caue ne imitari velis abominationes illa-
 „ rum gentium, neq; inueniatur in te qui lustret filium suum,
 „ aut filiam, ducens per ignē, aut qui ariolos sciscitetur, aut
 „ obseruet somnia, atque auguria. neque sit maleficus
 „ neque incantator, neque qui pythones consulat, neque
 „ diuinos, & quærat à mortuis veritatem. omnia enim hæc
 „ abominatur dominus, & propter istiusmodi scelera dele-
 „ uit eos in introitu tuo. Itaque abominatur dominus incanta-
 „ tiones, iusta lustrationes filiorum, & pythones. usque adeo, ut
 „ ob eas dicat se deleuisse illas gentes. rursus paraly pomenon.
 „ 2. cap. 33. manasse crux in a ita recensentur. maleficus artibus
 „ inferuebat, habebat Secum magos & incātatores, multa que
 „ mala operatus est coram domino. Isaia. 47. venient tibi (allo-
 „ quitur babilonem) duo hæc subito in die una, sterilitas & ui-
 „ duitas. vniuersa uenerunt super te propter multitudinem ma-
 „ leficiorum tuorum, & propter duriciem incantatorum tuo-
 „ rum vehementem. hæc Isaia. Si uerò vis talis data esset uerbis
 „ à Deo, non esset profectò incantatorum ars abominabi-
 „ lis ipsi, magis quàm medicina. uelut enim incantator
 „ nunc utitur incantationibus aduersus morbos & uenena:
 „ nunc ad maleficia: ita & medicina, nunc componit medica-
 „ menta salutaria, nunc deleteria. non tamen proinde medi-
 „ cina est Deo abominabilis, sed gratissima: quoniam scilicet
 „ possumus ea utiliter uti. quandoquidem igitur incantatio est
 „ Deo abominabilis, naturalis non est, sed, ut dixi, uana, aut
 „ maligna. Res ergo iam exigit, ut interpretemur carmina illa
 „ psalmi. 57. quæ in subsidium, incantationum citata sunt. In-
 „ ter alios Philosophandi modos quibus antiquitas ad notan-
 „ dum hominum mores, usa est, non fuit in postremis, qui per
 „ con-

confictas quasdam fabellas, aliud quiddam allegoricè significabat. quem tenuerunt *Æsopus*, & *Cyprius*, & *Libycus*, & alij multi Philosophi & Poetæ, inter antiquos; inter iuniores quoque, omnes qui emblemata scripserunt. multa verò, quæ ab antiquissimis illis, ad innuendum figuratè aliud aliquid, conficta sunt, incautè sunt accepta à posteris, & eorum sanè nonnullis eruditissimis, quasi simpliciter, ac sine vlla figura, dicerentur. velut, inquit *Æsopus*, castor præter cæteros quadrupedes in aqua durare fertur, & eius genitalia ad artem medicam vtilia esse. hic ubi videt se à venatoribus captum iri, ipse sibi genitalia præcidit, atque in sequentes proijciens, hoc modo euadit incolumis. hæc conficta sint, ad significandum, hominibus, prudentes si esse velint, pro adipiscenda salute, nullam esse habendam rationem fortunarum: non defuerunt plurimi, qui affirmarent, eam esse, reuera, castori à natura inditam prudentiam. Ita etiam factum est in fabula de serpente & incantatore. cùm enim antiquitus conficta esset, ad arguendam impietatem eorum, qui à veritate auditum auertunt, nollentes, neque consilij neque exhortationibus, ac multo minus reprehensionibus aures præbere, non defuerunt qui opinarentur, id quoque esse verum, eamque esse serpentis naturalem versutiem. verùm re, vt habet, intellecta, planeque perspecta, dicit Philosophus, hominem qui in naufragij periculo, merces vestesque, & omnem supelectilem, mittit in mare, similem esse castori præcidenti sibi testes, cum vrgetur à venatoribus. qui tamen Philosophus arguendus non est, quòd affirmet, castorem sibi testes secare. non enim affirmat, sed per moralem fabulam docet homines prudentiam. tale etiam est quod in Psalmo fecit *Dauid*, scilicet interpretatus est parabolam, ad arguendam pertinacem intemperantiam eorum, qui audire recusant ve-

ritatem, neq; quidquam audire sustinent, nisi quod ad suam voluptatem spectat, pruriētes auribus, & ad sua desideria coaceruantes sibi magistros. fabulę itaque moralis, seu parabolę interpretationem, continent dicti Psalmi carmina. nimirum intemperantes homines sunt similes serpentibus, quia obturāt aures suas, ne audiant voces incantatoris sapienter incantantis, hoc est, contionatoris qui docet veram sapientiam, & per hanc incantationem, incantat morbos animi. neque verò in hoc solum scripturę loco, sed in multis alijs occurrunt morales fabulę seu apologi seu parabolę, seu utcunque vocare lubet, quę allegoricę aliud innuunt, quàm litera sonet. quinimo nullus est modus utilis philosophandi, eorum qui ab hominibus ad componendos mores excogitati sunt, qui non reperiatur exactius in sacris. quis enim vnquam acutius, aut eloquentius vsus est fabula, quam Ioatham ad sicheinitas ex montis vertice (narratur cap. 9. iudicum) vbi non solum inducit loquentes beluas, vt Æsopus, sed etiam arbores, dicens. iērent ligna vt vngerent super se regem, dixeruntq; oliuę, impera nobis, quę respōdit, nunquid possum deferere pinguedinem meam, qua & Dij vtuntur & homines, & venire vt inter ligna promouear? dixeruntq; ligna ad arborē ficum, veni & super nos regnum accipe. quę respondit eis, nunquid possum deferere dulcedinem meam, fructusque suauissimos, & ire, vt inter cętera ligna promouear? loquutaq; sunt ligna ad vitem, veni & impera nobis. quę respondit eis, nunquid possum deferere vinum meum, quod letificat Deum & homines, & inter cętera ligna promoueri? dixeruntque omnia ligna ad rhamnum, veni & impera super nos, quę respondit eis, si uerē me uobis regem constituitis, uenite, & sub umbra mea requiescite. si autem non uultis, egrediatur ignis de rhamno & deuoret Cedros

Cedros libani . Significatur uerò his uerbis , iniqua promotio abimelech in regem . Sunt alia his similia exempla , quæ tamen præteriens , redeo ad pensum . Reprehendit itaque , ut dixi , Dauid , duriciem ac pertinaciam eorum , qui non sustinent audire exhortationes , interpretatione allegorica moralis fabulæ , quam antiquissimi Philosophi ad increpationem hominum , confinxerant . Vocari uerò incantationes , disputationes atque exhortationes prouocantes ad uirtutem , etiã à Philosophis , uidere possis in charmide , seu dialogo de temperantia , ubi Socrates narrans quæ audierat à quodam medico Thrace , hæc scripsit . Animæ uerò medelas esse dicebat incantationes quasdam : eas præclaris rationibus contineri , quibus animæ temperantia tribuitur , qua inserta , atque præsentē , facile esse sanitatem capiti , totique corpori tribuere . ille igitur cum medelam incantationesq; doceret , iussit ut nullis precibus motus , alicui contra capitis dolorem remedium adhiberem , nisi prius animam incantationibus ipsis purgandam commisisset . his uerbis manifesta satis est sententia Socratis , morbos corporis non curari incantationibus per se , sed morbos animi . Sed & uocari eos homines , qui magnis animi morbis teneantur , nominibus beluarum , consonum est dictis philosophorum . Siquidem Plato (allegoricè fortasse alludens ad illud Psalmi 48 . Homo cum in honore esset , non intellexit , comparatus est iumentis insipientibus , & similis factus est illis . & ad illud Prouerbio 28 . Leo rugiens , & Ursus esuriens , princeps impius) in calce dialogi de natura (præter plura quæ decimo de republica , siue de legibus , habentur) ita reliquit scriptum . Auium autem genus ex nostro ita est aptè formatum , ut propilis pennas acciperet . in hoc illi homines transeunt , qui simplices & innocentes cum sint , leues tamen sunt , & frustra in rebus

rebus sublimibus curiosi, quique adeo fatui sunt, ut oculorum iudicio confisi, hæc, altissima quæque firmiter demonstrari posse non dubitent. gressilium verò ferarum genus ex his natum hominibus, qui a philosophia penitus alieni, ad cælestia nunquam penitus oculos erexerunt, eoque volutionibus illis quæ in capite peragi solent, nunquam vti sint, sed illas animæ partes sequuti, quæ in ventre & pectore dominantur. ex his utique studijs anteriora membra & capita, ob ipsam cognitionem humi penitus defixerunt, in longum productum, ac diuersum corporis verticem tenuerunt: quandoquidem ibi propter desidiam singulorum collisi sunt, & fracti circuitus, & ideo quòd quatuor pedum, ac etiam plurium est instituta figura, & insipientioribus Deus, maiorem, ex pedibus multis, atque progressu, occasionem præster, per quam magis etiam deflectantur ad terram. eos autem qui horum insipientissimi erant, corpusque in terram penitus prosternebant, quasi nihil ultra pedibus opus foret, in corpora carentia pedibus, & humi serpentina permutauerunt. His, & alijs quæ deinceps sequuntur, verbis, Plato differit, homines per animorum vitia transire in corporum diuersa genera. quod plerique allegoricè dictum existimant. si verò id dicit allegoricè, quòd similes facti sint illis, constat beluarum nominibus aptissimè significari homines insipientes, & improbos, atque adeo serpentium omnium nequissimos, qui ne audire quidem sustinent sapientium consilia. hinc igitur haud dubie nata est illa moralis fabula, ad quam alluditur in Psalmo, serpentem obturare sibi aures, ne audiat verba incantatoris. Reuera autem incantationes nullam vim habent aduersus naturales feras, aut serpentes, sed aduersus homines, qui ob ferinos mores, illis nominibus appellantur: neque aduersus corporis morbos per se, sed animi. Atqui, nullus est, ex plebe, qui

qui audiens Orpheum, sua cythara solitum, serpentium & ferarum omne genus ad se trahere, non intelligat, illum suis poematis, feros homines, & seorsum deerrantes, velut cicurrasse, atque ad humanam societatem, & oppida allexisse. cum has veritates sapientes fabulis obumbrarent, insipiens vulgus non intelligens, in opinionem de morbis per incantationem curandis, & fugandis aut necandis feris & serpentibus, lapsus est. impostores verò & circulatores, & videntes in sua commoda indocti vulgi credulitate, multa se facere huiusmodi profitentur. re vera tamen incantationum ad solos morbos animi vis est per se: atque ad hos curandos eis vtitur ecclesia, cantionibus scilicet, & recitationibus precum pluries repetitis, velut euoluendis vocatis rosarijs, & recitandis, ac canendis hymnis, & horarijs precibus. nimirum, his pro more Ecclesiæ faciendis, præstatur obsequium Deo, & auctus ab alijs rebus animus, ad illum liberius euolat. ea verò vis non est verborum materialium, neque characterum, sed quia rerum Sanctarum sunt. vt neque ipsum sanctissimum nomen, *I E S V*, quod ad omnia est efficacissimum, vim eam habet materialiter, sed quia Deum significat Saluatorem. de exorcistarum etiam verbis perinde dicendum, non esse scilicet vim fugandi demones in illis, qua res quædam sunt, aut ita sonant, aut talibus descripta figuris, sed quia ita significant. neque ea quidem verba fugare, torquere, aut premere demones vi vlla naturali, sed Dei concursu, cui placuit, in bonum hominum, ad fugandam hanc pestem, ita inuocari, & vim talem initiatis impertiri. ex his autem omnibus non fit, vt vlla vis naturalis sit verbis, neque vt aliud quippiam possint, quam significare, atque id ex hominum placito. quapropter, si magi Pharaonis insusurrendo aliquid, aut characteres aliquos describendo (vt nunc quoque qui se
magos

magos profitentur, & inter Iudæos Cabaliftæ) fecerunt colubros & Ranas, & dæmonum scientiam, arcana quædam naturæ, potiusquam ad verborum vim vllam, refferri debet. quid quod tot, tamque docti medici, quin & Galenus ipse, alioqui adeo rigidus Philosophus, affirmant tot morbos verbis quibusdam, & incantationibus cedere, idq; sibi esse longo experimento confirmatum? certè vt ex ignoratione veri Dei, retenta solum incerta quadam diuini cultus recordatione, nata est idololatria, ita ex ignoratione moralium incantationum, quas fabulis obumbrauerant antiquissimi sapientes, retenta tantum nominis memoria, natæ sunt istæ superstitiosæ incantationes, atque hoc, cum alijs multis, errore disseminato, vsi sunt homines sæpe incantationibus aduersus morbos, atque adeo confidentius non rarò quàm medicamentis. accedit, quod aliquando leuissimis hominibus, & qui admittunt incantatores, utilis quodammodo est sua credulitas, quia (vt inquit autor libelli de incantatione, qui est

” inter Galeno adscriptos) quando mens humana (hæc sunt
 ” ipsius autoris verba) rem amat aliquam, licet naturaliter non
 ” iuuatiuam, sibi eam prodesse certificat. ex sola autem mentis
 ” intentione corpus res illa iuuat. verbi gratia, si quis incantationem sibi prodesse confidat, qualiscunq; sit, cum tamen iuuat. hæc ille, quibus verbis innuit, incantationes aliquando prodesse ad pellendos morbos ob confidentiam infirmi. nimirum vt timor & mæstitia, ac desperatio, plurimos morbos augent, & ægrotos lædunt, ita confidentia & alacritas plurimos subleuant, & ipsa imaginatio per eos animi motus, morbos tollit, aut saltem minuit, aut, cum minime, in eis qui vehementissimè confidunt, opinionem efficit sanitatis. verùm hanc incantationum vtilitatem, constat ex accidenti esse, ob affectus animi, eius qui curatur, non per naturalem

ralem verborum potentiam. nonnulli ergo ob incitiam, verè ac per se vtilis esse putantes: nonnulli verò etiam docti, & periti medici, hoc ægrorum stultitiæ concedentes (velut qui insaniam curant) incantationibus vti permittunt, etsi eas per se nihil posse certò sciant. Nomina itaque nihil habent cum rebus præter significationem, quæ ex solo consensu, manifesto, aut tacito ipsorum hominum nascitur, neque sunt nomina rebus alia ratione sua. Adam verò dicitur appellasse res nominibus suis, idest proprijs & maximè congruentibus, non omnes, sed viuentes, vt animalia omnia. quia, vt qui linguæ hebreæ sunt periti optimè norunt, indidit illis nomina, quæ proprietates & naturas eorum maximè exprimerent. quæ nomina constat deriuata esse ab alijs primitiuis, quæ ad placitum Adæ sunt rebus data, & posteritatis consensu recepta, atque huc vsque, vsu, & Sanctarum scripturarum beneficio, seruata. de fascinatione seorsum dicetur alio loco.

CAPVT QVARTVM.

Ex capitibus primo & secundo Geneseos & trigésimo septimo Ezechielis.



» VM natatiliū, volatiliū, reptiliū,
 » & progrediētium, irrationalium tamen,
 » animalium creationem narraret Moses,
 » his vsus est verbis. Dixitq; etiam Deus,
 » producant aquæ reptile animæ viuentis,
 » & volatile super terrā, sub firmamento
 » cœli. & rursum, Dixit quoque Deus,
 » producat terra animam viuentem in genere suo, iumenta,

L &

& reptilia , & bestias terræ secundum species suas : cùm tamen ageret de hominis creatione , inquit , formauit igitur Dominus Deus hominem de limo terræ , & inspirauit in faciem eius spiraculum vitæ , & factus est homo in animam viuentem . quæ verba magnum continent naturæ arcanum : indicant enim apertè , illud quod tantopere inter Philosophos controuerſum est , hominis animam non esse eductam ex materiæ potentia & fecunditate , velut animas irrationalium , sed extrinsecus accessisse , naturæ immaterialis participem : non quidem nascentem intrinsecus ex materia , sed diuina vi extrinsecus in illam immersam , & mirabili quodammodo ei alligatam : & substantia quædam cum sit incorporea , potens per se subsistere , factam esse corporis formam . hac de re dubitant multi , in suam perniciem plus satis Philosophi . nisi potius beluas dicere consentaneum magis est , eos , qui se beluis hac in re præstare , neque intelligunt , neq; credunt . hinc pendet quæstio de nostræ animæ immortalitate , de qua , etsi in commentarijs , quæ in libros Aristo. scripsi , dictum mihi fatis est , tamen tentandum nunc quoque videre iuxta præsentis operis institutum , quantum possit naturalis ratio consequi , eius quod Deus Opt. Max. hoc loco reuelauit per Mosem , vt hac saltem ratione , si fieri possit beluini Philosophi à sua impietate incipiant auocari . porro perpendere oportet hæc verba . Inspirauit in faciem eius spiraculum vitæ , & factus est homo in animam viuentem . His verbis apertè indicatur , illud spiraculum quod extrinsecus inspiratum est , non esse mentem solam , & vim intelligendi , aut in omnibus hominibus eandem , vt censent quidam Philosophi , aut aliam in alijs , quæ superueniat homini iam sentienti , & habenti animam , sed illud ipsum esse ipsam animam , qua homo sentit , & viuit , itaque non duas , sed eandem esse in
homine

homine animam, qua sentit & intelligit. nam qua intelligit, est quæ extrinsecus accessit inspirata, vocat verò eam spiraculum vitæ, & per eam dicit factum hominem in animam viventem. tenemur itaque asserere, hominis animam neque fluxisse ex materiæ potentia, neque ab ea esse inseparabilem, sed substantiam quandam incorpoream separabilem, & imposterum æternam, eandemque esse corporis formam, & animam qua homo sentit. non tamen propterea tenemur etiam dicere, eandem esse formam vegetabilem, non enim Moses more Aristotelico vocat, ea etiam, quæ tantum vegetantur, viuentia, & eorum actum animam, sed more stoico, qui & communi hominum sensui propinquior est, ea solum viuentia vocat, quæ sentiunt & mouentur, eorum formam animam, reliqua vocat virentia, & producentia fructum, ac semen secundum genus suum, non tamen viuentia. itaq; Veritas Catholica non cogit nos asserere, ipsam animam qua sentimus, mouemur, & intelligimus, esse in nobis principium vegetandi, nedum & formam actumque primum ipsarum partiû corporis homogenearum, vt ossium, carnis, & neruorum, quod plurimi etiam affirmant, putantes absurdum esse in eadem substantia multas formas ponere. Ego verò sequutus quod & rationi magis consonum, & diuinis etiam oraculis, vt ego existimo, congruentius est, affirmo esse in nobis ante animam formas merè corporales homogeneorum, quibus ossa carnes & nerui differunt, non minus profectò (nisi me meis sensibus credere nolunt) quàm aurum argentum & plumbum: his bene temperatis accedere actum quendam perfectiorem: corporalem eum quoque, & velut naturâ quandam meliorem (ita. n. placet vocare, potius quàm animam) qua nutriuntur: omnesque hos actus educi ex potentia materiæ: his postremò accedere extrinse-

cus animam , quæ nobis vim sentiendi & intelligendi præstet . non enim intelligendum est , illud corpus hominis , in quod inspirauit Deus spiraculum vitæ , fuisse statuatam , quandam luteam , eamque accessione illius spiritus factam esse carneam & osseam , sed corpus quoddam ex ossibus nervis carne & cute , non quidem aridis , sed floridis ac virentibus , immobile tamen adhuc & sensus expers : & hæc , accedente spiritu recipisse . Indicat id visio Ezechielis c. 37. cum enim vellet ei Deus ostendere resurrectionem mortuorum , dimisit in medio campi pleni aridis ossibus , quibus non statim accessit spiritus , qui virorem & reliqua omnia præstaret , sed primum quidem accesserunt ossa ad ossa , vnumquodque ad iuncturam suam , & super ea nerui & caro ascenderunt (virentibus scilicet iam partibus) & extenta est eis desuper cutis , & adhuc spiritum non habebant , vsquedum ingressus est in ea spiritus , & reuixerunt , & steterunt super pedes suos . Itaque esse ossis , nervorum , & carnis , & cutis & earum partium viror , non præstat ab spiritu qui extrinsecus accedit , atque immortalis est , sed à formis corruptibilibus & merè corporalibus , quæ ad animam quidem rationem habent dispositionum materiæ , & ob id animæ accessione , non tolluntur , sed simul cum ea manent , hac in re seruientes illi , quod seruant , quam ea desiderat , in corpore temperiem , & formationem . Si autem hæc sententia diuinis eloquijs est consona , cur non putetur etiam esse consona rationi ? Cur velimus miseros Philosophos à fide catholica deterrere , plusquam veritas ipsa postulet imperantes credere ? nihil enim est quod eos adeo conturbet , quàm substantiam separabilem & incorpoream , esse actum corporis . nam actus rei est ipsa rei essentia , seu ipsum quod quid erat esse rei . Hoc verò vix intelligi potest , quo pacto sit corporis,

corporis , quod à corpore separabile . conquiescet hæc perturbatio , si his concedimus , animam non esse actum corporis qua corpus, sed qua sensitivum & intelligens. non enim anima corpori præstat esse corpus , neque verò ossi esse os , neque nutriri , quod materiale etiam est & elementorum imitatur naturam , sed hæc per corporales formas habenti , præstat sensum & intellectiōem , quæ spiritalis videtur esse naturæ . neque sanè Aristoteles animam finiēns , actum corporis simpliciter esse dixit , sed adiecit potentia vitam habentis , quod est , actum esse corporis , non qua corpus , sed qua potest vitales actiones edere . Colligimus itaque ex hoc sacrae scripturae loco duas assertiones , primam esse in nobis animam separabilem , & nunquam interituram : alteram , hanc ipsam esse animam qua sentimus & mouemur. Distinctioris doctrinae gratia , utranq; seorsum aggrediemur monstrare . Socrates , ut licet videre in Phædone , secundam hanc non vertit in dubium , neque in id usque tempus hominibus vlla subierat dubitatio , an esset in nobis eadem anima sentiendi & intelligendi principium . Aristoteles primus cepit ab anima mentem distinguere , animæ sensum , menti intellectum tribuens , unde accepta occasione , posterius de ea re acriter disputauerunt , censueruntq; quàm plurimi , animam & mentem res esse diuersas numero , alteramq; cum homine mori , alteram manere . quapropter , ut dixi , utraq; quaestio erit nobis seorsum examinanda . Primæ quaestionis Socrates duos articulos esse fecit . primum , an anima sit à corpore separabilis : alterum , an sit immortalis . quandoquidem Cebes dubitationem quandam ingessit , dicens , fieri posse , ut anima diuturnior viuaciorq; esset quàm corpus , atque aliquando maneret à corpore separata , fuissetque fortasse antequam in corpus mergeretur , non tamen
obid

obid esset omnino immortalis , sed postremò aliquando etiam cum homine moreretur . ob hanc suspicionem Cebetis , Socrates , postquam , vt sibi videbatur , monsttrauerat animam diuturniorem esse corpore , & ab eo separabilem , denuo est aggressus monstrare , esse immortalem , atq; geminam quæstionem esse fecit . quanquam ea , re vera , simplex est & vnica . Si enim anima substantia est à corpore separabilis , immortalis etiam necessariò est . nam ortus & interitus naturalis , corporearum tantum rerum sunt . quæ incorporeæ sunt , non habent Physicam compositionem , ac proinde dissolui non possunt , nisi ab eo solùm à quo sunt colligatæ (vt inquit Plato) puta ab ipso Deo . ab eo verò per se , summè bonus cùm sit , nihil extinguetur , aut dissipabitur : sed eius voluntate perseuerabunt in æternum , quęcunq; ab eo solo facta sunt . Hęc adeo vera sunt , vt nemo iam sit , quem timor corripiat Cebitis : quòd sibi omnes persuaferint , animam , si semel possit subsistere à corpore separata , merè esse incorpoream (corpus enim nulla ratione esse potest alterius corporis actus) atque adeo immortalem . quare nobis hac de re simplex quæstio erit . atqui Socrates cùm geminam fecerit , primam partem , puta diuturniorem esse animam corpore , insufficienter probauit : alteram , puta esse omnino immortalem , ei qui non considerauerit , procedere disputationem posita priori assertionem , videbitur probare etiam sophisticè . nam summa ratio monstrationis primę inde pendet , quod nostrum scire reminisci quoddam sit . quod , & si probabilitatem quandam præ se fert , falsum esse monsttrauit Aristoteles . Iam verò secunda est , quia corpus viuit per animam , & anima per se , necesse esse animam semper viuere , neque posse mori . Velut quia concreta corpora calida sunt per ignem , ignis verò primo ac per se , necesse est eum semper

per calere, neque posse refrigerari. huic argumentationi, qui ex aduerso assereret animam nullam substantiam separabilem esse, sed formam tantum corporis viuentis, responderet, negans animam viuere primò ac per se, sed ne viuere quidem, sed esse vitæ causam vt formam, viuere verò hominem per animam, non vt est calidus per ignem, sed vt ipse ignis est calidus per calorem, qui tamen calor calidus non est. qui verò semel recepisset, esse animam substantiam quandam corpore antiquiorem, potentem per se existere, vt videbatur Socrates, cùm in eam argumentationem venit, indicasse, cogereretur profectò concedere, hominem viuere per animam per se primò, atque ideo eam mori non posse. meritò ergo diximus, vnicam quæstionem esse hanc, & eius decisionem ex prima assertionem pendere, puta animam hominis esse separabilem à corpore. quod quia à Socrate non satis monstratum est, quòd nostrum discere reminiscantiam esse non probetur, alijs rationibus utar, si quæ videbuntur esse firmissimæ, in ijs, quas produxerint iuniores, aut mihi nunc dederit Deus. Certè probabiles rationes sunt excogitatæ quam plurimæ, monstrationi verò proximæ, si quæ, ea est profectò; qua Aristoteles est usus. Si scilicet homo actionem aliquam habet, ad quam nullo corporali organo utatur, eius anima incorporea est, & separabilis. nam constat animam hominis esse eius formam: forma verò cuiuscunque rei est principium & causa actionum omnium eius. ergo anima est præcipua causa actionum omnium hominis, utitur verò organis corporeis ad eas obeundas. si quam ergo habet homo, quæ sine vlllo organo corporali agatur, eam operatur anima per se. talis ergo est ea forma, vt possit aliquid agere, etiam si esset sine corpore, si verò agere, & esse, ac viuere, posset sine corpore. Dices fortasse, esse aliquid; quod anima existens

stans in corpore possit facere corpore non vtens, tamen extra corpus nihil posse facere, quia ne esse quidem potest. velut ego non vtor cerebro ad pulsus arteriarum, tamen sine capite pulsare non potero, quia neque viuere. Itaque per accidens esse corpus necessarium ad eam actionem, quæ sine organo corporali agatur, vt viuatur scilicet anima. Verum hoc de illis tantum rebus dici posse constat, quæ alijs indigent vt seruentur, alijs vtantur vt operentur: de anima & corpore non ita, sed si anima corpore non eget vt operetur, multo minus vt seruetur: & argumentum ita rursus procedit. si aliquid potest agere anima nullo vtens corpore, habet in se se, ac præter corpus, naturam & principium agendi illud. omnis autem vis agendi fluit ex aliquo esse, ergo principium aliquod habet in se se existendi, id ergo retinebit etiam si separetur à corpore: separari enim etiam poterit secundum illud. nam quod anima agit nullo vtens corpore, non agit qua forma corporis, forma enim rei non operatur quippiam per se, sed est principium operandi ipsi rei cuius est. si ergo anima agit aliquid per se, qua id agit non est corporis actus, sed substantia aliqua à corpore separabilis, quare & incorruptibilis. erit igitur anima geminæ quodammodo naturæ, quæ corporales & per corpus exercet actiones, forma corporis; quæ spirituales & nullo vtens corpore, substantia incorporea separabilis & immortalis. si verò est in anima aliquid immortale, constat ipsam animam immortalem esse, atque separatione corporis tantum priuari eis actionibus, quas obit per corpus, velut artifex priuatus instrumentis. Propositio ergo satis est euidens. videntum verò, an re vera sit aliqua actio hominis, cuius nullum sit corporale organum. tales certè sunt duæ, intellectus & voluntas. quod ita constat: euenit hominem intelligere atq;

cogno-

cognoscere contrarium, ei quod sensus omnes corporales, siue externi siue interni dictant, & velle contrarium ei, quod appetunt corporales omnes potentia: ergo neque intellectus, neque voluntas, ea scilicet, penes quam est liberum arbitrium, est corporalis potentia. nam nulla potentia corporalis dictat, stellam esse maiorem terra: intellectus dictat esse maiorem: ergo intellectus non est corporalis. neque vllus vnquam appetitus corporalis appetere potest dolorem, neque langorem; voluntas hominis sæpe appetit hæc (nam ieiunia & verbera) ergo voluntas hominis non est corporalis. ad intelligendum ergo aut volendum nullo corporali instrumento vitur anima. Porro euenit aliquando disputare de re, separata omni conditione materiali, vt de homine, nulla ratione habita loci, magnitudinis, coloris aut figuræ, aut alterius cuiuspiam conditionis corporalis & sensibilis, ergo potentia quæ id agitur, nullo corporali organo vitur. nam cum cognitio agitur aliquo organo corporali, facultas nihil aliud percipit quàm organi passionē. organi vero corporalis passio, non possit esse sine corporalibus conditionibus. quare neque facultas per eam perciperet, nisi accidentia corporalia: quæ igitur percipit sine corporeis accidentibus, incorporea est. Præterea, adeo videtur euidens esse in nobis aliquam substantiam incorpoream, separabilem, & æternam, vt, vel quia in dubium vertitur, & vocatur in disputationem, necessarium sit ita esse. nam si in nobis nihil esset nisi corporeum & caducum, vnde orta esset nobis ea dubitatio, aut omnino cogitatio de æternis & incorporeis, magis quàm belluis? omnis enim cogitatio, aut ab obiectis orta est, aut interius ex nobis ipsis suppullulat. immortale & incorporeum nihil nobis obijci potest, dum in hac vita sumus. nam & ipsæ spirituales substantiæ, si quando hominibus vo-

lunt apparere , corporales species induunt . Si ergo in nobis nihil lateret tale , nullum omnino principium esset cogitandi de incorporeis & æternis . nam finge Deum fecisse ab initio omnes homines sine oculis , quis vnquam disputasset , an color esset fulgor quidā , an superficies extremitas in corpore terminato ? vel an color esset visibilis per species quas effunderet , an per facultatem , quæ ab oculis emitteretur ? nunc verò disputatur de incorporeis substantijs, & æternis, & de modo quo intelligunt & operantur : est ergo in nobis vis aliqua ea agnoscendi , quæ non potest esse corporea , sed incorporeum aliquid & æternum , cuius præcipuè ea facultas est , & vnde naturaliter suppullulat omnibus gentibus , diuinorum , immortalium , & incorporeorum cultus , & desiderium . igitur haud dubium est esse in nobis mentem immortalem . neq; locus est dubitandi, an Arist. ita putauerit, putauit enim proculdubio . An verò ea mens, & anima, per quam sentimus & mouemur, sint diuersæ, hæc mortalis, illa immortalis, iuxta sententiam Aristotelis, ac re vera , an sint partes diuersæ eiusdem animæ immortalis , id videtur posse in dubium vocari . In qua disputatione ita videtur procedendum . Aut illa mens (si non esset eiusdem animæ, qua sentimus pars) esset in omnibus hominibus eadem , aut in alijs alia . eadem numero in omnibus , non videtur posse . nam etsi idem homo ponatur in multis locis esse, non tamen poterit , idem cùm sit, contraria habere simul , velut vno loco esse albus , alio niger secundum eandem partem, & eodem tempore . tamen humana mens quædam in hoc homine scit, quæ in alio ignorat , & est huic bona , illi mala mens : non est ergo eadem numero . Si verò est vnicuique sua , quandoquidem ea nullo corporeo vititur instrumento , non sit corporis actus , neque sit in homine vt forma in materia , sed vt nauta in naue , vel vt intel-

ligimus

ligimus esse in orbibus cœlestibus spirituales alias substantias. Si verò ita est, homo duo sit supposita diuersa, aliud, illud animal alogum, ex corpore & anima sensitua conflatum, vt equus, & bos, aliud substantia illa per se quidem subsistens. quandoquidem si forma corporis non est, neque corpus est illi materia, sed adest, velut cacodemon aliquando tenet humanum corpus. non ergo erunt eadem vtriusque, neque totius ex vtroque conflati eadem actiones, neque communes, sed vtrique suæ. sentiet sanè illud animal, intelliget illa mens, homo tamen non intelliget, magis quàm sues, in quos sunt immisi dæmones. hæc autem omnia sunt absurda. non est ergo ita: sed anima illa tota qua sentimus, mouemur, & intelligimus, substantia est incorporea, æterna, & separabilis. habet tamen mirabilem naturam præ alijs omnibus intelligentijs, quòd cùm sit substantia potens per se subsistere, potest etiam corpori ita temperato & formato herere vt forma, & per corporalia organa, esse illi principium sentiendi & mouendi: atque intelligit, quà separabilis, sentit & mouet, quà forma. quare cùm à corpore recedit, illud retinet, hoc amittit. atque ideo, à corpore separata, imperfecta quodammodo est, quia exercere non potest multas earum virium, quas natura habet, sentiendi scilicet & mouendi. sed dices, humanum corpus habet temperiem & compositionem meliorem, quàm aliorum animantium corpora, & ad viuendum accommodatiorem, ergo dum in vtero geritur, vbi primùm talem temperiem & compositionem attigerit, orietur necessariò ex materiæ potentia forma sensitua, ita vt necessariò, etsi eo momento Deus nullam rationalem immergeret, esset futurum quoddam animal, idq; perfectius alijs irrationalibus. Si igitur sensitua forma necessariò oritur ex illius materiæ potentia, frustra datur ratio-

nali animæ pars sensitiva. erit enim otiosa sensitiuarum altera, aut utentur duæ eisdem organis. Certè nisi Deus immergeret in humanum corpus rationalem animam, illud verò nihilominus temperiem & compositionem acciperet talem, oriretur naturaliter forma aliqua sensitiva: nunc verò non oritur, quia eodem temporis momento, quo commodam compositionem corpus consequutum est, inspirat in illud Deus spiraculū vitæ, quod simul sensitiva & intellectiva anima est. eo verò inspirato, materia non profert aliud, ut neq; vlla alia res producit, quod productum inuenit. Itaq; non profert quam proferret formam sensitivam, quia præuenit accedere illud spiraculum vitæ, quod non minus sensitiva anima est, quam quæ ex materiæ potentia oriretur. Monstratum itaque esse videtur animam hominis esse incorpoream, & separabilem, non ex materiæ potentia ortam, sed extrinsecus accedentem, eandemque esse in nobis sentiendi & intelligendi principium, etsi non eodem modo. Considerare autem superest, an anima antiquior sit corpore, ut Plato censet, atque creata prius, in corpus deinde immittatur, an in ipso creetur corpore, neq; vnquam anrea sit, quàm teneat corpus. Nullam esse arbitror naturalem rationem & viam, qua alterutrum monstrari possit. quia, ut Aristoteles dicit, post mortem non reminiscimur, hoc est scire non possumus, an nostræ animæ præextiterint, & sæpe ab alijs corporibus decesserint, quia etsi id factum esset, non possemus recordari, eò quòd omnium rerum corporalium in singulis decessibus essent deleta phantasmata. itaque Aristoteles etiam existimauit, presentis dubitationis nullam nos posse monstrationem comparare. Sequentibus verò nobis hac in parte, quod est probabile, videtur præter rationem, ponere animam antiquiorem corpore.

corpore . nam anima quā anima , forma est , formæ verò quā forma , non est aliud esse , quàm esse formam . non est ergo consentaneum esse prius animam quàm sit forma , forma verò actu non est nisi in materia , ergo non est prius quàm sit in materia , sed in ipsa creatur . Porro secundum naturæ ordinem prior est potentia , quàm actus , quia potentia via est ad actum , materia verò est potentia , forma actus , ergo materia generatim prior est quàm forma , & antiquior : igitur & hæc materia , quàm hæc forma , corpus inquam quàm anima . quoniam verò corpus omne dissolubile , anima verò , vt monstratum est , immortalis , sit vt posterius , corpore corrupto anima maneat , vsquedum , Vi diuina , eadem , rursus vnita , tribuat immortalitatem . hanc ob causam Moses hominis ortum narrans , dixit . inspirauit in faciem eius spiraculum vitæ , hoc est dedit illi spiritum , quo viueret . Ezechiel verò cū rationem Palingenesiæ , seu resurrectionis exponeret , dixit iussu Dei quatuor ventis , Veni spiritus & insufla super interfectos istos , & reuiuiscant . Iubet itaque mortuorum spiritus , quasi separatos , & adhuc manentes , redire in sua corpora , atque à quatuor ventis venientes congregari . Sunt itaque hæc eadem , quæ diuina tradunt eloquia , partim naturali ratione indicata , partim confirmata probabiliter . Esse scilicet in homine vnicam animam (nam alendi principium animam non appello) eamq; non oriri ex materiæ potentia , sed à Deo inspirari , non quidem seorsum factam prius , sed creatam in ipso corpore , separabilem & æternam , atque manentem post interitum . sed , quoniam huic contemplationi coniunctum est . de brutorum animis , quid sacra innuant , adijciamus .

CAPVT QVINTVM.



„ A P I T E nono Geneseos dicitur. omne
 „ quod mouetur & uiuit erit vobis in ci-
 „ bum, quasi olera virentia tradidi vobis
 „ omnia, excepto quod carnem cum san-
 „ guine non comedetis. sanguinem enim
 „ animarum vestrarum requiram de ma-
 „ nu cunctarum bestiarum. Rursum de-
 cimo septimo Leuitici, ter repetuntur hæc verba. Anima
 „ omnis carnis in sanguine est. Rursum. 12. Deuteronomij
 „ hoc solum caue, ne sanguinem comedas, sanguis enim eo-
 „ rum pro anima est, & idcirco non debes animam comedere
 „ cum carnibus. His verbis Philon, libello quod deterius
 potiori insidietur, intelligit dici, animam esse ipsum san-
 guinem. cuius sententiæ fuerunt inter Philosophos nonnul-
 li, vt Critias, cuius meminit Aristoteles primo de anima.
 quoniam verò. 2. cap. Geneseos dictum est, inspirasse Deum
 in faciem hominis spiraculum vitæ, atque illud esse animam
 qua viueret: quibus verbis apertè significatur, animam ho-
 minis esse spiritum illum inspiratum à Deo, componens hæc
 duo loca, dicit, esse in homine duas animas: alteram carnis
 per quam homo animal sit, hanc esse vt in brutis sangui-
 nem: alteram hominis quæ homo est, hanc esse illud spi-
 raculum incorporeum, separabile, & æternum: ob idque
 dicere Mosem, inspiratum esse in faciem, quòd id non
 sit per totum corpus, & insensatissimas etiam partes di-
 spersum, vt sanguis, sed sublimem corporis partem te-
 neat, quo superna cœlestiaq; contempletur. Sed cùm mon-
 stratum antea sit, eandem esse vnicamque in homine ani-
 mam,

mam, qua sit animal & homo, hoc est, quā sentiat & intelligat, non potest nunc hæc Philonis interpretatio probari. neque verò dicere possumus, brutorum animas esse sanguinem, hominum verò non. nam. 4. capite Genescos dicitur, Vox sanguinis fratris tui clamat ad me. id verò dicitur de sanguine Abel, quasi anima Abel clamaret, & effusus sanguis. quid ergo dicemus? certè non videtur necesse intelligere, quia dicitur, Anima omnis carnis in sanguine est, essentiam ipsam animæ esse in sanguine, seu animam esse ipsum sanguinem. necesse tamen est, sanguini esse cum anima aliquid præ alijs corporis succis: aut sanguinem esse aliquid animæ quod alia quæ in nostro corpore continentur, non sint, cuius gratia dicatur, anima esse in sanguine, potius quàm in ullo aliorum. id verò quid sit oportet inuestigare. Primum omnium sanguis, anima carnis non est. Anima enim est forma corporis viuentis: corpus verò non potest esse forma corporis. forma enim & materia partes sunt rei, ut principia, non ut partes quantæ. quapropter ex materia & forma constat res secundum se totam, neque quā forma & materia possunt esse separabiles aut dissitæ. Sed neque pars animantis propriè videtur esse posse sanguis (dico verò partem propriè esse, quæ est animata, non ut capilli, & extremi ungues) nam sanguis est alimentum commune partium omnium corporis, nulla autem partium videtur parte alia animantis nutriri. neq; videtur consentaneum rationi, ut inter eiusdem animantis partes ea pugna sit, ut alię alias conficiant. porrò sanguis non est continuatus cum solidis partibus, sed ut liquor quivis alius in vase continetur. non facit ergo cum illis vnum per se, & unitate formę. Porrò nemo hominem, minorem fieri, aut mutilari putat, cum sanguis emittitur: oporteret verò si is esset pars. sed si nihil horum est sanguis, quid

quid superest vt sit aliud quàm alimentum? non enim est excrementum. sed si id tantum, quid potius est quàm pituita, bilis, melancholia, lac, medulla ossium, semen, communis ros, quæ etiam nutriunt? Certè in ratione alimenti præstat plurimum alijs succis sanguis, quia solus potest nutrire partes omnes: alijs verò succi, partim non nisi cum quodam sanguine misti, vt bilis vtraque, partim non nisi quasdam partes, vt pituita pituitolas, chylus vocatus ventriculum, lac mamas, medulla ossa, semen testes. est itaq; antonomasticè, ac ratione quadam potiori, sanguis alimentum animalium, atq; ideo cum nutritione seruetur eorum vita, videtur non ineptè dici, carnis animam, hoc est vitam, in sanguine esse, hoc est, sanguine seruari. Verùm cum nutritio non sit animantium propria, sed communis cum his rebus, quas Moses non vocat viuentes, sed virentes, vt indicatum antea est, leue esse videtur nutritionis esse materiam, vt anima in eo esse dicatur: consentaneumq; est, aliud præterea esse aliquid in eius natura, cuius gratia ita dicatur. Certè vt Galenus dicit, sanguis non tantum præstat corpori alimentum, sed calor etiam naturalis perseuerantiam in eo obtinet: quia fouet, seruatq; naturalem calorem sanguine præditorum. quod vel inde intelliges, quòd effusione sanguinis refrigerantur. quamquam hoc contradictionem videtur posse accipere. siquidem Aristoteles censet (atq; Hippocrates alicubi videtur eiusdem esse sententiæ) sanguinem esse subiecto frigidum, calere verò calore cordis & spirituum. atq; adeo Galenus ipse, etsi subiecto calidum esse censeat, tamen eius feruorem calore cordis fieri concedit. si igitur sanguis aut subiecto frigidus est, aut saltem minus calidus quàm cor, non seruat ipse cordis calorem, nisi fortè per accidens, vt vestes aut medicamenta, quæ recalfaciunt partes, à quibus calorem acciperunt.

perunt. Atq; hoc quidem, vt ego existimo, consentaneè dicitur, & res ita habet, nisi sanguinis nomine intelligamus sanguinem vt in animantibus existit, spiritu scilicet plenum, eiusq; admistione calentem, & fluentem. atqui oportet ita intelligere, semper enim intra sua vasa talis est, in arterijs quidem magis, in venis minus, vtrobique tamen spirituosus. quia semper cum sanguine spirituum copia effunditur, hisq; euanescentibus concrefcit vbi effusus est, nisi sit corruptus. spirituosus ergo est, ex quo caloris naturalis perseuerantiam obtinet, & in quo anima, hoc est, vita, est. quia, scilicet, facultas vitalis, quæ viuentium propria est (neq; communis cum virentibus, vt nutritio) in naturali cordis calore consistit. hic verò sanguine & spiritibus seruetur. sed dices, nondum videri hæc esse satis, vt anima in sanguine dicatur esse, neq; sanè prius videri esse posse satis pro dignitate explicata hæc verba, quàm indicetur animam ipsam aliquo modo in eo esse. Certè hoc quoq; indicari potest. nam nisi anima in sanguine spiritoso est, quo pacto possint in eo esse eius actiones? at verò sunt. nam quid est, quod ferueat per iram, fugiat per timorem, per mœstitiā pigrescat, per gaudium effundatur, per pudorem in faciem occurrat, quàm sanguis & vitales spiritus? necesse igitur est animam, cuius sunt hi affectus, in sanguine esse aliquo modo, quo in nulla alia re, earum quæ ad corpus nostrum pertinent: siquidem nulla alia ita mouetur per animæ affectiones. si verò vt indicatum est, non est sanguis ipsa anima, non est in eo animæ essentia, vt humanitas in homine: atq; si ne animatus quidem est sanguis, non est anima in sanguine, vt in corde, cerebro, & alijs partibus, vt inquam in subiecto proprio: subit verò sanguis motus, qui primariò ipsius animæ sunt, est igitur in eo anima vt in instrumento proprio ipsius. dico autem vt

in instrumento proprio ipsius: quia cùm sint duplices motus in animante, quidam dicuntur esse corporis, vt ambulare, & clamare, quidam animi per se, vt irasci, gaudere, merere, timere, & erubescere: horum est sanguis cum spiritu fluens, instrumentum proprium. atq; ita anima in eo est modo quodam diuiniore, quàm in vlllo alio instrumento: non quidem per informationem, aut per præsentiā, sed per potentiam, & operationem, quia nulla alia in re manifestius quàm in eo operatur. quin potius videtur ipse sanguis, animæ proprias operationes operari, esseq; velut alia quædam anima corporalis & manifesta, exprimens suis actionibus, illam primam & veram animam, quæ per se est nobis incognoscibilis. Vtgebis rursus dicens, fieri non posse, vt sanguis moueatur motibus animæ per se, nisi animatus sit, aut ipsamet anima. nunc verò videtur, motus illos subire per se. neq; enim sanguis ita mouetur, quòd trahatur, pellatur, aut mittatur ab aliquibus corporis organis, sed quòd per sese sequatur imaginationem, quasi percipiens animæ ipsius conceptiones. Certè hæc admiranda sympathia sanguinis cum anima est, vt hæc percipit, ille mouetur. Indicat porrò ea res, diuinitatem quandam in anima animantium perfectorum, quæ sanguine prædita sunt, & illos habent animi motus, maiorem, quam sit in rerum imperfectiorum formis: posse scilicet mouere, vi imaginationis, materiam deiunctam, & cuius actus ea non sit, illaq; vt vt instrumento proprio suorum motuum. hanc fortasse ob causam, Auicenna maiorem adhuc virtutem (vt par est) rationali animæ volens tribuere, putauit, posse eam hoc idem in materia extra corpus, longeq; consistente, citra omnem contactum physicum, facere. Ea verò sententia non probatur. neq; sanè sanguis ab anima, sine contactu mouetur, sed mathematicè tangitur à viuentibus

uentibus partibus: physicè, hoc est per virtutem ab anima. est enim, vt dictum est, anima in sanguine, per operationem & virtutem. hanc ob causam, volens Deus Optimus Maximus, homines quàm maximè à cēdibus, & iniurijs abstinere, curauit, vt à sanguinis effusione super terram, & esu, aborrerent. estq; hoc quodammodo simile symbolis Pythagoricis, quibus præcipiebatur aliquid, vt aliud insinueretur. velut iubebat ille abstinere à fabis, quo abstinerent à comitijs. voluit verò Deus, vt sanguinis effusione, tantum vterentur ad expiationem animarum: vt, quòad fieri posset, anima pro anima redderetur. nimirum sanguis est quodammodo altera anima, vt explicatum est. Ex dictis facile constat (de quo Theologi solent dubitare) animal neq; perfectum, neq; integrum sine sanguine futurum. quia erit in eo anima, impos actionum vitalium, vtpotè proprijs orbara instrumentis, sanguine inquam & spiritu. his de anima dictis, non intempestiuè, de corporis nutritione, & vitæ tutela, differemus.

CAPVT SEXTVM.



APITE tertio Genesios ita habetur. nunc ergo, ne fortè mittat manū suam, & sumat etiam de ligno vitæ, & comedat, & viuat in æternū. emisit eum Dominus de paradiso voluptatis, vt operaretur terram, de qua sumptus est. his verbis aperte significari videtur, si Adamus vesci potuisset fructu arboris vitæ, futurum vt viueret in Æternum. An verò id vlla ratio physica ferat, examinandum. Viuentia omnia nutritione seruari, nisi nutrirentur, mox interitura, nutritionemq; capi ex alimentis, adeo

notum est experimento, ut dubitent physici, an possit, eorum salua vita, nutritio intercipi, vel momentum temporis. Atqui, nutritio est nouæ substantiæ repositio, pro ea quæ continenter absumitur; quæ causa sit eius absorptionis, non adeo constat. Plurimi enim Philosophi, naturalem calorem causantur, eundem scilicet qui nutritionis est causa: Ego calorem igneum, qui in nobis, leuibus ex causis, frequenter accenditur, & externas causas, quæ nos perpetuò afficiunt, consumptionem nostri, facere affirmo: naturalem calorem contrà, seruare & augere. verum de hac questione alibi est mihi disputatum. modo nihil interest. siue enim naturalis calor veterem substantiam absumit, & nouam reponit: siue siccant corpora extremæ causæ, & naturalis calor substantiam reponit, stat eadem dubitatio. Asserendum enim est, corpora viuientia, accessione eius substantiæ, quam accipiunt ex cibis, seruari: & cibos alios alijs esse meliores, plus ac melius nutrientes: alios deteriores, ac nutrientes minus: & meliorum vsu diutius seruari corpora, deteriorum verò, venire citius ad interitum. An verò cibi vllius bonitas sufficere possit, quò vllum viuentium, sine interitu, seruetur in æternum: an semper viuere, viuentium ex alimento naturæ repugnet: vel quòd eorum mortali vitæ, mori intimum, ac necessarium sit: vel quod ipsa ratio alimenti vim tantam non admittat, id est quod vertitur in controuersiam. si enim hoc natura rerum non fert, dicemus benedictionem fuisse in ligno vitæ, ut qui eius fructu vteretur, æternum viueret: aut illud æternum, longum potius significare, quàm nunquam finiendum, tempus. si autem fert, dicemus fuisse naturam. primùm quidem, ipsi viuentium naturæ non videtur repugnans, carere interitu. non enim nisi quia genita sunt. monstrauius verò antea, totum

tum quoq; mundum factum esse, & posse sine interitu seruari. porro Galenus, qui in *Physicis* magnę auctoritatis censi debet, genitum omne aliquando interiturum, nullam monstrationem habere posse, affirmat, sed sola inductione probari. id verò si ita est, non repugnat ipsi geniti rationi, non mori. alioqui, illa ipsa ratio, quę non mori repugnaret, posset esse medium monstrationis, quę colligeretur moriturum. Galenus meminit *sophistę* cuiusdam *Ægyptij*, qui assererat, homines non mori necessitate naturali, sed ignorantia faciendorum; atq; de ea re scribere librum cœperat; quasi quis nunc affirmaret, fieri posse naturaliter, ut homines seruarentur in æternum, si fructus ligni vitę daretur copia, mori verò, quòd is fructus ignoretur, aut iussu Dei, à *Cherubim* interdicatur. Multo minus videtur hoc repugnare naturę alimenti: quia alimentum nomen est materię, atq; ut *Aristoteles* dicit, rei victę, non effectricis causę. non enim cibus nutrit, quòd faciat aliquid, sed quòd mutetur in substantiam nutriti. in materia verò non desideratur virtus, neq; facultas vlla, sed dispositio & copia. velut igitur ignis, si suppeditentur ligna ardere apta, nunquam deficiet, nec *elychni* flamma extinguetur, si suppetat oleum, ita viuere possit animal, si abundet idoneus cibus, aut saltem mortis causa non in ipso cibo sit: ab hoc enim quid petas aliud, quàm ut sit materia? Nihilominus videtur manifestum, naturaliter non posse non mori, quod viuit ex alimento, quocunq; vtatur, vel hoc solo argumento, quod nullum talium vnquam extitit, quod non moreretur. nam si nunquam extitit, neq; erit quidem, nam circulo semper redeunt tempora, & cum circulari mutatione totus semper agatur mundus, eadē continenter abeunt & redeunt, neq; est quippiam eorum, quę naturaliter fiunt, quod non fuerit antea.

quod

quod disertissimè dixit Ecclesiastes , his verbis , Quid est quod fuit? ipsum , quod futurum est . quid est quod factum est? ipsum quod , faciendum est . nihil nouum sub sole, neq; valet quisquam dicere, ecce hoc recens est , iam enim præcessit in seculis , quæ fuerunt ante nos . Itaq; quod nunquam factum est, ne erit quidem (id intelligo de rebus constantibus natura , non enim perinde est de casu , aut arte factis) quod verò nunquam fit, neq; potest fieri naturaliter . nulla enim est naturalis potentia , quæ nunquam ad actum deducatur . igitur Philosophi vel hac sola ratione tenentur concedere , fieri non posse , vt quod viuit ex alimento , non moriatur , quod nunquam factum est : atq; eodem argumento constat, nihil , eorum quæ naturaliter oriuntur , posse non perire . neq; quidquam obstat quod de mundo dicebatur . mundus enim non est naturaliter ortus , sed factus à Deo , causa infinitæ virtutis, & libera , à qua extingui potest, seruabitur tamen eius bonitate . Natura verò, nihil eorum quæ facit , seruare potest, nisi tempus certum , quia finitæ virtutis est , neq; libera causa . cæterum hoc argumento , posteriori solum , vt dicunt Dialectici , indicatur , non posse fieri id de quo quæritur : quæ tamen causa id fieri non possit , non explicatur . Quapropter , vt hoc quoq; , si fieri potest , explicetur , aliunde petendum principium est . Non videtur autem aptius peti posse , quàm ab eo , quod in obiectione quærebatur . Cur scilicet ignis accessione materiæ possit in æternum seruari , atq; ad eo , quantum agitur in eius natura , crescere in immensum , homo autem & planta non possit , vtcunque potiatur cibo , seruari, nisi certum quoddam & finitum tempus , neq; comparare , nisi certam & definitam molem . Huius si inuenta idonea ratio fuerit , simul habebitur & monstratio à priori , necessarij interitus , eorum quæ

que genita sunt . Constat verò , eius rei causam esse , in differentia nutritionis viuientium , & ignis . Ea est , ignem , & alia inanima ; neq; augeri , neq; nutriri , nisi secundum partes materiales : viuentià verò secundum formales : hoc est , illa nutriri accessione partium magnitudinis , diuersarum , & dissitarum à præexistentibus : hæc verò non ita , sed alimento ita in præexistentes assumpto & commutato , vt non afferat nouas , sed seruet veteres , aut etiam augeat . Atqui , per illam improprie vocatam nutritionem , non tam seruatur idem corpus , quàm gignitur aliud & aliud , neq; aliter existens idem , quàm fluuius : per nutritionem verò propriam durat idem . quapropter in æternum seruari non potest , ignis verò potest . vt homo specie idem , seruetur successionem multorum . sed cur idem existens , vt hic homo , aut hæc morus , non potest propria nutritione in æternum seruari , nondum diximus . incipiamus verò ab ipsius nutritionis ratione : ea est , reparatio naturalis humidi quod intus perit , ex alimento , quod & commutatur , & penitissimè in partes alendas assumitur , distributum , & affigitur . itaq; humiditas naturalis continenter dissipatur , alioqui non indigerent corpora alimento : non ambigitur autem an indigeant , sed an id sufficiat , ne moriantur . Itaq; indigent alimento , & siccantur , siue à suo ipsorum calore , siue ab externis causis , maximèq; ab aere , qui , aut calore absomit humorem , vt in æstate , aut frigore exprimit calidum , cum quo abit & humor , vt arescunt arbores præ frigore in hyeme , & res omnes flante Borea siccantur . vtcunq; de hac quæstione censeas , concedes siccari semper viuientium corpora , alimento verò fieri , ne arescant cito , velut quæ deciduntur , & radicibus abstracta , alimento priuantur , ligna . ea enim videmus , humi iacentia , breui siccari , adeo , vt non possint germinare

minare rursus , & si humi figantur : quod eorum mortis inditium est . moriuntur ergo decisa ligna, breui siccata , non alia causa , quàm quòd priuentur alimento . non enim iugulantur , vt truncati homines , aut aliquid aliud patiuntur , quod eis moriendi causa sit (viuunt enim rami singuli, & germinant, si ante ariditatem figantur) sed arescunt, quòd priuentur alimento . alimentum ergo , reparando humidam substantiam , facit , ne arescant corpora , alioqui breui , præ siccitate , interitura . si igitur humectatio ab alimento accedens , æqualis esse potest siccationi , quæ ab alijs causis , obstare utiq; poterit , quominus corpus siccetur : si maior , facere vt etiam euadat humidius : si verò necessario est maior motus , quem subit corpus ab externis , eo quem à cibo , necessario siccabitur corpus semper , ac postremò morietur : alimentum verò , tantummodo obstabit , ne tam cito . Atqui , maiorem motum esse quem cient externa , primùm quidem , experimento constat , quia multo citius siccatur decisum lignum , & homo cibo priuatus , quàm reficitur rigatum , & cibatus . deinde , multis etiam rationibus videtur id esse necessarium . nam cùm eueniat , duobus modis alterare corpus , aut simpliciter alterando , aut gignendo substantiam alteram , constat illud facilius esse , ac citius fieri , hoc difficilius , & fieri tardius . nam facilius siccet corpus , admouens tapſiam , aut euphorbium , aut ignem , quàm iubens uti cibus assis , & milio , aut eruo : & humectet citius balneo aquæ , quàm esu lactis aut prisanæ : cum ergo siccantur semper corpora ab externis , non ob substantiæ repositionem , sed alterata , humectentur verò à cibo , non aliter quàm repositione substantiæ , necesse est lentio rem motum cieri à cibo , quàm ab externis . porrò motus , qui incipit ab eodem ipso quod mouetur , non potest non esse tardior ,
quam

quàm qui ab ipsa mouente causa incipit: quia cum id quod mouet principium mouendi accipit, ab eo ipso quod mouendum est, operosior, & difficilior est motio. velut facilius est corpora calfacere igne, quàm tapsia. quia tapsia non potest vrere, anteaquam à re ipsa vrenda calfacta sit: ignis verò nihil aliunde recipiens, statim vrit. Externę causę pleręque vi propria, & quā actu tales, siccant: alimenta non humectant, nisi conficiantur prius ab ipso viuientis corpore. necesse est igitur humectationem à cibo tardiozem motum esse, siccatione ab externis, atq; ob id, citius aut tardius, tamen postremò viuientia omnia mori. Certè hæc, quę proposuimus, verissima sunt, puta, maiorem & celeriozem esse motum, qui alterando agitur, & principium accipit à facultate, quę actu inest causę mouenti, quàm qui repositione substantię, & initium ducit ab ipsius patientis actione, si conferantur æquales mouendi causę: si verò conferatur inæquales, aliter potest euenire. nam magis calefcet corpus affricata tapsia, quàm si moretur in tepente sole: & humectabitur magis, multo esu recentium vuarum, lactis, piscium, & lactucę, quàm modica lotione: nimirum conferuntur magnę causę cum exiguis: verum si conferrentur equales, eueniret, semper, quod propositum est. Vnica igitur superest dubitatio, An possit cibus vllus esse tanto potentior humectando, quàm causę omnes externę siccando, vt eius motus illarum possit motui præualere, atq; ita seruari animal sine interitu: & an talis forasle fuerit fructus ligni vitę. non ceret: nam externę causę, siccando absumunt partem substantię humidę, necesse est ergo vt dum absumunt tantam, reliquam alterent secundum qualitatem, reddantq; sicciozem & duriozem: cibus ergo aut reponet solum substantiam humidam, aut reliquas etiam, & quę supersunt; alterabit se-

cundum qualitatē . si substantiam tantum reponit , quantumvis reponat copiosè , reddentur indies sicciore partes animantis , atq; ita quoq; ibunt in interitum (vt certè fit) secundum molles partes , & quæ abundanter reficiuntur , aliquando factæ humidiores , secundum solidas verò , quæ ob siccitatem & soliditatem naturalem , siccantur multum , & reficiuntur exiguum , semper siccescentes . sin autem cibus non reficit solum , sed qualitati etiam obsistit , non nutrit solum , sed etiam alterat , neq; alimentum solum est , sed etiam medicamentum . si verò est medicamentum , corpori sano morbum faciet , morbum verò faciens , mortem attulerit citiorem : sin autem corpus morbosum fuerit , ita quoq; morietur . nulla igitur ratio est naturalis , qua possit corpus , cibus quispiam in æternum à morte liberare . Quid ergo dicemus de homine semper victuro , nisi peccasset : & de fructu arboris vitæ , quo qui vesceretur , in æternum viueret ? Certè homo nisi peccasset , nunquam fuisset moriturus , siquidem per peccatum intrasse mortem sacra canunt eloquia : tamen , & si non peccasset , fuisset mortalis . non enim idem est , neq; per peccatum factus est mortalis , qui mortalis non esset , sed moriturus , qui mortalis iam esset . Sed quo pacto non esset moriturus , qui esset mortalis ? certè voluntate Dei , sicut de toto orbe , etiam ex sententia Platonis dicebatur , extinguere posse , & redigi in nihilum ex quo est factus , tamen voluntate Dei semper perseueraturum . ita quoq; homo qui mortalis erat , & redigi naturaliter poterat , in suum cinerem , voluntate Dei viueret semper , nisi peccatum obtinisset . non est itaq; per peccatum factus mortalis , sed qui cum erat innocens voluntate Dei seruabatur , ob peccatum traditus est suæ mortalitati . quo modo mortalis cum esset à morte præseruabatur , Deus scit , non possum apertè dicere . magnam
verò

verò partem eius præſeruationis fuiſſe in fructu ligni vitæ, ipſe dicit. duorum igitur alterum videtur conſentaneum, aut fructum illum fuiſſe, ciborum omnium, qui vnquam extiterint, præſtantiſſimum, atq; vim habuiſſe naturalem ſeruandi homines diutiſſimè, diutiusq; , quàm poſt peccatum, voluerit eos Deus viuere (ſignificabit verò ita illud, in æternum, tempus longum, vt in multis alijs locis) Deum q; antequam id expleretur tempus, fuiſſe eos in vitam æternam, tranſlaturum : aut habuiſſe vim tribuendi vitam æternam, habuiſſe verò eam non natura, ſed benedictione. nam cùm antea monſtratum ſit, Deum habere vim infinitam, & nullis naturæ legibus teneri, atq; adeo ipſam naturam nihil aliud eſſe, quàm exiguum quendam diuinitatis fulgorem, quid obſtat, quominus poſſit, ſi velit, ipſis corporibus quibus dedit naturam, facultatem aliam tribuere ſuperiorem? vtrumvis igitur facere potuerit Deus, vtrum videatur magis conſentaneum, diſputent Theologi. excedit enim id meum inſtitutum. Haſtenus mihi de mundi opificio, animæ immortalitate, & hominis, aliorumq; omnium viuentium interitu dictum eſt: quod ad naturales vitæ fines ſpectat, adiciamus.

CAPVT SEPTIMUM.

»
»
»
»



APITE ſexto Geneſeos. Non permanebit ſpiritus meus in homine in æternum, quia caro eſt, eruntq; dies illius centum viginti annorum. his verbis videtur ſignificari, à temporibus Noë hominum vitā, Dei præcepto, quod oportet eſſe inuiolabile, ad centum viginti annos eſſe contractam. reclamatur verò vita Abraham, qui vixit

centum septuaginta quinque; & vxoris eius Sarra; quæ vixit
centum viginti septem, & eorum filij Isaac, qui vixit cen-
tum octoginta, & nepotis Iacob, qui vixit centum quadra-
ginta septem, ac multo magis eorum, qui inter Noë &
Abraham, vixerunt ferè. 400. annos omnes. hanc ob cau-
sam quidam, verba illa capitis sexti Geneseos, interpretan-
tur dicta, non de singulorum hominum vita, sed de totius
mundi duratione vsq; ad diluuium: itaq; verba illa dicta esse
ad Noë, centum viginti annos ante diluuium, prædiciq;
non quantum posset vita cuiusq; hominis produci, sed quan-
tum superesset, vsq; ad totius carnis interuentionem hoc est,
vsq; ad diluuium. Mihi verò non probatur ea interpretatio,
sed dixerim potius, vsq; ad diluuium, hominum vitas, Dei
voluntate, fuisse multo longiores: in posterum, eiusdem
præcepto, fuisse contractas ad centum viginti annos. neq;
verò hoc debet Philosophos deterrere, neq; censendum,
aut hanc breuitatem esse naturæ morbum, aut illam vitæ
longitudinem, fuisse supra naturam. si enim, vt ipsi mul-
tis argumentis, neq; inevidentibus, confirmant, Deus est
actionum omnium naturalium causa prima, necesse est na-
turam rerum plus aut minus posse, vt ei Deus aspirat. Cur
autem illa verba non possint, ad diluuium pertinere, dica-
mus. primùm quidem, quia non est reuelatum Noë tanto
prius. Iam enim habebat Noë filios, qui cum eo sunt in-
gressi in arcam, puta, Sem, Cham, & Iaphet, cum ei
est reuelatio facta. siquidem hæc sunt Dei ad illum verba.

„ Ecce ego adducam aquas diluuij super terram, & interfi-
„ ciam omnem carnem, in qua spiritus vitæ est subter cælum,
„ & vniuersa, quæ in terra sunt consumentur, ponamq; fœ-
„ dus meum tecum, & ingredieris arcam tu, & filij tui, vxor
„ tua, & vxores filiorum tuorum tecum. itaq; cùm reuelatio
est

est facta, habebat iam filios, qui etiā duxerant vxores. at vero erat quingentorū annorum Noë, cum genuit Sem, Cham, & Iaphet, cœpit verò fieri diluuium ruptis fontibus & apertis cœli cataractis, anno sexcentesimo vitæ Noë. non ergo est prænuntiatum diluuium, centum viginti annis antequam fieret. quapropter non est illa legitima interpretatio, sed eum finem statui hominum vitæ. Confirmatur hoc verbis Moysis, capite trigesimo primo Deuteronomij, qui causam reddens, qua illum mori oporteret, neq; posset amplius viuere, dicit, Centum viginti annorum sum hodie, nō possum vltra egredi & ingredi. Est itaq; Dei iussu centesimus vigesimus annus vltimus clymaëricorum, & quo longissima vita hominis concluditur. ante hunc est centesimus clymaëricus etiam ipse, nam decimo octauo capite Ecclesiastici dicitur, Numerus dierum vitæ hominum, vt multum, centum anni. neq; immeritò dixi longissima, est enim alia vitæ productio, vt plurimis communis, ita longè breuior, cuius clymaëricus vltimus est octogesimus primus, qui numerus constat nouies nouem. Breuiorem & pluribus communem vitæ periodum exposuit Dauid, dicens, Vita hominis septuaginta anni, in potentatibus octoginta. amplius labor & dolor. quos eosdem vitæ fines, septuagesimum scilicet, & octogesimum statuisse Solonem, Diogenes Laertius narrat. longissimam itaq; periodum vitæ describit, quod modo enarramus, diuinum oraculum. Annos clymaëricos, id est, scalares, vocauit antiquitas, quosdam, quibus, obseruatum est, plurimorum vitas finiri, quòd sint illi anni, velut gradus quidam scalaræ humanæ vitæ. hi sunt quasi fatales moriendi fines, non absimiles diebus decretorijs morborum. nimirum vt Plato in dialogo de natura docet (quod ab eo accepit etiam Galenus) habent morbi suas ætates, similes ætatibus hominum,

hominum, atq; suos etiam naturales fines. ut ergo sunt duplices morbi: alij acuti: alij chronici: quorum utriq; habent suos decretorios, non tamen eosdem, sed acutorum decretorij sunt dies impares, præcipuè septénarij: chronicorum vigesimi, ut sexagesimi, octogesimi, centesimi: ita sunt duplices vitæ productiones, quædam plurimis communes, quædam paucis, ijsq; viuacissimis, contingentes. utraq; habent suos clymaçtericos, seu maius dicere decretorios annos. prioribus quidem sunt, qui per septennia numerantur, & per nouennia. quorum præcipui sunt, quadragesimus nonus, qui constat septem septennijs: & sexagesimus tertius, qui constat nouem septennijs: post hunc septuagesimus, quia decem septennijs: postremus octogesimus primus, quia constat nouem nouennijs. posterioribus sunt decretorij, qui numerantur per decennia, ut centesimus, quorum postremus est vigesimus supra centesimum. neq; certè huic numero exigua vis inest, neq; vanum est in naturalibus rebus (& si quibusdam videtur) numerorum habere rationem: siquidem fecit Deus omnia, in numero, pondere, & mensura. dignitas verò dicti numeri inde est, quòd constat tribus quadragenarijs: quadragenarij verò quaternis decennijs: ternarius verò est primus numerus perfectus qui rationem habet, formæ, & maris, & generationis, ac perfectionis, & indiuisibilitatis. quaternarius continet denarium, quia continet ternarium, binarium & vnitatem; vno verò & duobus & tribus & quatuor fiunt decem, decem autem sunt omnia. nulli enim hominum sunt, qui ultra decem numerent. itaq; & quatuor sunt omnia. quare quaternarius denariorum, hoc est, quadragenarius, fit, totum cum toto coalescente. totum verò est quod perfectum. hoc ergo ter redeunte, completur perfectissimum tempus, tribus perfectissimis nume-

ris con-

ris conflatum, ternario, & quaternario, & denario. neq; verò non indicat satis apertè diuina historia, hanc esse præcipuam perfectionem huius numeri, quòd constet tribus quadragenarijs, in vita Mosis. Ea enim hos habuit tres articulos. Nam quadraginta annos moratus est in Ægypto: totidem fuit in Madian, totidem duxit populum per desertum. postremus itaque finis viuacissimorum est vigesimus supra centesimum: minus viuacium octogesimus perfectus, qui finitur octogesimo primo. Non ita tamen sunt hi humanæ vitæ fines, vt necessitate naturali moriantur in illis omnes, neq; possint vllò modo vltèrius viuere. sed quòd plurimi intra eos moriantur, atq; pauci quidam vltèrius viuentes, nullis iam rebus gerendis sint idonei. hoc verò ita esse intelligendum, constat ex ipsiis diuinis eloquijs. Psalmo enim dicitur. vita hominis septuaginta anni, in potentatibus octoginta, amplius labor & dolor. Moses quoq; loco citato, haud dixit centum viginti annorum sum hodie, non possum amplius viuere, sed non possum vltra ingredi & egredi, hoc est, laborare, & militiam exercere. itaq; Deus dicens erunt dies illius anni centum & viginti, haud quaquam ineuitabile moriendi tempus sanxit, sed viuendi fines. quasi qui iam gerendis rebus idoneus non sit, non amplius viuat, sed cum labore & dolore moriatur. neq; verò quia non est statim à diluuiò contracta adeo vita, sed qui inter Noë & Abraham, vixerunt, ferè omnes quatercentum, negandum est eam legem de vita non vltra. 120. annos producenda, latam esse tunc. lata enim est reuera, obseruaturq;, atq; obseruabitur semper, quandiu homines nascentur, & interibunt. non tamen statim lata obseruari cepit, sed ob mundi necessitatem, vltq; dum in eam multitudinē, quæ replere posset terram creuerunt, dispensatione diuina vixerunt diutius.

tius. vbi mundi necessitati factum est satis; lapsa est natura in constitutos à Deo fines. itaq; verba illa. erunt dies illius centum viginti annorum. naturalem viuendi legem continent. illa verò, Crescite & multiplicamini & replete terram. benedictionem, & legis illius dispensationem, quā, mundo iam hominibus pleno, cessante, manet, persistitq; natura, in illa viuendi lege neq; ea in re ab antiquis illis seculis mutatio fit. vt sine vlla dubitatione constare potest, legenti Hebræorum, & Romanorum, & nostrorum monumenta. & idem enim omnino ætatis, & ijdem vitarum fines. antiquum verò est homines suum interitum deplorantes, censere cum suo seculo deterius agi, & superioribus inuidere. est verò hoc vt antiquum, ita & vulgare. nam eorum qui nullius manifesti morbi vi intereunt, per pauci non attingunt 70. annum: pleriq; talium attingunt octogesimum, rari quidam, nunc quoq; superant centesimum.

CAPVT OCTAVVM.



» A P I T E sexto Genescos. Cum cepis-
 » sent homines multiplicari super terram,
 » & filias procreassent, videntes filij Dei fi-
 » lias hominum quòd essent pulchræ, ac-
 » ceperunt sibi vxores ex omnibus quas
 » elegerant. [& paulò post] Gigantes au-
 » tem erant super terram in diebus illis.
 » postquam enim ingressi sunt filij Dei ad filias hominum,
 » illæq; genuerunt, isti sunt potentes à seculo, viri famosi.
 » Aliæ sunt loci huius enarrationes non ineptæ, mihi verò
 » multo magis arridet, vocari hîc dæmones filios Dei. nam
 » hæc est phrasis sacrarum literarum. siquidem capite primo
 » libri

libri Iob ita habetur. Quadam die, cùm venissent filii Dei, ut assisterent coram Domino, affuit inter eos etiam sathan. Itaq; haud dubiè vocantur in sacris filij Dei, qui apud Platonem, Dij minores, aut dæmones. ita enim inducit Plato alloquentem Deum in Timeo, Dij Deorum, quorum opifex & pater ego sum. itaq; dæmonum patrem se vocat apud illum Deus, & illos consequens est, vocare filios Dei. quid ergo? confirmamus ea quæ in sacris habentur libris verbis Platoniceis, ceu antiquioribus & potioribus? absit. sed suspicamur, Platonem, multos sacrorum libros legisse, indeq; transtulisse multa in suam Philosophiam, eorum pleraq; non benè intelligens (neq; enim poterat) illam ergo filiorum Dei appellationem, arbitror eum ex his locis accepisse: ut verò induceret Deum alloquentem filios suos de rerum opificio commendantemq; illis, animalium, & hominis maximè, formationem, deceptum esse illis verbis capitis primi Geneseos. Faciamus hominem ad imaginem & similitudinem nostram. Videtur enim illic Deus alios alloqui, hortariq; ad hominis fabricam. quæ tamen verba diuinissimum continent sacramentum, quod ille non est assequutus. intellexit tamen, ut mihi videtur, benè, dæmones vocari filios Dei. sed si ita est, non exiguam dubitandi occasionem præbet hic locus. nam quî poterant dæmones adamare mulierum pulchritudinem, & cum illis congregari? An est illis ea natura, ut tanquam homines possint mulieribus potiri, & formosis delectari, magis quàm deformibus? quid verò & homines possunt talibus congressibus generari? aliena quidem videntur esse hæc omnia ab spiritali & incorporea substantia, & natura adeo dissidente. videntur verò affirmare eloquia diuina, non solum natos esse homines ex illis congressibus, sed eos quidem potentes Gigantes, & à seculo viros famo-

sos, quasi Dijs genitos. Omnis etiã Gentilitas celebrauit
 Heroas, hoc est, semideos, natos scilicet ex foeminis &
 Dijs, aut viris & Deabus: atqui, quoniam durabat adhuc
 in memoria hominum illorum, qui non longè aberant à di-
 luuio, Gigantum fama, viros omnes egregios, censebant
 esse ab aliquo Deo, aut Dea genitos, vt Herculem à Ioue,
 Achilem à Tethyde, à Venere Æneam, deinceps & Alexan-
 drum ab Hamone. hinc tam multæ fabulæ: hinc tam mul-
 ta adulteria ad Deos referebantur: quæ, quandoquidem dæ-
 mones illi colebant pro Dijs, eosq; vocabant Tethydem,
 Phorcim, Saturnum, Rhœam, Iouem, Iunonem, Cupi-
 dinem, & Venerem, vt apud Platonem legimus in Timeo,
 siquidem congregi cum mulieribus, & generare possunt,
 fortasse non erant prorsus fabulosæ, & ementitæ: sed ex cer-
 tis rerum euentibus orta. Multis etiã publicis testimonijs
 constat certissimò, hoc etiã seculo deprehensas esse mulie-
 res, quæ dæmonibus sub hominum specie familiarissimè
 utebantur, qui cum illis rem habebant, congregiebanturq;
 frequenter, vt cum proprijs vxoribus; viros quoq; quibus
 foeminea specie succumbebant dæmones: vocanturq; hanc
 ob causam tales dæmones, alij quidem incubi, alij succu-
 bi, quos quidem ego vt dixi, suspicor tam multis fabulis in-
 ter gentes dedisse principium, & incubos quidem Deorum,
 succubos Dearum peperisse opinionem. sed quo pacto fieri
 possint hæc considerandum. Platonici censebant, dæmo-
 nes animalia quædam rationalia & immortalia esse, corpo-
 rum tenuium, & æthereorum, morum verò humanis simi-
 lium, irasci enim & placari, atq; amicitias inire, & odia cum
 hominibus exercere. esse enim censet Apuleius (in quem
 Augustinus inuehitur. 8. de ciuitate Dei) dæmones quorun-
 dam hominum osiores, quorundam amatores, animo pas-
 suo,

suu, hoc est, non tranquillo iudicio, sed ea animi affectione, quam vocamus amorem. unde fit vt iuxta illa Philosophorum placita, sint lasciui, & delectentur ludis scenicis, & exoptent muliebres amplexus, & cantilenas amatorias, quibus sua ipsorum crimina decantentur. horum si vera esset opinio, sublata esset è medio prima dubitatio. diceremus enim, tales cum essent, captos esse amore pulchrarum mulierum, atq; hominum more, potitos earum amplexibus, & voluptate quam inde caperent. superesset solum altera dubitationis pars, quâ potuerint generare homines, homines cum non sint. Caterum Apulei sententiam veram non esse, neq; Philosophiæ consonam, vel ex primis eius rudimentis facile intelligi potest. nam infra cœlestes orbis, nulla corpora esse possunt, secundum se tota incorruptibilia. dicunt verò illi, degere dæmones in aëre. præterea, si dæmones, vt illi affirmant, habent corpora ex purissimo aëris, & sereno elemento coalita, nihil terrenæ soliditatis habentia, non possint frui voluptatibus venereis. quia voluptas venerea ad tactum pertinet, tactum verò Plato æquè ac Aristoteles, & Empedocles, & Galenus, & alij omnes Philosophi, attribuunt terræ, vt auditum aëri, gustatum aquæ, visum igni, iuxta illud citatissimum Empedoclis carmen, sentimus terram tellure, liquore liquorem, aëre aëream substantiam, ignem quoq; cernimus igne. quod igitur corpus nihil habet terrenæ soliditatis, neq; tactu sentire potest, neq; capere venereas voluptates. Si qua voluptate, ea maximè videntur potiri posse, quæ ex musico accedit concentu, quod is sensus ad aërem pertineat. quapropter videri possit alicui consentaneum, ob id Saulem, vt narratur primo libro Regum, cum à dæmone discerperetur, pulsante Dauide cytharam, iuuari, quod dæmon suauitate concentus placatus mitesceret. cæterum

neq; hoc est Philosophiæ consonum, neq; dæmones frui posse vlla alia voluptate corporali. nam fieri non potest auditio, quin verberatio aëris externi, in partem aliquam substantiæ sentientis transmittat (quid enim refert innumeros colores esse oppositos, nisi crySTALLINO humore recipiantur? aut quid interest illo humore recipi, an calceo, an vnguibus extremis, aut pilis, nisi ille pars nostri esset, haberetq; in sese sentiendi principium?) quod si quæ pars substantiæ dæmonis verberationem ab aëre reciperet, distrahi utiq; ea, discerpiq; posset, quare & corrumpi. non ergo secundum se totos essent incorruptibiles dæmones, quin potius essent iam olim eorum plurimi surdi, ob patiendi assiduitatem, & excellentiam multorum sensibilibus: atq; cùm tandiu vixerint, fortasse iam essent surdi omnes. quare neq; ita potiri iam possent ea voluptate. Dæmones itaq; nulla corporali voluptate frui possunt, neq; omnino sentire. corporum enim corruptibilium est omnis sensus: maximè tactus, cuius obiecta sunt qualitates commutatrices rerum omnium natura constantium, calor inquam & frigus. quidquid enim tactum habet, vim habet discretricem calidi & frigidi. non potest autem calorem sentire, quod non caleseat, neq; frigus, quod non frigescat. calefcere autem aut frigescere nihil potest, quod corruptibile non sit. quia mutatio temperamentis via est ad interitum. & ea solùm pati possunt intemperiem, quæ ex talibus sunt concreta: concreta verò ex contrarijs actiuis, dissolubilia sunt. Animalium ergo immortalium natura (si quæ essent talia) longissimè abesset à voluptatibus corporalibus, maximè à Venereis. non possent ergo dæmones talibus tangi, ne si corporales quidem essent, ut Platonici putauerunt: maximè cùm omnino sint sine corporibus, ut alio loco huius operis, concedente Deo, indicabimus. quid ergo superest

pereſt ex hac diſputatione? Certè , nullos magis , quàm Platonicos , à dæmonibus eſſe , deluſos : qui non intelligentes eorum vaſtriciem , quod in nequitiam oportebat referri , in eorum naturam , præter omnes Philoſophiæ leges , referebant : & putantes vera eſſe , quæ dæmones mentiuntur , in falſas de eorum natura opiniones , incidebant . nimirum , dæmones neq; his neq; illis figuris videri vnquam poſſunt , neq; vllos mortalium amant , neq; vlla corporalis pulchritudinis ſpecie capiuntur , neque muſicis concentibus delectantur , neq; congregari poſſunt cum mulieribus , multoq; minus generare . tamen hæc omnia ſimulant , mirisq; modis ementiuntur , vt nobis ſeſe inferant , & ita à veri Dei cultu , & legum , tum diuinæ , tum etiam naturalis , obſervatione , homines auertant . qua arte , ante diluuium , totum ferè hominum genus reddiderunt beluiſ immanius , & abſurdius . mulieres enim dæmonum factæ ſunt concubinæ , & omnis caro corruerat viam ſuam , obliſq; , vt ſuſpicor , homines naturalis legis , præpoſterè congregiebantur . Sed & nunc , omnes malefici , necromantici , & maleficæ illæ , quæ ſtyges , ſeu lamiæ vocantur (Hiſpanè bruſas) tenentur hoc infami crimine , conuiſtus cum dæmone . incunt enim cum dæmonibus amicitias , (proh dolor) renuntiantes gratiæ Dei , & ignorantiffimi hominum , figmentis delectantur , & ſordidiſſimæ mulierum ex diabolicis illuſionibus quærent carnales voluptates . ſed quo pacto hæc mentiantur dæmones , nondum aperuimus . præbent ſe conſpiciendos his aut illis formis , pulchris quidem aut turpibus , vt ex uſu illis eſt , ad eas quibus tunc temporis parant technas , corporibus hinc inde conquiſitis ex circumfluo aëre , aut , quæ in illo voluuntur , corpusculis : ac nonnunquam etiam ne id quidem faciunt , ſed corporis ſpeciem , in ſolis hominis intuentis oculis conſingunt,

gunt, vt re vera homo nullum corpus videat, sed sibi videatur videre. vt autem congregiatur ac coeat, perinde facit, fictitia conflat corpora, aut, velut oculos, ita tangendi organum deludit, passionem illi inferens talem, qualem à veris obiectis solet subire. ita verò, constat, mulieris corpus easdem voluptates capturum, ac si verissimus esset corporum congressus. res enim ipsæ non sentiuntur, neq; animam attingunt, nisi per passiones propriorum instrumentorum sensuum. has passiones si ementiri sciat demon, nihil refert ad sensus voluptatem, verarum an falsarum rerum obiectu id fiat. sed quo pacto generant? certè non generant, neq; id dicitur in sacris eloquijs, sed, ingressi sunt filij Dei ad filias hominum, & illæ genuerunt. itaq; illis ad eas ingressis, ipsæ genuerunt, & ex proprio semine, & ex seminibus hominum, quæ cum petulanter in illa totius carnis corruptione effunderentur, receptabantur à succubis, & in vteros earum, quæ sese illis subdebant, immittebantur, ea celeritate, vt genituius spiritus non dissiparetur. iam verò, vt homines potentes, famosi paritèr ac superbi, & nequissimi, ex turpibus illis congressibus, nascerentur, naturali etiam causa, arbitror, euenisse. Ea verò est, quòd cum dæmones mendacissimi, hanc de sese opinionem studerent ingerere, quòd generarent, curabant omni arte, vt grandes, robustissimi, ferocissimi, superbissimi, ac nequissimi nascerentur, vt parentum similitudini imputaretur. præterquam quòd tales illi vellent esse omnes homines. quàm verò id arte efficere possent, dicam, immittebant in vteros, neq; quaecunq; neq; quantulumcunq; semen, sed plurimum, crassissimum, calidissimum, spiritibus affluens & feri expers. id verò erat eis facile conquirere, deligendo homines calidos, robustos & abundantes multo semine, quibus succumbe-

rent:

rent: deinde & mulieres tales, quibus incumbèrent: atque
 vtrifq; , & viris inquam & fœminis, voluptatem solito ma-
 iorem afferendo. tanto enim abundantius emittitur semen,
 quanto cum maiori voluptate excernitur. poterant verò illi
 voluptatem augere, & titillando plurimum, & imaginationi
 plurima ad rem facientia representando. maxima enim pars
 venereorum motuum ab imaginatione fuit. quo fit vt reli-
 giosi viri, & Deo adeò dediti, vt imaginatione metiam com-
 pescant, eiusmodi motus non perferant. robusti ergo &
 grandes vt nascerentur, ita poterant dæmones procurare. vt
 verò essent pessimi, poterant magica arte corrumpere se-
 men, atq; ad eam temperiem transferre, vt cum robore cor-
 poris, in omne vitiorum genus pareret propensionem. ni-
 mirum, receptissimum ab omnibus illud Galeni, Animi
 mores corporis sequi temperaturam. his addiderint nugaces
 Astrologi, potuisse dæmones ad illos congressus obseruare
 quosdam astrorum concursus & aspectus, qui tales homines
 nati essent gignere.

~~Quod si in istis dæmonibus, & in istis astrorum
 congressibus, & in istis aspectibus, & in istis concursibus,
 & in istis congressibus, & in istis aspectibus, & in istis concursibus,~~

CAPVT NONVM.



APITE nono Geneseos. Arcum meum
 ponam in nubibus, & erit, signum fœ-
 deris inter me & terram: cumq; obdu-
 xero. nubibus cœlum, apparebit arcus
 meus in nubibus, & recordabor fœde-
 ris mei vobiscum, & cum omni anima
 viuente, quæ carnem vegetat, & non
 erunt vltra aquæ diluuij ad delendam vniuersam carnem. Vi-
 deri

deri possit alicui hæc legenti, ante diluuium, & initum fœdus cum Noë, nunquam fuisse eum cœli arcum, quem Iridem appellant, sed tunc primum, in signum fœderis, positum esse, Dei iussu in nubibus. atq; eo magis, quòd capite tertio Ecclesiastici dicitur, vide arcum, & benedic eum, qui fecit illum. valde speciosus est in decore suo. gyravit cœlum in circuitu gloriæ suæ. manus excelsi apperuerunt illum. quibus verbis videtur significari, ipsius Dei esse opificium, potiusquam naturæ. Ego verò non ita censeo, sed apparuisse etiam sæpè ante diluuium (neq; enim de erat vlla naturalium caularum eius, cùm essent solares radij, & oppositæ nubes) Deum verò, cùm iniret fœdus cum Noe, & eius posteris, ac pacisceretur, non futurum iterum, vnquam diluuium, quo inundaretur tota terra, Iussisse Iridem signum esse: designasse verò eam potius, quàm aliud quippiam, eorum quæ in nubium regione apparent, vocanturq; meteora, quia ea naturaliter mitescunt imbrum nota est. neq; verò quia ipsa, per sese, ac sua natura talis erat, non erat apta, vt signum talis fœderis statueretur, à Deo, quinimò consideratione potius fuit statuenda. Cùm enim Deus autor ipsius naturæ sit, atq; adeo ea tota fluxerit ab eius voluntate, atq; ea virtus, quàm vocamus naturam (vt alibi diximus) sit in rebus corporalibus quoddam velut vestigium diuinitatis, nihil magis consentaneum, quàm vt vtatur Deus ad faciendum, aut significandum aliquid, naturalibus rebus, atq; hæc cùm eius voluntate & præceptis consonent. ipse enim à principio futura omnia præuidens, suo verbo totam condidit naturam. quid ergo mirum, si naturalia eo semper ductu decurrentia, quo ab illo principio dirigebantur, in illius præcepta & Iussiones semper incidant? atqui, hic est plerunq; suauissimus & ordinatissimus diuinarum Iussionum

concen-

concentus. tametsi aliquando (rarò quidem) vt euentius hominibus suam diuinitatem ostendat, præter earum naturam, aliquid imperet rebus. nunc verò iuxta illius naturam iussisse, vt Iris signum esset, mundi nunquam amplius imbribus delendi, ex eius naturalibus causis erit apertissimum. De cuius generatione, vt licet videre apud Galenum libello de historia Philosophica (si is liber Galeni est) non admodum discrepant Philosophorum sententiæ. Nam etsi quodammodo euariant, omnes tamen postremò in hanc veniunt, esse colores quosdam apparentes, mistione splendoris Solis & oppacitatis obiectæ nubis: apparere verò circulari figura, ob figuram Solis ipsius. semper enim apparet Iris ex aduerso Solis, repercussis scilicet eius radijs ab opposita nube: apparere verò tres illos colores, puniceum, viridem, & rubrum, quòd ex splendido cum maiori oppaco fiat rubrum, cum minori viride, cum minori adhuc puniceum. Igitur in exteriori ac superiori parte Iridis, quæ ad extremitatem, ac peripheriam nubis spectat, puniceum apparere: quod ea parte tenuior ac minus oppaca nubes, radios minus repellat, & melius penetretur, in interiori & inferiori contrarias ob causas apparere rubrum: inter hæc, ob mediocres causas, viridem: absolui verò hic meritò totam hanc colorum differentiam triade, vt alia quæuis maioris & minoris differentia, principio, medio, ac fine. Metrodorus cum Solis radij nubem intrarint, nubem viridem, radios purpureos apparere dicit. Sed hoc dicat vt lubet. illud inter omnes conuenit, fieri radijs solaribus nubem aliquatenus penetrantibus, aliquatenus repercussis. necesse est ergo apparere, vbi apparatus quidam est pluuiæ (alioqui aut nullæ sint nubes, aut eæ adeo tenues, vt more aëris penetratæ radios non repellant) is verò non adeo magnus, neq; pluuiæ ingentis. Si enim

Q

totum

totum cœlum esset nubibus obductum, neq; vlla parte pate-
ret Sol, nulli radij in oppositam cœli partem abirent: neq; si
nubes obiecta, esset densa admodum, penetraretur à radijs
aliquatenus, sed tota appareret atra ob oppacitatem. fit ergo
Iris ab aduerso Sole, mittente radios in nubem non densam.
significat ergo naturaliter, quod & Iussu Dei, ìmbrem ne-
quaquam obruturum mundum. quî enim possit, cum neq;
cœlum totum obductum nubibus sit, neq; quæ adsunt, sint
valde densæ? verba Ecclesiastici suo loco enarrabuntur.

CAPVT DECIMVM.



ATITE decimo tertio Genescos. Erant
autem senes prouectæ ætatis, & defie-
rant Sarre fieri muliebria. de Abra-
hamo & Sarra cùm genuerunt Isaac, di-
cuntur hæc verba, quibus significatur,
eius conceptionem fuisse portentosam.
ratio verò qua hoc ita habet, naturalis

est. nam ita est natura comparatum, vt neq; senes genera-
tioni sint idonei, neq; mulier, cui menstrua fluere defuerint.
rectè autem dicitur, erant autem ambo senes prouectæ æta-
tis, & defierant Sarre fieri muliebria. Si enim alter senex es-
set, vir scilicet, mulieri verò non desissent fieri muliebria,
aut & si desissent, non esset vetula, sed iuenculæ adhuc de-
sissent præter naturam, & ob morbum, non esset mirabile
gignere. nam senes ex iuenculis gignere, quotidie euenit,
& si vetulas ex iunioribus, non ita. mulieres enim quibus per
ætatem defecerunt menstrua, concipere, neq; ex senibus,
neq; ex iuuenibus possunt. quibus verò defecerunt per mor-
bos, euenit non raro sanescentes concipere, antequam ap-
pareant.

pareant. ergo senex centenarius ex muliere nonagenaria ; non poterat naturaliter generare. eius verò causa non erat in viro (ille enim plures postea filios genuit ex Cetura) sed in foemina , cui ob senium defecerant menstrua . hæc ergo omnia Physicè dicuntur . eorum verò ratio pendet ex menstruorum natura , & eorum causis . Menstrua vocantur euacuationes sanguinis , quæ singulis mensibus fluunt ex vulua . dicuntur hæc ipsa muliebria , quia solis mulieribus inter omnigenas foeminas fluunt : aut quia (vt inquit Aristoteles) nullis æquè atq; his . huius causam esse constat , quia nullum animal æquè sanguineum est , atq; homo . nam & inter ipsas mulieres , quæ maximè sunt sanguineæ , illis maximè abundant . quòd verò homo sanguine magis abundet , meritò evenit , quandoquidem optimam præ ceteris habet temperiem , & ideo optimo succo generando maximè idoneam . causa itaq; talis euacuationis , sanguinis redundantia est . vt autem sanguis in foeminis , plus etiam quàm in viris redundet , duplex est causa . altera necessaria , altera quæ posita est in fine . necessaria est , temperies frigida & humida , cutis densitas , & vita otiosa . temperies frigida , non quidem quod ea plus eius succi generet quàm calida , sed quòd minus dissipet . humida cum humoris redundantia semper coniuncta est . meritò ergo humida , & frigida (quæ tamen non admodum frigida sit) habet redundantiam , quæ non dissipetur , ac proinde euacuatione indigeat manifesta . densa autem cutis , & otiosa vita , tollunt dissipationem succorum , & corpora replent . Causa quæ posita est in fine , est bonum prolis . nimirum oportuit talem esse mulieris naturam , vt redundaret sanguine , qui satis esset gignendo foetui , & nutriendo infanti . ea enim est materia generationis foetus , quæq; sola , vt censet Aristoteles , eius materia est , viro vim tantum &

efficaciam præstante per semen : vt verò censent Medici , quorum sententia hac in parte videtur probabilior , non sola , maxima tamen ac præcipua : quia ea & ortum primum præbet partium carnolarum , & nutritionem deinceps omnium . atq; vt vir præstat efficacitæ plurimum , ita materiæ minimum . fœmina contrà , vt minimum efficacitæ , ita materiæ plurimum , præstat verò ea minimum , præter sanguinem . sanguis igitur muliebris totam ferè præstat generationis materiam , & ob hanc præcipuè sunt ille fœcundæ . hoc ita esse apertè constat , quia neq; gerentibus vtero , neq; lactantibus fluunt euacuationes menstruæ . his , quia sanguis qui alioqui redundaret , abit in lac : illis , quia infumitur in fœtus generationem . neq; enim causari possumus in gerentibus vtero , viarum defectum : sunt enim , præter eas , quæ alimentum fœtui deferunt , aliæ quædam venæ , in os vteri subeuntes , per quas citra fœtuum læsionem , raris quibusdam fluunt , etiam vtero gerentibus , vel quòd ipsæ redundant plurimo sanguine , vel quòd fœtus , sint debiles . itaq; fluunt menstruæ euacuationes , quibus sanguis redundat , & ea ipsa redundantia facit vt sint generationi aptæ . hinc fit necessariò , vt eo vitæ tempore solum fluant , quo sunt aptæ concipere , atq; vt concipere aptæ non sint , quibus fluere desierunt . nimirum incipiunt fluere mulieribus in initio pubertatis , quatuordecimo , quindecimo , aut vsq; ad decimum septimum annum . quibusdam etiam citius , aut tardius . Ita etiam desinunt non omnibus eodem tempore , sed ferè inter quadagesimū & quinquagesimum annum . incipiunt itaq; , cum incipiunt sanguine redundare : desinunt , cum ob semen incipiunt laborare sanguinis penuria . vt ergo antequam fluere incipiant , concipere non possunt , quòd materiæ copiam nondum habeant : ita neq; postquam cessauerunt ,

runi, quod iam careant. eandem ob causam videmus viragines quasdam, mulieres scilicet, temperamento viris similes, quibus ob id menses, aut parcissimi, aut nulli fluunt, steriles esse. quanquam profecto, ne hæc quidem adeo absunt à concipiendi potentia, quam senes, quibus naturaliter fluere desierunt. quia iuvenes in humidius transferri posse temperamentum quodammodo, monstrant Medici: senes verò non posse reiuuenescere, plus satis constat. neq; certè alia ratione, cui cessauerunt iam naturaliter menstrua, concipere posset; quam reiuuenescens. nam præter causas infecunditatis puellarum, & senum, quas in materiæ penuria posuimus, sunt aliæ nihilo minores, in ipsorum vterorum affectione. nimirum quibus nondum fluxerunt, nondum vterus dilatatus & satis capax est; quibus cessauerunt, siccus iam, contractus & durior: est verò pars nervosa, quæ naturaliter nescit reiuuescere. igitur haud dubiè fieri non potest, ut cui naturaliter desierunt muliebria, naturaliter concipiat. dico autem naturaliter desisse, cui fluebant antea (quibuldam enim viraginibus, ut dixi nunquam fluxerunt) neq; ob morbum vllum, sed ob senilem siccitatem, desierunt fluere. talem porro fuisse Sarram, cum singulari Dei beneficio concepit Isaac, constat cum annorum esset nonaginta.

CAPVT VNDECIMVM.



” **T**RIGESIMO capite Geneseos. Tollens ergo
 ” Iacob virgas populeas virides, & amygdali-
 ” nas, & ex platanis, ex parte decorticauit
 ” cas, detractisq; corticibus, in ijs quæ spoliata
 ” fuerant, candor apparuit. illa verò quæ inte-
 ” gra fuerant, viridia permanserunt, atq; in hunc modum co-
 lor

lor effectus est varius. posuitq; eas in canalibus vbi effundebatur aqua, vt cum venissent greges ad bibendum, ante oculos haberent virgas, & in conspectu earum conciperent. factumq; est, vt in ipso calore coitus, oues intuerentur virgas, & parerent maculosa & varia, & diuerso colore respersa. diuisitq; gregem Iacob, & posuit virgas in canalibus ante oculos arietum, vt in earum contemplatione conciperent. quando verò serotina admissura erat, & conceptus extremus, non ponebat eas. factaq; sunt ea quæ erant serotina, Laban, & quæ primi temporis, Iacob. Mirabilem quendam euentum continent verba hæc, quæ duarum nobis dubitationum occasionem præbent. prima est, quam ob causam contemplatio virgarum variegatarum in ipso calore coitus, foetus variegatos esse fecerit: secunda, cur Iacob virgas eas gregi opposuerit, in matutino potius congressu, quàm vespertino. An quòd in matutino congressu, quàm in vespertino, contemplatio rerum oculis obiectarum plus valeat, ad similitum foetuum ortum: an quòd is congressus fecundior sit, an ob vtrunque. Nullus Philosophorum vnam, huius euentus causam, in ipsum intuitum reiecit, sed in imaginationem. neq; ob id factum esse, quisquam putat, quòd in virgas oculorum acies intenta esset, sed quòd visio internos moueret sensus, atq; gregis cocuntis imaginatione, circa illa variegata versaretur. Itaq; censent omnes, vel hoc vnico exemplo (quamquam multa alia narrantur his similia) imaginationem rei cuiuspiam in ipso congressus tempore, vim magnam habere, vt foetus ei similes fiant. eius verò causa non est dictu facilis. Si enim eiusdem facultatis esset de realiqua cogitare, & generare, aut ad eandem corporis partem pertinerent, fortasse toleretur aliquid admirationis: nunc verò facultas cogitandi ad animam pertinet sentien-

sentientem, generandi verò, aut ad aliam animam, aut ad aliam animæ partem, aut, vt Stoici dicebant, ne ad animam quidem, sed ad naturam. porro, facultas cognoscendi à Medicis omnibus collocatur in cerebro, gignendi in testibus, partibus adeo distinctis. itaq; quod cognoscitur, concipitur sensibili animæ parte, cuius sedes cerebrum est, quod gignitur, vtero. quid habent hæc commune, vt iuxta mentis, aut sensuum internorum cogitationem, generatio variet? Imprimis constat imaginationem & generationem eiusdem esse animantis actiones, siue ab eadem anima fluant siue à diuersis. atqui, quia facultates, à quibus fluunt eiusdem sunt suppositi, ad quod actiones omnes referuntur primò, tanta sympathia eorum est (vt & aliarum omnium facultatum, quibus gubernatur animal) vt mutuò sese ad actiones permoueant, & passionem. hinc fit, vt cum genitales partes semine redundant, imaginatio libidinosis scateat phantasmatis, ob corporis vitium: rursus etiam, vt cum ob morbum animi imaginatio in rebus libidinosis volutatur, genitales partes, & si alioqui non redundarent, turgeant, & irritentur. tantus est imaginationis & genitricis facultatis consensus. Porro anima, quæ nihil aliud est, quàm essentia corporis animati, vt Aristoteles dicit secundo de generatione animalium, quæ inquam tantum est actus corporis, ab eo inseparabilis, cuiusmodi est quæ sensitiva, vt nihil potest agere sine corporali instrumento, ita neq; pati. Si enim ipsa per se aliquam haberet siue actionem, siue passionem, secundum eam separari posset: nunc verò non potest: sed vt formæ ligni, aut lapidis, nihil euenit agere, aut pati, sed ligno ipsi: ita neq; formæ equi, aut bouis, sed equo, aut boui. tamen ergo dicimus, animam equi cogitare, imaginari, aut omnino sentire: abusiue quodammodo id dicimus, quia ex anima

anima id potius quam ex materia fluit. propriè tamen dicitur, equum cogitare, imaginari, atque sentire, & mouere sese. sentire, atque, vtcunq; cognoscere, iuxta eam Philosophorum sententiam, quæ maximè probatur, quoddam pati est. id verò pati, nihil est aliud, quàm animam ipsam quodammodo fieri illud ipsum, quod agnoscitur: quapropter anima quodammodo omnia est, quia cùm omnia possit agnoscere, omnium quodammodo speciem potest recipere. non quidem recipit ipsa per sese, sed cum corpore: vt neq; sentit per se, sed cum corpore. siquidem monstrauimus, nullam eam habere per se, neq; actionem, neq; passionem. igitur ipsum animal quod agnoscit, fit quodammodo, secundum partes etiam corporales, simile ei quod agnoscitur: non quidem secundum partes corporales, quæ corporales, materialesq; sunt, sed quæ sunt formaliter (vt dicunt) instrumenta sensuum. non enim oues ipsæ cùm contemplerentur variegatas virgas, fiebant variegatæ corporaliter, vt cernentibus tales viderentur, fiebant tamen quodammodo (quæ scilicet secundum sensuum organa, actu cognoscebant) variegatæ. itaq; animal actu cognoscens, secundum organa corporalia, fit spiritaliter simile rei quæ agnoscitur. quod autem gignit, facit sibi simile. nam hoc ipsum est gignere. si ergo quod actu agnoscit aliquid, est ei actu simile, & quod gignit simile sibi facit, quod simul contemplatur aliquid, & gignit, gignet aliquid simile ei, quod contemplatur, quia tale est ipsummet. hoc autem vt eueniat, necesse est vt contempletur in ipso calore coitus, vt simul & generet & contempletur. non enim animal generat simile sibi, secundum id quod fuit, aut erit, sed quod est tunc actu. sed dices, corporales species, quæ in animali cernuntur, vt magnitudinem, figuram, & colorem, meritò deferri cum
se munc

semine, utpotè materiali principio, istas verò, siue species, siue similitudines spiritales, etsi in corporibus sint, non videri posse ita deferri. certè istæ species, siquidem in organis corporalibus recipiuntur, ut indicatum est, non possunt esse omnino spiritales, ad spiritualium verò naturam magis accedunt, quàm quæ cernuntur, quia sunt sensibilibus quædam insensibiles effigies, atq; cum spiritualiter quodammodo in generante sint, in eo quod gignitur, ob diuinam vim seminis, corporaliter imprimuntur. Ea vis est, ut Aristo. dicit, accedendi ad omnia. quod nihil aliud est, quàm semen esse, quod vim habet efficiendi membra omnia, animantis cuius est. veluti in semine humano, potentia sunt partes omnes hominis, quia omnes natum est facere, aut ex sanguine foemineo, aut ex se ipso: in equino eadem ratione sunt omnes partes equinæ. neq; solum est differentia seminum, secundum differentiam generis, ut ex equino equina; ex humano humana fiant, sed & singulorum, ut semen Petri ad partes Petri natum sit accedere, potiusquàm alterius. eam vim accepit ab anima generantis, potiusquàm à corpore. factiuz enim omnes facultates à forma fluunt, passiuz à materia. quod ergo effectiuum in semine, est ab anima, & quod generat, secundum animam potius generat, siquidem id facere est: generari verò à corpore formando primùm incipit, siquidem id pati est, & accipere. transfert ergo vim effectiuam generantis, quæ animæ præcipue est, in corpus rei generandæ. Consentaneum est ergo ut ea potius deferat ex generante, quæ illi secundum animam insunt, quàm quæ secundum corpus, eaque in corpus potius rei generandæ transferat, quàm in animam. Igitur consentaneum etiam, ut in corpore geniti corporaliter fiat, quod in generante erat spiritualiter. quapropter fiet, ut ab albo animali, nigrum co-

gitante, nigrum generetur, potius quàm à nigro, cogitante album. Ex dictis facile constat, vim hanc & efficaciam cogitationis, in brutis potius esse quàm in hominibus. hominum enim mens diuina cùm sit, & separabilis, multa meditatatur sine instrumento corporali, atq; cum corporali instrumento vtitur, vt illi minus hærens, minores illi infigit affectiones. itaq; hanc imaginationis vim in prole permutanda, multo magis licet experiri in animantibus mutis, quàm in nobis. quo fit, vt quod de ouibus, animalibus insensatissimis, narratur, sit naturæ rerum maximè conforme. Animaduertendum verò, eam vim, non maribus solum aut fœminis, sed vtriusq; inesse, & tunc maximè tale aliquid euenturum, cum contigerit vtrunq; marem dico & fœminam, in ipso calore coitus, de eadem re efficaciter cogitare, vt tunc contigit. Ita enim dicitur. Et posuit virgas in canalibus ante oculos arietum, & ouium, vt in earum contemplatione conciperent. Est verò hoc valde consonum illi Philosophorum sententiæ, quæ maximè probatur, & statuit, vtrunq; parentem efficientem vim & materiam conferre ad generationem. vterq; ergo cùm vim faciendi præstet, & amborum congressu vna quædam potentior causa fiat, vis permutandi imaginatione fœtum, vtriusq; inerit aliquatenus, euidenter tamen ea permutatio non fiet fortasse, nisi cùm contigerit ambos, in eo congressus momento, eandem rem imaginari. Vt ergo exempla, euentuum huic similiū, multa non sint, duplex videtur esse causa. Altera, quod vtrunq; in eadem imaginatione fortiter hæreere, non nisi fortuito & rarò accidit. Altera, quòd hoc in animalibus mutis, potiusquam hominibus, natum est fieri: quæ non possunt nobis suas imaginationes narrare. sunt nihilominus nonnulla exempla. Diuus Augustinus decimo octauo de ciuitate

Dei capite quinto, in hanc ipsam causam refert, quòd apud Ægyptios nunquam deficeret bos quidam, maculis quibusdam candidis insignitus, quem Apim vocabant, & pro Deo colebant. Censet enim dæmones id fecisse, ad decipiendos Ægyptios, phantasia talis tauri, quam solam cerne-
ret, vaccae concipienti ostentantes. ut libido (inquit) eius attraheret, quod in eius fœtu iam corporaliter appareret. quibus verbis nihil Aliud potest Augustinus innuere, quàm quod ego explicui. nam libidinem vaccae attrahere, quod in eius fœtu deinceps corporaliter appareret, quid aliud sit, quàm vaccam in ipso feruore coitus spiritualiter concipere formam, & speciem, quæ deinceps in fœtu corporaliter exprimeretur? Galenus quoq; libello de theriaca ad Pisonem, narrat, mulierem quandam intuitu pulcherrimæ picturæ, pulchrum infantem ex deformi parente concepisse. visu (inquit) opinor, naturæ imaginem transmittente. quæ verba obscura admodum sunt: non enim explicat, quo modo visus imaginem transmittat naturæ. sed mihi dictum iam est. Quod ad alteram dubitationis partem attinet, his dictis, facilius sit explicare. videtur haud dubiè Iacob, utraq; causa, virgas in congressu matutino, potiusquàm vespertino, gregi obiecis-
se: quòd scilicet eo congressu copiosior conceptio fiat, & quòd imaginatio in eo sit efficacior. nascuntur ambo hæc, & ex animalium victu, & ex natura temporis. Ex animalium victu, quia natura comparatum est, ut animalia omnia (præter pauca quædam, in quibus, quia contrà faciunt, contrà etiam eueniet, quod nunc dicimus) noctu dormiant, interdiu vescantur, & laborent. Coitus ergo matutinus est à somno, ante cibum: vespertinus à cibo ante somnum. quapropter manè semen concoctius est, & cerebrum in quo imaginatio præcipuè viget, expeditius, liberius,

& magis fulgens. Somnus enim concoctionem ciborum maximè iuuat, & cerebri vapores absumit, vigoremq; præstat animali vocatæ à Medicis facultati, cuius opera sunt, sentire & mouere. igitur & semen, ob concoctionem meliorem, erit fœcundius; & imaginandi vis, ob recentem refectionem spirituum (reficiuntur enim somno) & deconerationem cerebri, erit efficacior. vesperi contra, semen (vt neq; alius succus) concoctionem tantam non acceperit, caput vaporibus ex ventre multis & crassis grauatum, & velut obtenebratum sit, & facultas longa iam vigilia defatigata. euenient ergo contraria. Ex natura etiam temporis nascitur hoc idem. Nam vt veterrimis etiam Philosophis, & qui ante Hippocratem fuerunt, est celebratissimum, & rationi maximè consonum, temporum differentia plurimùm valet ad mouendum animalium corpora, atq; ad eò res omnes alterationi subiectas. atq; cùm astrorum motus, accessusq; & recessus tempora varient, Sol præcipuè id facit. vnde euenit, vt diei cuiusq; partis quatuor, mane, meridies, vesperum, & nox media, quatuor anni partibus respondeant, veri, æstati, autumnò, & hyemi. quia vt motum, quem Astrologi vocant proprium, toto anno complet Sol, ita quem vocant motum raptus, complet singulis diebus: atq; vt motu illo accedit & recedit secundum cœli amplitudinem, ita hoc secundum longitudinem: & vt hyeme plurimùm à nobis abest, ita nocte media: & vt æstate proximus, ita in meridie: & vt autumnò abit, ita vesperi, & vt vere venit, ita mane. est ergo matutinum tempus verno, & vespertinum autumnali simile. vt ergo corpora degunt vere saluberrimè, & maximè valent, autumnò insaluberrimè degunt, & languent maximè. ita etiam summo mane, optimè: vesperi, pessimè habebunt, ad omnia quidem, maximè verò ad generationem.

nem . nam vere omnia oriuntur , autumnno tabescunt , & intereunt . anima itaq; & corpus sunt mane vegetiora . quare & imaginatio erit fortior , & semen fecundius . vesperi contrà .

CAPVT DVODECIMVM.



RIGESIMO secundo capite Geneseos . Et ecce die tertio , quando grauissimus vuln-
 erum dolor est , arreptis duo filij Iacob , Si-
 meon & Levi fratres Dinæ , gladijs , ingres-
 si sunt urbem . Cur vuln-
 erum dolores , so-
 leant esse tertio die grauissimi , ad Medi-
 cum pertinet considerare . Dubitet verò hoc loco quispiam ,
 an vniuersim ita habeat , sitq; omnis vulneris dolor die ter-
 tio grauissimus : an illorum tantum vuln-
 erum , de quibus eo loco agebatur , præcisi inquam preputij : atq; alterutrum
 horum sit , cur potius tertio quam secundo aut primo ,
 aut sequentium aliquo . Hippocrates libello de fractu-
 ris , iuxta Galeni diuisionem commentario tertio , ita re-
 liquit scriptum . tertio & quarto die vulnera omnia minimè
 sunt exagitanda , & vt in summa dicam , specilli quoq; omnes
 admotiones vitandæ his diebus sunt , omniaq; alia quibus vul-
 nera irritantur : in totum enim tertius & quartus dies in ple-
 risq; vulneribus exacerbationes parit , & quæ in inflamatio-
 nes & sordes incitantur , & quæcunq; in febres tendunt . vn-
 de magni admodum momenti , si quod aliud , documentum
 hoc est . nam quæ sunt in medendi arte grauissima , quibus
 id non sit commune ? non enim pertinet ad vlceratantum ,
 sed ad alios quoq; morbos complures . His verbis Hippo-
 crates satis aperte docet , non in his aut illis , sed omnibus
 etiam vlceribus , solere dolores tertia & quarta die fieri gra-
 uiores .

uiores . namde vlceribus, quæ cum fracturis fiunt agens, ad omnia vlcera, quinetiam ad omnes morbos sermonem transtulit : significans, vlcera omnia magna & notatu digna (exigua enim vlcera nullas solent afferre exacerbationes) solere diebus, tertio & quarto, fieri grauiora. Causam verò huius rei proximam ipse insinuauit, dicens, Et quæ in inflammationem, & sordes incitantur, & quæcunq; in febres tendunt. nimirum, quia inflammationes & fluxiones, & febres, diebus tertio & quarto solent vulneratis partibus superuenire. prima enim die, qua quis vulneratus est, dolor tantum esse solet ex ipsa carnis diuisione, dum vulneratur, aut particula tractatur Chyrurgi manibus, à curatione verò cito conquiescit, cessante scilicet dolendi causa. quia dolor non fit cum secta iam est pars, sed cum seccatur. Cum enim dolor sit sensus rei corrumpentis, moueat verò sensum non facta iam, sed quæ sit passio, mox ac cessat externa causa, manet pars sine dolore, atq; (nisi in paucis quibusdam, quos contigit esse paratissimos) sine febre, vsq; dum noua alia causa dolendi, aut febricitandi accedat : vsq; dum scilicet, conuocata ad partem malè affectam fluxione, succrescat inflammatio, aut sordes multa, atq; ob hæc nonnunquam etiam febris. proxima itaq; dicti euentus causa hæc est. cur autem non ante tertium superueniat fluxio, aut non diutius protrahatur (quæ prima propositæ dubitationis pars est) nondum diximus : neque verò Hippocrates dixit, neque Galenus in commentatione apposuit. nisi fortè eam Hippocrates insinuauit dicens. Non enim pertinet ad vlcera solùm, sed alios quoq; morbos complures. Nimirum eadem esse videtur causa in vlceribus, & in alijs omnibus morbis pendentibus ex materia, & habentibus exacerbationes (cum vlcera, non ob ipsam propriam essentiam, sed ob fluxiones exacerbentur)

bentur) ea est, natura humorum, qui commoti, & exagitati, morbos faciunt, & augent. sunt enim morborum circuitus, siue quotidiani, siue tertiani, siue quartani, cum sunt in corpore partes quædam paratæ recipere, quædam mittere. apparatus recipientium est, dolor, aut debilitas: mittentium, multitudo succorum, aut vitiosa qualitas. vlcera ergo particula parata est recipere, debilis enim est necessario, neq; sine dolore. nisi ergo corpus reliquum vacuatissimum & purissimum esse contigerit (ita enim fortasse nunquam redibunt magni dolores) nihil deest ad humorum influxus. ipsis verò seruantibus suas naturas, influet die secundo pituita, succus mitis, moderatus, minimèq; irritans; tertia die bilis flaua, succus acer, mordax, & impensè calidus, cum quo ob dolorem quem infert & calorem, necessario accurrit sanguis, paritq; phlegmones & febres, quæ cum mitescere intra diem non possint, sed cum citissimè intra viginti quatuor horas, vt quæ à causis externis ortum habent, necessario incidunt in diem sequentem, qui est quartus ab accepto vulnere. hæc itaq; est causa, qua vulnorum dolores solent die tertia exacerbari. atq; eadem causa chirurgi, vt Hippocrates monet, post primam, seu admotionem labiorum, seu consutionem (vt res exiget) non debent vsq; ad diem quartum vlcera irritare, neq; alitèr tangere, quàm leuitèr, quæ inflammationem arcent, admouendo.

CAPVT DECIMVM TERTIVM.



APITE 'quadagesimo septimo Gene-
 scos. Cunctæq; animæ quæ ingressæ sunt
 cum Iacob in Ægyptum, & egressæ sunt
 de femore illius, absq; vxoribus filiorum
 eius, sexaginta sex. Hæc eadem verba
 repetuntur in initio Exodi. Egressos
 esse ex femore Iacob dicit filios & nepo-
 tes, qui ab eo geniti sunt. Causam habet ea phrasis natu-
 ralem, in hominum & genitalium partium compositione.
 nimirum vasa seminalia, quæ meliorem ac puriorem defe-
 runt sanguinem in testes, vt in ipsis semen fiat, sunt venæ
 quædam, quæ ortæ ex venis, quæ in lumbis discissæ in crura
 iam descendunt, antequam in tres ramos, qui per crura de-
 currunt, distribuuntur, recurrunt per femora in testes in vi-
 ris, & in mulieribus in vterum. nam venæ quæ ex caua co-
 ferè loco quo siti sunt renes mittuntur in testes, sinistra qui-
 dem venit ex emulgente vocata, quæ serosum sanguinem
 in renem defert, atq; ob id ipsa quoq; serosam materiam in
 testem transfert: dextra verò non multò post exortum emul-
 gentis. quare ne ipsa quidem satis expurgatum defert san-
 guinem, saltem non adeo, ac venæ, quæ multo post ortæ, ex
 ipsis femoribus recurrunt. quas ob id est verisimile, & si non
 adeo multam materiam atq; superiores, quia minores mul-
 tò sunt, tamen præstare vtiliorem ad generationem fecun-
 di seminis. meritò ergo in sacris eloquijs generatio ad femo-
 ra refertur. vt & Iacob in Iudæ benedictione dixit, non au-
 feretur sceptrum de Iuda, neq; Dux de femore eius. & hanc
 ipsam ob causam quinto capite numerorum, inter adulteræ
 male

male dictiones, illud præcipuè præcipiebatur sacerdos dicere. ingrediantur aquæ multæ in ventrem tuum, & vtero putrescente putrescat femur. vt scilicet, per quæ quis peccat, per eadem puniatur, vt dicitur vndecimo capite Sapientię.

CAPVT DECIMVMQVARTVM.



APITE tertio Exodi, ait Moses ad Deum. Ecce ego vadam ad filios Israel, & dicam eis, Deus Patrum vestrorum misit me ad vos. si dixerint mihi, quod est nomen eius? quid dicam eis? dixit Dominus ad Moysen, Ego sum qui sum, & sic dices filiis Israel. Qui est

misit me ad vos. Itaq; rogatus Deus quod sit nomen suum, respondit, Qui est. Dauid quoq; secundum eundem spiritum Deum alloquutus inquit Psalmo 92. à seculo tu es. atq; adeo IESVS seruator noster, diuina auctoritate, qua & deturbauit eos, respondit quærentibus se, Ego sum. sed cur potius dicitur Deus esse, qui est, quàm qui bonus, siquidem vt ipsemet dicit in Euangelio, solus Deus bonus est? aut quàm qui sapiens, aut quàm qui fortis, siquidem hæc omnia est æquè infinitè, & æquè primò? Certè huius rei causam à nullo melius accipies, quàm à Diuo Dionysio, capite quinto de diuinis nominibus, quod inscribitur de ente. illi ergo volo accepta refferri, quæ à me dicentur in hac quæstione. Cùm dicitur, qui est, duo licet nobis intelligere, aut simpliciter qui est, aut qui semper est. vtrouis modo intelligas, est maximè consentaneum, vocari Deum, qui est, potiusquam aliud quiduis. primò quidem inodo, quia cùm Deus definiri, aut nominari non possit secundum substan-

tiam & essentiam propriam, quia ea à nullo viventium agnoscisci potest, necesse est nominetur ex bonis, quæ creaturis communicat: quæ quidem omnia, quandoquidem in creaturis non sunt simpliciter, sed quodammodo, necesse est esse in Deo modo quodam eminentiori. quoniam autem, & si sint in Deo omnia æquè perfectè, & primò, non tamen omnia æquè communicantur omnibus, sed quædam pluribus, quædam paucioribus, æquum est nomen tribui Deo, ab eo quod communicat omnibus: illud verò tantum est, esse. nam intelligere tribuit paucis, sentire aliquanto pluribus, nutrire & crescere pluribus adhuc: esse verò omnibus. secundo autem modo dicitur Deus, qui est, hoc est, qui semper est, quia cum alia omnia creatis rebus tribuat habere aliquatenus, omnia enim & sunt, & bona quodammodo sunt, tamen æternum esse nulli accidit nisi soli Deo, ut monstratum mihi est in initio huius operis. Coniunctis ergo utrisque, dicitur Deus, Qui est, quia esse omnibus rebus tribuit, & esse semper, sibi soli habet. nam aliud quidvis est aliquando ens, aliquando non ens, solus verò Deus simpliciter ac semper ens. hoc etiam assequuti videntur Philosophorum optimi. nam Aristoteles capite quarto libri tertij de Physica doctrina, Diuinum & Deum, asserit dixisse plurimos Philosophorum, quod æternum, immortale, & nulli interitui obnoxium. Plato quoq; in dialogo de natura, ita differit de diuina essentia. dicimus de illa, est, erat, & erit, sed illi re vera solum esse competit. Quapropter garrulitatem esse puto Platoniorum quorundam, affirmare, ex sententia Platonis, vnum & bonum esse priora ente, atq; adeo Deum non dici ens. quia scilicet Plato in Parmenide, in suppositione prima dicit. nullo igitur modo est ipsum vnum. & rursum. non itaq; ita est ut sit vnum, esset enim iam ens & essentiae particeps.

particeps. verum quando quidem ipsemet Plato loco citato ex Timeo dicit, illi re vera solum esse competit, constat illum censere Deum esse re vera, non autem esse ut reliqua, quæ non re vera, sed quodammodo sunt, in tempore scilicet, & composita. Deus verò modo quodam eminentiori, & per se est extra omne tempus, & citra ullius essentiae participationem, sed vnum & simplicissimum. quod nihil aliud est, quam quod nostri Theologi dicunt apertius, ens dici analogicè de Deo & creaturis. ita verò dicuntur & alia omnia eius nomina. Vnum, verum, & sapiens: quia secundum nullum illorum habet ullam communem essentiam cum re alia extra se, neq; continetur in vlla entis categoria. Omnia enim illa dicuntur de Deo æque primò, & eminenter. quinpotius sunt in eo ea omnia vnum. verum dictis de causis, quas ex Dionysio accepimus, satius est Deum nominari per ipsum esse, quod ipsius Dei testimonio hoc loco constat. Esse verò legitimam Platonis enarrationem, eam quam diximus, cuius legenti dialogum illum patebit. non enim ille aliam causam adhibet, quæ vnum non dicatur esse, quam quod esse tempus præsens contineat, & quod ens participatione alicuius essentiae fiat. illa verò duo non congruunt Enti ut vnum est, sed ut multa, quæ creata sunt. itaq; Deus non est, ut sunt hæc: atq; ipsum esse, ut de his & illo dicitur, non est uniuocum. ut verò Deus est, non accidit illi prius vnum & bonum quam Ens, alioqui nulla ratione minus esset vnum, quam habens quædam alia alijs priora. sed in Deo adeo non est prius & posterius, adeo omnia illa nomina significant vnum, ut, ne ratione quidem differant, nedum possint prioris & posterioris ratione differre. ita mihi videntur multi Platoniorum facere, ne intelligendo, ut nihil intelligant, qui parum abest quin dicant cum insipiente, non est Deus.

CAPVT DECIMVMQVINTVM.



XODI decimo quinto. at ille clamauit ad Dominum, qui ostendit ei lignum, quod cū misisset in aquas, in dulcedinem versæ sunt. Cū hoc legimus magna subit dubitatio, An lignum in aquas missum, naturali quapiam facultate dulcedinem intulerit, an id voluntate Dei, & miraculo effectum sit, in figuram maioris cuiuspiam sacramenti. atqui plerisq; hoc videtur probabilius. primū quidem, quia nemo, neq; Medicorum, neq; qui naturalem historiam scripserunt, talem facultatem vnquam videtur agnouisse. neq; facile videtur dici posse, aut excogitari, quam passionem inferret id lignum aquæ, vt amaritudinem eleuaret, cū præcipuè in historia scholastica, ex sententia Hebræorum, dicatur id lignum fuisse amarissimum, & mortiferum. deinde, neque si talem vim habere posset lignum, posset ea in magnum flumen, aut ingentem lacum vt. habet enim modum quendam facultas omnis naturalis, eumq; secundum magnitudinem eius quod facit, & accipientis. non enim si magnes trahere potest ferrum, continuò possit trahere montem ferreum, neq; ferri exiguum quantuluscunq; lapis, sed tantus tantum. omnes autem naturæ fines videtur excedere tantam aquæ molem, à ligno non maiori, quàm vt à Mose posset apprehendi, & in aquas mitti, tantam recipere alterationem. nihilominus videtur necessarium fateri, secundum naturalem aliquam facultatem, illud esse effectum. quandoquidem capite 38. Ecclesiastici, in confirmationem operum medicinalium,

& virtutum medicamentorum, & commendationem artis dicitur, non ne à ligno indulcata est aqua amara? nisi autem naturali aliqua ligni facultate id factum esset, quale obsecro esset argumentum? certè tale, ac si diceres: magna vis medicinae est, quia infusio aquae benedictae, & admotio Crucis, & reliquiarum Sanctorum, ad omnes morbos prodest immo verò ob hoc ipsum dicent multi, opus non esse medicina: quòd scilicet vita & mors, sanitas & morbus, penes Dei voluntatem esse videatur, non penes artem ullam. Respondent à contraria sententia, Ecclesiasticum proferre illud exemplum, ut ex eo quod miraculosè Deus fecit per lignum, indicaret omnia etiam illa, quae naturaliter efficiuntur per creaturas, ad Deum esse refferenda. Mihi verò videtur id exemplum indicaturum, non solum à Deo esse tributas rebus virtutes, sed suspicionem etiam illaturum, nullas omnino esse naturales ipsarum rerum, sed à Deo ipso effici quidvis, ut immisso ligno in aquas factae sunt dulces. quapropter censendum potius videtur, naturali aliqua ligni virtute effectum esse illud. iuvat plurimum hanc sententiam, quod Hebraicae linguae periti dicunt, iuxta suum idioma legendum potius fuisse, clamavit ad Dominum, qui docuit illum lignum, quod quid aliud est, quam docuisse illum ligni facultatem, & virtutem? Certè cum Deus ostenderit Mosi lignum, quo aquas dulces efficeret, necesse est indicasse illi lignum tali praeditum facultate, aut simul indicasse lignum, & illi talem facultatem indidisse, cum eam nullatenus haberet antea, aut nulla facultate data ligno, ipsum met Deum, cum iniectum à Mose est, aquas reddidisse dulces. hoc ultimum nihil penitus haberet cum medicina, neque ullum argumentum in artis laudem, aut fidem, capi posset. nam mera Dei voluntate res esset acta. supersunt igitur priora duo. Rursum, si lignum

lignum tali præditum erat facultate, aut tali tantaq; erat præ-
 ditum, vt naturaliter, nihilq; denuò apponente Deo, posset
 tantam, adeo amaram aquam, reddere potui aptam, aut
 eam Deus, naturalem alioqui, ligni vim, nouo quodam in-
 tuitu auxit, atq; fortiozem fecit. Quod horum fecerit Deus,
 non possum vlla monstratione indicare. nam his omnibus
 modis solet in homines beneficia conferre. atq; qui dicet,
 Deum tribuisse ligno facultatem, qua antea caruerit, argu-
 mentum fidei artis medicæ, ita concludet. quandoquidem
 Deus tribuere potuit ligno facultatem adeò mirabilem, al-
 terandi scilicet magna flumina, non est diffidendum, quin
 herbis, lapidibus, ac metallis, alterandi nostra corpora de-
 derit vires. vt, scilicet, argumentum sit à maiori. multo au-
 tem firmitus argumentum, & ad rem ipsam propius acce-
 dens, sit, ab exemplo. ita scilicet, non est contemnenda
 medicina, quasi magnam vim non habeat transferendi
 ægrotantium corpora in pristinam sanitatem. maximas
 enim vires habent res quamplurimæ, multis modis afficien-
 di res alias. Exemplo est lignum, quod aquas in Marâ red-
 didit dulces. ob hæc mihi videtur magis consentaneum,
 lignum illud naturali vi aquas fecisse dulces. atq; de ea fa-
 cultate dixerim ego duorum alterum, aut esse secrettricem
 aquæ, & exultæ terræ, similem ei quâ acetum findens lac,
 serum secernit (nulla enim ratione melius possit aqua ex sal-
 sa dulcescere, quàm secreto sale, atq; ita neque ex amara,
 quàm secretis terræ valde exultæ partibus. talium quippè
 adinistione fit amarus sapor) aut esse tractricem partium ama-
 rarum, gratia similitudinis (si modo credimus dicentibus
 fuisse amarissimum lignum) atq; alliciendo ad sese, imbi-
 bendoq; amaras aquæ partes, illam dulcem & potui aptam
 reddidisse! Crediderim sanè eam facultatem, quæcunq; in
 ligno

ligno fuerit, plus solito tunc, annuente Deo valuisse: velut medicamenta existimo nonnunquam, plusquàm aliàs, valere, ob gratiam Numinis. nimirum Deus prima causarum est, quare aliarum quæcunq; ita mouere poterit, vt ipse exordietur motum. ita enim euenit, in causis omnibus, quæ ordine posita sunt.

CAPVT DECIMVMSEXTVM.



APITE secundo Leuitici. Omnis oblatio, quæ offertur Domino, absq; fermento fiet, neq; quidquam fermenti ac mellis adolebitur in sacrificio. Paulò infra, Quidquid obtuleris sacrificij sale condies. & rursum, In omni oblatione offeres salem. Mirum est, solemne fuisse, non solum in veri Dei, sed etiam falsorum Deorum sacrificijs, sale vri: quod quidem intelliges ex Plinio libro. 31. capite septimo, vbi de falsis laudibus agens, inquit, Maximè autem in sacris intelligitur eius auctoritas, quando nulla conficiuntur sine mola falsa. quapropter suspicor eam consuetudinem fluxisse à primis illis nascentis mundi sacrificijs, quæ Deo Optimo Maximo offerebantur, & inde in omnium gentium sacros ritus deriuatam esse. consentaneum enim est censere, falsos illos sacrorum ministros, à veris sacerdotibus accepisse eam consuetudinem, Demonibus id poscentibus, quoq; maximè fieri posset, diuina sibi offerrentur sacrificia; potius quàm veri Dei cultores, falsorum ritus esse imitatos. Verum itaq; esse fatemur, quod Plato in dialogo de natura dicit. Sal Deo amicum corpus. quod cum præsentī loco maximè congruit. poscit enim Deus in omni oblatione offerri

ferri sibi salem, quasi sibi gratum & amicum corpus. sed quo pacto potest salis corpus esse gratum, & amicum Deo, potiusquàm fermenti & melis (quæ tamen duo respuit Deus) aut alterius cuiuspiam rei? videri possit alicui, esse vllam causam naturalem, velut fortè aliquam sympathiam, aut antipathiam diuinæ naturæ cum his, aut illis corporibus, obquam, his delectetur, ab illis aborreat. quia & dæmones, qui sunt etiam incorporei, quibusdam corporibus allici, quibusdam fugari, quasi experimento confirmatum affirmat omnis antiquitas. quin & vocati exorcistæ, suffitu rerum foetidarum, vt caprini stercoreis, & admotione rutæ, & hypericonis, quæ ob hanc causam fuga dæmonum appellata est, vtuntur. Tobias quoq; suffitu exusti iecoris fugauit dæmonem, idq; præcepto Raphaelis. eò vsq; procedunt nonnulli eorum, qui de dæmonibus sunt Philosophati, vt eorum quosdam affirmant rebus quibusdam delectari, quas alij habeant exosas. itaque multorum sententia est, esse rebus incorporeis cum corporeis familiaritatem, aut dissidium. vnde fieri videtur posse, vt Deus quibusdam corporibus, plusquàm alijs, delectetur. cum præcipuè quædam alia loca sacrarum scripturarum, hoc idem videantur innuere. nam in libro Iudicum capite nono, ita est scriptum. Nunquid possum deferere vinum meum, quod lætificat Deum & homines? itaq; innuunt sacra eloquia delectari Deum sale, & vino, offendi verò fermento, & mele. quid sibi volunt hæc? aut quæ est causa? Dæmones quidem, ob hæc, & his similia, censebant omnes Platonici, corporeos esse, & alios terreos, alios aqueos, alios igneos, aëreos alios: quòd illi huic, alij illi corpori, habeant naturam propinquiorem, & eo maximè delectentur. fiet sanè necessariò ex horum sententia, vt quia cum elementis his aut illis habent naturalem familiaritatem, cum concretis etiam quibusdam

busdam habeant sympathiam , aut antipathiam . quando-
quidem concretum quodcunq; corpus , ad hoc aut illud ele-
mentum pertinet , vt multis in locis , præcipuè quarto libro
meteorôn indicatum est . Aristotelis quoq; placitis mihi vi-
detur consonum , nihil esse in rebus quod per se subsistere
possit omnino incorporeum , præter primam causam . quia
ille asserit omne , quod mouet , moueri , vsq; ad primam cau-
sam , quæ sola mouet & non mouetur ; & nihil moueri quod
non sit diuisibile & corporeum . Ex quibus assertionibus fit ,
vt prima solùm causa sit incorporea . Nam si omnis causa
præter primam mouetur , & omne quod mouetur est cor-
poreum , omnis causa præter primam corporea est . Om-
nium ergo Philosophorum placitis videtur consonum , Dæ-
mones esse corporeos : quanquam id profectò verum non
est . Nam aut haberent corpora elementaria , hoc est naturæ
corporalium elementorum (terræ dico , aquæ , aëris , &
ignis) participia , aut cœlestia , velut Aristoteles innuit se-
cundo de generatione animalium capite tertio , de anima-
bus , quas velut substantias quasdam separabiles eo loco
imaginatur , differens his verbis . Sed enim omnis animæ
feu virtus , siue potentia , corpus aliud participare videtur ,
idq; magis diuinum , quàm ea quæ elementa appellantur .
Verùm prout nobilitate aut ignobilitate animæ inter se dif-
ferunt , ita & natura eius corporis differt . Inest enim in semi-
ne omnium , quod facit vt fecunda sint semina ; videlicet ,
quod calor vocatur , idq; non ignis , non talis facultas aliqua
est , sed spiritus , qui in semine spumosoq; corpore contine-
tur , & natura quæ in eo spiritu est , proportionem respondens
elemento stellarum . hæc Aristoteles . Sed , si dæmones ele-
mentaria haberent corpora , pati quidem possent ab his cor-
poribus quæ penes nos sunt , & voluptate ac dolore ab illis

T

affici :

affici : Si verò hæc , & corrumpi , essentq; natura sua mortales , quod cuius videatur esse absurdum ? sin autem haberent corpora cœlestia , aut cœlestibus hac in re similia , quòd immortalia essent , essent ita quoq; inalterabilia , & voluptatis & doloris incapacia , quia dolor & voluptas sensus quidam est , ille tristis , hæc iocundus : sensus verò actus , sine sensorij alteratione non est . igitur ponere corporales dæmones , nisi etiam ponas mortales , quò delectentur aut doleant obiectu rerum corporearum , superuacaneum est , & insufficiens . quapropter Apuleius libello de Deo Socratis , cuius meminit Diuus Augustinus octauo de ciuitate Dei , contradictionem inuoluit in demonum deffinitione , dicens , eos esse genere animalia , animo passiuia , mente rationalia , corpore aërea , tempore æterna . genere enim animalia esse dicit , quòd corporibus consent & animis , animos verò eorum passiuos , quòd irascantur iniurijs irritati , & donis placentur , & gaudeant honoribus , ac deniq; eisdem , quibus hominum animi , perturbationibus agitentur . si verò animalia sunt , atq; ira timore , mœstitia , & gaudio afficiuntur , non possunt non habere etiam corpora patibilia . nam motus huiusmodi corporales sunt , feruetq; cor per iram , contrahitur per timorem & mœstitiam , effunditur gaudio . quòd si dicas in homine esse has passiones corporales , in dæmonibus verò pertinere ad solum animum , esseq; aliud genus , iræ , timoris , mœstitiæ , & gaudij , sit vt illorum animi nullas actiones per corpora exerçant (quas enim potiusquàm has ?) quare non magis erunt illorum corporum actus , neque animalia efficient , quàm animæ intra testaceas ollas conclusæ : neq; ex illis corporibus & animabus constarent supposita . cùm actiones non essent totius compositi : sed animæ ipsæ per se , essent supposita , corpora verò ferrentur ab animabus , vt vasa fictilia

fictilia quæ ab inclusis animalculis transferuntur: præterea, si sunt corpore aërea, non possunt non habere contrarietatem cum terreis, & cum omnibus elementis, ac concretis corporibus communem materiam. quare & corruptibilia necesse est sint. quod si hîc quoq; fingas aliud aëris genus, à corruptibili hoc quo suffundimur, diuersum, primum quidem non est iuxta ipsius Apulei mentem, siquidem quia aërei sunt demones, affirmat in aëre & infra cœlum ipsos viuere. huius igitur aëris, quem incolunt, habebunt naturam, non alterius, quem non incolunt. hic verò corruptibilis est, & quęcunq; eo constant, necesse est esse corruptibilia. Porro, si alio aëre impatibili constant, nullum habent sensum: quia sensus nullus agi potest, quin proprium sentiendi instrumentum patiatur à sensibilibus: insensibilia verò corpora non sint animalia, neq; problematum, quę proponebantur, quî scilicet fiat vt quibusdam rebus delectentur, alias habeant exosas, reddita est vlla causa: satius ergo est existimare, incorporeos illos esse, vt sunt naturà indissolubiles. quare Diuus Augustinus (vt hoc quoque dicam obiter) octauo de ciuitate Dei, capite. 15. vbi ita scripsit. Absit vt ista considerans animus veraciter religiosus, & verò Deo subditus, ideo arbitretur demones seipso esse meliores, quod habeant corpora meliora. vbi, inquam, hæc dicit Augustinus, ne putetur concedere demones habere corpora meliora, sed negare hanc consequutionem, habent corpora meliora, ergo sunt meliores. porro in verbis illis Psalmi centesimi tertij, Qui facis angelos tuos spiritus, & ministros tuos ignem vrentem, nomina illa spiritus, seu aër, & ignis, significant Metaphoricè substantias incorporeas magnę virtutis, ac potentię, non tamen quod verè aërei aut ignei sint. nam præter dicta, quantum, non est in ratione substantię,

sed accidens quoddam illius. ut igitur est in rerum vniuersitate substantia quanta, sit etiam aliqua non quanta. ea autem non sit solum quæ incorporea & infinita; nam inter corporeum finitum & incorporeum infinitum, medium est incorporeum finitum, aut corporeum infinitum. Corporeum infinitum esse omnino non posse, multis euidetibus argumentis indicauit Aristoteles: superest igitur ut sit incorporeum finitum. Esse verò Deum virtute infinitum, indicatum mihi est in hoc ipso opere, superest ergo præter ipsum, esse substantias aliquas incorporeas, easq; finitas. Itaq; censendum non est angelos esse corporeos, neq; suffitu torqueri, aut bonis odoribus allici, aut rei cuiuspiam naturalis contactu dolere, aut delectari (nihil enim horum sine contactu fert natura: contactus verò corporum tantum est) sed vanum esse ac superstitiosum quidquid eiusmodi moliantur exorcistæ, mendacissimosq; dæmones hominibus illudentes, ea omnia mentiri. Multo minus quispiam possit censere, Deum Optimum Maximum vlla voluptate sensus affici, aut vlllo dolore: siquidem omnium Philosophorum consensu est incorporeus, & omnino immobilis, nullamq; mutationem subiens. quæ autem opera sua sunt, omnia amat, & nihil eorum, quæ fecit, odio habet; quia omnia sunt valde bona, ut primo capite Geneseos & 38. Ecclesiastici scriptum est. Quid ergo dicemus de sale, corpore adeo Deo amico, & de vino quo lætatur, & de fermento & melle quæ interdicit in sacrificijs, & de multis alijs corporibus, quæ in libris sacris dicuntur, alia gratum, alia ingratum Deo odorem expirare? Certè nihil aliud, quàm substantias has corporales, res alias quasdam nobis indicare, quas partim adesse, partim abesse, oportet in sacrificijs. Nimirum sal symbolum esse videtur integritatis, & incorruptionis, ac proinde
innocen-

innocentiæ : contrà fermentum , corruptionis & impurita-
tis : vinum , charitatis : mel , voluptatis & deliciarum . quia
sal, vt experimento constat, atq; Aristoteles 2 6. sectione pro-
blematum docet, siccatur, ac proinde incorrupta seruat que-
cunq; eo condita reponimus . fermentum verò nihil est aliud,
quàm massa facta acidior : constat verò eum saporem ex re-
bus antea integris, debilitatione naturalis caloris, & accessio-
ne caloris alterius præter naturam fieri, quæ alteratio corru-
ptio est. Fit itaq; ex massa fermentum, vt ex vino acetum,
atq; ita fermentat massam, augeri & rarefcere faciens, vt
acetum fermentat terram : quod opus refertur ad partes il-
las, quæ calorem præter naturam contraxerunt in illa corru-
ptione . Adijcit præterea fermentum pani saporis gratiam,
quod aciditatis illius moderatæ mistione facit, velut idoneo
quodam condimento . Rectè hæc explicuit Plinius libro 1 8.
capite vndecimo dicens, Fermentum fit ex ipsa farina quæ
subigitur, priusquàm addatur sal, ad pultis modum deco-
cta, & relicta donec acefcat . vulgò verò (hic est hodie vsus)
neque subferuefaciunt, sed tantum pridie asseruata materia
vtuntur . hæc Plinius . Quibus docet, fermentum acore &
corruptione massæ, seu pultis fieri : salis verò admistione,
prohiberi eam corruptionem, vt certè aliam omnem putre-
fcentiam . Meritò ergo id, cuius natura & essentia constat
corruptione, symbolum peccati est : quia corruptio & pu-
trescentia via est ad naturalem cuiusuis corporis interitum, vt
peccatum animi ; & quod naturà aptum est cohibere om-
nem putrescentiam, symbolum est iustitiæ, quæ tollit pec-
cata : oportetq; hoc addesse sacrificijs, illud abesse . Huc spe-
ctat quod Deus dixit ad Aaronem, capite 1 8. Numerorum,
pactum salis est sempiternum coram Domino tibi, ac filiis
tuis . Vocat enim pactum salis, pactum sacrificiorum, quo
pepige-

pepigerat scilicet Deus, in æternum se daturum ius offe-
 rendi sacrificia, Leuitis. vocat verò id pactum salis, id est,
 sacerdotij, quia à nulla oblatione aberat sal: aut, vt alij in-
 terpretantur, pactum salis, id est pactum perpetuum, quia
 sal tollit corruptionem. porrò mel symbolum deliciarum
 esse, ob dulcedinem, constat. delicias verò ingratas esse
 Deo, & deliciosos homines non præstare Deo grata sacrifi-
 cia, constat etiam, quia vt Aristoteles inquit secundo Ethic-
 orum capite tertio, ob voluptatem res improbas agimus,
 & ob dolorem res posthabemus honestas. vnde fit, vt qui
 Dei sit futurus amicus, voluptatis contemptor, & doloris
 patiens esse debeat, aut contemptor vtriusque, ad ample-
 xandum dolorem, & dimittendam voluptatem. amant er-
 go sacrificia salis incorruptionē, & mordacitatem: respuunt
 verò fermenti corruptionem, & suauitatem mellis. hæc itaq;
 Deus verus, has ob causas, circa sacrificia ita disponebat:
 Cacodæmones autem, vt diuinitatem simularent, Dei æmu-
 latores in rebus quibusdam efficiebantur: non tamen in om-
 nibus: quia non ferebat eorum nequitia, quin atrocia quæ-
 dam à suis miserrimis mancipijs postularent, velut homi-
 num cruorem, & viscera. Sed neq; quod Tobias fecit, vt
 iecoris odore dæmon fugaretur, cenleo esse naturale, sed eam
 benedictionem datam à Deo Iecori, vt nunc datur aquæ.
 Contigisse verò illud etiam in figura, vt significaretur, exu-
 rendam esse concupiscentiam in sanctis connubijs. Iecur
 enim symbolum concupiscentiæ est. huiusmodi sunt omnia
 legis antiquæ præcepta. significant enim in sensu allegori-
 co, aliud quàm in literali. quem modum docendi imitati
 sunt multi veterum Philosophorum, præcipuè Pythagoras,
 cuius adhuc extant symbola multa. quale est illud quod ad
 præsentem disputationem facit, salem apponito. nimirum

in re-

in rebus gerendis semper apponi iubebat salem, hoc est prudentiam, & integritatem. Hieroglyphica etiam ratio scribendi, quam Ægyptij sacerdotes tenuerunt in sacris, similem continebat sapientiam. quam etiam in veri Dei cultu quadamtenus retineri videmus. nam est in templis Dei multus usus ignis & aquæ; quia, arbitror, hæc hieroglyphicè mundiciem indicant. causa verò qua indicent, est, quòd hæc duo sint, quæ corpora omnia à sordibus mudent. quia verò emundandi corpora habent vim naturalem, benedictiones quoque emundatorias animorum, his præcipuè Deus tribuit, igni dico & aquæ. corporeis verò & incorporeis substantijs nulla naturalis est sympathia: nedum alijs rebus cum Deo: cui nihil cum illis est commune in essentia.

CAPVT DECIMVMSEPTIMVM.



”
”
”
”
”
”
A P I T E vndecimo Leuitici ita scriptum est, Et sus qui cum vngulam non diuidat, nō ruminat. quatuordecimo autem Deuteronomij, sus quoque quoniam diuidit vngulam, & non ruminat, immunda erit. Quod quidem multū diuque me torfit, non intelligentem, quā fieri posset, ut sus diuidere & non diuidere vngulam diceretur, usque dum apud Aristotelem reperi apertissimam huius nodi dissolutionem. Ille siquidem capite primo libri secundi de historia animalium, hanc animalium differentiam statuens, ita inquit. Quadrupedum autem, quæ sanguine constant, eademque animal generant, aliæ multifidæ sunt, quales hominis manus pedesque habentur. sunt enim, quæ multiplici pedum fissura digitentur, ut Canis, Leo Panthera; aliæ bifidæ

fulcæ sunt, quæ forcipem pro vngula habent, vt oues, capræ, cerui, equi fluuiatiles: aliæ in hisso sunt pede, vt quæ solipedes nominantur, vt equus, mulus. genus sanè suillum ambiguum est. Nam & in terra Illyricorum, & in Peonia, & nonnullis alijs locis, sues solipedes gignuntur. Hæc Aristoteles. Ex quibus apertè constat, sues partim quidem findere, partim non findere vngulam, vtrosq; tamen, & qui findunt inquam, & qui secus, esse immundos, quia neutri ruminant. Alij igitur vtraq; ratione immundi sunt, & quia neq; ruminant, neq; findunt vngulam, de quibus vndecimo Leuitici agitur, suntq; Illyrici sues: alij altera tantum, quia scilicet & si findant vngulam, non ruminant. de quibus agitur 14. Deuteronomij, suntq; nostrates sues.

CAPVT DECIMVMOCTAVVM.



» A P I T E duodecimo Leuitici, Mulier,
 » si cōcepto semine pepererit masculum,
 » immunda erit septem diebus, iuxta dies
 » separationis menstruæ. Et die octauo cir-
 » cuncidetur infantulus; ipsa verò trigin-
 » ta diebus manebit in sanguine purifica-
 » tionis suæ. Omne sanctum non tanget,
 » neq; ingredietur in sanctuarium, donec impleantur dies suæ
 » purgationis. Sin autem fœminam pepererit, immunda erit
 » duabus hebdomadibus iuxta ritum fluxus menstrui, & sexa-
 » ginta sex diebus manebit in sanguine purificationis suæ. Cūq;
 » expleti fuerint dies purificationis suæ pro filio, siue pro filia,
 » deferet agnum. &c. Capite decimo quinto Leuitici, Mu-
 » lier, quæ redeunte mense patitur fluxum sanguinis, septem
 » diebus separabitur. Mos circuncidendi Iudæis solum erat
 antiqui-

antiquitus, nisi etiam fortasse sacerdotibus Ægyptiorum, ut Orus Apollo Niliacus in hyeroglyphicis insinuat, dicens, Cynocephalum fuisse notam sacrificij, quia nascitur circumcissus. Circuncisionem verò sacerdotes (inquit) magno studio peragebant. Quod quidem si ita erat, haud dubiè Ægyptij acceperunt ab Hebræis. Non enim Hebræi ab Ægyptijs, sed à pacto quod fecit Deus cum Abrahamo capite decimo sexto Geneseos. Nisi etiam fortasse naturalis legis sacerdotes, ut signo quodam pietatis, circuncisione utebantur, atque Abrahami circuncissio noua non fuit, sed à Deo denuò probata, & sanctificata. Vt cunq; hoc habeat, consuetudo imponendi nomina die octauo plurimis alijs gentibus fuit. Causam naturalem reddit Aristoteles, capite vltimo libri septimi de historia animalium, his verbis. Plurimi, antequam exactus sit dies septimus intereunt, & hanc ob causam tunc nomina imponuntur, tanquam saluti iam pueri magis credamus. Itaq; imponuntur nomina die octauo, quia antequam exactus sit septimus, parum constat an fœtus sit perfectus & vitalis, an imperfectus, abortiuus, neq; vitalis. exemplo fuit filius primus Dauid ex Bersabee, qui die septima mortuus est, ut secundo Regum narratur. Magnam vim esse hebdomadæ, in ijs quæ ad fœtum intra vterum formationem, & in lucem iam editorum vitam pertinent Hippocrates probat multis in locis, maximè autem libello de carnibus multis argumentis, statuens hanc asser-tionem, Vitam hominis septem dierum esse: primum quidem quòd septima dies certam firmamq; iam perfectæ conceptionis notam prætet. Quia ut Aristoteles capite tertio libri nuper citati dicit, si in septimum diem intus (hoc est intra vterum) permanferit genitura, conceptum iam esse certum est. Atq; ut Hippocrates loco citato affirmat, quod

conceptum est, si intra septem excidit dies, nullam per se fert delineationem. si verò post septem in aquam immis-
sum: oculorum, oris, & pudendorum quandam non in-
evidentem delineationem ostendit. Hanc ob causam dicit
Aristoteles, qui intra septem dies fiunt, non vocantur abor-
sus, sed effluxiones. Nam antè septimum ne fœtus quidem
neq; embrio putatur esse, sed semen. Itaq; conceptio certa
septem dierum est, & quod immissum in vterum, in certam
firmamq; conceptionem non peruenit, intra septem dies
effluit, & perit. Ita etiam recens natos dies septima probat.
nam plurimi eorum qui vitales non sunt, intra hebdoma-
dam pereunt. Adultis etiam hominibus est vita septem die-
rum, quia vt dicit Hippocrates libello de carnibus, Si quis
septem diebus nihil edere, aut bibere velit, pleriq; quidem
in ipsis moriuntur, sunt autem qui illos transmittunt, & ta-
men moriuntur. Ieiunum enim intestinum in his diebus
concreuit, moriunturq; etiam illi. Hanc ob causam ego iu-
dico, misisse Deum die sexta cibum Danieli in lacu leo-
num existenti, ne scilicet, si septimam attingeret, periret
fame. Nam etiam in his quę miraculosè agit, habet Deus
rationem aliquam naturæ, ne plura quàm opus sit, eueniant
miracula. Itaq; & conceptio, & argumentum vitalis ortus,
& duratio vitæ hominum sine refectione septem dierum est,
vt certè mundi totius fabrica septimo die est conclusa. In
quamplurimis enim rebus, hominis ortus mundi creatio-
nem imitatur. nimirum est microcosmos. Merito ergo,
atq; iuxta hominum naturam, iussit Deus pueros die octa-
ua circumcidi, quasi iam victuros. Interim iubet mulierem
quæ peperit masculum, immundam esse septem diebus iuxta
dies separationis menstruę: hoc est, continere sese secundum
legem eius cui menstrua fluunt, quæ capite decimo quinto
huius

huius eiusdem libri scripta est his verbis . Mulier , quæ redeunte mense , patitur fluxum sanguinis , septem diebus separabitur . Hoc quoq; secundum rei ipsius naturam præcipitur . Quia hic etiam est finis fluxionis menstruæ naturaliter euenientis . Quæ enim ultra hebdomadam prorogatur , symptomatice est , & morbi soboles . Quamquam enim , ut libello de superfœtatione dicit Hippocrates , multis tempus eius purgationis tres sunt dies : plerisq; tamen , ut ipse met dicit , multo plures , duplum scilicet , hoc est usq; ad septimum , quo ea cessat , velut morbi etiam acutissimi . Neq; sanè ultra tres vel quatuor dies prorogari præter naturam est , nisi etiam ultra septem prorogetur , tametsi multo salubriores & fecundiores sint , quibus non ultra tres durat . esse verò potest etiam naturale usq; ad septem , etsi minus utile . sed est etiam in naturalibus plus aut minus bonum . Hoc verò ita habere , Hippocrates libro primo de morbis mulieribus docet , dicens . Quibus verò in natura est , ut plures quàm quatuor dies purgentur , & menses valde multi produnt , hæc tenues sunt , & fœtus earum tenues , & emarcescunt . Itaq; optimus menstruorum finis , duorum , aut trium , aut ad summum quatuor dierum est : naturalium verò ultimus , septem . Meritò igitur mulier , quæ redeunte mense , patiebatur fluxum sanguinis , septem diebus separabatur , & ob hanc ipsam causam quæ pepererat masculum , septem diebus quasi immunda esse iuebatur . Circuncidebatur verò puer die octauo , quasi exactum iam esse septimum , magnam vim haberet ad vitæ securitatem : post septenarium verò , maximam vim habent , in affectionibus fœtuum qui geruntur utero , & infantium recens in lucem æditorum , quadragenarii : atq; ut intra septem dies fieri diximus effluxiones seminis , cum conceptio nō perficitur : ita intra quadraginta plu-

rimi fiunt abortus, ac corruptiones. Quod Aristoteles capite tertio, septimo de historia animalium, his verbis dicit, Effluxiones vocantur, quæ intra septimum diem corruptiones fiunt, abortiones autem quæ intra quadragesimum. Et quidem plurimi foetus intra tot numero dies deprauantur. Hippocrates quoque libello de partu septimestri ita scriptum reliquit. Dicunt autem & abortus plurimos in primis quadraginta diebus fieri, sed & reliqua conscripta his accidere in quadragenarijs. rursus paulò infra in eodem libello. At verò quadragenarij primum in foetibus iudicant, quisquis enim primos quadraginta dies transmiserit, abortus effugit ex omni causa contingentes. plures autem fiunt in primo quadragenario abortus, quàm in alijs omnibus. Itaq; ex sententia Hippocratis & Aristotelis, quos hac in re sequutus etiam est Galenus, ut intra septem dies fiunt seminis effluxus, ita intra quadraginta abortus: atq; ut recens nati solent intra septem dies perire, ita qui hos effugiunt, alium, cumq; proximum periculi finem habent, quadraginta dies: atq; ut supra septem dies contentum intra uterum semen esse, certa est conceptionis nota, cum verò transit prægnationis quadragesima dies, abortus periculum maximum recessit: ita cum recens natus (respondent enim vitæ principia principijs generationis) attigit octauum diem, homo iam vitalis est: cum quadragesimum, robustior, viuacior, & sapientiæ iam particeps est. Indicio est, quò eorum qui euaserunt septimum, multi moriuntur intra quadragesimum, à quadragesimo verò incipiunt iam pueri ridere, quasi firmiores iam facti, & sapientiæ quædam exordia ostentantes. Docet hoc Hippocrates in calce libelli de partu septimestri. Meritò ergo, atq; ut natura ipsa poscebat institutum est, ut puer die octauo circuncideretur, ma-

ter verò ingrederetur in sanctuarium, illum Deo oblatura quadragesimo. Nimirum circuncidebatur die octauo, ut qui iam non imperfectus fœtus, sed homo vitalis esse cognosceretur: deferrebat in templum quadragesimo, ut qui magnum recens natorum periculum euasisset, & roboratus iam esset, & sapientiæ inditia præ se ferret: interim, ut mater ante diem circuncisionis immunda esset, iuxta dies separationis menstruæ, dies septem iuebatur, quia id tempus est naturale menstruæ purgationis, ita inter diem circuncisionis & delationis in templum, iuebatur manere in sanguine purificationis suæ dies triginta, quia tot dies solet durare expurgatio ijs quæ mares pepererunt. Quod faciliè intelliges ex his Hippocratis verbis, quæ libello de natura pueri scripta sunt. Atq; hæc mihi de hoc dicta sint, & factus iam est puer, & ad hoc peruenit, fœmella quidem quadraginta & duobus diebus ut longissimè, primam coagmentationem ac coarticulationem accipiens: masculus verò ut longissimè in triginta diebus. ut plurimum enim hoc tempore, aut paulò breuiori, aut paulò longiori articulatio ipsis cōtingit. Nam & purgatio fit à partu ut plurimum, in fœmellis quidem diebus quadraginta & duobus, atq; hæc tardissima est, & perfecta: vacauerit autem periculo etiam si in viginti quinque diebus purgetur: in masculo verò purgatio fit diebus triginta, atq; hæc tardissima, & perfecta, citra tamen periculum fuerit mulier, etiam si in viginti diebus purgetur. hæc Hippocrates, quibus docet tempus formationis pueri respondere tempori purgationis matris, atq; quia mares in utero citius formantur quàm fœmellæ, proinde & eas quæ mares pepererunt, purgari citius, esseq; tempus formationis pueri, & purgationis eius quæ marem pepererit, triginta dies. Quod attinet ad purgationem eius quæ marem pepererit

verissi-

verissimum est, & ijs quæ in lege Domini dicuntur maximè consonum. Quod verò attinet ad tempus formationis maris & foemellæ, & ad æqualitatem temporis formationis foetus & purgationis matris, neq; admodum firmum, neq; certum est, sed contingit ita, & aliter. Neq; hoc latuit Aristotelem aut Hippocratem. Nam Aristoteles capite tertio libri citati, ita inquit. Purgationes autem accidunt plurimis cum conceperint ad tempus quoddam, scilicet triginta dierum, maximè si concepta foemina est, quadraginta si mas. A partu etiam purgationes eodem numero dierum consequi volunt, quamquam non æquè ita diligenter eveniunt. hæc Aristoteles. Locus haud dubiè corruptus est, legendum enim triginta dierum, maxime si conceptus mas est: quadraginta si foemina. Nam dicit tempus expurgationis à partu, æquale esse tempori expurgationis, quæ fit initio conceptionis. constat verò iuxta omnium sententias, longiorem expurgationem esse à partu foemellæ, quàm masculi. At verò Aristoteles non admodum certam esse, eam expurgationis cum expurgatione æqualitatem, dicit: Quare neq; formationis foetus cum expurgatione à partu, adeo exacta erit æqualitas. Videtur enim tempus expurgationis, quæ initio conceptionis fit, respondere tempori formationis. quamquam neq; hîc erit adeo certa æqualitas, vt neq; in tempore toto prægnationis muliebris, neq; in vllis eius partibus firmum quidquam ac certum est. Quapropter Aristoteles paulò infra inquit. Mares magna ex parte circa quadagesimum diem, dextro potius latere mouentur: foeminæ sinistro, circiter nonagesimum. Nihil tamen certi in his affirmare licet. Sed enim hæc, & reliqua huiuscemodi, vt differunt eo quod magna ex parte, & eo quòd magis minus accidit, sic accepimus. hæc Aristoteles. Hippocrates quoque
libello

libello de alimento, cùm recensuisset multa variaq; partus tempora, & formationis, motus, & æditus, tempora, & eorum proportiones, adiecit, Non est, & est: insinuans nihil eorum esse perpetuum, sed quodcunq; fieri posse, ita autaliter. verba verò Hippocratis sunt hæc. Ad figurationem soles triginta quinq;, ad motum septuaginta, ad perfectionem ducenti & decem. Alij tradunt, ad formam quadraginta quinq;, ad motum septuaginta sex, ad exitum ducenti & decem. Alij sic, ad formam quinquaginta, ad primùm saltum centum, ad perfectionem trecenti. Alij sic, ad discriminationem quadraginta, ad transitum octoginta, ad elapsum ducenti quadraginta. non est, & est. his verbis Hippocrates, vt in commentatione eius locis explicuimus, narrat multas Medicorum sententias de tempore partus naturalis, & de temporibus quibus foetus formationem acciperet, inciperet moueri, & exiret in lucem, ac de proportionem temporum, quibus illæ mutationes insignes contingerent, eisq; narratis, dicit, nihil in illis esse perpetuum, sed posse fieri quodcunq; illorum & non fieri. Hoc idem docuit libro secundo de morbis popularibus sectione tertia, easdem sententias narras. Nimirum, vt Aristoteles dicit, capite quarto citati iam sæpè libri; cum cætera animalia omnia, singulari ac simplici modo partum suum perficiant (certum enim pariendi tempus statutum est singulis generibus) homini vni datum est multiplex. Nam & septimo mense, & octauo, & nono parere potest, & quod plurimum decimo, nonnullæ etiam & vndecimum tangunt. Itaq; consensu probatissimorum auctorum constat, neq; partus muliebris, neq; mutationum insignium quæ foetui accidunt, formationis dico, & motus, esse simplex & statutum tempus, sed varium & multiplex. Neq; solum homini non est
certum

certum tempus horum, sed neq; sexui vlli: Nulla enim est sexui nascendi differentia, siue inquam mas sit siue fœmella. Nam tametsi Aristoteles dicit, fœminam sæpius in vndecimum mensem incidere quàm marem, huncq; sæpius fieri septimestrem, tamen experimentum repugnat: adeoq; minus certi quidquam est in his rebus quàm veteres putarunt, vt nostro sæculo nata sit fœmella haud dubiè quinq; mestrīs, quæ adhuc viuit, plusquàm duodecim iam annos nata, cuius gracilitas ac tenuitas, maior quàm mulieribus esse consueuerit, indicat certam esse de eius ortu fidem, præterquam quod multis domesticis, neq; inevidentibus argumentis constitit: vsque adeò in Physicis alterationibus vix quidquam est omnino aut impossibile, aut necessarium. Quid ergo, an nihil est in rebus quæ ad fœtus & puerperas spectant certum, ac firmum? sanè nullum est tempus certum, quo mas aut fœmina figurā accipiat in vtero, neq; quo moueri incipiat, neq; quo in lucem exeat, neq; quo mulier vtero gerens, statim à conceptionis initio expurgetur, neq; quo expurgetur quæ peperit, siue marem siue fœminam: sed hæc omnia tempora, multiplicia & varia sunt. Illud tamen certum est, mares citiùs figuram recipere, & mouendi vim quàm fœminas, & eas quæ mares conceperunt breuiiores habere expurgationes, & eas quæ prægnationis initio fiunt (quamquam has non omnes mulieres habent), & eas quæ à partu. Horum omnium eadem est causa, humidior scilicet, frigidior, & excrementosior natura fœminæ. Quoniam enim talis est, ex frigidioribus, & humidioribus principijs gignitur. Humidiora verò principia, ineptiora sunt ad recipiendam figuram propriam, quàm sicciora: frigidiora verò quàm calidiora ineptiora sunt ad motum. Necessè est ergo fœminæ quàm mares tardius accipiant figuram, & mouean-

moueantur : non tamen proinde & tardius edantur in lucem, sed eisdem temporibus quibus mares : Quia quanto tardius accipiunt figuram & mouentur, tanto postquam formata sunt citius veniunt ad incrementum. Quod Hippocrates docuit secundo Epidemicôn, & rursum sexto. Sunt verò eius verba in calce sectionis tertiæ libri secundi. Quod citius discretum & motum est, augetur rursus segnius, & in longius tempus. In calce sectionis secundæ libri sexti dicit, Concretum est, constitit citius, postquam motum est definit, & tardius augetur, & pluri tempore. Aristoteles hoc interpretatur de eo incremento, quod mares & fœminæ recipiunt, æditi iam in lucem vsq; ad consistendi ætatem. Monstratum verò à me est in eius operis commentarijs, de eo etiam incremento intelligi quod intra vterum accipiunt, postquam moueri cæperunt, vsq; dum vtero exeunt. Quod vel ipsa auctoris verba aperte sonant. Itaq; etsi æquale tempus gerantur vtero, fœminæ verò tardius accipiunt figuram, & mouentur dictam ob causam. Atq; ob eandem, quæ fœminas pepererunt diutius sunt immundæ, & longiores habent purgationes. Nam cum mulieres humidiores & excrementosiores sint quàm viri, & earum principia quàm ex quibus viri fiunt, constat ab ijs etiam mulieribus concipi, quæ aut natura sint, aut tunc fortè contingerit esse excrementosiores. Indigebunt igitur tales expurgatione diuturniori. Cùm verò non sit idem statutumq; tempus expurgationis omnibus, neq; quæ mares, neq; quæ fœmelas pepererint, sit verò periculosum minus durare expurgationem quàm natura poscebat, & morbosum durare plus, necesse est tempus aliquod esse vltra, & citra quod naturalis non censeatur expurgatio. Id rectè dicit Aristoteles esse in ea quæ marem peperit, à viginti vsq; ad triginta dies.

Nam & experimentum subscribit eius sententiæ. Scire tamen expedit, ijs quæ pepererunt duplicem ex vtero vacuationem succedere, primam sanguinis copiosè fluentis, vt singulis mensibus mulieribus solet: secundam aliorum excrementorum cum exiguo sanguine fluentium paulatim. vtraq; est ei quæ marem peperit, breuior. Est verò secunda cum longissima triginta dierum, prima septem. Hanc ob causam iussit Deus eam quæ peperit marem, esse immun-
dam diebus septem, & octauo circuncidere puerum, vt iam vitalem, mox triginta diebus expurgari: ijs exactis ingredi in sanctuarium, & offerre Deo puerum. Sed euenit hîc dubitare. Si septem solùm diebus erat futura in separatione quæ marem peperisset, deinde triginta in purificatione, mox itura in templum, & puerum oblatura, quî fieri poterat, vt oblatio pueri non ante quadragesimum à partu diem ageretur? Videtur enim futura die trigesimo & septimo. At verò consueuisse esse quadragesimo communis omnium sententia est, & Ecclesia Sancta id testatur, festum purificationis *MARIÆ* celebrans secundo Februarij, qui est quadragesimus à natali Domini. Quidam respondent rationem computandi esse, vt dies primus detur partui, septem sequentes separationi, mox alius circuncisioni, deinde triginta expurgationi, his exactis alius oblationi pueri, atque ita fieri quadraginta. Verùm hoc non est consentaneum. Primum quia circuncisio incideret in diem nonum, atq; circuncisionis festum secundo Ianuarij celebraretur, potius quam primo: deinde quia pueri circuncisio non prohibet matrem eadem die expurgari. In Græcis codicibus iuxta versionem septuaginta interpretum, quam sequutus est Diuus Augustinus, legitur. Ipsa verò manebit triginta tribus diebus in sanguine mundo suo. Quæ lectio eleuat dictam dubitatio-

hitationem . nam septem & triginta diebus fiunt quadraginta . Atqui quoniam Philosophi , vt ex dictis constat , triginta dierum censent esse maxime legitimum tempus expurgationis ei quę pepererit marem , dicemus precepisse Deum vt mulier antequam in templum domo abiret , & puerum deferret , maneret domi septem dies ob expurgationem primam , triginta ob secundam , tres insuper propter infantem : ne scilicet ante quadraginta exiret domo puer . Iuxta versionem autem diui Hieronymi dicemus , mulieres quidem manere solitas domi dies triginta tres post septem primos , quo compleretur ante pueri oblationem primus quadragenarius , Mosem verò precepisse manere diebus triginta , insinuantem illos esse purificationis , reliquos tribui pueri incolumitati . Nimirum quadragenarius primus dierum celebratissimus est ab omnibus Medicis , censeturq; habere vim magnam ad retinendos in vita pueros . Eam quę peperit fœminam , explere voluit Deus duos quadragenarios antequam in sanctuarium ingrederetur , vtpote duplo longiori indigentem expurgatione . Ob idq; dedit expurgationi primę duas hebdomadas , secundę dies sexaginta sex , vt coniunctis vtrisque fierent octoginta , qui duobus constant quadragenarijs : qui numerus imperfecto & fœmineo sexui maxime congruit , vt vnitas virili . Quia vnitas perfectio & forma est , binarius principium diuisionis , & materia . Ego itaq; diuinam sequutus auctoritatem , eam quę marem pepererit , profluuium muliebri vocato , aut vlllo alio morbo teneri hanc ob causam non censeo , nisi diem quadagesimum euacuatio superauerit , neque eam quę fœminam , nisi octogesimum . Etiam si Hippocrates loco citato libelli de genitura , & rursus libro primo de morbis muliebribus dicat , longissimam expurgationem eius quę pe-

pererit marem esse dierum triginta, & eius quæ forminam quadraginta duorum.

CAPVT DECIMVMNONVM.

De Lepre.



” **A**RITE decimo tertio Leuitici. Lo-
 ” quutusq; est Dominus ad Moysen &
 ” Aaron dicens; Homo in cuius cute &
 ” carne ortus fuerit diuersus color, siue
 ” pustula, aut quasi lucens quippiam, id
 ” est plaga lepræ, adducetur ad Aaron
 ” sacerdotem, vel ad vnumquemlibet fi-
 ” liorum eius, qui cum viderit lepram in cute, & pilos in al-
 ” bum mutatos colorem, ipsamq; speciem lepræ humiliorem
 ” cute, & carne reliqua, plaga lepræ est, & ad arbitrium eius
 ” separabitur. Si obscurior fuerit lepra, & non creuerit in cut-
 ” re, mundabit eum, quia scabies est. Lauabitq; homo ve-
 ” stimenta sua & mundus erit.

Quandoquidem præceperat Deus tantopere immun-
 ditiam omnem vitare, corporalem quidem & externam,
 quo significaret multo magis immunditiam omnem vitan-
 dam esse, & amandam conscientie puritatem, cibos omnes
 immundos interdixit, permisit verò mundis uti: & quod ad
 corporum affectiones pertinebat, eorum qui morbis tene-
 rentur permittens conuictu uti; eos qui non tam morbis,
 quàm immunditijs, ut leprosos homines, & gonorrhea, si-
 ue profluuium seminis laborantes, & mulieres quibus fluerent
 menstrua, iussit separare: eos quidem qui essent suspecti
 recludere, aperte immundos ab aliorum cetu separare, &

extra

extrà castrareijcere. Quæ omnia plena sunt magnis misterijs. Significant enim omnia hæc quæ vitare Deus iubet, prauas animorum affectiones, quas oportet veri Dei cultores cauere. Et ille quidem populus quibus lex in scriptis tradita est, corporalia illa & externa obseruabat: nos verò quibus, non soluta, sed adimpleta traditur, sequentes potiùs spiritum quàm litteram, intelligimus omnem animi immunditiam vitandam, & conuictum cum immundis. Summa verò rei est, vitare debere omnem turpitudinem, & immunditiam. Atq; cum sint duplices corporum passionēs, quædam quæ actiones lædunt, ac proinde morbi propriè sunt, atq; ita affecti, ægrotantes, vt febris, pleuritis, phrenitis, & lethargus: quædam quæ non tam morbi, quàm turpitudines quædam sunt, quia non tam lædunt actiones, quàm pariunt sceditatem quandam, vt lepra, & gonorrhœa, & profluuium menstruum, morbos non iussit Deus deuitare, sed deformitates & turpitudines. fortasse quia vbi pura conscientia est, infirmitates & morbi nihil lædunt. Hippocrates libello de affectionibus ita inquit. Lepra, & pruritus, & scabies, & impetigines, & viteligo, & alopecia, à pituita fiunt. sunt autem talia turpitudine magis quàm morbi. Itaq; hanc ob causam lex hæc lepræ lata est. Vitia cutis quæ sceditatem afferunt, sunt in triplici genere: maculæ enim sunt, aut vlcera, aut asperitates, aut duo horum, aut omnia simul. Vitia coloris seu maculæ, vocantur Græcis leucæ, & alphi, Latinis viteliginēs seu morphææ, Arabibus guadâ seu alguadâ. Hæc cum summam tenent cutem, nihil adiiciunt aliud, sed sunt solum maculæ, alba, aut nigra, vocaturq; viteligo alba, aut nigra: cum alius partem tenent, mox adiiciunt asperitates exiguas furfuri similes, & vocatur pso-
ra, Latinis scabies: aut maiores ac velut scamas, & vocatur

Græcis

Græcis lepra, Arabibus barràs seu albarràs, & hæc quoq; est alba aut nigra, vt fit à pituita falsa, aut à melancholia. & propriè quæ nigra est vocatur lepra, quæ alba lichen, seu impetigo, quæ eadem vocatur alijs lepra volatilis, quia serpit, videturq; volare per partes. Si non solùm tenetur cutis altiusculè, sed etiam venæ & caro, fit morbus qui vocatur Græcis elephas. Arabes verò, & vulgus, vocant hunc lepram, & albarràs nigrum. dicunt lepram antecedere. Elephantem verò vocant Arabes hunc eundem morbum cum tenet crura, vt sæpe solet. Itaq; leucæ seu alphi, seu viteligo, seu morphea, seu guada, & scabies seu pfora, & lichenes, seu impetigines seu volatilis lepra, seu barràs album, & lepra seu barras nigrum, & elephas, seu lepra vulgo vocata, & Arabibus, vitia & turpitudines externi corporis habitus sunt, fiuntq; alia ex alijs, intentione & remissione diuersa, nascunturq; ex redundantia pituitæ, aut melancholiæ. Hæc omnia vitia communi appellatione, vbi ingrauescentia recedunt à simplici scabie, vocantur lepræ genera, & iudicium ferre quàm grauis sit aut lecus ea infectio, est discernere inter lepram & lepram, quod ad sacerdotem pertinebat, ac nunc quoq; spiritualitèr pertinet. Describuntur ergo hîc quædam notæ, quibus discerni possint qui grauius, & qui leuiter infecti sunt: & qui facilè curentur, aut curationem non admittant: vt qui simplici tantum scabie deprehenderentur laborare, mundi iudicati dimitterentur: quos spes esset fore vt mundarentur, recluderentur, aut ad arbitrium Sacerdotis (hoc est quantum sacerdoti videretur esse satis) separarentur: qui iam esse viderentur desperatæ emundationis, omnino separarentur & reijcerentur extra castra. Tria signa scribuntur hîc maligni vitij, & ob quod oporteret ita affectos homines ab aliorum consortio separari:

rari: quæ eadem apud Medicos scripta reperias, & causas habent naturales. Duo eorum sunt lichenum, seu lepræ volatilis, seu albarràs albæ, seu alphi, quem maligniorem esse, quàm Leucem dicunt: pilos qui ex leprosa cute nascuntur in album mutari colorem, & ipsam lepram humiliorem reliqua cute. Tertium est viteliginis albæ, seu alguadà, seu leucæ, quæ plerunq; leuius malum est, aliquando verò etiam est grauius, & fit alphis. Illud est maculam dilatari ac crescere, ac transire in cute priores terminos, hoc est amplificari, ac extendi vitium illud. Apud Auicenam quoq; reperias hæc eadem scripta capite nono tractatus secundi, seu septimæ, libri quinti, his verbis, Ambiguum verò est differentia inter alguadà quæ est morphea alba, & albarràs malam. & de differentia quidem inter vtrasque est, quod pili oriuntur super alguadà, & sunt pili nigri & flauī, & nascuntur super albarràs, albi non alij: & est cutis magis depressa, & vehementius defossa quàm cutis reliqui corporis. paucis interpositis in eodem capite dicit, Quoniam de morphæa (hec est viteligo, seu guadà) quædam est vehementis elongationis à colore corporis, & de ea est quæ est propinquior ei, & est magis salua. Et in ea quæ est submersa & non rubet, neq; sanguinem emittit (hec sunt signa pessimæ viteliginis, & lepræ iam malitia equalis) & est vehementis dilatationis capiens locum magnum, non est spes, & similiter illa quæ omni hora incipit in additione. Ecce vt Auicena describat his eisdem signis pessimum albarràs album, hoc est malignos lichenes, seu album, seu lepræ quoddam genus, & malignam morpheam, aut leucem, quæ in malignitatem lepræ iam abiit. Porro lucidum candorem notam esse lepræ, constat ex verbis vltimis capitis quinti libri quarti Regum, vbi dicitur, Egressus est ab eo lepro-

leprosus quasi nix. Causas horum non est difficile inuenire. Cum enim lychenes illi maligni à falsa pituita nascantur, sola vel cum atrabile mista, necesse est ubi partis temperies admodum labefactata est, & in ipsius excrementi naturam velut mutata, salitam admodum esse cutem, & ac proinde siccam & contractam, ac reliqua cute quæ sana est humiliorem. Porro, cum orta attestentur ijs ex quibus oriuntur, ubi cutis ob pituitam ita erit facta candida, ut ipsum substantiæ modum mutauerit in candidiorem, pilos quoque ex sese nascentes candidos reddet. Quòd morphea, seu viteligo maligna crescat, eadem causa est quàm Auicena quoque post nuper citata verba apposuit, ita dicens. Et similiter illa quæ omni hora incipit in additione, quoniam complexio eius est fortis, conuertens illud quod ad eam vadit ad suam similitudinem, & propter illud est mala valde. Ex dictis facile intelligentur præscripta verba, poteruntque explicari physicè. Afferri iubet ad sacerdotem quemcunque, cui mutatus sit cutis color, aut innatæ pustulæ, aut quasi luens quidpiam, quasi scilicet fulgentes furfures, aut scammæ. Nam hæc omnia possunt esse initia vitij abeuntis in malignum, & in aliquod lepræ genus. Iubet etiam cum viderit sacerdos in cute lepram talem, ut pili qui inde nascantur, in album mutati sint colorem, & ipsa lepræ species sit humilior cute & carne reliqua, separari hominem, quia plaga lepræ est: nimirum maligni lychenes. Sin autem fuerit tantum lucens quidam candor in cute, neque tamen cutis fuerit humilior carne reliqua, & pili adhuc retineant colorem pristinum, nondum constat malignum esse vitium. Verum quia sæpe ab ijs initijs proceditur in malignum, non vult eum mox dimitti ut mundum hominem, sed recludi hebdomadam, eaque exacta sacerdotem considerare, an ultra creuerint,

rint, & maculæ dilatatæ sint: siq; non creuerint, rursus recludi aliam hebdomadam, qua rursus exacta, si obscurior fuerit lepra, neq; creuerit in cute, hoc est non se dilatauerint maculæ, & signa lepræ facta sint obscuriora, scire iubet lepram veram non esse, sed pforam, seu scabiem, ac proinde dimitti hominem lotis vestimentis. Mundus enim est, hoc est, non est leprosus, sed scabiosus solum, quod leue est, & solo vestium mundissimarum, linearum & laneorum, vsu, & probo victu liberabitur. præmissa, si opus sit, aliqua corporis euacuatione additur dictis.

Quod si postquam à sacerdote visus est, & redditus munditiæ, iterum lepra creuerit, adducetur ad eum, & immunditiæ condemnabitur.

Pessimum est cum morbi alicuius exordia sese insinauerint antea, quæ postea destitisse visa fuerint, hominem in eum ipsum morbum incidere. Nam iteratus morbus, magnum corporis apparatus, & in eum propensionem significat, subesseq; in vitiosa corporis natura morbi velut radicem. Morbus verò in quem corpus valde propensum est, facile abit in habitum. Merito ergo immundus & leprosus censetur, cui mundato iam semel, lepra redit. Quia verisimile est, id non ex prauo victu, quo paulò ante vltus fuerit homo, aut leui aliqua occasione, sed ex firmata in corpore Cacochymia nasci. Itaq; vt incrementum macularum, ita & repetitio, suspectum & malum signum est, censeturq; merito, quæ semel repetijt, sæpè repetitura lepra, neque unquam futurus homo tutus ab immunditia. quare immunditiæ condemnatur.

Plaga lepræ si fuerit in homine, adducetur ad sacerdotem, & videbit eum, cumq; color albus in cute fuerit, & capillorum mutauerit aspectum, ipsa quoq; caro viua apparuerit,

Y lepra

lepra vetustissima iudicabitur, atq; inolita cuti. Contaminabit ergo eum sacerdos, & non recludet, quia perspicua immunditiæ est. Si autem effloruerit discurrens lepra in cute, & opperuerit omnem carnem à capite vsq; ad pedes, quidquid sub aspectum oculorum cadit, considerabit eum sacerdos, & teneri lepra mundissima iudicabit, eo quod omnis in candorem versa sit, et idcirco homo mundus erit. Quando verò caro viuens in eo apparuerit, tunc sacerdotis iudicio polluetur, & inter immundos reputabitur. Caro enim viua, si lepra aspergitur immunda est. Quod si rursum versa fuerit in alborem, & totum hominem opperuerit, considerabit eum sacerdos, & mundum esse decernet.

Duo alia præter dicta describuntur hîc lepræ signa: alterum vetustissimæ & incurabilis, ac proinde perspicuæ immunditiæ: alterum mundissimæ ac facillimæ solutu. pessimum in lepra esse dicit, si caro viua sit aspersa lepra, hoc est, si non solum in cute sit macula alba, aut lucens cum scammis, & ea sit humilior reliqua cute, sed etiam ipsa caro viua sub cute sit similiter infecta, sit scilicet alba, & modum substantiæ carneæ amiserit. Id verò lepræ vetustissimæ & cuti inolitæ esse constat, quia non solum sit pituita salsa excreta ab expultrice vi in cutem, sed subiecta etiam carne in vitiosi succi naturam mutata. Grauius ergo est hoc, quàm cutem humiliorem reliqua cute fieri, & capilos candidos. Quia ea infectione solius cutis fieri possunt, grauius verò est infectam etiam esse subiectam & viuam carnem. Hoc an ita habeat, an inquam ipsa subiecta caro sit leprosa, iubet Auicena citato capite explorare puncta acu carne. Si enim (inquit) punctura acu extrahit sanguinem, est guadà (ea est vt diximus leuior affectio) si non sanguinem, sed humiditatem aquosam, est barràs, & hoc (inquit) non sanatur.

Rursum

Rursum explorare iubet fricatione, dicens, Et iterum quæ rubet post fricationem, est ad spem declivis, & ad hoc ut sit morphea: & quæ non rubet per eam, est mala. Nimirum ubi subiecta caro est munda, acu sanguis extrahitur, & fricatione allicitur in cutem: ubi verò ipsa viua caro est secundum suę substantię modum mutata, velut etiam in ijs qui vocantur Leucophlegmatici, extrahitur Ichor quidam, seu sanies aquosa, & cutis fricata non rubet. Talem dicit Auicena non sanari, qui hoc loco dicitur esse non recludendus, quasi qui sanescere facile posset, sed contaminandus, hoc est separandus, quasi contaminatus, quia aperte immunditię est. Hoc idem docuit Paulus Ægineta libro quarto capite quinto, docens distinguere leucem medicabilem ab immedicabili. qui locus mihi videtur esse corruptus, & ex dictis facile posse restitui. Ita enim legitur. Huius notæ & significationes sunt huiusmodi: Acu pungito in superficie cutis leucem non ultra cutem, quod si non sanguis exeat, incurabilis non est morbus: sin lacteus quidam humor profluit, curationem non admittit. Vel lanceo paniculo aspero ipsam perfrica: quòd si rubicundior fiat, curari potest: si in eodem colore manet, incurabilis esse censenda est. Vides ut Paulus eadem dicat de leuce, quæ Auicena de guada & morphea. legendum verò est haud dubiè, ubi, quod si non sanguis exeat, quòd si sanguis exeat. Nam curationem admittentis leprę est exire sanguinem, non admittentis, exire lacteam, aut aquosam humiditatem. Est autem in Græco facillimus lapsus, & emendatio etiam. nam pro *αἷμα* legendum *αἷμα*. Hęc eadem signa curabilis & incurabilis alopecię scripsit Galenus primo de compositione secundum locos. Rectè autem monet Paulus, ne multum figatur acus ultra cutem: ita enim nulli non exierit sanguis, sed satis magnum signum erit fir-

matae iam leprae, transfixa cute sanguinem nullum exire.
 Auicena itaq; hac in parte sequutus est Paulum. Vterq; au-
 tem hac in re mihi videtur errare, quod velut leuius quid-
 dam & minus malum commemorent, sanguinem puncta
 acu cute non exire, quàm pilos fieri albos: cum tamèn hîc
 Propheta Moses grauius esse ostendat, dicens, Cum color
 cutis mutatus fuerit, & capillorum mutauerit aspectum, ipsa
 quoq; caro viua apparuerit. Commemorat enim hoc po-
 stremò velut omnium grauissimum: atq; in initio capitis,
 eos quibus cutis alba, & humilior reliqua, & dealbati essent
 capilli, separari iussit ad arbitrium sacerdotis: nunc verò adi-
 ciens, Et caro viua apparuerit, dicit, Contaminabit eum,
 quia aperte est immunditiæ: tamquam grauius quiddam di-
 cens. Paulum verò & Auic. contrariũ insinuasse constat, quia
 infixa acu sanguinem nō exire tribuit Paulus leuce, Auicena
 guada & morpheæ: capillos albos fieri Paulus tribuit alphi &
 Auicena barràs. constat verò leucem quam alphi apud
 Paulum, & guada quam barràs apud Auicenam, leuiorem
 esse morbum: atq; leucem Pauli esse guada Auicenæ, & al-
 phi barràs. Nos verò sequuti veritatem dicimus, in his
 omnibus vitijs cutis, quæ hoc loco lepræ nomine intelligun-
 tur, minuse esse graue mutari colorem solius cutis, quàm ca-
 pillorum etiam. grauius verò quam vtrunque, ipsam iam
 viua carnem lepra resperfam esse, ita vt transfixa cute san-
 guis non exeat, & fricata cute non appareat rubor. Mun-
 dissimæ lepræ signum esse dicitur, cum lepra discurrens per
 totum corpus, opperit totam carnem à capite vsq; ad pedes,
 quidquid sub aspectum oculorum cadit. Quod sanè, vt est
 verissimum, ita naturali quoq; rationi esse consentaneum
 facile intelliget, quicumq; medicinæ tantillum degustauerit.
 Nam quanto excrementa abundantius extorsum per cu-
 tem

rem emittuntur, tanto internas partes minus possunt lædere, & tanto maior naturalis facultatis potentia significatur. In vitiosis ergo corporum dispositionibus & cacochymijs, exigua quedam in cute efflorescere, signum malum est, quia impotentia expultricis significatur, & ut causa, parum confert, parum enim est quod corpore exit. Quare merito timetur malè partibus altioribus. Vbi verò contrà, plurimum est quod extra cutem truditur vndiq; à capite ad pedes, totum interius corpus manere purum est consentaneum. perinde accidit in vocatis variolis, & morbillis, scabie, & alijs quibusvis exanthematis. Nihil enim potius censent medici, quam ut pro multitudinis ratione, aut cacochymix, abundantè erumpant. In hanc sententiam scripta sunt quamplurima ab Hippocrate multis in locis, apertissimè verò, & quod ad locum præsentem maximè facit, scriptum est libro secundo Epidemicôn, sectione secunda his verbis, Sed & quæ sub cutem abscedunt foras tubercula, velut putrescentia & quæ suparantur, aut vlcus, aut eiusmodi pustulæ, aut scammæ, aut defluuium capillorum, vitelignes, lepræ, aut eiusmodi, quæ abscessus sunt aceruatim fluentes, & non semirepentès. His verbis Hippocrates docet, has omnes excretiones excrementorum in cutem esse debere copiosas, non semifientes, quia per copiosas excretiones manet mundum interius corpus. Vides ut hæc omnia præterquam quod morborum animi curationi rectè accommodantur, sunt etiam physicè scripta, ut etiam quæ sequuntur.

Caro autem & cutis in qua vlcus natum est, & sanatum, & in loco vlcis cicatrix alba apparuerit, siue subrussa, adducetur homo ad sacerdotem: qui cum viderit locum lepræ humiliorem carne reliqua, & pilos versos in candorem, contaminabit eum: plaga enim lepræ orta est in vlcere. Quod
si pilus

si pilus coloris est pristini, & cicatrix subobscura, & vicina carne non est humilior, recludet eum septem diebus, & siquidem creuerit, adiudicabit eum lepræ: sin autem steterit in loco suo, vlceris est cicatrix, & homo mundus erit. Caro autem & cutis quam ignis exusserit, & sanata albam siue ruffam habuerit cicatricē, considerabit eam sacerdos, & ecce si versa est in alborem, & locus eius reliqua cute est humilior, contaminabit eum, quia plaga lepræ orta est in cicatrice. Quod si pilorum color non fuerit immutatus, neque humilior plaga carne reliqua, & ipsa lepræ species fuerit subobscura, recludet eum septem diebus, & die septimo contemplantur: si creuerit in cute lepra, contaminabit eum: sin autem in loco suo candor steterit non satis elarus, plaga combustionis est & iccirco mundabitur, quia cicatrix est combusturæ.

Nihil hîc aliud dicitur noui, quam solere in ijs qui parati sunt ad lepram, occasionem præstare gignendę illius vlceris, siue quæ sponte sint nata, siue quę iniuncta, eo quòd soleat cicatricibus innasceri. Nequē mirum, quia sponte nascuntur vlceres in partibus debilibus, ob prauos succos in eas missos, & quę semel vlceratæ sunt, etsi cicatrice obducantur, manent debiliores. Quapropter & ipsa vlceres solent sæpe in ipsis partibus nouari, & materia lepræ in eandem partem emergere. Orta verò lepra easdem notas habet quas in reliquis partibus: nimirum macula serpens, & profundior reliqua cute, & pili mutati in candidum, verę, ac malignę leprę notę sunt: contraria, mundę scabiei. Quanquam enim in magnis profundorum vlcerum cicatricibus nullus pilus oriri soleat, eo quòd non cutis, sed velut crusta & callus innascatur: tamen in sponte nascentium vlcerum cicatricibus tenues cutes fieri solent, talesq; vt, nisi corpora sint caco-

chyma,

chyma, nullę mancant maculę, & omnia vlcerum vestigia euanescent. Quare talibus cicatricibus innascitur vilus, vt cuti reliquę. Considerandum vero hactenus, cum notas leprę scriberet, non nisi candidę maculę meminisse, nunc verò dicere, Et in loco vlceris cicatrix alba apparuerit, siue subruffa. Illud nomen subruffa, omnes interpretantur quasi dicatur subrubra: atqui macula leprę in reliqua cute candida fit, in cicatrice vero relicta ex vlceribus sponte ortis fit aliquādo subrubra, eo quòd sanguis quo pars nutritur, malè ob eius debilitatem mutetur, quę causa macularum est.

Vir siue mulier in cuius capite aut barba germinauerit lepra, videbit eos sacerdos, & si quidem humilior fuerit locus carne reliqua, & capillus flauus solitoq; subtilior, contraminabit eos, quia lepra capitis ac barbę est. Sin autem viderit locum maculę æqualem vicinę carni, & capillum nigrum, recludet eos septem diebus, & die septimo intuebitur. Si non creuerit macula, & capillus sui coloris est, & locus plagę carni reliquę æqualis, radetur homo absque loco maculę, & recludetur alijs septem diebus. Si die septimo visa fuerit sterisse plaga in loco suo, nec humilior carne reliqua, mundabit eum, lotisq; vestibus mundus erit. Sin autem post emundationem rursus creuerit macula in cute, non quęret amplius vtrum capillus in colorem flauum sit commutatus, quia apertè immundus est. Porro si steterit macula, & capilli nigri fuerint, nouerit hominem sanatum esse, & confidenter eum pronunciet mundum.

Eadem ratio est dignoscendi malignam lepram ab scabie munda in capite & barba, & in alijs corporis partibus: Nimirum quę humilior est reliqua cute, & capillorum mutat aspectum, & sese effundit ac serpit, maligna est: aut etiam quę cum videretur esse munda, rursus emergit, redit, & serpit.

pit. Quæ contraria prorsus habet, nullatenus est maligna, vt certè de alia etiam lepra dictum est. Illud solum interest, quòd in reliquis partibus lepra affectæ cum sunt, pili mutantur in albos, in capite & barba in flauos & tenues. Huius causa est, quod capitis lepræ innasci solent achores, & ceria vocata medicis, vulgo ac quibusdam etiam Arabum medicorum vocatur tinea. sunt verò vlcuscula quædam manantia succum quendam liquidiori melli similem: quod apertè indicat tali etiam sanie imbutam esse illis capitis cutem. Merito ergo tales inde capilli nascuntur, tenues inquam & flauī, vt certè è reliquis partibus quæ salsa pituita imbutæ sunt nascuntur albi. Causa illius saniei, est bilis flauæ tenuis cum falsa pituita permistio, aut etiam cum portione aliqua atræ bilis. Res est certè experimento cognita, ijs mulieribus præcipuè quæ tinea laborauerint, auro similes capillos oriri.

Vir siue mulier, in cuius cute candor apparuerit, intuebitur eos sacerdos, si deprehenderit subobscurum alborem lucere in cute, sciat non esse lepram, sed maculam coloris candidi, & hominem mundum.

Hic statuitur differentia inter maculam simplicem coloris candidi, eam scilicet quam viteliginem albam vocant Latini, & Arabes guadà, & inter lepram, aut deteriorem corporis infectionem, hoc est, prauos lychenas, lepram peculiariter vocatam, & elephantem, qui lepra est deterior, & achoras: nimirum vbi nihil aliud est quam candor quidam subobscurus, lucens in cute, neq; scilicet humilior est plaga reliqua cute, neq; pili enascuntur albi, neq; tenues & flauī, neque serpendo crescit, hæc est viteligo & non lepra, & homo mundus est.

Vir de cuius capite capilli fluunt, & caluus & mundus est, & si à fronte ceciderint pili, recaluafter & mundus est: sin

autem

autem in recaluitio, siue in recaluatione, albus vel rufus color fuerit exortus, & hoc sacerdos viderit, haud dubiè eum lepræ condemnabit, quæ orta est in caluitio.

Caluities quædam naturalis dispositio est, quædam præternaturam & ex morbo orta. Quæ naturalis est, fit ob siccitatem cutis tegentis synciput. Velut enim ex arida terra, & duris lapidibus nullæ herbæ nascuntur, ita neq; ex dura & crustæ simili facta cute nascuntur vlli pili. Et ij ipsi qui inerant deficiente humore arescunt, extenuantur secundum radices, & excidunt. Eam verò esse causam naturalis caluitiei constat, siquidem contraria causa nunquam caluescunt neq; pueri, neq; mulieres, neq; eunuchi, quibus scilicet humiditas temperamenti redundat. Causam qua quibusdam ea cutis pars siccescit, Hippocrates sexto Epidemicôn sectione tertia, rejicit in cerebrum, quod scilicet quibusdam extenuetur eo loco consistens substantia cerebri, fiatq; minor quam vt tangere possit ossa, & id accidere posse iuxta frontem, vbi angustior cerebri pars est: in alijs capitis partibus non ita. Atq; ob id secundum synciput fieri caluitiem. Certè probabile est, quibus exterior anterioris capitis pars siccior est, esse etiam & interiorem sicciorem, ac proinde contractiorem, & ossa minus attingere, atq; ea rursus causa fieri ossa, & per ea cutem aridiorem: non tamen necessarium est. Mille enim inæqualitates temperamenti, secundum exiguas etiam & proximas particulas fieri euenit. Est tamen semper naturalis caluitiei causa, naturalis siccitas, & durities cutis syncipitis. Ob id, quibus ea pars siccior est, senescentibus fit caluicium. nimirum senescentibus naturaliter subrepat partium ariditas. Quæ verò fit præternaturam, & ex morbo, aliquando quidem vocatur à medicis caluities, velut in aphorismo 34. libri sexti, vbi dicitur, Qui-

bus caluis varices fiunt magnæ, ij rursus capillati fiunt. Ibi enim de præter naturam caluis sermonem haberi constat, vt Galenus docet in commentario, quia caluitium naturale curationem non admittit. Rarò verò vocatur id caluitium, sed alopecia, aut ophyasis. Alopecia quidem si secundum ampla loca, ophyasis si circulatim excidant pili. Fiunt hæc ob vitiosos succos corrumpentes radices capillorum. Atqui in malignitate, aut abundantia eorum succorum magna differentia est secundum magis aut minus. Est aliquando tanta, tamq; maligna ibi cacochymia, vt inter lepræ species annumeretur alopecia, ea verò cacochymia, nulla potius nota significatur, quam maculis in depili parte obortis albis vel ruffis. Eæ enim significant cutis infectionem à falsa pituita, aut à bilæ ea quæ solet facere achoras, quas in lepris etiam esse diximus. Has ipsas notas cacochymia in alopecia recenset Galenus primo de compositione pharmacorum secundum locos capite primo, quod est de alopecia, caluitie & ophyasi, his verbis. Quales autem sint corrupti humores, ex colore cutis capitis cognosces: aliquibus mutata albidior apparet, aliquibus nigrior, aut palidior. Duobus ergo modis fieri potest vt homo caluus sit, & immundus, aut quod ipsemet succus prauus qui lepram parit, capillos corruerit, quod in malignis alopecijs euenit, vt videmus nonnullos ex achoribus factos caluos; aut quod in caluitio; alioqui naturali orta sit lepra. Vtrumuis fiat, significabitur maculis cutis. Quod itaque hoc loco dicitur, est, cum cui à capite excidant capilli, nullo alio accedente vitio, caluum esse hominem, atq; si solum excidant à fronte vocari recaluastrium, non tamen ob id immundum esse: si verò in caluitie, aut recaluatione albus vel ruffus color sit exortus, lepræ esse signum, quæ orta sit incaluitio.

Qui-

Quicumq; ergo maculatus fuerit lepra , & separatus est ad arbitrium sacerdotis , habebit vestimenta dissuta , caput nudum , os veste contectum , contaminatum ac sordidum se clamabit. Omni tempore quo leprosus est ac immundus , solus habitabit extra castra.

Hoc idem reperies præceptum apud Paulum libro quarto capite primo , ubi de victu agit laborantium elephante , quæ quidem est pessimæ lepræ species , cuius hæc sunt verba : Quoniam autem in contagiosis est hæc passio non minus quam pestis , habitandum ijs est longissimè ab urbibus , in mediterraneis , & frigidis , & parum habitatis locis . Atqui si fieri possit , etiam inde transeundum in loca proxima , & ob se ipsos , & ob alios , qui , ut par est , ibi erunt cum minori malo . Nam & ipsi conuenientiori fruuntur aëre , & non communicabunt alijs malum . Hæc Paulus . Quibus præcipit , ut qui immundi sunt ab urbibus in vicos , seu villas , quæ loca sunt minus frequentia habitatoribus recedant . Atq; adeo si fieri possit , etiam inde abeant in proximos agros , idq; faciant , sui & eorum quos eis est necessarium adesse gratia . Nimirum morbus est contagiosus non minus quam pestis . In locis verò hominibus vacuis , & frigidioribus , ubi limpidiores perflant venti , ipsi fruuntur meliori aëre , & malum ijs qui illis necessario adsunt (non enim possunt ab omnibus destituti viuere) minus communicant . Hoc eodem consilio in pestilenti tempestate , homines primum recedunt à frequentissimis urbibus , deinde etiam per apertos campos vagantur , seorsum alij ab alijs . Huc etiam spectant quæ Moses hoc loco præcipit . Nimirum , quædam horum oportet leprosos agere sui gratia , quædam aliorum , quædam utrorunq; . Sui quidem gratia , habere vestes dissutas , & nuda rasq; capita , ut expirarent putidi vapores : gratia verò aliorum , habere os

contectum veste, & clamare se contaminatum, & sordidum. quia nullo modo magis potest hominem inficere homo immundus, quam expiratione quę per os agitur. Admoniti ergo clamoribus, alij non accedent, si qui verò accedent, tecto ore minus inficientur: vtrorumq; verò gratia, habitare extra castra:

Vestis lanea siue linea, quę lepram habuerit in stamine, atq; subtegmine, aut certè pellis, vel quidquid ex pelle confectum est, si alba vel ruffa macula fuerit infecta, lepra reputabitur, ostendeturq; sacerdoti. Qui consideratam recludet septem diebus, & die septimo rursus aspiciens, siprehenderit creuisse, lepra perseverans est. pollutum iudicabit vestimentum, & omne in quo fuerit inuenta, & idcirco comburetur flammis. Quod si eam viderit non creuisse, præcipiet, & lauabunt id in quo lepra est, recludetq; illud septem diebus alijs, & cum viderit faciem quidem pristinam non reuersam, nec tamen creuisse lepram, immundum iudicabit, & igne comburet, eo quòd infusa sit in superficie vestimenti, vel per totum lepra. Sin autem obscurior fuerit locus leprę postquam vestis est lota, abrumper eum, & à solido diuidet. quod si ultra apparuerit in his locis, quę prius immacolata erant, lepra volatilis & vaga, debet igne comburi. si cessauerit, lauabit aqua ea quę pura sunt secundo, & munda erunt:

Si verè dictum est à Paulo, lepram in morbis contagiosis esse non minus quàm pestem, siquidem videmus pestis sominaria, vestibus, domibus & cubilibus, & alijs etiam suspectilibus quibuscunq; hæere consueuisse (per hæc enim omnia accidit fieri infectionem) constat & lepram posse, & vesti hæere, & domui, esseq; posse, & domum, & vestem, vt pestilentem, ita & leprosam. Verum domum aliquam

duobus

duobus modis euenit esse pestilentem. Aut enim ipsa ex se parata est ad gignendum cum morbum, læditq; incolas, velut domus male perflabiles, & quæ similes sunt suffocatis tugurijs: aut ipsa quidem domus, ab aliquo, aut aliquibus incolarum qui laborauerint peste vitata est, & postea ipsa alios qui in ipsam succedant, lædit. Itaq; aut domus per se est insalubris, aut quòd inquinamenta, seu seminaria contagionis receperit. An & leprosam vestem & domum fieri euenit duobus his modis, an altero, & quo eorum oportet inuestigare. Non enim aliunde rectius videmur posse ad præscriptæ orationis enarrationem procedere. Eius verò disquisitionis hoc est principium. Morbi contagiosi sunt, quos qui habent alijs communicant: constat verò eam morbi communicationem non posse fieri sine contactu, vt neq; vllam omnino naturalem passionem: contactus verò esse potest sine medio, aut medium aliqua alteratione transmittente. Contactus sine medio, partium solum externarum, & quæ ad cutem pertinent esse potest. Alteratio non potest transmitti per medium, quæ vim generandi similem morbum habeat, quim ex corpore malè affecto substantia aliqua in corpus inficiendum deferatur. Nam si medium tantum aut caleſcat, aut refrigeretur, siccetur, aut humectetur, aut aliam quampiam qualitatem nudam, ac sine substantia suscipiat, alterabitur similiter proximum corpus, non tamen proinde suscipiet morbum corporis longè positi. Hanc ob causam Galenus, non solum cum homo ab homine læditur, sed & cum provincia, à provincia dicit id fieri delatis pestilentiae seminibus per aërem, hoc est malignè putrescentibus vaporibus, seu corpusculis. Itaq; cum contagione inficitur corpus quodpiam non proximum, necesse est à corpore in corpus putidum aliquid deferri: id verò potest transmitti,

teret, aut per respirationem, altero inspirante quod expiraverit alter, aut per insensilem illam euaporationem, quæ ex toto corporis habitu plus minusve semper fit. Hinc sequitur, morbos omnes qui ad cutem pertinent, aut ad respirationis instrumenta, si cum aliqua maligna succorum qualitate & putrescentia sint, esse contagiosos, quia cutis contactu proximo, & insensibili euaporatione instrumenta respirationis, respiratione faciliè inficiunt. Ob hæc contagiosa esse oportet omnia scabiei & lepræ genera, & exanthemata omnia malignitatis aliquid habentia, vt morbillos, & variolas, atq; phthysim, sed & perineumoniam, & pleuritidem, ac grauedinem quoq; nonnunquam: cum scilicet, cum maligna aliqua materiæ qualitate consistunt. Sunt etiam contagiosi alij, qui etsi neq; ad cutem, neq; ad instrumenta respirationis spectent, tamen ob malignam succorum intra corpus putrescentium qualitatem, faciunt malignos vapores & expirari, & exhalari per corpus. Huiusmodi est febris pestilens, & morbus vocatus Gallicus per quem aliquando nullum in cutē vitium est. Itaq; contagio omnis respiratione aut exhalatione fit. Id verò nonnunquam euenit, vaporibus qui expirantur aut exhalant, mox occurrentibus homini alteri, aut rei alteri, in qua asseruantur. Atq; ita quidam homines inficiuntur ab hominibus, quidam à rebus alijs quæ ab hominibus inquinatæ sunt, velut à veste, à cubili, à domo à sede, à poculo, poculum quidem, & domus, & sedes, non adeo solent lædere atq; vestis, quapropter eis vt non est adeo periculosum: veste vero periculosissimum, cum in alijs, tum vel maxime in vitijs cutis. Nam vestis excipit sudorem, & inuisibilem expirationem ferè totam, ac per eam effunditur in ambientem aërem, per quem & cubili occurrit, & sedi, & parietibus domus; vestis verò non solum


Solum recipit hæc, sed etiam aliquando in cutis vitijs, inquinatur sanie & sordibus. Fieri ergo hoc pacto vestem lepra infectam facile est, nimirum si putridam sanie eluerit à leproso, quam alteri affricando, similem infectionem generet. Hoc idem videtur posse accidere domui, quanquam tenuius, quam vesti. Atqui vestis inquinata, non solum servabit inquinamenta, sed etiam putrescet, eodem modo quo leprosi hominis cutis, nimirum putrescere potest ut & cutis, & putrescentia non dissimili. Quapropter præter rationem non est, maculas in vestibus similes fieri, & crescere putredine serpente, ut crescit etiam in eis tinca, ubi situ obstitæ sunt, & non ventilantur. si verò indicatum est, posse vestem ita putrescere mutuato putrescendi principio ab hominis cute; itaq; vestem & cutem posse putrescere eodem modo, quid prohibet quominus & ab eadem causa possint affectionis principium recipere, si modo est aliqua causa quæ utriq; possit admoueri? certè esus leguminum, aut aliarum rerum pravi succi, parere potest elephantem aut lepram in cutem, non tamen in veste, nisi per cutem: in Epidemialibus verò constitutionibus, per quas morbi aliqui tales populariter grassantur, & efficiens morbum causa est aëris intemperies, cur non possit vestis putrescentiam accipere ab aëre ipso, quam accipere posse diximus à cute? Tametsi enim res adeo diuersas, differre naturis ac temperamentis opus sit, atque ita passionibus earum ab eadem causa non sint omnino similes: tamen ob communem naturam, qua sunt omnia, & animata, & inanimata putredini obnoxia, possunt accipere putrescentias non omnino dissimiles, sed analogas. Neq; vero nouum est in tempestatibus insalubribus, & magnis aëris intemperiebus, inanima etiam corpora multifariam putrescere, & ex multiplici rerum putrescentia immu-

nentis

nentis pestis accipi significationem, & ex aquarum foetore, vestium tinea, vinorum acescentia, & animalculorum quæ putredine generantur magno prouentu: vestes verò & ligna, atq; adeo & parietes, aëris alterationes sentire res est notissima. Nam flante Austro hæc omnia putrescunt, Aquilone à putredine liberantur: adeo hæc est res manifesta, vt mulieres ad flantem Aquilonem soleant vestes suspensas distendere, vt seruentur incorruptæ. Itaq; haud est rationi aduersum in vestibis, domus lignis, aut lapidibus, putrescentiam aliquam analogam hominum lepræ generari: præcipuè per magnas ambientis aëris intemperies, & morbosas constitutiones. Atqui ita affecta seu vestis, seu domus, noxia erit hominibus, & passionem eam afferet vtentibus, quæ eius infectioni est analoga. Atq; ita possit esse vestis aliqua leprosa, etsi ea nullus antea leprosus vsus sit, atq; sit domus aliqua non solum insalubris, sed & hunc aut illum morbum nata parere, vt leprosa domus, quæ incolas afficiat lepra, sintq; vt morbi quidam proprij quibusdam opidis, quos vocent Medici patrios, ita & proprij quibusdam domibus, quos licet appellare domesticos. Quare vbi in domo quam morbi frequentes fiunt, seu idem morbi genus repetit, aut apprehendit plures, consultum sit domum mutare, vt vrbibus etiam exeunt, qui in eis degunt insalubriter. Quod verò ad vestes attinet, nihil certè melius neq; potius ad omnia cutis vitia, quam vti mundissimis, nouis, aut lotis crebro: vsq; adeo vt sola mundities soleat esse satis ad curationem: vt contra qui sordidis, & putrescentibus iam vestibus vtuntur, rarò sunt liberi ab scabie, & pediculis, & immunditijs eiusmodi, etiam si nullus vnquam scabiosus eisdem vestibus vsus sit. Nimirum potest vt vestis à cute, ita & cutis à veste infectionem recipere, & vtrunq; seorsum putrescere,

& ambo sordida cum sunt, computrefaciunt sese mutuò. Vitare ergo oportet vestes putrescentes, sordidas atq; maculatas. Possunt enim vestes putrescere, & varijs quidem putrescendi modis, vt varia vitia, nostrę cutis vitijs analogă, in eis oriri possint. Hinc fit vt rationi etiam consonum sit, fieri in veste siue lanca, siue linea, siue pellicea lepram, & habere easdem notas, quas in hominis cute, maculam scilicet albam, vel ruffam, non ortas scilicet, ob liquores aliquos qui infusi sint, velut lac, aut ius, aut oleum, sed sponte & sine causa manifesta, & crescere eodem modo, ac cætera habere, vt cutem; & similem esse rationem dignoscendi. Nam præter dictas, est in laneis, aut pelliceis quædam peculiaris causa ob morbos animalium, ex quibus lana, aut pelles detractæ sunt. Nam scitum est illud, vestes ex lana morticinorum pediculos facere, ita vero & morbidorum alias infectiones. Qui verò alias fœlicitates aut infœlicitates in domibus aut vestibus ponunt, & aspectus astrorum causantur quibus sunt factæ, nugantur haud dubiè: dictæ verò sunt naturales causæ.

CAPVT VIGESIMVM.



OCVTVS est Dominus ad Moysem & Aaron, dicens, Cum ingressi fueritis terram chanaam, quam ego dabo vobis in possessionem, si fuerit plaga lepræ in ædibus, ibit cuius est domus nuncians sacerdoti, & dicet, quasi plaga lepræ videtur mihi esse in domo mea. At ille præcipiet vt efferantur vniuersa de domo, priusquam ingreditur eam, & videat vtrum leprosa sit, ne immunda hiant

omnia quæ in domo sunt . intrabitq; postea , vt consideret lepram domus , & cum viderit in parietibus ipsius quasi valliculas pallore siue rubore deformes , & humiliores superficie reliqua , egredietur ostium domus , & statim claudet illam septem diebus , reuersusque die septimo considerabit eam : si inuenerit creuisse lepram , iubebit erui lapides in quibus lepra est , & proijci eos extra ciuitatem in locum immundum : domum autem ipsam radi intrinsecus per circuitum , & spargi puluerem raturæ extra urbem in locum immundum , lapidesq; alios apponi pro his qui ablati fuerint , & luto alio liniri domum . Sin autem postquam eruti sunt lapides , & puluis elatus , & alia terra illita , ingressus sacerdos viderit reuersam lepram , & parietes resperfos maculis , lepra est perseverans , & immunda domus : quam statim destruunt , & lapides eius ac ligna , atq; vniuersum puluerem proijcient extra opidum in locum immundum . quod si introiens sacerdos viderit lepram non creuisse in domo , postquam denudò lita fuerit , purificabit eam reddita sanitate .

Disputatum paulò antea est de lepra quæ vesti , & domui , & rebus alijs inanimatis accidere potest , indicatumq; non esse id à physica ratione alienum : sed nunc quoq; aliquid , vt res intelligatur melius , addetur . Constat res omnes corruptioni obnoxias , communē habere naturam cum animatis (atq; adeo cum hominibus) & communem rationem patiendi . Nimirum constant eisdem elementis , ijsq; contrarijs : quamquam præter communem , habeat vnumquodq; suam naturam , & præter elementa prima , habent animalia sanguine prædita alia elementa minus multis communia , & posteriora , puta quatuor succos : sanguinem dico , pituitam , bilem , & melancholiam . & singulæ animalium partes , præter naturam communem , qua communicant inter se , &

cum

cum rebus omnibus corruptibilibus, habent suam quæuis, qua & ab alijs partibus differt, & à rebus inanimis. hæc natura est in proprio cuiusq; temperamento, & compositione. Atque, ut agere potest res animata & quæcunq; eius pars, quædam quæ viuens: ut sentit, & mouetur libere animal, cor pulsatur, ventriculus coquit, quæ animalis pars: quædam, quæ res quædam est, ut alia quæuis, velut cadit ab alto præcipitatus homo, non minus quàm lapis, aut lignum: & manus aut pes hominis refrigerat, aut calefacit rem aliam cui admouetur, non certè quæ hominis pars, sed ut fomentum: ita pati etiam euenit animal, aut quæcunq; eius partem, quædam quæ animal est, aut animantis pars, quædam quæ res quædam, ut alia quæcunq; corruptibilis. Nam delirat homo quæ rationalis, conellitur aut resoluitur quæ motiuus: fastidit cibos quæ sensitium quoddam animal: vritur verò igne, mælescit aqua, duratur frigore, ut & lignum, & corium, & lutum seu testa. Cum igitur passionibus quædam accidunt animantibus non quæ animantia sunt, constat eas omnes pati posse etiam res alias quæ animantes non sunt. Febrem ergo non patietur domus, neq; vestis, neq; cubile, neq; mensa, neq; sedes, quia cordis passio est, ea verò cor non habent. quare neq; linquentur animo, neq; patientur syncopem, neq; sanè laborabunt phrenitide, neq; lethargo, quia neq; mentem habent, neq; dormire possunt: neq; tenebuntur fame, aut fastidio, cum sensum non habeant alimentum. neque pleuritide aut nephritide tentabuntur, cum neq; latus habeant, neq; renes: neq; omnino laborabunt phlegmone quæ sanguine carent, quia phlegmon à sanguine fit: at verò scindi, perforari, vri, ac putrescere, non minus potest pellis, panus, linteus, lignum, lapis, & res quæuis eiusmodi, quam hominis os, caro, & cutis. Cum ergo

scabiei , & lepræ , & macularum genera omnia , quæ , (vt nuper ex medicorum veterum sententia diximus) non tam sunt morbi quam deformitates , sint putrescentiæ quædam cutis , seu putrescendi modi , non est quod non possint in rebus etiam inanimatis apparere , præcipuè vbi à causa aliqua communi gignuntur , & populariter grassantur . aer enim , qui solus communis popularium morborum potest esse causa , vt in initio commentariorum primi Epidemicon Hippocratis indicaui , tangit vndique atque circumstat inanima æquè atque animata . Non sanè erit omnino eadem affectio ab aëre , animatorum & inanimatorum : quia non erit idem vtrorunq; apparatus : sed neque ipsa animata patiuntur eodem modo : Differentia enim nonnulla erit lepræ hominis , bouis , ouis , & suis : nimirum hæc omnia facit euariare (etiam cum efficiens causa eadem est) diuersus rerum apparatus . Erunt tamen earum omnium rerum affectiones , analogæ & propinquæ , adeo vt animatorum diuersæ naturæ , & inanimatorum cum animatis possit esse contagium . Meritò ergo passionum propinquarum similes sint dignationes , & curationes . quo respiciens Moses eandem adhibere curam , & rationem dignoscendi iussit , siue lepra sit humanæ cutis , siue vestis , siue parietum domus : nimirum id vitium non viuentium solum est , quia non tam morbus quam putrescentia quædam est . Et ægrotare quidem sola viuentia possunt , putrescere vero omnia præter ignem , vt docuit Aristoteles .

Hactenus de
lepra.

CAPVT VIGESIMVMPRIMVM.

” **L**EVITICI vigesimo quinto capite. Nume-
 ” rabis quoq; tibi septem hebdomadas anno-
 ” rum, id est septies septem, quæ simul fa-
 ” ciunt annos quadraginta nouem, & clanges
 ” buccina mense septimo, decima die mensis,
 propitiationis tempore, in vniuersa terra vestra. Sanctifi-
 cabisq; annum quinquagesimum, & vocabis remissionem
 cunctis habitatoribus terræ tuæ. ipse est enim Iubileus.

Cum vellet Deus seculorum ordine decurrentium fines
 quosdam statuere, vt diuenditæ possessiones ad priores do-
 minos deuoluerentur, redirentq; alia post alia secula, per
 quinquagenos annos computationem eorum fieri voluit,
 quia quinquagesimus continet, & finit septem septenarios
 annorum, qui sunt quadraginta nouem. Qua in lege ma-
 gna naturæ ratio habita esse videtur. Nam cum mundus to-
 tus nullas naturales habeat ætates, siquidem neq; interitum
 habet naturalem: habent tamen res omnes in mundo qual-
 dam vicissitudines & mutationes, secundum quas mundus
 ipse ætates habere dicitur. Hæ ætates partim sunt fatales, par-
 tim legales. fatales sunt mutationes quædam contingentes
 articulis, & momentis à Deo destinatis, completo scilicet eo
 annorum numero, quem Deus Optimus Maximus apud
 se habebat, velut regna, & imperia diuersarum gentium,
 & vicissitudines imperandi & seruiendi, inceperunt ac desie-
 runt certis quibusdam annis. quorum numerus ab æterno
 erat apud Deum, dispensante omnia eius prouidentia. Le-
 gales, velut hæ repetitiones rerum omnium diuenditarum,
 quas per quinquagenarios annos fieri semper, lege sanc-
 tum

tum erat. Mirum verò quòd & in numerandis fatalibus mutationibus, & in condendis legibus ad annorum curricula pertinentibus, videtur in sacris literis (in quibus nihil non est perfectum & concinnum) semper habita ratio septenarij numeri. Nimirum septimanis dierum redeuntibus tota vita, & secula omnia, ac totus mundi decursus constat: & hebdomadibus annorum redire voluit Deus & terræ sabbata, & hebdomadarum hebdomadibus, annos Iubilei: hæc verò omnia sunt legalia. Sed & fatale tempus aduentus Domini nostri IESV CHRISTI, à tempore quo Cyrus edicto iussit reedificari templum, aut quo Isaias reedificandum prophetauit, numeratum est per hebdomadas annorum, Danielis nono. Atqui hæc fatalia & legalia, respondent etiam naturalibus. Nam vt mundus totus septem diebus consistit, ita & homo septem diebus formatur, & vsq; ad septem dies sine refectione durat, & ætates hominū per septennia recipiunt mutationes, & tota hominum vita septennijs numeratur. Vnde solemne fuit antiquissimis Philosophis clymaticos, seu scalares annos vocare quosdam, quibus frequentius quam alijs mori homines soleant: ij verò sunt qui septennijs clauduntur: in quibus præcipuè quadragesimus nonus, & sexagesimus tertius: quòd primus constet septem septennijs, secundus nouem septennijs. Vocabant veteres (tetigit hoc Plinius libro septimo capite 49. atq; nos quoq; antea super sexto capitulo Genescos diximus) hos annos scalares, quòd vita hominis, velut per scalæ cuiusdam gradus ascenderet: gradus verò essent ipsa septennia, & singulis gradibus, in ipsis insignibus vitæ mutationibus contingeret multos decedere, velut in mortem præcipitados; nouis illis articulis vitæ occurrentibus morbis, præcipuè verò ex septimo & nono gradibus. Ac proinde celeberrimi clymaticorum

corum esse dicuntur quadragesimus nonus, & sexagesimus tertius: & experimento dicitur cognitum, his temporibus plurimorum hominum vitas concludi. Quare consonum naturæ etiam fuit, hunc eundem finem seculi vnus statui, & numeratis quadraginta nouem, quasi iam finito vno seculo, res novas redire, & diuendita restitui suis familijs. Clymacterici etiam numeri videtur obseruata lex in Danielis Prophetia, ita enim dicitur. Post hebdomadas sexaginta duas (puta sexagesima tertia hebdomada) occidetur CHRISTVS. Magna profectò pulchritudo & perfectio est in numeris, atq; Deus vt fecit omnia in pondere & mensura, ita & gubernat, quod capite vndecimo Sapientiæ dicitur, quo in loco (si Deus concesserit), plura de hac re, & de philosophia Pythagoricorum disputabuntur.

CAPVT VIGESIMVMSECVDVM.



APITE vigesimo septimo numerorum. Provideat Dominus Deus spirituum omnis carnis hominem, qui sit super multitudinem hanc.

Philosophi omnes qui palingenesiam asserebant, censentes animantium omnium esse communes animas (in quibus fuere Pythagorici, atq; vt ego censeo, Platonici, & vt ab Auicena libello qui Arabicè inscribitur *Almahat*, accepimus, nunc quoq; sunt omnes Mahometani) locum hunc in suam sectam traherent, affirmantes esse spiritus communes omnis carnis, hoc est animalium omnium, atq; omnibus esse spiritus, hoc est spiritales quasdam animas, separabiles, & valentes inde migrare, siquidem Deus esse dicitur spirituum

rituum omnis carnis . carnem enim vocari in sacris eloquijs , non humanam solum , sed belluinam etiam constat : siquidem capite nono Geneseos dicitur . Omne quod mouetur & viuit erit vobis in cibum , quasi olera virentia tradidi vobis omnia , excepto quod carnem cum sanguine non comedetis . Ibi carnis nomine caro animalium , quæ homini in cibos data sunt intelligitur . videtur ergo hic quoq; affirmari , omnium carne præditorum animantium esse communes spiritus , aut saltem si non communes , singulis generibus eorum suos , omnibus tamen spiritus aliquos , seu spiritales animas quibus viuant . verum hæc omnia falsa sunt , & absurda . Animas enim quæ simul & actus corporis , & spiritus quidam separabiles sunt , soli habent homines : reliquorum animæ nihil sunt aliud , quam actus corporum sanguine viuentium . Hoc autem loco , Omnis carnis , nihil aliud est , quam si diceretur , omnium hominum , vt apud Isaïam , Et sciet omnis caro , quia ego Dominus saluans te : & rursum , Videbit omnis caro salutare Dei nostri . & in Psalmo Ad te omnis caro veniet . Neq; alicubi videtur , omnis caro , significare aliud , quam omnes homines . Nomen verò spiritus in sacris literis sæpissimè significat spiritalia animæ dona , velut capite vndecimo libri Numerorum dicebatur , Descenditq; Dominus per nubem , & locutus est ad eum , auferens de spiritu qui erat in Moyse , & dans septuaginta viris . non enim abstulit à Moyse partem animæ , sed transtulit ad eos spiritum Prophetæ . Hoc etiam significato , dicitur spiritus sapientiæ , intellectus , & timoris Domini . Hoc etiã modo petebat Eliseus dari sibi spiritum Eliæ , non . n . animam . Dicitur ergo , vt ego existimo , Deus spirituū omnis carnis , quia distribuit omnibus hominibus spiritalia dona , vt vult . nugacissima verò palyngenesia , nullū hinc accipere potest adminiculum .

CAPVT VIGESIMVM TERTIVM.



APITE quarto Deuteronomij, Ne fortè decepti faciatis vobis sculptam similitudinem, aut imaginem masculi vel feminae, similitudinem omnium iumentorum quæ sunt super terram, vel auium sub cœlo volantium, atq; reptilium quæ mouentur in terra, siue piscium qui sub

terra morantur in aquis.

Eadem verba scripta sunt capite vigesimo Exodi. Euenit dubitare, cur pisces dicantur esse sub terra, si sunt in aquis, cum aqua iuxta Philosophorum sententiam, ut est tenuior ac leuior, ita & superior quàm terra. Certè si aqua super terram sita esset, inundaret totam terram, effluens & quærens partium suarum æqualitatem: sin autem terra supra aquam locata esset, rueret, & ita sub aqua sese mergeret (nam quo pacto terræ pondus supra aquam sustentaretur?) atq; terra non posset aqua irrigari, quod ad generationes rerum est apprimè necessarium. Nulla ergo alia ratione potuerunt terra & aqua ad sese mutuo aptari, ut generationi subseruirent, quam ex ambabus sese mutuo secundum magna spatia penetrantibus, vnico conflato globo, & eadem vtriusq; existente rotunda superficie, ita ut neutra subsit neq; superstet, & vtraq; contineat & contineatur. Ita enim neque terram in aquam ruere, neq; aquam terram euenit inundare: sed irrigare solum, & fœcundare: partimq; patet Soli aqua, ut copiosus inde eleuetur vapor, densatus postea in aquam descensurus: partim terra, generationi spirantium animalium, & vitæ idonea. si vero hoc ita habet, vnicusq; globus constat

terra & aqua, vt vel vmbra indicat in eclypsibus lunæ, & eadem est terræ & aquæ superficies, constat, quæcunq; intra aquam degunt, esse sub terra: quæ repentinè adhærent terræ, esse in terra: quæ vero cruribus hærentia per terram gradiuntur, esse super terram. pisces igitur morantur sub terra, cum præcipuè sub ipsa aqua, intra terræ cauernas se recondant.

CAPVT VIGESIMVMQVARTVM.



APITE vigesimo tertio Deuteronomij. Non intrabit eunuchus attritis vel amputatis testiculis, & abscisso veretro, in Ecclesiam Domini.

Antiquitus utebantur Principes eunuchis ad custodiam mulierum, vnde & nomen illis datum est, *εὐνοῦχος*, enim Græcis est idem, quod Latinis cubilium custodia, seu custos. Hanc ob causam multi proprios filios tenellos adhuc, eunuchos faciebant, quo scilicet seruirent principibus. Paulus libro sexto docet modum faciendi, quem Græci vocabant Eunuchismum. Erant verò faciendi multi modi. Quidam enim fiebant excisione testium, quidam veretri etiam cum testibus, qui mingebant fistula ænea, vt nunc quoq; quibus ob morbum ea pars est secta, quidam fiebant testiculorum attritione. ea verò erat. Puella in balneo demisso, paulatim testiculos atterere, vsque dum velut dissipati euanescerent. atq; contorquere, vt vena quæ alimentum illis defert, velut nodo interciperetur, atque ita illi tabescerent. Itaq; erant eunuchi testibus excisis solis, aut etiam cum veretro. Et contritis, qui propterea vocabantur Thlibæ. Hoc dicit Paulus, præstare exsectos contritis, quòd hi appetere venerem non desinant.

desinant. Hos omnes prohibebat Moses Ecclesiam ingredi, quasi mutilatos, & imperfectos homines. Alij ab his sunt, qui vocantur spadones. hi enim nullius partis patiuntur mutilationem, sed naturale quoddam vitium: quod qui habent, congregari possunt, & erigunt, & instigantur ad vennerem: ob flexuram verò, aut coniuentiam viæ, non possunt emittere, atq; ideo neq; generare.

CAPVT VIGESIMVMQVINTVM.




VIGESIMO secundo Deuteronomij. Si duxerit vir vxorem, & postea odio habuerit eam, quæsieritq; occasiones quibus dimittat eam, obijciens ei nomen pessimum, & dixerit, vxorem hanc accepi, & ingressus ad eam non inueni virginem: tollent eam pater & mater eius, & ferent secum signa virginitatis eius ad seniores vrbs qui in porta sunt, & dicet pater, filiam meam dedi huic vxorem, quam quia odit, imponit ei nomen pessimum, vt dicat, non inueni filiam tuam virginem, & ecce hæc sunt signa virginitatis filiæ meæ. expandent vestimentum coram senioribus ciuitatis.

Ex his verbis constat, apud Hebræos fuisse in more positum, vt mulieres viris desponsatæ, abstinerent ab eorum congressu, vsq; dum ab eis ducerentur, tuncq; substrato linteo coirent, quo virginitatis signum, hoc est virginis corruptione profluens sanguis, in illo colligeretur: atq; id lintheum daretur puellæ parentibus, quod illi acceptum (non arbitror sine multis testibus) asseruarent, vt virginitatis filiæ, vsq; in nuptialem diem asseruatæ testimonium. Sed euenit hoc loco dubitare, quid intersit inter virginem & corruptam: quæ

sint illa claustra virginitatis, quorum dilaceratione sanguis effluat. si enim nulla sunt, haudquaquam videtur necessarium, ut corrumpeunda virgine sanguis effluat: sin autem necessarium non est, fallax & periculosa erat ea ratio dijudicandi, qua explicato vestimento, seu linteo, in quo primum coierant, uti iubebant senes. Certè ut cuius dissectionis perito constare potest (quamquam sunt quidam dissectiones, qui esse in ore uteri virginibus membranam quandam annuli forma affirmant) nulla pars est in uterore, aut ceruice, quæ virginitatis custodia sit, & in corruptione pereat, sed angustia tanta, & symphysis, seu coalescentia labiorum tanta, ut sine dilaceratione partium quæ symphysi coierant, admittere virile membrum non possit: Quare necesse est sanguis effluat. Atqui tanta coalescentia earum partium, ut sine dilaceratione id non admittat, naturalis est: Multis verò per morbos, aut vitiosam naturam tanta est obturatio, ut corrumpi facile non possint, aut si corrumpantur quatenus possint concipere, non tamen deinde dehiscant adeo eis uteri ut possint parere, nisi aperiantur ab obstetrice. Nonnullæ adeo magnam adstriktionem eius partis habent, ut vel menstruæ expurgationi impedimento sit. Obturantur verò seu clauduntur uteri ora, vel symphysi (ut dictum est) magna, vel oborta ibi re aliqua præter naturam, ut caruncula, aut membrana. Adnasci enim solent multa ori uteri, quæ excisione indigent, ut vocata Nympha, & vocata Sarcolis, caro scilicet inde prominens, in modum caudæ: & thimi: & condylomata. Horum excisiones, & clausas apariendi rationem, docet Paulus libro sexto: horum verò nunc meminimus, ut diceremus, conclusiones has omnes, quæ re aliqua ibi orta, siue carne, siue membrana, quæ adeo dura quibusdam mulieribus ibi est, ut sit quasi quædam cartilago, siue tubercula,

tubercula, vitia esse naturæ, siue morbos: virginitatem verò, in naturali quadam, & satis superabili partium adlitione, & symphyfi, seu coalescentia esse, ob eamq; corrumpenda virgine, sanguinem necessario effluere. Hinc fit, vt esse possint, sintq; re vera medicamenta ad ementendam virginitatem, quæ adstringunt scilicet, & corrugant partem nouæ nuptæ. Ergo vbi primum cum viro coisset, non erat præter naturam lintea contemplari, atq; vbi sanguine essent infecta, velut virginitatis indicia asseruare. Vt enim nihil haberent sanguinis, duorum alterum esse in causa poterat, vel quòd mulier corrupta ad thalamum accessisset, vel quòd ob vteri nimiam & vitiosam clausuram, aut etiam ob viri frigiditatem corrumpi non potuerit, Tuncq; huius rei periculum esset faciendum, ostentata muliere obstetricibus, & chyrurgis, vt constaret, an tunc quidem, an antea fuisset corrupta. Hæc ita habere facile intelliges, si perlegeris libellum Galeni de dissectione vuluæ, ac multo magis dissectionem vaginalis vteri faciens.

CAPVT VIGESIMVMSEXTVM.

»  A P I T E trigesimo Deuteronomij. Si ad cardines cœli fueris dissipatus, inde te retrahet Dominus Deus tuus, & assumet.

» His verbis nihil aliud significatur quam si diceret, si ad extremas terræ regiones, quæ sub polis Arctico, & Antarctico sitæ sunt relegeris, inde te in tuam patriam reuocabo. Sunt enim duo mundi poli, puncta cœli quiescentia, in quibus, & circa quæ, velut cardinibus quibusdam voluitur cœlum totum. Constat vero homines dissipatos, non mitti in cœlum, neq; in ipsos polos cœli,

cœli, sed cardinum cœli, seu polorum nomine, significari regiones sub illis sitas. Hæc verba antiquitas omnis putaret dicta per hyperbolem: quandoquidem tota sibi persuaserat, è quinq; orbis regionibus, quarum duæ extremæ sub polis essent, circulis arctico, & antarctico finitæ, alia media inter tropicum Cancri & Capricorni, aliæ duæ mediocres, hæc scilicet quam incolimus inter tropicum cancri & circulum arcticum, & alia ei respondens inter tropicum capricorni & circulum antarcticum: duas tantum has mediocres, esse hominum habitationi idoneas: tres alias inhabitabiles, mediam æstu, extremas frigore. His addebant Christiani, ne eam quidem quæ nostræ regioni respondet, ultra Capricornum, sita habitari. cum enim ab vno Adamo omnes homines fluxerint, si per mediam illam regionem, quæ sub Zodiaco est inter tropicos penetrare nullo modo possent, fieri nō posset vt ultra & citra illam homines essent, sed ea tantum mundi in parte in qua Adamus creatus esset. Hanc ob causam Diuus Augustinus putavit, omnino nullos esse antipodas. si igitur quinq; mundi partiū, aut vnica, aut duæ tantum hominibus essent habitabiles, nulli possent habitare sub polis, quare neq; ad cardines cœli relegari, neq; reuocari inde. Quapropter antiquitas verba hæc, Si ad cardines cœli fueris dissipatus, inde reducam te, non aliter acciperet dicta, ac illa, Si ascendero in cœlum illic es, si descendero in infernum ades. non scilicet quod possint homines traicere ad cœli cardines, magis quā in ipsum cœlum ascendere, sed per hypothesim impossibilem, vt ita significaretur, quam esset Deus paratus populum suum reuocare: quòd scilicet vel ex mundi cardinibus esset reuocaturus, si eò posset dissipatus mitti. Tempus verò rerum omnium magistrum, euidenter indicauit illum antiquitatis errorem, neq; vllam

ullam mundi partem cœli causa inhabitabilem esse, sed omnia coli, ultra, citra, & inter tropicos, ac citra circulos arcticum & antarcticum: neq; hominum dispersionem intra tam angustos fines sterisse, sed in vniuersum terrę orbem esse factam: atq; quamquam alij aliorum ob magna locorum dissidia sint obliti, tamen Dei prouidentiam, eos, more eius qui seminat, hęc & illęc, quoquo versus diffudisse, ita vt nulla pars hominibus alendis idonea, sine Adami semine relinqueretur. Hanc disseminationem, nulla neque memoria hominũ, neq; historia cognitam, nobis in hoc seculo, velut digito indicauit, secundi Adami, hoc est, IESV Domini nostri seminis, hoc est, verbi Dei disseminatio. Iam enim Christicolę, Dei prouidentia omnia machinante, perlustrarunt orientem & occidentem: transilierunt vtrunq; tropicum, viderunt antarcticum polum: ac penetrauerunt versus arcticum nauigantes, arcticũ circulum; quo pertingunt, vt nobis referunt, in extremo Nouergię, Frinmachia, & sub ipsomet polo, Simachia (auctor est Olaus Archiepiscopus) videruntq; hęc omnia ab hominibus habitari: quibus & Euangelium plurimis iam in locis prædicauerunt. Itaq; iam fieri incipit, (quod verbis præscriptis insinuabatur) vt qui dissipati, ac segregati à conuictu populi Dei sub cœli cardinibus habitabant, nunc ad veram fidem, & Ecclesię unitatem reuocentur: speramusq; breui futurum, vt cum magna IESV CHRISTI gloria, sanctissimum eius nomen vbiq; colatur, & vt videant omnes gentes salutare Dei nostri. Neq; certè omnes antiquos latuit habitari posse totum orbem. Nam Auicena, vt erat Philosophus eximius, intellexit fen secunda primi, doctrina secunda, capite octauo, locum sub linea æquinoctiali, habitationi hominum longe opportuniorem esse, quam qui sub tropicis: duobus argu-

mentis

mentis. Primo, quod Sol citius recedat a capitibus ibi habitantium, bisq; in anno, nunc in hoc, nunc in illud latus: à capitibus vero habitantium tropicos tardius multo, ac in anno semel. causa verò celeris recessus ab æquinoctiali, est ascensus obliquus zodiaci; tardi verò à tropicis, ascensus rectus. Hinc fit, vt minori tempore fiant maiores dierum in longiores, & breuiores mutationes, circa æquinoctia quam circa solstitia. Atque adeo hinc nomē solstitijs datum est, quod in illis stare videatur Sol, vt declinat lentè. Secundo, quod eo in loco nunquam est dies nocte maior, sed equalis semper; quare cū sit dies splendoris & caloris, nox tenebrę & frigoris mater, in causarum æqualitate erit omnium mediocritas & temperies. Cum igitur sint tres caloris causę, vicinia, rectitudo, & mora Solis, rectitudo & mora multo plus possunt, quam vicinia. Omnes enim Astrologi norunt, in estate longius abesse à nobis Solem, quia est in auxe, quam in hyeme, quia est in opposito auxis: tamen quia rectitudo radiorum, & dies maior est, calent tanto magis omnia per estatem. Cum ergo sub æquinoctiali citius ac pluries declinet Sol, & dies nunquam sint longiores noctibus, commodior multo sit ibi habitatio quam sub tropicis, atque adeo omniū commodissima: quod nostri iam habet perspectissimum. Simili etiam argumento suaderi potest (etsi id nondum sit adeo perspectum) sub ipsissimis polis posse homines habitare. Est enim in eo loco totus annus dies vnica, quandoquidem æquinoctialis linea, eorum orizon est. habent ergo conspicuum Solem menses sex, & totidem latentem. itaque & in mundi medio, & in extremis, æternum æquinoctium est, tamē hoc interest, quod sub polis nunquam recedit Sol ab horizonte ultra viginti gradus, ac proinde nox rota crepusculi sunt (nam & apud nos vsque dum triginta gradus mergitur sub horizonte Sol, crepusculum est) ac licet di-

cere ibi nullam esse noctem, sed tempus totum Solis, aut crepuscula. cum ergo ea regio vincat proximas, ac reliquas Septentrionales, plus dierum longitudine, quam rectitudine radiorum vincatur, & uicinia multo minus frigida, & habitationi opportunior sit, quam ille. Qua causa mihi persuadeo, ut quæ est sub æquinoctio, commodior est quàm quæ sub tropicis, ita eas quæ sub polis, commodiores esse ijs quæ sub circulis arctico & antarctico. Quod si mediam & extremas regiones habitationi idoneas esse indicatum est, constat totum terrarum orbem habitabilem esse. duas enim reliquas, & mediocres constat habitabiles esse, si quidem earum altera est hæc quam incolimus, cui reliqua, & quinta similis prorsus est, nisi igitur pars quæpiam ob soli incommoditatē est inhabitabilis, ob cœli tamen & Solis positum, nulla est in toto orbe. Lubet hoc loco admirari Dei Optimi Maximi sapientiam, ex Solis corporis omnium quæ vita carent præstantissimi, positu & cursu. Eo enim illum loco aptavit, & cum cursum incessanter tenere iussit, quo solo poterat omnes mundi partes habitationi facere idoneas, & utrique mundi lateri virtutem suam iustè ac equaliter impertiri. Fertur enim Sol per mundi medium inter duos cardines, non ita tamen, ut per eandem lineam semper latus, equaliter ab utroque semper distet; sed latus obliquè, nunc in hoc, nunc in illud inclinet; ita tamen ut inæqualis illius distantie equalitas, temporum equabilitatem quādam faciat. Ita fit ut omnibus virtutes largiatur, per vicissitudines rerum generationi necessarias. Si enim Sol citra, aut ultra æquinoctialem lineam semper consisteret, oppositi poli partibus nunquam illucesceret. Quapropter, sub æternis tenebris, haud quamquam esse possent hominibus alendis & seruandis aptæ & poli alterius partibus nunquam occultaretur, equare alterum mundi latus nesciret noctem, alterum diem. Neutrū verò


amat hominum vita, neque terrę natura, quę luminis & umbrę, caloris & frigoris vicissitudine fecundatur. Pręter hęc, ea medietas mundi intra quam Sol se semper contineret, virgeretur calore, multo plus, ac secundum partes longe maiores quā opposita altera frigore: neq; partes mundi equę distantes a polis & à mundi medio, equalibus gauderent diebus & noctibus. Quapropter haud quaquam Sol mundi partibus omnibus virtutes suas impertiretur, secundum equabilitatē, & iustitiam, vt nunc facit: quam tamen iustitiam distribuendi virtutes equaliter secundum latera, si, vt Galenus animaduertit, adeo natura seruauit in formandis, regendisquę humani corporis partibus, multo magis seruari in maioris mundi formatione oportuit. Si verò Sol per ipsam lineam equinoctialem semper ferretur, ita vt neque in hoc neque in illud latus inclinaret, nulla ratione deterius posset mundo & hominum vitę seruire, quia partes sub polis sitę, neque diem neque noctem haberent vllam, sed in orizonte Solem semper, cuius dimidium spectarent, quod parum omnino abest ab æterna nocte. Neque Sol in orizonte semper volutatus, posset satis calefacere, ac facundare terras, quas nunc cum viginti tres gradus supra orizontem eleuetur tamen calefacit tenuiter. Iam verò terra mundi media, rectum semper supra se Solem sustinere non posset, sed vreretur atque hęc & alię omnes mundi partes, cum nullis potirentur vicissitudinibus, sed eodem modo semper afficerentur, nequaquam possent generationibus esse aptę. Non enim potest idem, & eodem modo habens tempus, sementi & messi, neque vindimię, & putationi esse aptum. Nimirum vt omnis generatio est ex contrarijs in contrarium, ita inter contrarias versari causas debet, quia contrariorum contrarias esse causas necesse est: Nisi igitur Sol per mundi medium ferretur obliquę, nunc in hoc, nunc in illud

latus

latus nutans, nequaquam esset mundus hic idoneus generationibus. Quid ergo superest, an ut obliquitas Solis minor esset aut maior quàm nunc est sed ponamus primum esse minorem, velut verbigratia, recessus Solis ab æquinoctiali, quæ nunc sunt viginti trium graduum, esse si placet tantum decem, quid fieret? Primum quidem oportet Zodiaci ipsius amplitudinem, quæ nunc duodecim graduum est, ad proportionem contrahi: in tanta autem Zodiaci angustia, duplo pluries congregarentur Planetæ in ecliptica, ac duplo plures fieret Eclipses: & virtutum celestium subtractiones. quod non videtur citra noxam accidere. Præterea, quanto minor esset Zodiaci obliquitas, tanto essent minores temporum vicissitudines, & tanto minus tempora à temporibus dissiderent. quapropter sub æquinoctiali, ubi parum nunc tempora dissidet, haudquaquam esset sufficiens ad generationes vicissitudo, ac ferè perinde esset, atque si per æquinoctialem semper volueretur: si verò obliquitas esset maior quam nunc est, ut si verbigratia, recessus Solis ab æquinoctiali qui nunc est viginti trium graduum, esset quadraginta, illæ solum mundi partes quæ sub Zodiaco essent, coli possent: reliquæ sustinere non possent, partim tantæ temporum diuersitatem, partim tantum Solis recessum. Natura enim animantium cum nihil quod sit nunquam sustinere possit, omnium minimè sustinet causarum contrarietatem. quare si extrema Moscouiæ pars multo fieret frigidior quàm est, haud esset habitationi idonea. maius enim esset id frigus, quàm ut viuere quidpiam in eo posset. Sed neque Africa, si ut nunc æstate æstuas, hyemes haberet quales Germania, habitari posset, quia tantam mutationem aeris haud quaquàm possent homines sustinere. si verò Sol recederet gradus quadraginta ab æquinoctiali, nunc in hanc, nunc in illam partem, gentes quæ sub cancri tropico degerent, aut viginti gradus distaret à tropico, æstuarèt ut nunc Africæ intima, ac nihilominus hyemes haberèt quales

Germania: recederet enim ab eis Sol ceterum gradibus, ipsi verò Germani, ac multo magis qui sub circulo essent arctico, haudquaquam possent hyemis frigus sustinere, quia recederet ab eis Sol multo magis, nunc verò male sustinent. Cum igitur quę habitationi sunt futurę idoneę mundi partes indigeant mutationibus, non quibuscumque, sed quibusdam, si Sol per angustiores versaretur circulum, minores essent vicissitudines temporum, quam ut generationi rerum essent satis: si per ampliorem, maiores quam ut sustineri possent. Deus verò hæc exactissimè computauit, vnde argumentum accepit glorię Dei David Psalmo 18. dicens. Cœli enarrant gloriam Dei & rursum, In Sole posuit tabernaculum suum, & ipse (Sol scilicet) tāquam sponsus (hoc est pulcher & ornatus) procedit de thalamo suo; à vertice cœli exultauit ut gigas ad currēdam viam, hoc est fertur citra defatigationem mirabili celeritate à summo cœlo, hoc est ab oriente egressio eius, & occursum eius vsque ad summum eius, hoc est vsque ad occidentem, neque est qui se abscondat à calore eius. hoc est eum, tenet cursum, & eo semper circulo voluitur, ut nulla mundi regio sit quam non illustret, calefaciat, & fecundet faciatq; plus aut minus, satis tamen habitationi idoneam.

GAPVT VIGESIMVM SEPTIMVM



Aperte nono Iudicum. Nunquid possum deferre vinum meum, quod lætificat Deum & homines rursum psalmo 103. Ut educas panem de terra, & vinum lætificet cor hominis, & panis cor hominis confirmet. capite 35 prouerbiorum, Date siceram merentibus, & vinum ijs qui amaro sunt animo, bibant & obliuiscantur egestatis suę, & doloris sui non recordentur amplius.

Vinnm

Vinum, quod est Noe inuentum, est succus uue maturarione perfectus. Ita dico, quia recens expressus, neque per eam ebullitionem quam ciet naturalis ipsius calor, perductus ad perfectionem, mustum potius est, & potui minimè aptum, ac si quis poteret, noxium. Multę alię potiones sunt illi non nihil similes, quibus in penuria homines pro illo utuntur, vt quę nostris Cantabris vocatur Sydra, quę Ceruisia Belgis, quę Germanis Medo. quę omnes potiones uno nomine hebreo vocari possunt Sicera. Id enim nomen tribuebatur portioni omni, quę potest inebriare vini more. Atque ob id datur marentibus & in magno aliquo labore constitutis vinum, aut sicera, ad obliuionem egestatis & doloris. Quatenus hoc faciendum aut cauendum sit, Theologis mitto dicendum, ad me tantum spectat, quod pertinet ad naturam. Itaque portiones sunt multę, ex multarum rerum succis paratę, & simplices & composite; sola tamen ea quę ex succo fit vuę, vocatur vinum. Ita etiam antonomasticè, ac propriè vocatur panis, qui paratur ex farina triticea subacta cum aqua: qui verò paratur ex aliorum frumentorum, aut leguminum (nam ex his omnibus parari solent in caritate anonę) farinis, aut cum alio succo, dicitur panis cum adiecto, vt panis ordeaceus, typhaceus, fabaceus, aut apud Indos ex mayz (ita illi vocant quoddam genus frumenti, ex quo parabant sibi panes) aut panis dulciarius, aut lacticinus: panis verò simpliciter, est qui ex triticea fit farina cum aqua. Inter ea omnia quibus vescuntur homines, panis & vinum tenent primas, quia alij omnes cibi dati sunt hominibus ad delicias, & ad abundantiam: hi verò ad necessitatem & sufficientiam, & his maximè vtuntur homines. Nullis cum maiori malo carere potest, & nullis magis contenta est natura, quia sunt omnium optime parabiles, mortalibus omnibus maxime communes, opti

me omnium nutriendes : non tamen panis & vinum eodem modo, neque eisdem de causis, sed panis, quia substantiam habet benè crassam, boni succi, & cum substantia nostra benè agglutinatur, habetquè tanto plus alimenti, quanto medicamento minus, cum sit moderatum quiddam, neque calidum, neque frigidum, neque humidum, neque siccum, neque facultate ulla medicamentosa, ut expurgandi, aut sistendi, aut laxandi, aut aliud eiusmodi faciendi, sed si quid tantillum, inclinatur in calidum, quo natura gaudet & fruitur. Itaque est panis pro omnibus cibis, quia mediocritatem tenet omnium, & tenuium & crassorum, & facultatum medicamentosarum maximè expers, ut sit merè alimentum. Has ob causas symbolum est omnis escæ, ac totius nutritionis, petentesque huic corpori necessaria alimenta, solum panem iubemur petere, quem quotidianum vocamus, quia corpora indigent quotidiana refectione, Neque satis est; si quantum corpulentissimus athleta sanguinis habeas, & succorum intra venas repositum, nisi recenti refectione quotidie utaris. quæ quidem necessitas, ex spirituum facili dissipatione nascitur. Has ob causas Helicæ fame pereunti, panem quidem solum, eumque quotidie mittebat Deus per coruum. Vinum non nutrit tam firmiter quam panis, tamen multo citius. quia non est tam aptum in densam, solidam, firmamque substantiam abire, tamen abit citissimè in vitales spiritus, ac satis cito in sanguinem tenuem & calidum. Hinc fit, ut optimè maximèque secundum eorum naturas, dicatur panis confirmare cor hominis, & vinum lætificare. quia evenit his quod & alijs cibis, ut scilicet quò citius nutriunt, eo citius dissipetur quàm præstiterint substantia: contra quo tardior, eò firmior refectio sit, & diutius duret; in eam enim sententiam scriptum ab Hippocrate est, Eorum quæ celeriter nutriunt, celeres quoque fiunt excretiones

tionem. Quæ ergo tradius nutriunt, solidius præstant robur, potestque qui eis usus sit, diutius sine alia refectione persistere, pugnare, arare, aut aliud quidvis laboris sustinere: quæ verò nutriunt cito, præstant alacritatem, refectione illa facili spirituū, reuocant ab exolutione & deliquio, si quod est: itaque exhilarant, robur verò & ad sustinendos labores vim non præstant, etsi quis impleatur, quia dissipantur facile. Igitur quod maximè firmat, roboratque si modo vnicus cibus capiendus sit, est panis (quo spectat illud Capituli 28 primi Regum, Et robur non erat in eo, quia non comederat panem tota die illa: nimirum, ut dictum est, ad robur indigemus pane, eoque quotidiano:) quod maximè exhilarat, vinum: exhilarat verò cum ebrietatem affert, quia obliuisci facit paupertatis & doloris, denique omnes molestias, curasque facit deponere. Nam ut Hippocrates libello de flatibus inquit, Ebrii sunt præsentium malorum obliuiosi, ac futurorum bonorum fecunda spe beantur, Vnde constat hilaritatem maximam ex vino, initium quoddam ebrietatis esse. Tametsi, etiam citra ullam ebrietatis seu dementiæ partem, lætitiā afferre potest medicum, Nam capite 31 Ecclesiasticus dicitur. Vinum ad iucunditatem creatum est, & non ad ebrietatem ab initio, Est igitur iucunditas ex vino citra omnem ebrietatem, causæ verò illius sunt, dicta spirituum vitalium resectio, quorum penuria quia laborant melancholici, tristes esse consueuerunt: & quod calefacit, laxat, funditque cor: quem eundem motum illud per lætitiā subit. Ut enim per tristitiā contrahitur, & torpescit, ita per lætitiā laxatur & titillat. cuius motus, calor suavis accomodatissima causa est. Quod ergo vinum lætificet, has habet causas manifestas, præter iudicibilem quampiam sympathiam, quam fortasse habet cum corde, quæ in eius substantiæ modo consistit, cum ad iucunditatem

crea-

creatum sit ab initio. Quòd lætificare Deum quoq; dicitur, maius aliquod suspicor habere sacramentum, enarrandum Theologis, Mihi illud occurrit, quandoquidem dicitur Deus in initio Geneseos, vidisse cuncta quæ fecerat, delectatusque quod essent valde bona, consonum est, ut tanto intuitu rei cuiusq; magis delectetur, quanto ea est melior: aut, (ut melius dicam) tanto res quæcunq; sit potior, quanto Deo magis placuerit. quapropter perinde sit dicere, rem aliquam lætificare Deum, & esse optimam: est verò vinum optimum, nisi quis eo utatur ad ebrietatem. facit enim ad iucunditatem, & ad sanitatem animæ & corporis, & ad uitæ equitatem, & bonos mores. Ita enim dicitur capite nuper citato Ecclesiastici, Exultatio animæ & corporis vinum moderatè potatum, & sanitas est animæ & corporis sobrius potus. & rursum, Æqua vita est hominibus, vinum in sobrietate. nimirum, ut capite 30. eiusdem libri dicitur, Multos occidit tristitia. His causis Seneca libro de tranquillitate uitæ, ad eam obtinendam, ebrietatem laudat. exemplo Catonis, Solonis, & Archesilai, qui illi indulserunt. sunt verò illius hæc verba, Nonnunquam & usque ad ebrietatem veniendum, non ut mergat nos, sed ut deprimat curas. eluit enim curas, & ab imo animū mouet: ut morbis quibusdam, ita tristitiæ medetur. Hæc ille.

Nobis tamen neq; sanitatis, neq; hilaritatis causa,

procedendum usq; ad ebrietatem unquam

est; neq; quæ ad mores spectant, pe-

tenda à Medicis neq; Philo-

sophis; nisi quatenus

cum diuina conso-

nant sa-

piencia, quæ tantum permittit vinum

in sobrietate.

CAPVT VIGESIMVM OCTAVVM.



APITE 16. primi libri Regum ita est scriptum, Ecce spiritus Dei malus exagitat te, Iubeat Dominus noster, & serui tui qui coram te sunt, quærent hominem scientem psalere cythara; ut quum arripuerit te spiritus Domini malus, psalat manu sua, & leuius feras.

Duplex hic occurrit naturalis dubitatio. prima, An Dæmones possint morborum, qui alioqui in succorum & temperamentorum, aut etiam compositionis uitia referantur, esse causæ: Deinde, An eadem auxilia desiderent illi morbi, ac cum sine Dæmonis opera orti sunt. Nam si Saul melancholia morbo teneretur, haud dubiè consultum esset, iuxta medicinę precepta tibicines quærere & Citharedos, qui musica instrumenta pulsando animum illi demulcerent. nam cum metus & tristitia ita sint huius pessimi morbi accidentia, ut etiam fiant illius augendi causa, nulla ratione melius succurritur quam omni genere delectamenti; abigendo mœstitiā, & euocando mentem à rerum terribilium consideratione: vsque adeo ut cum morbus nondum est admodum inueteratus, neque succus plurimum redundat: sola iucunda viuendi ratio soleat esse satis ad recuperandam salutem: præstare verò musicam magnam animę hilaritatem, Ecclesiasticus dicit ter aut quater, cuius in capite quadragesimo sunt hæc verba. vinum & musica lætificat cor. merito igitur musica mœstis, quales maximè sunt melancholici, naturaliter succurrit. si verò Saul non humore agitabatur melanchlico, sed Dæmone, quę causa esse possit, ut cythare pulsatione iuuaretur, & leuius eam exa-

gitationem ferret? An Dæmon mitescit musica? Hanc ob dubitationem, plurimi nihil hic censent fuisse naturale, sed diuina vi effectum, vt pulsante Dauide cytharam abigeretur Dæmon, non tam ob soni numeros, quam ob diuinos hymnos, quos ille cantando recitabat. Itaq; diuinis psalmis, ut exorcismis abigi Dæmonem. Ego quidem hoc non nego, neq; dubito illa ratione, vim verbi Dei, & Daudicę prophetię significatam esse: nihilominus censeo, naturalem quoq; causam cum diuina illa coniunctam esse, atq; admirandum illum effectum, in vtranq; referendum fuisse. Hoc indicabo facile, productis in medium quibusdam Auicene verbis, ex capite 18. sen primę, tractatus quarti, quod est de Melancholia, ea verò sunt hæc. Et quibusdam Medicorum visum est, qđ in melancholia contingat à Dæmonio; sed nos non curamus, cum physicam docemus, si illud contingat à Dæmonio, aut nō contingat, postquā dicimus, quod si contingat à Dæmonio, tunc contingit ita vt cōuertat complexionem ad cholera nigram, & sit causa eius propinqua cholera nigra, deinde sit causa illius Dæmoniū. aut non Dæmoniū. His verbis Auicena inquit, nihil referre ad curationē siue Dæmon sit qui melancholica inferat accidētia, siue non: eo quod non possit ea inferre aliter, quā per ipsos melancholicos succos. Itaq; causam proximā semper ad ipsos succos deuolui, atq; cum ablatione causę proximę, necesse sit tolli morbum, vtentibus nobis naturalibus auxilijs, & causam tollentibus, necesse erit tolli morbum, etiam si Dæmon eum excitauerit. Ratio sanē hæc, partim quidem recte procedit, partim tamen deficit, quandoquidem, vt morbus qui pendet ex causa, nisi sublatione causę proximę non tollitur; ita neq; ipsa causa proxima, nisi sublatione prioris: etiam si sit externa, modo nō recesserit. velut si Sol bilem exussit, atq; ita febrem fecit, tolli non possit febris nisi bile euacuata, aut cōsumpta; sed

neq;

neq; hæc penitus euacuari aut consummi, nisi egrotus à Sole recedat, & in frigidiorum locum se trāferat. si verò iam recessit, solum superest vt euacuetur bilis. Igitur eodem modo, si quis Dæmon, melancholicum sucum agitando & augendo, melancholica intulit symptomata, iam recessit, solum superest, vt naturalibus agatur auxilijs, aduersus morbum & causam humoralem: si verò adhuc immanet, necesse sit simul uti remedijs quæ Dæmonem abigant, & quæ melancholicum sucum euacuent, & compescant. Effectum itaque hac ratione est, non vt omnino sit indifferens, siue sit morbi causa Dæmon, siue secus, vt volebat Auicena; tamen, vt quæcunq; auxilia naturalia curare possunt morbum, cum is à Dæmone non pendet, possint etiam aliquatenus subuenire cum pendet. Si ergo cantillene, et musicorum instrumentorum concinnus sonitus, placare naturaliter possunt melancholicorum sęua symptomata, cum eo morbo quis laborat, possint certe eodem modo, & eadem prorsus causa, cum eius morbi auctor Dæmon est. Verum hoc ipsum quod aliquatenus videtur iam esse demonstratum, euadet longè, euidentius, si hæc dubitationes prius explicatę sint. Prima an malus Dæmon possit morborum causa esse? secunda, quomodo? tertia, an sicut aliqua naturalia remedia, quæ per se, ipsos abigant Dæmones, an non, sed spiritalibus solum agendum aduersus eos sit, vt Ieiunio, & Oratione? His enim decisis, facile eo quo volumus perueniet disputatio. Antiquissimas esse has dubitationes, neq; Christianis solum aut Iudęis, sed & Mahometanis & Idolatris agitari solitas constat. Primum quidem ex eo Auicene loco quem produximus, deinde & ex libro de morbo sacro, qui nomine Hippocratis circumfertur. toto enim eo libro disputatur aduersus affirmantes, Epilepsiam ad Dæmonem referri, &

eos, qui eo malo teneantur, solere in domum fugere, aut aliter à multorum conspectu se subtrahere, persentientes inuadi se se à Dæmone, atque adeo contententes eiusmodi, non medicinalibus auxilijs, sed expiationibus esse curandos. censet vero is auctor, eam opinionem non aliunde, quam ex ignorantia naturalis epilepsiæ causæ nasci: plausibilem verò esse vulgo, eò quod morbus videatur esse mirabilis, & ab alijs diuersus: atq; quòd expiatio minus molesta curatio esse videatur quam quæcumq; medicinalis aut chyrurgica. Atqui profecto, vt qui philosophiæ sunt ignari, ob multarum rerum naturalium ignorantiam fieri solent creduli, & superstitiosi: ita qui physicæ plus satis sunt dediti, rebus omnibus quæ corpora non sint, aut eorum motus, periclitantur diffidere. Nunc verò cum de Dæmonibus tam multa à Philosophis disputata sint, non video cur quispiam quantumuis rigidus Philosophus esse velit, tollat è medio Dæmones, nullamq; causæ rationem in morbis excitandis & torquendis corporibus eos habere censeat. Nam hæc consequitio nihil valet, potest melancholia & epilepsia, vt quis alius morbus, citra Dæmonem fieri, ob sucos ita aut aliter motos aut vitiatos: ergo non potest fieri per Dæmonē. At verò neq; hæc, Quiuis morbus talis fit ab humore & causa naturali, ergo nullus fit à Dæmone, quia is ipse morbus qui fit a Dæmone, fit per causam naturalem, si Dæmon non aliter quam per ipsos humores, infert tales morbos: habetque Dæmon vicem causæ externæ, vt dictum est. nisi verò negetur, Dæmonem posse mouere succos: at verò moueri corpora ab spiritualibus substantijs, neq; Aristoteles quidem, qui minimè de Dæmonibus est philosophatus, negauerit. Ille enim causas omnes corporum motrices reducit, vsq; ad indiuisibilem & incorpoream. Itaq; posse fieri, vt Dæmonis præsentia morbos excitet, neq; quippiam in hac

asser-

assertione Philosophorum placitis esse repugnans indicatum est. At verò esse re vera ita, superest indicemus. Primum quidem literarum sacrarum testimonio, deinde & argumèto ab ipsis rebus accepto. Diui Lucę capite octauo, ita scriptum est. Occurrit illi vir quidam, qui habebat Dæmonium iam temporibus multis, & vestimento non induebatur, neq; in domo manebat, sed in monumentis (& paucis interpositis) multis enim temporibus arripiebat illum, & vinciebatur catenis, & compedibus custoditus, & ruptis vinculis agebatur à Dæmonio in deserto. Ex hac narratione facile constabit cuius, qui vel summis labijs degustauerit medicinam, hunc hominem laborasse ea manię specie, quę vocatur à Medicis Lycæthropia, seu lupina infania. His enim præcipuè accidentibus definitur is morbus. quòd ita affecti domi contineri non possunt, sed circa sepulchra frequenter vagantur. Iam verò eum, cuius mentio fit nono capite Marci, constat fuisse epilepticum, ita enim dicitur. Et attulerunt eum, & cum vidisset eum, statim spiritus cõturbauit illum & elisus in terram volutabatur spumans. constat verò elidi in terram, ac volutari, & fieri spumam circa os, certissimas notas esse Epilepsię. Quin etiam (quod aliquanto videtur rarius) constat decimo tertio capite Diui Lucę, puellam quandam conuulsionem spinę accepisse à Dẽmone: qua laborauit decem & octo annos. Manifestum ergo est, quanto in errore sint, qui quòd indicauerint, eum qui defertur ad exorcistas, teneri epilepsia, aut catochia, aut melancholia (ijs enim morbis frequenter tenentur) aut alio quouis morbo, putant se iam indicasse, non esse id à Dẽmone: cum his exemplis constet, eos morbos quandoq; fieri à Dẽmone. Neq; vero cum Dominus noster inter mortales ageret, vexabant hominum corpora Dẽmones, ac non etiam nunc vexant. Non enim sancta Ecclesia, quæ

quæ diuino regitur spiritu, vteretur exorcismis, ac crearet quotidie exorcistas, nisi vexarentur nunc quoq; hominum corpora à Dæmonibus. sed & ex his quæ homines fide digni, & verbis, & scriptis testantur, facile indicatur, esse etiam hoc tempore talium malorū causas immundos spiritus. Nam ferunt, horum multos respondere, appositissimè loqui linguis aliqui ignotissimis, vt rusticum & ignoratissimum Latinè, Græcè, aut Chaldaicè: præterea iussos ac coactos ab exorcistis, significationes de se euidentes præbere immundos spiritus, & homines ab eis detentos multa diuinare, & narrare, quæ in remotissimis mundi partibus agantur. quæ sanè constat nullatenus habere posse physicam causam. Verissime enim dictum est illud ab Aristotele, siquid aliud, intellectum hominis non posse aliter intelligere, quam phantasmata intuentem; atq; adeo nihil in eo esse posse, quod prius non fuerit in sensu. Cum igitur anima rustici nullum, ne minimum vnquam conceperit græci sermonis phantasma, vnde possit eius intellectus nunc abstrusissimas phrasas eius idiomatis, haurire? Est certè intellectio, animæ rationalis actio propria, quamq; citra organa corporea potest exercere, vnde & separabilis esse cognoscitur: ea verò, & si per ipsissimā mentem citra organa agatur corporalia, non tamen dum anima in hoc corpore est, citra corporalia phantasmata. Illud enim intelligere, est de vniuersalibus, & à materia seiunctis cogitare: seiunguntur verò à corporalibus phantasmatis, vi intellectus agentis. Quorum ergo nulla vnquam concepta sint phantasmata, nulla potest esse intellectio. Iam verò vt intellectio esse non potest eorum, quorum nulla fuerunt phantasmata, ita neq; recordatio, quorum non fuerit imaginatio; neq; imaginatio, quorum non fuerit sensus. Ergo quæ alibi agantur certo cognoscere nullis potest: per nullam enim internarum potentiarum, cum

talium nullus antecesserit sensus. Dixi verò certo cognoscere, quia temerè, casu quodam aliquid prædicere, aut præcogitare, garrulis euenit, & ijs qui varijs imaginationibus æstuant, vt mare. Scio quosdam Philosophos minus exactos, & qui admirationi magis student quam veritati, censuisse admirandas has vires esse humoris melâcholici, fieriq; posse, atq; adeo solere, vt quidam (in quibus scilicet is succus abundat) loquantur linguis ignotis, diuinent, quin etiam citra contactum moueant aliena corpora, cogant pluuias, excitent procellas, atq; adeo eo vsq; procedunt quidam, vt in nescio qua naturali quarundam animarum præstantia, vim mirabiliora opera efficiendi constituent. Verum ex dictis constat, horum assertiones deuolui ad assertiones illas Platonicas, Intelligentem animam non esse corporis actum, & vt Aristoteles loquitur, entelechiam, sed, assistere vt intelligentiam cælo: Nostrosquè animos sciuisse quidem antea omnia, discere verò nihil aliud esse quam recordari. Ita enim, quandoquidem intelligens anima neq; corpus naturale sit, neq; naturalis corporis actus, non teneatur legibus causæ naturalis, sed possit mouere sine contactu, & quia prius omnia nouerat, possit extra materiâ diuagata, aut quietè agens per somnum subtrahensque sese a sensuum perturbationibus, vt illi philosophantur, per sese scire, quæ à nullo sensuum acceperit. Verù dictas assertiones constat sapientium omnium consensu censerì iam absurdas, & esse dogmatibus ecclesiasticis dissonas. Igitur qui vaticinantur, siue per ea insomnia quæ vocantur diuina, siue vigilantes, & qui ignotis antea loquuntur linguis, ope spiritus cuiuspiâ id faciunt siue boni, siue mali. Cû verò torquere hominû corpora ad immundos potius spiritus spectet, constat eos qui torquentur simul & tale quippiâ faciunt, teneri ab spiritib. immundis atq; spiritus immundos taliû morborum

borū cās esse. Sed quo pacto esse possint dicamus. Dēmon causa
 est externa morborum. Nō enim intra corpus ipsum latenter
 nascitur, sed extrinsecus accedit morbos illaturus, eos igitur
 qui pendent ex materia, non aliter infert, quam alię causę pro-
 cathartice, puta mouendo internas, vt melancholiam mor-
 bum, augendo melancholicum succum, & eum qui inerat
 commouendo, deferendoq; in cerebrum, & internorum
 sensuum sedes vapores nigros. Augere verò potest melan-
 choliam eā quę naturaliter generatur, detinendo ne expur-
 getur; aut quasunque exurentes causas admouendo Epilep-
 siam verò, Apoplexiam, Paraly sim, aut Catochum, deferen-
 do crassos succos, ac per eos cerebri ventres, aut ipsas neruo-
 rum radices obstruendo: Cæcitatem, aut surditatem eodem
 modo, excrementa ad oculos, aut aures aceruando: quam-
 quam hæc duo mala sine interna causa facere per se se possit,
 nervos visorios aut auditorios comprimēdo, quominus per
 eos facultas sentiendi transmittatur; aut cæcitātē quidem,
 humorem aqueū, qui chrystallino oppositus est agitando: sur-
 ditatem, detinendo aerem congenitum (hunc enim existimo
 proprium esse audiendi instrumentum, vt & Aristoteles)
 quominus moueatur. Vt enim nisi humor chrystallinus colo-
 rum fulgoribus intinguatur, agi non potest visio: ita neq; nisi
 internus aer externi excipiat motitationem, auditio. Itaq;
 aqueum humorem tranquillum esse expedit, vt rectè agatur
 visio, & aerē internū agitari, vt auditio. Multa alia mala sunt
 huiusmodi, quę aut per se ipsum possit Dēmon facere, aut
 per internas causas. quapropter ad tollendum ea mala, quę
 per sese faciet, solis exorcismis sit satis vt: ad ea verò quę per
 internas causas, medicinalibus pariter auxilijs vtendum erit.
 Non ergo erit semper satis fugasse Dēmonem, nisi morbum
 etiam cures, (vt neq; satis semper sit ad tollendam febrem
 quam

quam peperit ira aut labor, mitescere, aut quietem agere) neque vnquam satis sit naturalibus instare remedijs, nisi Dæmonem fuges. quò fortasse respiciens Hippocrates in prognostico dixit: Si quid etiam est in morbis diuinum, illius quoque oportet discere prouidentiam. Nimirum refert ad curationem, & ne hoc ignorans, & solum naturalem causam suspicatus, ineptè prædicas. Sed an sint aliqua naturalia remedia, quæ per sese in ipsos Dæmones ferantur, & illis naturaliter aduersentur, dignum est consideratione. Videtur enim consentaneum, in ipsis naturalibus rebus esse quasdam Dæmonibus gratas, quasdam ingratas, & quibusdam allici, quibusdam fugari naturaliter (vt capite septimo, & quindécimo huius libri disputare cæpimus) si quidem inter omnes gentes, qui expiationibus curare morbos huiusmodi tentarunt, res quasdam cauere iusserunt, & quibusdam vsi sunt, idquè diuinitatis ipsius morbi causa dicentes se facere. Nam Hippocrates in illo libello de morbo sacro (nimirum erant etiam inter idolatras qui expiamentis tentarent curare) ita scripsit aduersus expiatores. Cæterùm qui primi (loquitur de epilepsia) hunc morbum sacrum pronunciarunt, tales mihi hi fuisse videntur, quales etiam nunc sunt magi, & expiatores, & circulatores, qui se vehementer pios esse simulant, & amplius quid scire. Hi itaque consilij ac mentis inopis prætexentes diuinitatem, cum nihil haberent quod exhibitum prodesset, vt ne manifesta fieret eorum ignorantia, sacram hanc esse affectionem pronunciarunt, & rationibus idoneis collectis curationem constituerunt sibi ipsis securam, expiamenta offerentes, & incantamenta, & balneis abstinere iubentes, & à cibis multis, velut ex marinis quidem à mulo & melanuro, mugiliquè, ac anguilla: ex carnibus verò à caprina, ceruina, suilla, ac canina: ex volucris autem, à Gallo, ac

Ec turture,

turture, ac otide; ex oleribus à menta, allio, & cepa. pallium præterea nigrum habendum non esse, neque in caprilla pelle decumbendum, neque eandem gestare oportere, neque pedem supra pedem habendum esse, neque manum supra manum. Hæc illo in loco, Ex quibus intelligimus, Magos illos siue expiatores qui inter gentes versabantur, cum morbum diuinum, hoc est, à Dæmone esse censerent, res quasdam interdixisse, vt naturaliter noxias ijs, qui ita laborarent. Quin etiam hoc tempore scimus, multos exorcistas solere suffitu quarumdam rerum vt, vt ipsi dicunt, ad torquendum fugandumque Dæmonem ipsum. Nimirum dicunt, cum molestissimè ferre suffitum cornu caprini, & cuiusuis stercoreis, præcipuè humani, & ruta, ac hypericone (quem ob id fugam Dæmonum appellant) fugari. Sed quod maioris momenti esse videtur, & eius quod propositum est maiorem fidem facere, Tobias iunior suffitu iecoris cuiusdam piscis, iussu Sancti Raphaelis, fugauit Dæmonem, qui septem viros illo priores interfecerat. Videtur itaque his testimonijs effectum, pro ipsomet Dæmone fugando, esse naturalem quandam curationem. Nihilominus vt nuper citatis capitibus indicauimus, si Dæmones penitus sunt incorporei, vt certè sunt, nullam à corporibus naturaliter passionem possunt accipere: sed neque si corporei essent, (nisi etiam essent corruptibiles) voluptate aut dolore affici possent: quia neutrum horum potest esse sine sensu, neque sensus esse potest, nisi cum organis, habentibus communem naturam cum ipsis sensibilibus. Quapropter corruptibilium rerum sensitua, corruptibilia esse corpora necesse est. Nisi igitur Dæmones corporei & corruptibiles sint (quales certè non sunt) neque voluptate neque dolore affici possunt naturaliter ab vlla qualitate corporali. dixi naturaliter, quia prima causa, quam nullis naturæ legibus

legibus teneri in physicis fusius demonstraui, potest corporibus præstare vim attingendi etiam incorporea, ea vero vis non fuerit naturalis, sed superior, ut igni torquendi diabolum & angelos eius, & benedictæ aquæ eisdem fugandi, & ablundi mentes. Huiusmodi quandam virtutem tributam esse hepati illius piscis, quo Tobias usus est crediderim. Aliorum verò quæ proposita sunt, aliæ sunt causæ. A balneis suspicor circulatores illos arcere solitos ægrotantes, quo sublata maxima ac notissima talium morborum curatione, maior expiationibus auctoritas accederet. Nimirum melancholici morbi, quales sunt plerunque quos Dæmon ciet, nullo auxilio magis quam balneo curari solent, atque eo magis quam villo alio medici vtuntur. Tollebant ergo hoc, ut viderentur tollere totam curationem naturalem. Cibos illos omnes interdici ægrotis idoneum erat ob ipsos morbos, quandoquidem ob crassitiem, aut melancholicum substantiæ modum, aut acrimoniam erant noxij. Imponebant verò illi hac in re vulgo, id quod erat naturale ad diuinam causam referentes. Nigro indui pallio, ad melancholicas passionem non est utile: manum habere supra manum, aut pedem supra pedem, otiosi & cogitabundi est, quod etiam melancholicis obest: indui pelle caprina, aut in ea decumbere, proprietate quadam esse noxium epilepticis Tralianus capite proprio tradidit. At vero quod suffitu cornu caprini, & stercoreis torqueatur Dæmon dicunt causam esse, quod contemni se non ferat, cum sit superbissimus. Ego verò existimo, ventum esse illis in eam opinionem quia ut Medici omnes testantur, illarum rerum suffitu epilepsia manifestatur. Itatim ergo ac epilepticus illis suffitur, corripitur paroxismo, aut si paroxismo tenetur, ingrauescit. illi verò putant irritari Dæmonem. Rutam & hypericonem salutes herbas esse ad dictos morbos, res est

apertissima : cuius præcipua causa est, quòd flatus absumunt, atque ita humores sedant, qui magna ex parte flatuum agitatione perturbantur, vt libello de flatibus probat Hippocrates, si modò ipsius est ille liber. Itaque vtuntur quibusdam rebus, quas, (cum ad morbos illos curandos conferant) censent conferre ad fugandos Dæmones: & alijs quibusdam quæ nocent, hac ratione putantes se torquere Dæmonem, cum torqueant potius miseros ægrotantes. Hæc cum ita se habeant, constat ex his omnibus quæ dicta sunt, verisimile esse, plurimos eorum, qui Dæmonis opinione ad exorcistas deferuntur, Dæmonem non habere; sed morbis aliquibus eorum qui dicti sunt, teneri, & præinopia consilij, cum tentatæ sint aliæ curationes antea, neque sufficiant, defferri ad illos, id quod merito ab Hippocrate libro de morbo sacro reprehenditur: esse tamen etiam aliquos, quibus talium morborum causa est Dæmon, illisque curationem naturalem non esse satis, conferre tamen, non ob ipsos Dæmones per se, sed ob morbos ipsos, aut eorum symptomata, aut internas causas, quas Dæmon ciet. Exemplo est Saul, qui cum à Dæmone torqueretur suauitate Dauidicæ cytharæ delinitus mitius ferebat, nimirum, vt melancholico occupatus morbo. Neque enim est quòd quisquam sibi persuadeat, Dæmonem esse qui musicæ suauitate captus mitesceret, atque adeo illum torquere sineret. Hoc enim refutatum iam antea est, disputatumque de ea re aduersus quosdam Platonicos capite. 16. huius operis, in explicatione cap. 2. Leuitici quod bis iam citauimus. Solum fortasse superest, quod hoc loco quispiam dubitet, qua ratione fiat, si Dæmones nihil habent commune cum vlllo corpore, vt melancholicos homines magna ex parte inuadant, aut melancholicos ipsi morbos inferant. Mihi quidem videtur ad eorum nequitiam referendum, non ad naturam: nimirum

melan-

melancholicus succus, maxime omnium paratus est in insaniam & desperationem adigere, quæ illi nequam maxime exoptant.

CAPVT VIGESIMVMNONVM.

IBR O tertio Regum capite primo ita habetur. Et rex David senuerat, habebatque ætatis plurimos dies, cum operiretur vestibus non calefiebat. dixerunt ergo ei serui sui, quæramus domino nostro regi adolescentulam virginem, & stet coram rege, & foueat eum, dormiatque in sinu tuo, & calefaciat dominum nostrum regem. Quæsierunt igitur adolescentulam speciosam in omnibus finibus Israel, & inuenerunt Abisag Sunamitidem, & adduxerunt eam ad regem. erat autem puella pulchra nimis, dormiebatque cum rege, & ministrabat ei. rex verò non cognouit eam.

Cum quis satis vestibus operiatur non calefieri, naturalis caloris defectum significat, quia vestes non calefaciunt calore proprio, quo actu fiat, vt ignis, neque quo potentia vt medicamenta, sed solum retentione, ac quodam repercussu caloris nostri: nimirum nostri caloris vi, expirat semper vaporosum quiddam ac calidum ex nostris corporibus, quod vocat Galenus calidum effluuium. illud vestes detinent, ac circa nostram cutem geminatum, faciunt sistere, atq; ita calefaciunt; præterquam quòd externū frigus arcent, vt & domus parietes, & tecta. Cum igitur corpus non calefcit vestibus, nō potest alia esse causa, quàm quòd non est calidum effluuium, atq; eo magis, quòd externum frigus semper arcent, vtrumq; habeat corpus. Igitur si ne sic quidē calefcit, cōstat corpus esse valde frigidum, ac nihil, aut quam minimum calidi spirare.

Vt autem

Ut autem hoc eueniat duplex potest esse causa, aut enim ipsum innatum calidum affectum est, ut per magnum rigorem euenit, etiam valde calido iuueni, aut per sese est tenue & exiguum. in sene verò, neque rigore neque horrore occupato, neque alia vlla passione præter naturam, constat ab exiguitate & tenuitate caloris naturalis, quæ ipsius extremæ senectutis comes naturaliter est, nasci. cum vero David tanta caloris naturalis penuria laboraret, nullum salubrius consilium excogitari potuit, quàm quod serui eius cæperunt, quærentes virgunculam formosam, quæ in sinu eius dormiret. videbanturque legisse Galenum libro septimo Methodi, vbi imbecillitatem frigidi cum siccitate ventris curans, inquit, Ex ijs verò quæ ventri extrinsecus applicantur, boni habitus puellus vnâ sit accubans, ut semper abdomen eius contingat. Multo itaque melius illi consuluerunt, quàm si cum magna vestium mole onerassent, aut multo igne lectum concalefecissent, aut inuoluissent senem totum linteis igne concalefactis, aut oleis calidis inunxissent, aut etiam sinapismis aut rubrificantibus; ac multo magis, quàm si vino meraciori ingurgitauissent: quia nullus calor naturali nostro magis conformis, aut esse, aut excogitari potest, quàm qui feruet in pueruli aut adolescentulæ corpore: nimirum humanus ille est, & ob ætatem vigens. Itaque perinde est ac si senili corpori puerilem calorem manu admoueas, cuius solum defectu illud laborabat. nulla ratione potius videaris tribuere illi quod deest. Verum hoc ut apertius indicemus, quid intersit calorem simpliciter dicas, an naturalem calorem, oportet explicare. Nam Stoici (ut apud Ciceronem libro secundo de natura Deorum videre est) censuerunt (quorum etiam sententiam hac in parte multi secuti sunt) ut duplex à Platonicis ignis statuitur, cælestis & elementaris, ita etiam esse in rebus duplicem calorem,

calorem, alium quidem cœlestem vt solarem, qui omnia generet, foueat, & ducat incrementum alium igneum, qui omnia dissipet atque absumat. Atque in primo quidem genere esse calorem naturalem rerum omnium viuentium, in altero calorem ignis quo vtimur. Solis enim calore foueri terram, & fruges omnes tum nasci, tum duci ad incrementum, igne verò admoto consumi omnia ita calore nostro ac naturali; coctiones omnes agi generarique, ac nutrirī omnes in nobis partes; alieno verò & præter naturam, vt febrili, ad rabem deduci esseque hos calores, (quandoquidem adeo efficiant contraria) longe diuersos, alterum quidem natura cœlestem, alterum elementarem. Ego vero cœlestem calorem nullum esse existimo, nisi est etiam frigus aliquod cœleste, quod nullus ponit. Omni enim calori frigus contrarium est: neque minus admota niue refrigerantur, quæ à Sole quàm quæ ab igne sunt concalescunt. Quod si non minus solari quàm igneo contrarium frigus est, nisi illi idem est calor, frigus duo habet contraria: sin autem alterum frigus etiam est, idque cœleste, certè cœlum non minus sit corruptibile quàm aer, cum contrariorum sit capax, & vtrumuis secundum naturam habeat, alterum præter naturam pati possit. Non igitur est calor vllus cœlestis, sed vt omne frigus ex elementis est, ita & calor omnis. quin potius hæc est ratio cœlestis ignis, quòd lucidus sine calore est. Itaque cum ignis statuatur duplex, lux communis vtrique est, differentia verò in calore & eius vacuitate. Atqui profecto calor quem Sol infert, ad elementarem ignem refertur (vt alijs locis diximus) qui splendoris analogia alleclus, cum Sole circumfertur. Nam præter dicta, si calor naturalis non est igneus, sed à cœlo tributus, omnis calor naturalis talis etiam sit, neque solum humanus, sed & qui omnium animalium; neque horum solum,

sed &

sed & omnium stirpium; neque certè harum solum; sed & omnium quæ suo calore seruantur, & admoto igne corrumpi possunt, cuiusmodi esse videmus succos omnes, vt lac, vinum, mel, oleum, florum omnium ac herbarum succos, siue destillatione, siue compressione extractos. Quod enim horum non corrumpitur, cum proprius calor tabescit? aut non potest admoto igne penitus absumi? Igitur his quoque est calor cœlestis, quandoquidem ab eo seruantur, cum corrumpi possint ab externo, atque adeo tanto citius, quanto habent proprii minus. Vinum enim natura robustum & calidum sustinet magnum aëris calorem sine corruptione; frigidum vero & languidum vel à repente aëre vertitur in acetum. Quod si inanima & fluentia habent cœlestem calorem, cur non & solida, vt metalla, & gemmæ, ac denique quaeunque vi frigoris & caloris possunt deduci ad interitum? si enim vi frigoris interire possunt, proprii caloris retentione seruantur: si autem seruantur proprio, & corrumpuntur alieno calore, proprium habent à cœlo: hæc enim erat causa, qua naturalis cœlestis statuebatur. At verò vt vi frigoris & caloris intereant, necesse est accidat omnibus quæ concreta sunt ex vocatis elementis. Nam quod calidi & frigidi con-
temperatione constat, vtriusque excessu necesse est interire, quia mediocritatem vterque excessus corrumpit. Fit igitur ex dictis, vt rerum omnium concretarum naturalis calor sit cœlestis. Vnde rursus fit, vt ignis elementum non sit, siquidem in mistis non seruetur virtus eius, quæ enim nisi calor? quod si ignem è numero elementorum tollis, necesse est tollas & aquam, alioqui mistio non fiet, sed corruptio, quia erant duo frigida, aqua scilicet & terra contra vnum calorem aëris; & duo humida, aqua scilicet & aër contra vnam siccitatem terræ: non ergo erit mediocritas, neque attemperatio.

Quod

Quod si aquam tollis quoque, necesse est tollas omnia, quia terra & aër non sunt bene miscibilia sine crassa aquæ humiditate. Necesse est igitur calorem proprium rerum omnium igneum esse, aut elementa, & mixtionem è rebus penitus tolli, ac longè aliter de natura rerum statuere, atque hæcenus ab omnibus Philosophis qui in pretio fuerunt. Quæ igitur est differentia caloris naturalis, & præter naturam, si uterque est elementaris? certè quæ frigoris naturalis & præter naturam: ita etiam & humiditatis & siccitatis, quòd scilicet proprius est aut alienus, estque cuiuscumque rei proprius calor, qui secundum naturalem eius mixtionem moderatus est, qui mediocritatem excessit, iam est alienus. Atqui calor internus rei, ab exterius accedente quoque aliquando corrumpitur, aliquando iuuatur: Atque ut iuuetur facit similitudo duplex: altera quæ in eius intensione est, ut scilicet non valde excedat, altera quæ in subiecto, ut scilicet similis sit substantia corporis quod admouetur. Si enim aridioris, aut humidioris admodum substantiæ est, & si non superet intensione, alter vret, alter putrefaciet: utraque ergo ratione fit, ut nihil utilius possit admoueri quibus calor naturalis extinctus pene est, quàm corpusculum pueruli aut iuenculæ calidioris. Nam is calor in substantia est simillima, & nisi eueniat febricitare, humani caloris gradum non superat. Neque quidem præter rem erat speciosam quæri, quandoquidem iucundiores fierent ita amplexus, abessetque omne redium, atque ita foueretur magis senex: non aliter ac eliguntur suauiores cibi, ac medicamenta minimè insuauia, ne venter respuat. Quod si frigidum iam senem multis vestibus obruas, onerabis quidem plus, calefacies verò nihilo magis: quia vestes parum calefaciunt, nisi sit internus calor quem cohibeant. Si verò linteis calidis inuoluas, aut lectum ipsum admoto calefacias

Ff igne:

igne: primum quidem is calor cum siccior sit, siccitatem auget senilem, & calorem alioqui exiguum dissipat: deinde cum is calor præter naturam insit ipsis linteis, cito deficit, simulque cum illis refrigeratur rursum corpus: si verò oleis calidioribus, aut alijs medicaminibus admotis velis calfacere, nec sic quidem proficies multum, quia medicamenta profunt quatenus ab ipso naturali ac proprio nobis calore deducuntur ad actum: id verò nisi calor possit, medicamenta nihil efficiunt, aut etiam refrigerant. Quod si multa affricatione, aut igne fiant actu calida, eadem ac maiora afferrent incommoda, quæ & calefacti ad ignem lintei. Iam verò nihil arbitror stultius, quàm senibus caloris augendi gratia, vinum abundanter, meracum præcipuè indulgere. Quanto enim vinum calidius est per sese, tanto maiori ventris ac viscerum omnium calore opus est ut superetur alioqui à minori acescit, crudumque succum auget, unde & calorem naturalem suffocat, & morbos innumeros parit, ac mortem properat: Quare vinum esse lac senum, non valde probō; cenſeo potius senibus sensim esse dandum dilutius, vsque dum in extremo senio constitutis toto vino detracto, detur pro eo mulsa aut de cocta aqua. fatius enim est permittere calori naturali sensim venire ad naturalem interitum, quàm vino obruere, & senectam facere miserabiliorem, & breuiorem. Recte itaque procuratus calor est Dauidi seni: quod præcipue ea in ætate effectum est, quæ non potuerit virginem agnoscere: alioquin multo magis læssisset congressus, quàm contulisset admotio.

CAPVT TRIGESIMVM.



IBRO quarto, regum capite 3. dicit Eli-
seus Propheta. Nunc autem adducite
mihi psalterem : cumque caneret psalter
facta est super eum manus Domini, &
ait. Hæc dicit Dominus, facite alueum
torrentis &c.

Itaque facta super eum manus Domi-
ni, hoc est correptus seu afflatus diuino spiritu, vaticinatus
est. Id verò vt fieret, postulauit adduci sibi psalterem, ad cu-
ius cantum facta est super eum manus Domini. Quæ sanè
verba magnam habent contemplationem. Si enim cantus
& musicus concentus vim quampiam habent ad vaticinan-
dum, ipsa vaticinatio naturalis est, hoc est ex naturalibus pro-
cedens causis. Nam concentus, naturalis quædam est causa.
Videntur itaque spiritus vaticinij naturaliter allici concentu,
aut anima per cantum naturaliter ad vaticinandum disponi.
Quod sanè ita esse, Quintus frater in primo libro de Diuina-
tione Ciceronis, ex sententia grauissimorum Philosophorum
quam eo loco tutabatur, ijs verbis asseruit. Ergo & ij quo-
rum animi spretis corporibus euolant, atque excurrunt fo-
ras ardore aliquo inflammati, atque incitati, cernunt illa pro-
fecto quæ vaticinantes pronunciant, multisque rebus inflam-
mantur tales animi qui corporibus inherent, vt ij qui sono
quodam vocum, & Phrigijs cantibus incitantur. Illaximi er-
go momenti fuerit, rigidissime examinare vt habeat hæc res,
atque adeo rotam de diuinatione doctrinam; quandoquidem
maxima sacrorum librorum pars prophetia constat. quod
maximum est fidei nostre firmamentum, iuxta illud 2. Petr. 1..

Habemus firmiorem propheticum sermonem, cui benefactis attendentes. Si vero vaticinandi vis naturaliter hominibus accideret, qua ratione fidei, quæ de super naturalibus habetur, argumentum esse posset? Vniuersum de diuinatione plurimum disputatum est à veteribus Philosophis, Stoicis asserentibus esse re vera omnia ea diuinationum genera, quibus gentes omnes utebantur, adeo ut neque auspicia, auguria, neque sortes, neque iudiciariam astrologiam, quam scientiam Chaldeorum vocabant repellerent. Epicurei ea omnia deridebant, putabantque esse imposturas quasdam, per credulitatem, & timiditatem hominum inuentas. Diogenes à quo fluxerunt Cynici, cum intueretur vitæ gubernatores, medicos, atque philosophos, dicebat animalium omnium sapientissimum hominem esse: cum autem inspiceret somniorum interpretes, coniectores, & vates, & huiusmodi, dicebat nihil se stultius existimare homine. Itaque & Cynici deridebant hæc omnia. Peripatetici quædam negabant, quædam asserebant. Quod ut apertius exponamus, ab ea partitione incipiemus, qua Cicero utitur in libris de Diuinatione. Omnia diuinationum genera, quibus homines uti tentauerunt ad duo redigantur: vnum quod ad artem quampiam videtur pertinere, alterum quod arte caret, videturque potius constare natura. In primo genere sunt auguria, & auspicia; & observationes portentorum, & astrologia iudiciaria, & missiones sortium, & prognostica medicinæ, & physionomia, cuius chyromantia pars est. In secundo genere sunt insomnia, vatum furores, & oracula, & Pythonum ex ventre responsa, & omnis necromantia. Rursum horum quæ in secundo genere continentur, quædam extrinsecus petuntur, ut oracula, & pythonum, & mortuorum responsa: quædam in ipsa nostra anima esse videntur, ut

tur, vt infomnia, & furores vaturn. Porro ipsi somniantes aut furentes, vocantur Platonī Vates; qui verò interpretantur, vocantur Prophetæ, itaque vates non intelligere quæ dicunt: prophetas verò exponere quæ dicunt vates; quamquam in sacris libris hic nominum vsus non ita obseruatur, siquidem Cayphas dicitur prophetasse, cum nesciret quid diceret. Ergo nos quoque nunc indistinctè vocamus, siue vaticinari, siue prophetare, præsentire, aut prædicere quæ futura sunt. Stoici vt dicere cepi, nihil horum repellebant, sed omnium gentium hac in parte credulitati fauentes, censebant & auspicia, & auguria, & portenta, & scientiam magorum, & sortes, aliquid continere in sese certi & firmi, atque adeo vanum non esse eis vti, & auspicato quiduis aggredi, quod in vita esset magni momenti, aut inire prælium, vxorem ducere, aut aliud quiduis facere: Itaque non nisi præter rationem dimitti posse, contemplationem dextri & sinistri volatus auium, lugubris, aut hilaris cantus, & extorum in sacrificijs. Præter hæc etiam, esse vim quandam quibusdam hominibus, & in quibusdam locis vaticinandi, nunc dormientibus, nunc furore percitis: esse quoque Deorum de futuris rebus responsa. Primum quidem argumentum, & quod vniuersim de omnibus concludebatur, accipiebant ex communi omnium gentium consensu, qui (vt alibi dicit Cicero) lex est naturæ. Vix autem reperiri poterat gens vlla, ad quam Romanorum nomen peruenisset, quæ non haberet eas omnes prædicendi artes, & apud quam non narrarentur fuisse vlla vaticinia. De singulis vero ita argumentabantur, (eligam quæ videntur firmissima) primum quidem auspices, augures, & portentorum, & astrorum obseruatores, & sacerdotes qui considerabant exta, non temere proferebant quidquam; neque nisi consideratis quibusdam signis, vtentesque quibusdam

quibusdam artibus, non aliter ac medici consideratis in facie, & spiritu, & decubitu notis, prædicunt hunc moriturum, victurum illum: atque agricolæ consideratis volatu auicularum, & ranarum cantu, & grunitu suum, præsentiant pluuiam: & nautæ, piscium consideratis saltibus, & maris colore, instantem procellam. Vt ergo nemo est qui hæc præfensionum genera vt naturalia non recipiat, ita nemo esse debet qui illa repellat. Nihil enim videtur interesse, præterquam quod eorum causæ videntur ignorari. Si verò (inquiunt) experimento res constat, vt omnium gentium videtur vsu probari, etsi ignoretur causa, non est detrahenda fides, sed censendum omnino esse aliquam, quia nihil sine causa fit. Iam verò diuinationem illam aliam, quæ verius diuinationo dicitur, quæque sine vlla arte intra nos esse videtur, dormientes, aut furentes, asseritur exemplis multis. quia præter vetera quæ narrantur quàm plurima, vix vllus incidet in hanc lectionem, qui non audiuerit multa ad hanc rem pertinentia. Post exempla verò addebat Cratippus hoc argumentum, quod sibi persuadebat esse firmissimum. Quodcunque animal vel semel in tota vita vidit cælum, aut omnino colorem, fulgoremve aliquem, etiam si centies millies videre nequiuerit, aut videndo deerrauerit, necesse est habeat vim facultatemque cernendi: nam quod ea omnino orbatum est, nunquàm videre poterit. Ergo & quicunque homo, vel semel præsenferit diuinaueritque futura, etiam si errauerit ea in re pluries, habet in sese facultatem diuinandi. At verò nemo neget plurimos somniasse aliquando, aut etiam vigilantes dixisse res futuras, quæ verè consequutæ sunt. Porro (dicunt) vt naturaliter tributa est animæ vis quædam sentiendi præsentia, quæ dicitur sensus, & alia sentiendi præterita, quæ est memoria, ita oportet tributam esse

esse aliam futurorum, puta vim diuinandi. Collocant itaque sensum, & imaginationem, quæ sine sensu temporis est, inter memoriam & diuinationem. His argumentis, & alijs multis (quæ vt minus naturalia sciens prætermitto) affirmabant esse in humanis mentibus vim quandam diuinandi, quæ plerumque langueret, nonnunquam verò excitaretur vehementer, aut calore quodam intrinsecus excitato, vel vehemente motu, vel viño, vel flatu aliquo diuino talem habente naturam, eumque vel ex terræ quibusdam locis non continenter, sed temporibus quibusdam exhalare, ac sese, non in omnes, sed in natura magis paratas mentes inserere, illisque diuinationis, velut quædam, citra eum calorem vel flatum, obturata foramina referare: ab eius quoque facultatis usu mentem, præsentia rerum externarum, inter quas versamur semper, interturbari, proinde tunc maxime posse, cum externis relictis rebus per se mouetur, vt in somnis, aut cum eleuata est, vt cum musico concentu detinetur. Licet tibi hæc legere, vt multis alijs in locis, ita apud Plutharcum libello de defectu oraculorum; Quibus plurimum videtur adstipulari factum Elisei, siquidem petiisse adduci sibi psalterem, vt vaticinaretur. Epicurei omnia diuinandi genera deridebant, censentes nihil eorum quæ omnino non sint sciri posse, futurorum verò nullum esse adhuc. sed quoniam neque præterita iam sunt, melius videtur ratio hæc ita concludi posse. Quæ neque sunt neque fuerunt vnquam, nullo modo sciri possunt; Nam neque per se vt quæ actus sunt, neque per sui species, ac velut vestigia quæ reliquerint, vt quæ præterierunt: nulla est igitur diuinandi ratio. Censebant ergo, eorum quæ præcognita prædictaue per quodvis diuinationis genus esse narrantur, plurima esse vulgi ineptias, aut sacerdotum imposturas: impenitæ

vero

vero multitudinì, prætextu pietatis & religionis facile persuaderi: nonnulla casu euenire, vt scilicet euenire potuit aliud quiduis. Neque enim necessariò non euenit quod prædictum est, sed & cum non euenit, potuit euenire. Peripatetici, vt Cicero refert, omne id genus diuinationum, quod artis alicuius erat particeps, tollebant, vt Epicurei; id verò quod arte caret, vt diuinationem dormientium, & furentium, & eorum qui morti proximi sunt, concedebant vt & Stoici. Plato, vtrumque mihi videtur recepisse, alterius vero causam reiecis-
 se in Dæmones, alterius in naturam. Nam in conui-
 uio siue de Amore, differens de natura Dæmonum, quos inter homines & Deos censet intercedere, inquit. Per hanc vaticinium omne sacerdotumque diligentia circa sacrificia, expiationesque, & incantationes, & diuinatio omnis, atque magica. Idem in dialogo de Natura vaticinium statuit in iecore, censens scilicet diuinandi vim tributam esse homini-
 bus à natura, & ea vi tunc maxime eos vtì, cum minime vtì possunt prudentia: sunt verò eius hæc verba. Quod autem dementiæ humanæ Deus diuinandi vim dederit, illud argu-
 mento esse potest, quòd nemo dum sanæ mentis est, diuinum & verum vaticinium vllum assequitur, sed cum vel somno prudentis vis præpedita est, vel oppressa morbo, vel diuino ali-
 quo raptu à sua sede dimota fieri diuinatio solet. In Apologia idem Plato Socratis nomine, dicit eos qui proximi sunt morti solere diuinare. Pythagoram narrat Laërtius diuinatione per auguria esse vsum, & inter symbola scripsisse, diuinationem omnem honora. Aristoteles quoque sectione. 30. proble-
 matum, causas quibus Sibillæ & bachantes, & vates fiunt, rejcit in calorem quem in mentis sede ciet atra bilis, eius verò sunt hæc verba. Multi etiam propterea quòd ille calor sedi mentis in vicino est, morbis vesaniæ implicantur, &
 lymphatici

lymphatici fiunt; unde Sibillæ, & bacchantes, & diuino spiritu afflati fiunt, cum non morbo, sed temperie naturali fiunt. Ex his verbis constat, Aristotelem censere, vel saltem eo loco affirmare (nam, vt hoc obiter dicam, eius viri sententia propria male petitur ex problemmatibus, quia in eorum dissolutione sæpe vitur alienis placitis) esse in hominum mentibus naturalem facultatem futura præsentendi; eam verò incitari calore, in quibusdam quidem morbofo, eosque dici maniacos, phremeticos, aut lymphaticos: in alijs verò naturali, quòd scilicet atra bile, eaque calida, naturaliter iuxta mentis sedem, hoc est in cerebro abundant, eaque causa fieri Sibillas, & vates, atque adeo prophetas. sed & in libro de mundo ad Alexandrum, extant hæc Aristotelis verba, quæ plurimum dictis de naturali diuinatione videntur fauere. Atque etiam per multa spirituum genera plerisque in locis terre ostia patefacta sunt, quorum quidem spirituum alij aduentantes instigant, alij in ediam tolerare faciunt, & alij vaticinari, vt in Delphis & in Lebadia. Itaque constat philosophos omnes, præter Epicureos, qui non adeo sunt à multis existimati sapientes, censuisse esse aliquam diuinandi facultatem, hominum mentibus insitam naturaliter, etiamsi ea facultas non nisi in raris quibusdam esset conspicua. Nam etsi de artibus illis diuinatorijs, aruspicum scilicet, & augurum, fortilegorum, Chaldeorum, & magorum, & sacerdotum, & similibus dissentirent, alijs has quoque habere aliquid naturale putantibus, alijs esse vanas prorsus, & nihil habere certi, retineri verò propter mores patrios, ne tollantur simul leges, Platone asserente ea quoque diuinandi genera, non tamen naturales habere causas, sed fieri Dæmonum interuentu; tamen de ea diuinatione, quæ citra omnem artem in nobis ipsis sita esse videtur, quales Sibyllarum, prophetarum,

& somniantium, omnes præter dictos, consentiebant, naturaliter esse in ipsis nostrum mentibus. Ex sacris eloquijs dubitare merito posses, quam sententiam colligas. Nam capite 23. Numerorum, Balaam afflatus diuino spiritu, & laudes populi Israelitici commemorans: inquit, Non est augurium in Iacob, nec diuinatione in Israel: itaque quasi augurium, & diuinatione omnis sint vana, aut malorum Dæmonum interuentu fiant, dicit, non esse horum quippiam inter fideles. Hanc ob causam Saul, dum bonum ageret coram Deo, erasit e terra Israel magos, & ariolos, & habentes pythones in ventre interfecit. Itaque omnes qui utebantur artibus diuinatorijs, aut magos & ariolos e terra relegauit: admittentes verò malos Dæmones intra sese, interfecit. Hæc itaque omnia partim sunt censenda vana, partim praua, quod partim sint imposturæ, partim agantur interuentu malorum Dæmonum. quod idem vel ex nostris legibus constare potest, quibus impostores omnes, qui utcumque diuinationem profitentur, relegari iubentur: videntes autem diaboli opera, vel comburi, iuxta id arbitror quod Saul initio sui regni fecisse narratur. capite 28. primi Regum. Itaque videtur omnis diuinatione populo Dei esse interdicta. Alia tamen ex parte videri possint, non minus, sed plus etiam quam gentes vsi omni genere diuinationis. Nam in secundo genere (vt ab hoc nunc incipiam) esse videntur visiones omnes prophetarum & prædictiones, quæ non semper & utcumque, sed afflatis numine quibusdam occasionibus fiebant, velut cum Sauli obuius fieret cuneus prophetarum, insiluit super eum spiritus Domini; & prophetauit in medio eorum: itaque velut furens repente se coniecit medium inter prophetas, prophetauitque cum illis; cuius rei nouitas prouerbium peperit, Saul inter prophetas, vt narratur capite decimo primi.

primi Regum. Elifeus loco citato ad cantum psaltis propheta-
tare cepit. In hoc genere etiam erant somnia, & somnio-
rum interpretationes, Ioseph, & Danielis: In primo genere
esse videbantur missiones sortium, quæ quàm maximè viden-
tur probari in sacris, si quidem 16. prouerbiorum dicitur,
sortes mittuntur in sinum sed à Deo temperantur. Iosue vt
capite septimo suæ historiæ habetur, mittens sortes primum
per tribus, deinde per domos, postremo per singulos, repe-
tit Acham filium Caim, esse anathema. Diuus quoque
Mathias electus est in apostolatam missis sortibus inter eum
& Ioseph: vt narratur capite primo actuum Apostolorum
Augurio videtur etiam vsus Elifeus, qui lethali ter iam ægro-
tans, prophetauit Ioë regi Israel, fore vt vinceret Syriam ter,
eo quod terram iaculo ter percussisset: si autem pluries percu-
ssisset, fuisse deuicturum eam vsque ad consumationem.
Itaque ex numero iaculationum videtur præsensisse nume-
rum victoriarum; non aliter ac Calchas Agamennoni narra-
tur, ex numero passerum prædixisse numerum annorum
belli Troiani. Sed & quadagesimo quarto capite Geneseos
scriptum est, Iosephum solitum esse augurari in scypho, in
quo bibebat: atque adeo ipsemet dixit, An ignoratis, quòd
non sit similis mei in augurandi scientia? Necromantie
etiam exemplum esse videtur in sacris, Nam Saul, cum con-
sultus Deus ei non responderet, neque per somnia, neque
per sacerdotes, neque per prophetas, curauit vt Pythonisa
sibi suscitaret Samuelem, quem consuleret. Obseruationis
etiam auium, & inspectionis extorum, formam videtur præ-
se ferre, illud quod Deo imperante fecit Abrahamus quod
narratur capite 13. Geneseos his verbis. Et respondens
Dominus, Sume inquit, mihi vaccam triennem, & capram
trium, & arietem annorum trium, turturem quoque &

columbam. qui tollens vniuersa hæc, diuisit eā per medium, & vtrasq; partes contra se altrinsecus posuit, aues autem non diuisit: descenderuntq; volucres super cadauera, & abigebat eas Abraham, cumq; Sol occumberet, sopor irruit super Abrahā, & horror magnus & tenebrosus inualit eum, dictumq; est ad eum. scito prænosce ens, quod peregrinum futurum sit semen tuum in terra non sua. &c. Videtur sanè in hoc oraculo, & inspectionem extorum fuisse, siquidem diuisit per medium tria illa animalia, & eorū partes contra se altrinsecus posuit, auium quoq; habitam rationem, siquidem descenderunt super cadauera: porrò accessisse diuinationē ex insomnio, siquidem post soporem dictum est ei, quod semini eius erat euenturum. Arti quoq; Chaldeorum, hoc est astrologiæ iudiciariæ, fauere videtur illud, quod capite quinto libri Iudicum scriptū est, De cœlo dimicatum est contra eos, stellę manētes in ordine, & cursu suo aduersus Sisaram pugnaverunt. Si enim ob infelicem stellarum in cœlo manentium ordinem Sisara deuicta est, potuit certè præuiso eo stellarum ordine suam calamitatem præsentire. Sed & chymatici habent in sacris, quo se tueantur: siquidem capite 37. libri Iob ita habetur. Qui in manu omnium hominū signat, vt nouerint singuli opera sua. Iam verò oraculis nulli homines videntur magis vti quàm Israelitæ. Nam David consuluit Deum capite quinto libri primi Regum. Si ascendā contra Philistęos & tradas eos in manus meas? qui respondit, non ascendas contra eos, sed gira post tergū eorum, & venies ad eos ex aduerso pirorum. Consulebant etiam per prophetas. nam capite 18. secundi Paralipomenon, dixit Ioiaphat ad regē Israel, Consule obsecro in presentiarum sermonem Dñi. Congregauit ergo rex Israel prophetarū quadringētos viros, & dixit ad eos. In Rhamoth Galaat, ad bellandum ire debemus, an quiescere? postea horū responso non contētus, accersiri iussit

Micheam.

Micheã. Quæ igitur diuinatione nõ erat in Israel? Certæ primæ de diuinatione quæstioni, An scilicet sit vlla diuinatione, nullus locus relictus est. Est enim re vera diuinatione aliqua, vsique ea sunt non tantum populus Dei, sed & aliæ gentes. nam vt fuerunt prophetæ inter Hebræos, fuerunt & inter Græcos, & Latinos Sibillæ, & Balaam prophetauit inter gentes, & responsa accipiebant Idololatræ à suis Dijs. nam præterquàm quòd nimis esset proteruū, negare omnia quæ de Ammone Ioue, & Delphicò Apolline celebrauit antiquitas, rex Ochozias misit nuncios ad Belzebub Deum Acharon consulendum de sua salute, quasi scilicet ad respondere solitum. Quapropter facesset stulta Epicureorum derisio, qui omnia siue de sacrificiorū inspectione, siue de diuinatione ex insomnijs, siue de vatibus, siue de prophetis, siue de oraculis, ac prorsus de quouis diuinationis genere, vbi terrarū esse dicebantur, censebant esse meras nugas, ac non solus non esse vllam diuinationem naturalem, sed ne esse quidem: qui hac vna causa mihi videntur laudandi, quod scirent, quid ex suis placitis esset consequēs. Nam illi nullam vim naturalem diuinandi esse censescentes, cum & nullos Deos qui rebus humanis prospicerent esse putarent, sed (vt rectè Cicero intelligit) per derisum dicerent, eos esse imagines quasdam per aërem vagantes, non poterant vllam diuinationem recipere. Nos ergo quibus ex tam multis testimonijs doctissimorum ac grauissimorum auctorum, ac quod firmissimā fidem facit, scripturæ sacre, cõstat esse re vera, fuisseque semper inter mortales futurarum rerum præsentiones, disputandum est, quæ diuinatione sit (posita enim sunt plurima illius genera) atque quæcunque esse probetur, quam habeat causam, an naturalem, an diuinam. Disputetur primū quidem vniuersim, deinde per singula genera, hinc sumpto initio. Quicunque futura tentant prædicere, aut ex consideratione causarum,

causarum, signorumve procedunt, aut non, sed sine ullis signis aut argumentis, quasi res ipsas per se videant id faciunt: illud pertinet ad coniecturam, hoc ad diuinationem. Rursum, coniecturarum quædam sunt coniunctæ cum vera prudentia, quædam sunt vanæ, vt, scilicet ipsæ, siue causæ, siue notæ, ex quibus ratiocinatur. sunt vt coniecturæ quibus, imperator in bello, & ciuilis vtitur in administranda republica, & medicus in curandis morbis, & nauta in soluenda à portu aut retinenda naui, & agricola in mittendis seminibus, coniunctæ sunt cum prudentia, quia cum naturali ratione, aut diuturna experientia, rerum secundum naturam contingentium. Quibus verò vtuntur Auspices, aut augures, aut extorum inspectores, aut pullarij, aut obseruatores portentorum, vt videtur plerisque, vanæ sunt. Neque in volatu auium, neque in extis hostiarum, neque in pastu pullorum, neque in casu contingentibus portentis, videtur posse esse vlla naturalis significatio exitus bellorum, aut vitæ, mortisve principium, aut eiusmodi aliarum rerum, quarum gratia hæc obseruabantur. Diuinatio propriè vocata, aut vaticinatio, aut prophetia, nulla esse potest (quidquid grauissimi illi Philosophi dicant) merè naturalis; cur dicam merè explicabo postea. Nam qui diuinat, aut tunc primum illud didicit, aut antea quoque sciebat, non animaduertenter tamen: tunc quidem discere non potuit, quia cum non didicerit colligens ex præexistenti aliqua cognitione causarum, aut signorum, aut cuiuspiam corporalis passionis quam acceperit, neque omnino collegerit ratiocinando ex alijs assertionibus (id enim non diuinare, sed vt diximus coniectare esset) oportet ex ipsius obiecti præsentia scientiam comparauerit: at verò quod neque est omnino, neque fuit, non potest esse præsens obiectiuè: igitur superest, vt qui diuinat,

cuius

eius quod diuinat notitiam semper apud se habuerit: id vero nulli finitæ facultatis menti contingere potest. Neque igitur vlla potest esse naturalis diuinatio. Nam facultas diuinandi si quæ est, non est quorundam, ita vt aliorum non sit; neq; futurorum quædam diuinari possunt, quædam non possunt: sed ea facultas erit per sese omnium futurorum, vt memoria est per se omnium præteritorum, & quantum in ea agitur, quidquid futurum est diuinari possit. Necesse est ergo, si quæ diuinandi facultas naturaliter inest humanæ menti, in ea esse rerum omnium futurarum species, & notitiam. Quoniam vero præsentia omnia & præterita aliquando fuerunt futura, tuncque pertinuerunt ad diuinandi facultatem, necesse est ea quoque sint in anima quæ eam habeat potentiam: ergo necesse est habeat humana mens in sese species & notitiam rerum omnium, præsentium, præteritarum, & futurarum: id verò fieri non potest, neque per infusas rerum species, neque per participationem idearum, neque aliter, cum sit finitæ ac certæ virtutis. Nam vt qui non est potentiæ infinitæ, non potest omnia facere, ita neque qui non est infinitæ sapientiæ, potest omnia scire: sit ergo, vt non possit esse in homine vlla naturalis facultas diuinandi. Ponere enim calorem quendam, siue bilis atræ, siue flatus cuiuspiam, auræve talis, quæ incitando mentem instiget ad diuinationem, nisi prius explices, qua ratione possit mens ipsa diuinare, an euoluendo quas in se habet notitias, an recipiendo quæ accedant extrinsecus, inutile est. Si enim ipsa diuinatio esse non potest, neque vlla sit in mente diuinandi vis; ea vero si non est, calorem vel afflatum ponere, vt diuinetur, perinde est ac si quis putet hominem naturæ cæcum, cuiusdam splendoris accessione posse videre. Quidam neoterici hoc argumentum sibi videntur effugere, ponentes

ponentes humanam mentem per se, ac nisi corporeis impedimentis teneretur, omnisciam esse, ac proinde cum aliquando dimissis rebus corporeis, quasi vinculis soluta euagatur, per sese etiam sine ullis obiectis res alioqui occultas, aut futuras agnoscere. Sed hi conditionem animæ alligatæ corpori non norunt, quæ nisi quæ per sensus receperit, agnoscere nullo modo potest: & ipsam humanæ cognitionis rationem tollunt, quæ nihil est aliud quàm quodammodo ab obiectis pati. Præterquàm verò quod tam multa receptissima à Philosophis placita perdunt, non vident se finitæ formæ perfectionem adscribere infinitam. Scire enim præcipua mentis perfectio est, & quo plurimum est scientia, eo maior, quæ ergo omnium, infinita. ea cum non nisi in prima causa (quam infinitæ potentia, sapientiæ, & bonitatis esse alibi prius, & in hoc ipso opere monstraui) esse possit, constat neque scientiam futurorum posse esse, nisi penes primam, & infinitæ sapientiæ intelligentiam, penes quam, ut inquit Plato, neque est, erat, & erit, sed est. Igitur neque certa neque ambigua prædictio rerum futurarum, taliumque, ut earum non potuerit esse vlla certa coniectura ex rebus sensibilibus, neque ex possint secundum aliquam corporalem passionem significari, euidenter attestantur primæ veritati, quæ penes primam intelligentiam est, neque minus quàm miracula confirmare eam possunt apud homines: immo plus etiam, quia multo melius possent Cacodæmones sensibus nostris illudendo miracula ementiri, quàm certo, & sine fraude, futura prædicere. Sine fraude dico, quia hac etiam in parte tentauerunt imperitissimæ rerum diuinarum gentilitati imponere, & veri Dei opera utcumque imitari: nimirum, ut ille respondebat ex propitiatorio, vera, certa, & omni fraude vacantia verba, & veris prophetis vera suggererebat;

rebat; ita illi, aut ex idolis, aut per pleudoprophetas respondabant, nunc ambigua, & quæ in vtramvis partem flecti possent, nunc nugas, nunc mendacia. Ambigua, ut quidquid eueniret illi prædixisse putarentur; quale est illud, Aio te Æacida Romanos vincere posse: nugacia, ut quæ ipsis manifesta esse possunt, & hominibus occulta respondentes, ipsos in admirationem rapiebant, putantes quòd scirent occulta, posse etiam scire futura. quod tamen longe differt. huiusmodi est illud. Cum quidam ad oraculum missus esset, tenens multiplicatam syngrapham, in qua scripta erat hæc interrogatio, Vtrum maius tibi bouem immolari, album, an nigrum? ipsi neque interroganti quidquàm, neque vero scienti quid manu gereret, bis ad aurem. responsum est, album: quæ res magnam Amoni auctoritatem conciliauit, quasi potenti de quacumque re consuleretur, respondere. ea vero res nihilo maiorem admirationem asferre debuit, quàm si aperta voce interroganti, qualem vellet immolari bouem, responsum esset, album. Cur enim Dæmonum natura ad agnoscendas voces, quàm literas censeatur esse aptior, cum non magis auribus, quàm oculis præditi sint? mendacia suggerebant pseudoprophetis ad decipiendum. Exemplo est id quod euenit Achab regi Israël, cui quadringenti ferè prophete, spiritu mendacij instigati, responderunt, fore ut debellaret, & bello caperet Ramoth Galaad, cum tamen ille bello illo esset casurus, & eius exercitus dissipandus. Itaque vera & certa futurorum prædictio, ac prophetia, inspirationis à summo Deo, per se, aut per bonos Angelos factæ, euidens argumentum est. falsa verò, aut incerta, aut pertinens ad res præteritas, occultas tamen, ut furtorum, aliorum facinorum detectio (hanc enim etiam vocant diuinationem, quin & prophetiam, ut constat ex capite decimo tertio Lucæ ubi dicitur, velauerunt eum & percutiebāt faciem

eius, & interrogabant eum dicentes, prophetiza quis est qui te percussit) hæc inquam inspiratione fieri potest prauorum Dæmonum. cuius inspirationis, nonnunquam ipsi diuinatores sunt conscij, vt cum consulto, & præ impietate cum illis pepigerunt: nonnunquam ipsi etiam ignorant. Atque ignorantium, nonnulli putant se a Deo Optimo Maximo instigari, velut quadringenti illi prophetae, qui deceperunt Achab: nonnulli neque an extrinsecus veniat vlla inspiratio, an intrinsecus in ipsis orta sit ea præsensio, norunt. atque hi præcipue sunt, per quos sibi multi philosophorum persuasere, esse hominibus secundum naturam vim aliquam & facultatem, occulta & futura diuinandi. Cum enim diuinationem videant, & inspirationem non agnoscant, causantur naturam. Certè longè facilius, ac suauius est, Dæmonem tactè rem quampiam phantasie representare, quàm esse vim naturalem agnoscendi futura, quæque nondum sint, & occulta, quorum formæ per organa sensuum non subierint, cum hoc adeo naturæ ipsius animæ, & conditioni humanæ cognitionis indicatum sit repugnare; illud verò sit per facile: Agitatione enim specierum rerum præteritarum, quæ in memoria sunt repositæ, possunt fieri futurarum rerum, aut occultarum spectacula: id vero nisi raro & casu quodam fiat (in plerisque enim eorum quæ narrantur, casus & credulitas pepererunt diuinationis opinionem) à Dæmone fit. Itaque omnis proprie vocata diuinitio, quæque nullam habet adiunctam coniecturam, fit à Dæmone bono aut malo, neque est in hominibus vlla naturalis facultas diuinandi, neque vllus sensus futurorum. Argumentum verò, cui Cratippus maxime fidebat, nullius momenti est. Si enim nemo, neque dormiens neque vigilans quidpiam futurorum præsentit, neque prædicat (præter afflatus Dæmonum) nisi casu, non certè quia prædicat,

edicat, prædicendi facultatem cognoscetur habere. quod enim fit casu, fit per accidens, quod à facultate, fit per se: non ergo à facultate quod casu. Casu vero fieri raras illas quæ narrantur diuinationes, constat, quia, quod per se & à facultate, fit semper aut plerumque: quod casu, fit raro, aut semel: male ergo ille colligit, si vel semel prædictum sit quod postea eueniat, esse facultatem nobis diuinandi. Neque illud aliud quod de memoria, cui facultatem diuinandi volunt opponi, rectè concluditur. Neque enim quia præsentium & præteritorum est sensus, oportet ut & futurorum sit, cum præsentium, & præteritorum sit unde accipiantur certæ species, futurorum non sit, nisi per accidens, ex ipsis præsentibus, & præteritis. Non est itaque vera diuinatione naturalis: nihilominus habet etiam in diuinatione partem aliquam naturæ, idque duobus modis: vno quidem, quod quædam vocatæ diuinationes sunt meræ naturales: altero, quod ipsa etiam propriè vocata diuinatione, & prophetia, ob naturales quasdam causas, accidit potius huic quàm illi, hoc aut illo tempore, hoc aut illud agenti, hoc aut illo modo disposito. primus ergo modus primùm explicetur, deinde alius. De Astrologia & Physiognomia, cuius Chyromantiæ prædictio pars est, quandoquidem artium quarundam esse videntur, certum est seorsum disputare, an fide aliqua sint dignæ, an prorsus sint vanæ, ut etiam de Necromantia, ne tam multa vno capite inuoluamus. Superfunt auguria, seu auspicia, & extorum inspectiones, & portentorum interpretationes, sortes, & insomnia. Augurij & auspicij nomen propriè dicitur de diuinatione, quæ ex cantu, aut volatu, aut palu auium, procedit: latius vero patente nomine, etiam de ea quæ ex alijs quibusuis rebus casu incidentibus, ut quod hoc aut illud nomen auditum est, quod talis aut talis homo occurrit agenti iter, quod hinnit equus, aut ce-

spitans cecidit, quòd in mensa sal excidit, aut vinum effusum est, quòd iactus baculus bene in terrâ cecidit aut male; & innumera alia, quæ neque vlla constant ratione, neq; eadem apud omnes sunt, sed quæ sibi quisque fingit. Extorum inspectionibus utebantur sacerdotes in sacrificijs idolorum, utq; animalium quæ immolabantur, erant viscera integra, aut vitiosa, ita bene aut malè ominabantur ijs quorum gratia sacrificia fiebant. Vtraque horum erant prorsus vana, ac ex superstitione hominum profecta; si quid verò maius in his eveniebat, quàm ut casu fieri censerî posset, id omne (ut Plato etiam auctor est loco quem citauimus) Dæmonum interuentu fiebat: ideoque merito datum laudi est Sauli, quod errasset à terra Israel omnes ariolos, simul cum magis, & pythonem habentibus. Nihil occurrit in sacris quod augurij aliquam speciem præ se ferat, nisi fortè illud quod Eliseus respondit Ioë regi, videtur scilicet tēr: quòd terram ter percussisset iaculo: id verò non ita oportet interpretari, quasi triplex iaculatio triplicis victoriae augurium præstiterit, sed quod Eliseus eam recepisset reuelationem à Deo, fore ut Ioë toties vinceret Syriam, quot ab eo iussus mitteret iacula: hæc verò diuinationo non ex augurio, sed ex diuina reuelatione processit. Iam verò quòd Abraham, vaccam, capram, & arietem per medium secuit, sacrificium fuit, non extorum inspectio. abigebat verò volucres non augurium captans, sed sacrificij reuerentia. Iam verò Ioseph putabatur ab Ægyptijs augurari in scypho, cum tamen ille re vera nihil tale faceret, sed esset & prudentissimus coniectator, & propheta. ipse ut se magis dissimularet apud fratres, ad opinionem Ægyptiorum interrogauit, An ignoratis quod non sit similis mei in augurandi scientia? nihil sanè affirmans, sed illos terrens, ac fingens esse alium. Portentorum interpretationes vanas omnino non esse, constat: si quidem Deus Opti-
mus

mus Maximus, gubernationem rerum humanarum penes se esse, ubi magnæ aliquæ earum mutationes instant, portenta quædam faciens indicare solet. Velut cum placeret Domino transferre imperium Assyriorum in Medos, facta est portentosa illa visio manus scribentis in pariete, Mane, Thecel, Phares, quod interpretatus est Daniel, non certè aliter quàm per propheticum quem habebat spiritum. Porro cum mundi ageretur redemptio, & reconciliatio hominum cum Deo, & mutatio seculorum, ac filius Dei moreretur, tenebræ sunt factæ super vniuersam terram horis tribus, & velut templi scissum est, & lapides collidebantur mutuo, & surrexerunt plurimi à monumentis: quorum interpretatio per sanctum spiritum facta est ecclesiæ. Porro interpretatio illa portentosi illius eclipsis Apollopheantis Philosophi, in Heliopoli agentis (vt narrat Diuus Dionysius in epistola ad eundem Apollopheantem) minimè fuit vana, qui interrogatus quid de ea re iudicaret, respondit. Diuinarum rerum sunt vicissitudines. qui mihi videtur maius quiddam, quàm humana sapientia consequi posset dixisse, ac fortasse prophetauit hic quoq;, nesciens quid diceret: dixit verò rem verissimam. Nunquàm enim tanta rerum diuinarum vicissitudo facta est, quàm tunc, cum cessare cæpit scripta lex, & idolorum cultus cadere, atque omnia cedere legi gratiæ, initiumque accipere regnum Dei. Quoniã verò Deus non christianarum rerum solum, sed humanarum omnium providentiam habet, & gubernationem, vt ex eo quod contigit Balthasari regi palam fit non est quòd fidem abrogemus ijs, quæ de Romanorũ, & aliarum gentiũ portentis narrantur, vt neq; ijs quæ Iosephus accidisse narrat paulò ante excidium Ierusalem, cum præcipuè libro secundo Machabeorum capite quinto, ante illud templi & Ierusalem excidium, quod fecit Antiochus, dicantur quadraginta diebus apparuisse
per

per aërem tam multa portenta. Verum in hoc quoque præ-
fensionis genere, sunt innumera vana, & falsa. Vana quidem,
quoniam ea quæ ut portenta narrantur, leuia sunt, vel casu
facta, & quæ non tunc primum, aut solum accidunt, sed tunc
considerantur, quòd nouæ aliquæ res consequutæ sint. ve-
lut narrant Bæotios Thebaidæ vidisse ex magno ac denso can-
tu gallinaceorum victoriam esse Thebanorum. fuisset vero,
ut scite dicit Cicero, portentum, si cecinissent pisces: falsa
verò plurima sunt eorum, quæ in Principum obitu narrantur
accidisse: ea enim, ut & diuinos titulos & honores, largi-
ta est illis adulatio. Itaque portenta, & eorum interpretatio-
nes, etsi magna ex parte non tamen omnino vana sunt, quan-
doquidem ut indicatum est, nonnulla sunt portenta diuina.
diuina voco, quæ voluntate Dei, aut interuentu Dæmonum
sunt. sunt enim etiam multa huiusmodi, ut quæ faciebant
Magi Pharaonis concertantes cum Mose, quos tamen con-
fudit Deus in Ciniphibus, re omnium vilissima. ut inde pa-
lâm fiat hominibus, Dæmones ne minutula quidem posse,
nisi Dei permissione facere; Quoniâ verò Deus in suæ proui-
dentia, & gubernationis argumentum facit aliquando por-
tenta, illi superbissimi, Dei quo ad possunt æmuli, nonnun-
quàm in aëre tumultus cient, voces emittunt, aut phantasma-
ta fingunt, cum vident aliquid noui instare: præsentunt ve-
ro id per coniecturas, ut sunt quàm nos perspicaciores. Hu-
iusmodi esse puto, quod avis dicitur clamasse ad Romanos,
ut à Gallis cauerent. sunt itaque eorum quæ de portentis di-
cuntur, quædam vana (coniungo nunc cum vanis falsa) quæ-
dam diuina. Sed & naturalia etiam sunt portenta, quorum est
etiam naturalis aliquando interpretatio. vocantur enim portē-
ta ea etiam, quæ & si naturaliter fiant, ob raritatem admiratio-
nem aliquam faciunt, velut mulæ partus, & fœtus monstuo-
sus.

sus. Hæc omnia cæset vulgus hominum significare res novas, velut dicunt Zoroastem dentatum exisse in lucem, ac mox risisse, qui magicæ inuentor dicitur fuisse. Verum hoc quod de Zoroaste ferunt, nescio, ut habuerit; monstruosos verò & portentosos partus, siquidem causas habent naturales constat, ob necessarias potius causas circa materiam contingentes fieri, quàm ut quippiam futurorum significant: naturales verò interpretationes sunt naturalium portentorum, velut Phericydes magister Pythagoræ prædixit fore terremotus, eo quod defecisset aqua in iugi puteo, & similibus his portētis admonitus Anaximander, dicitur. Lacedemonijs prædixisse inttare magnos terremotus, quod ita re ipsa consequutum est, ut vrbs corruerit tota. Ita etiam insolitus ranarum, murium & reptilium prouentus, præmonstrant pestem. Tamen re vera hæc & eiusmodi alię præensiones, non magis diuinationes sunt, quàm quibus medici, agricolę, & nautę uti solent. Sortes nihil possunt habere naturale, quia ipsa ratio bene mittendi sortes, in eo maxime consistit, ut tollatur omnis causa siue naturalis, siue voluntaria, ita aut aliter cadendi; sed res tota, aut casui, aut occulto motori, eique diuino committatur. Si enim quis in vas mittens pillulas, aliquam facit alijs maiorem, aut parum versat, ut possit extrahere quam velit; aut si qui sponderit cuius calculus prius cadat, faciat suum grauiorem, hæc non sortes, sed imposturę sunt: si verò omnis naturalis motus, & deliberationis causa absit, verè fors est. Igitur per sortes nihil futurorum potest præsentiri, neque occultorum agnosci naturaliter: potest verò Deus per has, ut multis alijs modis sensibilibus, quarum velit rerum significationem præstare, ut præstitit Iosue, & Petro cum consulentibus: tuncque verissimum est quod in prouerbijis dicitur, sortes à Deo temperari. Hoc quoque sunt immitati mali Dæmones,
respon-

respondentes ijs qui eos consulunt per sortes. Ex dictis constat sortes mittendas non esse, nisi cum Deus se ita respondere velle reuelauerit, quod sanctissimis illis viris accidisse credo; aut cum nullum humana prudentia locum habet. Nam tunc quoque verisimile est, si res sint magni momenti, Deum qui humanas res non negligit, nisi peccata obstant, sortes temperare: alioqui vanæ aut superstitiosæ sunt, quia imprudentissimæ fortune, aut nequissimis Dæmonibus committuntur. Dormientibus fieri possunt futurorum, & eorū quæ occulta sunt reuelationes, ac fortasse etiam magis quàm vigilantibus, vt postea dicemus. Sed & citra has, est quædam naturalis diuinatione ex insomnijs, de qua ab omnibus forè Philosophis disputatum est, atque à me nunc iuxta illorum placita, est agendum. Res quarum per somnum potest præsensio fieri, quædam à nobis sunt agenda, aut sustinenda, quem omnino extra nos futura sunt, neque in nobis vllum sui principium habitura. Nostri quidem actiones aut passionessunt, velut si ego iturus sum Romam, Rex futurus, febricitaturus, aut moriturus: extra nos sunt, vt si futurum est nauale bellum, occupanda quæ nunc obsidetur Goleta, aut fugandi Turcæ, aut futura ingens procella, aut largus imber. Porro eorum quæ extra nos sunt, quædam talia sunt, vt cum eorum causis nullam habere possimus compassionem; aut talia, vt possimus. At qui vt non possimus cum eorum causis compassionem habere, aut ex natura rerum nascitur, aut ex tanta distantia, vt nullus contactus esse possit (scimus enim actiones nullas naturales sine contactu fieri) vt à causis future cras hîc pluuię, possum ego pati humedatus, emollitus, atque vexatus fluxionibus, quod palam faciunt podagrici, & qui hernia laborant: tamen à causis futuri belli, aut interitus Pontificis, aut fugę Turcarum, ob ipsarum rerum naturam, nullam ego possim accipere passionem corporalem.

poralem . Neque certè Madriti agens à causis futuræ Romæ pluuiæ , aut futuræ hîc sed anno sequenti , ob distantiam loci , aut temporis , rerum huiusmodi à quarum causis nullam accipere possumus passionem , nulla neque dormientibus , neque vigilantibus esse potest naturalis præsensio , nisi per coniecturas . Sed cum euenit quempiam vigilantem cogitare , aut dicere , vel dormientem somniare , aliquid quod postea re vera fiat , duorum alterum necesse est ; aut id fortuito fieri , non aliter ac cum nobis de aliquo homine loquentibus ille superuenit , aut à Deo cui omnia futura conspicua sunt , aut à sagacissimo coniectore Dæmone factam esse reuelationem . Aliarum verò rerum quarum principium intra nos est , aut à quarum causis pati possumus , præsensio multo melius ac facilius accidit dormientibus , quàm vigilantibus . Nam duplex ratio est , qua res tales præsentimus , quid facturi simus , consultando quid facere nos postea expediat : quid passuri , sentiendo in nobis exigua imminentium passionum initia . Primo modo admonemur sæpè per insomnia quid simus facturi . Nam sæpè de rebus agendis cepta interdiu cogitatio , per somnum continuatur , inveniunturque tunc temporis accommodatissima ad finem media , quæ , cum expergesectis placent , opere exequimur , putantes nos à Deo admonitos quid facto opus sit . causa verò talis euentus est naturalis . Nam vtrumque dictorum , consultatio scilicet & sensus minutularum passionum , melius multo accidit dormientibus quàm vigilantibus , si modo somnus placidus sit , neque multis crassisque vaporibus conturbetur : tunc enim velut , in agitata conturbataque aqua , multæ variæque redduntur rerum imagines , nulla verò certa ac conspicua . Cum verò somnus est

Ii moderatus

moderatus, neq; perturbatus multis animi motibus, aut morboſo apparatu, aut crapula, dicta illa accidunt melius, quia anima intro ſe colligens, & nullis externis ſenſibilium motionibus diſtracta, melius ac perſpicacius conſultat. Argumento eſt, quod qui de rebus maximis cogitare volunt, in ſilentio, obſcuris, conſluſisque cubilibus, & ſepè etiam oculis id faciunt. Nimirum ſubtrahunt ſeſe ab externorum ſenſu, ut cogitationi vacent. Conſtat vèro nulla ratione magis animam vacare ab externis ſenſibus, quàm dormiendo. non vèro ita vacat ab internis, ſiquidem ſomniat: quod Hippocrates libello de inſomnijs ſignificauit his verbis. Cum corpus dormit anima vigilat. Eandem ſerè ob cauſam fit, ut minutula paſſiones, quæque vigilantes latent, à dormientibus ſentiantur, videanturq; illis eſſe multo quàm ſint, maiores: nimirum ſomnus habet ad vigiliam rationem, quàm nox ad diem, tenebra ad lucem, ſilentium ad clamores: at vèro conſtat, noctu & ſilentibus cunctis, ſtrepitus vel exiguos videri magnos, interdiu, & vbi eſt magnus ſtrepitus, magnos etiam latere. adeò ut qui iuxta Niliorum ſunt, dicantur eſſe ſurdi. Horum vèro cauſa eſt duplex. In ipſa anima, quod ſenſus adiunctus ſemper eſt cum imaginatione, quæ cum animaduerſione operatur, diſtrahitur vèro ob aliorum ſenſibilium magnitudinem aut potentiam: In ipſo organo, quod vbi multæ recipiuntur figuræ, aliæ alias obſcurant, velut in aqua indicatum eſt. Itaq; anima per ſomnum attentius cogitat quàm per vigiliã, & minutulas paſſiones maiores eſſe iudicat. Sunt vèro hæ paſſiones, & à cauſis internis, ut ab humoribus & flatibus, & ab externis, ut ab ætis intemperie. Hinc fit, ut ex inſomnijs poſſimus multa de imminentibus morbis, aut latentibus morborum cauſis, præſagire; nonnulla etiam de externis, ut de procellis, imbribus, & eiufmodi. Porro ſcire oportet, velut cum vigilantes loqui-

Loquimur aut cogitamus, aliquando id facimus per proprias appellationes aut notiones, aliquando per figuratas, velut per similitudines, & allegoricè; ita etiam somniare: atque ita aliquando opus non est interpretæ somniorum, sed illud ipsum quod somniatur significatur, vt si quis somniat se febricitare, est quod timeat febrem; & qui esurit, somniat se comedere; & qui sitit, bibere; vt dicitur Isaia 23. Aliquando opus est interpretæ, qui caleat similitudines, & translationes, velut si quis somniet terram vri, aut præ vltione findi, est quod timeat febrem; si quis somniat se esse languidissimum, est quod timeat paralytim; si somniat sibi fieri crus lapideum, cruris paralytim timebit. Perinde etiam accidit in externis: si quis somniet largum imbrem, neque in sese catharrum, aut illius agnoscat exordia, imbrem præfagiet. Hoc idem præfagiet, si somniet se videre multos qui late terram irrigent. Neque mirum videri debet, pluuiam somniare signum esse pluuiæ. si enim videmus imminuentem pluuiam, cornicem, delphinos, sues, araneos, & innumera alia animalcula ita afficere, vt ex eorum cantu, saltu frequenti, grunitu, & errabundis motibus, facile eam prænoscamus, quid mirum est nostra corpora aliquatenus etiam affici? affecta verò ita, vt humectata, quid mirum de pluua somniare? vt scilicet redundante semine somniant de venereis, redundante bile de prælijs? & quibus plena vesica est, de lacubus, & fluminibus, cogitante anima quæ appetit aut fugit? si vero mirum non est somniare de pluua, cum ea imminet, neque impossibile sit, vigilantem imaginari (tamet si rarius hoc sit, quia vt dictum est minutulas passionis dormientes sentimus, magis quàm vigilantes) vnde factum esse arbitror, vt Anicenna, & si qui alij eius sententiæ sunt, quod vim habet signi, vim causæ habere putantes, asseruerint animam hominis vim habere mouendi externa, & quælongè

posita sunt: nonnullos enim cogitantes de pluuia, eam fecisse: cum tamen iuxta dicta verisimilius sit, illos quod instaret pluuia, de ea cogitasse. Ecce modos & causas diuinationis naturalis ex insomnijs, quæ ut in reliqua vita alicuius, ita in medicina maximi momenti est. Plerumque enim internæ illæ passiones ex quibus nascuntur insomnia, morborum aut symptomatum initia sunt. Insomnia etiam diuina, quæ esse diximus rerum quæ in nobis principium nullum habere possunt, neque nobiscum ullam sympathiam, sunt plerumque allegorica: atque ita ratio ea interpretandi, eadem est quæ & naturalium allegoriarum: Nimirum per enodationem allegoriæ, velut explicari solent & enigmata. Atque ut in his explicandis sunt alij alijs prudentiores, ita & in interpretandis somnijs. Quo fit, ut sit sæpe somnium diuinum, interpretatio vero naturalis: nonnunquam interpretatio quoque diuina: cum scilicet eadem diuinatione opus est ad interpretationem, atque ad insomnium. Velut insomnia Ioseph videntis manipulum suum consurgere, & fratrum manipulos coram illo cadere: & iterum Solem & Lunam & undecim stellas adorare illum, diuina fuerunt haud dubiè; interpretatio verò facilis, & quæ mox succurrit. primi quidem fore ut fratribus imperaret: secundi, ut ab illis & patre & matre adoraretur, quod multo post euenit. Diuina etiã fuerunt insomnia præpositi pincernarum, & principis pistorum Pharaonis (capite 40. Geneseos) & insomnia ipsius Pharaonis: interpretationes verò non est necesse per reuelationem, sed per prudentem coniecturam esse factas. tamen si prudentiam illam Ioseph dono Dei habuit, ut & Salomon sapientiam gubernandi: atque illo loco Geneseos coniector vocatur Ioseph, non propheta, Daniel verò non potuit Nabuchodonosor respondere (capite 2. Danielis) nisi per diuinam inspirationem, quandoquidem reuelauit ei somnium quod exciderat, & apposuit inter-

præta-

præstationē quod euidentissimum fuit argumentū reuelationis diuinæ, vel ipsis Magis Nabuchdonosor asserentibus, qui ita responderunt. Sermo quem tu quæris rex grauis est, neque reperietur quisquam qui indicet illum in conspectu regis, exceptis Dijs, quorum non est cum hominibus conuersatio. hoc est nemo pōt cogitationes hominis, & somnia scire nisi Deus Optimus Maximus, ac per illū boni spiritus, qui nō conuersantur cū hominibus huiusmodi, cū Magis scilicet, & Ariolis, itaq; ista respōsio esse non pōt nisi prophete summi Dei; atq; ita Daniel oratione impetrauit à Deo reuelationē, quam nocte accepit per visionē. Somnij ēt ipsius Danielis, quod capite septimo narratur, interpretatio diuina fuit, vt ex ipsa cōstat narratione. Itaq; duplex rō est diuinandi ex insomnijs; quædā naturalis, q̄ duas habet causas, estq; re vera quædā coniectura procedēs ex naturalibus signis, quæ præstant in somnijs; quædā diuina, quæ ex reuelatione procedit, atq; cū ea reuelatio Dei est per se, aut per bonos Dæmones, est verē prophetica. Multi ēt sunt, q̄ præter hæc putant ex somnijs diuinare, eo q̄ aliquñ consequutū sit, id quod futurū esse somniauerint, ac nonnunquā ita, vt euētus maximā afferat admirationē: tñ re vera illud casu fit, euenitq; hōibus somniabūdis, cuiusmodi sunt multi atrabiliarij; nimirū illi cū plurima eaq; varia somnient, fit casu, vt aliquñ in res, q̄ futuræ verē sunt incidant, vt (inquit Aristoteles) qui diē totū iaculatur, aliquñ collimat, ēt si iaculandi peritus non sit. Neq; sanē adeo mirū est, cum tam multis hōies semper somnient, aliquē aliquñ incidere in rem futurā. Neq; minus haberet admirationis, si nullus vnquā incidisset: Neq; minori disquisitione indigeret, cur nō posset fieri id quod ab aliquo somniatū esset. Cur igitur nunc miramur, si aliquando fiat? Itaque verē diuinandi, hoc est prænoscenti futura citra coniecturam, & quæ nullam in nobis habere possint passionem sui indicatricem, nulla fa-

la facultas naturalis in nobis esse potest: tamen diuinandi quodammodo, per insomnia quidem magis, sed & per vigiliam aliquatenus est in nobis quædam facultas: ea verò male à Platone collocatur in iecore. Nam cum diuinare quodammodo sit contrarium ipsi memorari, ad eandem animæ partem pertinere necesse est, puta ad sentientem, quam Pato (vt & omnes Medici) in cerebro ponit: in hepate verò, aut nullius principium est, aut appetentis solum: atq; & si appetitiua plurimum insomniorum principium, & causa sit, velut cum quis cibi laborans penuria, somniat se comedere assatim multa; & semine redundans, congregari cum mulieribus; inde tamen non fit, vt eiusdem sit facultatis aut partis, appetere & somniare, sed vt facultatum & partium animæ ac corporis tanta sit sympathia, quæ, vt hoc, ita multis alijs argumentis asseritur. Sed redeamus ad penum. Cum ergo per omnia genera indicatum sit, diuinationes quasdam esse vanas, quasdam naturales, quasdam diuinas: Vanis quidem non utebatur Israel, vt Balaam prophetando dixit, naturalibus utebatur vt aliæ gentes, diuinis melius multo quam alij omnes: etiam si alijs quoque populis dedit Deus veros Prophetas, qui aduentum suum illis, & alia quam plurima demonstrabant; vt Græcis & Romanis Sybillas: orientalibus populis Balaam. Verum hoc intererat, quod Israel (nisi cum adulterabatur) non utebatur pythonibus, neque oraculis cæcæ demonum, neque eorum prophetis, sed solum Dei Optimi Maximi responsis, & inspirationibus per viros sanctos. Proinde augurijs non utebantur nisi pericantes (quod acriter reprehendebant prophetae, vt certè Ioel capite 4. dicens. Populus meus in ligno suo interrogauit, & baculus eius annunciat ei) neque extorum consideratione, quia hæc vana semper sunt, aut praua, multo minus pythonibus, aut omnino necromantia, quia hæc praua semper sunt. Utebatur vero responsis

sponsis Dei, & prophetijs sanctorum, atque eorundem in somnijs, & interpretationibus, ac nonnunquam sortibus; his verò non leuiter, & vt cumque (ita enim essent vanæ) sed accedente semper diuina inspiratione, in re iusta, & magni momenti. De primo itaque modo, quo potest diuination quædam esse naturalis, hæcenus dictum sit. Superest secundus, quo scilicet in ipsa vera, ac prophetica diuinatione, partem aliquam habet natura. Certè quòd diuinetur propriè, ac verè nulla naturalis causa est satis, quandoquidem indicatum est, nullam esse in nobis facultatem naturalem diuinandi, sed effectiuum principium externum esse ac spiritale: tamen potest esse in ipso qui talem accipit inspirationem, naturalis quæpiam dispositio, magis aut minus accommodata ad accipiendum. Non ita quidem, vt ea dispositio causa sit inspirationis necessaria, neque qua præsentè necessario fiat, neque sine qua fieri non possit. Si enim Deus Optimus Maximus est principium efficiens veræ prophetiæ, vt monstratum est; is, cum ne ad creationem quidem adstrictus sit causæ ulli necessariæ, multo minus sit in largiendis his donis: sed cum is (quæ sua est bonitas) soleat disponere omnia suauiter, in his quoque quæ supra naturam facit, quoad fieri potest rationem seruat naturæ, velut & miraculorum exemplis pluries iam indicatum est. Quandoquidem diuination non nascitur in nobis vt reliquæ sensationes ab obiectis (hæc enim nondum sunt) sed à diuinitus factis representationibus, constat eam fore accommodatissimam dispositionem, per quam maxime vacat à motibus, quos cient sensibilia. Nam vt nuper diximus, vt in aqua quæta facile redditur quæcumque figura, in agitatâ vero non potest reddi, ita & in quiescente à sensibilibus animo, representatio quæcumque: ab eo verò qui plurimum volutatur circa sensibilia, excluditur omnis inspiratio. Hanc ob causam, qui orationi volunt vacare,

care, eligunt silentium, quietem, & tenebras, vt scilicet audiant quid loquatur in illis Deus. Itaque qui minime vtitur sensibus, is maxime valebit diuinatione. qua de causa Plato & Aristoteles, diuinationem in fatuis ac stupidis esse dixerunt, in quibus scilicet minime est prudentia (quod mihi videtur fabula, vt multa alia, adumbrasse antiquitas, dicens, Tyresiam cum donaretur facultate diuinandi factum esse cæcum) & in furentibus magisquam sanæ mentis hominibus, & dormientibus magisquam vigilantibus. Eadem quoque ratio esse videtur, quod moribundis magisquam per reliquam vitam. Verum ne hæc tumultuariè prætereamus, sed expendamus singula, quod fatui diuinationem habeant pro prudentia; contra, prudentes hanc pro diuinatione, videtur consentaneum, quia vt se habent bruta ad hominum genus, ita inter ipsos homines fatui ad prudentes: at verò vt homines prudentia, ita bruta videntur valere diuinatione. Nam pisces multi solent incautis præmonstrare nautis tempestatem; vt auiculæ agricolis, armenta bubulcis: & minores greges alijs pastoribus, & mures in proximam confertim abeuntes, dicuntur præmonstrare incolis ruinam domus. Multa etiam alia his admirabilia narrantur de brutorum præsentione, quam illis velut instinctum quendam videtur dedisse natura, pro prudentia. Ita igitur & inter ipsos homines, imprudentibus datam esse diuinationem est consentaneum. Sed vt hoc quatenus verum sit constare magis possit, opere præteritum fuerit dicere, quæ causa sit magnæ illius præsentionis quæ in brutis conspicitur. Ea certè est, maior brutorum compassio cum causis corporalibus. Cum enim hæ sensus afficiant, brutorum animæ (vt quæ mente carent) sensibilibus magis afficiuntur: quapropter exordia futurorum motuum sensus brutorum magis afficiunt. Itaque vt qui carent oculis audiunt exactius, ita quæ mente carent

carent animalia exactius sentiunt. Adeo cōspicuum est, quod rationalis contemplatio detrahit sensui, vt qui intentius disputant, meditantur, aut orant, soleant plurima quæ coram sunt, aut dicuntur, neque videre, neque audire, ac nonnunquam sensuum munere priuari, quam vocant extasim, vt Socrates, qui (vt narrat Alcibiades in Conuiuio,) in medio exercitu aliquando, vno gradu diem & noctem stetit, vsque ad Solis exortum cogitabundus. eadem ratione euenit plerumque, vt qui exactissimos habet sensus, sint ad factorias artes aptissimi, ad cōtemplationem non adeo: contra, qui in hac valent plurimum, sint ad res tractandas parum idonei. Constat ex dictis eam diuinationem quæ in brutis & hominibus rudioribus præcipue est, in eo esse genere diuinationis, quod naturaliter inest per compassionem cum causis, aut per exordia rerum futurarum. Illa igitur nullatenus est vera diuinationis, quæ & prophetia dicitur: Sunt alij homines, imprudentes illi quoque, non tamen fatui aut stupidi, sed dementes, insani, & furentes, aut naturali vitio aut morbo. hos dicunt plus alijs omnibus futura prædicere, quod nonnulli in atræ bilis, quæ furoris est causa, naturam referunt per se, quasi scilicet ea sit eius succi vis naturalis, quia talis substantia, aut quia calida & sicca. verum hoc falsum esse constat. Nā nullam omnino esse posse naturalē vim diuinandi, generatim iam monstratum est: si autem nulla esse pōt, certè neq; in hoc, neq; in illo temperamēto, neq; in hoc neq; in illo succo: non igitur atræ bilis est ea vis per se, sed per accidens, quia scilicet atrabiliarij somniabundi sunt & loquaces, fit vt nonnunquam incidant somniando aut loquendo, in id quod futurum est, velut qui sæpe iaculando aliquñ collimat, vt nuper quoque diximus. Fit vero vt loquantur quiduis, & quia imaginationibus densis, & calore instigantur, & quia cum sint insani, non habent (inquit Cicero) quam prudentia solet afferre

timiditatem, hoc est nihil dissimulat, sed omnia effutiunt. quid ergo mirum si aliquid exit quale futurum est? hæc verò longissime abest à vera diuinatione. Aliam quoque causam habent melancholici diuinationis, atque eam etiam per accidens, nimirum Dæmones facilius apprehendunt hos quàm alios homines, quia plus habent imaginationum, & minus prudentiæ. Cacodæmon verò ubi adest, quandam ostendit diuinationis speciem: nimirum affectat semper opinionem diuinitatis, ad quam solam scit pertinere veram futurorum, per se, & non per præsentis causas ac notas, præsentem. Parati etiam hi videntur ad inspirationes, quia cum sint alienati mente, minus intenti sunt corporalibus passionibus. Adeo enim verum est, eos qui mente laborant, sensibus non esse intentos, ut dicat Hippocrates eos ne dolores quidem sentire: argumento vero est, quòd videmus tales, & plagas, & vulnera, & nuditatem, & famem, & passiones alias quascumque sensibiles facilius tolerare: tales ergo paratiores sint ad inspirationes recipiendas. At verò rectè videtur censere Aristoteles libro de insomnijs, indignum esse, putare Deum cum hominibus dementibus colloqui, præteritis bonis & sapientibus. Plato quoque diuinam reuelationem amicis Dei fieri putat: nam maiora ijs quæ humana mens consequi potest, scit (inquit) Deus, & qui Dei sunt amici: amicos verò Dei, quis dixerit alios, quàm probos & sapientes? Hoc argumento videtur Aristoteles velle tolerare omnem diuinam prophetiam: illi verò solùm concedimus, quod & ipse dicit, diuinationem illam melancholicorum diuinam non esse, sed naturalem, aut dæmoniacam: Diuinas verò inspirationes, quas prophetias vocamus, fieri per viros prudentes, atque magna ex parte optimos. dico magna ex parte, quia aliquando et locutus est Deus per improbos, ut constat exemplo Balaam, qui & si astutus, ac suo modo prudens, erat nequam. Indignum

dignum certè loqui Deum per stultos & imprudentes homines: dignissimum loqui per prudentissimos, & optimos. Ne verò meritis, potiusquàm dono Dei prophetiæ spiritus contingere cuiquàm putaretur, datus etiam aliquando est impio, vt & alia dona, vt certè sanitatis. Igitur atrabiliarij, & mente moti, præ multitudine imaginationum & insomniorum, & loquacitate, videntur aliquando diuinare: atque eosdem nonnunquàm occupant Dæmones. Nec ad veræ prophetiæ spiritum recipiendū oberit eius succi aliquid, cum neq; tantus, neq; talis est, vt aliquam pariat insaniam. Nam dictas ob causas, quod insanientibus accidit, dæmoniacum potius est quàm diuinū: irruit vero etiam diuinus spiritus in quosdam, qui præ mentis extasi, quæ ex contemplatione rerum diuinarum fit videntur insanire, vt Saul cum se coniecit in medios prophetas. Hic vocari potest furor diuinus, estque re vera coniunctus cum maxima sapientia, etiam si interim tollit prudentiam huius sæculi. nisi enim hanc tulisset, non impulisset Dauidem, deposita regia seueritate saltare coram populo. Itaque mentis eleuatio ab humanis curis & sollicitudinibus, maxima dispositio est ad propheticam captandam inspirationem: eaque naturalis, quia rerum humanarum curæ, plurimum auocant ab omni rerum superiorum contemplatione. Quæcumque ergo naturaliter reddunt animam vacuum à talibus curis, naturaliter etiam disponunt, & ad diuinorum cōtemplationem, & ad prophetiam, etiam si ipsa prophetia supernaturale donum est, & veritatis diuinæ euidens argumentum. Hanc ob causam prophetæ varijs modis se præparabant ad recipiendum spiritum: nunc se conuertebant ad somnos, vt Iosephus & Daniel, vt in illa requie mentis & tranquillitate, sine strepitu externorum sensibilibus, viderent visiones (qui prophetandi modus insinuatus est illis verbis Ioelis, capite secundo, Senes vestri somnia

somniabunt, & iuuenes vestri visiones videbunt. quod impletum est vt in alijs multis, ita vel maximè in Iosepho viro sanctissimæ MARIÆ, & in Magis) nunc quoque se præparabant oratione, vt in mentis ad Deum eleuatione, melius reciperentur eius inspirationes: præparabant etiam sese musico concentu, quia hic quoque mentem erigit, & à sensibus abstrahit. Hæc causa fuit, vt Eliseus rogatus diuinum responsum, peteret accersiri sibi psalterem. Hæc eadem, sancta Ecclesia quæ diuino regitur spiritu, in celebrandis sacris vtitur musicis cantibus, & suauibus sonis, iuxta exhortationem Dauidicam. Laudate eum in tympano & choro: Laudate eum in cordis & organo: Laudate eum in cimbali benè sonantibus, omnis spiritus laudet Dominum. Itaque musica facit plurimum ad demulcendum animum, ac deponendas humanas solitudines: his ita dispositis multo facilius is transfertur ad diuinam. Qui proximi sunt morti, solent prophetare, velut Iacob, qui iam iam moriturus vocauit filios suos dicens, Congregamini vt annunciem quæ ventura sunt vobis in nouissimis diebus: hoc idem fecit Moyses, cum eius inlaret obitus, tribus Israel: nimirum nunquam verius à solitudinibus huius seculi auocatur animus. Sed & illud est optimè sic natura comparatum, vt illa hora extinctis sensuum motibus, & depositi omni animi circa res sensibiles affectu, mens ad eorum quæ verè sunt contemplationem conuersa, veritatem eo clariùs intueatur, quo neglectis caducæ huius vitæ voluptatibus, ad futuram eamque æternam aspiret audius: & quæ superiori vita, dum adhuc sensus vigerent, vel sola mortis recordatione terrebatur, tunc nihil nisi peccata pertimescat.

CAPVT TRIGESIMVM PRIMVM.



APITE quinto libri Iudicum scriptum est. De cœlo dimicatum est contra eos, stellæ manentes in ordine & cursu suo aduersus Sisaram pugnaverunt.

Quamquam alia nonnulla scripturæ sacræ loca, soleant in suum vocare subsidium, qui iudiciariæ Astrologiæ sunt addicti, nullo tamen mihi videntur melius, quam hoc uti posse. Nam quod ex primo Geneseos adducunt, facta esse astra in signa, atq; proinde significare posse futura, interpretatum mihi illic est, ita ut nihil ad Astrologiam. nimirum esse astra signa temporum, velut gnomon in horologio signum est horarum: itaq; Cœlum totum esse chronologium, astra verò signa temporum. Quod adducunt ex psalmo 18. firmamentum annunciat opera manuum eius. hoc est (ut illi interpretatur) quæ Deus facturum est firmamentum annunciat, longe potiore enarrationem accipit; pulchritudinem scilicet cœli, & firmamenti quod conspicitur, quodammodo nobis indicare posse pulchritudinem operum Dei, quæ conspici non possunt. tamen quod dicit, de cœlo dimicatum esse contra eos, & stellæ manentes in ordine & cursu suo aduersus Sisaram pugnassee, plurimum videtur astrologiæ fauere. Nam quo alio potius modo, victoriæ causam in astra reiiceret, diceretque cursum & ordinem, quem eo die tenuerunt stellæ, fuisse Sisaræ infaustum, & exitiosum? si igitur quia stellæ cum ad sese tenuerunt ordinem Sisara periit, potuisset is per astrologiam periculum prævidere, atque adeo (nisi vel inuitos fata trahunt) deuitare. quod si ita est, possunt quidam astrorum cursus, & ordines esse fausti & infausti: atq; adeo
ijdem

ijdem quibusdam fausti, & quibusdam infauti. is enim astorum siue ordo, siue aspectus fuerit sifarę infautus, Hebręis faustissimus. si verò ita habet, prudenter sanè eo die Sifara timuisset cœlum, ac deuittasset prælium. Cur ergo Dominus, Hieremię capite decimo, præcipit, dicens, à signis cœli nolite metuerе, quæ timent gentes? Neque verò ibi (quod aliquis fortè interpretetur) vocat signa cœli, tonitrua, fulgura, aut fulmina, aut cometarum omne genus, & quæcumque homines vocant portenta: sed idem est quod hîc prohibet, & apud Elaiã 47. derisit, dicens Babiloni, Defecisti in multitudine consiliorum tuorum: stent & saluent te augures cœli, qui contemplantur sydera, & supputabant menses, vt ex eis annuntiarent tibi ventura. Itaq; vocat Astrologos augures: horum ergo diuinationes vt & alias omnes, par est, intelligas prohiberi fidelibus, capite 19. Leuitici, vbi dicitur, Non augurabimini: & Numerorum 23. Deuteronomij 18. & Isaïæ 47. Constat Dei populum ab hac diuinationis specie, qua Chaldæi maximè omnium vsi sunt, vt & ab omni alia præter veram prophetiam, abstinuisse, siquidem Numerorum 23. dicitur. Non est augurium in Iacob, neque diuinatio in Israel. quid est ergo quod nunc Debora stellarum cursui, & ordini, imputat victoriam populi Dei? Mihi non est hæc quæstio, vt neque alia vlla in hoc opere, tam disputanda Theologicè, quàm iuxta conditionem argumenti, Physicè. Quapropter videndum est, an ea astrologia diuinatrix, quam veteres vocabant, vt videre est apud Ciceronem, scientiam Chaldæorum, sit ars quæpiam naturalis, an potius impostura quædam. quod examinauit diligentissimè, atque vt mihi videtur magna ex parte verissimè, Picus Mirandulæ comes. Ego verò mihi hanc quæstionem suscipio, non quidem tam diffusè, quam ille, sed præstius, meo more, tractandam. Duas partes habebit disputatio: altera ver-

fabitur

fabitur circa ipsam naturam cœli & astrorum, altera circa ipsos Astrologos. & videtur quidem hæc ex illa pendere: si enim astrorum, pro mira quam habent varietate, ac pro sua innumerable multitudine, sunt etiam plurimæ eæque mirabiles virtutes, quibus inferna hæc moueant, videntur Astrologi laudandi, qui non pariantur eas latere mortales: sin autem non sunt plures quam apparēt cuius è plebe, damnādi sunt, quod tam leuiter illis tribuant multa quibus carent; Hanc ob causam Picus, acerrimus astrologorum impugnator, affirmat astris nihil esse præter motum & lumen, & motu mouere, & lumine calefacere calore, vt ille putat, quodam viuifico, à calore elementari & igneo, natura diuerso. Astra itaque hæc solum facere, atque omnia idem, plus aut minus: multiplices verò illarum rerum mutationes, & affectionum differentias imputari materię. Disputat multa hinc inde, vt detractis cœlo omnibus virtutibus, præter motum, & lumen, effecta tueatur. In duas verò præcipuè, pro illis omnibus fertur responsiones, scilicet, aut alias omnes passiones, præter motum & calefactionem, fieri per accidens à calore astrorum; aut calorem illum esse causam vniuersalem, ac proinde effectiuam per se multorum, atque adeò contrariorum, concurrendo cum multis, & contrarijs naturis particularibus. Hæc arbitror suma est totius libri tertij Pici, qui solus est physicus. alij enim partim sunt theologici, partim astrologici. Mea verò hac in parte, plurimum diffidet ab illius sententia. nam motus cœlorum, qui circularis est, haud quaquam potest motuum, qui in aëre contingunt esse causa. Concedit Picus Aristoteli, si cœlum quiesceret, futurum vt nihil moueretur: cœlū igitur circumeundo mouet hæc inferna: aut ergo motu suo per se id facit, aut per accidens. per se dico, si cœlum id facit tantum quia mouetur: per accidens, si quia mouendo communicat facultatem mouendi reliquis:
velut

velut si quis manu admouet stupæ candelam, manus motu suo mouet candelam, & comburit stupam, illud per se, quia non aliter mouet candelam quam mouendo manum, hoc per accidens; quia mouendo manum ac candelam, admouet ignem, qui vrit per se. Si igitur cœlum suo motu facultatem aliquam immittit rebus, qua adiutæ mouētur, habet iam vim aliam mouendi præter suum motum: sin autem nullam mittit, sed mouet solum quia mouetur, perinde eueniret, si cœlum ligneum, aut æneum, aut lapideum esset, atque ita vt nunc circumferretur: non eueniret autem. Cur enim si lignea sphaera superiori loco ferretur circulo, hîc apud nos ferretur recta lapis & fumus, ille deorsum, hic sursum? nam quidquid mouendo mouet aliud, id quidem facit impellendo, aut trahendo, volutando, aut vehendo: at verò lapis cadens, nèque trahitur, neque pellitur, neque portatur à cœlo, neque verò volutatur, cum feratur recta: concurrit ergo cœlum cum ijs quæ feruntur, virtute aliqua motiua quam immittit, quæ motus non est. sed neque lumen (quanquàm id ille concedit, satius verò sit indicari) nam lumen illuminat; illuminando vero non potest per se mouere, sed per aliud, hoc est per illuminationem immittens vim mouendi. quod si ita est, habet cœlum, quam communicet vim aliam à motu & lumine, sed quod accepimus ita patet. Si lumine moueret, non esset latior primus omnium motuum, sed alteratio: nam cœli lumen non pendet à motu, luceret enim Sol quiescens, non minus quam latus (constare id potuit pugnante Gedeone) penderent verò latior aliarum omnium rerum ab illustratione, quæ alteratio quædam est: non esset ergo latior primus motuum, quod Aristoteli concedit Picus. Neque vero est quod tam apertè subuertat eius sententiam, quam id quo maximè se tueri vult. vt (inquit) cor suo motu mouet alias omnes corporis partes, ita cœlum
alias

alias mundi . constat vero cor non solum alias partes , quæ ad illud non spectant , sed neque arterias mouere suo motu , sed facultate pulsandi , quam illis mittit , quam & vitalem Medici vocant . Nisi quidem moueretur non moueret , id vero est per accidens , quia ipsum extingueretur , neque posset alijs virtutem demandare : est itaque cœlo virtus qua mouet hæc inferiora , præter motum . concessum sane , quod nisi mouendo , eam mouendi vim non communicaret : nihilominus virtus illa mouendi , aliud est quam motus : vel hoc solum argumento , quod facultas seu virtus nomen est immanentis qualitatis ; motus , passionis cuiusdam . Iam verò neque quod lumine calefacere dicit , probare possum , neque quod calorem quem cœlum gignit specie differre dicit ab eo quem ignis . Nam quæ maximè cœlestem fulgorem videntur participare , vt spiritus in nobis , qui sensibus seruiunt , neque calidi sunt , neque calorifici , sed sine calore fulgidi , vt hoc modo differat , auctore Galeno ex sententia Platonis , quem maximè sequitur Picus , ignis cœlestis ab elementari , quod ille sit sine calore lucidus , hic calidus & lucidus . Exemplo constat id oculi , qui ad ignem refertur ob fulgorem spirituum , ad illum è cerebro venientium confertim , alioqui vero est subiecto frigidus , & plenus aqua : quod ferre natura non posset , si is fulgor esset caloris effectiuus : non igitur illud lumen calorem rebus affert per se , sed per aliquod accidens . Atque eum calorem quem Sol vtcumque facit , specie non differre ab igneo constat , cum incidentes in eandem substantiam , vnicum reddant intensiorem . quid enim ? Si quis à Sole simul & igne calefit , duos concipit calores , ac non potius vnum intensiorem , duabus causis in idem opus incumbentibus ? Si vnicum , non different specie , qui sese augentes constant

vnum numero : porrò si duo, vterque excludit frigus: vtrique
 ergo erit frigus contrarium . quod si vtrique æquè, non sunt
 illi diuersi, sed idem, quia vnum vni contrarium est. Non igitur
 solaris calor vrit minus quàm igneus alia ratione, quàm
 quod moderatior, neque certè coquit & vegetat magis, nisi
 ob eam moderationem, & coniunctissimas quasdam benignis-
 simas influentias . quas, quid se putat Picus facere cōtra Astro-
 logos, referens omnes in motum & lumen? certè facit nihil,
 etiam si concedantur omnia . dicit enim, stellis esse nihil aliud
 quam motum & lumen. Quid quod calefaciunt, quod aliud
 est quàm illuminare? Respondet, vt cœlum est causa vniuer-
 salis, ita & eius virtutes esse vniuersales & eminentes, ac proin-
 de posse facere multa, ac varia, atq, adeo contraria etiam. Quid
 ergo interest ad Astrologiam, siue per plures, siue per paucio-
 res facultates possit cœlum facere multa eaque varia, si mo-
 do potest? concedet tibi Astrologus, vt vitet rixas, cœlo nihil
 esse præter motum & lumen, id vero lumen cœleste, quia cau-
 sa vniuersalis est, eminenter continere virtutes omnes rerum
 mutabilium, atque ita posse hæc, & illa, quantacumq; scilicet,
 volet confingere . Vsq, adeo falsum est, omnia quæ facit cœ-
 lum, facere motu & lumine, & ad propositam disputationem
 nihil interest. Neque vero ego (vt hoc obiter dicam) propter
 calorem solum, dico cœlum vires habere alias quam mouen-
 di sese, & illuminandi. Nam vt alibi indicaui, cœlo non est vis
 calefaciendi, sed lumine gignit calorem, id vero non per se, sed
 ob analogiam, & similitudinem naturæ, alliciendo ad illumi-
 natum aërem eum ignem, qui per hanc corruptibilem spher-
 ram permeat. Itaque calor non cogit nos affirmare, esse in cœ-
 lestibus corporibus alias virtutes à motu & lumine : sed latio-
 nes potius horum inferiorum, quas à motu cœli pendere cum
 omnibus Philosophis fatemur : non tamen ob ipsum motum
 per se,

per se, sed ob aliquas virtutes, & influentias motrices, quas motu immittere, hîc, & alibi antea probauimus. neque solum eas virtutes in cœlo, eiusque partibus esse existimo, sed innumeras alias indicibiles, quibus omnium mutationum, quæ hic penes nos aguntur, in efficientis genere causæ sunt, priores quidem ijs, quæ ipsi materiæ sunt proximæ, posteriores verò quæ aliæ quæ superiores sunt, & ordine quodam positæ, vsq; ad primam: quæ omnium, quæ vbi vbi mundi, siue inferioris, siue superioris aguntur, causa est. Neque verò puto, omnibus cœli partibus omnes eas virtutes inesse eodem modo: sed vt lumen quod conspiciamus, videmus alias alijs partibus conferre, vt Solem Lunæ (ne de quibus dubitatur affirmemus quidquam) ita alias quoque virtutes, quas neque nominare possumus, neque sentire, esse alias in alijs astris, aut Solis, aut præcipuè, & alijs ab alijs demandari, ita vt ne minima quidem stella sit, quæ non conferat peculiarem aliquam commoditatem, & toti mundo, & reliquis partibus. Quorsum enim Deus tot in firmamento stellas, neque plures neque pauciores, & hoc ordine, & his interuallis, vt hæ Coronæ, illæ Canis, aliæ Bucinæ, aliæ Currus redderent figuram? cur omnes & fixas & errantes, has hac, illas illac, tanto hastempore, tanto illas facit circuire, ita cerra lege, vt nulla per innumera secula, vel latum vnguem possit declinare? An casu horum quippiam, vel frustra, ita vt aliter fieri, vel quod minutulum in eis esse videtur, posset citra mundi læsionem? minime. Si enim in formatione hominis tanta est operis perfectio, & elucet formatoris sapientia, vt ne minimè quidē particulæ addi detrahi ve possit quidpiam, magnitudini, numero, figuræ, aut positioni, vt Galenus toto opere de partium vsu sapientissimè indicauit, sed neque in mure aut formica, sed sunt vnicuique iuxta suam naturam accommodata omnia organa, vt nulli vllum aliter melius;

quanto magis id censere æquum est, de perfectissimis & pulcherrimis illis corporibus? profecto qui in numero pondere & mensura fecit omnia sapientissimè, non fecit illum ornatū cœlorum casu, velut lapillos multos sparsim proijciens, vt quiuis fortè ceciderit: sed pro numero virtutum fecit astra, & singulorum à singulis distantiam iuxta certam proportionem dimensus est: atque ex ea proportionem nata sunt multiplices illæ figuræ. Ea vero proportio interuallorum non fuit, quæ maximè spectantium oculis placere posset, sed quæ communi mundi vsui maximè accommodaretur, vt scilicet distarent singula, à singulis, vt maximè possent virtutes sibi communicare mutuo in vtilitatem totius. Hæc est enim veræ pulchritudinis lex, partium nempe omnium ad vtilitatem totius accommodatissima compositio. Vtilitati verò huic accedit harmonia secundum perfectiones arithmeticas, & vsui grata pulchritudo. Nimirum illa, vt & alia omnia quæ facta sunt, fluxerunt à perfectissimo & pulcherrimo exemplari. Vt vero hæc quæ commemoravi, pulchritudinem operis, & artem opificis indicat; ita, si vnius aut duarum virtutum facta esset tanta corporum multitudo, nullam neque ob distantias, neq; mutuos aspectus, neq; varios motus efficiendi habens differentiam, esset sanè & opus minimè pulchrum, & opifex inertissimus. Non est igitur ita: sed fateri oportet, esse in cœlestibus corporibus multas mirabilesque virtutes. Nam quod dicunt, multiplicis mutationis causam referendam esse ad materiam, nihil obstat: siquidē mutationem & alteritatem in materia, tantum est passivum principium: effectivum vero est in formis rerum proximarum, ac multo prius in superioribus causis: per quas ordine quodam priorum & posteriorum, deriuatur virtus primæ usque ad res singulas. Si igitur (quod ad secundam disputationis partem attinere iam incipit) ita habet, cur Astrologia iudicia-

ria, à

ria, à viris doctis derideretur vt inanis, à cordatis exploditur vt inutilis: à diuinis legislatoribus & vatibus interdicitur, ac secundum idololatriam viruperatur vt impia: atque adeo multis Pontificum decretis, & Imperatorum etiam, quorum extant adhuc multa edicta, de Astrologis vrbe pellendis? Sub Claudio (authore Cornelio Tacito) de Mathematicis Italia pellendis, factum est Senatusconsultum atrox & irritum. Nam nescio quo magno malo, aut quo Dæmonum astu fit, vt cum vbique gentium decretis expellantur, nunquam tamen extingui possint, immo neque deterreri, quod sanè nouum non est. nam idem Tacitus in libro decimosextimo de Mathematicis dicit, genus hominum petentibus infidum, sperantibus fallax, quod in ciuitate nostra, & vetabitur semper, & retinebitur. Sed videamus quod sit eius imposturæ principium. hoc certe. Esse multiplices virtutes astris, quibus omnia quæ hic geruntur gubernantur, atque pro differentia aspectuum ad sese, & ad res infernas, varias nasci affectiones, quod uidemur recepisse, atque confirmasse: itaque quia videntur habere virtutes multas, & habere has & illas, colligunt temere. quæ temeritas est certè, & inanis, & noxia, & parum pia. quæ distinctioris doctrinæ gratia, seorsum indicabuntur. Ac primū esse inanem, hoc est vanam, nullius veritatis participem, atque omnino scientiam non esse, neq; artem, sed imposturā, & figmentum, idq; eo maius alijs figmentis, quod illis solent impostores alios homines decipere, ipsi nequaquam decepti: hoc vero ipsis etiam impostoribus imponitur. non enim arbitror, oēs qui hanc fictitiā artem professi sunt (nam tametsi ea fluxit ab idolatris, qui adorabant cœlestia corpora, & à Iudæis, & Mahometanis magna ex parte aucta est, inciderunt tamen in eam nonnulli ex nostris, non parum docti & probi) præ varietie & malignitate voluisse vulgaribus imponere, sed eorum

non

non paucos præ curiositate, qui non exiguus animi morbus est, in eam credulitatem incidisse, & (quæ hominum est fragilitas) cum multis esse deceptos: satis arbitror constat, me non vituperare eam Astrologiam, quæ in cognoscendi cœli motibus versatur, cum ea nihil esse certius in humanis possit, neque ijs quæ circa propriam illius materiam sunt præensionibus: non enim minus certum est, futurum post biennium eclypsim Lunæ, quàm futuras in mense Iunio breuissimas noctes. nam nisi quis supputando decipiatur, eadem utriusq; scientia est. Illam vitupero diuinationem, quam quondam vocauerunt scientiam Chaldæorum, nunc vocant Astrologiam iudiciariam, quam qui profitentur, annuatim nobis prænunciant futuras aëris temperies, & temporum constitutiones, salubritatem aut insalubritatem, abundantiam frugum aut penuriam, otium aut bella, & eorum exitus tristes, aut fortunatos, Principum incolumitatem aut mortem. hi ipsi electiones faciunt horarum fœlicium aut infœlicium, pro quibusvis negotijs suscipiendis: per interrogationes, quas illi vocant, respondent de re quacumque interrogati: velut quis furatus fuerit quod domi deest; quò fur abierit. Iam verò per natales horas diuinant futuros hominis cuiusque mores, eiusque fortunam, viuendi & moriendi sortem. Hæc omnia vana sunt, etsi non omnia æquè. nam cum mutationes omnes corruptibilium corporum ad calidum, frigidum, humidum, & siccum referantur, & hæc in cœlis habere causas priores & superiores, quæ per influentias communicantur concesserimus, pluuias quoque ac serenitates, flatus & tranquillitatem aëris, causas illic habere consequens est. Si autem hæc, & fructuum prouentus boni aut mali, & morbi, & salubritas; horum enim causæ maximè sunt in temporum constitutionibus, quæ in calida vel frigida temperie aëris, pluuijs aut serenitate, flatuum abundantia aut vacui-

tate spectantur, ut apud Hippocratem videre est alibi sapè,
& maximè in Epidemicis. in his ergo bonam causę partē viden-
tur habere posse astra. post hæc secundo etiam loco nonnul-
lam & informandis moribus hominum. si enim ad tempe-
riem alterabilium omnium faciunt, & temperies ad mores, ut
libello proprio indicavit Galenus, possint etiam nonnihil astra
ad mores. Ad fortunam verò quid possunt astra? nam hoc ip-
sum casu, aut fortuna aliquid fieri, est nihil aliud quam sine cau-
sa certa & per se fieri, si Aristoteli credimus. contradictionem
ergo inuoluit, causas esse in astris eorum quæ casu contingāt,
aut fortuna, ut, quod illo prætereunte lapis deciderit, & quod
fodienti illi vineam thesaurus inuentus sit: nihil enim minus
fortuna aut casu fieret, quam illud quod causam haberet cer-
tam in incorruptilibus & æternis. Quæ fortuita ergo sunt, ut
quod ille sit à latronibus occidendus, quod alius ruina, alius ful-
mine moriturus, quod alius domi, alius in agro, quod exeunti
ab vrbe furi versus orientem prætor longè visus sit, ac proinde
ad occidentem deflexerit, nullam causam habere possunt in
astris, sed neque in vniuersa rerum natura per se, sed ex acci-
denti quodam: utpote quæ casu aut fortuna fiunt: sunt verò
hæc in quibus maxime gloriuntur. Hoc ergo genus præsen-
sionum, quod spectat ad fortunam, & casum, physica ratione
pœnitus excludetur: illud quod secundo loco memorauimus,
pertinetque ad mores hominum: siquidem pro moribus, de
faciendis etiam feratur iudicium, pœnitus erit vanum: ut si cū
esset dicendum, mulier hæc erit libidinosa, aut ne ita quidem,
sed calida, dicas erit meretrix, aut infidelis viro: aut cum dicen-
dum, erit auarus, aut ne ita quidem, sed natura propensus, di-
cas furabitur: alterius enim causa partim in educatione est, par-
tim in natura, alterius vero in arbitrio, quæ plurimum dissi-
dent. si qui vero astra necessitatem putant arbitrio ponere, hi
humanam

humanam tollunt libertatem, & rationem omnem boni aut mali, meriti aut demeriti. Superest ergo solum primum genus, quod ad aëris pertinet alterationes, & in hoc secundo exigua quædam particula. Sed & in his ipsis incertitudo summa, ob causarum implicationes. ea verò apertius conspicietur in eo quod pertinet ad mores. nam sit ita, faciat Mercurius fures, an cum hic nasceretur, erat solus Mercurius in cœlo? habes aliorum omnium perspectas naturas, omniumque subduxisti rationem? quantum scilicet singula annuerent? non (dicunt) sed quorundam. quid ergo? omnia reliqua scis esse neutra? sed sint, aut habueris omnium rationem, atque iam non Mercurius solus, sed cœlum totum illa hora faciat fures. An non per temperamentum principiorum, & materiæ generationis, id fieri dicebamus? ad eam ergo temperiem, parentum temperies non minus facit quam cœlum, non sunt verò parentes omnes, qui eadem hora cocunt eiusdem temperamenti. oportebit ergo te iam videre, non solum natalem horam huius, sed & suorum parentum, & auorum, ac denique omnium à quibus in hunc potest aliquis naturalis motus deriuari: scimus verò aliquando similitudines etiam ab atavis. Sed noueris maiorum omnium secundum vtramque partem temperies, scis etiam victus rationes, atque quid congressuri es itauerint, pisces, an allia? nam ad seminis temperiem plus facient hæc, quam Mercurius aut Venus. interrogasti quibus cibus vsa sit prægnans? ò quam exigua manet iam causæ portio in istis schematis astrorum, quæ pro natali hora faciunt. Sed sit hæc quantulacunque, an non erit maior in hora conceptionis? dicunt se vtriusque horæ rationem habere, atque ex hora ortus horam conceptionis agnoscere. omnes igitur eadem hora nati, eadem etiam concepti sunt. non ergo possunt nasci septimestres, & nouimestres, & decimestres simul. at vero quacumque hora

hora potest nasci septimestris, ergo nunquam potest nasci vltus nouimestris. quod si non quacumq; hora potest nasci eorū quilibet, sint quædam horæ septimestrium, quædam nouimestrium, quædā decimestrium: at verò nullæ tales definitæ sunt ab eis, non possunt ergo ex hora ortus scire horam conceptionis, neq; igitur ex natalibus figuris possunt quippiam præsentire. Quid ergo superest? vt prædicant nobis pluuias, aut serenitatem, flatus aut tranquillitatē, frigora, aut æstus, ac per hæc, de morbis & eorum curarionibus etiā quædam. itaq; superest solum Astrologia agricolarum, nautarum, & medicorum, quæ per exigua est. nam agricolæ & nautæ metereologicis signis magis vtuntur, quam æthereis: medici paucorum admodum astrorum considerant ortus & occasus, Pleiadum scilicet & Arcturi: aspectus verò Lunæ & Solis: atque hæc quoque multi doctissimorum censent esse superstitiosa. Sed huic præfensionī non admodum repugno, quamquam ei quoque obstant duō, magni momenti. Primum quidem, multiplicium causarum concursio, quarum neque perspecta esse potest natura, neque haberi ratio. Alterum quod in physicis indicauimus, quodque omnem ex causis naturalibus diuinandi rationem eleuaret, etiam si omnium virtutes essent perspectissimæ, atque ob oculos positæ, videlicet, primum motorem non solum mouere, primum mobile, ac per illud alta ordine quodam vsque ad vltima, sed præter commune hoc mouendi principium, quod simul æquè præbet omnibus, cooperari immediatè (quid vetat ita dicere?) cum singulis esseque causam liberam, quæ singula deflectit, non quo cælum trahit, sed quo ipse vult. neque verò solum miraculosè, sed naturaliter, & cum magna suauitate. cur enim miraculum hoc sit, magis quam si mea me mens trahit aliò, quàm cælum aut natura impellunt? præterea necesse est scientiam omnem

resolui in principia quæ per se nota sunt, aut in alia scientia de-
 monstrata, aut cognita experimento, aut à prima veritate re-
 uelata. Astrologiæ verò Iudiciariæ principijs nihil horum acci-
 dit. ea ergo non est scientia, sed inanis impostura (exceptis mi-
 nutulis illis) nihilominus quam sortilega. Primum quidem ea
 non esse per se cognita, neque in alia scientia demonstrata, ipsi
 dabunt: reuelatam esse dicunt eorum quidam, alij ab angelo
 Adæ, alij Enoch, alij à Raphaelè Thobia; ipsis verò Astrolo-
 gis quis reuelauit factas esse antiquis istas reuelationes? Certè
 ipsi sibi. Nam quæ Ecclesia? quæ sacra scriptura? dicunt, Tra-
 ditio est, per quos Apostolos? Non igitur est maior fides illa-
 rum reuelationum, quam ipsorum Astrologorum auctoritas:
 hæc verò est, quæ in dubium nunc vocatur, non est ergo suo-
 rum principiorum fides. Superest vt sint experimento cog-
 nita: hoc vt persuaderent Chaldæi, Græcis, & Romanis dicebāt
 (vt primo libro de diuinatione licet apud Ciceronem legere)
 se obseruationes horum fecisse per quater centum septuagin-
 ta millia annorum ac rectè quidem dicebant. nam tot ac mul-
 to pluribus erat opus, vt singularum figurarum tenerentur
 per pauca obseruationes. Nam si toto anno magno, quem
 quadraginta nouem millibus annorum esse dicunt, cælum ro-
 tum nunquam ad eandem penitus redit figuram, totis qua-
 tercentum septuaginta millibus, redisset minus quam decies.
 eorum verò quibus per experimentum fides debet adhiberi,
 teneri debent multe obseruationes: pauca enim casui possunt
 imputari, vt & capite primo Metaphysicorum dicitur, multe
 eiusdem rei memoriæ vnius experientie vim habent. Illi igitur
 mentiebantur consentaneè, multo impudentius nostri, qui cū
 credant, mundi totius nondum esse exactos septem mille an-
 nos, & multis iam miriadibus iactari istas imposturas, dicunt
 nihilominus experimentis cognita esse tot, quot vel fingendis
 miror

minor mundum fuisse satis. Quod verò Thaletem Milesium
 primo Politicorū, capite septimo dicit Aristoteles per Astro-
 logiam prospexisse vbertatem oliuarum futuram, non admo-
 dum curo; præviderit enim ille per incipientisiam anni con-
 stitutionem, vt agricolæ, aut medici; ac præuidisse per astro-
 logiam, fuerit inanis fama. est enim, vt indicatum est, inanis
 hæc astrologia. Quod verò si inanis, sit etiam noxia, facile con-
 stare potest: quandoquidem multis credulis, & pusilanimis;
 quæ prænunciata fuerunt dira, præ timore totius vitæ suauita-
 tem abstulerunt, ingerentia melancholiam, atque adeo veram
 insaniam; & (quod grauius quidem est) nonnullis nimium
 cautis, ipse timor facit certa esse pericula. velut si timet à mu-
 liere, ipsa Zelotipia: si ab hostibus, assidua armorum gestatio:
 si ab aqua, pavor pontes angustos prætereundo: denique à
 quibus quisque timet, in ea videmus facilius incidere; vel per-
 mittente ita Deo, ita enim legimus capite vltimo Isaia: Vnde
 & ego eligam illusiones eorum, & quæ timebant adducam eis:
 & capite decimo prouerborum. Quod timet impius, veniet
 super eum. Atqui hæc sanè fuerit vna causa, qua quæ ominan-
 tur, aliquando eueniant. Si igitur prænunciant mala, hoc mo-
 do nocent: si verò bona, quod inani spe seducen-
 tes, multa im-
 pellunt frustra tentare, atque interim magnis se exponere pe-
 riculis, aut certis alijs sese priuare bonis. tamen si enim fieri pos-
 sit, vt quispiam spe inaniter concepta, tandem compos fiat le-
 uiter sperati boni, multo tamen plures fuerint, qui spe caden-
 tes, magna sint experti pericula, vt qui imperij concepta spe,
 factus prædo, periit in furca: aut certa bona amiserint, velut
 qui thesauri inueniendi, aut chymica arte faciendi aurum spe
 allecti, laborauerunt: quorum vix quispiam est, qui non rem
 totam perdiderit, quidam vero qui non quærebant, inuenie-
 runt thesaurum. Satiusergo multo sit vt inuenias, vincam

tuam fodere,quàm de thesauro cogitare . ita,vtilius multo sit hominibus,vitam prudenter institutam agere,quam vlla diuinatione agi . Sed neque satis piam esse, præter sacrae scripturae loca quæ produximus, hæc indicant, quod facit periclitari fidem de Dei prouidentia, & de libero arbitrio . tamen si enim præfari semper soleant, se illa imprimis salua esse velle: sunt vero adeo nimij narrando tam multa & stupenda, vt latenter de necessario fato, sacrilegam audientium animis ingerant opinionem . Huc accedit multos huius prætextu, Necromantiam exercere, Dæmonesque, vt quæ commemorauimus mala accidant mortalibus, & hac via nonnulli à fide deerrent, exequi quo ad possunt illorum prænunciata . quæ alia causa est, vt eueniant, opereque comprobentur nonnulla . Præter dictas verò duas causas, alteram ab affectibus eorum quibus prænuncientur, alteram à Dæmone, eueniunt quædam casu . non sunt autem tam multa quæ non mentiuntur, vt dictæ tres causæ (si modo casus in causis est) non possit esse satis . Eorum mendacitatem facere admodum notauit Seneca, in ludo de morte Claudij Cæsaris, inducens Clothum ita loquentem . Patiar aliquando mathematicos verum dicere, qui illum postquam princeps factus est, omnibus annis, omnibus mensibus efferunt . Accedit etiam, eam credulitatem coniunctam adeo esse cum Idololatria, vt Babiloniorum religio nihil fuerit aliud, quam ipsa scientia Chaldæorum . nam eadem Deorum & astrorum nomina, & eadem canebant de Dijs in sacrificijs sacerdotes, quæ prædicabant de astris Astrologi . nimirum illi furatum esse boues Mercurium : hi sub Mercurio natos esse fures : & alia omnia eodem modo . & merito quidem nam persuasi bona malaque omnia ab astris venire, neque quod amarent, neque quod timerent habebant aliud, quam astra . Proinde simul cum idololatria damnatur hæc Astrologia loco cita-

to ex Hieremia, his verbis. Iuxta vias gentium nolite discere, & à signis cœli nolite metuerè, quæ timent gentes, quia leges populorum vanæ sunt. Vide vt leges gentium coniungit cum timore astrorum. Peccant etiam Astrologi in ipsa altra, imputantes illis tam multa mala. nam cum facta sint omnia a summo bono boni gratia, vt scilicet gignant, foueant, & augeant: in mortes, in crimina, in bella, nullum factum est, neque quidquam inde malignum venit, nisi ex accidenti quodam. Quo pacto ergo stellæ pugnauerunt contra Sisaram? nullo certe. quis enim congregientium simul hominum, posset illis esse delectus, vt Hebræos tuerentur, & debellarent Chananeos? sed stellarum nomine haud dubiè illic vocantur angeli, qui iuuerunt populum Dei aduersus impios. Dicuntur vero manere in ordine suo, quod suo quisque est ordine cœlestis illius hyerarchiæ, qua nihil est in rebus creatis pulchrius, aut ordinatius. Cursus vero Angelorum, dicitur assidua illa & continens cooperatio, qua homines custodiunt, & gubernant. Angeli igitur custodes Hebræorum, quorum princeps Michael, suo quisque ordine persistentes in defendendi munere, pugnauerunt contra Iabin regem, & ducem exercitus Sisaram. atque hic est sensus literalis huius loci. non aliter ac duodecimo capite Apocalypsis dicitur cauda draconis illius trahebat tertiam partem stellarum cœli, & misit eas in terram. quo loco significatur literaliter tertia pars angelorum. vnde constat, nihil hîc habere Astrologiam iudiciariam quo se tueatur:

sed oportere, vt contemptis his vanitatibus, bene

semper speremus, & actiones nostras pru-

denter instituamus, dantes glo-

riam Deo.

CAPVT TRIGESIMVM SECVDVM.



APITE 37. libri Iob ita habetur. Qui in manu omnium hominum signat, ve noverint singuli opera sua.

His verbis solent se munire, qui Chyromantiam profrentur, diuinantes ex lineis manuum, neque minora neque pauciora, quàm Astrologi ex schematis stel-

larum. itaque intelligunt verbis his Iob significari, Deum cui-cumque depinxisse in manu, signa eorum quæ facturus esset: illi vero prædicunt, & quæ perpeſſurus, siue ab internis causis, siue ab externis, siue propè, siue longe positis, siue naturalibus, siue fortuitis. qui cum hæc sibi persuaſerint, possunt etiã in subsidium trahere locum alium ex decimo tertio Exodi, quo ita dicitur. Erit igitur quasi signum in manu tua. Aristoteles quoque, auctor nunquam contemnendus capite. 15. primi de historia animalum, ita dicit. Pars interior manus vola dicitur, carnosâ est, & scissuris vitæ indicibus distincta, longioris scilicet vitæ singulis, aut binis ductis per totam; breuioris binis, quæ non longitudinem totam designent. Opere prætium ergo erit hoc loco considerare, An sit aliqua ex forma manus naturalis significatio, an omne id studium vanum sit. Eatenus verò, ut mihi quidem videtur, naturalis ars, & certitudinis aliquid habens censeſſi debet, quatenus referri possit in naturales aliquas causas, habeatque principia, aut per se nota, aut alibi demonstrata, aut procedat ex certis experimentis: quatenus verò nihil habet horum, vana. Qui igitur palmas, fictis quibusdam lineis in partes quasdam diuidunt, singulasque tribuunt singulis planetis, & naturaliter innatas lineas, secundum conceptam

conceptam vulgo opinionem de naturis planetarum interpretantur; nihilominus vani sunt quam ipsi Astrologi iudicarij: immo eo plus, quo plures positiones accipiunt gratis, & sine ulla monstracione. Illi enim gratis accipiunt, hoc astrum hanc facere sub illo natis, illud illa: hi addunt, manus hanc arcem esse Iovis, illam Veneris: & rursus hanc illa significare. quæ autem horum monstratio? aut quæ naturales causæ? experimenta verò iactare possint, ut ipsi Astrologi, casu quodam, rarissimè verarum pronunciationum. vani igitur sunt, qui ita procedunt, multo verò magis, cum non solum procedunt ad interpretandos mores hominis, sed & fortunas, & quæ non in eo cuius contemplantur manus, sed in lege positis, causas habent. velut dicunt, hæc nubes ter, hic percutietur capite. id verò mihi videbatur coniectandum ex manibus maritorum, & eius qui percussurus est. nam quo pacto connubia possint habere causas in nubentium altero, cum ad ambo pertineant? ac percussio in percusso solo, ac non potius in percutiente? Quid si primus maritus habet lineam vitæ longiorem quam mulier? quo pacto poterit nubere illa pluries? percuti verò non potest hic, nisi quis percutiat, aut lapis regulæ cadat. causa enim percussione percutiens est, aut ruina: igitur eadem causa est linearum manus Petri & iræ Ioannis, aut casus regulæ. nisi enim referantur ad eandem causam, non possit alterum alterius esse signum, neque alterum causa eius quod alterum significat. At verò causa linearum manus intra ipsum hominem esse videtur, & ex illius natura fluere. intra Petrum itaque est causa casus regulæ: recto: at hoc absurdum. Dicunt, in eodem astro causam esse harum linearum, & casus. redeunt eadem argumenta, quæ aduersus Astrologos, & illud maxime, quod si naturalia, ut lineæ manuum, & fortuita, & casus & ruinæ, easdem habent causas, nihil est fortuitum, cum omnia habeant causas per se. hoc

se. hoc longe absurdius. nam vt cadat regula, causa est qui tollit fulcrum, vt vero cadat in Petrum, nulla est per se, sed eadē causæ, quæ per se faciunt lapidem cadere, & Petrum transire, faciunt ex accidenti quodam, & fortuito, lapidem incidere in Petrum. Haftenus igitur vana est Chyromantia: neque video quæ possit non esse talis, nisi fortè ea, quæ subalternata Astrologiæ non sit, sed pars quædam Physiognomiæ. Nimirum Physiognomus non solum considerat faciem (quamquam eam maximè vt quæ sensuum organis constat, & mentem maximè prodit) sed aliarum etiam partium constitutionem: nā capitis totius, & pectoris, & dorsi, & vocalium, & genitalium, & pedum; ita vero & manus contemplatur: atque adeo post faciem, magis quam alia omnia: nam manus humana organum organorum est, auctoribus Aristotele & Galeno, atque vt facies intellectiuas virtutes, ita manus factiuas maximè potest indicare, habetque manus ad rationem vt instrumentum ad artem, quia vt ratio est ars ante omnes artes, ita manus organum ante omnia organa. Nihil igitur in homine, ea quæ spectant ad rationem præcipuè factiuam, æquè poterit indicare ac manus. Igitur ea manuum cōtemplatio, quæ Physiognomiæ fines non transgreditur, Physiognomiæ pars est, & parem cum ea habet auctoritatem: quam ergo habere debeat Physiognomia, hoc loco videndum est. Non esse profecto omnino vanam, vel illud vnum argumento esse potest, quod Aristoteles, auctor minime vanus, librū proprium dedit ei doctrinæ, & sparsim scripsit de ea multa in libris de historia animalium. sed & Hippocrates, qui iudicio omnium est seuerissimus, sparsim scripsit multa spectantia ad Physiognomiam, quale est illud libri secundi de morbis popularibus. Quicumque ruffi, naso acuto, oculis paruis, mali. Quicumque ruffi, simi, oculis magnis, boni. Et rursum, magni, calui, balbi, gracili voce

voce præditi, boni rursus, Caput magnum, oculi parui, balbi, iracundi sunt. Et rursus, Occuli non niſtantes, iracundi. Et iterum, Magnum caput oculi nigri, & magni, naſum craſſum & ſimium habentes, boni. Sed & legibus etiam ciuilibus, in quibus iniquum ſit cenſere eſſe aliquid futile, aut vanum, cau- rum eſt, vt ſi duo homines inciderint in criminis ſuſpitionem, is primum torqueatur qui ſit aſpectu deformior. Cuius legis ratio eſt in Phyſiognomia. Eccleſiaſticus etiam capite 13. bonam faciem vocat veſtigium boni cordis. ſed & experimento probat Ariſtoteles eſſe artem Phyſiognomicã: quia quicum- que plurimum inter animalia cuiuſpiam generis verſati ſunt, ſciunt ex forma dignoſcere bona & mala, velut equites equos venatores canes. neque in hac dignotione falluntur, ſed ſem- per, aut magna ex parte euenit vt illi iudicant. Eſt igitur ali- qua Phyſiognomia. Verum eſt, multo certiore fore eam quæ verſetur in dignotione brutorum, quàm quæ homi- num, quia illa nihil habent præter ipſam naturam: in homini- bus vero valet plurimum ad formandos mores educatio, & diſciplina, & quod his omnibus maius eſt, Dei gratia. Sed neque hæc penitus eleuant Phyſiognomiæ facultatem, vt neque naturam. Notæ quas Phyſiognomi obſeruant, acci- piuntur primum à ſimilitudine cum alijs animalibus; vt qui paruis ſunt oculis timidi, vt ſcilicet & ſimix: qui magnis ſtupi- di, vt & boues & aſini. deinde & cum diuerſarum nationum aut ſexus hominibus, vt qui valde nigri, ſunt timidi, vt Ægi- ptij & Ethiopes: Qui valde candidi, timidi etiam vt mulieres. deinde ab ipſis paſſionibus, quale erat illud Hippocratis, Qui oculis non niſtant, iracundi: quia & qui irati ſunt, ſolent im- motis oculis & palpebris intueri. Poſt hæc loca argumentorũ, habent etiam præcepta conferendi ſigna cum ſignis, & colli- gendi quædam ex quibuſdã: velut (dicunt) ſi quis eſt iracundus

& tristis & prauus, necesse est sit inuidus. Sed nunc non est animus hanc artem persequi, sed hæc summa eius capita attingere, vt videamus quo pacto in naturales causas referri possunt. Inter omnes Philosophos conuenit, omnibus animantibus data esse instrumenta, suis moribus accommodatissima; velut leoni, tauro & apro, vtpotè ferocibus, vngues & dentes validos, aut cornua, aut exertos dentes: equo, vtpotè veloci, & generoso, superbo & calcitranti, vngulas fortes, longa crura, & ornamentum iubæ: timidis verò & fugacibus, vt lepori & ceruo, pro armis dedit artus ad celeritatem comparatos. ita & alia omnia circa animalium singulorum partes fabricata est natura: quod mihi nunc satis sit pro re præsentī attigisse, tractat diffusè Aristoteles in libris de partibus animalium. Dubitatum est à veteribus, an animalia talia sint, quia talia habent instrumenta, an talia habeant instrumenta, quia talia sunt. velut, an taurus, quia cornua habet sit ferox: an quia sit ferox, habeat cornua: lepus quoque, an quia est inermis sit timidus, an quia timidus sit inermis. Anaxagoras, vt dicit Galenus primo de vsu partium, affirmabat animalia talia esse, quia talia habent instrumenta, quasi animæ ipsæ omnes sint eadem, aut similes, sed pro differentia instrumentorum, varios induant mores. Galenus contra censet, animas ipsas per se differre moribus, & vnicuique data esse instrumenta accommodata. Mihi verò vtrumque videtur verum, & animalibus data esse talia organa, quia sunt talia; & esse talia, quia habent talia organa. Nam & homo, quia audax est, arripit ensē: & quia ensē habet sit audacior: ita vitulus, antea etiam quàm ei exorta sint cornua, ipso naturæ impetu inuadit, quasi velit cornu ferire: idem verò taurus iam factus, si ferrentur cornua, ferocitatem deponit: scilicet ipsa organorum vacuitas facit diffidentiam. Sed etsi instrumentorum commoditas mores illos augeat, si
quidem

quidem non vnica ea est causa eorum, neque à principio facit, necesse est vt sit alia causa differentiae morum, prior ipsis organis: hæc vero, vbi fuerit nisi in animabus quæ diuersæ sint, aliæ audaces, aliæ timidæ, aliæ agrestes, aliæ cicures, aliæ solitariae, aliæ gregales. Quid ergo, ipsæ animæ per se ante talia corpora sunt tales? non certè. nam brutorum animæ ante corpora ne sunt quidem, cum educantur de potentia materiae, & sint nihil aliud quam ipsi corporum actus. Quid ergo sit? Certe vt in ipsis corporibus ante organa sit aliquid, quod & morum, & organorum causa sit, hoc verò est temperies, seu natura, quæ facit esse substantiam hoc aliquid: id verò in brutis est ipsa anima, atq; adeo in hominibus, secundum partem sentientem, perinde eueniunt omnia, ac si anima ipsa corporis temperies sit: non enim ob hanc partem agnoscitur anima nostra esse separabilis, sed ob mentem. Cum ergo morum differentia non ex mente sit, sed ex irascibili, & concupiscibili, & internis sensibus, quæ cōsistunt in organis corporalibus, quod ad hoc attinet, perinde de nobis ac de brutis censere oportet. Igitur si temperies parit hos aut illos mores, & his talia, aut talia succedunt organa, profecto temperies prior est organizatione, & causa illius: quod si temperies causa est morum, & compositionis, certè compositio significatiua sit morū, quia referuntur ambo ad eandem causam: atque adeo, vt Sextus Philosophus inquit, etiam corpus sit quædam animi imago. Ratio vero agnoscendi, quæ figura quos indicet mores, nulla potior sit, quam ex obseruatione figurarum quæ tales mores solent comitari, translata ratione ab alijs in alia: siquidem indicatum est, hac in re esse omnium eandem rationem. Cur igitur notæ morum à figura recte capiantur, & tales recte transferantur ab alijs animalibus ad alia, hæc est causa. Quòd verò & ab ipsis passionibus recte accipiantur (quem tertium argu-

mentorū locum esse diximus) ex dictis etiam constare facile potest. indicatum enim est, animalia quædam ad quasdam passiones esse propensa naturaliter, vt hæc ad iram, illa ad timorem; ad mœlitiā alia, alia ad gaudium. Porro per has passiones, non viscera solum, & in eis inhabitantes spiritus, & succi, sed & externæ partes modo quodam permouentur. Non enim difficile est, ex facie agnoscere iratum, timentem, hilarem, & tristem. cum igitur omnia sponte ferantur, etiam sine vllō externo motore in quæ propensa naturaliter sunt, incident per sese quoruncumque hominū vultus, etiam cum de nulla re cogitant, in eas dispositiones, in quas vergunt naturaliter, vt vultus iracundi in toruum aspectum, etiam cum non erit iratus: tristis in demissionem quandam, etiam cū non mœrebit. Huc spectat, Physiognomicumq; est illud, duodecimi capituli primi Paralipomenon. Sed & de Gadi transfugerunt ad Dauid cum lateret in deserto, viri robustissimi, & pugnatōres optimi, tenentes clypeum & hastam; facies eorum quasi facies leonis. Est igitur agnoscere animi robur ex facie, per similitudinem aliorum animalium: ex passionibus verò seu ex passionum vacuitate est physiognomicum illud, Ecclesiastes capite octauo. Sapientia hominis lucet in vultu eius: Et illud Prouerborum, Cor gaudēs exhilarat faciem. Et illud, In facie prudentis lucet sapientia, oculi stultorum in finibus terræ. Nimirum, vt à facie quam à reliquo corpore, ita ab oculis plura quam à reliqua facie capiuntur argumenta: quia velut fenestræ animæ sunt, atq; inter cætera à modo intuen-di. Nam recta despicere, oculis parum demissis, verecundi; immotis neque nictantibus, impudentis & iracundi: plurimum nictare, timidi aut insanire parati: obliquè intueri, vt cum sit è regione, habeat oculos in finibus terræ, est subdoli & derisoris, quem stultum vocant diuina proueria. Post faciem, in manibus potius-

tiusquam in vlla alia parte, dictis de causis locum habent signa huiusmodi. Manus ergo bene magna, multis lineis descripta, neque omnino glabra, neque pilosa, & longi digiti, ad naturalem proportionem inæquales, qui facile & adducantur, & abducantur, sapientiam indicant, & bonos mores. maximè enim humana est talis manus. Curtam verò, rotundam, breuibus digitis, & æqualibus, glabram nimis, aut valde pilosam qualis erat Elau, aut ungues habentes incuruos, & longos, & nullis aut paucissimis lineis esse distinctam, hæc omnia beluina sunt, & ad aliqua brutorum genera referuntur. Quare pilosa manus significabit hominem agrestem, & ferum more vrsi, ungues incurui, rapacem more accipitris, rotunda ac brevis ac sine lineis, stupidum qualia quadrupedum plurima. Ita etiam & à passionibus: qui contractas semper gerunt manus, timidi & auari esse dignoscuntur; contra qui extentas, audaces & liberales; qui pendentes aut demissas, aut aliam super aliam, desides: qui elatas aut mobiles, solliciti, & negotiosi: qui ad faciem aut os adducunt, cogitabundi. Ex his constat chyromantiam, nisi vltra physiognomiæ fines se effundat, vanam non esse: nisi vero intra illos se contineat, vanissimam, velut & ipsa physiognomia suos egressa fines, vana fit. vt cum Physiognomi, non solum naturales cuiusque mores, & ingenium volunt dignoscere, sed & fortunam prænunciare, dicentes alios esse Iouiales & fortunatos, alios Saturninos & infœlices. Nimirum si rectè antea monstratum est, Astrologiam Iudiciariam, cum præcipuè de fortuitis agit, vanam esse, necesse est omnes eas artes quæ ad illam referuntur vanas esse, vt Physiognomiam, quæ Martes, Ioues, aut Saturnos nominat; & Geomantiam, quæ loca planetarum describit
in terra

in terra: multo autem magis & Hydromantiam, & Pyromantiam, & innumera alia figmenta futilissima: quæ omnia sunt merè ludicra, aut adiunctam habent operam Dæmonum. Cum ergo Chyromantiam bona ex parte receperimus, licebit verba illa Iob, Qui in manu omnium hominum signat, ut nouerint singuli opera sua, chyromanticè interpretari. Verum occurrit mihi alia interpretatio, quæ multo magis arridet, nimirum ut Galenus loco citato edisserit, dara manus est homini, ut rationali ac sapientissimo animali. Nam æquum erat, habenti artem ante omnes artes, hoc est rationem, dari organum ante omnia organa, hoc est, manus. ut igitur fabrum dolabra & ferra; agricolam ligo & falx, sui muneris faciunt recordari: ita manus, hominem humani officij. Ergo vel suas ipsius manus intuens homo, agnoscat se esse natum ad omnes artes exercendas, ad adorandum Deum, ad erigendas Deo aras, ad sacra faciendum, ad scribendum, docendumque omnem sapientiam etiam posteris, dicent Pythagorici ad numerandum; quandoquidem calculi numeri denarij, qui omnes continent numeros, in ipsis digitis positi ante oculos sunt. Signauit igitur Deus in manu omniam, ut nouerint singuli opera sua, hoc est, quæ eos facere oporteat, & ad quæ nati sunt: nimirum admonent nos aures, natos nos esse audire, nares odorari, lingua gustare, oculi videre. Hæc verò omnia, opera nostra non sunt, sed cum plerisque communia manus vero sapientiae, & diuini cultus, & rationis numerandi, & exercendarum omnium artium nos admonent; quæ sua hominis opera sunt. Quod decimo tertio Exodi dicitur, Erit igitur quasi signum in manu sua, nullatenus pertinet ad Chyromantiam, sed alludit ad consuetudinem hominum, qui cum rem quampiam volunt memoriæ commendare, signum aliquod

quod alligant digitis, quòd scilicet manus ob oculos versentur semper. Eum verò esse legitimum sensum verborum, sequentia indicant, Erit igitur (inquit) quasi signum in manu tua, & quasi appensum quid ob recordationem ante oculos tuos. Quod Aristoteles primo de historia animalium dicit, scissuras manus, longioris aut breuioris vitæ notas continere, non tam est à ratione alienum, quam fortuitorum euentuum significationes inde peti, quod scissuræ illæ ad formationem spectant, & formatio ad temperiem rationem habet, bonusque aut malus corporis habitus naturalis, qui compositione constat & temperie, longioris aut breuioris vitæ, & eius interitus qui ab intrinsecis causis cietur, præcipua causa est. Tamen neque hoc mihi, vt verum fatear, admodum aridet: multis enim experimentis confirmanda foret eius assertionis fides. Neque me sanè plurimum mouent Aristotelis eo loci verba, ibi enim non Philosophum, sed Historicum agit: longè autem minorum historicorum, quam philosophorum auctoritas est.

CAPVT TRIGESIMVM TERTIVM.

DE NECROMANTIA.



NECROMANTIA, vt ipsum præ se fert nomen, est diuinitio quæ procedit ex cōsultatione mortuorum, cum scilicet Necromantici, incantationibus, & characteribus, aut certis quibusdam peractis, velut expiationibus, aut ceremonijs, mortuos accersunt, quos de occultis aut futuris rebus consulant: cui rei magnam videretur auctoritatē conciliare, quod euenisse Sauli narratur capite 28. primi Regum. cui,

cui, opera cuiusdam mulieris pythoniſſæ, hoc eſt familiaritate Dæmonis vtentis, inuocatus ſuſcitatusque Samuel, ſinem ſuum imminentemque illi, ac filijs ſuis à Philiſtæis, indicauit. Si enim in ſacris legimus, per mulierculam Necromanticam ſuis magicis artibus vtentem, prophetam adeo Deo charum ſuſcitatum eſſe, & Regi veriſſimum futurorum reddidiſſe reſponſum, cur non putemus magicis incantationibus, characteribus, ac reliquis ſignis, facultatem aliquam ineſſe, aut naturalem, quæ vim etiam poſſit ipsis ſpiritualibus ſubſtantijs inferre, aut diuinam, dæmoniacis illuſionibus longe ſuperiorem? Non enim videtur dici poſſe, non fuiſſe verè Samuelem, aut eius animum, eum qui reſpondit Sauli: ſiquidem in capite 46. Eccleſiaſtici, de Samuele, poſt alia eius acta, ita ſcriptum legimus. Et poſt hoc dormiuit, & notum fecit Regi, & oſtendit illi ſinem vitæ ſuæ, & exaltauit vocem eius de terra in prophetia, delere impietatem gentis. Quid enim aliud indicant hæc verba, quam quod illo loco narratū eſt, Samuelem poſtquam dormiuerat, ruſum exaltaſſe vocem de terra, & notum feciſſe Regi ſinem vitæ ſuæ in prophetia? quod certè non alias fecit, quam cum à Pythoniſſa eſt excitatus. Scio de hac re diuerſas eſſe Theologorum opiniones, alijs dicentibus fuiſſe verè Samuelem qui indicauit Regi ſinem ſuum, alijs eius imaginem, quas nolo ego aliter examinare, quam dicens quod mihi videtur probabiliſſimum: quandoquidem Eccleſiaſticus narrans Samuelis geſta dicit, poſtquam dormiuit notum feciſſe Regi ſinem ſuum, & exaltaſſe vocem de terra in prophetia, non dubito quin fuerit ipſe Samuel. non dico ipſe Samuel ſuſcitatus, ſed illius anima apparens in corpore aëreo, vt ſolent Angeli. Neque enim mihi pro aſſerenda Eccleſiaſtici veritate (tameſi id dicat vir ſanctiſſimus æquè ac doctiſſimus

Auguſti-

Augustinus) videtur esse satis dicere, vocari Samuelem, Samuelis imaginem: videndum enim quorsum hæc narret Ecclesiasticus: non certè aliorum, quam vt narret gesta Samuelis, & illius laudem. quam autem laudem meretur Samuel, quòd Dæmon eius imaginem induens, pro illo responderit? aut quomodo quispiam hoc inter illius rectè gesta iurè commemoret? accedit quod ex Ecclesiastici verbis constat, illum non simpliciter prænucciassse Regi finem suum. (hoc enim malus etiam Dæmon posset fortasse facere, aut coniectura, aut à Deo per bonos angelos accipiens) sed concionatum etiam esse aduersus idolatriam, quod malus Dæmon non fecisset. ita vero inquit Ecclesiasticus, Et exaltauit vocem eius de terra in prophetia, delere impietatem gentis. Existimo itaque verè fuisse Samuelem. Monstratum verò mihi alibi est, nullam vim naturalem esse verbis, neque characteribus. Porro monstratum etiam est, nullam Dæmonibus esse cū corporalibus sympathiam, neque antipathiam: Vnde fit, nihil penitus posse Necromantiam nisi ex pacto: siquidem vim naturalem inferre spiritalibus substantijs nullam potest: neq; quidem ex pacto sine Dei permissione, siquidem non annuente prima causa, ne esse quidem quispiam potest, nedum operari. Quid igitur superest? certè Necromantiam nihil esse aliud, quam Dæmonis illusionem, hominum vero infidelitatem, qui cacodæmoni se deuouent. Quoniam autem neq; Dæmon potest ex pacto respondere sine Dei permissione, fit nonnunquā vt Deus Dæmones coerceat, ipse vero aliquid in illorum qui se deuouent perniciem fieri permittat, atque vt dicitur capite vltimo Esaïæ, eligat illusiones eorum, & quæ timebant adducat eis. Velut nunc in perniciem Saulis, qui volens ac sciens defecit à Deo, atque ad Dæmonem se contulit, permisit vt pythonissa Dæmoniacas artes exercente, ap-

pareret Samuel, & illi finem suum indicaret, & maiorem
 fraudi fidem adhibens induraretur, & adductus in desperatio-
 nem, periret in peccato suo. Censere verò aliquid præter ne-
 quitiam esse in Necromantia, hominum est indoctissimorum
 pariter ac leuissimorum. Non desunt, qui asserentes non fuisse
 phantasma dæmoniacum, sed ipsam Samuelem, existiment
 assumpsisse Dæmonem Samuelis corpus, atque ex illo respon-
 disse, atque vocari Samuelem, ut cuiusque hominis cadauer ip-
 sius nomine dicimus: hoc verò sine omni probabilitate, ne-
 que sine Prophetæ iniuria, videtur dici. nam longe facilius
 erat Dæmoni æreum corpus effingere, aut videntium ocu-
 lis illudere, quam dissolutum iam in sepulcro corpus, in
 formam pristinam, vel apparenter restituere. Quod au-
 tem maius opprobrium fieri poterat Prophetæ corpori, quam
 à Dæmone assumi? hoc igitur minime est probabile: qua-
 re superest, id solum quod dictum est permissu Dei venis-
 se animam Samuelis, atque assumpto corpore æreo Sauli
 respondisse. Neque verò vellem hinc augeri creduli-
 tatem indocti & superstitiosi vulgi, de reditu
 animarum hominum vita iam defuncto-
 rum. Verum quia redeant an non, ni-
 hil habet cum naturali Philoso-
 phia, neq; ad huius operis
 spectat argumen-
 tum. De his ha-
 ctenus.

CAPVT TRIGESIMVMQVARTVM.



VARTO Regum. capite secundo. Dixerunt quoque viri ciuitatis (Hyericon-
tis scilicet) ad Eliseum , ecce habitatio
huius ciuitatis optima est , sicut tu ipse
domine perspicis, sed aquæ pessimæ sunt,
& terra sterilis, at ille ait , averte mihi vas
nouum, & mittite in illud sal. quod cum
attulissent, egressus ad fontem aquarum , misit in illum sal,
& ait , hæc dicit Dominus, sanauit. aquas has, & non erit ultra
in eis mors, neque sterilitas. sanatæ sunt ergo aquæ usque in
diem hunc, iuxta verbum Elisei, quod locutus est.

Non dubium est hoc quoque, vt alia pleraque contigisse
populo illi in figura, vt testatur diuus Paulus, & aliquam aliam
aquarum emundationem significasse, factumque esse ob ali-
quod sacramentum : an verò hîc quoque aliqua naturæ ratio
habita sit, præsentis operis est examinare. Dictum enim non
semel est, atque indicatum, etiam in efficiendis miraculis,
plerumque vt Deum aliqua naturali causa, idque multis at-
que optimis rationibus, quas, vtpotè alibi dictas, non est
nunc animus repetere, sed id præstare solum quod proposi-
tum est. Quandoquidem terræ sterilitas curatur in aquis,
constat nihil aliud insinuari, quam aquas fuisse tales, vt earum
vitio irrigata terra sterilesceat. Id vero vitium, videtur ra-
tioni consentaneum fuisse falsuginem, & quia id solet esse fre-
quens in aquis, ex quo quam plurimæ fiunt ad potandum in-
utiles, & quia id solet omnium maxime sterilitatem afferre
Quo factum est, vt ab antiquissimis seculis venerit in con-
suetudinem ; vt solo, quod ob patriam ibi facinora, & prodi-

tiones deuouetur, sal inspergatur: quod fecisse legimus Abimelech deleta vrbe Sychimorum, capite nono libri Iudicum: quin & psalmo 106. ita dicitur, Posuit terram fructiferam in salsuginem, à malitia inhabitantium in ea. itaque salsugo maxima causa est sterilitatis terræ, & inspersus sal sterilitatem indicit, & maledictionem: Si autem falsæ erant aquæ Hyericontis, atque ideo hominibus erant ad potum inutiles, & terræ afferentes sterilitatem, quæ vis naturalis esse poterat in sale ad sanandum eas? cum præcipuè Diuus Iacobus in sua epistola capite 3. dicat, Nunquid potest frater mei ficus uvas facere, aut vitis ficus? sic neque falsa dulcem potest facere aquam. Neque dubium, cum sint contraria contrariorum remedia, quin similibus augeantur rerum vitia. Alterum igitur duorum dicendum est, aut in illo Elisei miraculo nullam esse habitam naturæ rationem, sed adhibitam esse rem prorsus aduersam & noxiam, maioris portenti causa (nam hoc quoque nonnunquam legimus factum) aut vitium illud aquæ, non fuisse salsuginem, sed corruptionem putridam, & olidam. hæc enim ut alijs omnibus in rebus, ita etiam in aqua, salis admistione corrigitur. nam sal calidæ & siccæ naturæ cum sit, & facile cum aqua dissolutus commisceatur, putres in ea siue vapores, siue partes absorbit, & putredinem emendat, atque integritatem facit diutius retinere. testantur enim nautæ, aquas nonnihil falsas, aptas vero adhuc potui, vtiliores esse nauigantibus, quòd diutius incorruptæ seruari possint, ac proinde se eas ex puteis mari vicinis solere haurire. Quin etiam qui naturas rerum diligenter scrutantur, affirmant puteos malè olèntes, & prauo aliquo sapore infectos, nulla ratione melius expurgari, quam sale in eos iniecto: iniecti vero solitam quartam partem

tem modiolii in singulos. quamquam non potest hoc esse in omnibus ratum, sed plus aut minus debet injici, ut in ipsis puteis inest aquæ. hoc igitur videtur maxime consentaneum quia præter dicta, ob putrescentiam, & graueolentiam euenit aquas esse mortiferas, magis quam ob falsuginem: sed & steriles, quia falsugo nisi omnino sit maxima, ut in mari Sodomæ (quod quia nihil viuum generat, ac si quid in ipsum incidit necat, mortuum appellatur) neque lethalis est, neque fecunditati officit: quin potius cum sine putrescentia est, & intra quandam mediocritatem, ut in mari, ipsas aquas facit fecundissimas: nullibi enim mundi adeo luxuriatur generandi facultas, neque est tam multiplex generatio. Atqui profecto, ut ego existimo, ille ipse Dei spiritus, qui aquas in cubauit initio (quem ego ignem esse censeo) tales reddidit, crassas inquam, & falsas; atque ita multiplici rerum generationi, aptiores multo quam dulces. Iam verò irrigata aqua, non utcumque falsa officit plantis, neque æquè omnibus; sed sunt quædam plantæ, quæ gaudent etiam quadam falsugine, & puteales quæ falsugine aliqua plerumque participant desinunt prius esse apte potui, quam irrigationi. nimirum in potu insuauissima est falsugo, quia sitis humidi & frigidi appetitus est, irrigata verò alimenti magis rationem quam potus habet, nutrit enim plântas, atque ita non statim officit, neque enim nisi cum multa est, ut si muria, aut marina rigent plantæ, aut inspergatur ipse sal. facit verò, si qua vlla in re, in sale maximam, ipsum plus, aut minus differentiam. multa enim salis irrigatio aut inspersio, siccatur omnes plântas, & solum ipsum vrit ac facit sterile: moderata, quibusdam plantis est amica, nullis plurimum nocet. Animantia omnia à maxima falsugine, qualis maris mortui est, necantur (videntur enim) moderatiori, qualis reliqui maris, generantur quamplurima, & in molem ingentem augentur, ac maximè fruuntur

fruuntur salubritate, & mortua etiā asseruari possunt diurius : tametsi nonnulla ne tantam quidem falsuginem sustinent , neque consistere possunt, neque viuere, nisi in dulcibus aquis : & alia etiam quædam vtramque vitam sustinent : tanta naturarum varietas est . Iam verò hominibus & reliquis animantibus multi salis vsus est morbidus, quia sanguinem salsum facit, & sterilitatem infert siccando vehementer, & acrius efficiendo semen : moderati verò, facit salacitatem, & irritationem, & pruritum augens, ac proinde ad generationem confert . Quare indistinctè mihi videntur altercari nonnulli, partim dicentes salem sterilitatem inferre ac mortem, ac proinde solitum inspergi in solum quod deuouetur : partim fœcunditatem & incorruptionem, ac proinde fabulatos esse Poetas, Venerem natam esse in mari, decidentibus in illud cœli verendis, atque ab spuma vocatam *αποδιταυ*. Nam re vera non sunt hæc tam propria salis, quam consistunt in vtendi modo, estque verum, salis nomine hyeroglyphicè significari plurima. nam & sterilitatem, & salacitatem, & sapientiam, & incorruptionem, & suauitatem, & mordacitatem : quibus verò causis singula, oportet Philosophos distinguere, vera salis natura perspecta, ac neque laudando neque vituperando esse nimios . Cum enim, vt Hippocrates mirè dixit, sint omnia ad aliquid bona, & mala, de sale videtur id multo melius posse dici : est enim sæpe ac plurimis rebus noxius ac sterilis, plurimis etiam alijs non raro utilis est, & fœcundus : putida vero corruptio semper est mortifera & sterilis, cum contraria sit omni naturali ortui, veniantque res omnes, teste Aristotele, per putredinem ad interitum . Cum igitur hæc mortem & sterilitatem asserre nata sit rebus omnibus, & salis admistione naturaliter emendetur, consentaneum est id fuisse vitium aquarum Hyericonis, & Eliseum in earum curatione naturalem ordinem tenuisse,

tenuisse, Deo interim adijciente plurimum facultati, quam
 soli ab initio indiderat. alioqui enim, neque tam multe aquæ
 expurgandæ fuisset satis, tam modicus sal, neque ea sanitas
 accessisset in hunc usque diem.

CAPVT TRIGESIMVMQ VINTVM.



IN R O quarto Regum capite 4 ita habe-
 tur. Ingressus ergo Elishæus domum, &
 ecce puer mortuus iacebat in lectulo
 eius: ingressusque clausit ostium super
 se, & super puerum, & orauit ad Domi-
 num & ascendit, & incubuit super pue-
 rum, posuitq; os suum super os eius, oeu-
 los suos super oculos eius, & manus suas super manus eius: &
 incurruauit se super eum, & calefacta est caro pueri. arthre-
 tismus deambulabat in domo, semelque huc atque illuc, &
 ascendit, & incubuit super eum, & oscitauit puer soporæ ape-
 ruitque oculos.

sed puerum verè mortuum atq; ab Eliseo suscitatum
 esse, dicendum, (quæ magis cõis. & verior erit snia) miraculosè
 peractam esse rem hanc, ita tamen, vt & in hoc miraculo ha-
 bitus sit naturæ honor, adhibita mortuo ea curatione, quæ ad
 syncopem; quæ integra ferè extinctio naturalis caloris est, ac
 velut mortis initium, solet adhiberi, vt his causis, naturalis
 caloris velut igniculum adhibentibus, ac Deo peragente id,
 quo ipsæ non possunt pertingere, ageretur suscitatio, velut
 quædam reuocatio à deliquio aut syncope. Quibus autem
 rationibus,

rationibus, velit Deus causas naturales, etiam in peragendis miraculis adhiberi, alibi dictum est. Esse autem ut dicimus, atque adeo in miraculis etiam maximis edendis, uti solere Deum naturalibus causis, non adeo magnis, innumeris constat exemplis: nam vel ad siccandum vna nocte mare, usus est vento vehementi, & vrente, ut narratur capite 14. Exodi. Quem autem ventum, aut quam vrentem putres fuisse satis ad siccandum vna nocte mare, nisi Deus, naturalem alioqui eius potentiam, vehementer & supra naturam auxisset?

CAPVT TRIGESIMVM-SEXTVM.



IN libro quarto Regum capite quarto. Et egressus est vnus in agrum, ut colligeret herbas agrestes, inuenitque quam vitem siluestrem, & collegit ex ea Colochyntidas agri, & impleuit pascuum suum, & reuersus conscidit in ollam pulmenti, nesciebat enim quid esset. Infuderunt ergo socijs ut comederent, cumque gustassent decoctionem, clamauerunt dicentes, mors in olla vir Dei: & non potuerunt comedere. at ille, afferte inquit, farinam: cumque tulissent, misit in ollam, & ait, infunde turbæ ut comedant, & non fuit amplius quidquam amaritudinis in olla.

Nonnulli suspicantur alias colochyntidas fuisse has, quas Eliseus immissa farina adeo emendauit ut dulces & esui aptas reddiderit, à medicamentosis illis, quibus ad vehementer expurgandum vtuntur medici. Sed meo quidem iudicio falso: nam præterquam quod nomen id præ se fert,

descriptio quoque, & notæ indicant. nam re vera colochyntis herba, sarmenta profert & folia viti siluestri non dissimilia. dicit præterea Mesue colochyntidam vocare solitos Persas cucurbitam deserti: quid autem aliud est dicere colochyntidas agri, quam cucurbitam deserti? est verò adeo amara, ut fel terræ ab eisdem vocaretur: & Dioscorides dicat fructum eius esse vehementer amarum. quo gustato exclamauerunt dicentes, mors in olla, non potentes comedere. Nam ob amaritudinem id contigisse, sequentia illa verba declarant, Et non fuit amplius quidquam amaritudinis in olla. Sed quo pacto (dices) fieri potuit, ut vera colochyntis, quæ non amara solum est, sed adeo pernitiola, ut si supra quatuor obolos, etiam emendata sumatur, possit super purgationes, & exulcerationes ventris, & mortem asserre, atque adeo admota exterius enecet foetus, solius farinæ siue triticeæ, siue hordeaceæ immistione emendari adeo, ut mox daretur turbæ abundanter pro cibo. Non certè id naturaliter & citra miraculum effectum est, cum præcipuè inter agrestes herbas collectæ illæ colochyntides sint. cultura enim hortenses effectæ, non parum fortasse mitescerent; agrestes verò, præcipuè quæ non inter alias, sed seorsum nascuntur, perniciosissimæ sunt. itaque miraculo effectum est, ut dulcescerent, & noxam deponerent; ita tamen, ut hic quoque, velut in alijs plerisque, modus quidam naturalis operationis retentus sit. Nam Medici omnes inter emendantia colochyntidem, recensent ea quæ lenta sunt & glutinantia, cuiusmodi esse constat amyllum, quod ex tritico conficitur, atque post hoc, etiam farinam triticeam. hæc enim suæ substantiæ modo lento & glutinoso, & sapore grato, atque ut ita dixerim, cibali, præsentem iam dysenteriam sanant, & imminuentem anteuertunt, eiusque causis & efficientibus, & iam paratis obsistunt, mordacitatem & amaritudinem,

nem, aut acrimoniam hebetantia, & membranas internas ventris oblinientia. Haud dubiè igitur amyllum & farina triticea, in emendantibus colocynthidem non instrenuè sunt. non ita tamen, vt tantum tam citoque valerent, nisi plus solito illis aspirassèt prima causa, quæ, vt rerum naturam à principio fecit, ita vitur ea vt vult.

CAPVT TRIGESIMVMSEPTIMVM.



APITE sexto libri 4. Regum. Accidit autem, vt cum quidam materiam succidisset, caderet ferrum securis in aquam, exclamauitque ille, & ait, heu heu heu domine mi, & hoc ipsum mutuò acceperam. dixit autem homo Dei, vbi cecidit? at ille monstraui ei locum. Præcidit ergo lignum, & misit illuc, natauitque ferrum, & ait tolle, qui extendit manum, & tulit illud. Res est experimento comperitissima, multa quæ in aqua quieta subsident, cum conturbatur, agitata aut ligno aliquo, aut re aliqua eiusmodi in eam iniecta, emergere, efferrique in sublime, & innatare: non quidem id accidere solet ferro, aut grandioribus lapidibus, aut denique rebus grauioribus quam vt agitatae aquæ impetu moueri possint, ea præcipuè agitatione, quam immisum in eâ lignum possit ciere. nã per maiores ac violentiores aque perturbationes, vt fluminibus violenter decurrentibus, & volutari in aqua videntur magni lapides, & euelli grandes pontes. hîc verò non potuit immissione ligni commota aqua, securis ferrum vsque ad summum eleuare. Nequè sanè suspicor id fuisse certum aliquod lignum, quod extrahendi ferri virtute valeret (quod enim esset?) sed quodcunque occurrit: neque

deniq; aliud quidpiam esse appositum ad elevationem ferri, quàm aquæ commotionem? ea verò cum satis non esset pro tanto pondere, superest rem non esse sine miraculo transactam, ita tamen ut commotio aquæ appositæ sit, & Deus ferro pondus detraxerit, adeo ut agitata aqua valuerit subleuari, arenularum more. Cur autem putemus Deum velle adeo leues causas, naturales tamen adhiberi, cum ipse nullis indigeat adlūmentis? certè, ut ego existimo (dictæ verò alibi aliæ etiam causæ sunt) quo intelligamus, quantopere deerrent, qui nullam in rebus suis adhibentes operam cum possint, tantum orant Deum, quem vident ne miracula quidem perficeret, nisi rarissimè, citra vllam naturalium causarum admotionem! nedum ea, quæ naturalem habent providentiam.

CAPVT TRIGESIMVM OCTAVVM.



APITE quinto libri 4. Regum narratur, Naaman Principem militiæ Syriæ mundatum esse à lepra, quòd iussu Eliſci septies in Iordane se lauerit: contem-
nabat verò ut ibidem legitur, hanc curationem ut leuem, neq; pro tanto morbo futuram satis: atq; ob hanc diffidentiam, nisi à seruis suis persuasus esset, ponitè dimisisset: descendit verò septies in Iordanem, & mundata est eius caro, factaq; ut pueri paruuli, haud dubiè in septena illa lotionè, eaq; per Iordanis aquam facta, magnum aliquod latebat arcanum, & diuinorum sacramentorum significatio, eoque diuina virtute factum est, ut quæ (si res soli naturæ committeretur) leuissima fuisset curatio, pro tanto & tam inue-

terato

terato morbo, fuerit sufficientissima ac perfectissima: non tamen ita fuit diuina ac miraculosa curatio, vt non etiam velut initium quoddam habuerit naturalis. Nam descendere in fluuiales aquas crebro, innatareque, præcipue ad rapidos aquarum vortices, plurimum facit ad eluendam omnem cutis inmunditiam, atque sanandum omne genus scabiei: neque quidem solum scabiei simplicioris, sed etiam lepræ, & lichenum. nam cum hæc sint cutis quædam sordities, nascanturque à falsa pituita, aut vsta melancholia, lotio eluendo fortiter expurgat, atque adeo epidermidem ipsam seu cuticulam euellit sæpè: aqua verò ipsa humiditate & frigore, & naturali illa dulcedine, temperat & falsuginem pituitæ, aut aciditatem atræ bilis diluit & dissoluit. At qui profectò si lepra illa fuisset recentior, nec subiectæ carnis temperies esset iam mutata, & recens expurgatum esset corpus Naaman, ne intra illud subessent prauis succi, fortasse pura natatio pluries repetita suffecisset: quoniam verò res non ita habebat, sed multo tempore, multa lepra respersus fuerat, neque vlla tunc temporis præmissa est corporis expurgatio, miraculosa fuit curatio lepræ, qua se tunc temporis Deus gentibus dedit agnoscendum, atque imposterum venturæ Ecclesiæ; suæ immensæ misericordiæ præstitit significationem.

CAPVT TRIGESIMVMNONVM.



VARTO libro Regum capite 20. Cum
 Ezechias ægrotaret vsque ad mortem ,
 Deo ita iubente , sanatus est ab Esaia, ad-
 mota massa ficorum . Verba verò sunt
 hæc . Dixitque Esaia, afferte massam fi-
 corum:quam cum tulissent,& posuissent
 super hunc eius, curatus est. hæc eadem
 verba scripta sunt capite 38. Isaia. Morbi qui miraculosè
 sunt curati, vel ab ipso Deo cum inter mortales ageret, vel di-
 uina virtute à viris Dei amicis, partim curati sunt citra rei vl-
 lius admotionem solo verbo, vt Dominus sanauit leprosum,
 solum dicens, volo, mundare, & cæcum imperans vt respice-
 ret: vel oratione, vt orante Abrahamo sanauit Deus Abime-
 lech, & vxorem eius: aut tactu, velut per manuum . impositio-
 nem: quin & per tactum vestimenti, atque etiam vmbra. nam
 capite sexto Lucæ dicitur, & omnis turba quærebat eum tan-
 gere, quia virtus de illo exibat, & sanabat omnes. exemplo
 est mulier, quæ cum fluxu sanguinis laboraret decem annis,
 tangens fimbriam vestimenti eius sanata est, Porro. 3. Actuum
 Apostolorum narratur, solitos deferri egrotos ad vmbra Petri,
 vt sanarentur (quominus quispiam dubitet, nunc quoque san-
 ctorum reliquias, si fides adsit esse salutare) partim verò curati
 etiam sunt multi horum, admotione quarundam rerum quasi
 medicamentis quibusdam, velut hic Ezechias ab Esaia admo-
 to cataplasmate ex massa caricarum, & Tobias à cecitate, infu-
 sa in oculos bile, & Naaman à lepra, lotus septies in Iordane.
 Sed an hæc quæ Dei iussu sanandis corporibus admoventur,
 re vera sint medicamenta, eaque natura prædita, vt per sese
 nata

nata sint eos morbos curare, an non, sed ea in re præcipua sit ratio miraculi, quod earum rerum admotione, quæ nullatenus id sint natæ facere curentur morbi, dignum est consideratione, & spectat eius rei examen ad Physicum. Quod ad Tobiam spectat, & si quæ alia eiusmodi sunt, suo quodque loco declarabitur: de curatione quoque Naaman dictum est antea: nunc quod propositum est enarremus oportet. Caricæ, ut videre est apud Dioscoridem & Galenum, atque adeo ut inter omnes Medicos constat, vim habent extergendi, & calefaciendi ordine primo, aut etiam initio secundi, idque cum partium tenuitate: quapropter discutere possunt tumores paratos discuti, & emollire scirrhus, & ad suppurationem perducere, si quæ sunt ad suppurationem parata: maximè vero efficiunt hoc aut illud, ut hoc aut illo modo parantur: nam decoctæ & cum triticea farina contusæ, mouent pus; cum hordeacea discutiunt. Neque vero quia loco citato tantum dicitur Isaïas admouisse massam ficorum, necesse est ex solis ficibus factum esse cataplasma. nam etsi acciperet caricarum & farinæ (siue hordei siue tritici, ut res posceret) æquales partes, contusas & commistas cum decocto caricarum, vocaretur merito massa ficorum. Galenus secundo de arte curatiua ad Glauconem capite septimo, ad eos tumores, qui neque facile ad suppurationem perueniunt, neque facile discuti possunt, iubet uti cataplasmate ex caricis, docetque ibidem eius compositionem. Sed ob hæc omnia non videtur ea massa, potuisse sanitati restituere Ezechiam. nam ille laborabat vlcere: vlcera extersionem & desiccationem postulant, haudquaquam discussionem, emollitionem, aut suppurationem. hæc enim tumorum curationes sunt, non vlcerum. Certè vlcera, qua vlcera, & per sese, nihil aliud desiderant, quam agglutinationem. Cum enim vlcus sit partium decisio & separatio, quæ
alia

alia eius curatio sit, quam vnitio & agglutinatio: atque ita vlcera simplicia sola agglutinatione curantur, etiam si sint ossium fracturæ, nedum scissuræ carnis. Cum vero simplicia non sunt, sed alias habent adiunctas affectiones, vt si cum scissura est etiam excauatio, & carnis defectus, aut si vlceris labia sunt inflammata, aut dura, calo aut scirrho obfesa, aut subiectæ partes corruptæ, aut vehementer intemperatæ sint, frustra quis vtetur agglutinantibus, antequam adiunctis affectionibus occurrat. Cum vero cum ea affectione, cuius curationi insistimus, alia aut aliæ affectiones copulantur, cum multa variaque sint auxilia quæ expetuntur, ordine quidem opus est, vt illis quis rectè vtatur. Eius autem ordinis triplex ratio est, vt Galenus docet. Prima quidem & quæ alijs omnibus præfertur est, vt si quid est quod ita vrgeat, vt curationem legitimam non expectet, ei ante omnia occurratur: velut si cum vlcere tantus etiam dolor sit, vt penè exanimet, ac per sese in mortis adigat breue periculum, admouenda sunt statim anodina, hoc est dolorem sedantia, aut etiam stupefacientia, etiam si ipsi vlceri ea obsint. Secunda, vt vbi sublata fuerint vrgentia, si quid sit quod rationem habeat causæ sine qua non, hoc est, quo non sublato morbus qui curatur tolli non potest, ei occurratur statim: velut si in vlcere est labiorum tumor, aut calus, detrahi debet antequam curetur vlcus, quia calus & tumor labiorum prohibet partium vnitionem. eadem ratione, si est in vlcere cauitas, & subiectæ partis intemperies, repleri debet priusquam vniatur. quia qui possint vniiri, quæ propter defectum carnis deslident? sed & temperari antequam repleatur, quia sine partis attemperatione, non possit generari caro quæ repleat. Tertia, vt vbi nullum adsit impedimentum, videatur tamen an sit aliqua causa

causa quæ faciât , & ea tollatur: ea sublata tunc demum rectè acceditur ad ipsius præcipui morbi curationem: velut cum pars exulceratur a fluxione biliosa aut salsa, ea fluxio tollenda est, & eluendum id sordium quod influxit. Hanc ob causam ulcera pleraque amant extersionem: omnia verò siccationem, vt rectè curentur, & agglutinationem humiditas non prohibeat. Quandoquidem Ezechias proximus erat morti, consentaneum est citius vlcus, siue internum, siue externum esset, neque benignum fuisse, neque simplex, sed malignum & complicatum: malignum quidem ob pessimum succum quo imbutum esset; complicatum verò cum inflammatione. fieri ergo potest, vt a coniuncta inflammatione magis, quam ab ipso ulcere periclitaretur. ita enim euenit, vt ob coniunctam inflammationem trahantur partes principes in compassionem, maxime cerebrum; & ob vlcus partium anteriorum, cum delirio; posteriorum, cum conuulsione homo moriatur. Si igitur dicto modo Ezechias periclitabatur, nulla ratione melius illi subueniri poterat, quam admoto cataplasmate ex carne caricarum cum farina hordei, si resolutionem admittebat inflammatio; sin minus cum farina tritici, vt facta suppuratione mitteretur febres, & reliqua accidentia. Sed si hoc ita est, quid habuit hæc curatio miraculi? habuit certè aliquid. nam etsi est indicatum, fides vim medicamentosam habere ad illius morbi curationem accommodatam, tantam verò non habent, vt qui egrotabat usque ad mortem, die tertia posset sanus in templum ascendere, vt Ezechie euenit, nisi Deus peculiari auxilio, & solito maiori, eius medicamentis vim auxisset. Vnde facile constat non tam esse fidendum medicamentorum facultatibus, quam gratiæ Dei, qui his ipsis aspiret. neque mirum. Cum enim Deus rerum omnium quæ sunt, quæque fiunt, prima causa sit, nihil aliorum mouere possit, nisi

quatenus ab eo moueatur : Quod itaque medicamenta, etiam mediocria fauente numine plurimum possint , argumento est Ezechias : quòd vero illo non fauente tota medendi ars nihil possit , argumento est Asa rex , qui ex podagra mortuus est intra triennium , neque excessit quadragesimum primum ætatis annum , quia vt dicitur capite 16. secundi paralipomenon , neque in infirmitate sua quæsiuit Deum , sed magis in medicorum arte confidit . Ita ergo fidendum arti est , vt Deum potius quæras : ita verò orandus Deus , vt artem non contemnas , quandoquidem & sancti Dei viri medicamentis utebantur , scilicet , vt commendarent apud homines medicinam vt sanctum Dei donum .

CAPVT QVADRAGESIMVM.



ECUNDO libro paralipomenon capite 21. mors regis Ioram ita describitur . Et super hæc omnia, percussit eum Dominus alui langore insanabili cumque diei succederet dies , & temporum spatia voluerentur , duorum annorum expletus est circulus , & sic longa consumptus tabe , ita vt egeret etiam viscera sua , langore pariter & vita caruit . Hoc exemplo , vt & alijs multis , constat morbos diuinos , hoc est à voluntate Dei pendentes , habere etiam causas naturales , & eandem essentiam cum alijs affectionibus : velut hîc Ioram , non tam profecto quòd prauis cibis est vsus , quàm quòd auertit populum à lege Dei , & occidit fratres suos , correptus est alui langore insanabili : tamen nihil obstat , quin & ex vitioso victu

victu is morbus sit natus. sed si ipse populum non auertisset à Deo, neque occidisset fratres, aut minus errasset in victu dirigente eum Domino, aut ab eodem victu minus læsus esset, Deo ita volente. nimirum Dei voluntas prior est alijs omnibus causis, naturales verò non tollit. Morbus hic haud dubiè fuit diarrhæa, seu alui profluuium, adeo diuturnum & malignum, vt ad tabem hominem deduxerit, & mortem: non quidem ad eam, quæ peculiari-ter à Medicis vocatur Phthisis, seu tabes, quæ scilicet est consumptio ex pulmonis putrescentia ortum habens, sed quæ communi appellatione: ad colliquescentiam scilicet, & consumptionem totius corporis. Euenit vero hoc non rarò per malignam diarrhæam: nimirum tabes nasci solet ex maligna putredine succorum, ob quam retineri non possunt, sed egeruntur assiduè; serpente verò ea malignitate, & alijs ab alijs succis infectis, euenit nonnunquam nihil manere integrum, sed ipsum etiam partium rorem malignè putrescere, & cum alijs egeri succis, & fieri deiectiones colliquatiuas, ipsasq; partes, primum destitutas ab ali-mento tabescere, deinde & computrescere cum ipsis suc-cis, & in saniem solutas egeri, eas præcipuè quæ velut ex concreto sanguine substantiam habent, vt lienem, & he-par, quod euenit misero huic Regi, & in multis eorum, qui ex diarrhæa mortui sunt vidimus. Esse enim ipsum hepar aut lienem dissolutum ac putre quod egeritur, modus ip-sæ substantiæ qui conspicitur in deiectione ostendit: vt & renis etiam substantia aliquando dissoluta mingitur. diu-urnus verò est hic morbus, nisi cum coniungitur cum fe-bre continua, atque ita durauit huic integrum biennium.

CAPVT QVADRAGESIMVM

PRIMVM.



TOBIAE capite octauo ita scriptum est. Tunc Raphael angelus apprehendit demonium, & religauit illud in deserto superioris Aegypti. Cum disputatum alibi, atq; indicatū in hoc ipso opere sit, angelos nullatenus esse corporeos, sed sine omni magnitudine merè incorporeas substantias, magnam dubitationem ingerunt hæc Tobiae verba. Nam quī fieri possit, vt alter alterum apprehendat, religet, & certō quodā loco ligatū manere cogat? nā ne esse quidem in loco potest quod corporeum non est. cum enim locus æqualis sit locato quarto physicorum, æquale verō & in æquale tantum dicitur de magnitudine, constat, quod nulla est magnitudine, non posse esse in loco: si autem in loco esse non potest, neque moueri loco possit: ferri enim est fieri in loco: non potest autem fieri quod esse non potest: quanto ergo minus possit apprehendi, & religari? Innumera loca sunt in sacris, tam veteris quam noui testamenti, in quibus dicuntur angeli alicubi esse, & moueri, mitti, ac currere, stare, obfistere, & multa alia eiusmodi facere & pati, quorum omnium causa, dicendum est, quid secundum naturales contemplationes videatur consentaneum. Angeli sunt substantiæ sine corpore, non tamen ita, vt vniuersalia separata intelligimus, quorum nulla neque actio, neque passio est per se: sed vt supposita quædam, & singularia: omnis enim angelus est angelus quidam, & hic, vt & quīvis homo. Neque proinde non sunt eiusdem speciei multi angeli, quod non sint singuli supposita quædam individua, sed quod

singulorum species multiplicari non possint, sed seruentur in singulis indiuiduis, vt species Lunæ & Solis, Hoc verò ita habet in primis rebus incorruptibilibus, siue corporeæ siue incorporeæ sint. quia non seruat in multis, nisi quod non potest seruari in singulis ob corruptionem, quæ proinde defectum suum similitum compensat generatione: quorum verò intentus non est, neque generatio esse potest, neque multiplicatio, sed species seruantur in singulis. Itaque angelus est suppositum quoddam substantiæ incorporeæ, non igitur vt vniuersales naturæ dicuntur esse, quia essentia quædam sunt, non tamen existere alicubi, aut aliquando, sed omnes assertiones, quæ de illis dicuntur, sunt absolutæ à tempore & loco, vt dicimus humanitas est natura, ratio, seu quod quid est hominis. nemo tamen interrogat, vbi existit, aut quando nisi per accidens, vt est in singulis: quia humanitas nullibi est separata, neque vltro poris tempore est quod est. esse enim dicuntur talia, non existere: non inquam ita angeli, sed cum sint substantiæ quædam singulares, & supposita, accideretis quædam agere, & pati. Atqui, quoniam virtutis finitæ sunt, non possunt agere vbique & semper, vt Deus, sed alicubi, & aliquando. & quoniam sine corpore sunt, non possunt esse in loco vt corpora, sed quoniam alicubi operantur, necesse est sint alicubi, modo aliquo nobis ob inexperience passionum insensibilium, non satis intelligibilium. Itaque intelligimus angelos esse alicubi, quia alicubi operantur: An verò ipsum alicubi esse, aliud sit quam alicubi operari, magna est dubitatio.

Mihi quidē videtur fieri necessario, vt ratione sint diuersa, quia in his orationibus, Raphael est in deserto superioris

ris Ægypti, & Raphael ligat Dæmonium, prædicata pertinent ad diuersas cathedrias, alterum enim ad ubi, alterum ad agere: quapropter ratione saltem non potest esse idem. Verum Angelus non potest esse in loco proprie, nam siue locus sit extremitas immobilis corporis continentis, vt fert plurimorum opinio: siue id spatium quod locati corporis dimensionibus occupatur, vt ego existimo, quod corpore caret, in loco esse non potest, quia neque extremitate circumscribitur; neque dimensiones habet; sed est ubi operatur per præsentiam virtutis. vnde fit, vt angelus in maiori aut minori loco per se non sit, quia per se nullam extensionem habet, sed per accidens, per magnitudinem scilicet corporis in quod operatur. Quia enim non potest operari in quantuncunque corpus, non potest quantuncunque locum tenere: ea verò limitatio non nascitur ex corporis magnitudine, sed ex operis difficultate. non enim quia Angelus non potest tantopere extendi, cum nullatenus extendatur; sed quia non potest tanti operis difficultati sufficere, cum finitæ virtutis sit, atque aliis alio maioris aut minoris. Quæreretur verò an sit minimus locus, quem possit quiuis Angelus tenere, ita vt non possit esse in minori, & an possit esse in puncto indiuisibili, debilis dubitatio esse videtur: quid enim obstat potest incorporeo, quominus sit in loco minori? an quod non potest adeo sese contrahere, aut alas adducere? Dicere verò venire posse Angelum ad adeo exiguum locum, vt operari in minori, sit maioris difficultatis, inane etiam est. Nam aut illa difficultas nascitur ex operis magnitudine, aut ex applicatione virtutis ad corpus: ex opere minimè, quia poni potest, immo verò plerunque erit, minus opus in loco minori: si verò ex applicatione, non potest esse alia difficultas,

difficultas , quàm quod amplior , latior ve sit ea virtus , quàm vt possit ad tantas angustias contrahi . Hoc verò absurdum est censere , vbi nulla magnitudo est ; non tamen proinde potest esse Angelus in puncto indiuisibili , quia vt in controuersijs Physicis ad tyrones indicauimus , punctus re vera nihil est , vt neque linea , neque superficies , sed hypothes quædam utiles ad doctrinam . Est igitur Angelus in loco , sed quia modo alio quàm corpora , maior an minor sit locus ad eum nihil facit nisi per accidens , quia maius aut minus sit corpus circa quod operatur , aut quod non possit mouere tantum , quantum capit tantus locus : exiguitatis verò loci in quo esse potest , neque per se neque per accidens est vllus finis . Hinc etiam fit , vt præter rationem negetur posse esse duos , aut etiam plures in eodem loco , cur enim ita ? An quia quæ sunt in loco vt corpora non possunt in eodem loco esse , neque quæ sunt vt substantiæ incorporeæ possint , Quid illis obstat ? corporibus enim obstant dimensiones , & repletio ; at Angeli non excludunt corpora , cur excludunt incorporeæ ? quia (dicunt) duæ causæ completæ non possunt esse immediatæ vnus , & eiusdem rei non video tamen cur Angelus sit necessario causa completa eius actionis quam obit , ac non potius possint duo , tres , ac etiam plures , in eadem actionem conspirare , velut eundem mouere lapidem , non secundum diuersas partes lapidis , sed secundum easdem & totas . Dicunt , vt fieri non posset vt duæ lucernæ in eodem exactè loco existentes , vna non fieret , ita neque duos Angelos , vt pote duas virtutes , posse in eodem exactè loco existere . Mihi tamen videtur res longè diuersa : nam Angelus facultatem habet mouendi lapidem , non tamen est ipsa mouendi facultas , sed substantia quædam & essentia , secundum quam non numero solum differunt , vt lucernæ , sed etiam specie .

specie, præterea, neque duos Angelos, qui in eodem exæctè sint loco, est necesse eiusdem actionis esse causas: possent etiã contrarias actiones obire, & in eodem esse loco: velut si Angelus statuat Apolinis euertere, & Cacodemon hanc ipsam sustentare contendat. Itaque neque hæc consequutio valet, Sunt in loco, ergo sunt causæ completæ; neque hæc, Sunt in eodem loco, ergo sunt eiusdem rei causæ, neque si hæc valeret, eueniret quippiam absurdum, aut impossibile. Censeo itaque multos Angelos posse esse in eodem loco, vel hoc argumento, q̃ corpora nostra post resurrectionem poterunt in eodem loco esse multa, quia exuta impedimenta corporalia, conditionem induent spirituum. Quanto ergo magis id possint ipsi spiritus? mirum verò si multitudo illa ingens Dæmonum, quam vnico ex corpore expulit Dominus (narratur Marci quinto) per diuersas particulas oberrabat, vt alius in pupilla, alius in palpebra, sub vngue alius se contineret. Dicendum quoque esse maximam dæmonum multitudinem, quam vnumquodque corpus possit capere, atq; adeo pomillionem non capere tot dæmōnes, quot procerum hominem. Hæc verò quæ necessitas cogit dicere? quid verò impedit mox dicere, esse angelos palmares, & cubitales, & vlnares? Ob hæc omnia mihi videtur, quod & antea dictum est, angelos esse in locis per se, quia alicubi operantur, in tantis autem, aut tantis per accidens, ob magnitudinem corporum in quæ operantur. Locorum verò magnitudinem quam tenere possunt, non definiri magnitudine corporum, sed operis quod exercent difficultate, vt explicatū est: vnde multo magis euenit, vt si corporis & loci magnitudo ad eos nihil facit, nisi operis augeatur difficultas, multo minus faciat loci figura, siue in longum porrectus sit, siue quadratus, siue alia quacunq; figura: non tamen quia dictum est posse esse

sc

se multos angelos in eodem loco, censendum etiā posse eundem esse in multis locis. Nam longe alia ratio est. quia tametsi angelorum non est magnitudo, est tamen numerus, estque eorum quivis vnus, proprius etiam quā quodcunq; corpus, ac proinde non nisi in vno loco esse potest; eius vero nullam magnitudinem occupat per se, sed solum per accidens, vt explicatum est. De modo igitur quo sunt angeli in loco, hæc videntur probabilia. De modo quo mouentur, succedit statim dubitatio: constat enim, quandoquidem neque sunt vbique, neque nullibi, neq; eodem semper in loco, non esse omnino immobiles, quoniam verò sunt sine magnitudine, non possunt moueri propriè, ita enim moueri passio corporum est: superest ergo eos non moueri per se, fieri tamen in alio & in alio loco, aliquo alio modo quam corpora. Qui sit is modus, difficile sanè possit à nobis intelligi, cum non possimus cogitationem a corporalibus phantasmatis semouere: at verò possumus ita diuinando procedere. Quoniam non mouentur per se vt corpora, superest, vt moueantur per accidens, aut aliter mutentur: moueri per accidens dico, quæ mouetur motu alterius rei, velut q̄ naui vehitur: mutari verò, quæ in alio & in alio loco fiunt: non tamen per successiuam illam, & continuatam loci commutationem, quam motum vocamus. Primo modo mouentur angeli, cū volunt humanas actiones imitari, ac cum hominibus conuersari, vt Raphael cum Tobia, aut cum Abrahamo, quia ad delendā Sodomam properabant, & Gabriel cum missus est in Nazareth alloquutus Deiparam virginem, & Hyerosolimam, Zachariam: nimirum assumunt tunc temporis tenuia corpora, ex aere aut igne, mouentq; illa vt volunt, atq; cum illis vt potè quibus hæserunt, mouentur per accidens, sine corporibus vero possunt fieri in alio ex alio loco, neq; insumentes in eam mutationem

tempus, neque dimetientes spacium, sed mutatione non quanta, vt ipsorum substantia est. At verò necesse est, quò in alio fiant loco, vt in priori esse desinant: siquidem non possunt esse in duobus locis simul, vt dictum est: incipiunt verò esse in loco per primum esse, & desinunt per primum nō esse, iuxta conditionem formarum omnium, quæ comparantur in instantaneè, ac sine successione. Itaque primum instans quo angelus est Romæ, verbi gratia, est primum quo non est Madridi. Fieri verò etiam potest, vt hæc angeli mutatio successiua sit, & continuata, ac tempus insumat, non quidem per se, & ob ipsius mutationis modum, sed ob continuitatem spacij, cum scilicet angelus partes omnes mediij commouere nult, velut si hinc Romam abiens, partes omnes aeris in via positas commoueat. Fiet enim tunc temporis continuata, & neq; momentanea, neque intercisâ mutatio: vt generatio etiam substantiæ nonnunquam sit successiua ob materiam; vt cum admota vni extremitati scintilla, decurrit flamma per totam stupam. Aliter verò non videtur mihi, temporalem & continuatam mutationem efficere posse angelus. Si enim rectè Aristoteles dicit, quodcumque corpus ferretur per vacuum, latum iri in instanti, quia omnis tarditatis, seu moræ causa est in resistentia, cur non etiam incorporeum per plenum? Nam cur magis possit plenum incorporeum, quam vacuum corpori resistere? si cui verò ob rei difficultatem videretur inopinabile esse, à re quapiam quæ virtutis finitæ sit, fieri mutationem instantaneam, is tenebitur meo iudicio dicere, angelos nunquam moueri posse nisi assumptis corporibus aut commotis omnibus spacij partibus. Quæ hæitationes magnæ illæ quidem, tam multos, atque adeo insignes Philosophos impulerunt dicere, demones omnes esse corporeos: Verum quandoquidem multis alijs argumentis indicatum

antea est, eos corporeos non esse, solum superest opinemur, angelos dictas habere mutationes, instantaneas per se, & successivas per accidens, aut nullatenus moueri posse nisi per accidens, & assumptis corporibus, aut agitatibus omnibus medijs partibus, quæ in via positæ sunt. Vtrum horum potius sit Deus nouit. Ego enim vel de rebus sensibilibus vix quidquam affirmo, nedum de his quæ tam longe a sensibus positæ sunt: utcumque vero hoc habeat, quandoquidem possunt vno esse in loco, atque eo relicto in alium transilire, cohiberi etiam possunt imperio Dei quominus loco exeant, quod quidem est firmissimo vinculo religari. Nam tametsi diabolus imperium Dei quo ad potest detrectet, tamen neque loco exire, neque aliud quippiam facere, neque omnino esse potest, nisi Deus eius actionis, aut vitæ velit causam primam se exhibere. Nolle igitur Deum illum inde exire, insuperabile vinculum penitus est: Tale igitur imperium Domini exequutus Raphael, apprehendit demonium, & religauit in deserto superioris Ægypti. Possunt etiam ipsi demones sese continere in palla annulli, & vitreo vase, & ubi ubi alibi: atqui peracto mundi iudicio, omnes detinebuntur in horrendis illis cauernis à quibus exire virtute Dei in æternum prohibebuntur. Huiusmodi sunt omnia quæ de angelorum, siue motu, siue visibilibus ministris, legimus in sacris eloquijs. Honor & gloria sit angelorum opifici. Amen.

CAPVT QVADRAGESIMVM

SECVDVM.



TOBIAS capite secundo ita scriptum est Contigit autem, vt quadam die fatigatus à sepultura, veniens in domum suam, iactasset se iuxta parietem, & obdormisset, & ex nido hirundinum dormienti illi calida stercorea inciderent super oculos eius, fieretque cecus.

Rursum capite vndecimo ita habetur. Tunc sumens Tobias de felle piscis, liniuit oculos patris sui, & sustinuit dimidiam ferè horam, & cepit albugo ex oculis eius quasi membrana oui egredi: quam apprehendens Tobias traxit ab oculis eius, statimque visum recepit.

His verbis narratur causa externa seu occasio cecitatis Tobias, & ipsius affectionis species, & curatio: constare verò facile potest, & si hæc Deo ita permittente, maioris cuiuspiam utilitatis causa acciderint, facta esse secundum naturam. Primum quidem iuxta naturam eius auiculæ contigit is euentus: nam semper nidificat hirundo super domorum parietibus, & vt naturales narrant, cacat semper extra nidum auerso podice, atque perinde facere docet suos pullos. Itaque merito euenit, vt iacenti supino iuxta parietem, stercore hirundinis inciderit in oculos: sed & vt excecaretur. Nam videmus oculos partem esse adeo delicatam, atque tam leuibus de causis nonnunquam hos morbos contrahere, vt admirationis nihil præster, stercore hirundinum calens actu, in ambos simul oculos incidens, albuginem fecisse: non quidem (vt arbitror) quod vlla proprietas illi stercorei sit, eo modo oculis aduersa, sed ob qualitatem manifestam.

Sunt

Sunt qui proprietatē occēcandi tribuant excrementis eius auiculæ: idque duobus argumentis, & quia is morbus familiaris illi est, à quo illa censetur suos pullos liberare vsu chelidonix herbæ, quæ ab illa nomen traxit: & quia cinis capitum eiusdem commendatur ad extergendum oculorum albugines, & cicatrices, & vocata pterygia. Non videntur autem hæc duo argumenta omnino leuia. Nam morbi contingunt animantibus secundum naturam succorum quibus aluntur: alimenta verò symbolum habent cum excrementis. Porro nihil magis cognitum experimento, quam animalium partes viles esse ad eos morbos curandos, quos sua excrementa efficiunt, siquidem curamus carnibus viperæ, quos ea momordit, & sua saliuā infecit: & demorsis à cane rabido censetur auxiliari, iecur canis qui momordit: & iētos ab scorpione sanat ipse scorpio super positus. Verum ego ubi manifesta est causa, non libenter confugio ad istas ocultiores. Nimirum sterces earum auicularum calidum satis est & siccum, accedenteque calore actuali, vim habet rubrificandi, atque non nihil exurendi, vt & sterces columbinum, Incidens ergo in oculos, partem sensus adeo acris, exussit nonnihil extremam membranæ superficiem, & conuocata præ dolore fluxio est, & genita albugo. Est enim albugo, quædam cicatrix in ipsa oculi externa membrana orta. fit verò cicatrix, aut curanda ruptura, aut per vitionem (relinquuntur enim etiam cicatrices ex inuisionibus) ita igitur facta in oculis albugo est, quæ hominem excēcauit.

Hanc sententiam iuuant illa sacri contextus verba, cum calida stercora inciderent in oculos eius. innuunt enim id fecisse stercora potius quia calida, quàm quia talia. Ego certe non solum non crediderim excrementa hirundinis proprietate excēcare, sed putauerim, ad extergenda quæ pupillæ innascan-

tur,

tur, esse vtilia in colyrijs. siquidem & columbinū stercus commendatur, & lacertinum, quia vim habent valde extergentem, & nonnihil exedentem: quæ etiam inest fimo hirundinis, & turturis, & similium auicularum. Putauerim ergo stercora hirundinis, quæ calida incidentia in oculos hominem excecarunt, potuisse adiumento esse, si tenuissimè trita in cote, & diluta aqua, essent oculis admota; vt columbæ stercora solent: vt etiam hæc si calida in oculos inciderent, sine vlla lotionē, atque omnino sine correctione, excecarent. Sanatus verò est illito felle cuiusdam piscis. Qui piscis fortasse fuerit, qui vocatur Græcis Callionymos, idest pulchri nominis, qui idem, vt Plinius autor est, vocatur Vranoscopus, quòd habeat oculum insignem in capite quo cælum spectat; aut Hyena, quia cum ad extergendas albugines inueteratas nihil magis a Medicis omnibus celebratum sit, quam fel, inter omnia eius genera omnium maximè commendatur fel Callionymi piscis, & mox Hyenæ. Galenus decimo de simplicium medicamentorum facultatibus capite duodecimo ita inquit. Porro quorundam animalium singulariter bilis a Medicis extollitur, tanquam aciem exacuat oculorum, & suffusionum initia digerat, velut piscis quem vocant Callionymum, Hyenæ, & scorpij marini, tum galli & perdicis. Itaque primas deffert Galenus hac in re bili Callionymi piscis, secundas Hyenæ. Plinius quoque capite septimo libri 32. ita scripsit. Callionymi fel cicatrices sanat, & carnes oculorum superuacuas consumit; nulli hoc piscium copiosius vt existimauit Menander in comedijs. Itaque dicit Plinius & ex sua, & Menandri auctoritate, huic pisci fel esse copiosius, quam vlli aliorum idque albugines sanare.

Idem dicit Aclianus, idem & Odoardus oxoniensis, qui diligentissimè scripsit nuper de animalium differentijs. Aclia-

nus libro decimo tertio, capite quarto, ex Aristotelis sententia dicit, Callionymo pisci in jecore magnum fel situm esse, quod etiam confirmat ex sententia Menandri, & Anaxippi. Verisimile itaque est hunc esse quem Tobias è Tigride flumine traxit, & exenteravit: quandoquidem, ut iidem auctores narrant, est voracissimus, & carniuorus, aspectu immanis, nam est serratis dentibus, oculos habens in summo vertice, & os inter oculos situm. Quapropter non mirum si puer rerum inexpertus, territus est ignotæ formæ intuitu piscis irruentis quasi ad deuorandum: nam impetebat ut voracissimus & carniuorus. Huc accedit, quod ut Aristoteli placet, est littoralis & *ήμισπονητός*, hoc est, die dormiens, nocte exiens; & oberrans. Cum ergo totam diem egissent iter, prima mansione ad noctem mansit iuxta Tigrim, & cum tunc velleret defatigatus ex itinere pedes lauare in littore, exiens irruit immanis & littoralis piscis ut voraret. Neque obstat quod Opianus Pelagium vocat, neque quod Plinius in marinis ponit, quominus esse posset in præmagno fluuiò, quia id non adeo conuenit inter auctores, & quia etsi marinus sit, potuerit refluere ex mari, cum præcipue Plinius dicat, Euphratem & Tigrim mirum in modum stagnare: per stagnantem verò fluuium facilius retroceditur. Controuertitur etiam an sit esculentus, alijs dicentibus, alijs negantibus: verum si hic est quem apprehendit Tobias, esculentum esse magna auctoritate probatur, siquidem assarunt, & salierunt, ut eo vescerentur in via. Sed siue hic fuerit, siue alius (hoc enim certo scire non possum) non dubium multorum piscium, ac fortasse omnium, fel utile esse plus aut minus (non enim omnium æquè) ad extergendas albugines. Nam ut dicit Galenus loco citato, a cuius sententia nullus Medicorum hac in parte discrepat, suc

cus hic vim habet valenter extergendi, qua facultate & albugines, & vocata pterygia, seu vngues exedit. Plinius libro 23. capite 11. de ocularium morborum curatione agens inquit. Ad omnia autem inueterata fel efficacius putant. Itaque omnia hæc per naturales causas euenerunt Tobie, permisso tamen Dei, qui primum quidem virum sanctissimum morbo tanto probari voluit, deinde medicamen idoneum, cum sibi placitum est reuelauit, & in maiorem sui gloriam auxit vires medicamenti: vt hinc euidenter cõstet, eam etiam sanitatem quam Medicorum industria recipimus, esse in Dei benignitatem referendam, qui illis pro re præsentī idonea indicat medicamina.

CAPVT QVADRAGESIMVM TERTIVM.



APITE octauo libri Iudith, Mors Manasse mariti Iudith, ita narratur. Vir eius fuit Manasses, qui mortuus est in diebus messis hordeaceæ. instabat enim super alligantes manipulos in campo, & venit æstus super caput eius, & mortuus est.

Tametsi neque causa externa, neq; omnino causa vlla potest interficere per se, neq; ledere quidem actiones, vt maxima ac præcipua pars Medicorum censet, sed morbum inferendo, à quo actionum læsiones primùm, deinde & mors proueniat; cum tamen ea maxima est, & nimis diligens sermo intemptius, dicere solemus ab ea mortuum esse hominē, vt Asclepiadem scalarum lapsu, Anacreontem multo vino:

ita

ita hunc Manassem multo Solis æstu. Verum & scalarum lapsus, & vini potus, & longa mora in Sole, lethales illis hominibus morbos intulerunt: primum quidem mora in Sole fecit calidam capitis intemperiem, id enim significant illa verba, Venit æstus super caput eius. Consentaneum verò est censere, eam non fuisse quam Medici vocant nudam intemperiem, ac sine succo, non enim fuisset adeo lethalis, sed cum succo, natusque fuerit ex calore morbus alius ut Phrenitis, nisi forte mortuus est repente, (ut vidimus nonnullos efferri ex messibus) fueritque facta Apoplexia, obstructis meningibus & toto cerebro à conuocato in caput confertim sanguine. Quantum verò possit qui in corporibus præerat apparatus, ut externæ causæ plurimum obesse possint, aut minimum hinc disces, quòd cum eorum qui alligandis manipulis insudabant læsus fortasse fuerit nullus, hic qui illis tantum præerat mortuus est.

CAPVT QVADRAGESIMVM

QVARTVM.



OB capite septimo. Dominum ita alloquitur. Quare me posuisti contrarium tibi, & factus sum mihi metipsum grauis.

Quæ verba hominis naturam quam post corruptionem primi peccati habet, optimè declarant: siquidem conqueritur esse se positum contrarium Deo, hoc est sentire se (ut inquit Paulus) aliam legem in membris suis, repugnantem legi Dei, & ob hanc ipsam causam, esse sibi met gra-
 SS uem,

uem, ac molestum. Igitur est homo naturaliter contrarius Deo, & sibi ipsi, quod si ita est, constat esse hominem Deo similem, & contrarium: non possunt autem contraria inesse eidem secundum idem; insunt ergo secundum diuersa. Sunt ergo in homine duæ partes; altera secundum quam in bonum fertur naturaliter, atque secundum legem Dei operari expetit; altera quæ naturaliter etiam fertur in malum, & Dei legi repugnat, videturque quiuis homo hanc repugnantiam in se ipso experiri. Nam optimus quisque habet stimulum carnis, quo colaphizatur; malus verò neque ipse est spontè malus, sed ut dicitur Prouerbiorum 13. vult & non vult piger. Vterque autem, & bonus inquam & malus, vult, & non vult, bonus quidem bonum vult, quodammodo autem non vult: malus vult malum, quodammodo autem neque ipse vult. Quo pacto autem potest velle, & non velle, nisi habeat duplicem voluntatem? habet ergo homo voluntatem duplicem; alteram naturaliter propensam in bonum, & honestum; alteram in delectabile, & si sit inhonestum. expetit verò voluptates, omne quod dolorem refugit. Nam ipsa voluptas in doloris exolutione habet essentiam: refugit verò naturaliter dolorem totum corpus, atque omnis agnitio corporalis. Omnis ergo corporalis agnitio capitur voluptate: Igitur honestatis & iustitiæ, atque diuini cultus cura, est in alia parte præstantiori, & minime corporali, quare & incorruptibili, quia generatio & corruptio passionum corporum sunt, sicut & motus. Porro, quandoquidem sunt in homine duæ partes, & voluntates duæ, necesse est alteram esse altera præstantiorem, alioqui nihil potius sequeretur homo, sed discerperetur semper, essetque non vnum verè, sed quasi hominem bicipitem intelligas: atque contineretur semper in perplexitate, neque consultaret, sed vtraque

que ferretur in suum obiectum, neutra alteri cedens: nunc autem est verè vnum, & consultat, estque alius bonus, alius malus. Necesse est ergo ut vtraque aut altera potentia libera sit, ut possit si velit alteri cedere, aut non cedere: alioqui neque bonus neque malus esset quispiam, siue hæc vinceret, siue illa, si neutra libenter cederet. Nam ob ea quæ insunt nobis natura, neque laudamur, neque vituperamur: nunc autem & laude, & vituperio, & pœna & premio inveniuntur omnium hominum consensione, qui digni sint: igitur est altera, aut vtraque voluntas libera. Vtraque quidem esse non potest, quia eveniret sæpe, ut neutra vellet alteri cedere, aut vtraque alteri: Vtrumvis horum fieret, non esset penes hominem libertas, neque posset sequi, hoc, neque illud essentque multæ actiones earum, circa quas vitium & virtutem esse omnes homines fatentur, in quibus neque laudari, neque vituperari homo merito posset: at vero non ita est, sed talia omnia liberè gerit, & de omnibus eiusmodi actionibus laude & vituperio dignus esse iudicatur, dum sanus est, & mente constat: igitur & naturaliter & per sese (si quidem in bene naturaliter disposito) altera dictarum voluntatum libera est. Necesse est autem eandem esse liberam & dominam, alteram verò servam, siquidem hoc ipsum, non posse aliter facere ac facias, dominationi repugnat. Igitur necesse est dictarum voluntatum præstantiorem esse liberam, & natura dominam, deteriorem verò esse natura servam: atque si homo vellit, trahi posse. Hac causa, & quia homo hac libertate arbitrioque differt ab alijs animantibus, Plato in dialogo de hominis natura, parti illi præstantissimæ, & penitus incorporeæ, quæque dominatur corpori, & illo utitur, potestque id bene aut male exequi pro suo arbitrato (quam nos mentem vocamus) nomen hominis tribuit: corpus ve-

rò, & corporea omnia, non hominem, sed hominis quædã esse dicit. Nos verò mentem esse dicimus præstantissimam hominis partem, per quam à brutis separatur, sitq; liber, & suarum actionum dominus, virtutis & vitij capax, & diuinarum rerum contemplator. Hanc humanæ naturæ dignitatem indicauit Deus ipse Cain (capite 4. Geneseos) his verbis. Nonne si benè egeris recipies, sin autem malè, statim in foribus peccatum tuum aderit? sed sub te erit appetitus eius, & tu dominaberis illius. Appetitum peccati vocat eam hominis partem, secundum quam conqueritur Iob, esse se positum contrarium Deo, & sibi ipsi grauem; & quam Paulus dicit sentire se in membris suis, legem repugnantem legi Christi: nimirum lex Christi vocat nos in amorem contemptus, & vilitatis, & inopiæ, & laborum: appetitus peccati in superbiam, fastus, abundantiam, & voluptates. Hunc appetitum peccati, edicit Dominus Cain sub sua esse potestate, esseque cum illius dominum. Secundum alium igitur appetitum præstantiorem, rationalem scilicet, quæ ipsa mens est incorporea, separabilis, & æterna. Constat ex dictis, penes bruta nullam libertatem esse posse, sed moueri semper pro ratione obiecti quod sese offert. quod si quando videntur quod præsens est despicere, & quasi præstantius aliquid cogitantia ad aliud conuerti, id quidem ex deliberatione & arbitrio non nascitur, (etsi nonnunquam ita videtur intuenti,) sed euenit, quia obiecit sese tericulum aliquod in memoria, vt fortasse verberum, aut iucundius irritamentum in imaginatione, vt prædæ: neque enim hæc priuauit Deus internis sensibus, per quos & memoria præteritorum, & spe futurorum commouentur; sed sapientia, quæ diuina. um & humanarum rerum est scientia, cum virtute

neccessario coniuncta; quare & cum libertate. Cum igitur Medici animales motus appellant actiones voluntarias non quasi liberas intelligendum est, sed quasi ex appetitu cum sensu perfectas. Dico cum sensu, quia in rebus inanimis appetitum quendam ponunt Physici, quem vocant naturalem, quem naturalem impetum videntur mihi melius appellaturi. Itaque differentia propria hominis, est sapientiæ esse capacem: atqui quoniam sapientia cum vera virtute coniuncta necessario est, & hæc cum Dei timore, omnium optimè definiuit hominem Ecclesiastes in verbis vltimis suæ concionis, dicens, Deum time, & mandata eius serua, hoc est enim omnis homo: quod nihil aliud est dictu, quam homo enim est animal capax sapientiæ veræ, quæ in timore Dei & legis eius meditatione consistit. Quanto autem propius accedat ad hominis essentiam differentia hæc quam rationale, inde intelliges, quòd vt alibi indicauimus bruta omnia, rationalia etiam quodam modo, & circa quædam sunt, & intelligentiam quandam habent; sapientiæ verò nullatenus sunt capacia: itaque hominem esse animal sapientiæ capax, multo cum minori ambiguitate dicitur, quam animal rationale. Quare propriam hominis naturam, definitio hæc continet. Vita vero eius qua homo est (qui est secundus eius actus, & qui ex propria natura fluit) est militia super terram. Nam secundum sapientiam operari, seu sapienter agere, est irrationalibus affectibus repugnare, atque appetitum peccati, ob quem conqueritur Iob factum se esse sibi ipsi grauem, coercere, vt rebellem seruum: qui enim con-

tra-

trafacit, ac libertate sua abutens illi obedit, fit similis iumentis insipientibus, ac comparatur illis, quia viuit vt illa. Neque tamen ob hæc nos cogunt argumenta Platonis fateri, hominem nihil esse aliud quam animam, corpus verò non hominem, sed hominis aliquid: ille enim in Alcybiade primo, siue de natura hominis, ita argumentatur. Necesse est aliud sit id quod utitur, & aliud quo utitur, & aliud quod imperat, & cui imperatur; vt aliud est cerdo qui incisorio utitur, & aliud incisorium quo utitur; aliud quoq; dominus aliud seruus. ut uerò cerdo, & incisorio dicitur incidere & manibus; ut manus autem, ita & pes, & oculus, atq; corpus totum, est res qua homo utitur: homo igitur, & est aliud à corpore, siquidem corpore utitur, & est res illa quæ corpore utitur: at uerò anima utitur corpore, homo igitur ipsa anima est. Nam (inquit) homo est anima, aut corpus, aut ambo simul. corpus non est, quia corpore utitur, homo uerò est qui utitur: sed neque ambo, quia si duorum alterum non utitur, neque ambo utuntur: superest ut homo anima sit. Eodem modo concluditur hoc argumentum, siue dicas utitur, siue imperat, siue dominatur: nam ipsum uti imperio agitur, imperat enim cerdo manui, & incisorio, hæc uerò obsequuntur tracta. Itaque Plato ob hæc censet, hominem animam solam esse re uera, & in dialogo dicto, & 12. de legibus, dicens re uera unumquemque nostrum animam immortalem esse, corpus uero aliquid illius, ut vestem, aut lorica, cui consonum etiam est posse commutare corpora, fierique ut quæ anima humano usa est corpore, in palynginesia (quam ille ut Pythagoricus profitetur) induat equinum, leoninum, suilum, aut piceum, quodcumque accommodatum sit moribus, quibus sese in superiori uita imbuat: non aliter ac si cerdo, à sutoria arte per negligentiam

tiam uacans, in fabili se exerceret, deponeret postremo acū & incisorium, acciperetque serram & malleum. nimirum constat quibuscumque moribus assuescat, fieri animum ad eos propensiores, usque adeo, ut quanto diutius assueuerit, tanto difficilius possit se quispiam ad alios transferre, & illa libertas qua hominem natum esse diximus, uideatur perire. Qua causa Stoici homines, atque adeo & omnes Philosophi, (et si non omnes æquè) affirmauerunt, stultos esse seruos, & sapientes liberos. atque Dominus noster dicit, hos seruire mammonæ: Idemque octauo Ioannis, Qui facit peccatum seruus est peccati. sunt innumera alia oracula in sacris, quæ hoc ipsum innuunt. cum ergo uideatur anima consuetudine mutare naturales appetitus & propensiones, atque unicuique uideantur animantium tributa corpora secundum suos mores (rapacibus enim ungues acutos, firmos & curuos: uoracibus, dentes & capacem uentrem, & intestina minimè flexuosa; ferocibus cornua dura; fugacibus longiora crura) consentaneum censet Plato, & mutatis animabus, quas solas homines esse censet, commutari corpora, atque hanc censet esse brutorum generationem in Timeo: & decimo de Republica, siue de Iusto censet hanc esse impiorum penam quò quidem uidetur spectare illa comminatio Psalmi trigessim primi, Nollite fieri sicut equus & mulus quibus non est intellectus, & illa imprecatio. In chamo & freno maxillas eorum constringe, qui non approximant ad te. Verum hæc omnia Platonis dogmata plausibilia magis sunt quam uera, & Poeticè magis quàm Physicè colliguntur. nam habitus longe alia res est quàm natura: facitque habitus propensiones contrarias, natura manente. Neque quidpiam tam dissentaneum, quam hominum brutorumque easdem esse animas, aut animarum ipsarum, in alias animas fieri muta-

riones. non est ergo ita, sed quantumuis habitus difficultatē
 ingerat efficiendi contrarium, vt auaritia erogandi, luxuria
 continenter agendi, tamen quia natura non mutatur, qui na-
 tura liber, & suarum actionum dominus effectus est homo,
 liber necessario manet, potestq; sese in alios transferre mo-
 res, si velit; tamen si difficilius multò, quam nisi deteriori-
 bus assueuisset. Atque peccati vocatur seruus, non quòd non
 possit illi imperare, sed quia obedit voluptate deuictus. quia
 (vt dicitur in secunda epistola Petri) à quo quis deuictus est,
 eius est seruus, appellationes verò belluarum accipit, non
 ob naturæ vllā mutationem, sed quia ob belluinos mores
 comparatus est iumentis, & similis factus est illis Psalmo 48.
 Neque sane homo ipsa anima est, siquidem est animal, qua-
 propter & corpus tale, animatum scilicet. neque quidquam
 habet absurditatis, idem imperare sibi ipsi, & vt *se ipso*,
 & eundem à se ipso domari, vinci, & coerceri, eundemq;
 sibi ipsi repugnare. nam & lapides quoque & metalla, & ina-
 nima omnia corpora, per sese mouentur, quo illa sua fert na-
 tura, grauia deorsum, leuia sursum, vt alibi monstraui-
 mus. neque sunt hæc absurda, quia etsi insunt hæc eidem, non
 secundum idem, sed secundum animum alia, alia secundum
 corpus. ex corpore verò & animo conflatum animal homo
 est, qui se pro suo arbitrato gerit. nam tamen si anima im-
 perat corpori, & ratio appetitui, proprius autem dicitur
 homo imperare, quia actiones suppositorum sunt; vt tamen
 si oculus videre dicitur, proprius autem ac prius, homo vi-
 det. Itaque & mens imperat corpori, & homo: mens tamen
 homo non est, sed pars hominis, per quam ille imperat: Vt
 homo videt & oculus videt, non tamen oculus homo est, sed
 pars hominis, per quam videt: ita etiam corpus repugnat
 rationi, sed & homo ipse repugnat rationi secundum corpo-
 ralem

ralem appetitū . quapropter multo melius, ac exactius quam Plato dixit Iob , factum se esse sibi ipsi grauem . Nimirum homo secundum duplicem, qua est naturam, pugnat secum & resistit sibi ipsi. Pulcherrima est illa cōparatio, quam Aristoteles intulit capite vltimo primi Ethicorū. Nimirum duo animæ appetitus , sunt vt duo corporis latera, atque vt cum quis remissè vnum mouet in alterum fertur , ita qui remissè vtitur ratione, incontinenter fertur in appetitiones, & qui remissè appetit, fit continens . est verò ratio vt latus dextrum firmitus , fortiusque, & quod si vellit contendere, potest alterum trahere. Adhuc etiam videri possit alicui appetitus peccati, neque sub mente, neque sub homine esse, neque hominem posse illi dominari cum est malus; sed necessitate quadam, vbi quis malus fit, in deteriora ferri. Nam (dicunt) vt febris, phrenitis , & hydrops morbi sunt corporis, ita luxuria, iracundia, & auaritia, morbi sunt animi, vt ergo non potest qui ægrotat corpore, morbosos appetitus cohibere, vt sitim febricitans aut hydropicus, & furorem phreniticus: ita neque qui ægrotat animo, possit cohibere appetitus irrationales, qui peccatorum appetitus sunt, alioqui (dicunt) non ægrotet. neque igitur (dicunt) pœna quispiam dignus sit ob peccata, sed perinde sit furem verberare quòd furetur; ac si febricitantem verberes quòd febricitet, vtrunque enim inuito inest, & per morbum, illud animi, hoc corporis. Hæc videri possint leuiter consideranti, probabilia: sunt tamen sophistica & inepta. recipio enim, luxuriam, auaritiam, & iracundiam, morbos esse animi, non minus quam febrem, hydropem, phrenitidem, corporis: atque adeo vt ex his, sitim & amentiam, ita ex illis libidinem, iram, & aliarū rerum cupiditatem nasci. atq; adeo non magis posse luxuriosum non prurire libidine; & iracundum ira intumescere: & aua

rum appetere aliena, quam febricitantem, & hydropicum non sitire, & phreniticum non insanire. Quid tum postea? an proinde non est dominus suarum actionum vterque? absit. Nam & febricitans & sitiens potest non potare, & avarus & concupiscens res alienas, potest non furari. quapropter merito fur verberatur, non quia avarus, sed quia furatur, ut febricitans repræhenditur, non quia sitit, sed quia intempestive potat. Peccatum verò non est in concupiscentia, sed in facinore, aut certa voluntate committendi. non enim laude dignus minus est, qui cum sit natura libidinosus, non agit quippiam petulanter, quam qui talis non est: imo magis etiam fortasse aliquando, quia virtus in infirmitate perficitur, ut inquit diuus Paulus, secunda ad Corinthios, & virtus versatur circa difficilia, ut inquit Aristoteles secundo Ethicorum. Est igitur in nostra potestate, non ille irrationalis appetitus, qui naturaliter exurgit ex nostræ naturæ corruptione, quam sæpè ipsa elementorum & humorum temperies auget, sed qui verè est appetitus peccati, hoc est, vera & certa deliberataque voluntas aliquid contra Dei Optimi Maximi legem committendi, quapropter ubi in decalogo dicitur, Non concupisces res alienas, non ita est accipiendum, quasi qui concupiscentiâ habet rerû alienarû in peccato sit, etiam si si nollit quamquam possit, furari, sed is solus qui vult furari si possit. hæc enim voluntas est appetitus peccati. ille prior appetitus sine culpa esse potest, quia ex morbo nascitur, ut sitis ex febre. Ut igitur febricitanti nullus medicus imperet, noli sitire, sed noli potare etsi sitias: peccat vero in medicum non qui sitit, sed qui potat, aut vult potare quidquid medicus iubeat; ita in Deum, non qui utcumq; concupiscat aliena (nam qui possit non concupiscere aurum, inops, aut avarus?) sed qui vellit furari si possit, quidquid Deus imperet.

vnde

vnde constat, nos natura dominos esse appetitus peccati, etiam cum mali sumus, etiam si vitio & culpa sumus serui peccati. constat quoque totam benè viuendi normam eo re digi, vt Deum timeamus: quandoquidem tota boni iusti q, regula, in Dei, vtpotè rerum omnium Domini, voluntate consistit: peccatum verò in auersione, sed (vt hæc apertius eloquar) potest quispiam esse libidinosus, aut iracundus natura, aut habitu, atque vtrumq; sit talis, propensus erit ad venerem, aut iram. Interest verò multum, nam quorum natura tantum est talis, neque pœna, neque repræhensione dignus est, quia neque vituperari, neq; laudari quispiam debet, ob id quod natura illi inest, quin potius si rectè agit talis cum sit, maiori est dignus præmio: qui verò talis est secundum habitum, repræhensione & vituperio dignus est, quia in sua potestate fuit eius habitus principium, sed si ne tunc quidem exerceat venerea, aut irascatur, non est dignus pœna, quia peccatum in actione est, in habitu vitium solum. potest verò iniustus non iniuste agere, etiam si non statim ac vult potest habitum commutare, sed longa aut magna exercitatione opus est. Culpa itaque iniusti, q, talis sit, solum est in principio, quòd iniuste agat in ipsa voluntate, quæ actiones nostras semper committatur. Quòd diserte docuit Aristoteles capite quinto, tertij Ethicorum dicens, Verum non similiter nostra spontè actus ac habitus fiunt: actuū enim à principio ad finem domini sumus ipsa singula cognoscentes, habituum verò principium. Igitur punitur fur non quia fur est (quanquam hoc quoque si habitu constat est vituperabile) sed quia furatur: vt neque repræhenditur febricitans, quia febricitat, neque quia sitit (tametsi vituperatur etiam si ob prauum victum in eum affectum incidit) repræhenditur verò, quod potest cum non expedit, atque adeo iure posset puniri,

niri, si sit seruus, itaque peccata ex animi nasci morbis, nihil obstat quominus sponte committantur, sitque penes nos liberū arbitriū, & mens appetitus sit natura domina.

CAPVT QVADRAGESIMVM
QVINTVM.



APITE decimo ita Iob Deum alloquitur. Memento quęso, quod sicut lutum feceris me, & in puluerem reduces me. Nonne sicut lac mulsisti me, & sicut caseum me coagulasti?

Quę verba non sunt oscitanter prætereunda Physico, neque quasi non explicent naturalem hominis ortum exactissimè: prima enim verba continent primam hominis formationem ex primis elementis; secunda generationem singulorum hominum ex semine. Quę vt apertiora euadant, præfari oportet, quam plurimas fuisse Philosophorum sententias de rerum corporearum elementis, antequam in illam vnam peruentum omnibus est, de calido & frigido, humido & sicco, seu terra aqua aere & igne. plurimi enim censuerunt, elementa corporum esse corpuscula indiuisibilia, nonnulli substantias homogeneas; atque horum vtrique nihil errabant in notione elementi. alij enim principij & elementi rationem non distinguentes, dicebant elementa rerum omnium esse litem, & amicitiam, Alij raritatem & densitatem, alij crassitiem & tenuitatem: alij alia. Cæterum, si quę rerum naturalium elementa ponenda sunt, nulla æquè probabilis atque illa ab omnibus rectè philosophantibus (nam & ab Stoicis, & Academicis, & Peripateticis) recepta opinio, quę ab Hippocrate fluxit,

xit, esse rerū omniū corporearum **elementa**, **terram**, **aquam**,
 aërem, & ignem, quia horum præcipuè corporum esse vide-
 mus qualitates, quarum mutua pugna fiunt ortus & interit-
 us. quædam enim fiunt ex quibusdam crescēte calore, quo
 aliquando extincto, hæc eadem obeunt in alia: ita etiam, sic-
 cata quædam intereunt, & alia humectata nimis: nihil autem
 interit, quin aliquid aliud ex illo fiat. itaq; fiunt omnia dicta-
 rum qualitatum actione, quare & mixture illorum corporū
 quorum illæ qualitates sunt primo, videntur generari, atque
 adeo (si quæ) illa esse corporum aliorum elementa. Ceterum
 neq; hoc videtur mihi (quando non iam cum tyronibus agi-
 tur) leuiter prætereundum, sed examinandum, an verè Philo-
 sophi corporum naturalium elementa prima ponant, an sit
 hæc hypothesi, vt multæ alię in scientijs. si enim, vt Aristote-
 les secundo de ortu & interitu multis contendit, rerum om-
 nium generatio agitur circulo, non generantur omnia ex
 quibusdam, sed ex quocumque quodcumque. Quare nulla
 re vera sint aliorum elementa. Porro monstratum alibi est,
 nulla esse simplicia elementa in rebus: atque adeo digito
 monstrari potest. quæ enim terra? an hæc, quæ nitro, sulphu-
 re, argento viuo, & metallicis omnibus concretionibus est
 interlita, & alicubi est gypsus, alibi calx, creta alibi?
 Quæ aqua? an marina, quæ hic intolerabiliter salsa, alibi etiā
 est amara? Qui aer? an hic turbidus, qui vapor aut nebula,
 aut nubes, aut ignea exhalatio, aut horum quædam con-
 fusio esse videtur? Quis ignis? an carbo, qui terræ multis ge-
 neribus est crassior? an flamma, quæ nihil est nisi fumus ar-
 dens? quod si nullibi vnquam elementa simplicia sunt, ne
 esse quidem possunt, vel hoc argumento (tametsi alijs etiā
 non inevidentibus est à me monstratū alibi) quòd in æter-
 nis idem est, quod est & quod potest. ~~etiam in rebus~~

~~quædam sunt elementa~~. quod si nulla sunt elementa simplicia, quorum mistione generentur reliqua, ne mistio quædam est vlla. Quorum enim est mistio? nisi miscibilium? quod si mistio non est re vera, sed conficta, neque resolutio sit in simplicia. nihil igitur sit ex elementis, neque finitur in elementa, quare neque elementa sunt omnino in rebus, nisi enim orationes in dictiones, & dictiones in syllabas, & syllabæ in literas resolverentur, a quibus coagmentatis extiterunt, haud quaquam diceremus literas esse verborum elementa. non igitur sunt alia aliorum elementa, sed fiunt alia ex alijs mutuo, & circulo quodam, vt ex pruno prunū, ex hoc nucleus, ex hoc prunus: & ex semine ouum, ex ouo pullus, ex pullo semen. his argumentis fieri videtur, nulla esse rerum elementa. Nihilominus est quod respondeamus, veram simul de elementis sententiam statuentes. tamen si enim verè dicatur rerum generatio esse circularis, non tolluntur elementa. Non enim fiunt omnia ex omnibus eodem modo: sed quædam ex quibusdam compositione; alia ex alijs resolutione. quis enim non videt lignum ex miscella terræ & aquæ, quam radicibus hausit esse nutritum, atque ita ex illis effectum; resolui vero ignis vi in aquam, quæ inuisibiliter abit in vaporem, & cinerem terreum qui superest? fit haud dubiè ex ligno cinis resoluendo, quia deponendo quædam; ex terra lignum componendo, quia assumendo aquam. Sed quam sint res omnes multarum compositione factæ, ipsa resolutio indicat. quotæ enim quæque res sunt, ex quibus non separet ratio destillandi terreas feces, & partem aqueam, & oleosum quiddam, abeunte interim fumo? haud dubiè igitur sunt rerum ex rebus compositiones: & rerum in res resolutiones. Quapropter cum ex alijs in alia procedatur resoluendo, necesse est esse rerum elemen

ta prima. quia cum posteriorum natura nascatur ex prioribus, si nulla statuerentur prima, sed abiretur resolvendo in infinitum, ut in diuisione continui, non esset vnde inciperet compositio, neque vnde fluere rerum natura, quare neque esset illarum vlla natura. Necesse est igitur ponere aliqua corpora, quorum natura per se insit illis, neque ab alijs emendicata corporibus, illa verò sunt elementa prima: quæ quidem, pura & inalterata, ne esse quidem, neque si essent, videri possent: quandoquidem sensibiles omnes qualitates præter primas, à temperamentis fluunt, temperamenta verò mixture constant. Superest igitur ut sint in hac vniuersitate alterata elementa: ea verò sunt, grandes hæ mundi partes, terra, mare, & circumstantes aer, & qui per alia omnia penetrat ignis. Hæc enim minimam omnium quæ in mundo sunt mixturem habent, & omnium maximè accedunt ad quatuor illas naturas corporeas & simplices, quas actu quidem nullibi, potentia verò in omnibus esse dicimus, neque proinde falsum est, aut tantum hypothesis, esse hæc elementa. Sunt enim re vera, ut dicimus, potentia scilicet, velut re vera est in theriaca opium, & casia. Neque minus hæc in theriaca essent, etiam si totum mundi opium esset in eâ insumptum, neque alicubi maneret actu: ut nunc in mundum insumpta sunt tota, aqua, terra, aer, ignis, ut nihil illorum iam supersit, sed aquea, terrea, aerea, & ignea corpora. Sunt itaque quatuor elementa, quorum naturæ in his aspectabilibus mundi partibus, terra inquam, aqua, aere, & igne præcipue se exerunt: atque hæc quidem alterata elementa, sunt re vera actuq; in mundo, & conspiciuntur: illa, inalterata & simplicia, sunt re vera, non tamen actu: atque ut sunt, ita mixture generant. Nimirum alterata hæc, præexistentia actu commiscantur, & generant: inalterata

rata illa, nunquam præexistunt actu, sed potentia semper sunt, & in ipsa mistione & in mistis. Horum quatuor elementorum, duo præcipue (aqua inquam & terra) præstant corporibus crassis, & solidis, ut lapidibus, metallis, & arborum atque animalium partibus corporaturam: duo reliqua admiscuntur propter temperiem, & facultates, & primo quidem omnia necesse est constiterint horum concretionem, posterius verò quædam, ut quæ præstantiora cum sint reliquis, præstantiorem etiam habent ortum, fiunt virtute seminali, & maturatione, elementorum mistione latitante, & in ipso semine, & in eo quod oritur. Nam ipsa maturatio nihil aliud facit, quam perfectiorem, ex imperfectiori, elementorum mistione. itaq; imperfectiora corpora, & quæ neq; viuunt, neq; vegetantur, eodem penitus modo necesse est à principio mundi constiterint quo nunc, concretionem quadam elementorum, quadam proportionem coeuntium. quod in lapidibus aperte conspiciamus: qui aqua & terra desuper commistis, & durescentibus, augentur. Iis verò quæ seminali virtute generantur, necesse est duplicem tribuere ortum; alium quo constiterint ab initio; alium, quo nunc oriantur, oriuntur nunc ex semine, ex quo quidem à principio fieri non potuerunt, cum semina posteriora sint natura, & tempore rebus ipsis: siquidem fructus ipsarum rerum sunt, ut antea super caput primum Geneseos indicatum est. Igitur cum à principio facta sunt simul omnia, in illa comuni omnium genesi facta sunt ex communibus principiis, hoc est, ex elementis: posterius verò singula ex proprijs principiis, & suo quodque modo. Igitur homo à principio factus est secundum corpoream molem ex terra & aqua commistis, ut scilicet sit lutum, atque adeo ex limo terræ, hoc est ex terræ, & aquæ mistura, atque inde fluimus omnes: illamque naturam

nobiscum defferimus. hanc primam rerum omnium generis obumbraverunt Poetæ cōnubio Pōlei & Tethidis, id est, luti (αἶλος enim lutum est) & aquæ. quibus nuptijs dicebant Deos omnes interfuisse, præter discordiam. Quia scilicet, virtutibus cœlestibus & diuinis coniungentibus, & in concordiam trahentibus elementa, orta sunt omnia. nunc verò nostrum quilibet à parentū genitalibus emulgetur in semine sicut lac, & in vtero coagulatur, sicut caseus. Est verò appositissima & maximè naturalis comparatio. nam conuenit semini cum lacte, materia & conditionibus, & generationis modo, & officinis quibus fiunt, & vsu. Vtrunque enim fit ex sanguine, maturatione quadam, alterum in testibus, alterum in vberibus, partibus substantiæ modo valde similibus, sunt quæ ambo succi albi & crassi. vitur verò natura, altero ad generationem, altero ad recenter genitorum nutritionē, vt alimento scilicet parum euariante ab ipso generationis principio. Ipsum igitur semen verissimè dicitur esse, vt quoddam lac: ipsa verò prima embrionis generatio, coagulatio est, vt casei ex lacte. nam Aristoteles capite 21. de generatione animalium ita inquit, Velut in lactis coagulatione corpus quidem ipsum lac est, succus autem aut coagulum quod principium habet coagulandi, ita quod à viro in muliere fecer-
nitur. Constat ex dictis quanta proprietate sanctus Iob vtrumque hominum
ortum recensuerit, & eum
qui primo fuit om-
nium; & eum qui
deinceps
est
singulo-
rum.

CAPVT QVADRAGESIMVM

S E X T V M.



APITE quatuordecimo Iob ita inquit. Lignum habet spem, si præcisum fuerit rursus virescit, & rami eius pullulant, si senuerit in terra radix eius, & in puluere emortuus fuerit truncus illius, ad odorem aquæ germinabit, & faciet comam, quasi cum primum plantatum est, homo verò, cum mortuus fuerit, & nudatus atque consumptus, ubi quæso est?

Hic deplorans Iob humanæ vitæ conditionem, quæ tam facile pereat, atque cum semel perierit, adeo sit irrecuperabilis, confert hominem cum ligno, dicens, miserabiliorem esse hominis conditionem, quia lignum etiam si præcisum sit, potest rursus reuirescere, atque adeo germinare, & infixū in terra in arborem integram abire, atque adeo in arborem etiam diuersi generis inferi; insitioneque producere copiosos ramos, & multum fructum; quin etiam si senuerit in terra radix, & truncus eius emarcuerit, mortuusque sit, si summa eius pars, & rami mucro infigatur in terram ad odorem aquæ (hoc metaphoricè dicitur) hoc est, si adsit aqua, ut ex aqua cum terra mista, alimentum capiat, germinabit, & mucro ille radices proferet in terram, & sursum faciet comam, itaque & nouam integramque arborem. His modis agricolæ & vineas renouant, nimirum insitione, plantatione, & germinatione, ut qui uis rei rusticæ vel exiguum peritus scit, & Theophrastus docet primo de historia plantarum. Homo verò nihil tale habet, sed quæcumque pars illi abscissa sit emoritur statim, nul-

nullam neq; plantationem, neq; infusionem recipiens, neque omnino ullam habet rationem reuiuiscendi. Iam verò si homo mortuus sit, nulla eius pars viua manere potest, ex qua re uirescat vt arbor. In primis hoc explicemus vt habeat, mox naturalem causam apponamus. Homini quidem emori potest pars vna aliqua antè alias, vt digitus, au rricula, pudendum aut etiam pes, manus, crus, aut brachium, vt per gangrenam emoriuntur nonnunquam, aut Esthiomenum; tamen mortuo homine, hoc est corde, quod vitæ radix est, nulla ne minima quidem, neque extima pars manere potest viua, vt arbori; cui excisa, & euulsa penitus radice, manere possunt virentes ramuli, atque mucrones, quibus in terram infixis, arbor renascatur. Verum neq; arboris semel siccata & emortua pars, pōt amplius vlla ratione reuiuiscere, magis quā mortuus homo. hac enim in parte eadem ratio est. marcor enim & confirmata siccitas, in omnibus vegetabilibus est irremediabilis. Neq; solū non potest, semel emortuū lignū, secundū eandem partem qua emortuum est reuirescere, sed neque qua parte consenuit, potest (vt ita dicatur) reiuuenescere. habent enim etiam suas ætates, vt animantia, quas (mortalia cum sint) necessario percurrunt, neque datur à posterioribus ad priores retrocedere. Euenit vero alijs partibus senio confectis alias recentiores esse, & alijs emortuis, alias adhuc viuere & germinare, & euulsa arbor potest rursus terra condi, & renutrirī; nisi verò condatur, sed maneat euulsa, sine spe vlla moriatur, vt & homo si omni alimento destituatur, quia arbor ex terra capit alimentum per radices. Nam & ipse Iob. cap. 7. dixerat. Quasi euulsæ arbori abstulit spem meam. Quæ verba videri alicui possint præscriptæ orationi repugnantia. non sunt tamen, quia hīc in præciso ligno, & radice senescente in terra, spem esse dicit, si ad odorem aquæ rursus plantetur illīc

spem negat esse in euulsa arbore, si auulsa persistat, nequitur-
 sum terra condatur. nihil euenit tale homini: sed partes om-
 nes consenescent, & commoriuntur cum præcipuis, neque est
 ratio semel è vita euulsum transplantandi. Quod, etsi miseriæ
 esse videtur, non est tamen imperfectionis, quia vnitas & indi-
 uisibilitas in rebus omnibus comes est perfectionis; multitu-
 do & diuisibilitas imperfectionis. Proinde cum multi sint vi-
 uentium gradus, qui perfectione & imperfectione distin-
 guuntur, quò quidq; est perfectius, eò partes eius maiorem
 habent vnitatem, minusq; viuere possunt nisi in toto: quare
 separatæ moriuntur. nimirum gubernantur, non singula
 seorsum ac per se, sed omnes ab vno principio: quò quidque
 imperfectius, eò minus vnum, sed vt vnita conglutinataque
 multitudo, ac proinde partes eò magis separari possunt, ac se-
 paratæ uiuere, & germinare: quod per gradus viuentium sic
 manifestum. Plantarum enim partes dissectæ viuunt, & quæ-
 cunq; seorsum in terram infigantur, siue in hanc siue in illam
 partem viuunt, & germinant, atq; hoc inter ipsas plantas, vi-
 lioribus inest plusquam præstantioribus: adeo vt quarundam
 rami, in longum defossi, secundum multas partes germinan-
 tes, multas producant plantas. nulli hoc contingere potest,
 eorum quæ alimentum, non radicibus sed ore capiant, tamen
 eorum vilissima dissecta in multas partes viuunt (vt in repti-
 libus videre est) quantum possunt durare sine alimento, qua-
 si partes non accipiant vitam à partibus, sed singulæ uiuant
 per se, aliæ alijs agglutinatæ, qua causa & insecta vocantur.
 Alia sunt his præstantiora, quæ non tantam patiuntur partiũ
 sectionem superstitè vita, tamè præciso capite, & extracto cor-
 de volutantur, & subsultant aliquandiu, vt galinæ: grandiora
 verò animalia (atque minime omnium homo) cum à prin-
 cipibus membris accipiant vitam & motũ, omnemque gub-
 ber-

bernationem; illis præcis, ne momento quidem temporis, viuunt, sed secundum se tota motiuntur, vt ad vnitatem, & perfectionem naturæ magis accedentia.

CAPVT QVADRAGESIMVM

SEPTIMVM.



APITE vigesimosexto libri Iob.

Qui extendit Aquilonem super vacuum, & appendit terram super nihilum. Qui ligat aquas in nubibus suis vt non irrumpant pariter deorsum. Qui tenet vultum solis sui, & extendit super illud nebulam.

Terminum circundedit aquis, vsq; dum finiantur. Lux & tenebræ. Columnæ cœli contremiscunt, & pauent ad nutum eius. In fortitudine illius repente maria congregata sunt, & prudentia eius percussit superbum. Spiritus eius ornauit cœlos, & obstreticante manu eius eductus est coluber tortuosus. Proposuerat in initio cap. Iob, Dei summam potentiam & sapientiam, ex probâs amico suo Baldad, quod videretur illi patrocinari, quasi imbecilli & imprudenti, his verbis. Cuius adiutores? nunquid imbecillis? & sustentas brachium eius qui non est fortis? cui dedisti consilium? forsitan ei qui non habet sapientiam? Quasi dicat, Deus tuo patrocinio aut consilio non eget, fortissimus enim est, & sapientissimus. Hanc igitur nunc potentiam & sapientiam Dei celebrat, producens mirabilia eius opera in cœlo & in terra. Quæ, tametsi naturaliter effecta sint, nihilominus diuinæ virtutis & sapientiæ maxima sunt argumenta, quæ ita mundi partes omnes aptauit, easque illis naturas tribuit, vt

mira

mirabiliter constiterint. Miratur primùm, quòd extenderit Aquilonem super vacuum, hoc est, eam cœli partem quę spectat ad polum, ac nobis imminet super aërem. Nam nomina ventorum illis etiam mundi plagis tribuuntur, & cœli partibus à quibus flant, velut apud Ezechielem cap. 20. dicitur, comburetur in ea omnis facies ab Austro vsq; ad Aquilonē, hoc est à meridionali parte vsque ad septentrionalem. non enim probo (tamen si id doctissimis videtur interpretibus) Aquilonem vocari hēmispherium quod nobis imminet, & Austrum alterū quod subitare videtur, ac nos latet, eo quod polus hic noster sit Aquilonaris, alterq; illi oppositus Austrinus. Nam etsi per ignorationem alterius hēmispherij, & putantes nihil illius esse habitabile, ita loquebātur antiqui, & philosophi & poetę, tamen reuera non ita est, sed à polo versus meridiem flat Aquilo, à meridie versus polum Auster. Quare in altero etiam hēmispherio perinde fieri censendum est, esse, scilicet, ventum nostro Aquiloni respondētem, qui à suo polo feratur ad meridiem, suumq; Austrum, qui a meridie ad polum. qua propter Aquilonis nomine nomine non totū hēmispherium in sacris, sed septentrionalis cœli pars significabitur. Quod velex Ezechiele constat: Cum enim comminaretur terrę Israel, quę haud dubie vtrumq; hēmispherium non attingebat. Dixit, comburetur in ea omnis facies ab austro vsque ad Aquilonem; non certē intelligens à polo ad polum, sed à meridionali eius parte ad septentrionalem vsque. igitur si hoc loco Aquilo cœli partem vllam significat, non aliam certē quam septentrionalem, ac per synedochem totū cœlum. Significat etiam nomen Aquilo cœli partem cap. 1. Ecclesiastis, vbi de sole dicitur, gyrat per meridiem, & flectitur ad Aquilonem. miratur itaque cœlum extentum esse super aërem. Vocari enim vulgo, quod solo aere plenum est, vacuum,

vacuum, eo quod solidiori corpore plenum non sit, Aristot. etiam annotauit. cap. 6. de physica doctrina. Miratur quoque appensam esse terram super nihilum, hoc est, ita locatam, ut cum nulli alteri corpori innitatur, sed in medio sit aeris quasi pendens, neq; in hanc neq; in illam partem inclinet. Itaq; miratur, quòd duæ hæ mundi partes, quæ solidissimæ sunt, terra inquam & cœlum (cœlum enim solidissimum esse, quasi ex ære constet, posterius dicetur) firmæ in suis locis maneant, non coherentes, sed dissitæ interstite aere tenuissimo. Hæ autem admirationes naturaliter subrepunt omnibus qui philosophiæ student, atq; adeo hæ & huiusmodi aliæ dubitationes, initium dedere philosophiæ, quin potius earum dillutio, ipsa naturalis philosophia est. Aris. cap. 13. secundi de cœlo inquit irrationalis esse & amentis, non mirari, cur tota terræ moles in medio aeris quiescat, cum vel exigua eius particula, si eleuata dimittatur, ruat. neq; verò dubitatio adeo est leuis, quin fuerint de ea re multæ variæque sententiæ veterum, ut Xenophanis, & Empedoclis, Taletis, Anaximenis, Anaxagoræ & Democriti, quas illic ipse narrat & refutat. De cœlo quoq; cur non ruat, cum nullo sustentetur corpore solido, sed exte-
tum sit super vacuum multæ veterum narrantur opiniones cap. 1. secundi de cœlo, quas omnes ego, ut pote illis locis satis vocatas in examen, & ab Aristotele ipso, & à me in commentarijs, nunc præteribo, breui dicens, causam dictarum dubitationum esse, quòd terra non est aliter nata moueri quam ad medium, neq; cœlum quam circulo, quapropter neq; terra, vnde cumq; in illud ferretur, posset mundi cœtrum præterire. neq; in illo semel firmata, potest inde exire (ita firmavit Deus orbem terræ, qui nō commouebitur, ut dicitur in psalmo) neq; cœlum ullam aliam in partem nititur, sed suo tantum loco uolutatur. Vulgus uerò innaginatur, illud, ut
foli-

soliditate est plusquam adamantinum, ita esse & natura quasi argenteum, aut lapideum. Re vera autem illud est omnis & leuitatis & ponderis expertus, circulo solum natum ferri. cuius circuitio finalis causa est in mundi totius indigētia; effectrix verò, in ipsius natura. Mirabilis verò Dei sapientia & virtus, eas singulis mundi partibus naturas tribuēs, quibus maxime totius vsibus seruire possint. Addit, Qui ligat aquas in nubibus suis, ut non erumpant pariter deorsum. Admiratione etiam videtur dignum, aquam, cum pluit, in gutulas disperfam, adeo æqualiter decidere, & late patentem terræ faciē irrigare, ac non potius totam confertim cadentem obruere, aut inæqualiter, aliam partem aridam relinquere, in aliam corriuare. Mirum itaque est, quam aptè quamq; ex ipsarum rerum vsu pluuię fiant, ut videatur Deus ligatas habere aquas nubibus, neque dimittere eas nisi ut expedit, nimirum guttatim, quasi per cribrum, aut irrigatorium vas percolatas. hoc celebrat sanctus Iob, dicens, Qui ligat aquas in nubibus suis, ut non erumpant pariter deorsum. Quæ autem sit naturalis, ac necessaria eius euentus causa, dicendum est. Nam, ut sæpe iam diximus, Deus quæ fieri expedit, facit per naturales causas, atque cum in sacris eloquijs dicitur iubere aliquid, aut legem ponere, aut nunc alligare aquas nubibus, atq; alibi concludere mare, aut arena cingere, aut huiusmodi alia, quæ voluntatem Dei significāt, significatur certe Deum talia voluisse boni gratia, ac fecisse quidem: id verò non prohibet, quominus per naturales ac necessarias causas fecerit, quia potius, illud velle, iubere, ac legem ponere, atq; aquas alligare & mare coercere, nihil aliud est quam eas rebus naturas tribuere, ut quæ fieri expedit, fiant. atque hoc quidem ita habet semper, præterquam ubi agitur de mundi creatione. Ea enim cum nondum esset natura, solius diuinæ virtutis opus fuit.

Neq;

Neq; sane quod dicimus, Dei laudibus quippiam detrahit. Si enim non aliter quā sua voluntate faceret, vt aqua guttatim descenderet, & mare sese intra suos carceres contineret, laudaretur eius potentia, nunc verò laudatur & sapientia; fitque hinc, vt quæ circa Deum habetur pietas, nullatenus eleuet studium philosophiæ; quin potius, vt ego existimo, augeat quam plurimum, & promoueat. Quæ igitur stillarum pluuiæ causa sit, dicamus. vt dicitur cap. 3. Prouerbiorum, nubes rore concrescunt, Quod quidem nihil aliud est, quam eandem esse materiam roris & pluuiæ, puta vaporem, atq; rorem fieri concretionem vaporum circa terram manentiū, vt pluuiam concretionem nubium, quæ quidem sunt vapores qui altius eferuntur. Itaq; pluuiam fit vaporibus concrescantibus, atq; concretionem abeuntibus in aquam, vbi autem semel facta aqua sit, ferri super aere non potest, cum illo adeo crassior sit: necesse est igitur, vt mox ac concrescit, cadat. Nō potest autem nubis simul concrescere tota, sed necesse est à minimis partibus incipientem concretionem, ad maiores, & ad totius commutationem procedere: neq; igitur spectare potest donec cadat tota, sed necesse est, concretas à nondum concretis particulis decidi, ac seorsum cadere. Quod verò non possit secundum se totam simul & æqualiter concrescere nubis, euidens causa est. Nam siue alterationem eam censeas fieri ab aere, vt Stoici qui ponebant aerem esse primum frigidorum, siue ex accidenti per antiparistasim, vt Arist. fieri non potest, vt vel exigua eius quod patitur pars æqualiter admota sit agenti: constat verò ex admotione agentis ad id quod patitur, nasci citiorem aut tardiorē commutationem. dicens, tunc fieri, vt guttulæ momentaneæ magnitudinis esse nō possint, sed quibuscunque debeant esse minores, quia quantulascunq; indices, concretæ fuerint earum medietates ante totas, quare & deciderint. cum

ergo nullæ sint moles indiuisibiles, fiet vt ne pluere quidem possit omnino, propter infinitam continui diuisionem. Concedimus nullam in nubis commutatione, quæ concretione agitur, esse primam aquæ partem, antequam scilicet non fuerit pars alia minor, velut & cum ad extremitatem admotam flamma ignis serpit per stupam, Verum non decidunt decissæ a nube, nisi cuiusdam magnitudinis guttæ: quia antequam illis minores decendantur, anticipant aliæ particulæ generari, accedentesque prioribus, conflant cum illis guttas. Nimirum & decissio, & ipsa per partes generatio tempore quodam aguntur. quantum ergo aquæ generari potest, antequam genita portiuncula decissa cadat, tantum accedit guttularum magnitudini. Hinc fit merito, vt quanto celerius agitur nubis in aquam commutatio tanto cadant maiores guttæ. Quapropter aliquando cadunt minutulæ guttæ, aliquando copiosi imbres. Itaq; naturalis causa distributionis pluuiæ in guttas, æqualisquæ illius, atq; fecunditati terræ accommodatissimæ irrigationis, est nubis paulatim procedēs concretio. Considerans hūc motum & huiusmodi alios, qui scilicet, aguntur, eo q̃ res aliquæ mutationem propriæ substantiæ recipientes, factæ sint crassiores, aut etiam tenuiores solito (crassatæ enim descendunt vt pluuiæ; extenuatæ ascendunt vt sapores) dixit Arist. 8. de physica doctrina, grauiæ & leuiæ moueri à generante, aut à remouente prohibens, à generante, vt pluuiæ, ab eo quod densat vapores, à remouente prohibens, vt cadit tegula detracto fulcro. Nimirum, quia quod inanime est, non potest motum suum incohare per se se, ac sine opera externi alicuius, externa illa dicit esse quæ mouent, quia sunt a quibus incipit motus. Moueri verò possunt inanima, aut ut grauiæ aut leuiæ, aut vt corpora quædā moueri possunt ab impellente, vt à neruo balistæ: aut a trahente

ut ab hamo : aut à vehente, ut à iumento: aut à voluntate, ut à vento, aut rota: ut graua verò aut leuia, non possunt in motum agitante quiescentia, aliter quàm à remouente prohibens, ut tegula a detrahente fulcrum, aut à generante, ut pluuia à frigido quod densat. Quod non intelligentes multi, alioqui doctissimi Arist. interpretæ, venerunt in ridiculam sententiam, omnia graua & leuia moueri semper ab eo a quo genita sunt. Itaq; vim & efficaciam mouendi ea corpora, esse in illo quod plerumque nusquam est. Sed quoniam ea mihi alibi refutata satis est, neque nunc nisi obiter, ob pluuiæ casum eius contigit meminisse procedamus. Qui tenet (inquit) vultum solii sui, & extendit super illud nebulam, hoc est, qui cœlum operit nebula, quominus videri possit. Daud quoque in Psalmis laudi Deo dat, q̄ extendit nebulam per aërem mirabili quodam modo. Nam Psalmo 147. ita cecinit. Qui dat niuem sicut lanam, nebulam sicut cinerem spargit. Spargens nimirum nebulam sicut cinerem, operit vultum solii sui, tenetque quominus videatur. Nubes & nebula, eadem res esse videtur, hoc solum differens, q̄ nubes effertur in mediam aeris regionem, quæ quia neq; vicina Soli est ut suprema, neq; reflexis à terra radijs potitur ut ima, frigidior illis est, & ad aquæ generum, hoc est pluuiæ, niuis, & grandinis generationē accommodatior, nebula circa terram constitit. Quapropter ut quidam fumus, cœli aspectum prohibet, in aquas verò non concreuit, quim potius ferentitatis, magis quàm pluuiæ, nota est, quia est ut Arist. inquit, velut nubis sterilis. Sterilitatis causam esse dicit Arist. quia est velut excrementum concretionis nubis. Quare ut excrementum sanguinis nutrire non potest, ut ille, ita neque nebula aquam gignere ut nubes. Verum hoc expositione indiget. Excrementum propriè est, quod seceratur per concoctionem, ut inutile; nubis uero non est conco-

atio, sed concretio. At verò analogia dicitur excrementum nubis quod secernitur ex nubibus, quasi concrefcere non potens, & mutari in aquam. Itaq; ex Arist. sententia, nebula ex ea nubis parte, quæ quia mutari in aquam idonea non erat excreta est, constat. Non explicat autem Arist. (quamquam id profecto expediebat quam plurimum) cur ea pars idonea non esset in aquam abire. Quod magnam dissidij occasionem eius interpretibus præstitit, assistentibus alijs obtinuitatem, alijs ob crassitiem esse talem. Mihi dicendum erit, quod verisimile. Nam monstrationem hic locus non admittit. Si nebula excernitur ex nubibus, verisimilius est, crassio rem esse earum partem, quam tenuiorem, quia si esset tenuior, excerneretur sursum, excernitur verò deorsum, ad terram usque pulsa. Præterea si esset tenuior reliqua, quæ in aquam mutatur, in aeris aut ignis naturam inclinaret. Ob æream verò naturam non esset inepta abire in aquam, siquidem communis omnium est consensus ac peculiariter Arist. in eodem cap. primi Meteor. mutatione aeris in aquam fieri nubem: igneam si haberet, haud esset adeo frigida, ut certe est, sed fulgurum & cometarum materia, ut reliqua exhalatio. Superest igitur ut inclinet in terream, eamque minimè exustam, ut quæ vocatur exhalatio, est quæ ut fumus usque terræ. Nimirum cum vapores ex aqua cum terra mista eleventur, fieri non potest quin aliquid secum efferant terream, id, ob diuersum substantiæ modum, non facile abit in aquam, neque sanè per concretionem abire potest, cum terra quam aqua concretior substantia sit. Proinde deorsum humidis vaporum partibus concrefcen tibus, terræ & tenues (ut ad reliquam scilicet terram) secretæ descendunt, volutanturque circa terram, usque dum vi Solis dissipatæ fugantur. Quod Hippocrates quoque lib. de aere, lo-

cis & aquis testatur. Hæ igitur pluuijs succedentes, merito serenitatem indicant futuram, quia & dissolutas iam esse nubes in pluuiam & nebulam. Euenit verò nonnunquã vt nullis præcedentibus pluuijs fiat. Quæ, siquidem sint quæ propriè vocantur nebule, Græcis *ὀμίλαι*, ac non potius tenues quædam nubes, tunc quoque siccioris temporis, & impluij sunt notæ: quia inutile esse & infœcudum indicant, totum quod euaporat ex terra. Siquidẽ tale est quod effumat ex ipsa, quale quod solet ex nubibus excerni. Sunt quidem aliæ, caligines potiusquam nebule vocatæ græcis *ἀχρ.* Quæ ob nubes multas & tenues fiunt, quæ quidem pluuiam solent præmonstrare: illæ verò, vt dixi, propriè vocatæ nebule nō sunt. Hæ enim sunt quales diximus. Vnde constat, quanta cū proprietate dictum in Psalmo sit. Nebulam sicut cinerem spargit. Nimirum illud spectare potest, & ad similitudinem sparsi cineris, quam præse fert, & ad naturam, si quidem vt terreus quidam puluis est, ac excrementum terreum, vt cinis. Neq; quidem his obstat, solere ex fluminibus, & hyberno maximè tempore nebulas nasci. Nam vt ex nubibus, ita etiam ex fluminalibus aquis excerni illud nebulosum potest, & quod purioris vaporis, ac tenuioris inde nascitur, euolat sursum, latum in nubium regionem, quod verò crassius, & impurius, consistit inferius, volitās circa ipsa flumina. Atq; quoniam per hyemē omnia cōereta sunt, neq; facile ob frigus lecernūtur quæ sūt diuersa, excrementosus vapor magna ex parte exhalat, qui nebula fit, per æstatē verò tenuior ac limpidior eleuatur vapor, q aut cōcretus in regione media fit pluuiæ, aut antequā illā attingat extenuatus in aērē mutatur. Itaq; nebulā spargit Deus, vt quendā cineris polinem tenuissimū, extendensq; nebulā operit vultū solij sui, sed de nebulis satis. Descēdēs ad mare, addit Iob. Terminū dedit aquis, usq; dū finiātur lux & tenebrę. Ma-

ximum argumentum mirabilis Dei potentia, atq; omnino facultatis alicuius præstantioris, quam sit ea quæ vocatur natura, ad quam philosophi referunt omnia, quòd cum videamus ita esse natura comparatum, vt vbi vbi duo crassitie diuersa corpora congregiuntur tenuius emergat in sublime, crassius subsideat feraturque in profundum, terra tamen tota non sumergatur in mare. factum verò id à Deo est, quia nisi terræ facies appareret, haud esset animalium perfectissimorum generationi locus, qua verò ratione id fecerit explicuimus in expositione cap. primi geneseos, vbi Deus dixit, congregentur aquæ omnes in locum vnum. Cuius præcepto, vt hic dicitur, repente maria congregata sunt, tanta est eius fortitudo. Non quidem vt Anaximenes, & Arist. censent, Sol, absumens locis quibusdam aquas, facit terræ superficiem apparere. Nam haud quaquam sub polis, & in partibus mundi frigidissimis, esse possent amplissimæ terræ partes, detectæ & habitabiles, quales septentrionales esse scimus, latissime patente Oceano inter tropicos, & sub ipso Sole. non igitur, quod aliæ partes sub aqua latent, aliæ detectæ sunt, in Solis calorem referri debet, sed in terræ structuram, quam ipsi dedit Deus à principio. Nimirum est rotunda, & in medio mundi posita, maximis vero partibus ex cauata, & anfractuosa, quas omnes cauitates replente aqua, sit ex vtrisque terra inquam & aqua, globus vnicus, cuius centrum, & aquæ & terræ, & mundi totius, idem est: constat vero necesse esse, vt ad cætrum terra sit plusquam adamantina. talem igitur terram efficiens, conclusit Deus in terræ foveis aquas, quæ alioqui essent totam submersuræ, atque ipsa est terra terminus quem circundedit aquæ. atqui, etsi ita ad sese terra, & aqua positæ sunt, dicitur verius terra continere aquam ac cohibere, quam aqua terram: quia quod siccum est, facile continetur termino proprio, humidū
verò

uerò non nisi alieno . non tamen proinde violenter est aqua ita locata (nihil enim uiolentum simul & naturale) quia neq; quippiam crassius illi innatat, neq; illa imminet vili corpori tenuiori . Quoniam autem hæc non aliorum ita machinatus est Deus , quàm ut in terræ facie agi possent generationes (alioqui enim fecisset totam secundum se totam compactam & unitam terram , & sine ullis cavitatibus) constat duratura solum , quandiu durabunt ortus & interitus rerum . Hi verò durabunt quandiu Sol circulo feretur , ac sua circulari latione successiuam hanc uicissitudinem faciet , lucis & tenebrarum , hoc est , dierum & noctium . circundata erit ergo aqua dictis carceribus , vsq; dum finiantur lux & tenebræ , cessantibus simul , cœli motu & rerum generationibus . Tunc vero vnita atque congregata , (ut par erat) tota terra vnicumque conflans per se globum , in aqua submergetur . Quod dicitur , Columnæ cœli contremiscunt , & pauent ad nutum eius , & rursum , Prudentia eius percussit superbum , ad angelos bonos & malos pertinet , haud quaquã ad res ullas naturales . Illa quoq; uerba quæ dictis succedunt . Spiritus eius ornauit cœlos , & obstetricante manu eius eductus est coluber tortuosus , referunt pleriq; ad bonos spiritus & Satam . Mihi uerò uidentur pertinere posse ad opus quarti Dei , ad creationem stellarum inquam . Nimirum ornatus cœli uocatur . cap. 1 . g . enescos illa innumerable multitudo stellarum . Coluber uerò tortuosus mihi sonat per periphrasim , magnum illum latumq; cœli circulum obliquè positum in sphaera , per quem semper feruntur planetæ , qui uocatur Zodiacus . Videtur enim ille positionis gratia uolui in sphaera , ut conuolutum colubrū . non transigunt quidem leuiter philosophi stellarum naturam , & substantiam . Mihi uerò dicitur de ea paulo post , ubi & de substantia cœli .

CAPVT QVADRAGESIMVM
OCTAVVM.

APITE 28. Iob. Qui fecit ventis pondus, & aquas appendit in mēſura. Dictū iā antea eſt, non ſemel, celebratiſſimum eſſe in ſacris, nō ſine magna Dei ſapientia effectum eſſe, vt aqua nō obruat terram totam, atq; ſub ſe mergat, nullo, ita vſui futuram ad generationem animalium. hoc idem hīc Iob inſinuat dicens, & aquas appendit in mēſura: quaſi dicat, aquam certa quadam dedit mēſura, ne ſi magis abundaret, ruptis fontibus regurgitaret ſuper terram, vt in tempore Noē: & eam aquæ mēſuram, ita ad terræ molem aptauit, atq; ita appendit, & librauit, vt naturaliter decurrens quo ſua eam natura fert, & quam amat partium æqualitas, terram non occuparet. Nunc addit aliud Iob dicens. Qui fecit ventis pondus. Nimirum vt miratur, quod aqua non redundet ſuper terram totā, ita etiam quod venti non ferantur ſuſum per totum aerem, ſed quaſi quodā pondere depreſſi ferantur circumcirca terram. Cuius rei naturalis cauſa poſcit, vt de pondere, & leuitate diſſeramus, quid utrūque ſit. Vbi enim hoc fuerit indicatum, facile ea innoteſcet. Communis philoſophorum ſententia eſt, vt calor, frigus, humor, & ſiccitas, ſunt qualitates actiue elementorum, ita pondus, & leuitatem eſſe motiuas, pondusque ſeu grauitatem eſſe virtutem eundi in medium; leuitatem, à medio. Itaque vt ignis virtute quadam, quam calorem dicimus, calfacit, ac cōmutat accedentem quamcunq; materiam: ita leuitate moueri ſuſum: aquam vt frigore refrigerat, ita pondere ire in medium:

medium: Atq; vt calor & frigus primò sunt elementorum, deinde & concretorum corporum, ita pondus & leuitatem. Mihi verò nunquam visum est ita: sed corpus quodcunque per sese, ac sine vlla qualitate, abire in eum locum quem naturalis ordo poscit. Naturalis verò ordo est, vt crassa sint sub tenuibus. Velut igitur aqua frigida rem accedentem frigore refrigerat, seipsam vero vbi calfacta est, non alio refrigerat frigore (alioqui esset in ea duplex frigus, & vt ita dixerim, frigus frigoris) sed suapte natura, ac sine vlllo instrumento redit eò, vnde violenter extracta est ab externa causa, ita quæcunq; res vim habet mouendi aliam loco non per accidens, qualitate quappiam, quæ facultas est ita efficiendi, id facit, vt magnes ferrum mouet; quæ verò seipsa mouent, neque per rem vllam extra se, nisi per accidens, vt quæ dicuntur grauiæ & leuiæ, Ea, præter naturam propriam, nulla qualitate indigent, vt ita ferantur: redeunt enim in id quod sua natura amat, vt aqua frigescens. Quare opus non est, vt apponatur vis vlla alia, sed solū vt remoueatur quod prohibebat. Itaq; opus nō est, pondus & leuitatē vt qualitates quasdam rerum statuere, neq; putare eas aliud quippiam esse, quā crassitiem & tenuitatem; sed ita censere, rem quamcunq; cū rectè locata est ad res proximas, quiescere, cū malè, moueri, siue sursum, siue deorsū, vt res exigit, quo naturæ suæ cōgruentē ordinem consequatur. Id verò ita esse in physicis commentationibus indicauimus. Nunc verò etiam hoc adiiciemus argumentum. Si grauitas & leuitas quædam contrariæ qualitates rerum essent, inessent quidem singulis secundum certos gradus: vtque est res primo, aut secundo, denique certo quodam gradu candida aut nigra, ita esset grauis, aut leuis. Itaque esset res quædam pendens libram, alia vnciam, alia drachmam: at verò non est hoc vlla

in re verum simpliciter, sed ad aliquid, hoc est ad medium. Si enim suspendis in billance substantiarum diuersarum, auri exempli gratia & argenti æquale pondus, mutato medio mutatur pondus. Nam si in aquam immittas billancem, fit ut quod substantia est crassius detrahat quod tenuius, etiam si in aere neutrum alterum detraheret. Nimirum, ut monstrat Archimedes, licetque cuius experiri, aqua detrahit ponderi, quantum aqua quam res excludit ex vase pendet. Atque cum crassiora minori quantitate ponderent æquale, fit ut minus aquæ excludant, & ita ad portionem amittant minus sui ponderis. Igitur fieri potest, ut quod in aëre pendeat æquale, nulla alia mutatione facta quam medijs, pendat minus, atque etiam quod pendeat antea plus. Atqui profecto eadem ratione fit, ut ipsius etiam aeris mutatio in serenum aut turbidum, nulla re adiecta aut detracta lanci, mutet pondera. Nulla igitur res certa est pondus, sed impetus internus maior aut minor, ut maior aut minor est rei cuiusque deordinatio, non enim res vlla fit dulcior aut acrior, candidior aut nigrior, calidior aut frigidior, utcumque res aliæ omnes mutantur, ipsa nullatenus mutata. Iplum igitur pondus aut leuitas non est absolutum quippiam, sed ad aliquid ut ipsum ordinatum aut inordinatum esse. Fecit igitur Deus rei cuique pondus, ut crassitiem, neque aliud est dedisse pondus, quam naturalem appetitum substandi tenuioribus. Hocque in omnibus substantijs perinde euenit. Quare quodcumque corpus est altero crassius, est & grauius illo. Ventorum materia fumus est seu exhalatio, ut videtur Aristoteli, qui turbido, & vaporibus pleno aere sit tenuior, limpido vero & puro crassior: quare ex terra in primam hanc regionem, quæ usque ad nubium locum pertingit, naturaliter effertur, à superiori vero limpidioris

dioris aeris regione, suo ipsius pondere retrahitur, ac cum neque descendere per crassiorem, neque ascendere per tenuiorem aerē possit, neque loco capiatur, fit ut feratur in latera, feratque secum undatim, & aerem & nubes. Fecit itaque Deus ventis pondus, neque minor est crassitie & tenuitatis, ac proinde & ponderis & leuitatis differentia (et si id minus conspicuum sit) in spiritalibus, quam in aqueis, & in duris corporibus.

CAPVT QVADRAGESIMVM NONVM.



APITE 28. Iob. Habet argentum venarum suarum principia, & auro locus est in quo conflatur. Ferrum de terra tollitur, & lapis solutus in æs vertitur. rursus cap. 37. Ab Aquilone aurū venit. capit. 19. Quis mihi tribuat, ut scribatur sermones mei? Quis mihi det ut exarentur in libro stilo ferreo, & plumbi lamina?

In quinque hæc genera, quorum mentio in hoc libro fit, reducuntur metalla omnia, aurum, argentum, æs siue cuprū, ferrum, & plumbum. Nam stannum, & impositum & politum est plumbi species, plumbum scilicet album; electrum (quod multi inter metalla ponunt, & Ioui dicant) reuera est mistura auri & argenti. Aurichalcum, quod Hispanè Açofar, & Alaton, et si videatur Plinius cap. 2. libri 34. censere esse peculiarem metalli speciem, & seorsum reperiri: reuera tamen est æs mistura quarundam verum tinctum. Calibs est ferrum dessecatum arte. Præter hæc nullum esse videtur.

Nam Cadmia, Pompholix, Spodium, Antispodium, Turia, & Stibium, metallica medicamenta sunt potiusquā metalla, ut & alia multa; metalla verò ea solum, quorum mentionem hîc reperimus, & in alijs sacræ scripturæ locis. De re metallicâ multiscripserunt, veterum & recentium, chymicè tamen magis quàm physicè. Nam inueniendi & fundendi rationem docentes, eorum naturam, neque communem omnium, neque singulorum propriam persecuti sunt: tametsi enim attigerunt nonnulli, ita tamen ut desiderentur plura. Plato in dialogo de natura, & Arist. in calce tertij Meteorôn, de metallorum natura egerunt melius multo, quam omnes qui illos sequuti sunt, quia etsi per pauca dicit de ea re vterque: omnium uerò quæ dici possunt de ea re, fundamenta iecerunt certissima. Amborum est eadem sententia. Metalla esse aquæ genera, concreta frigore, seu concretionem generata. Quod non ita accipiendum est, quasi non sint multa & elementis omnibus participant, sed quod sint ad aquam precipuè pertinentia, plus aut minus, ut singulorum est natura: cognoscitur verò communis metallorū omnium natura, ex ijs passionibus quæ cōmunes omnibus sunt, cuiusque propria, ex passionibus singulorum. Quia enim metalla omnia liquabilia sunt ui caloris, constat frigore esse concreta, cum necesse sit contrariorū contrarias esse causas, & quæ calore soluntur, frigore esse concreta, quod uel sensu ipso deprehenditur. liquatum enim, siue aurum, siue argentum, siue plumbum, amoto igne conrescit rursus, detractō scilicet calore; caloris autem priuatio frigus est. Hinc etiam fit, ut ad aquam potius pertineant, quàm ad terrā: aquam enim congelat frigus & soluit calor; terrā uerò calor durat, & aqua dissoluit. Esse itaque metalla omnia aquea, & concretionem generari, ex his cōstat, non tamen ut glacies, cuius concretio non finitur in aliā

formam, & est nihil aliud, quam aquæ alioqui inalteratæ concretio. Metalla enim, præterquàm quòd liquabilia sunt, sunt etiam compressilia, & tractilia, quorum neutrum glaci accidit; quia aquæ partes friabiles sunt, & nullo participat lentore, quo ut citra fusuram comprimantur, aut trahantur in modum massæ partes indigent. Non itaq; metalla sunt simpliciter concretæ aquæ, sed aquæ genera, idest, aquæ modo quodam alteratæ factæ, scilicet, tales, ut cum concretione retineant substantiæ modum, quo cõprimi possint, & trahi, quod idem est, ac si dicas, metalla esse corpora concreta, pertinentia præcipuè ad aquam, liquabilia, compressilia, & tractilia. Compressilitas, & tractilitas, passiones sunt quæ ex lentore nascuntur, lenta enim comprimuntur (nisi actu sunt liquida) & trahuntur: lentior verò nascitur ex magna humidi cum sicco permistione. Nam & massam ex aqua & farina, & quæcunq; medicamenta emplastica, plurimum versando, ac miscendo reddimus lenta, & eam habemus notā magnæ mistionis, quòd lenta sunt, quia seorsum existentia humidum & siccum, facilem partium à partibus separationem faciunt, quam vocamus frabilitatem, passionem contrariam lentori. Permistionem itaque habet humiditas metallica sicci, non multi (præualet enim aqua) sed magnam, tametsi differunt alia ab aliis & mistionis perfectione, & sicci quantitate, ut sunt nobiliora aut viliora. Ea siccitatis permistio magna, præbet illis ut liquata & fusa non madefaciât res, per quas disfluunt, neq; imbibantur ut aqua. Nā & emplastris euenit, ut cū lentorem cum quadā soliditate comparauerint, tractata, manus non coinquinant. Nimirum coercet humiditatem, valde permista siccitas. Metallorū itaq; omniū, quæ in quinque genera redigimus hæc est natura, quā dictæ nobis indicat passiones, quib. dissidēt ab alijs subterraneis, ut à terræ generib. & à lapidib. lapides. n. frangi

frangi ac cōminui, ac illorum nonnulli findi possunt, non tamen liquari, comprimi, aut trahi in longum. Vnde constat aliam esse lapidum gemmarumque generationem, & naturam, à metallicis longè dissidentem: lapidumque substantiam pertinere ad terram, & concretionem habere ab utroque, à calore scilicet siccante, & à frigore constringente, ut fictile. Siquidem neque dissoluntur liquati à calore, neque dissoluti ab aqua. Atqui hanc esse vulgarium lapidum naturam & substantiam, satis est manifestum. De fulgentium ac præciosorum lapidum, seu potius gemmarum natura, dubitare cogit fulgor, & transparentia, an terra sit: videtur enim terra oppacca admodum esse, atque tantæ pulchritudini obstare. Quapropter multi illas cœlestis ignis participes esse censent (vnde sine euidenti calore fulgorem recipiant) & cœlestis aquæ, vnde ChrySTALLINAM diaphanitatem recipiant, sine liquabilitate. Verum hæc Platonici audient libenter, Aristotelici minimè, sed quia ad institutum præsens non faciunt, redeo ad metalla. Dictum est ea omnia à lapidibus & terræ generibus differre, quæ admoto igne liquari possint, & ex hac ipsa passione agnoscitur eorum generationem esse concretionem à frigore. Videntur ergo illa Iobi verba. Et lapis solutus calore in æs vertitur, & naturæ lapidum, & generatio ni metallorum repugnare. Quia neque lapis potest liquari, neque æs generatur calore. Certè metallorum omnium generatio est, ut diximus, verba verò illa non tam continent naturalem æris ortum, quam chymicum, quod ipsa res palā facit. Metalla omnia generantur (ut ego existimo) sub terra, atque ille ipse aureæ arenullæ quæ in fluminibus inveniuntur, ut in Gange, aut Tago, de montibus decisæ sunt, quos raptim præterfluentes lambunt. Atque si quæ auri genera in montibus reperiuntur, non quidem supra ipsam ter-

ræ faciem genita, sed tempore detecta sunt. Experimento enim constat ea extrahi de terræ visceribus, atque adeo profundissimis fodinis. Rarissime reperitur quodpiam metallum purum, ac citra ullam artem perfectum, sed confusa alia cum alijs, ac cum lapidibus, & quibusdam terræ generibus, unde ut ignis in fornacibus, destillat quodcumque seorsum relictis lapidibus, & terra. quæ res adeo est nota, ut hinc nomen nata sint, vocenturque metalla *μετᾱλλα*, quasi *μετὰ ἄλλα γεννημένα*, hoc est, iuxta alia genita: adnascuntur enim alia alijs, ut aurum argento, & hoc plumbo, ac nonnunquam æri, ac ferro. Concresecunt circa lapides nonnunquam quidē præciosos, ut aurum circa Adamantem, ac crebrius circa lapidem Lazuli, crebrius multo circa alios viliores lapides. Illæ igitur fodinæ in quibus generantur metalla, aliquando altissimè ac longissimè, decurrunt & vocantur metallorum venæ: quæ quidem principia quædam habent & fines, atq; in ipsa terræ facie qua sunt venarum principia notas quasdam naturales, eius rei peritis cognitæ, quibus in illis inuestigandis utuntur. Significanter verò dictum est, Argentum habet venarum principia, & auro locus est in quo conflatur, quia multo magis videtur argentum in venis gigni quam aurum, illud enim vno ductu continuatū reperitur à venæ principio, hoc autem non nisi frustatim & minutatim. Est verò eadem generationis materia metallis sub terra, & meteorologicis in aere. Nimirum hæc generantur ex vaporibus, & exhalationibus sursum latis; illa ex his eisdem intra terram cohibitis, ac iuxta lapides, aut eiusmodi alia concresecunt, ac concretionem firmissima, & paulatim facta, mutatis in substantias adeo solidas. Neque mirum, densati enim vapores in aquam abeunt, & exhalationes in exustā terram, quibus plurimum permixtis, ita tamen ut aqua vincat, quæ frigore concresecens

terram cohibeat, metalla generantur. Hinc meritò fit, vt chy-
 mistæ ad imitandam generationem metallorum, argento vi-
 uo, & sulfure vtantur: illud enim plurimum habet vaporosæ
 naturæ, hoc fumosæ, qualis exhalationum est. Hinc etiam
 nascitur corrosiua illa qualitas, quæ cum quadam astrictione
 coniuncta est in plerisque metallis. Nimirum non constant
 simplici ac inalterata terra, sed exusta, in qualem densata ex-
 halatio abit. Atqui vt verum verò consonet, & meteorolo-
 gica eiusmodi habent qualitates, & nix abradit intestina, &
 pluuiæ aqua vtimur ad eadem, ad quæ calybeata, ad siccan-
 dum scilicet, & extergendum ventrem & viscera. Metallorū
 ergo in commune hæc est natura, singulorum verò propriā
 oportet dicere. Æs, plumbum & ferrum, terræ habent plus
 quam aurum & argentum, quod ærugo & scoria indicant,
 quæ maximè redundant in ære & ferro, & pondus plumbi,
 quod multæ terræ est. Aurum & argentum aquæ sunt ge-
 nus, excoctum, ac perfectionem magnam adeptum, & opti-
 mam miltionem. Duo accidentia videntur repugnare dictis,
 facilis liquabilitas plumbi, quæ aquæ magis quam terræ es-
 se videtur; & auri pondus, quod videtur esse terræ. Nam cū
 aqua quam terra sit leuior, quod terræ habet minus, videtur
 futurum minus graue. Sed liquabilitas plumbi non nascitur
 ex pauciori terra (nam præter grauitatem, vri etiam potest,
 apta autem vltioni sunt terrea) sed ex imperfectiori mistio-
 ne, ob quam quod in eo est aqueum facile effluit: auri verò
 pondus nascitur ex densitate substantiæ, sunt enim leuiora
 quæ rariora, etiam si aliquanto crassiora sint, quia in sese æ-
 rem admittunt, velut ligna. Omnia enim quæ densissima
 non sunt, etsi sunt substantia terrea, efferuntur in aqua. vt
 itaque raritas causa leuitatis est, ita densitas sit ponderis; au-
 rum verò maximè densum ac sine poris est, proinde graue
 est

est, & sonitum non edit; contra ac æs; quod cum sit poris plenum, sonorum est, & minus graue, etsi sit magis terreum. Efficientem causam metallorū esse Solem, vt & aliarum omnium rerum generabilium, dubium non est, neq; obstat, frigore concreuisse; non enim quia frigore concreuerunt, frigore genita sunt. Neque enim concretio est eorum ortus, alioqui liquatio esset interitus, non est tamē, cum non minus sit aurum, quod liquatum effluit, quam quod concretum consistit, nam rursus concreescens, vt est re vera, & apparet idem. Calor ergo Solis excoquens, ac commutans, ex aquæ vaporibus cum exhalationibus generat, interim hanc ipsam substantiam aquæ, quæ ita alterascit, constringente frigore. Neque mirum simul à calore secundum substantiam commutari, & constringi à frigore. Nam non nisi maximo calore soluitur metallorum substantia, ac proinde minimo frigore constringitur, adeo vt constrictum iam consistat, & tangi non possit præ calore: non ergo frigus quod potest constringere, excludit calorem qui valeat commutare. Rectè igitur metallorum ortus tribuitur cœlesti calori, etsi consistētiam à frigore recipiant. Neq; verò quia cœlestis causæ meminimus, referri volumus certa metalla in certa astra, cum quibusdam Platoniciis, vt aurum in Solem argentum in Lunam, ferrum in Martem, Aurichalcum in Venerem, electrum, in Iouem, plumbum in Saturnum, æs in Mercuriū. Nam hæc, & alia huiusmodi quæ sola constant diuinatione, sunt quidem apud vulgus plausibilia, re uera tamen nenix, aut seniles fabulæ, quæ in philosophiam per vaniloquos irreperunt. Cum itaque metallorum generatio sit qualis dicta est, atque circa lapides, atq; adeo intra lapides concrecant, vix vnquam reperitur alicuius eorum portio insignis per sese, ac pura: sed ex fodinis extrahuntur & lapides, & terræ

quædam genera eius rei peritis cognita, ex quibus ignis vi in fornacibus distillant metalla, ijsque extractis reliquum exustum superest, scilicet quod terreum, aut lapideum. Cadmia nomen datur duabus rebus, vocatur enim Cadmia, lapis ex quo in fornacibus secernendo fit æs. Vocatur etiam fauilla quædam, quæ dum secernitur æs, vi ignis eleuata, fornacis parietibus adhæret. Id explicat omnium optimè Plinius. libro 34. cap. 10. dicens, metalla æris multis modis instruunt medicinam, utpote cum vlcera omnia ibi occissimè sanentur: maximè tamen prodest Cadmia. Fit sine dubio hæc, & in argenti fornacibus candidior, ac minus ponderosa, sed nequaquam comparanda ærariæ. Plura autem genera sunt. nam ipse lapis ex quo fit æs, Cadmia vocatur, fusuris necessarius, medicinæ utilis. Sic rursus in fornacibus existit, aliamque sui nominis originem recipit. Fit autem egesta flammis atque flatu, tenuissima parte materiæ, & cameris, lateribusue fornacum, pro quantitate leuitatis applicata. Hæc Plinius. Ex quibus constat, æs ex lapide quodam Cadmia vocato fieri. Galenus idem asserit, dubitat tamen an Cadmia illa lapis vocari debeat, an terra, lib. 9. simpl. medic. dicens. Cadmia fit ubi in fornacibus æs paratur. nempe tota terra illa ex qua æs generatur in fornacibus, in altum egerente velut fuliginem quampiam, vel fauillam, siue utcunq; appellare licebit. At si non terram, sed lapidem nuncupare vellis, ex quo in fornacibus secernendo partim fit æs, partim Cadmia, partim diaphruges, nihil sanè retulerit. Ecce ut Plinio & Galeno testibus, fit æs ex lapide. Pyritidis etiam lapidis est quoddam genus, ex quo fit æs, teste Dioscoride, libro quinto, capite decimo. Igitur hoc idem dicitur in præscripta dictione, his verbis. Lapis solutus calore in æs vertitur, non quidem quod lapidosum est liquatur (neq; enim potest) sed totus lapis, si-

ue nuncupatus Cadmia, siue pyrites calore soluitur, liquato metallo quod intra se continet, reliquo redacto in exusta excrementa. Quod ab Aquilone venire aurum dicit, non ita est accipiendum, quasi non aliunde: nam & ab Oriente, & ab Occidente venit quamplurimum, sed quasi inde quoque. Id verò experimento cognitum est, quandoquidem omnes qui de metallis scribunt, Panoniam, Bohemiam, & Austriam, & Citeriorem Germaniam, inter feraces auri prouincias commemorant. Illud porro. Quis mihi det, vt exarentur, sermones mei stillo ferreo, & plumbi lamina: non quasi quippiã quod fieri non posset, aut non etiam soleret dicit, sed potius secundum antiquissimi illius seculi consuetudinem. Solebant enim veteres, vt Georgius Fabricius annotauit, ex plũbeis tabulis libros componere, quales in antiquis sepulchris repertos Neapoli ipse testatur. Sed pro conditione huius operis, satis de his dictum est.

CAPVT QVINQVAGESIMVM.



X libri Iob. cap. 37. Tonabit Deus in voce sua mirabiliter, qui facit magna & inscrutabilia. Extollere volens Eliud Dei Opt. Max. potentiam & sapientiã, ab illius operibus quæ dicit esse magna & inscrutabilia argumentum capit, atque præcipuè à sublimibus rebus & meteorologicis, & ipsius cœli mentionem facit, vtpote quæ hominibus videri solent admirabiliora. De tonitruis ergo agēs nunc, dieit, Tonabit Deus in voce sua mirabiliter. Nam & Poetis vocatur Deus ob hanc mirabilem hominibus sublimium passionem, Altitonans. De tonitruum naturalibus cau

sis, non eodem modo senserunt veteres philosophi. Nam Stoici collisu nubium fieri putabant, vt cum apud nos aqua ad aquam colliditur, vt in torrentibus. Anaxagoras esse crepitum qui editur, cum ignis qui intra nubem inclusus est, à circumfusa aqua extinguitur, vt & apud nos crepitus editur immissa aqua in flammam, aut prunas: ignem verò illum descendere ex æthere, hoc est, superno igne, & ab accidentibus vaporibus intercipi. Anaximander, & Metrodorus, atque Arist. censent fieri ex nubis scisura, à flatu intercluso, ac fortiter erumpente, non aliter ac crepant, cum ad ignem rumpuntur glandes aut Oua, aut ex tormentis bellicis erumpente igne editur tonitruum. Nimirum in his omnibus rebus finditur, ac per fissuram verberatur vehementer aer, vnde vehemens nascitur sonitus. Cum flatum qui erumpit ex nube, exhalationem igneam censet esse Arist. quæ non ex æthere detrusa est, sed ex terra ascendit, non minus quam vapor, qui est nubis materia. quæ sane sententia dictarum omnium est probabilissima, nam collidi adeo vehementer non possunt nubes, nisi contrarijs ac vehementissimis incurstantibus ventis, quod quidem fieri, cum tonitrua eduntur, non experimur, sed plerunque aut vnico flante, aut nullo conspicuè. Porro non licet torrentibus conferre nubes, cum indicatum nuper sit, eas dum sublimes manent, nihil aquæ continere, sed simul in aquam mutari crassescente vapore, ac descendere. Si verò dirumpenda nube à conclusso igne aut fumo, aut denique flatu edi tonitruum asserendum, certè illum inferne ex terra ascendere, per partes effumante terra vi solis, vt ascendit vapor euaporante aqua verisimilius, quam ab æthere deturbari. Nam inde, neque pondere cadere posset, cum longe tenuior aere sit, neque violentia vlla deturbari, cum pars cœlo proxima sit summe tranquilla, & circulari solum aga-

tur

tur motu, cœli comes. Cum præcipuè mihi, & in huius operis initio, & in alijs prius, indicatum, multis neque incipientibus argumentis sit, nullam esse ignis regionem superiore, sed totum quod inter nos & cœlum interest, aëre plenum esse; cœlum verò ipsum non esse igneum, talem præcipue ut discerpi ac frustarim cadere possit, paulo post differemus. Superest igitur verissimum esse id quod communis nunc opinio fert, tonitruum edi ruptura nubium, & proximi aëris, ab erumpente violenter igne, qui ex densata exhalatione gignitur. Velut enim flamma rarefcens in fumum abit, ita fumus densefcens, vbi non simul refrigeratur, abit in ignem. Verum hoc ad coruscationum & fulminum causas iam spectat ad tonitrua illud solum est satis, fieri rupta nube, erumpente quadam spirituosa substantia. Addit Eliud, Qui præcipit niui vt descendat in terram, vt hyemis pluuijs, & imbri fortitudinis suæ. Pluuias moderatiores, & mediocri impetu cadentes, & caliginosas, vocat hyemis pluuias, quia tales per hyemem cadere solent; largas verò & impetuosas, quales per æstatem plerunque fiunt, vocat imbrem fortitudinis suæ, hoc est, fortitudinis Dei, quod est fortitudinis magnæ. Nam frequentissima phrasis est in sacris litteris, dici Dei, quæcunque magna, vt mons Dei, quasi mons magnus. Extollit itaque Dei potentiam, quod eius præcepto descendant in terram nix, & pluuiæ hyemales, & imbres æstiu fortissimi, & maximo impetu cadentes, qui medicis vocari consuevere temporales, quasi æstiu: quia ea pars anni vocatur peculiariter græcis *ἔρως* hoc est tempus. Niuem grandinem, & pruina, à maiori frigore fierique pluuiam roremque constat; primum quidem ex ea analogia quam habent, cum gelu, quod apud nos frigore fieri experimur: deinde, & ex solutione, quod scilicet, ea om-

nia calore soluuntur in aquam. Fieri etiam aquam, ex vapore densato frigore, & antea dictum est, & eodem argumento constat, quod scilicet videmus calore resolui in vaporem aquam. Monstratum etiam antea est, pluuias copiosiores & guttarum grandiorum, à maiori frigore fieri quam contrarias; quia cum aqua simul ut gignitur cadat, tanto grandiores fiunt guttæ, quanto celerius nubes in aquam mutatur. Si autem frigus eius mutationis causa est, celerioris mutationis causa sit maius frigus, ubi nulla in materia differentia statuitur. Grandinem etiam, quam niuem censet Arist. esse maioris frigoris sobolem, argumento à maiori soliditate ac duritie accepto. Nos id definire curabimus, ubi sermo inciderit de grandine, nunc illud vnum interest scire, cur æstate fiant largiores imbres quam hyeme, siquidem maioris frigoris sunt. Habet verò hæc illam dubitationem priorem, cur in media aeris regione (neque enim iuxta terram neque iuxta cœlum) hæc fiant, & quæ ibi sit talium generationis causa. Stoici qui ponebant aerem natura sua frigidiorum esse aqua, atque adeo primum frigidorum, dicerent, vapores & aquam densationes illas pati ab aere, utpote frigidiori, illo verò potius loco, quod ibi maximè aer naturam suam retineat, neque à rectis radijs adeo alteratus, quam sublimior, neque à reflexis, quam humilior. Arist. qui aerem natura calidum esse putat, abit in antiparistasin, dicens, regionem eam aeris frigidam fieri ob circumstantiam calidiorum. Verum Stoici non videntur posse dicere, cur æstate fiant illæ concretiones maiores quam hyeme, dicunt enim rectè, illas concretiones ibi fieri, quia aer est frigidus, cur verò sit æstate frigidior non dicunt. Arist. hoc quidem rectè dicit, nam cum non ponat aërem per se frigidum, sed ex accidenti, ob contrariorum circumstantiam, consequens esse videtur, ut cum quæ circumstant con-

traria, sunt maiora, sit & aer eo in loco frigidior. Sed vellem diceret Arist. cuius substantiæ est illud frigus, quod per antiparistasin, hoc est contrarium nisum, augetur, an aeris, an ipsorum vaporum & aquæ. Si enim aeris, necesse est aerem frigidum ponere per se cum Stoicis: si vaporum & aquæ, sit ut vapores suo seipsum frigore refrigerent, & præter suam naturam densent, quod fieri non potest. Siquidem nulli dubitatum est illud physicæ principium, omne quod præter naturam alterascit, aut omnino mouetur, ab alio id pati. Quapropter vel his argumentis, probabilissimum sit, quod & alibi, & in hoc ipso opere probavi, concretionem non esse aquæ præter naturam, quin potius totum aquæ genus, si ab eo igne qui per omnia vagatur dimitteretur, concretum iri. Nam si aqua est primum frigidorum (ut certè est maximè consentaneum) nullum frigus est illi præter naturam. Quid enim possit esse maius summo? Si autem concretio illi naturalis, fusio ab aliquo externo sit. A quo autem alio quam à contrario, hoc est, ab igne? concrefcit igitur, cum ab igne destituitur: ignis verò fulgorem naturaliter sequitur ob naturæ similitudinè, atque ita abundans circa cælum ob vigorem radiorum solarium, & circa terram ob eorundem reflexionem, regionem mediam destituit, velut & terræ penetralia, idque facit æstate magis, quia magis dictis in locis abundat. quo fit ut sponte naturæ in medio aëris (alioqui ut mea fert opinio temperati) vapores concrefcant, in aquâ, niuem, aut grandinem, idque æstate magis quam hyeme fiat. Dicta igitur est causâ cur pluuiæ hyemales, fortes verò imbres æstiuales sunt. De niuis natura postea dicetur. Verba illa. Qui in manu omnium hominum signat ut nouerint singuli opera sua, explicata mihi sunt, ubi de chyromantia egi, nunc ijs præteritis, procedamus. Ab interioribus (inquit) egredietur

tur tempestas, ab arcturo frigus. Dictum antea est, imbres fortes cum tonitruis, fulguribus, & fulminibus, temporales vocari: illud idem vocatur nunc tempestas, quæ quia per fortes æstus fieri consuevit, ut etiam diximus, ei ut contrarium opponitur frigus. Arcturus est id astrum, quod vocatur vrsa maior, unde & nomen accepit. nam ἀρκτος vrsam significat. Inde etiam accepit nomen Polus arcticus, iuxta quæ voluitur, ac proinde nobis est sempiternæ apparitionis. Eandem igitur partem cœli vocat nunc, nomine illius astri, arcturum, quam nomine venti inde venientis, antea vocauerat Aquilonem, eam inquam quæ est ad Polum, quæ & Septentrio vocatur. Quæ quidem extrema cœli pars est, & ad ipsum polum, super quo voluitur totum, sita. Cui opposita est alia per totum mundi diametrum distans, alter scilicet Polus, qui vocatur antarcticus. Pars mundi quæ inter duos illos polos est, ab eis æque distans, & ad medium diametri spectans, quæ vocatur Meridies, dicitur esse interior mundi pars, quasi inter extremitates, in quibus poli, sunt media. dicit igitur, Ab interioribus egredietur tempestas, & ab arcturo frigus, hoc est, à meridie, ut pote calidissima mundi parte, & unde flat Auster, calidus ventus, venient tempestates, & procellæ, & à septentrione frigus, quia inde venit Boreas, ventus frigidissimus. Horum causas, hoc est, quod tempestas veniat ab interioribus, & frigus ab arcturo, referens in ventos, addit, flante Deo concrescit gelu, & rursus latissimè funduntur aquæ. Ventum vocat flatum Dei, hac phrasi indicans ut aliarum rerum omnium, ita & ventorum esse primam & precipuam causam Deum. Id ergo dicit, quod flante Aquilone concrescit gelu, & rursus flante ei opposito vento funduntur, quæ concretae erant aquæ, latissimè. Qua autem causa Auster calidus, & Boreas frigidus sit non

non antea dici potest, quam de ventorum substantia sit disputatum . Inde enim & vtriusq; venti temperies, & ratio , quæ alter fundit, alter concretionem facit, innotescet. Multi veterum philosophorum putauerunt, ventum nihil esse aliud, quàm aerem motum, eandemque substantiam, quietam vocari aërem, motam ventum, ita vt ventus esset, velut aëris vnda, neque ab eo differret vlla alia ratione, quam motu . Hanc sententiam multis argumentis refutauit Arist. in cap. 4. secundi libri meteorôn, nullum autem mihi videtur esse potius, quam quòd oportet agitandi aeris aliam causam assignari, in quâ venti essentia probabilius constitueretur, quam in ipso aere . nam aer qui quietus nunc sit, quâ possit vndatim fluere, à nullo alia re quæ interfluat agitur? quod si quæ alia substantia tenuis, siue vapor, siue exhalatio, cum impellit, ea potius sit venti substantia, quam ipse aër. Haud enim dubium est, cum fiat ventus aërem moueri, at verò nisi ipse se ipsum mouet, (quod, cum neq; ponderis neq; leuitatis sit is motus, neq; replendi vacui necessitate factus, impossibile est) constat necessario impelli ab alia substantia : ea verò, siquidem non apparet, fuerit tenuis & spiritalis . Quid igitur prohibet eam appellare vëtum? ventus igitur non est ipse agitur aer, sed flatus aliquis aerem agitans, ac per ipsum decurrens. Hoc posito, cum duplex sit euaporatio, alia aquea, frigida & humida, quæ vocatur vapor, alia calida, & sicca, quæ vocatur exhalatio, seu terræ fumus, & vapor, materia pluuiæ, roris, niuis, grandinis, & pruinæ sit, constat ventorum, exhalationem esse causam, quia magna ex parte solent accidere multi flatus, cum scalaribus, & pluuijs superuenientibus venti con- quiescere, quasi ex contrarijs nascentibus causis, ventis & pluuijs . Hanc ob causam, hoc est quia pluuiæ & venti ex contrarijs fiunt, vt dicitur capite octauo, Genescos, cum Deus

voluit, vt cessarent pluuiæ diluuij, adduxit ventum super terram, adduxit (inquit) spiritum super terram , & imminutæ sunt aquæ, & clausi sunt fontes abyssi, & cataractę cęli, & prohibitæ sunt pluuiæ de cœlo . Velut igitur fumus qui è fornace aliqua, occurſu venti effluit, dissipatus hâc aut illâc, ita exhalatio, quæ vrendæ terræ fumus est, occurſu frigidioris, seu vaporis, seu aeris, qui in media regione præcipue est, repulsa, cogitur ferri circumcirca terram, quæ ita lata dicitur ventus. Constat verò quandoquidem pars quæcunq; terrę potest effumare, isq; fumus versus quaq; repelli, vt hinc aut illinc occurrit frigidior, & densior vapor, posse ventum ex quacunq; mundi parte in quamcunq; spirare: neq; esse certam vllam, vnde, aut in quam feratur . Atq; ita verissimè dictum est illud 3. cap. Euangelij Ioannis . Spiritus vbi vult spirat, & vocem eius audis, neque scis vnde venit, neq; quo vadit. Nimirum vndecumq; terra effumet fieri potest, & quousq; eius impellendi cesset impetus, ferri: tantum audimus sonitum & sibilum, quem aeris verberatione edit. Nihilominus venti, & differentias accipiunt & nomina, à partibus ex quibus & in quas feruntur. Iis qui sunt in sphaera recta sub æquinoctiali, quatuor mundi præcipua puncta sunt secundum duos diametros distantia, Oriens, Occidens, & duo Poli; arcticus scilicet, & antarcticus qui illis sunt in Horizonte. Erunt igitur illis duo Aquilones, à duobus polis venientes, & Eurus veniens ab Oriente, & Zephirus ab Occidente, & innumeri alii inter hos, vocati laterales. Nobis verò qui hanc regionem incolimus, inter tropicum cancri & circulum arcticum constitotâ, quam solam cum alia ei opposita, vltra alium tropicum, censuit antiquitas habitari posse, nihil cum polo antarctico: sed sunt alia quatuor puncta maximè distantia, secundum duos diametros nostri huius mundi, quem Arist. dixit habere figuram

ram tympani, habentis verò longitudinis quam latitudinis fere duplum. Ea sunt Polus arcticus & Meridies, Oriens, & Occidens, nam à Polo venit Aquilo; à meridie Auster; Eurus ab Oriente: Zephyrus ab Occidente. Tametsi plerique Aristotelicorū, decepti quibusdam eius auctoris verbis cap. 4. lib. 2. meteorôn, quæ minus attente fortasse scripta sunt, dicunt Austrum utpote Aquilonis contrarium uenire à contrario polo, puta ab antarctico, & proinde Aquilonem, totū hoc hemispherium, quod videmus: meridiem, contrarium & huic oppositum: non animaduertentes Aristotelē ipsum cap. 5. lib. 2. meteorôn ita dicere, Auster quidem à solstitiali fertur signo, neq; ab alteris septentrionibus. Quod admodū congruit cum præscriptis verbis Iob, his scilicet. Ab interioribus egredietur tempestas, & ab arcturo frigus. In quem errorem video incidere etiam geographos, qui typos totius orbis terrarum nunc faciunt. Cum enim & partes ultra & citra meridiem, hoc est, ultra & citra Zodiacum describant, tamen suos typos quatuor punctis notant, Oriente, Occidēte, Septentrione, & meridie, cum deberent potius finiri, Oriēte, & Occidēte, Arctico, & Antarctico Polis. Nā faciūt Chile, & p̄sitacorū regionē, & alias quæ ultra tropicū capricornij sunt, & earum quædam non longè à Polo, meridionales esse, præ Quito, quæ in ipsa meridie est, sub æquinoctiali. Sed & re ipsa probatur habere ut diximus. Non enim solum Boreas est, qui ab ipso venit Septentrione, hoc est, a terra sub ipso polo sita, sed quicumque versus meridiem flat, dicitur a Septentrione veniret, & in meridiem ferri, etiam si longe citra circulum arcticum exortus sit, & longe ante tropicum desinat, sed quia eius initium spectat ad Septentrionem, ut finis versus meridiem. Eadem ratio est aliorum. Nimirum ex quacunque terræ parte incipere potest effusio, neque opus est, cum Hispania per

flatur a Borea, perflatur etiam Germania, neq; vt cum ab Austro, perflatur Lybia, sed possunt illæ tranquillitate frui, nondum in illis exortis ventis. Si igitur hoc ita habet, inopinabile est, Austrum qui nos attingit, ab arctico polo venire posse, & præter rationem, tam longinquum illi principij statuere terminum; ac non potius in interiori illa mundi parte, quæ vocatur meridies, quam percurrunt Planetæ. Cum præcipue siquis flatus inde hûc penetraret, in ea regione esset naturam permutaturus, atq; eo vsque futurus Aquilo, laturusque frigus, inde iam futurus Auster, & laturus tempestates, cum ab interioribus egrediatur tempestas, & ab arcturo frigus. Verû his de differentia ventorum secundum loca enarratis, superest dicamus, quod ad eorum temperamenta pertinet, & ad rem præsentem maximè facit; quandoquidem ventorû differentias non accipimus ex materia, sed vnicam omniû ponimus, puta exhalationem fumo similem, constat ob aliud quippiam fieri, vt non eadem omnium temperies sit, sed Aquilo sit frigidus & siccus, Auster calidus & humidus, Eurus & Zephirus inter illos medijs, & inter se quam minimum dissidentes. Id verò non potest esse aliud, quam illud unde accipitur differentia, loca nempe à quibus in quæ feruntur, ob quæ merito euenit, ut Aquilo & Auster inter se dissideant plurimum, Eurus & Zephirus minimum, quia Septentrio & Meridies plurimum dissident, cum alter calidissimus, alter frigidissimus locus sit: Oriens & Occidens quam minimum dissident, cum ad utramq; partem æque Sol accedat, & qui alijs Oriens, alijs Occidens sit. Dissident uerò hi duo ab Austro, non tam ob locum ex quo, quam in quem feruntur. Illi enim feruntur à similibus in similia, ab Oriente in Occidentem, & ab Occidente in Orientem; hic à contrario in contrarium, puta à Meridie in Septentrionem: uerum hæc generatim dicta sunt, ac-

cedamus propius. Siquidem indicatum est, Boream non semper uenire à Septentrione, neque Austrum a Meridie, sed undecunq; posse incipere quemcumq; ut contigerit hûc aut illuc ferri, constat differentiam non accipi a loco ex quo primo sed a loco uersus quem, atq; adeò posse Aquilonem & Austrum oriri ab eodem loco, ut si flare incipiat a Carpentania, & feratur in Beticam, Boreas sit, si ab hac ipsa, & feratur in Cantabriam, sit Auster. Quæ igitur causa superest, qua alius frigidus & siccus, alius calidus & humidus fiant? Dîctum iam mihi pluries est, ignem elementarem non esse in uno quodâ loco ut reliqua elementa, sed permeare per omnia, sequi uerò magna ex parte Solis lumen, atque ideo ubi plus luminis eius, esse etiam plus caloris. Consentaneum mox est, ut ad Meridiem sit copiosissimus, & inde ad mundi latera sese effundat: nimirum ut ipsum lumen Solis. His positis, fit ut uentus qui contra meridiem fertur, ignem a rebus quibus occurrit abigat, illi contrarium motum subiens, qui uerò fertur contra Septentrionem ignem adducat, similem illi motum subiens qui uersus Orientem aut Occidentem, neq; admodum hoc faciat neque illud, quia neq; similem, neq; contrarium motum subit, sed transuersum. Hinc rursus fit, ut qui flat uersus Meridiem refrigeret fugans ignem, qui uersus Septentrionem, calfaciat eum adducens: Rursum, qui refrigerat siccet quoq; idq; duplici de causa, & quia ipse siccus est ut fumus, & quia refrigeratio densationem facit, & expressionem humidi, ut in refrigeratis herbis & arboribus conspicitur: qui calefacit humectat non per se (siccus cum sit) sed quia calore facit humorem fundi, qua causa & in hominibus ciet multas fluxiones Auster.

Qui flant ad Orientem aut Occidentem, nihil horum faciunt insigniter, sed temperant modicè, ut aer per
uenti-

ventilabrum circa faciem motitatus. Similis etiam causa est, qua Boreas fertur vehementius, Auster lentius, Eurus & Zephyrus mediocriter. Nimirum qui contra ignem fertur, fertur a frigidiori ad calidiorem, a densiori ad rariorem aerem, quare inde magis expellitur, huc facilius recipitur, ferturq; ut quod indecliue, contra quod fertur in frigidiorē & densiorē quod in accliuē: quæ feruntur in similia, ut quæ per planum & mediocriter. Hæc eadem causa est, qua qui nauigant in meridiem, citius multo illuc pertingat, quam inde huc remeant quod non intelligentes, qui ab Hispania ad nostras Indias feruntur contendunt, mare illam in partem esse decliuē. Neque mirum, cum ob eandem ignorantiam visum sit plurimis veterum philosophorum, & cœlum & terram imminere magis ad Septentrionalem plagam, ad meridiem verò inclinatum esse orbem, qui & excogitauerunt plurimas eius *sic* causas. Diogenes & Anaxagoras factum iam orbem ipsammet providentia, a qua erat factus, fuisse inclinatum in meridiem magnæ cuiuspiam utilitatis causa. Empedocles vento refugiente versus septentrionem impetum Solis, distenta esse cœli latera, & vrsas esse loco motas, & eleuatas, atq; austrinas partes depressas, atq; ita totum mundum illo inclinasse. Leucippus procubuisse terram ad meridiem, q; partes mundi meridionales rariores ac solubiliores sint ob calorem, septentrionales densiores & magis renitentes. Democritus augeri omnia ad meridiem ob generantem Solem, atque ideo terrâ ea parte grauata frugibus, & auctu, procubuisse. Sed hæc omnes sunt ineptiæ infantilis illius philosophiæ. Nam mundum totum perfectam spheram esse euidenter indicant Astronomi, quia omnes cœli partes distant à centro æquè: quare non est alia elatior, alia demissior, neq; terra habet aliam vllâ mundi partem se humiliorem, in quam grauata inclinēt, neq; aliorum
 sum

sum nititur quam in suum centrum. Causa verò ob quam ille opinioniones inter primos illos naturæ inuestigatores, ac nunc inter vulgares ortæ sunt est, ut diximus, in aëre qui ad meridiem tenuior est, & in ventis, qui ut Arist. quoque secundo meteoron animaduertit, magis flant à mundi lateribus, ac fortasse etiam accedit, quibusdam in locis, copia maiorum fluminum qui confertim irruentes in mare, per satis magnum spatium remorantur nauigia. Id verò sentitur in quibusdam Isthmis, ut in Ponto, & in Occidentalibus Indijs, iuxta recentem vocatam Carthaginem. Ex dictis facile constare potest, cur ab interioribus, hoc est, à meridie, oriatur tempestas, hoc est, æstiuales imbres, cum fulguribus, fulminibus, & tonitruis. Nimirum, sunt hæc omnia magni caloris, qui inde trahit originem, unde ignis hunc agitur flante austro: frigus verò ab arcturo, unde venit Boreas. In eadem sententia perstans Eliud, addit, Flante Deo concrescit gelu, & rursus latissimè funduntur aquæ. Ventum appellat flatum Dei, hac ratione innuens quod Psalmo 134. His verbis dicitur. Qui producit ventos de thesauris suis, hoc est ex sua infinita virtute & omnipotentia. Quæ verba facile nobis indicant, quam sit mirabilis ventorum natura, cum de eorum creatione Deo tanta accedat gloria. Quapropter non tantum mihi tribuo, ut existimem me, uel huius leuissimæ rei causam inuenisse, sed ut in alijs omnibus quæ pertinent ad naturam, ad probabilitatem usque disputasse. Ergo inquit, flante Deo per Boream scilicet, quia exprimit ignem, concrescit gelu. Rursus Deo flante per Austrum, quia adducit ignem, latissimè funduntur aquæ. Addamus reliqua. Frumentum (inquit) desiderat nubes, & nubes spargunt lumen suum, quæ lustrant cuncta per circuitum, quocumque eas gubernantis voluntas duxerit, ad omne quod præcipit illis super
fa-

faciem orbis terrarum, siue in vna tribu, siue in terra sua, siue in quocūque loco misericordiæ suæ, eas iusserit inueniri. Omnes qui bene philosophati sunt, conuenerunt in hanc sententiam, nihil omnino eorum quæ natura constant factum esse casu, aut temere, aut frustra, sed omnia alicuius gratia, atque adeo primam omnium rerum causam esse in fine cuius gratia fiunt. Si igitur hoc, de ea natura quæ coniuncta rebus est rectè dicitur, & vsque adeo nihil est frustra ab ea factū, vt vel ipsis excrementis quæ necessitate potiusquam vtilitate videtur generari, animalium natura vtatur ad commoditates nō exiguas, vt in libris de vsu partium Galenus conspicuè indicat, quanto magis ita de Deo Opt. Max. sentire oporteat, qui cum sit Optimus, nihil fecerit nisi bonum; bonum verò esse non potest sine vlla vtilitate; cum verò sit Sapiētissimus atq; potentissimus, nulla necessitate cogeretur facere quod nulli vsui futurum esset. Hac ratione Eliud, cum nubiū & aliorum meteorologicorum generationem, vt in facientem causam retulisset in Deum, qui vt est prima omnium quæ fiunt, & facta sunt causa, aliàs omnes cōtinet, apponit etiam & finē, & cuius gratia fiunt. Quasi diceret, neq; quidē frustra, aut ostē tandē suæ potestatis causa Deus, nubes fecit, sed magnæ cuiusdam beneficentię, siquidem frumentum, ex quo fit panis qui confirmat cor hominis, desiderat nubes, quandoquidem illis spargentibus lumen suum, & pluentibus, fruitur necessario humore. Nubes spargere lumen suum, nihil est aliud quam pluere, quod ideo dici uidetur, quòd dissipatis pluendo nubibus, spargitur lumen quod ab illis intercipiebatur: perinde ac si illæ lumen & aquam continerent, ac vtrumq; demitterent, ac spargerent, cum tamen illæ re vera neutrum contineant, sed in aquam mutantur, & dissipatæ, diffundendo

do lumini locum dent, sed ex eo quod sensui apparet, nata phrasis ea est, qua rursus statim vitur. Nunquid scis quando præcepit Deus pluuijs, vt ostenderent lucem nubium? Itaque dicit frumentum desiderat nubes, nubes spargunt lumen suum: quasi dicat desiderat frumentum nubes, quia nubes pluunt. Neque verò solum non sunt factæ temerè nubes, sed ne mouentur quidem temerè, nam lustrant cuncta per circuitum quocumque eas gubernantis voluntas duxerit, vbicumq; scilicet vellit Deus pluere, siue in vna tribu, siue in alia, siue in terra sua, hoc est seruorum suorum, siue in aliena & inimicorum, siue in quocumque loco misericordiæ suæ eas iusserit inueniri: Nimirum pluit super iustos & iniustos (Matthæi capite quinto.) Et hæc est vera & perfecta scientia viarum nubium, scire scilicet eas in Dei voluntatem & providentiam referri, de qua statim subdit, Nunquid nosti semitas nubium, magnas & perfectas scientias? Nimirum, qui consistunt intra causas naturales, non resoluunt vsque ad primas, ac proinde non habent perfectas scientias, sed illi solum qui naturalibus nō dimissis (id enim insipientiæ est) procedunt vsque ad primæ causæ bonitatem, quod principium omnium est. Sed nubes quidem, atque per has pluuiæ, & nix, & ros, & pruina, quia etiam & venti, haud præstant obscuras commoditates: omnia enim hæc suis temporibus, & per quasdam vicissitudines, terræ iuuant fecunditatem: At verò quædam alia nulli prorsus vsui esse videntur, quibus id quod de omnium rerum utilitate dictum est videtur redargui. Quid enim commodi est ex grandine? Quid ex fulguribus? Quid ex fulminibus? Certè hoc nullus philosophorū possit dicere, quin superiores rimetur causas, neq; aliter effugere, quin cogatur cōcedere factum esse aliquid frus-

tra, quam conscendendo in iudicia Domini, ac de illis philosophando, iuxta illud quod proximo cap. dixit idem Eliud, his verbis. Per hæc enim iudicat populos, & dat escas multis mortalibus, quæ verba significant, ut Deum his rebus, partim ad mortalium escas, partim ad iudicandos populos. Sunt igitur horum pleraque ad utrumque utilia, nam pluuiæ, & venti, maximi sunt usus ad frugum prouentum: iudicauit verò per pluuias apertis cæli cataractis mundum, & euertit quotidie in mari triremes, & in terra tecta & domos, ut vel domum in qua epulabantur filij Iob, & integras vrbes impetu ventorum. Nonnulla etiam sunt quibus solù vitur Deus ad iudicandos populos, ut grando & fulgura, & multo magis fulmina. Quod etiam dominus ipse cap. 38. huius libri dicet his verbis. Thesauros grandinis aspexisti, quæ præparavi in tempus hostis, in diem pugne & belli, ut vel ex his possint homines, si prudentes sint, agnoscere, esse qui res humanas consideret, & populos diiudicet. Quod ille etiam Ethnicus poeta optime insinuauit, dicens, Iupiter optime aspicias hæc? An te pater cum fulmina torques, ne quidquam horremus? itaque nubium, & plurimarum in aere prouerientium rerum, utilitas magna est ad fruges, quibusdam verò earum tantum vitur Deus ad iudicandos populos. Eadem ratio est pestis, atque adeo morborum omnium, mortis & eorum quæ nihil aliud quàm venena sunt: quæ complexus est Eccle. cap. 39. his verbis. Ignis, grando, fames, & mors omnia hæc ad vindictam dicata sunt, bestiarum dentes, & Scorpij, & serpentes, & romphea vindicans in exterminium impios. Vbi ignis nomine intelligo. Fulmina & reliquo ignes meteorologicos, aut æternum paratum diabolo & Angelis eius, nam vsualis ignis longe maxima utilitas est. His dictis, redit Eliud ad naturam ventorum, dicens. Nonne vestimenta tua calida sunt,

sunt, cum perflata fuerit terra Austro? quæ verba ex dictis habent facilem interpretationem. Nam indicatum antea est Austrum allicere ignem, ac proinde calefacere & calore aquam fundere. Hinc evenit, ut vestes eo flante caleant, atque calore externo vincente, tinea exedantur: quod perspectum habentes quibus illæ curæ sunt, flante Austro vestes recondunt, contra ad Aquilonem suspendunt. Perinde contingit in alijs omnibus rebus quæ asseruantur, ut in uino, & edulij, & omnibus frumenti generibus: ea enim omnia ad Aquilonem seruantur diutius, ad Austrum computrescunt breui. Verum hoc dictorum nuper corollarium est, ut & illud quod paulò post dicit. Subito aer cogetur in nubes, & ventus transiens fugabit eas. diximus siquidem iam, ventos & nubes ex contrarijs causis fieri, atque ideo magna ex parte sese mutuo tollere, atque superueniente pluvia extinguere ventos, & superuenientibus his fugari nubes. Quod nubium generationem nunc tribuit densationi aeris, non repugnat ijs quæ nuper diximus, puta esse ex vapore. nam uapor substantiam habet inter aquam & aerem. Quapropter aqua in aerem, & aer in aquam per uaporem, illa extenuatur, hic crassescens. Nubes ergo fient ex uapore, qui partim ascendit ex aqua extenuata, partim ibidem generabitur ex aere crassescente, secundum quâ partem, ut crassissimè aer cogetur in nubes.

CAPVT QVINQ VAGESIMVM

PRIMVM.



X cap. 37. Iob. Tu forsitan cum eo fabricatus es coelos, qui solidissimi quasi ære fusi sunt? De substantia cœli, cuius in quo, aut cum quo volutantur astra, quem veteres omnes vocauerunt æthera, ἀὴρ τῷ οὐρανῷ (interpretare Aristotele) hoc est, à perpetuo cursu, dubitatum est plurimum à philosophis: si quidem nonnullis veterum visum est rationi consonum, eam mundi partem, ut est suprema, ita esse tenuissimam, siquidem & in alijs omnibus, de quibus utpote vicinioribus, possumus iudicare, ita fieri cōspicimus, ut quo superius est aliquid, eo sit & tenuius: Itaque esse regionem quandam, substantia alia, ære longe puriori & tenuiori plenam, per eamq; ferri astra, omnia per se, quasi volantia. Plerisq; tamen atq; adeo optimis (nam Pythagoræ, Parmenidi, Platoni, & Aristoteli) visum est, cœlum substantia quadam constare firmissima & solidissima, adeo ut penitus neq. diuisionem, neq; distractionem recipere possit, & astra partes esse ipsorum orbium, ac cum illis ferri, haud quaquā proprio concitata impetu. Ex eo vero quod de motu astrorum quis sentiat, pender, & quod de cœli soliditate sit consentaneum. Si enim astra feruntur per se per cœlū illud certè est tenuissimum, & facillime cedens: non enim tanta posset esse astrorum celeritas medio resistere. Si autem illa feruntur cum orbibus, constat orbis tanto solidiores esse adamante, ut penitus diuidi non possint. Nam alioqui, si ferrentur velut impulsa à substantia aliqua vehementer con-

citata, & dissipabili, vt quæ a ventis impelluntur, haud quam possent ferri eadem semper celeritate, neq; eidem viæ semper insistere, sed iactarentur temerè, vt quæ a vêtis: nunc autem videmus regulari ferre latione, & à certissimo tramine ne latum quidem vnguem vnquam declinare: igitur ij orbes cum quibus feruntur, nullam partium distractionem accipiunt vnquam, sed feruntur toti simul firmissime. Neque hoc aliter fieri potest: quapropter eorum substantia, neque diuidi, neque distrahi possit, sit igitur solidissima. At verò probabilius multò esse, alitra de ferri cum orbibus, quàm in illis per se moueri, multis argumentis probat Arist. acceptis ab astrorum figura, & ei accommodatis motibus, & ab eorum celeritate, & ab alijs eorum passionibus. Mihi verò uidetur illud firmissimum, si quis uellit recipere quod mihi in phisicis monstratum est, puta raritatem & densitatem consistere in angustia aut amplitudine pororum. Si enim alitra ferrentur per cælum, necesse esset illud secundum partem anteriorem astri densari, & secundum posteriorem rarescere, si verò rarefceret, & haberet poros, eos ergo aut vacuos, aut plenos substantia alia tenuiori, est igitur uacuum, aut substantia alia cælo tenuior.

Illa verò si tenuior, sit & cælo superior, de illa rursus sciscitabor, an raritatem accipiat, atque ita peruenire necesse erit ad substantiam tenuissimam, nullam raritatem aut densitatem recipientem, aut abire in infinitum. Si autem in vllam talem substantiam peruenire necesse est, cur non sit statim cælum eiusmodi? Necesse est igitur alitra cum cælo ferri, ac non per cælum, aut dari uacuum. Præterea, si Sol, Luna, & alij planetæ per se mouerentur, non possent moueri regulariter, sed nunc celerius, nunc tardius, quia eodem tempore,

re, puta die naturali, describunt circulos nunc maiores nunc minores, vt accedunt ad æquinoctialem circulū, aut recedūt: at verò Arist. multis argumentis probat secundo de celo motum cœlestium corporum esse regularem: non igitur mouentur per se astra; sed cum cœlo, quod est vt mundi munus vt dixit Parmenides, solidissimū. Cui sententiæ plurimum attestatur præscripta verba Iob. Solidissimi quasi ære fusi. Quibus consonant & hæc Homeri *ἄριστος πάλυξ ἄλυστος*, idest multigris cœlum. Multæ autem hînc quoque videntur oriri dubitationes, nam si cœlum solidum est, non videtur esse corpus simplex, sed compositum ex elementis, vt quæ penes nos sunt, quod si est, erit utique & corruptibile vt hæc, si autem corruptibile illud esse admittimus, nihil euenit incommodi, etiam si tenue esse illud recipiamus, & dirumpi a percurrentibus astris, quare ita quoque videtur fieri rursum, vt non sit opus illud solidum ponere. Quod verò fiat vt si solidum est, constet elementis his, docet Plato in dialogo de natura his verbis. Sine igne videri nihil potest, nihil sine solido tangi, solidum sine terra nihil. Hînc appertè fit, vt cœlum duobus his elementis constet, si solidum est; nam & videntur astra, quæ eiusdem substantiæ cuius & ipsum cœlum esse inter optimos conuenit philosophos: si autem habet hæc duo, puta ignem & terram, habet certè & reliqua duo, puta aquam & aerem, duo enim illa per se vniri non possunt, nam sicci & solidi partes, vt puta terræ, non cohærent nisi humido aqueo agglutinentur, sicco enim igneo penetratæ magis debilesunt. Igitur vt ad soliditatem terra, ita ad continuitatem indiget aqua: aqua verò & ignis male aptabuntur sine medio aere, neque sine eo habebit diaphanitatem. Si igitur cœlum est solidum compactum, diaphanum, & aspectabile, constabit terra, aqua, ære, & igne. Rursum, cœli partes non sunt omnino similes, sed

sed astra aspectabiliora, & minus diaphana (quodcūq; enim intercurrat, occultat aliud quodcunque) reliquum cœlum diaphanum magis, sed minus venit in conspectum, non potest ergo esse cœlum omnino simplex substantia. Nam unde nascerentur illæ contrarietates? contrarietatis enim admissionem habet omne quod dicitur secundum minus: in simplicissimo verò non potest esse ullius cōtrarietatis, ne tenue quidem initium. Concedendum itaque videtur, cœlum simplex omnino corpus non esse, sed constare ex elementis. Concedendum certè, ut mihi videtur hoc Platoniciis, divinis argumentis: non tamen ex iisdem penitus, ex quibus quæ penes nos sunt, sed ex hominibus, ex igne inquam cœlesti, & aqua cœlesti, & terra aëreque cœlestibus, ut in Genesios enarratione diximus. Sed cur vocentur ignis, aqua, terra, & aer si non sunt qualia hæc? certè ob analogiam: quia quod ad substantiæ modum attinet, habent præstantius etiam quam illa, tamen si contrarietate qualitarum activarum, caloris inquam, frigoris, humoris & siccitatis carent. Hinc fit, ut cœlum fulgentius atque aspectabilius, & solidius, & compactum diaphanumque magis sit, quam alia omnia corpora, incorruptibile tamen, neque dissolubile, quia caret principijs naturalis corruptionis, puta calore, frigore, humore & siccitate. Sed neque rarum neque densum est, quia poros nullos habet: neque crassum, neque tenue, quia neque in parva neque in magna comminui potest, sed fulgens sine calore, solidum sine siccitate aut crassitie, compactum, sine humiditate, diaphanum, sine poris. Non igitur differunt astra à reliquo cœlo maiori crassitie, neque densitate, sed missionis modo, quodque habent sui ignis plus, & sui aeris minus. Verum et si quia actiuis qualitatibus caret, naturaliter corrumpi non potest cœlum, est tamen (compositum cum sit) dissolubile, & com-

mu-

mutabile, ab eo uidelicet à quo compactum est, puta a Deo. Omne siquidem quod uinctum est (ut inquit Timeus) solui potest, ac fortasse etiam dissoluetur, & permutabitur, cum sistetur hic cœli motus, & finientur lux & tenebræ, uelut & omnes aliæ mundi partes. Elementa quidem reddentur puriora; cœli uero in meliorem substantiam mutabuntur. Nam Marci decimotertio, dicitur, Cœlum & terra transibunt, & Psalmo centesimo primo, Opera manuum tuarum sunt cœli, ipsi peribunt, tu autem permanes, & omnes sicut uestimētum ueterascent, & sicut opertorium mutabis eos, & mutabuntur. Et in tertio capite epistolæ secundæ Petri, Nouos uerò cœlos & nouam terram, & promissa ipsius expectamus. Iob quoque capite decimoquarto, inquit. Homo cum dormierit non resurget, donec atteratur cœlum non euigilabit, neque consurget de somno suo. Ex quibus verbis constat cœlum atterendum esse ante resurrectionem mortuorum. Neque certè philosophiæ dissonum est censere, si cœlorum motus celsaturus in æternum est, mutandam quoque eorum substantiam in aliam, cuius natura motum non spectet, quo in æternum sit caritura, sed gaudeat quiete; quam sit semper actura. Neque enim perpetuum quippiam quod uolentum. Sed de hoc iterum disputabitur.

CAPVT QVINQVAGESIMVM

S E C V N D V M.



Ap. 38. Iob. Vbi eras quando ponebam fundamēta terræ? indica mihi si habes intelligentiā, quis posuit mensuras eius si nosti? vel quis tetendit super eam lineā? super quo bases illius solidatę sunt? aut quis demisit lapidem angularem eius? quis conclusit ostijs mare, quando erumpebat, quasi de vulua procedens, cum ponerem nubem vestimentum eius, & caligine illud, quasi pannis infantie obuoluerem? Circundedi illud terminis meis, & posui veſtem, & ostia, & dixi. vsque huc venies & non procedes amplius, & hic confringes tumentes fluctus tuos.

Hæc verba sunt Domini ad Iob. Quibus illum inscitie & ignorationis rerum naturalium arguēs, vult ad sui cognitionem trahere. Differemus in hoc ipso opere, enarrantes locū quendam Ecclesiastes, nullum esse maius compendium ad cognitionem sapientie Dei, quam sensum nostrę ignorantie, quod Eliud etiam in superiori capite tetigit dicens. Memento quod ignores opus Dei de quo cecinerunt uiri (hoc est naturam rerum de qua scripserunt plurimi philosophi, & ante Platonem omnes in carminibus) omnes homines vident eum (hoc est aliquatenus agnoscunt ex suis operibus) vnusquisque intuetur procul, quasi diceret, nullus tamen accedit ad ipsius veritatis cognitionem, quia omnes intuentur procul. Ecce Deus magnus vincens nostram scientiam. Hoc eodem argumento adducit nunc

Dominus Iob, ad suæ sapientiæ contemplationem, ponens illi ob oculos mirabilia, quorum causas nullus philosophorum inuenire satis potuit, neq; nos quidem possemus, nisi magno Dei beneficio, per diuina oracula essemus docti. Primum igitur maiores mundi partes, hoc est, elementa & cœlestia corpora, percurrit: deinde animalium quorundam omnis generis historiam attingit: de quibus omnibus disputatum satis a philosophis esse constat, nihil autem perfectè esse traditum, consideranti palam fiet. vbi (inquit.) eras quando ponebam fundamenta terræ? fundamenta terræ nullus philosophorū vnquam somniauit (nisi fortè Pythagoras duplicè constituens terram, marem & sceminam) neq; enim terram ex diuersis partibus constituisse, vt domum aut templum, sed vt simplex quiddam & homogeneousse esse corpus, sui simile secundum omnes, neque esse aliàs aliarum fundamenta. Re vera tamen non ita est. Neq; enim terra, cum quem nunc ad aquam situm tenere posset, si qualis secundum faciē hanc quam terimus, tota foret: aut enim aquæ tota molles extremitatem solum terræ lambet, secundum eam eius partē quæ tecta est, vt nunc videtur (si quidem nulla parte videtur mare leuca profundius, vt testantur nautæ) aut præter hanc aquæ mollem, est intra terræ profundissima viscera magnus abyssus, longe maximam ipsius terrei globi partē occupans. Si primum, fieri non potest vt aqua sit centesima pars terre, nedum terra sit decima (vt censetur) pars aquæ. Si autē hoc vltimum, quū fieri posset, vt interior terræ pars non esset humore dissoluta, & tota subsedisset in sese, in aquam merisa, nisi si fundamentis firmissimis inniteretur? Innititur ergo haud dubie, constatq; ex ijs quæ conspiciamus, imam terræ partem esse plusquam adamantinam, atque adeo, Deum fecisse hunc terræ globum quem incolimus, versus centrum solidiorem,

vt in omni secundum rationem constituto edificio fieri debet; ad superficiem verò friabiliorem, vt teri, ac fulcari, & humore miseri potens, rerum generationi esset utilis. Non est igitur (dices) in suo loco simplex, neque elementum. Certè esse in suis locis pura elementa, pueri putant, & qui nondum ære labantur: doctorum verò nullus non videt, nihil non esse alteratum, neq; verò esse posse. Aris. in auditorijs libris quire vera scribebantur ad inducendos tyrones, multa dicit quæ prouectiores debent accipere vt hypotheses, velut esse corpora simplicia quatuor, quæ reuera neq; sunt neq; esse possunt, ponuntur verò ob quatuor naturas, quas in concretis sentimus, secundum quas fiunt rerum commutationes, calidum, scilicet, frigidum, humidum & siccum. Plato hoc docuit elegantissime, dicens, Sic de illis verba facimus, eaq; mundi primordia constituimus, cum ne syllabarum quidem, ne dum elementorum vicem tenere, apud homines mentis quoquo modo compotes debeant. Itaque simplicitas terræ non obstat quominus Deus fundamenta terræ iecerit, quibus partes eius superiores inniterentur. Addit. Quis posuit mensuras eius si nosti? vt in vndecimo capite sapientiæ scriptum est, omnia disposuit Deus, mensura, numero, & pondere. Nimirum, mundus opificium est pulcherrimum, siquidem optimi artificis, ad pulcherrimum exemplar. Ad pulchritudinem verò spectat, vt neque quantæcunq; magnitudinis sint membra, neque ad se mutuo sine certa proportionem, sed singula certæ cuiusdam magnitudinis, & ad se se elegantissimam habentia proportionem, simulq; ad totius vtilitatem maximè accommodatam. Neque terram igitur, neque aquam, neque aerem, neque orbium cœlestium vllum, sed neq; astrorū omnium minimum fecit Deus negligenter, sed omnia magnitudinis cuiusdam, ad mundi totius, & ad cuiusq; alterius par-

tis magnitudinem, pulcherrimam habentes rationem, quam tamen agnoscere, ac explicare apertè, eius est solius qui fecit ac penes quem est illud aeternum exemplar, cuius imitatione effecta sunt. Tametsi enim Pythagorici (quos ego uiros prosequor magna admiratione, in hac contemplatione plurimùm laborauerunt, & pro capto hominum plurimum assequeuti sunt, tamen intuiti etiam illi sunt procul: longe autem magis Xenophanes qui infinitè magnitudinis esse inferna ex parte est opinatus. Astrologi septem mille leucarum Hispanarum esse dicunt totius terrei globi peripheriam, vt sunt illorum rationes euidentissimæ, non admodum potest hoc à certa eius mensura declinare. Quæ autem huius certæ mensuræ in terra condenda fuerit ratio, scit mundi opifex: constat tamen dictis argumentis, eam fuisse diuinissimam, & ad totius pulchritudinem (cum qua utilitas necessario coniuncta est) spectasse. Addit. Vel quis tetendit super eam lineam? Terra in mundi medio ita sita est, vt eius centrum totius quoque mundi sit, atque ita rotunda, vt omnes extremitatis eius partes æquè à centro distent, & tota terra æquè ab omnibus coeli lateribus, hæcque omnia tam exactè, ac si mundi opifex à polo ad polum lineam tetendisset, & medio lineæ puncto alligasset terræ medium, eamque circino quodam rotundam effecisset. Quod quidem Plato animaduertit in Timeo, dicens, Terram autem altricem nostram circa polū per vniuersum extensum circumuolutam, diei noctisque effectricem, & custodem esse voluit. Tanta igitur opificij perfectio sapientiz artificis maximum argumentum est, quo redarguuntur omnes qui casu ita cadentibus corpusculis, factum esse mundū affirmabant. Quæ enim dementia est sibi persuadere, immensitatem insectilium corpusculorum, tam aptè cecidisse casu, vt nihil ineptum in toto mundo extiterit, sed omnia ita, vt ne minimā particulam eorum quæ coierint fortuito, sapientissimi

cuiuspiam arbitrium possit emendare? aut cur cuiuspiā fani hominis menti suafibilius videatur, ante mūdum conditum extitisse, nullo faciente, immensam multitudinē vilissimę materię, quam sapientissimā quampiam & optimā causam? An vt vitiosā hominū voluntas facilius expetit quod malū, ita vitiosus intellectus facilius credit quod falsum, vt vel hoc argumento verū sit quod bonū, melius autem multo est ab optima causa in sapientia esse facta omnia, quā ex vilissima casu extitisse. Tantā igitur Dei sapientiam, vt Iob ex terrę fabrica admiretur & suspiciat, dicit Dominus. Quis tetēdit super eā lineā. Addit. Super quo bases illius solidatę sunt, bases terrę sunt ipsa terrę fundamenta, quę vt ex nihilo effecta sunt, ita super nihilo solidata, sed super se ipsis, omnib. terrę partib. nitentib. ad centrū, quod velut angularis lapis totius edificiij est, ad quę partes omnes firmiter alligantur: videretur autē omni humanę sapientię, si in consultationem de formando terrę orbe à summo rerū opifice vocata esset, fieri haud quāquam posse, vt nulli innitens corpus, in medio spatiosissimi vacui firmiter maneret. Quę hēlitatio Xenophanem Colophoniu putare coegit, terram ab inferna parte velut in radicem infinitā produci. Empedoclem quoq; canere, infinitam esse profunditatem terrę. Taletem Milesium, terram aquę innatare vt lignum, Anaximenem, Anaxagoram, & Democritū, causari terrę latitudinem, non enim diuidere posse aerem lata cum sit. Neq; sane verū est, quod multi dixerunt, & Socrates etiā sibi persuasit in Phedone, terrā manere in suo loco firmam quòd rotunda cum sit, & in rotundi cęli medio collocata, nō potest magis in hanc quam in illam partem inclinare. Nam vt rectē inquit Aris. si inde ferri nata esset, etsi nullam in partē posset ferri tota, ferretur diuisa in multas partes: nō est igitur ita, sed pcepto Dei manet ibi firma. Nimirū ut in Plal. 92. dicitur. Firmavit orbem terrę, qui non cōmouebitur. Sed
quo

quo pacto firmavit? tribuens certè rebus omnibus corporeis hanc naturam, vt ad sese mutuo ita expectant collocari, vt crassa sint sub tenuibus: terram verò omnium crassissimam sub aliis omnibus statuens, quasi mundi cementum. His dictis de terra, transgressionem facit ad aquam, in sui etiam inde admirationem trahens Iob. Quis (inquit) conclusit ostiis mare, quando erumpebat quasi de vulua procedens, cum ponerem nubem vestimentum eius, & calligine illud quasi panis infantiae obuoluerem? Circumdedit illud terminis meis, & posui vectem & ostia, & dixi, vsque huc uenies, & non procedes amplius, & hic confringes tumentes fluctus tuos. Hæc verba enarrata ferè sunt super cap. primum Geneseos. Ibi enim explicuimus, qua ratione Deus effecerit, vt aquæ in vnum locum congregatæ terram totam non obruant, sed bonam eius partem, animantium generationi & vitæ, detectam relinquunt. Nimirum, & sæpe iam diximus, vnum ex ambobus corporibus terra inquam & aqua globum efficiens, quò cum amborum extremitatem eiusdem spheræ partes sint, neutra super stet aut sub stet alteri: fecit verò Deus terram cum tantis cavitatibus, vt caperet abyssum immensum, & maria, atq; ita caperet, vt neq; absorberetur illa aquæ molles, neque redundans inundaret terram, sed tantum eius relinqueret detectum, quantum ipsi rerum opifici visum est. Itaq; tantæ magnitudinis efficiens cavitates, fecit vt mare quousq; ipse voluit procederet, neq; inde transgredi posset, vel tantum illud, etiam si arena cingatur sola, aut etiam mollissima alga. Illæ igitur terræ partes quæ prominēt, atq; ad globi illius extremitatem emergunt, sunt vectis & ostia, quibus conclusit Deus mare, & his vsus, circumdedit illud Deus terminis suis, hoc est posuit fines quos sibi placuit, vt & alibi dicitur, Posuit legem aquis quas præterire non poterunt: legem verò hanc posuit,

fuit, dicens, usque huc venies & non procedes amplius, & hic confringes tumentes fluctus tuos. Hoc quod de tumentibus maris fluctibus dicitur, Regius etiam vates cecinit, in admirationem Dei nos vocans, in Psalmo 92. his verbis. Mirabiles elationes maris, mirabilis in altis Dominus. Quasi dicat, vel ex elationibus maris videas quam sit mirabilis qui in altis habitat Dominus. Omnibus gentibus admirationi fuisse fluxus & refluxus maris, intelliges facile ex illis Plinii verbis que sunt prima c. 97. lib. secundi. De aquarum natura complura dicta sunt, sed æstus maris, accedere, & reciprocare, maxime mirum pluribus quidem modis. Ac rectè quidem dicit pluribus modis mirabiles esse fluxus & refluxus maris; sunt enim re vera tales ob raritatem, quia etsi id in maris litoribus quotidie uidetur bis, atque in quibusdam pluries, nihil tamen simile esse uidetur in tota rerum uniuersitate, cuius comparatione tollatur admiratio: deinde & quia causa tanti euentus non satis intelligitur: sed & quia illi non eodem modo ubique marium sunt, sed uariè in multis, neque in eisdem semper eodem modo, sed pluribus modis mirabiles, nam quocunque die naturali, qui uiginti quatuor horis constat, bis crescit & decrescit mare, ab exortu Solis usque ad meridiem crescit, inde decrescit, usque ad occasum, unde rursus augetur usque ad mediū noctis, ex quo usque ad summum mane decrescit rursus, id que in Oceano multo magis atque euidentius fit, quam in mediterraneis, neque hoc exacte, sed cuiusdam horæ partis facta detractio. Porro huius maris æstus, per septenos dies insignes habent mutationes, septem enim primis a Luna noua modici sunt, reliquis septem usque ad plenilunium increscunt manifestè, inde minui incipiunt, tertio septenio afluente etiā insignem mutationem. In æquinoctiis etiam ferunt esse maximos æstus præcipue in autumnali: in solstitijs uerò minimos,

præcipue in æstuali. Aiunt etiam obseruatū esse octauo quoque anno redire æstus maris ad paria incrementa, quod octo annis centum numerentur Lunæ circuitiones: ego verò crediderim horum pleraq; non tam constare certò, quam leuiter credi. Ferunt etiam esse vbi in die septies reciprocet æstus ille, ut in Eubæa: sunt etiam putei in Bætica, quorum in Hispali vnus, qui augentur etiam quotidie ac minuuntur contra autem ac mare; siquidem eo crescente decrescunt, & crescunt decrescente, in Gadibus alius, qui æstum quidem habet, non tamē eisdem temporibus semper, sed aliquando contrarijs, & cū hæc omnia mirabilia sint, illud verò multo magis, fieri hæc tam statā & firmā lege, vt vltra solitum nunquam progrediatur mare, sed certò sciant litorales quotidie quousque mare sit exundaturum, neq; transuersum pedem errantes, vt euidenter constet eam legem posuisse Deū aquis ne vltra procederent, sed illic confringerent tumētes fluctus suos. Non tamen proinde dicimus, id naturali causa destitutum solo constare Dei præcepto; imo verò ex præcepto Dei fluxisse rerum omnium naturas: Quapropter cū in Dei præceptū referimus quippiam, nihil prohibet naturales eius causas inuestigare. Vt mare exundet influatque in litus, indeque refluat, nō quidem ob maris in quampiam partē fluxum euēnit, sed quia augetur tumefactum & quasi feruens: Quapropter, vt feruens aqua olla exit, non alia causa, quàm quod calore rarefacta, uāse non capiatur, ita mare tumescens exundat in litora, cōtra detumescens subsidet, & velut absorptum redit in alucum. Hanc verò esse eius rei rationem inde constat, quod circa litora magis quam in altum deprehenduntur hi motus, scilicet in alto non decurrit aqua, sed sensim intumescit, ad littora currit quia non capitur: fieret verò contra si influeret mare more fluminum: multo enim magis sentiretur

tur motus unde ageretur, quam ubi finitus cessaret. Ex his palam fit, maiori proprietate appellari tumorem fluctuum, & elationem maris, quam fluxum & refluxum: re vera enim non fluit nisi ex accidenti, quia tumescens non capitur loco: æstus verò mihi videtur per analogiam vocari, quia perinde videtur mare pati, ac si æstu caloreq; ferueat. Huius intumescentiæ causas longe diuersas philosophi reddiderunt. Arist. & Heraclitus (referente Plutarcho) à Sole fieri cēsent, plerisque enim flatus sua illum circuitione secum trahere, quibus ingruentibus, & protrudentibus mare Athlanticum, ipsum intumescere, & æstum efficere, sopitis deinde flatibus mare sese colligere, idq; esse reciprocationem. Pythias Massilensis maris accessus Lunæ incremento fieri, decremento recessus. Plato cuiusdam specus maximi intra terram hiatu sustolli aquas, & latè effluere, subindeq; eodem resiliere. Timeus causatur flumina irrupentia in Athlanticum. Seleucius flatum dicit irruere in Athlanticum, cum verò motu terræ (hanc enim etiam moueri putat) & Lunæ agitari. Tam multas opiniones tantæ rei difficultas peperit: at mihi videtur, quæ ex his fere omnibus colligitur esse probabilissima, nā quia adeo certus constitutusq; est ille motus, & numerum quendam horarum, dierum, hebdomadarum, mensiū ac fortasse etiam annorum obseruet, probabiliter refertur in superiores, æternas, stabilesque causas, inferna enim omnia temere agitantur cum præcipuè respondere videantur aptissimè illius circuitus Solis Lunæque motibus. Nam diurna per senas horas repetitio diurno Solis, aut Lunæ motui respondet, quæ verò per hebdomadas fit mutatio mēstruo Lunæ: mutatio etiam per solstitia & æquinōctia ad Solem refertur: quia verò multi & fontes & putei, aut simul cum mari, aut contrarijs temporibus crescunt & decrescunt, constat motum illum nō ad su-

premam extremitatem aquarum cieri, sed intrinsecus à ma-
 ximo illo barathro quod intra terræ uiscera est; vnde copio-
 sus erumpens flatus aquas inflat, ac subsidens iterum facit de-
 tumescere, Verisimile est enim quibusdam puteis (siquidem
 alij omnes expertes illius passionis sunt) ampliores esse du-
 ctus vsq; ad maximas illas terræ cavitates ipsis mariq; cōmu-
 nes. Vt verò quidam tumescente mari detumescant, & detu-
 mescente tumescant, cum alij moueātur vt ipsum mare, cau-
 sa est in ipsorum pororum quibus cum mari communicant
 longitudine, figura, & positu, amplitudine, aut angustia, qui
 enim coniuncti mari secundum breues & rectos, amplosq;,
 & expeditos poros sunt, implentur cum ipso; qui verò con-
 tra secundum locos angustos, & in contrarium tortuose du-
 ctos, his aqua absorberetur ab ipso intumescente mari; non ali-
 ter ac in corporis nostri uenis euenit, vt magnarū scissione,
 quæ coniunctæ sunt tractione repleantur, quæ contra posite,
 innaniantur reuulsione, qui mediocriter ad mare habent, nō
 nunquam simul cum mari, nonnunquam contra patientur
 vt hūc aut illūc flatus ille à barathro contigit moueri: qui ve-
 rò non habent (huiusmodi sunt omnes qui refluunt vsq; ad
 mare) illos poros vsque ad barathrum perpetuos, & secundū
 omnem longitudinem expeditos, sed multis in partibus in-
 tercisos, & obturatos interstite (dura quidem vt obsistat, ra-
 ra verò & percolandæ aquæ per via) terra: aut per recipro-
 eos flatus expulsi, & supra naturam suam acti sursum, à reli-
 quia aqua decisi pendent, nullam talem passionem subeunt,
 sed sine æstu perseverant, vtcunque moueatur mare. Itaque
 proxima mouendi maris causa est flatus intra terræ cauernas
 conclusus: prima verò fortasse, duo luminaria, quæ generant
 flatum & commouent, tamen si & in ipso flatu est mouendi
 causa, quod aqua pondere subsidens præmit illum, is præmissus
 erum-

erumpit & violenter extollit aquas, eo impetu sedato rursus aquæ subsident, atque ita alternis vicibus agitur utrumque. Figura verò & magnitudo cauernarum, non ubique eadem sed valde diffidens, facit ut quædam maria simul crescant, quædam contra, quædam bis, quædam pluries, quædam hûc, quædam illûc versus, ut lacus Meotis in Pontum: hic in Propontidem, non contra. Itaque horum omnium, quæ difficilissima quidem sunt, intra terram esse videtur causa, ut verò hæc innundationes accommodentur illis horarum, mensium, & annorum articulis opus esse videtur astris, atque utrarumque causarum copula veritas rei huius constare. Hæc cum sint exundationis maris causæ, earum modus & certa facultas efficit, ut passionis quoque eius, siue motus certa sit mensura. Nimirum Lunæ, Solisque eadem semper sui que similis est facultas, regulam tenens æternam, accessus & recessus, ac circulationum. Abyssi etiam illius ingentis, & humoris halituumque inclusorum, ad totius maris mollè est certa ratio & mensura, unde fit, ut sit certus quidam modus intumescentiæ illius maris, ac proinde & fluxus & refluxus. Atqui qui motum cum causarum posuit, is quoque legem posuit mari, dixitque. Usque hûc venies, & non procedes amplius. Neque vero quia quædam loca mari submersa sunt superioribus temporibus, ac nunc etiam alia periclitantur mergi, nisi obstaculis quibusdam obisteretur mari, ut in Olandia, & Zelandia, quod de certa aquarum lege dictum est, redarguitur; magna enim ex parte illic, non tam detinetur quominus constrictos sibi fines excedat mare, quam ab illis finibus arcetur, obstaculis quibusdam ab incolis factis atque cum alijs insularum partibus arceatur, non potest alias inuadere: atque ita factum est, ut pagos quidem & vilas occupauerit, alijs verò non minoribus partibus cesserit, hominum ad has mutatio-

nes industria iuuante, præterquam quod legem quam posuit Deus aquarum fluctibus, nolluit ipsemet Deus adeo esse impermutabilem, vt quam Soli Lunæ & reliquis astris. Illa enim ita iter peragunt imperatum, vt ne latum quidem vnguem essent huc aut illuc declinata, ne si infinitum quidem tempus duraturus esset mundus: mare verò non ita, sed tam lentas effecturum mutationes, vt conferentibus nobis quæcunque; ab antiquissimis cosmographis scripto mandata reperimus, cum ijs quæ conspiciamus, nullæ prorsus fieri videantur, eadem enim mensura, eadem figura, continentis, & insularum omnium: si verò in mille myriadas annorum esset mundus hic duraturus, non dubium quin permutanda forent omnia, commutandaque loca terræ & aquæ. hinc exesa terra, illuc congestis arenis, adeo tamen lente, vt nullis hominum seculis agnosci possit vlla insignis mutatio, sed quantumuis vterentur scriptis, essent omnes putaturi, nihil esse vnquam permutatum. Neque quidem (vt dixi) hoc dictam aquarum legem tollit, hac enim ipsa conditione lex à Deo data est. Nimirum, est naturalis conditio rerum corruptibilibus omnium, vt semper secundum se totas, aut secundum partes recipiant alterationes: Retenta igitur hac naturali rerum conditione, imperauit Deus mari, non procedes amplius, non scilicet ita procedes, vt animantibus terrori sis aut eorum generationem tollas, sed hic confringes tumentes fluctus tuos, tam perseueranter, vt nullam sæcula vlla sentiant insignem permutationem. Quapropter quod de Atlantidis insula mari submersa Plato narrat in Timeo, falsum prorsus est, atque impostura Chaldaeorum, qui antiquitatis opinione, multa eiusmodi mendacia narrabant Græcis, dicentes se (vt refert etiam Cicero) plus quam quadragintamille annorum historiam habere.

Sed quanta his impostoribus idolatriæ, & præstigiarum omnium parentibus, fides habenda sit, multis iam locis indicavimus. Quod verò Arist. dicit, alternis vicissitudinibus mutari mare, & terras, quasdamque insulas disparere, alias emergere, non est historicè accipiendum, sed philosophicè, cū enim ille putaret mundum ab æterno extitisse, neq; finem habiturum, merito colligebat, non semel, sed infinities mutanda omnia, secundum partes quæ ortui & interitui sunt obnoxia. At verò id factum cum nondum sit, neq; fortasse antequam constitatur cœli motus sit efficiendum, historia constare non potest, sed stat firma lex, quam Deus posuit aquis. Atque conditione naturali servata stabit, usq; dum eam ipse legislator, cui ut nuper dixit Eliud, nullus similis est in legislatoribus, eam simul cum hac mundi forma soluat. Quod igitur ad maris fluctus attinet, ita habet. Illud superest interpretemur. Quando erumpebat quasi de vulva procedens, cum ponerem nubem vestimentum eius, & caligine illud quasi pannis infantia obvoluerem. Videtur enim hoc aliud esse, quam quod in Genesi dicitur à Mosè, ubi maris generationem ita tradidit. Dixit verò Deus congregentur aquæ quæ sub cœlo sunt in locum unum, & appareat arida: Quæ verba significant haud dubie, in initio delituisse totam terram sub aqua, hanc deinde præcepto Dei secesisse in locum unum, & detectam esse eam terræ partem quam incolimus: præsentis verò loci verba videntur innuere, factam esse aquam sub terra, atque cum inde velut ex vulva magno impetu erumperet cohibitam esse præcepto Dei, & conclusam ostiis, quominus totam terram occuparet: hæc verò longè diversa ratio mundi efficiendi esse videtur. Quæ non alio quam hoc modo censeo componi posse. Initio fecit Deus rudem quandam congeriem elementorum, quam dixere Chaos.

Erat

Erat verò quoddam lutum ex tota terra aqua que commistis, quod circumstabat moles magna nebulosi & omni luce carentis aeris, densissimis Ægypti tenebris simillimi, mox ut separari hæc ceperunt sublidens fecis more terra expressit aquam, quæ ita ex terra erumpebat velut ex vulua procedens. Rectè enim terra mundi vuluæ confertur, siquidem in ea concepta, ex ea nascuntur omnia, aqua verò rationem habet feminis communis, per eam enim fecundatur terra, neque sine ea procedere ex sele quippiam potest. Accommodatissima ergo comparatione, exitus aquarum è terra eruptio ex vulua vocatur, feminis scilicet communis ex communi matrice. Et tunc quidem aqua nebuloso & caliginoso aere erat (recens à terra nata) velut pannis infantie obuoluta, tenebris scilicet, quæ erant super faciem abyssi aqua separata, & ut par erat superstante formauit Deus terram qualis nunc est, confirmans eius fundamenta, præparansque in ea foueas immensas & cavitates, iussit aquas in illas secedere, & fecit ex terra & aqua vnicum orbem.

CAPVT QVINQVAGESIMVM

TERTIVM.



Ap. 38. Iob. Per quam viam spargitur lux diuiditur æstus super terram? Arist. libro secundo, de anima cap. 7. reprehendit Empedoclem, quod dixit, lumen seu fulgorem esse quiddam, quod feratur, & extendatur inter terram & celum (itaque per aerem) verum eam rationem & effusionem nos latere, fortasse quod tenuissima

res sit, & celerrimè feratur, hoc inquam reprehendit Aristot. quia ferri & extendi corporeæ substantiæ solum est, lumen verò nihil est aliud, iuxta illius sententiam, quam quædam patibilis qualitas, per præsentiam rei lucidæ genita, per quam quod erat potentia diaphanum, sit actu diaphanum. Quæritur verò à domino hoc loco, per quam viam spargitur lux quasi scilicet spargatur, spargi verò genus quoddam latioris significat, quapropter & corporea substantia esse videtur, talis verò si esset, haud quaquam posset replere totum aerem sine corporum penetratione, nisi forte aer, ut hoc argumento visum est multis philosophis, poris vacuis abundat: si verò vacuum nihil est, haud poterit per totum aerem substantia alia ferri, quantumvis sit tenuis. Accedit, quòd si ex Sole continenter efflueret illa substantia, iam pridem esset absumptus totus, aut saltè esset aliquando totus illuminatione absumendus, constat verò illuminationem lucidis corporibus nihil detrachere, quapropter corpus non est, quare neque spargi videtur posse. Mirabile verò etiam, si corpus non est quo pacto radijs constet, qui recta ferantur, reflectanturque & incidant ad angulos rectos, acutos, & obtusos, & mille modis congregiantur. Nam si corporea substantia non est, sit sane accidens, aut substantia incorporea, at verò neutrum horum videtur illa pati posse, nam flecti, & ad hos aut illos angulos incidere, & rectum esse aut curvum, figuræ quædam sunt: figura verò non est nisi in corpore, quare in incorporea substantia, ut in mente, nullatenus, in accidenti corporali, non nisi per accidens, hoc est per ipsum corpus cui inest, velut candorem nemo dicet triangularem, aut quadratum, nisi quia papyrus hac aut illa figura est, ita neque nigritiem, nisi quia litera. Eadem etiam ratio, ac fortasse etiam maior sit de aliis omnibus qualitatibus, quis enim audeat dicere,

cere, dulcorem, aut calorem, rectum aut curvum, triangularem aut quadratum? non igitur posset lumen, nisi substantia quædam corporea esset, reflecti nisi cum aere illuminato: at verò reflectitur in umbra, nullatenus reflexo aere, non enim ut Echo sit repercussio aere, ita umbra, sed ipso quam maximè quiescente, reflectitur ergo lumen non ut accideret, sed per se, ut corporalis substantia quædam quæ per aerem spargitur. Sed quæ eius via? corpori enim non potest esse per corpus via, si verò quantum est lumine plenum in aere, erat vacuum, totum cum illuminatus sit, nullus relinquebatur aeri locus, præterquam quòd vacuum non esse, nulli iam video esse dubium. Mirabilis profecto est lucis natura, adeo ut à quibusdam philosophis, corporalis Dei pars appellata sit, cuius anima esset veritas, Deus ipse Opt. Max. primo statim generationis die, ipsam fecit, singulariter commendavit videns lucem quod esset bona. Videtur esse res sui generis, neque corporalibus rebus, neque penitus spiritalibus annumeranda, quæ difficilis sane cognitu est, neque scio an ulli satis perspecta, qui non eius originem in æterno exemplari contemplatus sit. Nos interim pro nostro captu eius conditiones perpendentes, quod Deus dederit differemus. In primis substantia videtur esse non posse, quandoquidem neque corporea neque incorporea; corporea quidem, quia non posset aerem penetrare, quem tamen totum illuminatum esse videmus: incorporea quia videri non posset, lumen verò videri constat, quia sensus organum ita afficit ut corrumpat etiam aliquando, velut excellens sensibile. Quopacto autem esset excellens sensibile, quod omnino sensibile non esset? est igitur sensibile, alioqui quomodo in solum aerem intendentes visum, digno sceremus diem esse aut noctem. Neque verò videtur horum alterutrum priuatiuè cognosci, sed utrumque per veram passionem

sionem visus, à lumine quidem disgregati, à tenebris congregati. Sed, etsi dicamus tenebras priuatione cognosci: Vtrumque tamen non potest, cum enim contraria sint, non possunt ambo priuatione fieri: lumen igitur per se videtur, quare non est substantia incorporea, vt Deus, aut mens. Sed neque accidens incorporeum est, vt notitia intellectiua, aut quippiam tale, quia ne sic quidem sentiri posset, visorium enim organum corporeum cum sit, ab spiritali passione affici non posset, superest igitur ut sit accidens corporale, hoc est affectio aut passio corporis cuiuspiam. Eius igitur quod illuminatur, hoc est diaphani, dicitur enim, estque re vera medium actu diaphanum seu transparens, cum illuminatum, atque hac causa translucens etiam vocatur quod transparens, quasi idem sit, actu transparens & translucens: quod vero tenebrosum est diaphanum potentia, capax enim lucis & ea carens. Hac causa Arist. dicit lumen & tenebras eandem rem esse numero, puta ipsum diaphanū, ratione differre, quod. n. potētia diaphanū, tenebrę: quod actu, lux est, itaq; quod prius erat tenebra, sit deinde lux. Quē loquendi modum ad spiritalem transferens lucē, Paulus, ad Ephesios dixit, eratis aliquando tenebrę, nunc autē lux in Domino. hoc etiā significato acceptum est tenebrarum nomen cap. 10. Exodi, vbi dicit, Ex tende manum tuā in celū, & sint tenebrę super terrā Aegypti tā densę, vt palpari queant. Nimirū aer illuminatus rarefcit, quia lumē ignē conuocat, lumine priuatus crassescit excluso igne, per summas ergo tenebras fieri poterat adeo densus, vt palpari posset, hocq; est tenebras palpari, hoc est aerē lumine priuatum. Ita quoque fieri poterat tenebrarum catena, vt dicitur 17. Sapientię. Verum in his omnibus locis, nomen lucis & tenebrarum materialiter accipitur. Vt & ab Aristotele formaliter enim, constat aliud quippiam esse

utrumque ab ipso aere, seu ab ipso diaphano. Si enim quod erat potentia diaphanum, fit actu diaphanum, illa ipsa Entelechia actu diaphani, seu forma, seu ratio, qua actu diaphanum fit, fit formaliter lumen: itaque lumen fit Entelechia, seu actus diaphani; tenebra eius Entelechiæ vacuitas, coniuncta cum potentia, & potentia autem & actus est diaphani, quare ut dictum est, fit lumen affectio aut passio corporis cuiuspiam. Quo pacto igitur spargitur, & recta producitur, & reflectitur? Nunquid hæc accidunt lumini materiali, hoc est illuminato aere, an formali, hoc est Entelechiæ actu diaphani? Certè huic, nam per aerem quiescentem spargitur, recta quæ producitur & reflectitur lumen. Quomodo ergo hæc verè dici possant de passione? non sanè propriè, & ut ea verba lationem quandam significant, sed analogicè. Quia ipsum illuminari, seu lucidum fieri, phantasiâ præbet talium lationum, re vera autem fieri videtur, ut nunc dicam. Illuminatur aer, cum fit ex potentia diaphano actu diaphanum: fit verò tale sola præsentia corporis lucidi, ut Solis, aut ignis, itaque lux est facultas quædam, seu virtus quod potentia diaphanum est, efficiendi actu tale, per solam suam præsentiam. Quoniam igitur corpus lucidum illuminare non potest, nisi illud medium inter quod & ipsum nullum intercedit oppacum (quia hoc cum non sit potentia diaphanum, non est capax luminis) fit ut lumen fieri non possit, nisi in ea mediæ parte, ad quam ex corpore lucido duci potest linea recta nulli oppaculo occurrens, ob id secundum lineas rectas ferri dicitur lumen: etiam si reuera, non sit res quæ feratur.

Porro lux, ut maior aut minor est, ita maius aut minus medium potest illustrare, atquè illud ipsum illustrare, magis aut minus, neque æqualiter quidem totum spacium, sed proxima pars illustrior fit sensim languescente lumine, ut à luci

do corpore receditur, tanto enim quævis pars minus afficitur, quantò longius abest à facultate, vt ferrum tantò lentius trahitur, quantò longius distat à magnete. Cum igitur lumen, antequam omnino sit exoluta facultas lucis incidit in opacum, quæ antrorsum per aerem erat alteratio producenda, retrorsum producitur: idque vocant reflecti lumen, tamen si non sit flexile quippiam, sed horsum aut illorsum acta alteratio. Eadem autem ratio est luminis, & visibilium specierum colorum omnium, nam lumen nihil aliud est quam lucis species per diaphanum effusa, per quam & lux videtur, & ipsum diaphanum actu fit, vt species colorum omnium per illud transmittat. Vt igitur à lucido corpore lumen, ita species colorum à coloratis per diaphanum, sola præsentia producuntur, hoc interest, quod lumen facit diaphanum actu, reliquæ species id non valent facere, sed per diaphanum actu producuntur: nimirum indicatum mihi alibi est, colores lucis participatione innasci corporibus, esseque flammulas quasdam lucis æmulas: sunt ergo genere similes, minus autem possunt. Vt igitur lumen est Entelechia actu diaphani, ita reliquæ omnes species actu diaphani passionem quædam. Mirabile igitur est, quod cum videantur per aerem spargi lumen & colorum omnium species, nihil tamen spargitur, neque penetrat, aut pulsatur aerem, vt Empedocli videbatur, sed aer ipse mirabilibus quibusdam alterationibus, induit omnium corporum quæ adsunt formas. Hæc quo pacto fiant, nullus hominum potest distincte eloqui, neque cogitare, tamen si fieri quidem omnino probabiliter disseruerimus. Proinde humanam ignorantiam arguens Dominus, interrogat Iob, per quam viam spargitur lux? addit, diuiditur æstus super terram? Aestum super terram fieri a cœlestibus corporibus, notius est quam

vt quispiā posset dubitare, tamen illius causam referre in motum, maximus atque apertissimus error est Aristotelis: non enim minus aut tardius mouetur Sol noctu quam interdiu, sed minus illuminat. Quare cum id quo præsente fit, & quo absente cessat affectio, causam esse omnes homines censeant, constat ad lumen debere referri æstus, non ad motum: lumen verò proprietate quadam esse effectiuum caloris, in materia quæ potest calefieri, etiam si Sol & alia astra eius passionis expertia sint, vulgares philosophi affirmant: quod probabilius dicitur, quam cœlorum motu fieri, longe autem probabilius quod sæpe iam diximus, ignem qui per omnia permeat, sequi Solis fulgorem, ob analogiam tractum, atque ideo quæ à Sole illuminantur à subsequenti igne calefieri. Diuiditur ergo æstus super terram, vt ignis hanc aut illam partem magis occupat, hocque euenit, vt hanc aut illam magis spectat Sol. Calefacit ergo magis partem quam magis illustrat, coque, & quam rectius aspicit, quia ab ea parte reflectitur lumen, vt explicuimus: geminata ergo illa passione fit maior illustratio, & maior ignis conuocatio, & calefactio maior. Iuxta luminis igitur intensiorem diuiditur æstus super terram: minimo quidem existente in ea parte, quam Sol non intuetur: maiori in ea quam obliquè: multo, in ea quam recta plurimum ad calefactionem iuuante mora, quia cum lumine ignis quoque immoratur. Via autem æstus occulta est, nimirum pori aeris, quia rarefcit penetratus à corpore tenuiori.

Hæc de lumine, & comite illius æstu. Est quoddam aliud superius lumen hoc nostro quod conspiciamus, corporale illud etiam, in sede beatorum, quo Solis facultas non pertingit, solius agni præsentia conseruatum, velut

lut, & hîc apud nos tribus primis geneseos diebus seruabatur; tantò præstantius hoc, quantò supremi illius cœli corpus, aeris in quo viuimus corpore. Est aliud longe diuinissimum, minimè corporale, quo non pascuntur beatorum oculi, sed illustrantur mentes, quod vocant lumen gloriæ, hoc verò agnoscere non pertinet ad philosophum, sed ipse Deus annuntiat de eo amico suo, quòd possessio eius sit, vt capite trigesimosexto dixit Eliud, quæ verba valde consonant cum illis Platonis in dialogo de natura.

Superiora verò his horum principia Deo nota sunt, atq; ei qui Dei sit amicus: vsque adeo Ethnicus ille, hac certè causa sapiens, diffidebat scire se posse prima & certissima rerum naturalium principia, nisi Deo reuelante: neque sanè de humilibus & incertis posse, nisi ad probabilitatè aliquid disputare. Vt liceat mirari quorundam Christianorum temeritatem ad credendum, quicorum quæ opinantur, nihil non putant se certissimè scire, quo fit, vt ad credendum quæ non intelligunt sint duriores, quia opinione sapientia sunt stulti, cum tamen Deus ipse to-

to hoc capite hominibus indicet suam,

rerum etiam quas vident, & quibus

viuunt ignorationem. Mihi

mea ignorantie opinio

præsto sit, & hu-

milis. Per

hanc

enim (arbitror) viam spar

gitur lux; Deo

gratias.

CAPVT QVINQVAGESIMVM

QVARTVM.



Ap. trigesimo octauo, Iob, In similitudinem lapidis aquæ durantur, & superficies abyssi constringitur. De grandine videntur dici illa verba priora. In similitudinem lapidis aquæ durantur, & de glacie quæ apud nos fit, posteriora illa, Et superficies abyssi constringitur.

Nimirum grando & glacies eadem res est, aqua scilicet præ frigore constricta. Figura solum differt, quod scilicet, grando orbiculares quidam lapilli sunt, ex pluuiæ cadentis guttulis geniti, glacies verò fit ex continuata aqua, siue in fluminibus, siue mari, siue fontibus, siue in stagnis, aut vasis quibusvis coherescente, & ipsius aquæ quæ concreta est figuram retinet, tametsi spherulæ illæ nomen peculiare habent, diciturque Latinis grando, Græcis κρήνη, tamen communi nomine dicitur vtræque glacies, & Græcis κρύσταλλος. Atque ita de grandine dicitur in Psalmo centesimo quadragesimo septimo. Mittit crystallum suam sicut buccellas, ante faciem frigoris eius quis sustinebit? de glaciei verò generatione dicit, Constringitur facies abyssi, quia concretio aquæ semper incipitur à superficie, & procedit versus imum, atque adeo superuehitur in aqua, atque si violentia demergatur in profundum, sponte effertur, itaque semper occupat abyssi superficiem: cuius rei causa pendet ex ipsius glaciei generatione. Dictum enim mihi iam est non semel, aquam suo naturali frigore concrefcere, per ignis, & calidarum exhalationū ab-

absentiam. Quia si affectionem ullam frigidam præter naturam suam pati posset, esset aliud quippiam natura frigidius: cum verò necesse sit quod est primò, esse etiam summè tale, necesse est aut aquam non esse primum frigidorum, aut nulum frigus esse illi præter naturam. Cum igitur quando recedente Sole, ignis eius assecla ex propinquo aere fugit, vapores frigidi eius loco in aerem se effundant, & exhalationes calidæ in profundum terræ se condant, necesse est & a superficie abyssi recedant priusquam ab aqua profundiori, atque ita inde incipiat, glacies. Quæ etiam causa sese frigidis temporibus pisces in profundo recondunt, quo ad vitam indigent calore potituri, vitaturique mortiferum frigus. Glacies itaque hac causa gigni incipit a superficie abyssi. Grandio quoque videtur quibusdam fieri ex nubibus, primum quidem in glaciem duratis, deinde vëtorum frigore comminutis in frustula, aut etiam calore Solis. Itaque esse grandinem frustula decidæ glaciæ, ea verò fieri in ipso descensu rotunda, longo illo præcipitio velut conuoluta. Fuit hæc sententia inter antiquos philosophos Epicuri, inter Christianos Diui Isidori Hispalensis, cui videntur suffragari illa verba capituli 43. Eccl. In magnitudine sua posuit nubes, & confracti sunt lapides grandinis. Hæc enim aperte videntur innuere, confractis lapidibus (ex glacie scilicet) factam esse grandinem. Cæterum Arist. euidenter satis refutauit hanc sententiam, capite duodecimo primi Meteororum his verbis, Absurdū præterea suspicari, aquam superiori in loco congelascere, quando quidem fieri non potest ut id consequatur antequam reddatur aqua, neque villo tempore aqua suspensa permanere potest. Hæc Arist. Ex quibus palam fit, ex nubæ aquæ guttas fieri prius, his deinde seorsum cadentibus, & gelascentibus, fieri grandinem, & ipsarum guttarum figuram retinere.

Illud

Illud verò Ecclesiast. ita intelliges, con fractos esse lapides grā dinis, hoc est, decisos ex nube, non quidem gelata prius, sed per particulas in guttas abeunte: verū enim ita etiam est, lapides grandinis ex nube esse decisos, & si non sint decisi facti iam lapides, sed post decisionem lapidauerint.

CAPVT QVINQVAGESIMVM
QVINTVM.



Ap. 38. Iob. Quis posuit in visceribus hominis sapiētiā, vel quis dedit gallo intelligentiā? Quis enarrauit cœlorum rationem, & concentum cœli quis dormire faciet? Quando fundabatur puluis in terra, & glebæ compingebantur?

Nunquid capies leonē prædā, & animam catulorum eius implebis, quando cubant in antris, & in specubus insidiantur? Quis præparat coruo escā suā, quando pulli eius clamant ad Deum vagantes, eo quòd non habeant cibos? & cap. 39. Nunquid nosti tempus partus ibi cum in petris, vel parturientes ceruas obseruasti? Dinumerasti menses conceptus earum, & scisti tempus partus earum? Incuruantur ad fœtum, & pariunt, & rugitus emittunt. Separantur filij earum, & pergunt ad pastum. Egrediuntur, & non reuertentur ad eas. Quis dimisit onagrum liberum, & vincula eius quis soluit? Cui dedi in solitudine Domum, & tabernacula eius in terra falsuginis. Cōtemnit multitudinem ciuitatis, clamorem exactoris non audit. Circumspicit montes pascuæ suæ, & virentia quæque perquirat. Nunquid volet rhinoceros seruire tibi, aut morabitur ad præsepe tuum? Nunquid alligabis rhinocerotā ad arandū loco tuo, aut con-

fin-

fringet glebas vallium post te? Nunquid fiduciam habebis in magna fortitudine eius, & derelinques ei labores tuos? Nunquid credes illi quoniam semetem reddat tibi, & arcam tuam congreget? Penna Struthionis similis est pennis Herodij, & Accipitris. Quando derelinquit oua sua in terra, tu forsitan in puluere calefacies ea? obliuiscitur quod pes conculecet ea, aut bestia agri conterat. Duratur ad filios suos, quam non sint sui. Frustrà laborauit nullo timore cogente, priuauit eam Deus sapientia, neque dedit illi intelligentiam. Cum tempus fuerit in altum alas erigit deridet equum & ascensorem eius? Nunquid præbebis equo fortitudinem, aut circueundabis collo eius hinnitum? Nunquid suscitabis eum quasi locustas? Gloria narium eius terror, terram ungula fodit, exultat audacter, in occursum pergit armatis. Contemnit pauiorem, neque cedit gladio. Super ipsum sonabit pharetra, vibrabit hasta, & clypeus. Feruens, & fremens, sorbet terram, neque reputat tubæ sonare clamorem. Vbi audierit buccinā dicit Vah. Procul odoratur bellū, exhortationem ducum, & ululatum exercitus. Nunquid per sapiētiā tuā plumescit accipiter, expandens alas suas ad austrum? Nunquid ad præceptum tuum eleuatur Aquila, & in arduis ponet nidū suū? In petris manet, in præruptis silicibus commoratur, atq; inaccessis rupibus. Inde contemplatur escam, & de longè oculi eius prospiciunt. Pullicius lambunt sanguinem, & ubicunque cadauer fuerit statim adest. hæc Iob.

Ut corporearum substantiarum præstantissime sunt, quæ vocamus animalia, ita ex naturæ eorum contemplatione, maxime erigitur humana mens in altissimi Dei contemplationem. Nimirum optimum opificium optimi opificis argumentum est. Proinde Dominus recēsitis quamplurimis quæ spectant ad mundi partes sensu carentes, attingens per capi-

ta, quæ spectant ad animalium historiam, disputationē claudit. Nihil autem mirabilius est in animalium genere, quàm id quo à reliquis corporibus differt, puta cognitio: in hac verò mirabilis tanta differentia, ut alia sint stupidissima, alia sagacissima, alia audacissima, alia timidissima, alia proli-aman-
tissima, alia negligentissima. Porro mirabilis est compositio singulorum corporum, & partium omnium ad mores accommodata structura. Mirabilis quorundam animi vigor, postremo & corporis moles. Quæ omnia attestatur quam maximè sapientiæ, potentiæ, & bonitatem Dei: quandoquidem fieri non potest, ut animantia, vi cognoscendi, & sapientia plus aut minus participant, & prima rerum omnium causa quæ ipsa fecit non sit intelligens & sapiens. Ad hoc argumentum spectant verba illa Psalmi 93. intelligite insipientes, & stulti aliquando sapite. Qui plantavit aurem, non audiet, aut qui finxit oculum non considerat? Quod quidem argumentum firmissimum est, si semel concedatur, hominem ut & quodcunque aliud animal Dei esse opificium. Non enim posset Deus audiendi aut videndi organum formare, ipsum audire, aut videre non agnoscens, Neque eum adhuc nihil esset extra ipsum, poterat nisi in se ipso agnoscere, quare necesse est ipsi præstantiori modo esse ea omnia, cognoscere videlicet & sapere. Neque aliter possit quispiam id negare, quàm negans hæc a Deo quopiam esse facta, sed sponte constituisse talia, ut & ipse Deus per se se est. Hoc igitur refutans Dominus exorsus est hanc disputationem ab illis verbis. Vbi eras quando ponebam fundamenta terræ? & paulò infra in hoc ipso cap. dicit, Sciebas tunc quod nasciturus esses, & numerum dierum tuorum noueras? quasi dicat, tu ipse tibi conscius es, te nullibi tunc fuisse, ac ne fuisse quidem omnino, nihil igitur habes ex te ipso, ne ipsum quidem esse, sed ab alio

es factus, à quo necesse est acceperis quæcunq; tibi naturaliter insunt. Neque sanè sit satis dicere, à parentibus, nam illi etiam paulò ante te facti sunt, quapropter eadem est dubitatio, eundemque in infinitum, aut postremò consistendum in aliquo qui nunquam non fuerit, à nullo factus, à quo facta sint omnia, cuius sint per se bona omnia, quæ reliquis omnibus communicauerit. Si igitur non semper fuimus, ut nos ipsi nobis testes sumus, neque fecimus ipsi nos, ipse profecto fecit nos, qui semper, ac per se est, quapropter quidquid in nobis, aut alijs vllis rebus est boni, in illo necesse est sit eminentius. Ad hoc argumentum etiam pertinent prima illa verba præscriptæ orationis, Quis posuit in visceribus hominis sapientiam? vel quis dedit Gallo intelligentiam? quasi dicat, neque homo accepit sibi sapientiam præ reliquis animantibus, neque eam quam habent intelligentiam illis impertitus est. Necesse est ergo tributa esse hæc & alia omnia bona quibus participant, tum hominibus, tum reliquis animantibus, tum etiam reliquis omnibus rebus quæ natura constant, ab vno aliquo ente ante omnia entia, & bono ante omnia bona, cū quo nullus homo possit contendere: videbatur enim Iob velle contendere cum Deo, ut exprobabatur ei ab amicis. Dubitatum est à philosophis, de ea quæ brutis inesse videtur intelligentia. plerisq; negantibus esse illis vllam rationis vim, sed sensum solum, alijs etiam non paucis, asserentibus, præter sensum inesse illis quandam mentem. De qua quæstione Plutarchus libello de animalium industria, optimè mihi videtur disputasse. Negant vllam esse vim rationis brutis, hoc præcipuè argumento, quod omne animal esset rationale. Videtur autem rationale differentia animalis esse, quapropter ut in alijs contrarijs euenit, ita in hac quoque oppositione, necessario si vnum est, sit etiam alterum, ut si quodpiam est

animal rationale, sit etiam aliquod irrationale. Quare si homo animal rationale est, sit quod non est homo, animal rationis expers. His alij respondent, rationale & irrationale differentiam animalis non esse, sed corporis, numero quidem eandem cum sensibili & insensibili, eo quod rationale separari non possit à sensibili. Stratonem physicum referunt libellum quendam scripsisse, quòd sensus sine mente esse non possit, quod præcipuum est fundamentum eorum, qui plus aut minus censent animalia omnia ratione participare. Itaque hùc controuersia vertitur, an possit esse sensus sine mente: si enim non potest, necesse est animantibus omnibus mentem concedere, aut brutis etiam sensum denegare. Videtur autem non posse mens separari a sensu, quãdoquidem ut Hippocrates dicit, qui parte aliqua corporis dolentes dolorẽ non sentiunt, ijs mens ægrotat. Si igitur cum mens ægrotat alienataque est, ita ut sensuum organis intenta non sit, etiam si dolendi accedat causa nõ sentitur, multo minus sentire possit res vlla alia earum quę minus violenter sensum pulsant, nisi adsit mens, quod etiam in nobis ipsis experimur. Nam cum de realia attentius cogitamus, plurima ob versantur ob oculos, & aures, quę neque videmus, neque audimus. Si igitur animantia mente prædita, cum mens non attendit non sentiunt, multo minus sentire possent quę penitus essent amentia. Quòd si amentia sentire non possunt neque sensum possunt habere. Non potest igitur sensus esse sine mente. Ex hac, etsi natę sunt duę longè diuersę assertiones. Plerique enim eorum qui eam recipiunt, colligunt omnia animalia, plus aut minus esse mentis, & intelligentiæ participia. Quidam nostratium nuper, ne brutis concederet rationem, timens (arbitror) ne & immortalitatem cogeretur concedere, sensum etiam abstulit, negauitque vlli præter ho-

minem esse sensum, sed quæcunque à brutis sensu quodam
agi viderentur, sympathia quadam & antipathia potius agi,
& naturæ magis quam animæ esse opera. Si itaque dicta the-
sis recipitur, duorum alterum fit, aut nulli præter hominem
esse sensum, aut animantibus omnibus esse mentem, & ratio-
nem; quibus vtrumque videtur esse absurdum, negabunt
non posse esse sensum sine menti. Qui soli homini sensum
tribuit, difficilem possit adhibere interpretationem multo-
rum quæ in sacris scripta sunt. Nam de equo dicitur, ubi au-
dierit buccinam dicit, Vah, procul odoratur bellum, exhor-
tationem ducum, & ululatum exercitus. Rursum de Aquila:
inde cōtemplatur escam, & de longe oculi eius prospiciunt.
Neque solum Aquila & equus, sed & bos & asinus stupidissi-
ma animalia, agnoscunt possessorem suum, & præsepe Domi-
ni sui, cap. i. Esaiæ. Sed & opinio ipsa per se est absurda: nulla
enim fides haberi potest sensibus nostris, proceditque dubi-
tatio usque ad insaniam, si quæ cernimus intuitu quorundam
rerum perterrita fugere: rursum quibusdam rebus allici, pul-
sata vociferari, amicitia & inimicitia leges observare, solum
vllū habere negaverimus. Proinde hac assertionis parte, quæ
non longè abest à delirio dimissa, alteram consideremus. An
scilicet brutis ratio vlla insit. Videtur quidē inesse nulla, quia
ratio consensu philosophorum, destinatur ad virtutem: virtu-
tis verò & vitij non videntur bruta esse capacia, igitur neque
rationis. Alij contra, his objiciunt, multa animalium tam ter-
restrium quam marinorum, quàm etiam volatiliū opera,
quæ eadem si qui hominum faciunt, censentur prudētissimi,
quinetiam homines ipsos, quamplurima eorum ob quæ ma-
ximè laudatur, facere cepisse illorum imitatione. Quo pacto
igitur (dicunt) non sit iniquum illis eam laudem detrahere,
quam nobis ex eorum imitatione assumimus? Præterea ad
candem

eandem facultatem pertinet bene & malè aliquid facere . Nō enim euenit male videre auribus, aut malè audire oculis , sed vtcunque videre oculorum est, & audire aurium. Igitur desperare, aut insanire, eiusdem est cuius sapere, & bene ratiocinari Nemo. n. vocat lignū insipiens, quia scilicet sapere aptū non est. Videntur autem bruta nonnunquam decipi, quod quidē facit artem venandi iucundissimam, quia multis modis illis imponitur, etiam si non paucis illa utantur stratagematis ad vitandum insidias. Videntur etiam aliquando insanire, nam simiæ ebrietate corripiuntur, & vt alios morbos quam plurimos, ita hydrophobiam, seu rabiem pati solent canes maxime, sed & equus, bos, & asinus, & Camelus, quem morbum medici ponunt in Maniæ generibus. Si igitur bruta possunt delirare, possint & ratiocinari. nam delirium lēsiō rationis est. Cum igitur ex hac parte adeò vrgeant hæc, videanturq; animalia omnia ratiocinari, suo quodque gradu, & alia plus alijs (quis enim neget asinum stupidiorē esse vulpe, & struthionem perdice?) alia verò ex parte videatur à dignitate generis humani plurimum abhorrere, ratiocinādi vim cum omnibus animantibus habere communem, quid de hac quæstione statuendum sit videamus. Certè rationem aliquam esse brutis negare non possumus citra proteruiam: alioqui non ineptius denegatur illis sensus, nam quæ alia ratio est agnoscendi facultates quàm per actiones, aut actiones quàm per opera? Vt igitur, quia clamoribus terreri, ac fugari videmus capreos, concedimus eas audiendi facultate esse præditas, ita videntes lepores metu imminentis periculi trāsferre suos fētus, & canem spe capturæ, & cibi nondum præsentis insidias struere, necesse est concedamus prudentiæ quandā vim illis inesse. Nam ipsum prouidentia vtī nihil aliud est, quam nondū præsentia pericula præcauere, & quæ euenire possunt

bo-

bona, medijs appōitis procurare. Sensus enim præsentiū
solū est, multis tamen constat argumentis, hāc brutorum
rationem longe diuersam esse ab humana mente, neque ma-
ioris vel minoris solū ratione differe, sed ipso rationis esse,
atque ita ut rationis & rationalis nomen de vtrisque non vni
uoce dicatur, sed analogicè. Primum quidem, quia mens hu-
mana, natura sua & ex se se nata est ratiocinari simpliciter, &
circa quiduis. Studio enim & exercitatione fit hic strenuus
medicus, ille imperator, alius venator, alius agricola, faber a-
lius: rursum hic physica meditatatur, ille mathematica, ille etiā
theologica, posset qui nunc medicus, si didicisset, esse non mi-
nus strenuus theologus, & qui nunc theologus, imperator,
aut agricola. Nimirum ingenijacies est, auctore Platone, ve-
lut oculus tornatilis, mentis inquam oculus, qui se possit quo
quò velit vertere, brutorum verò nullum ratiocinari natum
est, nisi circa quidam, quò scilicet naturali quodam instinctu
fertur. Scit enim canis leporem querere, & perdici insidiari,
sed nescit lectum sternere, aut specum fodere: lepus contra,
lectum sternere, & cuniculus non sine magna arte domum
sibi facere subterraneam, neuter verò scit ex venatione viue-
re, neque fanè hoc canis, aut illud lepus, doceri vlla ratione
potest: igitur homo simpliciter rationalis est, brutorū quod-
cunque circa quidpiam: quapropter non simpliciter, sed quo-
dammodò, & analogia quadam. Præterea homo deliberat
& consultat de ijs quæ facit, nō enim solū cogitat, quo mo-
do possit hostem interficere, sed prius etiā, an expediat inter-
ficere, reliquorum verò animalium nullum. Nunquā enim
felis consultauit de ignoscendo muri, aut canis de innocen-
tia circa selem, nimirum nullū horum operatur ex arbitrio,
sed ex naturali propensione. Vnde (dices) nosti? inde certe,
quod quæ eiusdem generis sunt, omnia sunt sui similia, faciūt
que.

que eadem. Non enim ut hominum alius est cruentus, alius innocens, atque idem homo hodie mitis, cras crudelis, hodie iustus, cras iustitiæ contemptor, ita felis hic mures sectatur, ille tueretur; aut hodie eis velscitur, cras illis ex suo tribuit, sed idem semperque faciunt omnes, quod evidenti argumento est, non ex libertate vlla, aut arbitrio, sed ex natura eorum operationes, & intelligentiam fluere. Nimirum natura eadem est, similibus, atque eisdem semper, voluntas non eadem. Huc respexit Hippocrates dicēs, naturam nullo doctore uti. Nimirum quæ natura sunt, neque ex doctrina, neque ex meditatione procedunt, sed ex quadam propensione, quapropter qui ab homine tollit liberum arbitrium, nihil aliud quam belluam ipsum facit. Cum igitur propriè ratiocinari non sit, utcumque facere aliquid cum præsentione finis, sed consultare cum electione mediorum, & aliorum cum alijs collatione, idque brutis non insint, constat hominem solum, esse rationale animal propriè, reliqua non nisi analogia quadam. Præterea nihil eorum de quibus ratiocinatur aliorum animalium vllum est incorporeum, aut æternum, sed omnia sensibilia, & caduca, nam de querendo victu, de ineundo coitu, de nutrienda, & conservanda prole, de fugiendo dolore, de uita valetudine que tuenda, de incorporeis verò, & diuinis, aut de immortalitate, nulla illis subest cogitatio. Quis scis dices? quia nullus illis Dei cultus, nulla cura iusti & equi, nihil faciunt ad adipiscendam immortalitatem, sed solum ne tunc moriantur. Sed & hoc quis sciam interrogabilis. Quia nullis ea videmus nominibus inclinari, nulla vindicta criminum uti, nullis virtutum præmiis. Neque verò possent sine communibus legibus, neque sine legum peritiis, neque hæc sine sermone, quem videmus illis negatum esse a natura, qui sane natura est adeò coniunctus cum ratione, ut merito Græci idem nomen utrinque de-

accidenti, quia scilicet dum in corpore est, sensibus uritur.
 Delirare itaque possunt bruta ob imaginationem, & ob eam
 quam habent rationem, quoniam eam quæ propriè ita nun-
 cupatur, & liberam deliberandi vim non habent, neque virtu-
 tis neque vitij sunt capacia, neque pœnæ neque præmij di-
 gna: nimirum operatio secundum virtutem ex deliberatio-
 ne procedit. Hanc ipsam ob causam neq; veram sapientiam
 habere possunt, quia vera sapientia nunquam separatur a vir-
 tute. Est enim sapientia, vt in sexto Ethicorum, & primo Me-
 taphysicorum dicitur, scientia rerum honorabilissimarum,
 huiusmodi sunt quæ diuina, æterna, & verè bona, quapro-
 pter qui circa hæc non fallitur, is sapiens est. Quod cum ho-
 mini nisi Dei beneficentia contingere non possit, constat sa-
 pientiam à domino Deo esse, vt in initio Ecclesiastici dicitur
 atque vt in tertio cap. eiusdem, filios sapientiæ esse ecclesiam
 iustorum. Vera itaque sapientia est, quæ per veram fidem cõ-
 paratur diuinarum rerum notitia, cum meditatione diuinæ
 legis. Quâdoquidem igitur, vt est indicatum, brutorum na-
 tura horum capax non est, non sine magna proprietate dici-
 tur in præscripta oratione. Quis posuit in uisceribus hominis
 sapientiam, vel quis dedit gallo intelligentiam? Nimirum
 animalium solus homo sapientiæ est capax, quia is solus ha-
 bet delectum boni & mali, & rerum diuinarum cognitionē,
 reliqua intelligentiam quandam rerum minimè diuinarum,
 de quibus vt indicatum est, naturaliter etiam ratiocinantur,
 non tamen consultant cum deliberatione. Vollens igitur
 Deus in sui cognitionem trahere hominem interrogat. Quis
 posuit in visceribus hominis sapientiam? hoc est in humana
 mente notitiam diuinorum, & scientiam boni & mali? vt sci-
 licet homo intelligat, non alium quam Deum fecisse hæc, ea-
 dem enim est interrogatio, & illa Psalmi, multi dicunt, quis
 often-

ostendit nobis bona? signatum est super nos lumen vultus tui domine. Hoc est, multi dubitantes interrogant, quis ostēdit nobis bona, hæc inquam esse bona & facienda, illa mala & vitanda, aut quæ est regula dignoscendi bonum & malum? Re vera regula & ratio est voluntas Dei. nam cum is sit primum & summum bonum, nil possit in hac vniuersitate bonum esse, nisi quod ei sit conforme. Porro cum Deus sit primum principium omnium, nihil potest esse bonū quod non ametur a Deo antequam ab alio quopiam, amor igitur Dei est regula bonitatis veræ, & nomine vultus Dei significatur æterna eius voluntas. Naturalis verò. Lex est significatio diuinæ voluntatis, quam Deus ipse nostris mentibus insēuit, vocaturque proinde lumen vultus Dei: atque hoc ipsum est, ponere in visceribus hominis sapientiam. Itaque Deus posuit sapientiam in visceribus hominis, signans super nos lumen vultus sui: Gallo verò & reliquis animantibus dedit intelligentiam. Hanc galli naturam mirati sunt omnes qui de animalium historia scripserunt. Plinius cap. 21. libro 10. ita inquit. Proximè gloriam sentiunt, & hi nostri vigiles nocturni, quos excitandis in opera mortalibus, rumpendoque somno natura genuit, norunt sydera, & æternas distinguunt horas interdium cantu: cum Sole eunt cubitum, quartaque castrensi Vigilia ad curas laboresque reuocant, neque Solis ortum incautis patiuntur obrepere, diemque venientem nuntiant cantu: ipsum verò cantum plausu laterum, imperitant suo generi, & regnum in quacunque sunt domo exercent, dimicatione paritur hoc quoque inter ipsos, velut ideo agnata tela crucibus suis intelligentes. Neque finis, sæpè commorientibus. Quod si palma contingit, statim in victoria canunt, seque ipsi Principes testantur: victus occultatur silens, ægrèque seruitium patitur. Hæc Plinius de galli intelligentia, qui (res

mirabilis) videtur habere sensum glorię, & principatus, & notitiam motus cœli, ac syderum, siquidem ternis horis canit interdiu, & quarta vigilia castręsi, hoc est, exactis tribus noctis horis, & iterum iam iam aduentante die. Indicat mox dominus, non posse esse alium quam Deum, qui hanc intelligentiam dederit gallo, dicens, Quis enarrabit cœlorum rationem, & concentum cœli quis dormire faciet? quasi diceret, constat non potuisse tribuere gallo hunc sensum temporum, nisi qui perspectum haberet exactè cœlorum motu, hunc autem quis habebit? aut quis enarrare exactè poterit rationem motus cœlorum? quasi dicat nemo, nisi qui eis rationem posuit, quique poterit sedare eius concentum cum volet, quem scilicet ipsemet excitauit in ipsa mundi creatione, quando fundabatur puluis in terra, & glebæ compingebantur. Ex his facile est intelligere, quàm arroganter Astrologi, quæ ad rationem illorum motuum spectant affirmant, quasi ipsos nihil eorum quæ ibi geruntur lateat, cum tamen ut ab sunt illa longè à nostris sensibus, difficillimum sit ut inquit Aristoteles, quippiam de ipsis pronunciare. Laudandi tamē sunt ob eximiam diligētiam, qua cum mathematicarum peritia, tam multa sunt assequuti; vituperandi verò nisi intelligant esse longe plura quæ ignorentur, neque exactè illorum quippiam ab alio cognosci posse, quam ab eo ipso qui (ut Platonis utar verbis) dies & noctes, & menses, & annos, qui ante cœlum non erant, tunc nascēte mundo nasci iussit. Quod vel inde facile est intelligere, qdod annorum alia est supputatio apud Ptolomeum, alia apud Alfonsum regem, alia apud Copernicum, quasi peritissimis eorum exactam computationem motus Solis, qui cœlestium omnium videtur esse regularissimus, & euidentissimus, nondum tenētibus, aut ipsis annis non semper æqualibus, sed inuicem ob causas nondum per-

perspectas variantibus. Vix ulla ætas est, qua non inducant Astrologi nouam aliquã hypothesim, & motum alium, aliud ve corpus ponant, quod euidentius est argumentum incertitudinis. Quid ergo num verisimile est gallum nosse sydera, & ternis horis distinguere eorum motum? Non sanè, nam etiã si, vt ibidem inquit Plinius, ea sola volucrum cœlum aspiciat crebrò, minimè tamen notare sydera potest, cum eat cubitū cum Sole, sed necesse est naturalem habeat aliquam cum cœlo sympathiam, qua ternis horis ita afficiatur, vt latera sua pulset, & canter. Quantò verò ipse minus potest quos distinguit cœli motus agnoscere, tantò maioris sapientiæ eius qui fecit argumentum est. Magis enim miramur gallos quarta hora castrensi excitari ad cantum, quàm monachos media semper nocte, tametsi hi multo minus a sua hora deerrent.

Verum in his agnoscimus studium, & curam, in illis sine vlla institutione solam naturę vim. Quare cum illorum peritiam non agnoscamus, superest vt ad peritiam authoris referatur velut quòd horologiū motu gnomonis, & pulsatione cymbali, metiatur & distinguat nostra tempora, refertur ad peritiam artificis. Vex hoc igitur constat, cum qui dedit gallo hanc naturam, rationem cœlorum, & motus syderum exactè tenere. Is cum esse non possit nisi qui fecit cœlum & terram, constat eum vt maximum, & optimum, ita esse & sapientissimum. Quapropter nemo possit cum illo cōtendere. Quod dicitur, concentum cœli quis dormire faciet? ad Pythagorę dogma videtur spectare, cœlentis cœli motu cieri maximum cumq; suauissimum & pulcherrimum concentum. Verum quia (nisi quid hîc est, quod non intelligam) cœlorum motu nullus sonitus cieri potest, cum is passio aeris sit, satius est nomen concentus (vt placet Diuo Thomæ) accipere metaphoricè pro motuum illa mirabili proportionem. His dictis, trans-

greditur

greditur ad alia. Nūquid (inquit) capies leenę prædam? quod quidem & multa alia quę sequuntur, bonitatis & providentię Dei circa animalia præstant argumentum, quę (quia in ijs quę maxima præmuntur indigentia, aut maximè destituta sunt, aut minime proprio vel alieno cōsilio iuvari possunt præcipuè agnoscitur, talium profert Dominus exempla. Leo voracissimum animal est, tamen cum liberè decerrat, & diuagatur per silvas, non est adeò mirum prædam capere quę sibi possit esse satis: tamen leenę cum cubat in antro, ne catulos suos deferat, quis potest escas suppeditare, quibus eius & catulorum (qui etiam sunt ualde uoraces) impleantur animę & satientur? Nunquid (inquit) tu capies leenę, quam præstes prædam, & implebis animam, hoc est, satiabis appetitum catulorum eius? quasi dicat, non. Sed illud est opus providentię Dei, qui dat escam omni carni, & implet omne animal benedictione & abundantia. Addit aliud exemplum appositissimum, eorū qui destituti sunt, dicens, Quis præparat coruo escam suam, quando pulli eius clamant, vagantes eo quòd non habeant cibos? quod idem in Psalmo 146. ita est scriptum. Qui dat iumentis escam ipsorum, & filiis coruorum inuocantibus se. cuius loci interpretes narrant, coruos pullos suos adhuc deplumes destituere in nido, neque nutrire usque dum nigrescant, quòd suos esse ante non agnoscant. vel, ut alij existimant, quòd sint adeò obliuiosi, ut redire in nidum non recordentur. Interim ergo illos, omni destitutos ope clamare quasi Deum inuocantes, & nutriri cœlesti rore, aut præteruolantibus muscis, aut vermiculis in nido genitis. Cæterum quia non inueni hoc apud veteres naturalis historię scriptores (etiam si id dicat Diuus Gregorius in Moralibus) & quia illa vox, vagantes, in eiectos iam nido magis fertur, quam in eo manentes, existimo hîc innui, quod Aristot.

& Plinius, & Aelianus testantur; coruos in locis arctioribus, & vbi non satis cibi sit pluribus, duos tantum habitare, atque pullos suos vbi primum volandi potestas est, nido ei cere, ac regione tota expellere, cum tamen reliquæ volucres, aliquan diu postquam volare ceperint cibos suis pullis præstent, infirmioribus scilicet adhuc quàm vt ipsi sibi comparare possint. Quoniam igitur coruorum filij infirmi, & venandi imperiti fugantur, & destituntur, nihil possunt aliud, quàm hûc & illûc vagantes, querulos clamores in aerem fundere, quòd nihil est aliud, quàm ipsum rerum omnium parentem Deum naturaliter inuocare. Cuius qua in re potest benignitas illucere magis, quàm quòd ne corui quidē animalis infauitissimi & despiciatissimi, pullos in tanta constitutos inopia perire sinerit. Hoc fortasse dixit Dominus Iob, ne tametsi fortunis omnibus priuatus, & orbarus filijs, & oppressus grauissimo morbo, & a familiaribus destitutus, ab amicis etiam & vxore ludibrio habitus, de diuina ope dubitaret, aut se putaret penitus derelictum. Addit. Nunquid nosti tempus partus Ibicum in petris? vel parturientes ceruas obseruasti, dinumerasti tempus conceptus earum? & cætera, quæ etiã vt priora, spectant ad prouidentiam Dei. Hanc vt homini indicet, profert in medium animalia agrestia, & quæ per sese vitam agunt liberam in abruptis môtuum præcipitijs, aut secretissimis saltibus, quibus tamen neque ad generationem, neq; ad alimentum deest quippiam, profert verò hæc potius, quia equorum, iumentorum, & domesticorum suum, & gregaliu animalium cura & procuratio, ad hominem videtur pertinere, vt ad hipparchos, muliones, agricolas, & pastores: ibicum verò, ceruorum, onagrorum, & rhynocerorum, nulla est humana procuratio. Neq; enim habent admissarios ad ineundum coitum, vt equi & asini, neque a pastoribus adiuantur cum pariunt,

vt

vt oues ac capræ, atque cum opus est, vaccæ, neque præsepia
 illis, vt his parantur, neque aguntur ad pascua, tamen nihil il-
 lis deest. Quapropter cum aloga sint, necesse est fateamur il-
 lorum vitam & prolem, ad aliam causam quæ sit prudentissi-
 ma pertinere. Cuius quidem diuina prouidentia cõ nobis mi-
 rabiliior videri debet, quò nō vno, sed pluribus, atq; adeò con-
 trarijs nonnumquam modis prospicit. Quibusdam enim in-
 telligentiam tribuendo, alijs hanc ipsam detrahendo, atque
 vtroque modo vtrorunq; consulit incolumitati, ita vt vtrun-
 que summæ ipsius sapientiæ argumentum sit. nam ibici &
 ceruæ intelligentiam tribuit, illi quidem vt in summis mon-
 tium cacuminibus, & inaccessibilibus petris pareret, huic, vt sec-
 cessus feris habitatos relinquens, semitas vestigijs humanis tri-
 tas non caueret, & vtraque suo modo sibi prospiceret, ibis qui-
 dem conscendendi difficultate homines æquè ac feras vitans
 cerua, vt securi sint a feris, hominis benignitati suos commit-
 tens fetus. Neque harum alterutra facit insipientes, sed utraq;
 quod sibi magis ex usu est. Ibices enim sunt tantę pernicitatis
 vt quæ sunt alijs inaccessa possint facile occupare, de quibus
 Plinius hæc scripsit, Sunt ibices pernicitatis mirandæ, quam-
 quam onerato capite vastis cornibus, gladiatorumque vagi-
 nis, in hæc se librant, vt tormento aliquo rotati in petras, potis-
 simum è monte aliquo in alium transilire quærentes, atque
 recessu perniciosius quò libuerit exultant. Cerui agnoscunt ho-
 minum clementiam, & (ut idem scribit Plinius) vrgente vi-
 canum, vltro confugiunt ad hominem. eadem prorsus cau-
 sa eos minus timent, ad quos & confugiunt, proinde eorum
 vestigia pro fetibus suis non deuitant, tamenli eorum quæ ad
 partum spectant. & prolem, fœminæ sunt prouidentissimæ.
 nam & ante partû sese herba Sefeli vocata purgant, faciliore
 ita utentes utero (Dioscorides de Sefeli scripsit, capris, cæte-
 risque

risque pecudibus datur in potu, quo facilius suos fetus emittantur) & à partu habent duas herbas, Aron & Seselem quibus postea redeunt ad fetus. Narrat Plinius & ante illum Aristot. editos fetus exercent cursu, & fugam docent meditari, (qua scilicet animal natura timidum maximè indiget) ad prærupta ducunt, saltumq; demonstrant. Itaq; duobus his generibus, intelligentia prouidit Deus: Struthiocamelo autem stupiditate, & obliuione sui partus. Id animal cum penas habeat non minus quam Herodius, siue Ardea, quæ in adeò sublime volatu se extollit, tamen volare omnino nō potest, quia tāta corporis mole est, vt magnitudine æquet equū & insidentē ei hominem: vititur verò alis velut explicatis velis ad currēdum, quod facit tanta pernicitate, vt concitatissimum etiam equum prætergrediatur, qui videtur vtrāq; ratione equum & ascensorem deridere, quòd scilicet citra volatum, suis pedibus insistens, & magnitudine & celeritate vincit. Est verò hoc adeò gloriosū animal, & formationis adeò raræ, vt ambiguum sit ad volatiliū an gressiliū spectet genus, exiguo capite, cerebro penè omnino caret: vt autē cerebro, ita & intelligentia, est enim in procuranda prole (quæ maxima est alogorum intelligentia) adeò stupidum, vt derelinquat oua sua in terra, & obliuiscatur quod pes hominis possit conculcare ea, & bestia agri possit conterere. Duratur ad filios suos quasi non sint sui: ita enim illorum obliuiscitur crudelis scilicet in prolem (nam & cap. 4. threnorum Hieremix dicitur, Filia populi mei crudelis quasi struthio in deserto) neque recordatur laboris quem pariendo subiuit, sed quasi frustra laborauerit, destituit nullo timore cogente ad eorū custodiam. Nihil enim præ stupiditate & obliuione & crudelitate filiis suis timet, neq; cauet, quapropter frustra quidem laborasset, nisi Deus omnium parens, sua prouidentia serua-

ret. Hæc cum (Deo ipſo aſſerente) vera ſint, conſtat falſum eſſe quod multi affirmant, Struthiocamelum ardentiffimè amare ſuam prole: oua verò ſub arena Lybica relinquere Solis calore fouenda, neque ipſam more aliarum auium incubare, ne mole corporis comminuat, grandior multo cum ſit, verum crebrò reuerti, atque eò verſus ſpectare ad cuſtodiam ouorum. Nam quo pacto hoc non ſit falſum, ſiquidè præ obliuione illa deſtituit. Neque minus mihi videtur eſſe falſum, quod Ælianus de eius captura narrat, immittere inquam ſe in ſpicula acuta expanſis alis, præ ardenti pullorum amore. Nam quo pacto adeò ardens amor pullorum ferre poſſet tantam obliuionem, & crudelem negligentiam ouorum? Putauerim potius, ſi quando ita capitur, & in ſpicula vltro impingit, præ ſtoliditate id facere, quia priuauit illam Deus ſapientia, neque dedit illi intelligentiam. Quid vero, nūquid non ſatius eſt oua in ardente arena deponere, quam demiffa, in illa tanta mole frangere? ſatius certe. Id verò non eſt ſapientia Struthionis, Sed Dei, qui vt nuper dixi, illius animalis prouidit proli, illi detrahendo intelligentiam, & amorem. Struthione enim, præ ſtupiditate, crudelitate, obliuione, & veluti veterno quodam, deſtituente prolem, euenit quod illis ex vſu eſt, vt Solis calore extrudantur pulli, neque matris ſue corpore onerantur. tanta eſt Dei Opt. Max. ſapientia, vt quorundam etiam ſtupiditate & crudelitate, in eorundem cuſtodiam vt ſciat. Deinde proferat Dominus exemplum intelligentia, inſignis & fortitudinis, equum ſcilicet, cuius tanta eſt bellica intelligentia, tanta audacia, tantus furor, vt fortiffimè irruat, & iuba, quam habent circundatam collo erectione, & hinnitu, ac fremitu, per turmas irruentes vt locuſta, & inflates nares, hoſtes deterreant: terram ungula fodiunt, exultant audacter, pergunt armatis in occurſum, neque paucant, neque cedunt gladio.

dio. Sonantibus super ipsius pharetris & hastis vibratis, & fulgentibus clypeis, non solum non terrentur, sed multo magis irritati, feruentes, ac frementes, sorbēt naribus terram, neque reputant tubæ sonare clangorem, hoc est, neque clangore tubarum quæ ab aduerso sonant, terrentur, intelligentiam habent belli, & audientes buccinam quæ ipsos ad prælium vocat, dicunt Vah, hoc est exultant, & odorantur procul bellum, & intelligunt ducum exhortationem, & vlulatum exercitus. Hæc valde consonant cum ijs quæ Aelianus his verbis scripsit. Equus cum frēni crepitum, & strata, & cætera ornamenta videt, tunc fremit, & exultans vngularum supplensione obstreperit, & eorum conspectu, quasi furoris aflatu ad iter incenditur, voce equisonis excitatur, & aures erigit, & naribus inflatis celerem festinationem anhelat, quodam incredibili cursus studio ad currēdi memoriam rediens. De docilitate eorū ad prælia, inter alia multa hac inquit Plinius. Docilitas tanta est, vt vniuersus Sybaritani exercitus equitatus, ad symphonix cantum saltatione quadam moueri solitus inueniatur. Videtur ergo quod in præscripta oratione dicitur. Nunquid suscitabis equum quasi locustas, referri posse ad motum hunc cum quadam saltatione, & ad copiosas turmas. Vtrunq; enim locustis congruit. Rogat ergo Dominus. Nunquid præbebis equo fortitudinem, aut circumdabis collo eius hinnitum? nunquid suscitabis eum, quasi locustas? quasi dicat, non sane tu illi hanc belli intelligentiam, & fortitudinem præstare posses, neq; ipse sibi accipere potiusquam bos, aut alinus, aut ceruus, sed necesse est referas hæc ad vnum omnium conditorem, qui vt est primum ac summum bonum, omnibus sua cuique bona imperitus est, atque virtutum omnium symbola in diuersis expressit naturis, deditque omnibus intelligentiam. Quæ cuique

maximè esset ex usu. Exemplo sunt præter dicta, accipiter, & Aquila. Accipiter ab accipiendo dicitur. Quapropter omnibus auium generibus, quæ ex raptu viuunt, videtur id nomen congruere, vt & Aquila etiam, & Miluus, & aliæ omnes rapaces eo possent gaudere. At verò usu effectum est, vt non omnibus, sed cuidam auium generi detur, quod, autore Aristotele non minus quam decem habet differentias, vt aurem antiqua nomina (hæc sunt, Triorchis, Aesalo, Circus, Asterias, Pernes, Phasophonus, Subuteo, Chalchis, Prinx, Chencris) non facile singulis accommodatur, nunc vbique, (quod de solis quibuldam, & cuiusdam Traciæ partis hominibus, ab Aristotele traditur) communi cum hominibus intra societate aucupantur. His enim ad aliarum auium capturam homines vtuntur, & prædæ particulam illis communicant vocantur vulgaribus nominibus, Alciones, Primula, Alcotani, Torfeli, Gerifalti, Vafarces, Capallani, & alia eiusmodi. Velle singulis sua nomina ex antiquis reddere coniectando, operosum esset & ambiguum, & ad nostram institutum minimè necessarium, illud solum præsentis loci est nosse, eas aues vere plumas commutare, at ea commutatione quodammodo iuuenescere, vt & serpentes commutata pelle, & cerui commutatis cornibus, ac ferè iumenta omnia pillis. Cum igitur accipitres oporteat singulis annis deplumescere, illi à natura ipsa docti, eo ipso tempore expandunt alas suas ad Austrum: quia (arbitror) is ventus laxat corpora, contra ac Aquilo, qui densat: laxata igitur cute, amplioribusque factis poris, facilius excidunt plumæ. Aquilarum quoque censentur multa genera, sex ab antiquis, inter quæ Halietos quæ clarissima pollet oculorum acie, librās ex alto sese, & viso in mari pisce, præcepit in eum ruit. Hæc

cadem

eadem Aquila, implumes etiamnum (vt testatur Plinius) pullos suos percutiens, subinde cogit aduersos Solis radios intrueri, & quem conuiuentem nictantemque animaduertit, nido eijcit tanquam adulterinum, & degenerem. Neque verò ad pisciculum solum sese demittit, sed ad lepores, cupiculos, & alia animalcula quæ dirripit, ac deuorat. Pulli verò eius lambunt sanguinem: ipsæ vero Aquilæ ad cadauera congregantur, vt & corui, & quæ ex Aquilis videntur degenerare, Ossifragæ. Ex mirabili ergo etiam Aquilæ natura, volens Dominus omnium agnosci, inquit. Nunquid ad præceptum tuum eleuabitur Aquila, & in arduis ponet nidum suum? in petris manet, & in præruptis silicibus commorabitur, atque inaccessis rupibus, inde contemplatur escam, & de longe oculi eius prospiciunt. Pulli eius lambunt sanguinem, & ubique est cadauer statim adest. Quod quidem carniuoris omnibus est commune, omnium tamen maximè generi coruorum congruit, quæ ob eam causam habebitur infauista auis, vt scilicet de mortui corporis indicium.

CAPVT QVINQVAGESIMVM

S E X T V M.



LEA verba Iob. capite trigesimo octauo. Quis enarrabit cœlorum rationem & concentum cœli quis dormire faciet, videntur plurimum adstipulari illi Pythagoricæ sententiæ de cœli concentu, & musico sonitu. Videbantur enim Pythagoræ cœlorum orbem moueri ad numerum, atque mira quadam proportionem choreas agere, inde ergo verissimile esse, diuinum quen-

dam

dam suauissimumque concentum nasci, eò (arbitror) quòd omnia sint in hac vniuersitate facta in numero, ac proinde pulchra: omnium autem corporù pulcherrima esse videantur cœlestia: pulchritudo verò post illa quæ in conspectum cadunt, in concentu maximè reperiri possit. Hanc sententiam sequutus etiam est Cicero in Somno Scipionis. Quam tamen Arist. capite nono, secundi de cœlo refutauit non temere, sed in medium productis Pythagoreorum rationibus, reque vtrinque satis examinata, illis (inquit) videbatur necessarium, tantorum corporum tam celeri latione sonitum edi, eò quod minorum corporum minus celeri latione hîc apud nos sonitus cieatur. si autem omnino editur cœlestibus motibus sonitus, cum sint corpora magnitudine adeo diuersa, & celeritate, proportionem tamen quadam, necesse est edi diuersos acuties & grauitate sonitus cum quadam proportionem, vnde necesse est oriri quandam concentum. Hæc quidem opinio plausibilis est, si quis tamen rem exactè perpendat, minus vera. Nam si sonitum edunt cœli, eum oportet esse maximum, cur ergo nō audimus? respondit Cicero, quia absurdum est præ sonitus magnitudine, vt qui habitant ad Nili ortum. Aristot. pro illis respondet acutius, quoniam ex quo nascimur, hic sonitus citra vllam intermissionem comitatur, non potest dignosci. Nam contrarium agnoscitur ex contrario, atq; sonitus ex silentio, & silentiū ex sonitu. Sed cur audimus aliud quippiam? cur non tam excellens sensibile corrumpit penitus sensum? Neq; solum hoc, sed cur non præter sensum nos quoq; totos atterit & perdit? quin & alia omnia corpora? Nā tonitrua sæpe (quæ tamen illi sono nunquam possunt comparari) domos faciunt tremere, atq; solo prosterunt, frangunt lapides, & robustissima quæq; corpora scindunt: nō igitur cœli sonitum illum edunt. Præterquam quòd, neque

si aliter cōsideremus, videtur fieri posse. nam sonitus est passio diuerberati, aut discussi aeris, vel corporis spiritalis, & tenuis, at verò orbes cēlestes nullum inter sese aerem habēt quē comminuant, nullum igitur sonitum suis circuitiōibus possunt edere. Ipsa verò stellarū corpora, siquidem per se non feruntur, sed cū orbibus quib. affixa sunt, multo minus. Nullus igitur sonitus edi potest à cēlestibus corporib. si cēli ipsi, velut antea indicauimus, solidissimi sunt & lenes, nihilq; aeris, aut omnino substantiæ alienæ intercipiunt, astra verò vt quædā eorū partes, feruntur cū illis. Sed neq; si cēlorum substantia tenuis est, ac velut fumus quidā vt aliis placet, sonitus ullus sit; si astra cum illis feruntur, vt nauigium, quod cum fluuio decurrente fertur, quē enim ita feruntur, quia medium non fecant, sonitum non edunt. Solum igitur superest, fieri posse vt sonent, si cēli substantia tenuis est, & quiescit, atq; per eā quiescentem feruntur astrorū corpora prægrandia & solida: hoc verò fieri non potest, nisi etiam cēlorū substantia sit ortui & interitui obnoxia: findetur enim, desabitur, rarefcetq; sed hoc si ita haberet, ederetur profectò sonitus secundū corporū magnitudinē, & lationum celeritatem, tantò omni alio eorum qui apud nos nunquam auditifunt, quanto illæ, & magnitudines & celeritates, his sunt maiores. Dissiparentur ergo hæc ab illis, non solum nostri sensus corrumperentur. Itaq; conuertentes argumentum dicimus, quandoquidem talis sonitus non editur ab astris, ea non moueri per se in æthere tenui sed vnico eodemq; argumento constare, & cēlos esse solidos & astra cū illis ferri, & nullum à cēlestibus corporibus edi sonitum, quare neq; concentum. Quod si ita est, constat concentum vocari in libro Iob a Domino (eius enim sunt illa verba) per metaphoram: illam motuum maximè concinnā proportionē. Nimirum in ipsis motibus, vt & in sonitibus, sunt cōcinq; quædā & aptæ proportionēs inuicem comparabiles.

ut videre licet in ijs qui saltant ad numeros, cantus, & musicos sonitus. Illas igitur aptissimas celi choreas vocat Dominus concentum, quem ipse dormire faciet, cum scilicet faciet post temporalem huius seculi volubilitatem, cœlum in æternum quiescens.

CAPVT QVINQVAGESIMVM

SEPTIMUM.



SALMO septuagesimoseptimo, ita scriptum est. Mandauit nubibus desuper, & ianuas cœli aperuit. Pluit illis manna ad manducandum (paucis interpositis) transtulit Austrum de cœlo, & induxit in virtute sua Africum. Et pluit super eos sicut puluerem carnes, & sicut arenam maris volatilia pennata. Et ceciderunt in medio castrorum eorum circa tabernacula eorum. Et manducauerunt, & saturati sunt nimis, & desiderium eorum attulit eis; non sunt fraudati à desiderio suo. Adhuc escę eorum erant in ore ipsorum, & ira Dei ascendit super eos. Et occidit pingues eorum, & electos Israel impediuit.

Multi censent aliud fuisse illud quod filiis Israel pluit in deserto, ab eo medicamine quo expurgandi gratia vtimur, æreo vocato melle & māna, cuius prouentus maximus est quo tannis in Calabria, & in locis quibusdam Hispaniæ etiam raris annis gignitur, quandoquidem censent fieri non posse ut illo vefcerentur, & nutrentur, qui in dissuerent potius penitus dissoluti ac laxari. Cæterum, ex descriptione mihi uidetur constare, eandem omnino rem esse, nam, ut dicitur capit. 11.

Nu-

Numerorum, descendebat noctu in castra cum rore. Atque (vt c. 16. Exo.) apparuit in solitudine minutū, & quasi pilo tū sū in similitudinem pruinæ super terrā: constat verò hanc esse ipsissimam generationem mannæ, qua ad expurgationes utimur. Tametsi enim quidam putauere esse potius gummi genus, quod exsudaret ex arboribus, aut lachrymam, alii opificium quoddam vesparum, aut apum, aut muscarum quarundam: intuenti tamen constare facile potest, esse rorem quendam crassiores, maturationem quandam à Sole recipientem, & concretionem à noctis frigore pruinæ more, vespas verò & animalcula eius generis multa, allici eius dulcedine, potiusquam efficere, si quid vero incisus corticibus destillet, id imbibitum ligno esse rorem. Quod verò in Exodo dicitur minutum, & quasi tufum, & in similitudinem pruinæ, in Numerorum libro, Erat quasi semen Coriandri coloris bdelij, nihil est aliud quam quod Mesues etiam dicit, his verbis, Diuersificatur autem secundum diuersitates rerum super quas cadit, cadens enim super lapides est sicut guttæ parvæ quæ cōgelantur, & fiunt sicut germen, & cadens super plantas suscipit de virtute plantarum, & est cum permixtione particularum foliorum & florum. Ex ea quæ super lapides cadit, melior est quæ est sicut semen album, & dulcis, & est recens: post istam verò in bonitate est, quæ est subcitrina. Ex his verbis constat duplex esse genus mannæ, alterum cadens super frondes, alterum super lapides (& terram scilicet) inter hæc vero præstantius esse quod cadit super lapides, quia alterum suscipit de virtute plantarum (tametsi vulgo præciosior est quæ de fronde vocatur, quod quàm sit verum ad præsens institutum non refert) porro constat quod simile est semini, esse quod super lapides, idque esse grandioribus partibus quàm alterum, atque si simul album sit, esse optimum

parum verò ab hoc deficere quod subcitrinum, scilicet colore bdelij. Est enim Bdelium colore vnguium, hoc est ab albo vergens in citrinum. Quod igitur vigesimo sexto, Exodi describitur minutum quasi pilo rufum in similitudinem pruinæ super terram, esse quod optimum: alterum verò quod quasi semen coriandri, coloris bdelij, secundum tenere bonitatis gradum, consentaneum autem est rationi in tanta copia, esse vtriusque satis multum. Si autem hoc ita habet, vt sanè videtur, quí fieri poterat, vt non laxatis ac dissolutis corporibus perirent? profectò ipsi sentiebant hunc cibum esse leuém. Nam vigesimo primo numerorum ita conquerebantur, anima nostra iam nauseat super cibo isto leuissimo: at verò cibos leues, & qui solidam substantiam corporibus non tribuunt, medicamenta etiam esse, atque expurgare, Hippocrates testatur libello de medicamentis expurgantibus, & fieri quidem potest, vt principio *is* cibis illis contulerit vt medicamentum, ad deponendam cacochymiam, quam ex esu cucumerum, peponum, porrorum, ceparum, & aliorum, quibus multo tempore in Ægypto erant cibati contraxerunt: expurgatis verò iam, consuetudo fecerit idoneum, & suauem cibum. Si enim consuetudo vel ex venenis potest cibum efficere idoneum, quantò magis ex cibis medicamentosis, accedente præcipuè Dei concursu quo non cibum solum, sed suauissimus etià, & delectamentum omne in se ipso habens efficiebatur. Neque enim hunc eleuo, cum naturales rerum causas inuestigo, sed laudo infinitam eius sapientiam, qui ita omnia disponit, vt etiam quæ sunt portentosissima, videantur bona ex parte secundum naturalem rerum ordinem euenisse.

Vt & cum populus querulus carnes polceret ad vescendum, arreptas trans mare coturnices detulit, auiculas scilicet,

et, maximo agmine trans mare impelli solitas vento vehementi, atque volantes circa terram altitudine tantum duorum cubitorum, ut ita facile ab omnibus caperentur. Ut autem transferret, abstulit Deus Austrum de cœlo, & in virtute sua induxit Africum, ventum scilicet vehementem, & procellosum. De quo Virgilius primo Aeneidos, Vna Eurus notusque ruunt, creberque procellis Africus, esse verò hæc omnia coturnicum naturæ & passionibus conformia naturales quoque cognouerunt. Nam Plinius capite vigesimotertio, libro decimo, ita inquit, Coturnices ante etiam semper adueniunt quàm grues, parua avis, & cum ad nos venit terrestris magis quàm sublimis, paulò post Austro non volant, aura tamen vehi volunt propter pondus corporis. Rursum paulò post, Aquilone ergo maximè volant. Sed cur (dices) non induxit Deus Aquilonem, sed Africum? quia (arbitror) Africus vehementia est proximus Aquiloni, situ verò est proximus Austro, cum sit inter hunc & Zephyrum, amat verò suauitas disponendi rerum causas, minimas commutationes. Accedebat situs locorum: si enim Africus qui transuersum flat iuxta Austrum coturnices in castra impulit, Boreas qui est è regione oppositus, expulisset potius. Hucusque igitur nulla vis est illata naturæ, sed secundum eius ordinem disposita omnia, velut etiam cum Deo visum est, populum ob pertinaciam punire, ille ipse carniū esus, quem tantopere expetuerant, attulit perniciem tam multis, ut vocatus is locus sit Sepulchra concupiscentiæ. Nam cum illi desueti iam cibis solidis, auidissimè sese carnibus repleuerint, comedentes usque ad sacietatem, ut odor carniū per nares expiraret, lethalibus morbis correpti sunt. Neque sanè parum ipsa carniū malignitas ad illorum perniciem effecit, coturni-

enim venenis vescitur, unde malignitatem aliquam contrahit, atque ut Plinius loco citato dicit, eam ob causam eas damnare mens. Narrat etiam Galenus in Doride Bæotiz, & Thessalia, atque etiam Athenis, multos convulsione correptos esse, esu coturnicum quæ veratro vescantur. Ralius quoque & Isaac in suis dietis, & Auicena secundo canone, & alij omnes medici qui illos sequuntur, maxime vituperant: adeo ut Aponensis dicat, carnes coturnicum omnium volatilium carnibus esse peiores. Id quod iam dicunt, non ob heleborum solum, sed per sese.

Orus Apollo Niliacus narrat, eam fuisse Aegyptijs de coturnicibus opinionem, ut in hieroglyphicis eam omnis immundicie & nequitie signum esse fecerint. Itaque hæc

omnia, Dei voluntate causas naturales dirigente,

effecta sunt. Quæ sanè nos admonent, ne

cum quidpiam nobis, siue commodi,

siue damni accidit, in Dei volun-

tatem referre recusemus, et-

si naturales rerum eius

modi causas a-

gnosca-

mus.

Quoniam om-

nia seruiunt

illi.

CAPVT QVINQVAGESIMVM
OCTAVVM.

SALMO nonagesimotertio, ita dicitur. Qui plautauit aurem non audit? aut qui finxit oculum non considerat? Verba hæc cōtinent argumentum quodam aduersus eorum sententiam, qui Deum esse omnino negabant, aut si cui rei id nomen tribueretur, eam non esse intelligentia

præditam, neq; omnino vlla cognitione, sed vt Solem, & Lunam, & Stellas, & ipsum primum mobile esse intelligimus, causas quidem eorum quæ in hoc generabilium & corruptibilium orbe geruntur, ipsas verò per sese nihil horum quæ efficiant intelligentes, efficientes enim nulla electione, aut voluntate, sed naturali quadam vi, aut potentia. Fuerunt verò in hac sententia (nequis aliter putet) plurimi philosophorum. Nam vt refert Plutarchus libello de Placitis capite septimo, Diagoras Milesius, Theodorus Cyrenensis, Euenerus Teagetes, Deos prorsus nullos esse censuerunt. Euripidem quoque fuisse eiusdem opinionis inquit, dissimulasse verò metu Arcopagitarum, inducentem in tragedijs Syssiphonem eius sententiæ autorem. Plinius quoque eiusdem sententiæ fuit, siquidem caput septimum libri secundi, quod est de Deo, post multa alia, non sine magna impietate, his verbis claudit. Per quæ declaratur haud dubie naturæ potentia, idq; esse quod Deum vocamus. Lucianum quid cōmemorē, qui nullis non modis deridet omnes de Deo sermones sed & Stoici omnes videntur mihi, & si Deum nominet nulli

tamen

tamen intelligenti causæ id nomen tribuere . nam censent Deum esse ignem artificem , via procedentem in mundi creatione , vniuersas seminales rationes intra se complectentem per quas omnia è facto fiunt . Insuper Spiritum per vniuersum mundum penetrantem : appellationes autem identidem mutantem , per vniuersæ naturæ quam peruadit confinia . His verbis nil aliud mihi uidetur significari , quam Deum esse , quem ego appello ignem permeantem per omnia , & spiritum Domini vocari in sacris , interpretatus sum super primo cap. Geneseos . Epicurei (vt Cicero mihi videtur rectè censuisse) nihil de dijs serio affirmarunt . Sceptici verò de Deo an sit , vt de re alia omni dubitant , vt videre est apud Sextum philosophum capite primo , libro tertio , Pyrrhonicarum hypotheseôn . Argumenta verò omnia negantium Deum esse qui prouidentiam habeat rerum humanarum , ferre mihi videntur in hæc tria redigi , quæ apud Plutarchum reperies loco citato . Primum , quodque Plinius maximi facit , si Deus est , nihil est ei factu impossibile , at verò (inquit Plinius) non est Deus qui possit omnia , quia non potest sibi mortem consciscere & si velit , neque mortales æternitate donare , aut reuocare defunctos , neque facere vt qui vixit non vixerit , qui honores gessit non gesserit , neque vt bis dena viginti non sint , neque habet vllum in præterita ius , nisi obliuionis , si igitur (inquit) vt Deus nihil aliud sit , quàm ipsa natura , si quidem Dei potentia nulla est , nisi naturalis , non est igitur ullus Deus , qui voluntate & cognitione operetur . Secundum , si Deus est , is est omni ex parte beatus , si tamen curas gereret rerum humanarum , haud dubie sustineret magnam molestiam & angeretur . Tertium , si Deus est , & curam gerit rerum humanarum , quam ob rem cum pessimo quoque fortuna præclare agere solet , contra eum præstantissimo quoque

pess.

peſſimè? hòc argumētū Sextus philoſophus ita præmit. Si-
quidem Deum eſſe & providere dicunt, aut providet omni-
bus aut aliquibus: ſiquidem omnibus provideret, non eſſet
neq; malum vllum, neq; vicioſus ullus, neq; ullum vitium: at
verò vitio plena eſſe plæraque videntur, non ergo omnibus
providet Deus. ſi autem aliquibus providet, aut vult & po-
teſt providere omnibus, aut vult quidem, ſed non poteſt, aut
poteſt quidem, ſed non vult, aut neque vult neque poteſt.
Si uellet & poſſet providere omnibus, omnibus provideret, ſi
vult ſed non poteſt, eius vires ſuperabit ea cauſa, ob quam nō
poteſt providere illis quibus non providet; ſi tamen poteſt
providere omnibus & non vult, invidus eſſe exiſtimari poſſit:
quod ſi neque vult neque poteſt, ſit & invidus & debilis. Hęc
autem omnia incidunt in maiorem impietatem. Non eſt
igitur Deus qui provideat, ſed aut nullus Deus eſt, aut is eſt
prima cauſa ſine ulla cura, quin & ſine ullo rerum aliarum
ſenſu. His adeo ſtultis cogitationibus, quas unico illo car-
mine Plalmi ſeptuageſimo tertio complexus eſt David, Dixit
inſipiens in corde ſuo non eſt Deus, occurrit nunc idem va-
tes dicens. Qui plātauit aurem non audiet, aut qui ſinxit ocu-
lum non conſiderat? quaſi dicat, quandoquidem non om-
nia quæ ſunt, ſunt entia per ſe, ſed alia ex alijs, & ab alijs fiunt,
& in ijs quæ fiunt, ſunt quædam ſenſus expertia, quædam ſen-
ſu prædita; neceſſe eſt eam cauſam à qua quæ ſenſu partici-
pant ſunt effecta, ſentientem etiam eſſe, alioqui dediſſet vir-
tutem qua careret effeciſſetq; aliquid ſe præſtantius, quod re-
rum naturæ repugnat. Nullum enim inter phyſicos magis
receptū axioma, quàm nihil operari poſſe ultra gradū ſuæ
perfectionis. Si igitur ſentiendi facultas eſt in poſteriorum
quibusdam, neceſſario ſit & in prima cauſa. Qua propter fie-
ri non poteſt, vt qui plantavit aurem non audiat, & qui ſe-

cit oculum, non consideret. Porro, auris & oculus, & quæcunque alia nostri corporis organa, maximè verò hæc quæ sensuum sunt, ita sunt composita, & ad actiones proprias ac commodata, ut nulla vel excogitari possit aptior compositio. Quæ res haud dubie, nisi stupidis, euidenter indicat, ea non casu, ita aut aliter cadentibus corpusculis, aut elementis, constituisse, sed in summa sapientia effecta esse. Nullatenus ergo à facultate cognitionis expertè, sed sapientissima. Licet apud Galenum octauo libro de usu partium, mirabilem sapientiam in effigendis audiendi & videndi organis legendo meditari. Quis hominum dubitet an fractuosum illum aurium porum, tortuosumque, nervo quodam quartæ coniugationis eorum qui nascuntur ex cerebro, substratum, & cute præterea duriuscula contextum, & in osse durissimo formatum, non temerè effectum esse, ibi, & talem, sed audiendi gratia? si enim neque alia in parte, neque aliter effici possit, ut esset transmittendis in animam sonis adeò aptum, euidenter coniectura est, ab aliqua sapiente causa esse aptatum. Nam præterquam quòd ad securitatem & tutelam cerebri, ut Galenus indicat, facit illa flexuosa meatus figura, ad ipsos sonos qui aeris motitatione constant excipiendos præcipuè esse factam, indicant mihi euidenter chonicæ quæcunque illa met figura cauæ, flexuosæ scilicet, & contortæ. Eæ enim auribus ad motæ, ex eo solo quem intra se continent aere, etiam nullo extrinsecus accedente motu, tinitum edere continenter sentiuntur, adeò facit illa figura ut aer inclusus sonet. Porus ergo ille accommodatissimus effectus est, ut illam ab aere passionem excipiat, nervus verò quorsum eò venit ex cerebro, nisi ut deferat facultatem quæ percipiat? ut certè ad oculos primi ueniunt ex cerebro molliores, & rariores, copiosiores spiritus, quibus ad uidendum erat opus excepturi. Iam uerò

in ipsis oculis humor vocatus crystalinus, rotundus quidem, sed secundū faciem externam habens peripheriam maioris circuli, quid aliud est, quam speculum crystalinum, colorum fulgoribus, seu speciebus recipiendis, accommodatissimum? Tunica cornea totum oculum extrinsecus finiens, quid aliud quam laterna cornea, ad recipiendum externos, & reddendum internos fulgores? adeò mihi videntur hac in parte homines nō solum quod ad figuram attinet, sed in ipsa materia speculorum & laternarum deligenda, imitati sapientiam nostri formatoris. Mitto dicere mirabiles usus tunicæ vucæ, cuius media perforatione constat pupilla, & circulo varicolore iridem refert: Retiformis etiam arachnoydis, & coniunctivæ, & humorum aquei & vitrei: quin & palpebrarum, & ciliorum, & superciliorum, atque adeò ipsorum ossium, integro enim ad recensendum libro opus esset, neq; eo exiguo. Vnico verbo indicabo hæc omnia, atque eorum singula, sapientissimè, & magnæ cuiusdam utilitatis gratia esse ita aptata. Deme aut muta quodcunq; horum, vel pilos ciliorum, aut superciliorum vele: manifestam noxam inferes visioni. Nihil igitur horum effectum est, hoc, vel tale, frustra, neque ornatus solum gratia, sed propter ipsam visionem, aurium etiam, & auricularum eadem ratio est. Quo pacto ergo possit qui fecit hæc, intelligentia esse orbatus? ac non potius sapientissimus? effecta verò esse ab aliquo necesse est, siquidem vt in huius operis initio monstrauimus effecta sunt, & non à se ipsis. Nunquid igitur, qui fecit aurem non audiet? aut qui finxit oculum, non considerat? Rursum si auris ob auditum est, vt re ipsa constat, ac nemo sanus neget, ob auditum certè effecta est, is ergo qui fecit, ob auditū fecit. Si enim nō constitit casu, neq; præter intentionem agentis cōstitit. Præuidit ergo qui fecit

aurem, à principio auditionem, siquidem finis est quod primum in intentione. Vidit ergo aut in seipso, aut extra se. Extra se quidem non potuit, quia ante aures non poterat esse auditio: vidit ergo in seipso, quia propter necesse est, ut qui ab initio fecit aurem & oculum, audiendi & videndi habuerit in se facultatem, & aures, & oculos. Quia si hæc omnino non fuissent, neq; sciri, quare neq; fieri omnino possent. Igitur hac ratione euidenter constat, fieri non posse ut quis fecerit aurem, & non audiat, & oculum & non consideret. Ut igitur solum des (est verò id antea indicatum) hæc effecta ab aliquo esse, neque constituisse per se ab æterno, cõstat, cum qui fecerit, & videre, & audire, & considerare res humanas. At dices, si videt & audit, & omnino sentit, patitur certè à sensibilibus, nam ut Arist. indicat, ipsum sentire pati quoddam est: neq; sanè sine passione corruptiua agitur, nam committitur sensum voluptas & dolor, quorum alterum cum corruptiua agitur passione, alterum verò alterius est comes, ut & reliqua contraria. Si igitur sentit (dices) potest & voluptate frui & dolere. Si autem hoc, & alterari & corrumpi: hæc verò aliena admodum sunt ab eo quod æternum, igitur & sentire alienum ab eo est. Porro dices, non solum nostro argumento fieri, ut vim habeat percipiendi sonos & colores, sed & aures, & oculos, & nares, ac denique alia omnia quæ fecit, siquidem necesse est præuiderit quæ fecit, non autem extra se. Ita est profecto, habet in se omnia, non tamen ut extant extra illum, sed præstantiori quodam modo, atque ut in æterno exemplari, quod antea etiam vel ex sententia Platonis indicauimus. Itaq; audit, & videt, non tamen ut nos, sed præstantius multò, ac citrà omnem passionem vnica simplicissimaque noticia agnoscens omnes, siue sonos, siue colores, ac deniq; omnia quæcunque sunt, fuerunt, & futura sunt.

sunt. Non igitur fieri potest, ut qui fecit aurem non audiat & qui fecit oculum non consideret, neque enim quia perfectius videt, & audit, negandum est videre, & audire, quin potius asserendum videre & audire omnia, atque esse sapientissimum, & providentissimum, atque ut nihil sine eius potentia, ita neque sine eius sapientia & bonitate geri. Neque verò atheorum argumentis respondere difficile est. Pro primo dicimus eos rectè asserere, si Deus est, cum esse omnipotentem, at verò falsò assumere, non esse qui faciat quippiam supra naturæ vires. Confirmavit enim Deus Opt. Max. quam de se voluit haberi fidem, innumeris, neque incipientibus miraculis, siquidem suscitavit mortuum quatrduanum, & quod est multò maius, ipse etiam triduanus surrexit à mortuis. Dices, hoc ipsum negabit Atheus. Dicet igitur multos, eosque alioqui optimos viros, neque pecuniarum, neque gloriæ cupidos, adeò nihil sibi inde aucupantes, ut omnes, nullo fere excepto, in confirmationem fidei mortem & tormenta libenter subierint, eosque per uniuersum orbem dispersos, vno ore, pro amico, multò antè contumeliosè necato, mentitos esse, hisque ipsis iam occisis, innumeros postea sapientissimos, grauissimos, & sanctissimos viros, rebus omnibus post habitis, usque ad sanguinis effusionem leuiter credidisse. Quæ potest esse aut excogitari, maior perfidia? petet Atheus, ut illi indicem hæc ita esse effecta, ut narrantur. Non possum aliter, quam testimonio sacrarum literarum, & consensu mundi totius, atque multorum seculorum, & (quod est maximum) consonantia omnium testimoniorum veteris & noui testamenti, & consensu historiæ prophanæ cum sacra. Quæ argumenta diligentissimè persecutus est Diuus Augustinus in libris de ciuitate Dei, & post illum Diuus Thomas contra gentes. Sed quo pacto indicat mihi Atheus, nihil horum

rum effectum esse? quia (inquit) fieri non potest. Sed cur non potest fieri? quia (inquit) nihil tale effectum est vnquam. Quid si effectum est? non est (inquit) itaque probat idem per idem, atque ut dicunt, utitur circulo, petitque credi sibi soli sine vllis testimonijs, potiusquam nobis cum tam multis. Longè stultius est putare, non esse Deum omnipotentem, quia non potest sibi mortem conciscere. Nam cum mori pati sit, non agere, non posse mori, roboris sit non debilitatis. Iam verò non habere ius in præterita, hoc est, non posse facere, ut quæ facta sunt, facta non sint, & neque in præsentibus posse facere, ut non sit, quod sit, cum est, quia hæc omnia continent contradictionem. Id verò quod contradictionem continet, nihil est, quia negatio tollit affirmationem, & affirmatio negationem: igitur qui potest omnia quæ contradictionem non continent, nihil est quod non possit, & *quia* his nenijs hærent, non mihi videntur ut sapientes dubitare, sed ut quivis ex indocta plebe. Veniamus ad reliqua. Miserum dicunt futurum Deum, si quis sit qui rerum omnium humanarum gerat curam. Utinam in miserijs ponerent homines rerum gerendarum sollicitudinem, ne essent adeò ambitiosi. Ut verò homo qui multarum rerum curam habeat, sit miser, Deus tamen minimè miser sit. Miseria enim non est in providentia, sed in defatigatione, Deus verò defatigari non potest, siquidem nullo labore rerum notitiam conquirat, nullius obliuiscitur, sed omnia, præsentia, præterita, & futura, vno intuitu videt, ipse existens simplicissimus, & nullius alterationis capax. Quantum autem faciat ad indolentiam simplicitas, philosophi optimè intellexerunt, nam vel ipsum hominem dicit Hippocrates libello de natura humana, si vnum esset, hoc est, vno constans elemento non doliturum, nedum Deus, qui non physicè solum, sed &

sed & metaphysicæ compositionis est expers. Quid ergo stultius, quam timere ne providentia fiat miser, qui nullatenus possit defatigari? Quid addunt præterea? Non videri Deum providentiam habere rerum humanarum, quandoquidem cum deterrimo quoq; videtur fortuna optimè agere, & cum præstantissimo quoq; pessimè. Argumentum hoc tractavit disertissimè David Psal. 72. his verbis. Et dixerunt, quomodo scit Deus, & si est scientia in excelsis? Ecce ipsi peccatores & abundantes in seculo obtinuerunt diuitias. Ergo sine causa iustificavi cor meum. Respondet verò mox ipsemet huic dubitationi, dicens, Existimabam ut cognoscerem hoc: labor est ante me donec intrem in sanctuarium Dei, & intelligam in novissimis eorum. Quasi diceret, non possis intelligere quantumvis labores, quæ sit causa qua impij in hoc seculo prosperè agant, nisi intres in considerationem diuinorum mysteriorum, & intelligas quæ fient in novissimis eorum. Sed quæ sunt hæc? quia ecce (inquit) qui elongant se à Deo peribunt, & perdet Deus omnes qui fornicantur abs se. Post novissima scilicet, & in futuro seculo. Itaq; hoc argumento non fit, ut Deus non provideat rebus humanis, sed, quandoquidem alijs argumentis constat providere, ac nihilominus in hoc seculo sæpe agitur melius cum deterioribus, fit, ut teneamur sperare aliud seculum, in quo reddatur unicuiq; secundum opera sua. Itaque hoc argumentum non tollit de providentia Dei fidem, sed excitat spem futurorum bonorum, quia ut in hanc ipsam sententiam inquit diuus Paulus ad Corinthios, Si in hac vita tantum à Christo sperantes sumus, miserabiliores sumus omnibus hominibus. Non est autem consentaneum, ut qui meliores, sint miserabiliores, cum Deus sit optimus, videatque & audiat omnia: Speramus igitur non in hac vita tantum, sed in futura potius,

in

in quam boni resurgent induti immortalitate, mali autem in æternam perditionem. Itaq, quia videmus seculi huius bona, magna ex parte esse collata in deteriores, non negamus Dei prouidentiam, sed intelligimus fines bonorum & malorum non esse in hoc seculo, & quia alicubi esse oportet, excitamur in spem post mortem futurorum, interim suspicientes Dei bonitatem infiniram, qui in malos etiam est bonus, hæc qualiacunq; bona illis tribuens, bonis verò verè bona, & nunquam interitura reseruans, quorum, hic inopia exercens, reddit digniores. Hoc eodem modo concludit Plato decimum librum de Rep. siue de iusto, hoc eodem argumento confirmans, & Deos habere prouidentiam, & animas nostras aliud seculum manere.

CAPVT QVINQVAGESIMVM

NONVM.



PSALMO nonagesimosecundo, ita scriptum est. Etenim firmauit orbem terræ qui non commouebitur.

Arist. cap. decimotertio, libri secundi, de cælo inquit. Mentis est ratione carentis non admirari, cur nam parua terræ gleba, si elata dimittatur, fertur, quiescereque non valet, & quò est maior eò celerius fertur, vniuersa autem terra, si quis ipsam sublimem eleuatamque dimittat, ferri non potest. Nunc verò tantum pondus quiescit. hoc est, miretur quispiam quo pacto fiat, vt tantum terræ pondus quiescat in mundi medio, nulli rei innitens, nullis firmioribus cementis fundata, sed in aqua & aere vndiq; pendens, cum præcipuè videamus, minimi etiam ponderis frustulum si dimittatur in æ-

re,

re, nulla alia re sustentatum, decidere, neque manere posse. Hæc dubitatio plurimum torfit veteres philosophos, coniec-
citque in solutiones longe diuersas, quarum tamen pleræque
vt bellissimè dicit ibidem Aristoteles, absurdiores sunt ipsa
dubitatione. Nam Empedocles infinitam esse terræ profun-
ditatem, ideoque quiescere, quasi radicibus infinitis firmatam
Thales innatare in aqua vt lignum quodam, Anaximenes,
Anaxagoras, & Democritus amplam esse. & ob latitudinem
quiescere, quòd subiectum aerem secare non possit, constat
verò hæc omnia absurda esse. Nam terram rotundam esse,
certè cuiusdam magnitudinis, æquidistantem a cœlo secun-
dum totam superficiem, experimento constat, quare infini-
ta non est, neque latitudinem planam habet, neque hoc he-
misphærium illi magis innititur, quam illud huic, sed in cen-
trum nituntur omnia. Porro si terra ampla est, & figuram
habet tympani, ac proinde nō potest secundum latiore[m] su-
perficiem secare aerem, cur tamen secundum superficiem an-
gustiore[m] non findit & elabitur? cur enim potius nitatur in
hanc cœli partem, quam in illam? Iam verò si terra aquæ in-
natat, ipsa aqua quò sustentatur? quòd si aqua pendere po-
test in aere, possit & terra, quæ enim maior dubitatio? neq[ue]
igitur super aqua, neque super radicibus, vel cementis infini-
tis firmanit Deus orbem terræ, sed vt inquit Iob. cap. 26. su-
per nihilum appendit. Certè ex hoc, vt ex alijs multis, quæ in
natura rerum eueniunt mirabilia, nos prouocant sacra elo-
quia in Dei Opt. Max. admirationem. Nam & Isaias capite
quadagesimo, ita inquit, Quis appendit tribus digitis mo-
lem terræ? & rursum paulò infra. Nunquid non intellexistis
fundamenta terræ? rursum capite quadagesimo secundo,
inquit, Hæc dicit Dominus Deus creans cœlos, & extendens
eos, firmans terram. Itaq[ue] gloriatur Dominus Deus, quòd si-

ne

ne ullis fundamentis, sed super nihilo firmauerit orbem terræ, qui non commouebitur. Nimirum Dei imperiū firmius omni fundamento est. Sed quoniam Deus omnia disponit suauiter, neq; ulli rei æternam infert violentiam, necesse est, ita sit terra super nihilo firmata Dei iussu, vt ipsa non repugnet, sed ita ei obsequatur, vt verè secundum suam naturam locata sit. Inuestiganda igitur nihilominus causa est naturalis, qua terra ita locata quiescit, neq; vnquam commouebitur, Plato in Phedone ita inquit, Persuasum mihi quidem est primò, si est terra in cœli medio rotunda, nihil ei opus esse vel aere, vel alia necessitate eiusmodi, vt nunquam decidat, sed ad eam sustinendam satis id esse, quòd & cœlum vndique sibi ipsi simillimum est omnino, & terra vndiq; æquilibris. Res enim æquilibris in similis alicuius medio posita, neque magis neque minus potest in partem aliquam inclinari, cunctumque se habeat, ab inclinatione erit aliena. Hæc Plato. Cuius opinio plurimis arridet, videturq; optimam & facillimam causam reddere, cur non ruat terta, nimirum quia non est cur hûc quam illûc potius rueret, rotûda cum sit, & in medio posita. Ad hanc etiam opinionem alludit Ouidius dicens, Ponderibus librata suis. Sed si ea esset verè causa, fieret, vt si extra centrum mundi posita dimitteretur, rueret in eam cœli partem quam haberet propius, ideo enim non ruere dicebatur, quòd in medio sita in nullam potius partem inclinet. Deinde fieret, vt si terræ figura deficeret ab spherica, & in alteram partem, ut in Septentrionem verbi gratia extaret, in eam cœli partem rueret, velut deficiēte æquilibrio, & in eam partem potius inclinante pondere. At verò absurdum est vtrunque horum, nam quoquo rueret, pondere rueret: pondus verò non fert in cœlum (qua enim ratione pondus ferat quò leuitas?) sed in contrarium. Leuitas autem fert versus cœlum,

cœlum, ergo pondus ad partem à cœlo remotissimam, puta ad centrum mundi. Ergò terra siue extra centrum poneretur tota, siue mutata figura in alteram partem extaret, rueret eo vsque, vt centrum ponderis sui in mundi centro collocaret. Dico autem centrum ponderis, quia si mutata figura extaret, non esset idem centrum ponderis & magnitudinis, sisteret verò in mundi medio ponderis medium, quia pondus causa descensus est. Si verò non mutata figura, sed à medio mundi aliquatenus pulsa emerit in alteram partem, rueret sanè tunc quoque, & medium suæ magnitudinis, & mundi totius idem esse faceret, quia nulla alia ratione potest alijs omnibus elementis subistere. Amat verò ideius natura, quia est omnium crassissima: est verò is naturalis omnium corporum ordo, & cuius comparandi gratia mouentur per se ipsa, hoc est, neque pulsa, neque tracta, neque portata, neque volutata, sed sponte naturæ, vt crassa sint sub tenuibus: est autem in vniuerso infimus locus, qui & intimus, puta centrum, supremus qui & extremus, puta cœlum. Quia vniuersi partes non possunt ad aliud quodpiam extra ipsum referri, vt in corporibus singulis, velut in ouo vitellus est pars intima, non tamen eadem infima, quia est quædam albuminis pars inferior, quæ scilicet, longius abest: à cœlo in ipso autem orbe non ita, quia non est extra illud aliud ad quod eius partes referantur, sed est infrà, quod continetur, suprà verò quod continet, continetur verò ab omnibus quod in centro situm est, cœlum autem omnia continet.

Hæc igitur causa est, qua terra extrà centrum acta, aut altera ex parte eminens, rueret in centrum, & eadem, qua non ruit a centro. Nam quo pacto possit à centro, & ad centrum naturaliter ferri, contrariæ cum sint tales lationes: neq;

certè re ita perspecta, vlla superest dubitatio. Nam particu-
la terræ in aere dimissa, non fertur vnquam in eam cœli par-
tem cui est propior, sed versus centrum, neque si iuxta ip-
sum cœlum dimitteretur, maneret, quamuis cœlum fir-
mum, & velut ex ære fuso esse indicatum antea est. Non
ergo quærit ruens, rem firmam cui adhereat, sed ordi-
nem quem naturaliter expetit, ne sit, scilicet super re te-
nuiori, sed tenuioribus omnibus substat. Terra ergo to-
ta, cum ita locata sit, non possit vnquam ruere: igitur fir-
mauit Deus orbem terræ, non aliter, quàm rectè, ac se-
cundum eius naturam collocans, hoc est, in mundi me-
dio, qui idem est locus infimus. Verum quia, vt dixi-
mus, si alteram in partem extaret, velut si nunc ad A-
quilonem aut Austrum tuberculum magnum terræ ali-
quod innasceretur, rueret, non quidem in cœlum eò ver-
sus (vt timere videbatur Socrates in Phædone) sed in se
ipsam, vsque dum centrum sui ponderis teneret mundi
medium, necesse est vt hunc quoque casum Deus pro-
uiderent, efficiens ne aliquam in partem terra extet potius;
sed omni ex parte sit æquilibris: hoc autem æquilibrium,
siquidem terra esset perfectè spherica, & secundum om-
nes partes æque crassa, nulla alia ratione indigeret, nam
esset ita idem centrum magnitudinis & ponderis: verum
ob aquarum distributionem, & alias necessitates, opor-
tuit vt terræ partes essent aliæ alijs altiores, ac nihilomi-
nus, vt firmiter quiesceret, oportuit vt nullæ partes po-
tius quàm sibi oppositæ extarent, aut vt illa eminentia
oppositarum partium crassitie pensaretur ad æqualitatem.

Necesse est igitur vt Deus montes, & colles, ac deni-
que omnia terræ tubercula, ad æqualitatem ponderis ter-
ræ partibus distribuerit, æqualia æqualibus opponens, ne

alia ex parte grauior facta terra, rueret in se ipsam aliud centrum quærens, quod esset sui ponderis, etsi non esset suæ magnitudinis, velut de ijs quæ vehuntur in aqua monstrat Archymedes. Iustam hanc partium orbis terræ dispensationem, optime cecinit Isaias dicens, Quis appendit in tribus digitis molem terræ? & librauit in pondere montes? & colles in statera? ob hanc igitur æqualem distributionem partium, & quia in medio collocatus est terræ orbis, non commouebitur. Neque vero illa æqualitas partium, est extrâ id quod amat rerum natura, immo est quoddam naturæ bonum, non in vniuerso solùm, sed in vno quoque spectabile. Galenus enim multis commendat, in opere quod de vsu partium scripsit, hanc partium æqualitatem in corpore humano, licet verò eandem contemplari in musca & culice, & arbore, & arbusco, & herbula, & re quacunque integra, vsque adeo fecit Deus omnia in pondere, & mensura. Itaque ne terra per aerem in quo vi-

detur pendere, rueret, prouidit Deus, illam

sub alijs omnibus mundi partibus col-

locans: ne rueret in se ipsam, aut

commoueretur, prouidit,

librans in pondere

montes; &

col-

les in statera. Duplici ergo ratione

firmauit orbem terrę

qui non commo-

uebitur.

CAPVT SEXAGESIMVM



Ap. 25. Prouerbiorum. Acetum in nitro, qui cantat carmina cordi pessimo. Cōparat Salomō carmina salutaria, decantata homini qui sit corde pessimo, aceto in quo dissolutū sit nitrum. Quę quān sit appositā comparatio, quiuis facile intelliget, perspectis ijs quę de talibus carminibus à philosophis, & de nitro in aceto à veteribus medicis scripta sunt. Plato in Charmide in persona Socratis multis verbis docet, morbos animi curari incantationibus, atq; animi morbis sublatis, plerunq; salutem in corpus redundare, tolliq; capitis dolorem, & multa alia mala, incantationes verò præclaris sermonibus contineri, quibus animæ temperantia tribuatur. Itaq; sunt hę incantationes, seu decantata carmina exhortationes, increpationes, ac denique disciplinæ omnes, quæ ad Dei timorem, & uirtutum cultum nos alliciunt. Maxime scilicet ægri animi medellæ, quæ sanè a sapiente, & qui ex Deo est, libetissimè suscipiuntur, ei verò qui corde est pessimo, aceto in nitro, seu nitro dissoluto in aceto similes occurrunt. Principio enim molestæ sunt, & mordent acriter, postea verò extergunt & eluunt sordes animi, nisi quis iam est immedicabilis. Talis enim semper auersatur, & respuit, læditurque omni curatione magis. De nitro verò a Dioscoride capite 89. lib. 5. ita scriptum est. Purulentas aures & sonitus earum sanat, sordes expurgat cum aceto instillatum. Galenus quoq; tertio de compositione medicamentorum secundum locos, ex Archigenis sententia commēdat ad aurium sonitus, acetum cum nitro. Vt itaq; nitrum cum aceto instillatum in

aures, earum eluit sordes, & sonitus, seu tinitus earum sanat, ita exhortationes sanctę sæpius instillatę in aures, etiam pessimis, sordes animi eluunt, & varias perturbationes, quasi sonitus aurium prohibentes audire veritatem, sanāt. Mordent verò, neque sine magna molestia ab ægro animo suscipiuntur, non aliter ac acetum & nitrum. Vtrunque enim per se, ac simul ambo, vbi in purulentas, & exulceratas aures instillatur mordet, duratque ea mordicatio, vsque dum pars sanescit, & cute obducitur.

CAPVT SEXAGESIMVM

PRIMUM.

IN eodem 25. Prouerbiorum. Sicut frigus niuis in die messis, ita legatus fidelis ei qui misit eum animam ipsius requiescere facit. Et paulò infra in eo. c. in eandem sententiam dicitur, Aqua frigida animę sitiēti, & nuntius bonus de terra longinqua. Itaq; cōiunctis ambobus locis facile intelligimus, potum aquę refrigeratę admota niue in die messis, hoc est, in æstate, facere requiescere animam potantis, ut nuntius seu legatus missus à terra lōginqua cum est fidelis, facit requiescere animam eius qui misit eum. Quoniam scilicet, fiduciam habet in nuncio fidei is qui misit eum, ac proinde requiescit animus eius. Possit hęc physicus pro potu niue refrigerato testimonium accipere, atq; tempus vtendi illo discere, non minus quàm a Galeno. Si quidem verba illa, Animam ipsius requiescere facit, vsum innuunt, illa verò, In die messis, tempus vtendi. Nimirum anima physicè plerisque vocatur ipsa respiratio, seu qui respirando attrahitur spiritus. Atqui Diogenes, vt tradunt, qui de eius placitis scripserūt, in

eo aere animæ essentiam esse putauit . Sed utcumque de animæ essentia sentiat physicus , quia respiratu vita seruetur ipsam respirationem animam vocat , atque huius ipsius facilitatem , seu tranquillitatem , animæ requiem . Itaque facere animam requiescere , est physicis , respirationem facilem reddere , id verò fit , igneum calorem extinguendo , atque hominem attemperando . Quod , cum febris calor igneus sit , constat , ut possit à multis febribus liberare , atque ita esse vtilissimum , cum tempestiuè adhibetur . Intempestius enim eius vsus multorum malorum causa esse potest . Quæ Hippocrates ferè colligit in Aphorismo dicens , frigida velut nix & glacies , pectori inimica sunt , tusses mouent , sanguinis eruptiones , ac defluxiones faciunt . Rursus in alio Aphorismo . Frigida inimica ossibus , dentibus , nervis , cerebro , spinali medullæ , & rursus , Frigida conuulsiones , antrorsum ac retrorsum distentiones , nigrores , rigores febriles . Opportunitas verò est , ut Galenus libello de cibis boni & mali succi inquit , In æstate non quibusuis , sed ijs tantum qui exercentur dare ; ne , scilicet æstu forti & exercitatione inflammari , in causas incidant . Quorum generationem Hippocrates in libris de ratione victus in acutis , his verbis docet . Febris autem ardens fit , cum resiccata venulæ tempore æstiuo acres ac biliosos ichores in se ipsas trahunt . Fit autem plerumque ex longo itinere , & longa siti , cum resiccata venulæ acres & calidas fluxiones in se ipsas attraxerint . Cum igitur hæc sit causæ generatio , & his causis fiat , constat nulla ratione posse præcaueri melius , quàm eo tempore , ijs qui in talibus versantur causis , dato potu frigido , foreque ut uenæ refrigeratione temperentur , & spiritus , qui æstu & exercitatione redditur difficilis , requie-

quiescat, fiatque facilis, ac moderatus. Facit igitur talis potus, animam requiescere in die messis, hoc est in æstate & labore. Quo enim exemplo potius uteretur, quo significaret æstum & laborem, quàm messis? non autem solis messoribus, sed & omnibus hominibus negotiosis, qui per æstatem non possunt se horis meridianis domi continere, & iter agentibus, utilis is potus est, si quidem inde febres ardentes solere cieri Hippocrates auctor est. Neque uerò tunc omnibus utendum tali potu est, sed quibus nulla pars, earum, quæ colendi solent, insigniter est debilis; thorax dico, pulmo, cerebrum, nerui, spinalis medulla, aut etiam intestina, aut vesica. Quibus ergo talis quæpiam est debilitas, exercitationes & insolationes per æstatem deuitetur penitus, ne necessario incidant in alterutrum, ardentes dico febres, aut illas alias noxas. Ut verò præscripta verba Salomonis continent commendationem frigidi potus, ita innuunt, ne in æstate quidem nisi exercitatis utendum eo esse: in alijs uerò temporibus nulli.

Non enim simpliciter dicit, frigus niuis

requiescere facit animam, sed in die messis; ni-

mirum alijs temporibus, aut etiam in æsta

te uacantibus hominibus, animam

sedat ipsa aeris inspirati tem-

peries, aut otium. Ve-

rum de tali potu

alibi mihi

dicta

sunt plura. Hic pro

meo instituto di-

ctum est sa-

tis.

CAPVT SEXAGESIMVM
SECVNDVM.

Ap. 1. Ecclesiastæ. Generatio præterit, & generatio aduenit, terra autem semper stat. Oritur Sol & occidit, & ad locum suum reuertitur, ibiq; renascens gyrat per meridiẽ, & flectitur ad Aquilonem. Lustrans vniuersa in circuitu pergit spiritus, & in circulos suos reuertitur. Hoc quod Ecclesiastes obseruauit, nihil aliud est, quàm quod Arist. in duobus vltimis capitibus secundi de ortu & interitu disertè tradidit, puta circularem esse rerum omnium mutationem, & hinc pendere mundi æternitatem, quoniam, scilicet, sola mutatio circularis potest esse perpetua. Partes ergo mundi quæ per se sunt perpetuæ, vt Solem & alia corpora cœlestia, nullam mutationem substantiæ subire, sed circulo volui, accedere quæ & recedere, eadem numero semper redeuntia: quæ verò corruptibilia sunt, fieri semper ex se ipsis circulo nascentia & intereuntia, numero semper alia, sed specie eadem, vt ex aëre fit aqua, & ex aqua aer. Hunc generationum abeuntium & redeuntium circulum, quo mundus seruetur, innuit Ecclesiastes dicens, Generatio præterit & generatio aduenit. Considerandum verò triplicibus rebus constare mundum hunc, quibusdam enim incorruptilibus, ut cœlestibus: quibusdam secundum se totas corruptilibus, vt singulis brutis & arboribus: aliis corruptilibus per partes, vt terra, mari, & toto aere, horum enim nullum secundum se totum corrumpi potest, corrumpitur verò secundum partes singulas. Corruptibilia primi generis, non aliter seruantur, quam successiua generatione singularium, generatione

ne scilicet prætereunte, & generatione adueniente. Terra autem & mare & eiusmodi semper stant, etiam si secundum particulas præ sua mole insensibiles, recipiant accessiones.

Sol, & reliqua corpora cœlestia, secundum se tota & partes omnes inalterata, tantum mouentur circulo, qui motus ad aliorum corporum mutationes, rationem habent causæ.

Quia enim hæc circulo voluntur, illa circulari mutatione hoc est, eisdem specie rebus abeuntibus, & redeuntibus oriuntur & intereunt. Neque sane illorum cœlestium corporum virtus æquè accedit ad omnia, quæ in generabilium & corruptibilium regione sunt, sed in his ipsis est ordo ut loci, ita & virtutis. Suntque alia alijs efficaciora & perfectiora, mutatque cœlum ipsum alia per alia, velut per tenuiora & superiora, quæ crassiora & inferiora sunt. Proindeque dictum est Empedocli, terram & aquam materiam esse generabilium corporum, ut farinam & aquam, aerem verò & ignem efficientia magis quam accipientia esse, & virtutes præstare magis quam corpora rebus generandis. Hæc igitur consentaneum est accipere propius a cœlestibus vim, quam in humilia transmittant. Argumento est, quòd cum inferiora, & densiora, stent in suis locis firma (multoque magis terra) superiora illa & tenuiora cum cœlestibus voluntur, & illorum prosequuntur motum. Aerem enim supremum, & qui iuxta cœlum est, circulo volui quotidie ut ipsum cœlum, indicant comete, qui quasi in ipso essent cœlo, videntur aliquando circuire, ignem verò qui & per aerem & per reliqua omnia penetrat, ut omnium tenuissimum motum ipsius Solis tenere & cum illo circuire, indicat calor qui luminis accedit semper, & tenebrosa deserit, quasi luminis comes indiuuus. Id enim est, quia ignis est a secula Solis. Ut igitur Solis circuitio causa est circuitiois huius substantiæ spiritalis, ac-

reæ inquam & igneæ, ita & hæc spiritus circuitio, caula est generationum, & corruptionum, eorum quæ circa terram, & mare oriuntur & intereunt, atque in his, maximè ignis, huic enim, vt Aristoteles inquit, substrata sunt omnia vt materia illeque suo calore efficit omnes naturales ortus, estque, vt in hoc ipso opere antea interpretati sumus, spiritus qui ferebatur super aquas, & fecundabat omnia. Breuissimè igitur Ecclesiast. complexus est totam de ortu & interitu tractationem, dicens, mundi huius perpetuum ductum seruari, alijs ex alijs rebus circulo genitis, & generatione successiua rerum numero diuersarum, specie similium, itaque generatione prætereunte & generatione adueniente causas verò huius commutationis rerum esse, quod terra semper stat in medio mundi firmata (intelligitur verò terræ nomine, totus eius globus, qui terra & aqua constat) & circa eam voluuntur circulo cœlestia, & spiritalia tenuiaque corpora, his enim (cœlestibus inquam & spiritalibus) facientibus, & illis (crassis scilicet elementis) recipientibus, ortus & interitus fiant. Vt verò hæc recipiant, & illa faciant, nihil magis consentaneum, quam vt illa circueant, & hæc firma stent, siquidem efficientem causam oportet accedere ad materiam, nulla autem ratione acceditur melius quam materia quiescente, & effectrice causa accedente omnem in partem, omnem verò in partem non aliter acceditur, quam circueundo.

Quapropter facessat iam hinc quorundam veterum sententia, & Copernici arguties, terra enim stat, & Sol circuit. Neque verò ipsa cœlestia corpora, & tenuia elementa, æque pertinent ad effectiuas causas, sed cœlestia efficiunt solùm, elementa tenuia efficiunt multò magis quàm crassa, ita tamen vt accipiant nonnihil, materiaque sint, alioqui non essent elementa. Neque ipsa cœlestia inter sese, neque tenuia ele-

menta habent pares efficiendi vires, sed in illis Sol, in his ignis præcipua ortuum & interituum causa est, proinde Ecclesiastes patiendi principium in terra quiescente, efficiendi verò in Sole, & spiritu hoc est igne, circulo latis posuit. Eam verò esse utilitatē circularis lationis, vt effectrix causa ad omnes materię partes accedat, apertè insinuāt illa verba, Lustrās vniuersa in circuitu pergit spiritus. Nihil est enim aliud, quā si diceret, in circuitu pergit, vt lustret vniuersa. Porro nos antea, super capite trigelimonono Deuteronomij, ex loco & motu Solis, Dei sapientiam commendauimus, & admirati sumus, qui ita illum cœlo locauit, cumque motum tenere iussit, vt nulla se mundi pars absconderet à calore eius.

Verum quod de Solis motu hoc loco dicit, non exiguam ingerit difficultatem. Nam, inquit, gyrat per meridiem, & flectitur ad Aquilonem. Videtur autem hoc non ita habere. Nam Aquilo est ea cœli pars, à qua flat Boreas, qui & Aquilo dicitur. Ea verò est vbi situs est polus, Sol verò circuit circa polum, ita ut polus centrum sit eius circuli quem Sol describit, non potest ergo versus polum flecti, siquidem circuli partes omnes distant à centro æqualiter. Neque verò hīc possis dicere quod Diuus Thomas Aquinas super Iob dicit, Aquilonis nomine significari hemispherium quod supra nostrum Orizontem est, & huic oppositum dici Meridiem.

Quinpotius, meo iudicio, hinc constat, non esse illam legitimam interpretationem. Nam quis non dicit Solem gyrare per Meridiem, cum horas nobis exhibet meridianas: constat verò horis meridianis supra nostrum Orizontem esse Solem. Meridies igitur pars nostri hemispherij est, non quod huic oppositum. Quid ergo dicas? quo pacto flectitur ad Aquilonem? Videtur sanè hoc dictum iuxta sententiam quorundam veterum, qui vt Arist. cap. 1. secundi Meteor. nar-

ra, censebant totum mundum secundum Septentrionalem partem in sublime assurgere, secundum meridionalem vetò demissum esse, idq; non solum in cœlesti, sed in terreno etiam globò. Itaque habere terreum globum ad Septentrionalem partem, velut giberum quendam prægrandem, extare enim ad eam partem, & ad meridionalem nutare, Solemque non sub terram, sed circum terram, & hunc Septentrionalem locum circum ferri. Itaque diem esse cum per meridiem circuiret, noctem verò cum deflectens ad Septentrionem, illo velut terræ giberò occultaretur. Videtur itaque illi sententiæ locus hic fauere. Sed & quod ponunt, alijque quamplurimi veteres putauerunt, Septentrionalem cœli partem alijs omnibus esse superiorem, videtur ex sacris posse recipere confirmationem, siquidem Isaïæ decimoquarto capite ita dicitur, ex persona superbissimi. In cœlum conscendam, super alta Dei exaltabo solium meum, sedebo in monte testamenti in lateribus Aquilonis, quasi scilicet, Aquilo excelsior cœli pars sit. Verum tamen hoc falsum esse, neque vllam mundi partem eminere alijs, eò quod in perfecta sphaera omnes extremitatis partes distent æquè à medio, indicatum antea est super capite trigesimoseptimo, Iob. Porro dicere Solem illo modo circuire, hominum est ignorantissimorum astrologiz. Nam cum Sol moueatur motu diurno cum toto cœlo, nisi moueretur qua nos dicimus, suprà & infrà terram, non possent poli esse, vbi esse nunc ponuntur, sed mutato circulo mutari oporteret polos, at verò polum esse vbi nunc ponitur declarant stellæ omnes fixæ, quæ quò longius absunt ab illo puncto eo maiores describunt circulos, & quò accedunt propius, minores, adeò ut sint nonnullæ æternæ apparitionis. Itaq; falsū esse illud dogma, ex dictis apertè deprehenditur: quapropter

pter nō licet secūdum illud sacra verba interpretari, sed quæ ex Isaia produximus, verba sunt regis præ superbia insipientis, affectantisque sedes æthereas, ac solium suum collocare in Aquilone, quæ pars despectanti à terra videtur esse summus cæli apex, quia in medio astrorum omnium est, & circum quam Sol, & Luna, ac reliqua Astra omnia tam errantia, quam fixa, videntur choreas ducere, non tamen proinde excelsior est alijs, neque quidem potest in corpore perfecte spherico. Quo pacto autem vera sint præscripta nunc de Solis circuitione verba, iam dicamus. Certè illa in sphaera recta & sub æquinoctiali vera non essent, ibi enim Sol aut per ipsam lineam fertur æquinoctialem, neque in ullam mundi partem flectitur: aut ultra citravè eam lineam, ita tamen ut quotidiana circuitione eam non intersecet, non intersecans autem in contrariam mundi partem flecti non potest. At verò in sphaera obliqua, qualis est hæc quam incolimus, & Syria, ubi hæc scripta sunt, quinimmo & ubi ubi inter tropicum Cancræ & circulum Arcticum (ultra quos fines nihil habitabile putabat antiquitas) verissimum est, quotidie Solem gyrare per meridiem, & flecti ad Aquilonem. Nam quacumque die conuertat homo faciem ad eam partem qua oritur Sol, & inde ducens per suum Zenit lineam, describat circulum magnum, & imaginatione secet mundum in duas partes æquales, eam mundi medietatem ad quam spectabit sua dextra, vocabit meridiem, ad quam sinistra septentrionem, aut Aquilonem, quia habebit polum à sinistris, & à dextris meridianum motum Solis: quotidie autem Sol, postquam gyrauerit per meridiem, intersecans illum magnum circulum (qui est linea longitudinis) flectetur ad oppositam cæli medietatem, quare flectetur ad Aquilonem. Intersecare autem eam lineam quotidie, constat, quia Sol

cum

cum fertur per æquinoctialem describit magnum circum-
lum, duo autem circuli magni non possunt non interfecare
sefe per medium: cum verò recedere ab æquinoctiali non
possit Sol nisi per triginta gradus, & obliquitas spheræ dictis
in locis maior sit (quod eleuatio poli ab Horizonte indicat) sit
ut nunquam percurrat Sol circumlum, qui non interfecet cir-
culum illum magnum, & si non per medium, & in partes
æquales. Si autem interfecat, certè flectitur antequam per-
ficiat diurnum motum ad oppositam medietatem, & quæ
spectat ad Aquilonem. Verissimè ergo Solex quo nascitur,
gyrat per meridiem, & deflectens ad Aquilonem redit in lo-
cum suum. Quòd verò omnis locus citra tropicum Cancr
habeat obliquitatem maiorem, quam sit summus Solis reces-
sus à linea æquinoctiali, constat, quia duo tropici æquè di-
stant ab illa linea, & circuli Arcticus & Antarcticus à polis, ha-
bebit ergo regio quæcunque tantò plus obliquitatis quam
id spatium sit, quantum distat ab ipso tropico, quod omnino
sit aliquid, si citra illum sita est.

C A P V T S E X A G E S I M V M
T E R T I V M.



IN eodem primo cap. Ecclesiastæ ita ha-
betur. Omnia flumina intrant in ma-
re, & mare non redundat: ad locum
vnde exeunt flumina reuertuntur, ut
iterum fluant.

Antiquam hæsitacionem vocat Ari-
stot. in secundo cap. secundi Meteoror-
um, cur mare non redundet, neque verò sentiatur augeri,
tamen si multitudo ingens tantæ magnitudinis fluminum in
ip-

ipsum continenter influat. Nimirum inde licet intelligere, eam quæstionem ab antiquissimis etiã philosophis agitatam esse, cuius decisionem constat pendere ab ea opinione, quam quis habeat de fluminum generatione, & hanc à generatione fontium. Siquidem videmus (neque dubium) flumina a fontibus incipere & accessione fontium & riuulorum augeri.

Qui igitur censebit fontes ex ingenti illo barathro, & aquæ (vt ita dixerim) immensitate, quæ intra terram est regurgitare, partim per patentes quosdam poros, velut per quosdam cuniculos, partim per solidam ipsam terram excolatos, dicet, (quod in præscripta oratione legimus) mare non redundare, quia quantum alia parte accipit, tantundem alia demittit Cuius sententiæ Plato est in Phædone, ubi differens de magno illo barathro, inquit. In hoc utique receptaculum omnia confluunt flumina, atq; inde rursus effluunt. Arist. uerò qui de generatione fontium aliter statuit, puta illos non ex vno communi principio fluere, sed noua aliqua generatione fieri, suo in loco vnumquemq; merito uidetur refutare eam quæstionis antiquæ decisionem, & excogitare aliam. Nimirum ipse censeat in terræ cavitatibus gigni aquam, aeris, & vaporum qui illuc sunt copiosi, congestione, ibique multatum guttularum continenti concursu, riuulos gigni, qui per meatus aliquos erumpentes, fontes dicantur, quorum rursus coitione fiant flumina quæ per terram decurrant vsque ad mare: hoc verò ob suam vastitatem, non videri accessione fluminum augeri, esse enim perinde ac si per amplissimam mensam effundas aquæ cyatum. Differendum igitur in primis videtur de fontium generatione, utro dictorum modo fiant, & an eodem modo omnes, deinde ad antiquæ dubitationis solutionem, ueniendum. Aristoteli videtur heri non posse, ut fontanæ fluuialesque aquæ effluant ex mari, cum in illud influant,

fluant, quia cum aqua moueri nullo modo possit, nisi ab editiori in humiliorem locum, fieri non potest, ut in eodem locum influat a quo effluerit, quia erit idem locus se ipso eminentior, & humilior. Quæ causa est, ut non possint arte fieri vlli fontes perpetui, præcipuè non accedente vacui necessitate, quæ certè in terræ cavitatibus non accederet, quia possent facile repleri aere. His possis addere tam insignem aquarum fontanarum a marina differentiam, si enim ex mari ut ex communi alueo omnes fluerent, videntur, & sui, & maris futuræ similes, nunc autem & à seipsis dissident multum, & à mari quamplurimum, cum pauca salsa sint. Cum igitur hic modus generationis fontium his argumētis videatur tolli, superest alter, ex vaporibus scilicet, & aere densatis intra terræ cauernas generari denuo aquam, quæ per quosdam hiatus exiens fons dicatur, atque deinde aliorum accessione increfcens, etiam fluuitus. Quam sententiam confirmat Arist. dicens hac causa ad radices montium oriri semper fontes, neque in media planicie humilium vallium, neque in summis montium cacuminibus; quod ex sublimiū partium cavitatibus ad humiles guttatim destillet aqua, atque stillarum concursu colligatur. Cæterum si quis rectè consideret, videat argumenta quæ contra aliam sententiam dicuntur esse solubilia, & quæ in huius confirmationem communia. Nam primo illo (quod & maximum esse videtur) non fit, ut non possit aqua influere in eundem locum à quo effluat, sed ut non secundum eandem partem. Quid autem prohibet mare, adeo vastum cum sit, & immensæ profunditatis secundum aliam partem recipere influentes aquas, secundum aliam demittere effluentes? nimirum in arte factis fontibus machinari conantur, ut idem aquæ congius circulo quodam influat, & effluat. At verò in mari non ita euenit, neque eadem aqua

quam

quam in mare deponit Tagus, redibit inquam in eiusdem fluminis exortum, sed in mare deponit, & ex barathro illo immenso, quod intra terram est, exhaurit. Sed dices, quo pacto exhaurit? certè ut in hominis corpore, magna sanguinis copia in hepate est, & corde, decurrit vero inde per totum corpus, per quosdam angustos canales, quos vocamus venas, ita intrà terram maximæ quædam cavitates sunt aqua plenæ, indeq; per quosdam cuniculos, seu mauiis, per quasdam venas decurrit per totam terram, vsque ad eius extremitatem, atque vbi euenit venarum aliquam ruptam esse, aut hiare, fons fit, maior aut minor, ut ipsa est vena, aut hiatus.

~~Atqui hoc ita se habere, apertè indicant verba illa capite septimo Geneseos. Rupti sunt omnes fontes abyssi, hoc est, omnes fontes, qui ex ingenti aquæ abyssu (hoc est quod poetæ barathrum vocant, seu tartarum) procedunt, ruptis venis eruperunt, & ita effusa aqua abyssi inundauit terram, ut si quis ruptis vbiq; venis exhauriat sanguinem hepatis, ac totam corporis cutem commaculet. Sed dices persistens adhuc in primo argumento, quandoquidem ex terra & mari vnicus constat globus, fieri non posse, ut aqua per illos meatus, siue canales, supra globi illius extremitatem, seu superficiem efferatur, ferretur enim sursum sublimior siens toto mari à quo nascitur: nullatenus igitur efferri potest in montes, & mari & reliqua terræ planicie sublimiores, at verò plerique fontes descendunt ex supremis montibus, decurruntque in terræ planiciem, ac per eam in extimam superficiem maris, non igitur ex mari.~~

Atqui hoc ita se habere, apertè indicant verba illa capite septimo Geneseos. Rupti sunt omnes fontes abyssi, hoc est, omnes fontes, qui ex ingenti aquæ abyssu (hoc est quod poetæ barathrum vocant, seu tartarum) procedunt, ruptis venis eruperunt, & ita effusa aqua abyssi inundauit terram, ut si quis ruptis vbiq; venis exhauriat sanguinem hepatis, ac totam corporis cutem commaculet. Sed dices persistens adhuc in primo argumento, quandoquidem ex terra & mari vnicus constat globus, fieri non posse, ut aqua per illos meatus, siue canales, supra globi illius extremitatem, seu superficiem efferatur, ferretur enim sursum sublimior siens toto mari à quo nascitur: nullatenus igitur efferri potest in montes, & mari & reliqua terræ planicie sublimiores, at verò plerique fontes descendunt ex supremis montibus, decurruntque in terræ planiciem, ac per eam in extimam superficiem maris, non igitur ex mari.

niunt, sed in ipsis montibus generationem habent, non aliter
 ac pluuias aquarum in nubium regione. Non esset (arbitror)
 quod respondere possemus, si mare, & tota aquarum moles in
 suo loco consisteret firmiter, ut terra, neque agigaretur hæc
 & illâ ab vlla alia causa, quæ accederet. Nunc autem
 non ita fit, quinimmo videmus mare assidue agitari,
 nunc quidem statim quodam ordine tumescens, & detu-
 mescens, nunc temerè per tempestates insanas usque ad
 nubes elatum, & rursus subsidens, quos motus, vix du-
 bitare quispiam possit, ad conclusos intra terram, & a-
 quam flatus referri. Nam aduentante tempestate, ante-
 quam per apertum aerem ventus resset, sentitur intus
 locus aqua agitari, & cum ipso maris aestu quotidie ad-
 uentat aura quædam, ex aqua impetu interni flatus agi-
 tata, erumpens. Quale igitur hoc esse videmus, circa
 hanc extimam superficiem, tale quiddam necesse esse in-
 tra terram in contrarias partes fieri: agitari igitur intus
 aquam à flatu, & à barathro per terræ cuniculos in par-
 tes mari etiam sublimiores efferri, partim quidem ab im-
 pellente flatu pulsam, partim etiam ab erumpente, quæ-
 renteque exitum tractam, ut est scilicet via. Cum igitur
 hoc ita habeat, putandum est, esse in supremis terræ
 partibus cavitates quasdam, quæ cum aqua agitata eo
 usque pertingit, replentur superne, & cum reliqua a-
 qua retrocedit, quæ eas repleuerat, manet velut in v-
 tribus quibusdam sensibilibus, à quibus per terræ rimu-
 las defluens, in mare iterum recurrit. Neque verò non
 erunt hoc modo fontes perennes, nam innundationes
 illæ subterraneæ tam repetunt crebro, aqua nunquam
 ma-

manente , sed semper agitata , vt antequam ventres illi exhauriantur , anticipent repleri . Sunt vero flatus , & aqua sibi mutuo causa agitationis , nam aqua deorsum cadens illum præmit densatque , ille plus satis compressus , & quærens laxamentum , illam trudit , hisque mutuo fientibus sunt intra terram magnæ turbationes , ut & in animalium ventre , (vt in dicta perstemus comparatione) euenit , humores & flatus susque deque versari , quia & crassissimas fœces à flatu solent vsque ad supernum ventriculum , ab imo ventre efferri .

Hac igitur terræ marisque dispositione , sapientia Dei librabat fontes aquarum , hoc est , ita aquas disponebat , alias partes eleuans ac suspendens , alias deprimens , vt nunquam cessaret fontium fluminumque decursus , quibus , velut vberibus , terra omnium mater , animantia omnia potaret , & satis omnibus , ac sponte nascentibus alimenta præberet , vt inquit Philon .

De hac aquarum dispensatione gloriatur ipsa Sapientia capite vigesimoquarto , dicens , Ego sapientia effudi flumina . Ego quasi trames aquæ immensæ de fluuio . Ego quasi fluuius Dorix , & sicut aquæductus exiui de Paradiso .

Dixi , Rigabo hortum meum plantationum , & inebriabo prati mei fructum . Et ecce factus est mihi trames abundans , & fluuius meus appropinquauit ad mare . Hæc verba haud dubie innuunt dictam aquarum distributionem . Quod ipsarum sit tam ampla differentia , facit percolatio . Nam & Aristoteles ipse dicit , demissis in mare vasis cereis extrahi dulcem aquam , tamen

quod percoletur quod dulce, & potulentum est, falsis & terreis extra relictis. Quin & terrea, ac lapidea quædam vasa sunt, per quæ excolata aqua redditur melior, ex corpore verò per quod permeat, semper aliquid trahit. Quid ergo prohibet hoc idem excolâda per terram aqua fieri? Accedit, fontes non exire ex maris conspicua parte, sed ex barathro, quod quia intra terram reconditum est, neque ita a Sole exurit, minus erit falsum. Hæc igitur argumenta debilia sunt. Illud vero commune, nasci plerumque fontes ad montium radices. Dico autem commune, quia secundum utranque opinionem idem euenit, nam cum aqua naturaliter feratur de orsum, etiam si rumpatur vena, non decurret per terram, nisi rumpatur in montibus, neque quidem in suprema eorum planicie, sed qua iam declinant. Alioqui ruptura venarum in locis planis fiunt putei. Hæc igitur Platonis sententia quæ adeo consonat sacris oraculis, nihil videtur admittere incommodi. An vero & Aristotelea adeo probabilis sit, expendendum, non enim videtur. Nam si fontanæ aquæ perinde generarentur in terræ cauernis, ut pluuiæ in nubium regione, eueniret certè in illis, quod & in his, scilicet, neque essent perennes, neque eisdem in locis semper fierent, sed, ut pluuiæ in certis fierent temporibus & locis. Præterea nubes fiunt ex aere & vaporibus loci frigiditate crassescuntibus, cauernæ verò terræ non semper frigida sunt, sed in æstate solum, quare in hyeme cum sunt calidissimæ, ut & animalium ventres, non manarent fontes, sed solum in æstate, euenit verò contrà omnino, per hyemem enim fluunt abundantius, per æstatem extenuantur omnes, & arescunt plurimi. Quod si dicas non gigni eam aquam crassescēte aere à frigore, sed con-
 gessione vaporum à calore resolutorum, ut in operculis ollarum ex aqua feruente, eueniret contrà, ut per æstatem nulli

fon-

fontes fluerent, cum totus calor sit extra terram, at verò fluunt plurimi, ijque frigidissimi, ac nonnulli etiam sunt qui obturati per hyemem, fluunt æstate solum. Quod si dicas, æstate fieri refrigeratione, hyeme congectione resolutæ calorem aquæ, præterquam quod videtur figmento simile, non eandem esse toto anno fontis perennis generationem, eueniret ut Vere & Autumno minus, tenuiusque fluerent quam hyeme & æstate, cum scilicet neque frigus esset tantum, ut crassitiæ inferret, neque tantus calor ut solueret aquam in vapores, itaque haberent fontes quotannis duo incrementa & totidè decrements. Tamen non ita euenit, sed uniuersim cum ignis abundat, decrescit tota aquæ moles, cum extenuatur ignis, abundat aqua. Quapropter cum fontes ac flumina, ex tota aquæ mole, & ingenti illo barathro (quod nihil aliud est quàm recondita maris pars) decidantur; tabescunt cum prævalent calor & siccitas, abundant cum contrariæ uirtutes hoc est frigus & humor præcelunt. Constat igitur ex dictis, verissimum esse quod sacra testantur eloquia, fontes aquarum nasci ex abyssu. Quid uerò magis conspicuum in quibusdam & fontibus & puteis, qui cum ipso mari sentiunt fluxum, & refluxum, quem æstum dicimus? cur autem non omnes, & cur eorum qui ut mare æstuant, quidam augescunt mari augescunt, subsidente subident, quidam intumescunt detumescunt, & tumescunt detumescunt. Dictæ sunt causæ super caput trigessimum octauum Iob, nunc illud unum dicimus, consentaneum admodum esse putare, eos fontes qui simul cum mari mouentur, ab eodem principio impelli, habereque cum mari partium continuitatem, quam nisi per barathrum, habere nequaquam possunt. Porro, quod in quibusdam fontibus euidenter agnoscitur, de omnibus æquum est putare, exire scilicet, ex communi aquarum principio, mari.

Neq;

Neq; verò hoc verum non erit, etiam si excolatæ per terram aquæ ex mari, accessio aliqua fiat ex vaporibus, siue densatis, siue congregatis, nam & vapores ipsi ex aqua fiunt. Vt igitur destillantem ex alambico aquam, nemo negat exire ex herbis quæ in illius fundo sunt, etiam si intercedat resoluti congestio, ita ne illam quidem aquæ partem, quæ fontibus & fluminibus accedet, ex vaporibus genita, siue intra terram, siue in nubium regione, negandum à mari exire, illud enim est rotius humiditatis promptuarium. Fatendum ergo omnia flumina à mari exire, & in illud reuerti, quod, præter dicta, vel facilis expeditaque antiquæ dubitationis dilutio indicat, nimirum mare, & si in illud flumina intrent omnia, non redundat quia ab illo etiam exeunt. Nam quam Arist. reddidit causam, minus probari potest. Quia enim vastissimum est mare, & influentia flumina non vna in parte acceruat, sed *diffunduntur* per illud extensa, putat latere, neq; sensibilem *vllam* molem posse addere. Quod quidem si vno tantum die, aut vno mense, aut etiam vno anno, aut, si placet annis centum heret probabiliter diceretur, si tamen infinito iam tempore (vt ille met auctor putat) influxerunt, necesse est plus aquæ quam totum ipsum cõtineat mare, ingessisse, atq; ita redundasse iam multò ante in totam terram. Neq; si dicas, mare Solis vi ad æmeridionalem plagam assiduè absumi, plusquam accessione fluuiorum possit augeri, effugies dubitationem, non enim minus augetur ipsum per se mare sub polis, quam extenuatur sub Zodiaco, quapropter illis exequatis, redudabit quod ex fluminibus accedet, denuo genitum. Non igitur illa causa est, qua mare non redundat, sed quia ad locum vnde exeunt flumina reuertuntur, vt iterum fluant.

CAPVT SEXAGESIMVM

QVARTVM.



Apote 1. Ecclesiastæ . Ego Ecclesiastes fui Rex Israel in Hierusalem, & proposui in animo meo querere, & inuestigare sapienter de omnibus quæ sunt sub Sole . Hanc occupationem pessimam dedit Deus filiis hominum , ut occuparentur in ea.

Cap. 3. eiusdem, ita habetur. Cuncta fecit bona (Deus scilicet) in tempore suo, & mundum tradidit disputationi eorum ut non inueniat homo opus quod operatus est Deus ab initio usque ad finem .

Rursus in calce cap. 8. eiusdem libri. Et intellexi, quod omnium operum Dei nullam possit homo inuenire rationem ; eorum quæ sunt sub Sole, & quanto plus laborauerit ad querendum, tanto minus inueniat, etiam si dixerit sapiens se nosse, non poterit reperire, & rursus. Cunctæ res difficiles non potest eas homo explicare sermone.

His oraculis duæ continentur assertiones : altera ; Studium philosophiæ naturalis, & desiderium agnoscendi rerum causas, insitum esse naturaliter hominibus, neque fluere ex aliquo vitioso affectu , ut multas rerum prauarum appetitiones , sed ab ipso Deo rerum omnium , & naturæ parente , & auctore , illis esse tributum . Siquidem hanc occupationem pessimam , idest , maximam , & laboriosam , non , inquit , ipsi sibi à natura declinantes conquiescere , sed dedit Deus filiis hominum , & mundum tradidit disputationi eorum : itaque cupiditatem
phi-

philosophandi illorum animis inseuit, mundum verò posuit illis ob oculos, uelut quoddam Enigma, & prima quidem assertio hæc est. Altera. Homines, quantumuis studio philosophiæ insudent, fieri non posse, ut aliquando inueniant rationes & causas eorum quæ fiunt sub Sole, sed necesse esse, ut omnes in earum inuestigatione, dum sunt in tenebris sensuum horum, plus aut minus allucinentur, & de ijs etiam, quæ sibi videntur probabilissima, nisi se ipsos uellent fallere, dubitent. Non enim, inquit, dedit Deus. hanc occupationem, hominibus, inuestigandi sapienter de omnibus quæ fiunt sub Sole, & consequuti certam eorum notitiam. fiant sapientes, sed ut occupentur in ea, sapienter inuestigantes. Nimirum homines, non tam dici debent sapienter, quod sciant, quam quod inuestigent non ineptè. Qui proinde mihi videntur vocari philosophi, id est, amatores sapientiæ, potiusquam sophi, id est sapientes. Non enim tam sciunt, quam scientiæ amore capti inuestigant. Propositæ itaque sunt duæ assertiones. De prima quidem omnes consentiunt, siquidem cum appetitû omnes persentiscunt in seipsis. Vnde quidã naturam sequuti, philosophiæ vacant, alii eam naturam in uitium cõmutantes, in curiositatis peccatû incidunt, vana & superstitiosa conlectantes. Verissimè itaq; dictum est illud ab Aristor. Omnes homines naturaliter scire desiderant. Vt itaq; vitam & felicitatem (quamquàm de ea uariè sentiunt) omnes naturaliter exoptant, ita & scientiam naturæ quam in parte felicitatis etiã ponunt, iuxta illud Poetæ. *foelix qui potuit rerum cognoscere causas.* Obijciat fortasse aliquis Socratem, qui hanc philosophiam videtur spreuisse, & eam solûm probasse, quæ ad mores formandos pertineret. Cæterum, si consulimus Galenum in libro de historia philosophica, intelligemus facile, eum uirum, non neglexisse eam philosophiæ partem, quam

melius etiam, quàm multi aliorum excoluit, sed damnas-
se superiorum philosophorum institutum, qui in ea suorum
studiorum ponebant finem, & vni philosophiæ parti physi-
cæ, cui soli illi vacauerant, duas adiecisse, rationalem scili-
cet, & moralem. ipse etiam Ecclesiastes in initio cap. septimi
videtur arguere philosophos, dicens, Quid necesse est homini
maiora se querere, cum ignoret quid conducatur sibi in vita
sua? tamen re vera non vituperat sobriam philosophiam, sed
(vt ipsiusmet verbis utar) verba plurima, multam in dispu-
tando habentia vanitatem. De secunda assertione plurimum
altercatum est. Nam cum fuerint penè innumeræ philoso-
phorum sectæ, quæ in tres primas differentias distributæ sunt
Dogmaticorum, Academicorum, & Scepticorū, in Dogma-
ticis fuere Peripatetici, Stoici, Epicurei, Pythagorei, & alij
innumeri. Academici, Socrates, Plato, Clitomachus, &
Carneades. Sceptici, Pyrrho, & Zenocleates, & Anaxarches
Abderita, & multo post, Sextus, in ea secta nobilissimus, qui eā
etiam auxit. Galen. addit duplices alios philosophos, Conten-
tiosos, scilicet, & Mistos. Cōtentiosos, dicit, fuisse eos, qui nihil
aliud quàm superiores esse cauilis contendebant: in his dicit fuis-
se Euclidem, Menedemum, & Clitomacum. Mixtos eos,
qui partim Sceptici, partim Dogmatici fuere, vt Xenophan-
es, qui solum asserens omnia esse vnum, & Deum esse fini-
tum immutabilem, & ratione præditum, de alijs omnibus
dubitauit: & Democritum, qui nulla alia de re suam senten-
tiam tulit, quam de atomis, vacuo, & infinito. Cæterum
Cōtentiosos, satius est à numero philosophorum reijcere, &
sophistas appellare: Mistos verò intelligere cum prioribus.
Cum itaque fuerint triplices philosophi, Dogmatici, Aca-
demici, & Sceptici. Soli dogmatici affirmare quædam ausi
sunt, atque sua placita quasi certa & stabilia pronuntiare.

Academici, nihil certo sciri posse, sed ad uerisimilitudinem quandam, & probabilitatem posse procedere disputationes. Sceptici, nihil de vlla re affirmantes, neque negantes, de omnibus æquè dubitant. Atqui, ne illud quidem, an sciri posset quippiam, an non, affirmabant, aut negabant, sed in ore semper habentes illa familiarissima verba, Nihil definitio, & nihilo magis, & fortasse, & fieri potest, & ~~etiam~~ quasi subtrahit iudicium, aut vtentes aphasia, & acristia, hoc est, taciturnitate, & incertitudine, iudicare recusabant. Verum enim verò si quis consideret, quos illi vocabant modos epoches, siue causas ob quas retineri semper debeat assensus, facile intelliget, Scepticos, multo etiam magis quam Academicos, desperasse aliquid sciri posse. Modi enim illi Epoches, sunt argumentorum genera, quibus indicatur, non solum nullius rei comparatam adhuc esse sciētiam, sed ne fieri *quidem* posse deinceps. Vererrimi Sceptici decem modos Epoches excogitauerunt, posteriores adiecerunt quinque. Quibus rursum alij, alios duos. Quos omnes licet videre in libro Pyrrhonicarum hypotheseōn Sexti philosophi, & in Pyrrhonis vita apud Diogenem Laertium. Mihi satis sit eorum nonnullos proferre, quibus maximè quod propositum est indicetur. Redigunt illi, omnes illos modos in tres, quos esse dicunt, à cognoscente, & ab eo quod cognoscitur, & ab utroque in modis à cognoscente est differentia organorum sensuum, quæ eorundem sensibilibum facit adeo diuersas phantasias, vt nequaquam constare possit, quid rei insit verè, quid tantum appareat. Differentia verò sensuum, est in differentia multiplici animalium, & ipsorum hominum inter se, & affectionum multiplicium, quibus eiusdem hominis eadem pars variè semper afficitur. Nam cum experiamur, mel videri mihi album & dulce, iéterico flauum, &

amarum, & eidem homini eundem cibum, nunc esse suauem, nunc ingratum, quod homo affectus morbosa dispositione sit, sed & sine omni præter naturam affectione, quod esuriat, aut satur sit: cumque eadem res appareat illi rotunda, huic oblonga, huic simplex, illi gemina, quod pupillæ figura mutata sit, aut quod altera ab altera pupilla desciuerit, constat futurum, vt neque omnibus animantibus re appareant eadem, sed quæ alijs albæ, alijs palidæ, alijs rubræ: quæ alijs rotundæ, alijs angulatæ, ita etiam dulces, amaræ, salæ, aut acidæ. Nimirum est compositio & temperies animalium multiplex, atq; adeo organum visus, qui putatur esse perspicacissimus sensus, & ad consequendam certâ rerum notitiâ optimus, habet miram varietatem, quoruplices enim sunt colores oculorum? Si igitur differentia organi sensus facit eiuldem rei diuersam phantasiâ, animalia verò omnia differunt ab aliis omnibus, compositioe & temperie omnium organorum, & singuli etiâ homines ab aliis omnibus nonnihil, & singuli bene valentes ab ægrotantibus, & ipsimet bene ualentes à seipsis nondû ægrotantibus, sed naturaliter mutatis, per ætates, per animi motus, per casu incidentes cogitationes, per corporales motus, vt quod ambulauerit, aut sederit, comederit, aut biberit, aut abstinerit, dormiuerit, aut vigilauerit, sine vllis autem mutationibus, ne minimum tempus potest homo persistere, certè nihil potest, vniusmodi apparere, neq; diuersis animantibus, neque hominibus multis, neq; eidem alio tempore, sed quod huic animali tale, illi alterum, huicq; homini & illi, sed & huic hodie & cras, atq; adeo uesperis & mane. Vt autem hoc in externis sensibus, ita habet in internis. Nam non minorem esse differentiam iudiciorum quam sensuum constat, cum vix duobus hominibus eadem res placeat, sed quod alius pro

bat, alius maximè detestetur, & eadē de re alius letetur, alius
 mereat, alius irascatur. Quin & idem homo eisdem verbis
 nunc irascitur, quibus nuperrimè placabatur. Atq; adeò de
 eadem re interrogati, vt an hoc honestum sit, an turpe, vix
 duo homines eadem respondeant, non solum è vulgo, sed
 & ex ijs qui censentur sapientissimi: & quod magis mirere,
 idem homo nihilo factus doctior, aut indoctior, eadem de re
 mutat sententiam, sine nouis nonnunquam argumentis, sed
 quòd ipsi eadem prorsus, nunc displiceant, quę placebant an
 tea. vsque adeò videntur in nobis omnia continenter mutari
 & rerum earundem mutare phantasias. Igitur a natura co-
 gnoscentis accepto argumēto, videtur nullius rei certam &
 statutam haberi posse notitiam, sed censerī omnia qualia ap-
 parent, qualia autem sint vera, nos scire haud posse. Ab eo
 etiam quod agnoscitur, capitur simile argumentum. Eadem
 enim res, secundum substantiam prorsus non mutata, sed
 quod alio modo obiiciatur, eidem homini & eodem tempo-
 re, videtur diuersa. Nam res quamplurimæ alio colore es-
 se videntur integræ, alio comminutæ. Argēti certè frustum
 candidum videtur, eius verò ramēta nigra. Aqua etiam quę
 nunc nigra, nunc decolor esse videtur, concreta in glaciem
 fit candidissima. Lapis quoque Tenarcus est viridis, & com-
 minuti particulæ albæ. Sed & citra comminutionem sunt
 quamplurima, quæ hūc aut illūc versata, alio & alio apparent
 colore, sed & saporem etiam mutant multa quòd integra aut
 comminuta, hoc quę in maiores aut minores partes, degustē-
 tur: quædam etiam, alium admota, alium affricata, alium cō-
 minuta odorem præse ferunt, quamquam inde, neque sub-
 stantiæ, neque verarum qualitarum (siquæ sunt tales) muta-
 tio vlla fit. Ergo & ob id etiam quod agnoscitur, fit, vt nullus
 possit iudicare, quales re vera res sint, sed quales appareant.

Ad

Ad vtrumque, id inquam, quod agnoscit, & quod agnoscitur pertinent mitiones, quæ plurimum etiam detrahunt exacte agnitioni . Nam & ob naturales mitiones rerum omnium (cum exactè simplex nulla sensibilibum sit) & ipsum organorum, & mediij, quod vtriusque gratia (cognoscentis inquam & cogniti) in ijs quæ per medium aguntur est necessarium euenit, vt nihil occurrat sensui simplex. Nam gustabile nihil est, quod non constet diuersis, ac non etiam aliquando contrariis partibus. Iam verò in ipsa lingua cum saliuam miscentur, vnde, vt ex alijs omnibus condituris, saporem variare necesse est. Colores quoque cum coloribus miscentur in medio. Quo fit vt aliæ iuxta alias res positæ colores mutant, & in vniuersali loco & in Sole. Sed & varijilli oculorum colores, qui secundum iridem, corneam & coniunctiuam tunicam sunt, & inter se inuicem, & cum extrinsecus subeuntibus speciebus miscentur variè. Nihil ergo syncerum ad sensum venit ipsum, quare neque exacta rei cuiusquam notitia haberi possit. Si enim vnicum idemque semper esset, & nullam prorsus mutationem subiens sensus qui agnosceret, ipsum verò sensibile mutationes subiret ex modo obijcendi, aut etiam si ne ipsum quidem sensibile mutaretur, causa autem mediij, aut eorum quæ necessario accedunt, simplex syncerumque non occurreret, nulla prorsus notitia posset esse exacta, quantò magis cum organorum sit tanta varietas, & eorundem tam multiplices affectiones, & ipsa sensibilia nunquam non alio & alio modo mutantur, & misceantur, omniaque & interna & externa, & ad sensum & ad sensibile spectantia, phantasiam permutent. Hæc & alia multa huiusmodi sunt Scepticorum argumenta, quæ constat non eo tendere, vt indicent notitiam certam rerum comparatam hæcenus non esse, sed ne comparari quidem posse, ob naturam &

conditionem sensuum & sensibiliū. Igitur cum tres fuerint primæ ac capitales sectæ, vnica causa est affirmare, se quippiā scire. Dux negāt sciri aliquid posse. Quibus plurimum videntur adstipulari præscripta verba Ecclesiastici. Atqui ego ita statuo. Nullius substantiæ habere possumus per sese notitiam quam vocant intuitiuam, quia nulla uia est ad intellectū nisi per sensus, sensus verò patibiles tantū percipiunt qualitates. Accidentium haberi potest notitia per se, sed ob instabilem sensuū & sensibilem naturam, & sentiendi modū, nunquam exacta. Porro assertiones, quædam sunt per se notæ, quarum assensus natura nobis insitus est, alię verò sunt quarum ex primis monstratorię colliguntur. Primarum habetur scientia naturalis, aliarum verò ratiocinando conquistæ. Huiusmodi sunt pleręque mathematicarum thesôn, quia de im materia libus prorsus rebus enuntiantur. Eorum verò quæ in opinione versantur, cuiusmodi sunt omnia physica problemata, cōstat nullum prorsus sciri posse, quia si quodpiam illorum sciretur, accedente scientia toleretur omnis opinio, sublata omni obscuritate, & incertitudine, quæ non possunt abesse ab opinione. Non solū autem non est hæcenus comparata scientia physicarum assertionum, sed ne comparari quidē potest, quia physicus non abstrahit a materia. Materialium verò notitia cum pertineat ad sensus, non potest ultra opinionem procedere. Scientia enim est uniuersalium & intelligibiliū. Itaque physicus, quantumuis laboret, nō potest suarum thesôn scientiam comparare, non tamen proinde debet more Pyrrhonicorum dubitare de omnibus, sed probabilioribus assentiri. Magna enim stupiditas est, putare omnium orationum contrariarum esse parem vim, etiamsi ubi probabilis est contradictio, neutri licet citra dubitationem assentiri. Sed dices, si non potest homo rerum naturalium scientiam asse-

qui,

qui, quorsum cum appetitum Deus illi inscquit? an tantum
vt cupiditate, cum desperatione torqueretur? non quidem,
sed, primum sane (ut in præscriptis oraculis legimus) vt oc-
cuparentur in ea, ut scilicet, honesta & laboriosa occupatione
detenti, minus vacarent criminibus. Deinde & ob aliam quo-
que longe potiore vtilitatem, scilicet ut non inueniat ho-
mo opus quod operatus est Deus ab initio usque ad finem.
Itaque datus est homini is naturalis appetitus, mundusque in
disputationem, vt semper quærens, nunquam inueniat cau-
sas operum Dei. Sed quæ hinc vtilitas? maxima. Ex nulla
enim contemplatione potius quam hac, venire possit homo
in cognitionem Dei, & futurorum bonorum, neq; aliunde
capitur melius argumentum. Cum enim homini sit scientiæ
de natura appetitus naturalis: talis verò appetitus non possit
esse impossibile (quia omnis talis nascitur ex priuatione &
potentia) constat eum talem scientiam consequi posse omni-
no. Quare si in hac vita, ac sensuum horum ministerio, nō po-
test, sit ut illū maneat uita alia beatior, in qua, à perpetua qua
in hac torquetur siti, sit satiandus, cum scilicet apparuerit
gloria Dei. Simile etiam argumentum accipitur à beatitu-
dinis naturali appetitu, & uitæ huius necessaria miseria. Eadē
enim ratione fit, vt seculum aliud beatius debeat expectari.
Plurimum itaque confert physica cōtemplatio ad cognitio-
nem (ut disertissimè dixit Diuus Paulus) inuisibilem Dei,
idque duobus maximè modis. Nam & per ipsarum rerum
natura constantium pulchritudinem, & ob causarum quibus
constant ignorationem, à Nicolao de Cusa doctam ignoran-
tiam appellatam, cum scientiæ appetitu coniunctam. Quo-
rum illud vocat nos in cognitionem Dei, hoc futuræ uitæ, in
qua optatam & tranquillitatem, & scientiam, Deo conceden-
te, consequemur. Argumentum à pulchritudine rerum cō-
perunt

perunt etiam philosophi. Nam Galenus capite vigesimo-
sexto de historia philosophica, inquit, Dei verò cognitionem
habuimus, ex pulchritudine quam cœlo inesse spectauimus.
Nihil enim temerè aut casu pulchrum oritur, sed artificis ali-
cuius opera. Plato quoque pulchritudinem mundi huius
quem conspiciamus, pulchritudinis causæ exemplaris, quæ est
ipse Deus, argumētum esse affirmat. Sed & in sacris eloquijs
occurrit passim hoc argumentum. Quid enim aliud est illud
Psalmi. Cœli enarrant gloriam Dei, & opera manuum eius
annuntiat firmamentum? & illud Cantici, Benedicite Sol, &
Luna Dominum, benedicite stellæ cœli Dominum, benedi-
cite imber & ros Dominum? & iterum illud Psalmi. Lauda-
te eum Sol & Luna. Et iterum laudate Dominum de terra
dracones & omnes abyssi, ignis, grando, nix, glacies, spiri-
tus procellarum, quæ faciunt verbum eius. Montes, & om-
nes colles, ligna fructifera & omnes cedri. Quorsum enim in-
uitantur ad Dei laudem irrationalia, & inanima? aut quo pa-
cto possunt Laudare? certè non aliter quam suo factori atte-
stantia, atque potentiæ, bonitatis, & sapientiæ, illi testimoniū
perhibentia. Eo quod suo quodque genere, valde bona, &
pulchra sunt & perfectæ, ita ut non possimus quidquam adde-
re aut detrahare ijs quæ fecit Deus, ut timeatur capite tertio
Ecclesiast. Innumera alia huiusmodi testimonia sunt in sa-
cris scripturis, pro nostro autem instituto, satis sit nunc vnū
aut alterum protulisse. In secundo etiam argumento, quod
ab ignoratione causarum naturalium accipi diximus, versa-
tur maxima pars eius disputationis quæ habetur in libro Iob.
Nihil enim aliud innuunt illa verba cap. trigesimali sexti, qui-
bus Eliud ita affatur ipsum Iob, ut suo loco explicatum est,
Memento quòd ignores cœpus Dei, de quo cecinerunt viri.
Omnes homines vident eum. Vnusquisque intuetur procul.

Ecce

Ecce Deus magnus vincens nostram scientiam. Alia etiam multa sunt huiusmodi, quorum pleraque propriam habent disputationem in hoc libro. Illud verò in commune pro quam plurimis sciri oportet, non sine magno sacramento nos passim sacris eloquijs admoneri, nunc nostræ improbitatis, nunc debilitatis, nunc infirmitatis, quia ex horum cognitione nascitur firmissimum argumentum infinitæ bonitatis, potentiæ & sapientiæ Dei. Quicumque enim conceder, hominem neque posse velle, neque facere, neque scire omnia quæ amari, fieri, & sciri possunt, sed quædam velle, quædam invidere, quædam posse, quædam non posse, quædam scire, quædam ignorare cogetur necessario concedere, esse aliquam in rebus præstantissimam naturam, quæ velit, possit, & sciat, quæcunque amari fieri & sciri possunt. Nam quod simpliciter est possibile aut scibile, huic autem non est, necesse est sit alteri. Alioqui esset scibile, & à nullo scibile, quod quidem repugnantiam continet, quia passiva potentia refertur ad activam. Ergo quod scibile est & ab homine sciri non potest, sciri potest ab alio. Porro ab illo alio, aut omnia sciri possunt, aut quædam etiam necessario ignorantur. Si primum, id est quod quærimus, sit secundum, erit rursus alius cui illa patere possint, atque ita in infinitum ibitur, aut peruenietur tandem in naturam præstantissimam, & omnisciam, ita verò & omnipotentem, & bonitatis infinitæ. Igitur agnitio nostræ improbitatis, debilitatis & ignorantiae, naturalis via est ad agnitionem Dei. Merito ergo Deus Optimus Maximus tradidit mundum disputationi hominum, ita tamen, ut non possit inuenire homo opus quod operatus est Deus ab initio usque ad finem. Unde constat non ipsam philosophiam, sed philosophiæ presumptionem, & inanem fallaciam esse quæ decipiat, & à veritate seducat eos qui se opinantur esse sapientes. Quod optimè in

sinuauit Paulus ad Colocenses capite secundo dicens, Videte ne quis vos decipiat per philosophiam, & inanem fallaciam.

CAPVT SEXAGESIMVM

QVINTVM.



CCLESIASTES. cap. 4. dicit, Didici quod omnia opera quæ fecit Deus per seuerent in æternum. Quæ verba optimè uidentur congruere cum Platonis sententia, statuentis, nihil eorum quæ a summo Deo per se, neque interueniente ulla naturalium causarum effecta sunt, interitum ullum habitura. Inducit uerò ille in dialogo de natura summum Deum, ita alloquentem Deos minores. *Di Deorum quorum opifex ego & pater sum, hæc attendite. Quæ à me facta sunt, me ita uolente indissolubilia sunt. Omne siquidem quod vinctum est solui potest, sed mali est, quod pulchrè compositum est, seque habet bene, velle dissoluere: quapropter, quia generati estis, immortales quidem & indissolubiles omnino non estis, neq; tamen unquam dissoluemini, neque mortis fatum subibitis, nam voluntas mea maius præstantiusque vinculum ad uitæ custodiam, quam nexus illi, quibus estis tunc, cum gignebamini, colligati. Sed nunc iam quid iubeam cognoscere. Tria adhuc genera mortalium nobis generanda restant. Absque horum generatione cælum imperfectum erit. Omnia enim animalium genera ambitu suo non continebit, contineat autem oportet, si est mundus perfectus omnino futurus. Hæc uerò si à me fiant solo, vitaque donentur, dijs adequabuntur. Quapropter*

propter accedite vos secundum naturam ad animalium generationem, ita ut uim imitemini meam, qua in ortu uestro sum usus. Atque eius quidem animalis, quod in ipsis tale futurum est, ut cum immortalibus appellatione conueniat, diuinumque vocetur, principatumque teneat, & iustitiam simul ac vos colat, ego vobis semen & initium tradam, vos cætera exequi par est, ut immortalis naturæ mortalem attexentes, faciatis generetisque animalia, subministrantesque alimenta augeatis, & consumpta rursus reficiatis. Ex hac oratione constat, Platonem censuisse, Deum Optimum Maximum, rerum cognoscendi facultate præditarum, nullam præter Angelos fecisse per sese, hominem verò & reliqua animalia fecisse per Angelos. Non quidem quod Angelis uim creandi, (ut nostri Theologi loquuntur) hoc est efficiendi ex nihilo, communicauerit, hanc enim vix eorum ullus tribuebat vel ipsi Deo, nedum ut possent Angeli illius esse capaces: sed quòd animalia omnia mortalia ab initio facta sint concursione causarum naturalium, has verò angeli inter sese commiserint. Ita enim inquit, Quapropter accedite vos secundum naturam ad animalium generationem, hoc est, accedite, & causas causas ad mouentes, accipientes, scilicet, ex elementis iam creatis, idoneas cuiusque naturæ portiones, atque ut cuique congruit miscentes, facite, ut homo, ac reliqua oriantur animalia. In quem errorem suspicor Platonem inductum esse illis capituli primi Geneseos verbis (quis enim dubitet Platonem esse versatum in sacris?) Faciamus hominem ad imaginem & similitudinem nostram. Olsecisse sanè uidetur Plato non immerito diuinus appellatus, nescio quid de diuinis personis, cum scribens ad Hermiam dicat, testando Deum rerum omnium Ducem, præsentium & futurarum, ac ducis & causæ patrem Dominum. Quid enim sibi vult Deum rerum du-

cem, & Dominum, Ducis patrem nominans? cum tamen sacratissimum sanctissimæ Trinitatis mysterium non satis assequeretur (quis enim hoc in philosopho requirat?) suspicatus est, Deum efficiendi hominis curem, angelis de mandasse. At verò non satis attendit Plato oraculo diuino: *Faciamus enim, inquit, hominem ad imaginem & similitudinem nostram.* Ipse uero purat humani solùm corporis curam efficiendi, esse angelis demandatam, mentes autem esse factas ab ipso Deo. Constat uerò hominē secundum mentem esse Deo similem, non secundum corpus. Quapropter efficiendi hominem ad Dei imaginem & similitudinē, non potuit cura demandari ijs qui in mentium effectione nihil possent. Nisi verò hīc Plato cum Epicuro censebat, *Dijs etiam esse humanas figuras,* sed præter hæc constat, neque hominis, neque rei vilius earum quæ a philosophis uocantur perfectæ, ortum primum potuisse esse naturalem. Nam nullatantum rerum, ortum naturalem habet, nisi à sibi simili, neque hominem ulla naturalis causa efficere potest, præter hominem. Primus igitur, ante quem non fuit alter, non potuit naturaliter oriri. Nisi quis imaginetur, primum effectum esse naturaliter, sed per accidens, hoc est, non à simili, sed aliarum causarum permissione, ut aurum & argentum chymicum fingunt. Constat verò consensu omnium philosophorum, talem ortum perfectis animalibus denegari. Quod si quis plus satis Platonice malit id dicere, quam Platonem esse loquutū dissentanea, cogetur tamē fateri iuxta illius sententiam, omnium hominum imperfectissimum, & suo genere, vilissimum, fuisse primum illum, moxque illi proximum, sensimque recedentes à primis factos esse meliores. Quod, primum quidem, dissidet ab ea quam de primis hominibus omnes conceperunt, opinione, deinde etiam repugnat verbis Moysis, &

ipsiusmet Platonis. Ille enim dicit, Vidit Deus cuncta quæ fecerat, & erant valde bona, hic verò dicit, delectatum esse Deum opere. Sed in præscripta oratione dicitur, curasse Deum ut mundus totus perfectus fieret, non esset autem talis, si præstantissimum animal adeò imperfectum euassisset. Fieri verò ex dictis constat, quia posteriores facti essent a causis proprijs, & per se, primi verò ab alienis & per accidens. Non ergo secundum naturam, neque a Dijs minoribus factus est homo, sed creauit illum Deus ad imaginem & similitudinem suam, ut sacrum eloquium testatur. Non tamen in altera placiti sui parte, perinde errat Plato, sed verissimè affirmat, quod & Ecclesiastes. Omnia quæ a Deo Optimo Maximo per se facta sunt, æterna esse, & interitu caritura, non quidem natura sua, sed voluntate diuina: quæ verò naturaliter oriuntur omnia habere interitum naturalem. Primum enim Plato, non minus quam Aristot. sed distinctius etiam docet, omnia quæ vtcunq; facta sunt interitum habere posse, ac dissolui, ab eadem scilicet causa, a qua facta sunt. Nam quia Angeli non sunt a natura facti, non possunt a naturali quapiam causa extinguì, non minus autem possunt a Deo in nihilum redigi, quam potuerunt ex nihilo fieri. Atqui quod natura factum est, necesse est naturaliter intereat, non tamen perinde est necesse, ut quod a Deo creatum est, aliquando ab eodem redigatur in nihilum, quia natura causa necessaria est, ac proinde necessitate quadam fit aliquando quidquid naturaliter fieri potest, & corrumpitur quod corrumpi. Deus vero nulla tenetur necessitate, sed liberrima causa est, atque ut vult potest, siue facere siue dissoluere, atque quia fecit potest etiam extinguere, sed quia liber potest etiam in æternum seruare. Est vero ut liberrimus ita & optimus, ac proinde efficere quidem voluit, extinguere verò & in nihilum redigere nunquam voluit.

let. Quæ verò ipse per sese fecit, nulla alia causa valebit dissolvere, ipse verò nunquam uolet. Nunquam igitur esse desinent quæ ab ipso Deo per sese effecta sunt, sed omnia opera Dei perseverabunt in æternum. Huiusmodi sunt Angeli, & corpora cœlestia. Quid verò? an non de corporibus cœlestibus scriptum est, Ipsi peribunt, & sicut uestimentum veterascent. Mutabis eos & mutabuntur. Atque alibi, Erat cœlum nouum, & terra noua. Præterea, non hæc solum creauit Deus, sed & terram, cuius nomine elemēta intelligo omnia quæ tamen constat esse naturali interitui obnoxia. Sed & Adamus, qui ut dicitur in Euangelio Lucae, fuit Dei, naturalem habuit interitum. Sed & ipse Dominus & Deus noster, secundus Adamus, qui natus est de Spiritu Sancto, mortuus est. Multis igitur rationibus videtur falsum, omnia opera Dei perseverare in æternum, interitum nunquam subeuntia. Ego quidem cœlestia corpora ita existimo innouāda, ut hæc quæ modo sunt intereant, aliaque pro his & ex his oriantur potiora, ut ex embrione animal, hæc ergo non delenda sed perficienda, donandaque meliori specie, & natura, exuendaque volubilitate, quæ ab imperfectione, rerum ortui necessaria nascitur, donandaque æternæ, naturalisque quietis appetitu, æternitati illi, & rerum omnium Sabato magis congruente. Dicitur verò hoc cœlum periturum, non quòd esse desinet & in nihilum abibit, Sed quòd desinet esse tale, abiens in substantiam perfectiorem. Iam verò terra, & reliqua elementa, ut facta sunt a Deo in initio, ita perseverabunt in æternum, citra interitum (mutata vero ipsa in pulchriorē speciem) hoc est secundum se tota. Ut vero naturaliter oriuntur, ita & naturaliter intereunt, hoc est secundum partes. Tota verò terra semper stat, ut in Psalmo dicitur. Porro neque hominem, neque vllum aliud animalium, fecit Deus ex
ni-

nihilo, sed ex terra & aqua (nam ex limo terræ) quapropter non fecit per se solus, sed cooperantibus elementis. Vt & Sanctissimum Iesum corpus ab Spiritu Sancto, cooperante verò etiam matre formatum est, unde habuit ut mori posset, & animalia omnia protoplasta habuerunt unde interirent. Hoc verò intererat inter hominem & reliqua, quòd in brutis nihil non est effectum ex terra, hominis verò pars præcipua, hoc est mens, non potuit ex terra fieri, sed ab ipso solo per se Deo, dicentibus, ut Mose, ita etiam & Platone. Quapropter consentaneum est, eam partem interitu carere, atq; adeò propter illius bonum, alteram aliquando ad vitam reuocari. Itaque nihil eorum quæ fecit Deus per sese, ac citra alterius causæ concursione, videtur interitum habiturum. Vt vel hinc accipi possit immortalitatis humanæ mentis argumentum, quòd neque ex corporalibus elementis, neq; nisi ab ipso per sese Deo fieri potuit. Quod quidè Plato consentaneè loquens, disertissimè explicauit, post præscriptam orationem, his verbis. Hæc fatus in eodem rursus cratere, in quo mundi totius animam permiscens temperauerat, superioris temperationis reliquias miscendo perfudit, modoque quoddam eodem, non tamen perfectas similiter, sed & secundo & tertio gradu a primis deficientes. Denique cum uniuersum constituisset, Astris parem numerum distribuit animarum. Hæc Plato, qui aperte docet, Deum cum minoribus Dijs formandi corporis humani curam demandasset, ipsum per sese humanas animas confinxisse, eadem ratione qua fecerat ipsos Deos, seu Angelos, & Animam mundi, atq; eadem natura, etsi non æque perfecta, sed paulo inferiori. Secundo (inquit ille) & tertio gradu a primis deficientes. In Psalmo verò octauo dicitur, Minuisti eum paulo minus ab angelis. Itaque hæc in parte congruit diuinum oraculum cum Platonis placito.

cito. Ille enim dicit temperasse Deum in eodem cratere, superioris temperationis reliquias permiscendo (quæ verba innuunt similes esse naturas) ac effecisse animas humanas modo eodem, non tamen æquè perfectas. Diuinus verò vates dicit Deum minuisse hominem paulò minus ab angelis. Quod quidem constat non ob corpora dici (ob hæc enim beluis similissimus est, non angelis) sed ob animas, quas ut quosdam angelos, & si ordinis aliquantò inferioris ipse per sese Deus efficit, & diuino quodam modo, neque homini latius intelligibili immittit in corpora, nullo quidem tempore, antequam in corporibus sint, existentes. Ita verò se habere rem, cuius, qui philosophiæ ignarus non sit, videtur suaderi facile posse. Nihil enim philosophis magis receptum est, quam sentiendi facultatem quancunq; cum eo quod ab ea sentiri potest habere similem naturam, indeque nasci (similium scilicet concursione) sensum actu, & ipsarum facultatum differentiam. At qui profecto in hoc video, in alijs ferè omnibus placitis dissentientes sectas, consentire. Nimirum ut ex Empedocle libentissimè recipiunt, Plato, Arist. & Galenus, & post illos alij omnes. Sentimus terram telure, liquore liquore, aëre aëream substantiam, ignem quoque cernimus igne. Est scilicet quædam naturæ communio, sensibili, sensui, & sentiendi organo. neq; aliter res cognoscibiles subeunt in animam, quam una quæq; per sibi simile, ignea per igneum, aërea per acreum, aquea per aqueum, terrea per terreum. Si igitur in homine est (vt quivis, nisi stupidissimus, in se esse agnoscit) facultas cogitandi de rebus incorporeis, & incorruptibilibus, constat esse etiam substantiæ partem aliquam incorpoream, & incorruptibilem. Mirum verò, esse multos qui se doctrinæ nomine iactant, qui acerrimè disputantes de diuinis, de incorporeis, de vno, ente, & bono, putant nihil in seipsis esse tale, quasi

quasi verò si omnes homines essent nati sine oculis, posset inter ipsos oriri ulla dubitatio de coloribus. Itaque quando quidem humana mens substantiarum incorporearum habet sensum aliquem, incorporea est, & aliquid habet aliud quàm ut sit corporis actus. unde etiam fit, ut ex nulla materia facta sit, & a solo Deo per sese. Nam vim ex nihilo faciendi penes solum Deum esse posse, antea indicatum est si igitur à solo Deo est facta, uel ob hoc æterna esse cognoscitur, ac velut Angelus Dei. Quoniam uero non est Angelis par, sed paulominus perfecta, nescio quam habet analogiam, cū corporeis, ob quam separabilis cū sit, potest esse etiam actus corporis, & organorum sensus, ratio, forma, essentia, & entelechia, quod corporei, & incorporei arctissimum vinculum, hominis naturam facit adeò mirabilem. Qua dignitate indignissimæ mihi videntur illæ belluæ (quo enim alio potius nomine appellabo eos, qui tanto studio tales esse contendunt) dicentes cum stultis (quos Ecclesiastes capite tertio, inducit) vnus est interitus hominis & iumentorum, & æqua vtriusque conditio. Sicut moritur homo, sic & illa moriuntur, similiter spirant omnia, & nihil habet homo iumento amplius. Cuncta subiacent vanitati, & omnia pergunt ad unum locum, de terra facta sunt, & in terram pariter reuertuntur. Quis nouit si spiritus filiorum Adam ascendant sursum, & si spiritus iumentorum descendat deorsum? hæ sunt insipientium voces.

Quorum insipientia duplici mihi videtur constare errore, altero, quod in quæstione de re incorporea, & insensibili, utuntur sensus testimonio, dicentes, Sicut moritur homo, sic & illa moriuntur, similiter spirant omnia, quasi sensu exploranda sit res hæc: altero, quod negant fieri; quia quomodo fieri possit non intelligunt. Quali rationem

aliorum omnium, quæ secundum naturam euenire non negant, apertè intelligant, aut valeant inuenire quidpiam eorum quæ operatus est Deus ab initio vsque ad finem. Deberet eos potius, si modo essent sobrij, propriæ ignorantis cōscientia, dociles reddere ac suasibiles.

CAPVT SEXAGESIMVM

SEXTVM.



Ap. 12. Ecclesiastis siue concionatoris. Memento creatoris tui, in diebus iuuentutis tuæ, antequam veniat tempus afflictionis, & appropinquent anni, de quibus dicas, non mihi placent. Antequam tenebrescat Sol, & Lumen, & Luna, & Stellæ, & reuertantur nubes post plu-

uiam. Quando commouebuntur custodes domus, & natabunt viri fortissimi, & otiosæ erunt molentes in minuto numero, & tenebrescente videntes per foramina, & claudens ostia in platea in humilitate vocis molentis, & consurgent ad uocem volucris, & obsurdescēt omnes filiæ carminis. Excelsa quoque timebunt & formidabunt in via, florebit amygdalus, impinguabitur locusta, & dissipabitur caparis. Quoniam ibit homo in domum æternitatis suæ, & circuibunt in platea plangentes. Antequam rumpatur funiculus argenteus, & recurat vitta aurea, & conteratur hydria super fontem, & confringatur rota super cisternam, & reuertatur puluis in terram suam vnde erat, & spiritus redeat ad Deum qui dedit illum. Hæc verba, continent optimam senectutis ingruentis, & ad extremum vsque procedentis, atque ad eò ipsius interitus, periphrasim. Metaphoricis enim loquutionibus

bus significantur senum labores & miseriæ. Memento (inquit) creatoris tui in diebus iuuentutis tuæ, antequam ueniat tempus afflictionis, hoc est, senectus, & appropinquent anni, de quibus dicas, non mihi placent. Sane anni senectutis displicent. Nam & ipsi senes displicent sibi, usque adeò ut sciamus, vel ob hanc causam, in extrema senectute constitutos, solere libenter à vita discedere, non aliter, ac qui longissimo, & insanabili sunt confecti morbo. Talis enim re vera est senectus, hoc solum a morbo discrepans, quod est secundum naturam. Quod idem eleuat penitus spem euadendi, aliter quam per mortem. Censeo autem hinc sacrum concionatorium, nomine iuuentutis appellare, non solum eam quam Medici ad trigessimum quintum annum produci dicunt, sed primam etiam senectutem, quam illi consistentiam appellant, estque usque ad quadagesimum quintum. Nam ad hoc usque tempus durant plerisque vires, haud quaquam insigniter labefactatæ, neque hebetescunt sensus, neque cani abunde proveniunt. Multo minus aliæ notæ quas concionator recenset, dicens, antequam tenebrescat Sol, & lumen & Luna, & Stellæ. Hoc est antequam debilitari visus incipiat, & effugiat lucem, neque lumen sustinere possit. Significat vero Sol diurnum lumen: nocturnum, Luna & Stellæ. Et antequam reuertantur nubes post pluuiam. Hæc verba significant perpetuas & incoctiles valde, senum coryzas. Nimirum coryza ex vaporibus crudis, à ventre, aut corpore toto ascendentibus, primum quidem, ut nubes quædam caput occupat, deinde densata abit in destillationem, ut quædam pluuiam. Cum ergo assiduus quis conflatur catarrhis, successiuis vicibus citra in remissionem, nunc destillantibus, nunc recrudescentibus, perinde est, ac cum mox a pluuiam aliæ nubes reuertuntur. Quoniam ergo, ut Hippocrates in aphorismo auctor est,

corizæ valde senibus non coquuntur, fit vt ob caloris naturalis debilitatem, & ciborum incoctiones, assidue conflentur, nuncque grauentur crudis, ac difficulter spirent, nunc defatis, excreent multa, & emungant. Et tunc eandem ob causam commouentur custodes domus, & nutant viri fortissimi. Hoc est, sensus debilitantur, & crura præ corporis pondere vacillat. Nimirum exhaustis spiritibus animalibus, cerebroque refrigerato, & secundum propriam siccato substantiam multis uero excrementis obruto, necesse est exiguum facultatis influere in neruos motus, & sensuum organa, atque ea per sese esse inepta, & ad facultatem excipiendam & ad exequenda sua munia. Cum ergo sensus & motus ad eandem animæ partem, ad animalem scilicet, & ad eandem corporis partem puta ad cerebrum, spectent, necesse est patiantur simul. Magna autem proprietate uocantur sensus, custodes domus, & crura viri fortissimi. Nam huic nostri corporis domui dati sunt sensus ad custodiam, ut scilicet accedentium rerum perceptis noxis, possit animal sibi cauere. Quatenus enim alia facultate polleret animalis corpus, nisi sentiret, cauere sibi non possit, siue vreretur, siue secaretur, siue pateretur aliud quiduis. Proprie ergo sensus sunt custodes. Mouendi uero instrumenta fortiora multo sunt, utpote quorum munus in actione, & corporis translatione consistit, non autem in passionem, ut sentire. Hanc ob causam affirmat Galenus, etsi ea de facultas sit qua sentimus, & mouemur, maiori tamen opus esse ad mouendum. Nimirum pars quæ mouet, apponit robur, quæ sentit, patitur tantum. Atqui vel ex ipso hominum sermone constat, Dicimus enim robusta esse crura, aut brachia, aures uero aut nares nemo dicit robustas, sed expeditas, aut perspicaces, ita etiam & oculos & alios sensus. Si quando enim dicimus fortes aut robustos sensus, translata loquutio

rio est, aut non tam ob agendi vim, quam ob dispathiam, quòd scilicet fortia obiecta sustineant, neque facile corrumpantur. Mouentia verò membra non ita; sed ob transferendi, aut portandi uim. Cum verò fortitudinis epichetum partibus omnibus, quibus est uis mouendi cōgruat, multò magis cruribus, quæ tota uita totam corporis molem sustentant, & transferunt. Hæc verò senibus vacillant, qua de causa baculis utuntur. Porro his ipsis sunt molares dentes per pauci, & ij ipsi qui supersunt otiosi sunt, neque quæunt suo munere rectè fungi, cum ob maxillarum debilitatem, tum etiã ob eandem ipsorum raritatem. Incidens enim in spatia vacua cibus male conteritur. Hoc ergo est quod dicit, & otiosæ erunt molentes in minuto numero. Dentes soli inter omnes nostri corporis partes nunquam nobiscum nascuntur, sed innascuntur iam ortis, & raro usque ad naturalem interitum comitantur, sed excidunt prius. Illud quidem utilitate, hoc necessitate euenit. Non enim nascuntur nobiscum, ne lac é mammis sugere, alimentum utile ei ætati adeò, impedian, excidunt verò non sine hominis damno, sed ob radice siccitatem, & alueolorum, quibus clauorum ritu infixi sunt amplitudinem, quam defectus nutritionis maxillæ, & ipsorum dentium affert. Diximus senibus custodes domus commoueri, hoc est, sensus extingui. In his uerò oculi & aures solent noxam insignem pati, obtenebrescent enim aspicientes per foramina, hoc est, oculi, & obsurdescent filix carminis, hoc est, aures. Vtriusque causa est debilitas facultatis, eius quæ in cerebro residet, & in vtranque partem per nervos mittitur, & instrumentorum ineptitudo. Nimirum siccitate, & excrementorum congestionem, crassescunt senibus succi oculorū, & membranae anteriores durescunt, & corrugantur. Vnde (accedente præcipuè, spirituum inopia) fulgor amittitur. Nonnullis
etiam

etiam obturantur nerui optici, Auribus simile quiddā contingit, & tabescit internus & congenitus aer. Sed videamus quod interest. Claudent (inquit) ostia in platea, in humilitate vocis molentis. Vocatur platea, humani corporis ipsa facies, quia illic sunt omnes sensus, & omnis ad sentientem animam pertinens negotiatio, omnesque cordis affectus facies declarat, nam timorem mæstitiam, & hilaritatē. Quo respiciens Poeta ille dixit. O quam difficile est, crimen non prode re vultu. Salomō quoque quinto prouerbiorum inquit, Cor gaudens exhilarat faciem. Ecclesi. quoque 13. ait, Cor hominis immutat faciem eius, siue in bona siue in mala. Certē cum totum corpus anima teneat, in facie multo euidentius se prodit. Quo fit, ut merito censeatur adeo contumeliosum in faciem cedi, quandoquidem in ipsos sensus, atque adeo in ipsam animam uideretur illata plaga. Qua eadem natura, cum quippiam irruit extrinsecus, accurrunt partes omnes in faciei custodiam, se ipsas periculis obijcientes. Senibus uox est humilis ob debilitatem facultatis quæ thoracem mouet, quia ad edendam uocem uehementi expiratione opus est. Quapropter non temere centurio, qui ex aduerso stabat, (ut dicitur Marci capite decimoquarto.) videns quia sic clamans expirasset, dixit, Vere filius Dei erat iste. Nimirum qui sunt morti proximi, ne edere quidem possunt uocem præ debilitate, nedum clamare uoce magna. Præter facultatis autem debilitatem, facit senibus humilitatem uocis, detrium defectus. Quia is ipse spiritus qui expiratur, non percussus, effluit, quare minus sonat. Cui malo ut succurrant, comprimunt introrsum labia, quasi vacua dentium loca ita obturari. Quare ostia plateæ claudunt. Nimirum labia sunt oris ostia, os ut pora plateæ. Claudunt ergo ostia in platea in humilitate uocis molentis, hoc est, ob humilitatem vocis, quam

faciunt rari molentes. Accidit quoque senibus peruigilium, ob cerebri siccitatem, & non raro ob dolores assiduos, cum aliarum partium, tum uel maximè uiarum urinae, & ob destillationes, & excreta. Quo fit, ut nunquam totam noctem dormiant, sed plerumque surgant ad uocem volucris, hoc est, ad galli cantum expergiscuntur enim, atque si dolore urgentur, etiam surgunt noctu aliquoties, atque adeo eorum plerique antelucano tempore, aut saltem summo mane exurgunt. Nimirum eius ætatis est, cito ire cubitum diurno motu defatigatos, & cito etiam exsurgere non dormientes, neque minus defatigatos iacendo. Adeo nulla illis requies est, & merito uita displicet. Hoc est quod dicit, & consurgent ad uocem volucris. De cantu galli, ut qui ternis horis cantare solear, quasi motus cœli rationem habeat, ut qui quibusdam gentibus, & in exercitiis maximè, ad excubias noctis pro horologio sit, dictum antea est in hoc ipso opere. Excella quoque (inquit) timebunt in uia. Hoc est, mens quoque terrebitur, ubi se ire in mortem precipitem homo sentiet. Florebit amygdalus, hoc est, canescet quoque caput & barba, ut florescens amygdalus. Nimirum hæc arbor omnium citissimè canescit. Causa canicie est, redundantia pituitæ in alimeto proprio, partium circa cutem, ob debilitatem naturalis caloris. Addit, impinguabitur locusta. Quod de marina locusta intelligi debet, ea est in animalibus ostracodermis, hoc est testacea crusta rectis. Senibus ob siccitatem siccat, & durefcitque cutis, ac proinde locustis conferuntur, perindeque est dicere, impinguabitur locusta, ac si diceret, crescet calosa duricies in cute, quasi locustæ crusta fiat. Addit, Et dissipabitur caparis. Quidam interpretantur, caparis nomine intelligi generandi potentiam, & stimulos ueneris atque adeo ipsas uenereas partes, quod (ut auctor est Auicenna secundi libri capite centesimo-

resimosecundo,) capari venerem instiget. Intelligunt itaque hoc quoque esse extremi senij inditium, marcescere genitalia sine generandi cupiditate & potentia: fit verò id emoriente virtute in parte, & vitali calore, quoniam ibit homo in domum æternitatis suæ, hoc est, morietur, incipit uerò mors à facultatum extinctione, huius verò ante alias, quia pluri spiritu indiget, & ad propriam uitam tuendam minime est necessaria, sed ad prolem. Et circuibunt (inquit) plangentes in platea. Hoc dicunt significare lachrymas inuoluntarias, decurrentes ex oculis per faciem. Quod signum in ægrotantibus acutè est lethale, in senibus uerò debilitatis naturalis oculorum, quod extremos iam senes solet comitari. Non est parum congruens hæc enarratio. Mihi verò ob illa verba quæ interiecta sunt. Quia ibit homo in domum æternitatis suæ, magis placet, illa verba. Et dissipabitur caparis, & circuibunt plangentes in platea, descriptionem esse mortis ipsius, & funeralium, quam senij: quasi dicat, eò res ueniet tandem per senium, ut dissipetur capari, hoc est, apperiat sepulchrum, & circueant plangentes in platea, hoc est, circa domum plangent, qui lamentis sunt prosequuturi funerals, Eligiaci scilicet, aut Præfices, ut erat antiquitus, in more. Hæc verò fiunt, quia ibit homo in domum æternitatis suæ. De capari scribunt naturæ historici, nasci solere in sepulchris, cum deceret scilicet per campos, ubi quondam, tam Iudeorum quam Gentium, erant sepulchra. Necesse ergo erat, quo ea apperirentur, caparim dissipari. Nam Arist. sectio. vigesima, problem. duodecima interrogat quid causæ sit, quod capari locis cultis non gaudeat, sed inculta & inuia prosequatur, & maxime sepulchris adhæreat. His de obitu per præocupationem dictus, redit rursus ad senij noxas, dicens, antequam (supple recordare creatoris tui) rumpatur faniculus argenteus, &

recurrat vitta aurea. Funiculus argenteus uocatur magna proprietate spinalis medulla, cum neruorum qui ex ea oriuntur distributione. Neruis enim, ut quibusdam funiculis alligantur, & firmanentur omnes corporis partes. Est uero spinalis medulla, & ipsa neruorum substantia, colore argentea. Vitta aurea uocatur menynx tenuis, siue cerebri inuolucrum. Ea enim, ut uitta quædam, totum cerebrum ambit, constringit, & continet. Vocatur uero ea non ob colorem aurea, sed ob utilitatem, quasi præciosa. Est enim adeo, ut multi medicorum censeant, non sine magnis argumentis, ad illam potius, quam ab cerebri substantiam, pertinere sentiendi principium. Ea adhæret adeo indissolubiliter cerebro, ut eo siccato atque imminuto, ut in senibus euenit, contrahatur ac corrugetur. Qua causa fit, ut cerebrum, & menynx recurrant à craneo, neque illud contingant. Hinc illud arefcit, & præ eius ariditate excidunt pilli, ut herbarum arefacta terra, fitque caluitium. Porro ad neruos pertinet sensus uoluntarius, qui obitur per musculos, cum laxantur quasi funes dirrupti, euenit membra, in quæ subeunt resolui, ac paralyfim pati, siue linguam, siue brachium, siue crus. Quæ passio senibus familiaris est ob neruorum debilitatem, & redundantiam succorum crudorum. Dicit ergo, antequam rumpatur funiculus argenteus, hoc est, antequam fiat paralyticus, & recurrat vitta aurea, hoc est, contrahatur menynx cum cerebro, ac fiat caluitium, & conteratur (inquit) hydria super fontem, & cõfringatur rota super cisternam. Hæc omnia pertinet ad urinam, quæ primū quidem exit guttatim, quasi ex rupta hydria, cum senex laborat stranguria, deinde supprimitur omnino, quasi rota confracta super cisternam fitque ischuria uocata, & tunc nihil superest, nisi ut reuertatur

tur puluis in terram suam, unde erat, & spiritus. Reuertatur in eum qui dedit illum, hoc est, homo moriatur. Quod ut intelligas, scias renes incessanter trahere serum ex vena magna & hepate, ut rotam quandam quæ continenter haurit ex cisterna: hos rursus, quod traxerunt mittere in vesicam, velut in hydriam quandam: hancque mittere in colem, ut in fontem ex quo aqua manat. Itaque fons est ipsa via per quam emanat aqua: hydria vesica quæ illi superstat, rota ren, cisterna vena caua. & merito quidem, quia ex caua hauritur. Ren verò rota, quia inde extrahit. Vesica potius hydria, quia non trahit, sed recipit quod in eam mittitur. Primum ergo senibus accedit, stranguria, debilitata retentricæ vesicæ, quod est, esse hydriam ruptam. Deinde cessat penitus mictio, corrupta tractricæ facultate renum, quod est, confractam esse rotam, tuncque citissimè moriuntur. Quendam vidi per eam affectionem attigisse diem undecimum, alium nonum, alium septimum tantum, quatuordecimum memini attingere nullum. Neque mirum, distribuitur enim serum cum sanguine per totum corpus, quod calorem naturalem partium extinguit & impedit nutritionem, quia adeò dillutum alimentum non affigitur. abigit ergo puluis in terram suam, ex qua sumus.

CAPVT SEXAGESIMVM

SEPTIMVM.



Ap. 7. Ecclesiastis. Noli esse iustus multum. Non videtur facile intelligere, quis iustus multum possit vocari, aut quæ iustitia possit vituperari. Nam vt ab Aristotele accepimus, libro quinto Ethicorum, ad Nicomachum, iustitiæ nomen dici potest, de eo quod legitimum est, in quo omnes virtutes continentur, (quia in rep. perfecta omne bonū erit sancitum lege, & omne vitiosum ac turpe prohibitum) aut de eo quod æquum, siue æquale, quo significato est iustitia virtus quædam peculiaris, quæ versatur in quærenda æqualitate, vbi inter aliquos iniquitas quæpiam intercesit, siue in commutationibus faciendis, siue iniurijs inferendis. Sunt verò huius iustitiæ, partes tres. Distributiuæ, commutatiuæ, & punitiuæ. Nulla harum videtur posse esse nimia, neque vituperabilis. Nam primum omnium, vt tota virtus est, non sit nimia. Nam ipsi virtutis rationi repugnat quod nimium, cum in eius esse sit, in mediocritate consistere. Multo autem minus, vt est virtus quædam peculiaris. Omnis enim eius pars versatur in quærenda æqualitate. Æqualitas verò est res impartibilis, quare in ea non possit esse nimium. Quod si quam maximè vellimus intelligere, per abusum dari nomen virtutis, vitio quod consiluit in excessu velut dicimus aliquando, nimis liberalem esse eum qui est prodigus, & nimis temperantem eum qui est insensibilis: tamen id cum in alijs virtutibus fieri possit, in ea iustitia nullatenus videtur posse. Quia vt Arist. inquit, cap. 5. lib. citati, iustitia non consistit in medio vt aliæ virtutes, sed modo quo-

dam alio, quia non ut illa, est inter contraria vitia constituta, sed versatur inter duo inæqualia, inter lucrū, scilicet, & damnum, seu inter iniuriam facere & pati. Quæritque inter hæc æqualitatem, & medium, & quò propius accedit ad exactū, eò melior est, quare per iustitiā nunquam itur ad excessum. nulla igitur iustitia vituperanda, neque quisquam esse potest nimis iustus. Atqui profecto ita est. Nullus re vera est nimis iustus, sed neque nimis temperans, aut prudens, aut fortis, quia virtutes nullam recipiunt vitij admissionem. Nihilominus cum nimis adijcitur, significant ea nomina non virtutes ipsas, sed vitia quæ fiunt per excessum. Velut calor (ut conferamus physica cum Ethicis) est ea virtus qua generamur, vivimus, nutrimur, & augescimus, si tamen dicas, calor nimius, febrem significabis: ita nimis fortis dicitur audax, seu temerarius, nimis temperans insensibilis, nimis prudens callidus. Nimis iusto non video quod nomen datum sit. Est fortasse anonimum, ut multa alia in morum scientia, est tamen etiam qui nimis iustus vocari possit, deficiatque hac ratione a vera iustitia, sitque vitiosus in hoc morum genere. Id quod indicare me posse exemplis spero per singulas iustitiæ partes, Punitivam inquam, Distributivam, & Cōmutativā. Nam iudex, qui scelerum, & iniuriarum est vindex, deficere potest a iustitia, minus aut plus puniendo: minus quidem, quia cum iustitia non sit virtus ad se ipsum, sed ad alios, non est in eius potestate situm, alterius iniuriam condonare, neque si sit crimen alio in genere (non enim omnia crimina iniuriæ sunt) est ille aliud quippiam, quam minister legum. quare ne sic quidem potest pœnam remittere ut lubet, non minus tamen peccare potest, si nullam vnquam æquitatem adhibeat, sed semper iudicet ex Scripto. Nam etsi iustum legitimum sit, quod lege statutum est, quia tamen leges nō possunt

sunt esse de singularibus, vt neque scientia vlla, neq; ars, quia hæc sunt infinita, quotidieque nascuntur, & intereunt, vniuersale verò non potest non deficere in multis singularium, necesse est, vt iudex in quàm multis adhibeat æquitatē, quæ nihil est aliud, teste Arist. quam emendatio legis in eo quod deficit ob vniuersale, hoc est, detrahare aliquid ei quod lege sancitum est, ob circumstantiam aliquam quã legislator non præuidit. Qui igitur nullam vnquam æquitatē adhibet, prætextu iusti legitimi exequendi, incidit in vitium, quod est in excessu. Iam verò distributiuia iustitia consistit in tribuendo, cuiq; pro sua dignitate, estque hoc modo iustus, qui in bonorum distributione æqualitatem seruat. Quam æqualitatem dicit Arist. debere esse non arithmeticam, sed geometricā, quia non debet tantundem tribuere omnibus, sed habita ratione dignitatis cuiusque, vt, verbi gratia, Achylli 8. Aiaci 4. Peccare igitur contingit in hoc genere duobus modis. Non enim solum peccabit qui tribuit minus digniori, sed & qui tribuet plus indigniori, si sit materia iustitiæ (nam vbi locum habet gratia, non pertinet ad iustitiam) velut si quis tribuit vtrique Achyli dico & Aiaci 4. peccat, quia Achyli tribuit minus, si vtrique 8. quia Aiaci tribuit plus. vtroque autem modo deficit ab æqualitate, peccatque, etsi non eodem modo. Quia qui tribuit plus iniuriam non facit, vt qui minus, ei scilicet cui tribuit, est tamen nihilominus vitiosa & iniqua actio. Velut (satius enim sit appertioribus vti exemplis) in suffragijs ferendis pro consequenda dignitate, aut auctoritate in Repub. non solum peccat qui denegat digno, sed aliquando etiam multò magis qui tribuit indigno. Tamen si non vterque iniuriam facit, quia qui digno denegat, tribuens minus boni aut plus mali, quam meretur, iniuria eum afficit, qui tribuit indigno non ita, quin potius in contrarium incidit vitium,

tium, quia tribuit boni plus, aut mali minus. est tamen hoc quoque rem iniustam facere. Iam verò iniustitia commutativa, iustus est qui sibi & alijs tribuit æquale. Aequale verò nō geometricum, vt in distributiva, sed arithmeti- cū, vt centum pro centum, decem pro decem. Nulla enim in commutationibus haberi debet ratio dignitatum, sed rerum. Igitur peccare quis possit in hoc genere duobus modis, & tribuens sibi plusquā alteri, & tribuens alteri plusquam sibi. Inique enim commutat, qui pro re quæ valet centum, tribuit quinquaginta, iniquè etiam si tribuit bis centum, vbi non habet locum liberalitas. Vbi verò liberalitate id agitur, non habet rationem commutationis, sed largitionis, quā commutatio autem, vitiosa erit. Non tamen eodem modo peccabunt hic & ille. Quia qui tribuit minus, iniuria afficit vendentem, qui plus nullam iniuriam facit (nisi forte rei publicæ) vitiosè tamen commutat. Sunt igitur hīc quoque duo vitia, alterum in defectu alterum in excessu, atq; vtroq; modo agitur res iniusta, etsi non vtroque infertur iniuria. His argumentis, non possum hac in parte probare sententiam Aristotelis, dicentis iustitiam non esse inter duos excessus, vt alias virtutes, sed modo quodam, quia versatur inter duo inæqualia, vt inter lucrū & damnum. Quin potius ex ipsius Arist. sententia, mihi videtur evidens argumentum capi, aduersus eundem. Nam si iustitia versatur inter lucrum & damnum, necesse est vtriusque posse adhiberi plus & minus, & duplices esse actiones circa duplicem materiam, augendam aut minuendam, vtrasq; deficientes ab æqualitate, ac proinde vtrasq; vitiosas. Quare cum habitus nascentur ex actionibus, duplices etiam habitus male operandi circa iustitiam possint animis innasce, sitq; iustitia constituta inter duo vitia, vt virtus alia quæcunque. Verbi gratia, iuste commutat, qui sibi & alteri tribuit æquale lu-
crum.

crum & damnum, iniuste verò qui sibi lucrum & alteri damnum, vel sibi lucri plus, aut damni minus quam alteri : & qui alteri lucrum & sibi damnum, aut alteri lucri plus, aut damni minusquam sibi. Nam etsi plerisq; videtur hic non peccare, quia nulli facit iniuriam (sibi enim nullus potest iniuriam facere, quia ea non fit volenti) tamen non bene commutat, atq; ea actio ratione largitionis, & ob liberalitatem possit esse studiosa, qua commutatio vero, vitiosa est. Constat igitur, iustitiã, vt alias omnes virtutes morales, in mediocritate consistere, quin etiam multo apertius quam alias, quia versatur in quærenda mediocritate inter excessum & defectum. Qua propter sapientissimè monet Ecclesiastes, noli esse iustus multum, siue, inquam, iudex es adeo constitutus, ne ita te geras, ut nullam adhibeas æquitatem: siue emolumenta præmiaque distribuis, caue tantopere timeas digno denegare, ut tribuas etiam indigno: aut contra, dum times tribuere indigno, deneges etiam digno: siue commutas, caue tantopere timeas alteri satis lucri non tribuere, vt tibi inferas damnum. Nã etsi non utroq; modo eris iniuriosus, utroq; eris iniquus, atq; aliquando simul damnum patieris, & iniuria remp. afficies. Quandoquidem ergo uirum bonum præcipuè civilem, oportet omnia, cum, & vt oportet, agere, atq; omnia in commune primum bonum, deinde suum, conferre, cauere debet, ne in materia iustitiæ quippiam agat, nimis: neq; verò in ulla alia. Insinuant se profecto aliæ interpretationes eius loci, non ineptæ. Possunt enim verba scripta esse in hypocritas, qui videri ab hominibus iusti uollunt nimis. Quasi diceretur, nolli nimis in conspectu hominum esse iustus. Possunt etiam dici in superstitiosos, qui prætextu pietatis, in multas impietates incidunt, & seruili timore peccandi, multa sibi fingunt, in quæ etiam incidunt, peccata. Verum

rum prior interpretatio, philosophica magis est, & meo instituto accommodatior.

CAPVT SEXAGESIMVM

OCTAVVM.



Aperte quarto Sapientiæ ita habetur, Fascinatio nugacitatis obscurat bona. Paulus etiam capite tertio Epistolæ ad Galatas, ita eos alloquitur; O insensati Galatæ, quis vos fascinauit, non obedire veritati? quibus in locis videtur fascinationis facta mentio, tamen si plerique viri docti vanam esse censent de ea opinionem. Quapropter haud erit abs re, neque præter præsentis operis institutum, de ea tantisper differere. Haud scio unde melius possimus incipere, quam ab ijs quæ de fascinatione vulgus censetur inde illius comparata notione, examinemus, an re vera quidpiam sit in rebus tale, an aliud aliquid. An omnino nihil, sed mæra nugæ. Audio quàm plurimos affirmare, fieri non nunquam, ut qui bene valent, ab alio quopiam tantum conspecti, repente ac multum lædantur, eosque qui ita læduntur, fascinosos vocant, quibus verò vis ea maligna in oculis sit, (neque enim omnibus esse æqualem) Fascinatores. Hos verò ipsos fascinare (hoc est in tuendo lædere) cum quadam animi affectione magis, ut cum attente intuentur cum quadam inuidencia. Proinde hoc periculum multò magis subire pulchros quàm deformes, & cum laude magis quàm cum vituperatione. Unde religio nata est, bene impreçandi, ei quæ cum admiratione & cum laude intuearis, alioqui (dicunt) fascinetur. Alij fascinationis timorem, ad alias etiam quas-

cun-

cunq; inuidentiæ causas, extendentes, si quid comedunt aut dè, quod alium quempiam vident intueri, metu percussi partem cibi statim prorrigunt, ne fascinentur. Porro dicunt hanc passionem in pusillos incidere potiusquam in grandiores, quod teneriores sint, & (vt ipsi dicunt) leuiori sanguine, hoc est (vt arbitror) minus fætulento & melancholico, tamen si pulchræ etiam mulieres & quæ se tales esse præsumunt, sibi cauent. Quin etiam ad animalia cætera dicunt hanc affectionem pertinere. Nam & gallinas, & agnos, & equos, ferunt fascinos aliquando cecidisse. Ex his omnibus quæ de fascinatione circumferuntur, fieri videtur, vt, etsi modo & subiecto variet, illud tamen commune omni fascinationi sit, oculis & intuitu inferri. Itaq; videtur esse læsio oculis illata, non tamen hoc solum. Nam si, qui ophthalmia laborat obuium quempiam inficit, atque ophthalmia facit laborare, nemo vnquam dixerit fascinasse. Quidam addunt læsionem illam illatam oculis, oculis etiam concipi, vbi is qui fascinator & qui fascinat, sese mutuo intuentur attente. Itaque ponunt in ratione, seu notione fascinationis, duplicem oculorum respectum, & inferri, & concipi oculis. Alij ponunt hæc seorsum, quasi duplex sit ratio fascinationis, aut illata, aut concepta oculis passio. Quapropter erit multò verius fascinatio, cui vtrunque accidet, & inferri, inquam, & concipi oculis. Sed neque hoc vtrunque, nam & ophthalmia per contagionem genita, infertur & concipitur oculis, neque vlla ratione potius, quam si qui primaria laborabat, & qui inficitur, se mutuo intueatur. Sed neque si quis pestilenti affectus febre, aut etiam sine febre, deferens secum pestis seminaria, alium intuens intuentem inficiat, dicitur fascinasse, sed peste affecisse. Quid ergo aliud possumus adijcere ad integram fascinationis rationem? certè nihil (vt videtur)

tur) aliud, quam timorem illum superstitiosum, ex suspitione inuidentiæ, vt si pulcher pusillus sit, intueatur verò maligna anus, quæ pulchritudinem miretur, & odit. Hanc enim ob causam duobus occurritur remedijs, aut signo aliquo contemptus, vt implicatis digitis (sicam nostri vocant) aut bona præcatione, alterum enim horum indicat, eum qui intuetur, non admirari, neq; laude dignum magnopere censere, siquidem contemnit, alterum, non odisse, siquidem præcatur bona. Ita etiam si quis comedens aliquid. intuenti auidè, non porrigit, timet fascinationem, quia intuenti expetentique est inuidiosus, inuidia enim obiectum est, ingratum bonum. Videtur itaque fascinatio esse passio oculis illata & cōcepta, profecta ex quadam affectione animi eius qui intuetur. Quapropter rationem aliquam pulchri, aut expetibilis esse oportet in eo quod fascinetur, & malignitatis in fascinatore. Si autem hæc est fascinationis ratio, quiuis facile intelliget, fascinationem esse superstitiosum quendam timorem ex stulta credulitate profectum, cuiusmodi sunt quamplurima alia in hominum vita. Argumento est, quòd mulieribus magis quam viris, & viris indoctis magis quam peritis probatur ea opinio. Tamen si video in ipsis etiam doctis esse quosdam, qui quadam ambitione, omnia quæ vulgus miratur, tueri curent, subtilitatis magis quam veritatis amatores; vnde Iudicarij, Magi, Præstigiatores, & secretorum periti haberi volunt, quorum ingenia ego nunquam fascinabo. At dices, fascinationis opinio neque vulgaris est, neque noua, siquidem antiquissimi & probatissimi autores, scripsere multa illius remedia: si verò nulla re uera esset fascinatio, vanum esset prorsus eius remedia recensere. Plinius lib. 26. cap. 20. inquit, altera Satyrion Orchis cognominata, foemina esse creditur. distinguitur internodijs & ramosiore frutice,

Frutice, fascinis vtili: idem lib. 28. cap. 4. repercuti fascinationes desputio affirmat. Inuentæ itaq; iam sunt tres fascinationis præcautiones: fica, & benedictio in eo qui cernit: spuitio in eo qui cernitur. Idem commendat lib. 13. cap. 4. contra fascinationes ossicula quædam palmarum lunata, & dente, nescio qua religione, polita. Idem corium frontis hienæ fascinationibus resistere affirmat lib. 28. cap. 8. Arist. quoque sectione 20. problematum dicit, rutam antidotum esse fascinationum. Non aliter profectò, ac nunc pusillis collo suspenditur Gagates. Non videtur ergo figmentum esse fascinatio, cuius tam multa remedia inuenta sunt. Nam naturalium remediorum cognitio, non aliter constat quàm experimento, non potest autem esse auxilij, quin sit ipsius etiam passionis experimentum: id verò si est, certè & ipsa fascinatio est in rebus. Quod alijs etiam antiquorum dictis confirmatur. Nam & Virgilij est illud carmen. Nescio quis teneros oculus mihi fascinat agnos. Plinius quoque lib. 7. cap. 2. in Africa (inquit) esse familias quasdam efascinantium, Isogonus & Nymphodorus tradunt. quarum laudatione intereant prouata, arescant arbores, emoriantur infantes. Esse eiusdem generis intribalis, & ilirij adijcit Isogonus, qui visu quoque efascinent, interimantq; quos diutius intueantur, iratis præcipuè oculis. Quod eorum malum facilius sentire puberes. Vides vt multi antiquorum fascinationem asseruerunt. Atqui & illa verba Ecclesiastici 31. Nequius oculo, quod creatum est, aliquibus sonant fascinationem. Præterquam quod & in sacris extant duæ illæ quas præscripsimus orationes, quibus fascinationis mentio fit. Verum de præscriptis orationibus postea dicemus, reliquis occurramus. Atqui (vt incipiamus ab vltimis) Vergilius nō induxit ita loquentem Socratem, aut Aristotelem, sed op-

lionem, vt debeat merito obloquentem personam cenſeri id dicere, non ex ſua ſententia, ſed ex vulgi opinione, qua nihil eſt incertius. Plinij verba, & Iſigoni ac Nymphodori autoritas, non indicant eſſe verè vllam effaſcinationem, ſed ſi figmentum eſt, nouum non eſſe. Porro Eccleſiaſticus, oculi nomine inuidentiam damnat. Quæ de antidotis dicuntur, optimè interpretatur Ariſt. loco nuper citato, dicens rutam cenſeri faſcinationis remedium, quia tunc ſe putant homines faſcinari, cum voraciter edunt, aut incommoditatum aliarum tenentur ſuſpicionem, aut perturbantur ipſa faſcinationis opinione, vt ſi animaduertant alium intueri in cibum què capiunt. Ob voracitatem ergo, aut perturbatum eſum repleti flatibus, à quibus angantur aut vomant, rutam verò tunc temporis prodeſſe, quia flatus abſumit, atque id non intelligentibus, videri faſcinationem tollere. Certe ruta commendatur aduerſus demones, & faſcinationes, ac denique aduerſus omnes paſſiones, quæ cènſentur eſſe ſacræ, vt aduerſus terribilia inſomnia, phantasmata, & nocturnos timores: huius verò cauſa eſt, quod abſumit flatus, & ſiccat, extinguitq; ſeminis redundantiam. Plæraque verò eorum quæ in Demones vulgus refert, naſcuntur ex dictis cauſis, vt facilè diſceſ ex Hippocrate libello de flatibus, & de morbis virginum. Hoc idem dicimus de radice Orchidis, præterquam quòd ea radix ſemen expellit, potiùsquam abſumit. Gagates lapis fortaſſe comparauit eam autoritatem, quia recreat vuluæ ſtrangulationes. Iam verò officula palmarum bunata, ſuperſtitioſum remedium eſſe, vt, ab errore conceptum, potiùsquàm verum, malum, conſtat vel ex ipſis Plinij verbis. Ipſe enim dicit, religione quadam politum. Illa verò religio ſuperſtitio eſt. multo magis ſuperſtitioſum eſt, expuſione repellere faſcinationem, atque hoc ipſo remedio teſtari videntur homi-

nes, fascinationem non esse vllam à naturalibus causis illatā noxam, sed ad veneficia, & Dēmones pertinere. Nam hac ipsa religione videas nunc rusticos, vbi Satanæ abrenuntiant, nominato eo semper spueri, eadem scilicet religione, qua contra fascinationes. Eidem vanitati attestatur remedium quod queritur ex fica, & ex depræcatione. Naturalia enim non esse hæc, sed superstitiosa, quis non videat? Sed &, his dimissis, ipsa perse se res vana esse conspicitur. Quid enim facit (sublata eius qui se lædi putet, imaginatione) placeas, an displiceas, ei qui te aspicit? oderit, an amet? nisi forte placet opinio Auicenæ 9. metaphysicè, qui hominis animam, ea dicit vi pollere, vt possit imaginatione sola permouere materiam longe positam, ac dislitam. Ea verò opinio nullifanæ mentis homini probatur, ac tunc quoque imaginationis esset fascinatio, non oculorum. Fascinationis itaque nomē antiquum est, atque secundum antiquam significationem, nullum naturalem morbum significat, sed superstitionem vanam, ex vulgari natam opinione. atque ideo neq; Hipp. neque Galenus, neque veterum medicorum quisquam (quod ego sciam) fascinationis meminit, neque inter morborū differentias, neque inter eorum causas. Vnde rursus non parū probabile accipitur argumentum eius vanitatis. Neotericorum quidam, vt asserant fascinationem, tollunt ab eius ratione affectionem animi eius qui intueatur, inuidentiam inquā illam, quia ea sola videtur efficere fascinationem superstitiosam, dicuntq; , fascinationem esse infectionem quandā malignam oculis illatam. Alij addunt, & oculis conceptam. Aiunt igitur multo magis quam partem vllam aliam nostri corporis, posse virus quodcunque iaculari in alium, ob rectitudinem illam radiorum visualium, secundum quam, vt per spectiui monstrant, visio agitur. Deferri igitur virus, si quod inest,

ineſt, cum radijs illis viſorijs, atque in rem conſpectam firmi-
 ter infigi. Porro addunt à corde in oculos habere id virus
 expeditiſſimam viam: argumento, quod cordis paſſiones,
 citiſſimè oculis ſeſe inſinuant: ab oculis verò emiſſum, oculis
 eius qui contrà ſpectet, quàm vlla alia parte recipi faciliùs, ob
 ſimilitudinem, quæ parit ſympatiam: atque eadem ratione
 receptum oculis faciliè tendere in cor, vtpotè à corde ve-
 niens. Deinde ex Galeni ſententia, quæ multis non incuידē-
 tibus argumentis confirmatur, dicunt, intra noſtra corpora
 gigni poſſe vera venena: multos enim repente mori cōſtat,
 cum eiſdem omnino ſignis, quæ accepto veneno ſolent ap-
 parere, tametſi liquido conſtet acceptum non eſſe. Id etiam
 venenum poſſe non exiguum tempus intra corpora latere,
 nulla interim illata euidenti noxa, indicant, qui à cane rabi-
 do morſi ſunt, quorum nonnulli etiam anni dimidium ſo-
 lent, ſine conſpicua affectione tranſigere. ita etiam mulieri-
 bus menſtrualis virus quoddam verè venenofum agitari, agi-
 tatumque emitti per oculos, & hauſtum aliorum oculis, ma-
 ximè puerulorum, qui & teneriores ſunt, & incautius reſpe-
 ctant, tranſmittere in cor, atque lethalem inferre noxam.
 Neque id videri debere mirum, ſiquidem Ariſt. 3. de hiſtoria
 animalium cap. 19. cum ſanguinem vitiatum eſſe affirmat.
 adeo autem vitiatum eſſe cenſent, vt dicat Plinius cap. 15. li-
 bri ſeptimi. Nihil facile reperiri mulierum profluuium magis
 monſtrificum. acceſcunt enim (inquit) eius ſuperuentu multa,
 ſterileſcunt tactæ fruges, moriuntur inſita, exuruntur hortorū
 germina, fructus arborum quibus inſedere, decidunt. Spe-
 culorum fulgor aſpectu ipſo hebetatur, acies ferri præſtrin-
 gitur, eboris que nitor, alvei apum emoriuntur, & etiam ac-
 ferrum rubigo pròtinus corripit, odorq; dirus aëra, in rabiē
 aguntur guſtato eo canes, atque inſanabili veneno morſus
 inſi-

inficitur. Plura etiam non minus mirabilia, dicit ibidem, & cap. 7. lib. 28. Ex his videtur fieri probabile, mulieres mēstruas, quibus tantum virus intra corpus agitur, solo intuitu posse lethaliter inficere: atque ut hæc secundum naturam colligunt monstrificum virus, ita posse esse homines quibus naturaliter veneficum quippiam insit, quod per oculos, cum inveniuntur recta, simul cum radijs visorijs emittatur, quorum sit periculosissimus aspectus, hosque esse fascinatores: quorū etiam scribunt notas, dicentes, his esse in oculis ambobus, aut altero binas pupillas; aut in altero oculo pupillas duas, in altero effigiem quandam equi, aut canis. Ut verò quidam homines sint tales, sunt qui causentur temperamenti proprietatem, sunt qui substantiæ modum, sunt etiam qui putrescentiam spirituum: qui verò sunt eorum sapientissimi, natale astrum. En quæ maximè videntur abesse à præstigijs fabulis, eorum quæ de fascinatione dicuntur. Quæ tamen omnia, si animi affectum, eius qui effascinet tollas, minimè videntur dici debere effascinationes, sed infectiones venenosas: neque venenosi illi homines fascinatores, sed venenosi, ut viperæ, & scorpiones, bufones, ac multo magis basilisci. Itaque ut illa animantia effascinantia nemo vocat, sed venenosa, ita neque tales homines est quod voces fascinatores. Si enim studes opinionem de ea re vulgarem asserere, nomen quidem retinet, notionem autem eius minimè. fuisse enim ab antiquissimis illis sæculis, in fascinationis notionem, iram, aut invidentiam, præter verba, quæ ex Plinio produximus, & Aristotele, ipsum nomen Græcum facile indicat. Vocatur enim Græcis fascinatio *Barnasia*, & fascinare *Βαρνάσσειν*. Significat verò hoc idem verbum, invidere. itaque *Barnasia* est invidentia, & fascinatio: quasi fascinatio sit lætio cum quadam invidentia illata. necesse igitur est dicere, illos ipsos

iplos venenosos homines, tunc magis inficere, cum aspiciunt cum quadam inuidentia. Non quidem ob ipsam inuidentiam per se (ne in Auicena aperte falsam opinionem incidatur) sed ex accidenti, quod is animi affectus attentius faciat intueri; atque tunc proprie esse fascinationem quandam, ut à Basilisco. Sed tunc quoque hæc de fascinatione sententia, ponit visionem agi exeuntibus visorij radijs, cum his siquidem deferri vapores venenosos: quam tamen minor pars philosophorum recipit. itaque iam ea opinio non poterit esse omnibus philosophis communis, sed peculiaris Platoniorum. Deinde verisimile non est, posse cuiuspiam homini secundum naturam esse vim alteri homini venenosam. Nam ut animal animali sit venenosum, facit magnum naturæ dissidium, & contrarietas. Ut vipera homini, & homo viperæ habet saluam venenosam. Sed neque vipera vipere, neque homo homini adeo aduersam potest habere naturam. Nempe causæ omnes quas reddunt, partim fuitiles, partim ineptæ sunt. Primum quidem quod de natali astro dicunt, mihi risum mouet (tametsi est grauissimorum hominum sententia, hominum tamen) necesse enim esset, omnes qui illa ipsa hora essent nati, esse fascinatores. Sed de huius astrologiæ vanitate (si modo astrologia dicenda, ac non potius diuinitio Chaldeorum) in hoc ipso opere diximus multa. Temperiei aut substantiæ dissimilitudo, non potest esse tanta in rebus eiusdem naturæ & speciei. Siquidem ex differentia temperamenti nascitur differentia naturæ. Certè neque quod de basilisco dicunt, possum adduci ut credam esse verum, sed fabulosum, ut alia innumera, nedum ut ea natura in hominem transferatur aduersus alios homines. Consentaneum multo magis sit, basiliscum interim hominis aspectu, si modo cum ipse necat, ut de salua hominis & vipere dicebamus.

Neque

Neque quidem argumenta cuiusquam momenti sunt. Nā quæ de menstruo sanguine affirmant, falsa esse ac fabulosa, ipsum indicat experimentum. Versamur enim quotidie cum menstruatīs citra ullam noxam, à quibus tamen si vera illa essent, neque lapides, neque ipsa durissima metalla illæsa esse possent. At verò menstruus sanguis est ipsemet quo mulier nutritur. Qui nonnunquam ob solam redundantiam, citra ullam prauitatem emittitur, aliquando etiam ob malam qualitatem, qualis tamen est in reliquo sanguine: nimirum quam Hippoc. iubet contemplari in colore, quia si sunt alba, sint pituitosa, si flaua, biliosa. Quæ cum apparent nullis incantationibus aut præstigijs iuuēt occurrere, sed neque alexipharmacis, quibus venena franguntur, sed medicamentis expurgantibus, quibus soluuntur cacochymia. Itaque menstruus sanguis vitiosus plerunque est, quia expultrix virtus semper fertur in id quod deterius, minimè tamē venenosus, sed qualis esse solet in corporibus cacochymis. Iam verò quod possint in nostris corporibus gigni venena, nihil ad. fascinationem. Gignuntur enim præter naturam, fascinores verò esse tales naturā dicunt. Quid ergo superest? nunquid satis illis sit, Si concedamus, & si naturaliter fascinores nulli sint, tamen eos qui sunt præter naturam affecti, & morboſi, multo magis posse per oculos inficere, quam per aliam partem? Certè quam per aures ego concesserim, non tamen quam per os aut nares, malim enim me aspiciat, qui pestilenti tenetur apparatu, quam spiritum in me emittat. Nam & putridi aëris veniet multò plus, & ab ore in cor, per arteriam asperam, est longe expeditior via, quam ab oculis. Oculi (dicunt) mittunt facile sua mala in alios. Quæ? nunquid rixas? an suffusiones? an nubes? minime, sed ophthalmias. Est itaque ophthalmia morbus contagio-

fus. Quid ad fascinationem? manus quoque scabies conta-
 gioſa eſt. Fascinamus ergo manibus. Vnde ergo (dices)
 nata eſt inter omnes homines hæc opinio de fascinatione, ſi
 ea adeo nihil eſt? ex leuium (arbitror) hominum credulita-
 re. Diuus Baſilius cognomento Magnus, in homilia de In-
 uidia, ſpreta vulgari hac de fascinatione ſententia, vt mu-
 liebri, dicit cenſere ſe demones vti inuidorum hominum
 oculis ad lædendum, vt instrumento quodam. Itaque non
 humanos oculos per ſe, ſed demones per eos lædere infan-
 tes, & inde natam eam opinionem eſſe. Sed quoniam hæc
 cauſa phyſica non eſt, ad me non ſpectat, neq; ad hoc opus.
 Quam ego habuiſſe occaſionem ſuſpicor, audi. Pueros ſo-
 lito nitidiores, & craſſiores, pulchriores etiam eſſe, res eſt cõ-
 perta ſatis: neque minus hoc ſolere ſæpiſſimè, occurrentes,
 & viros & mulieres, admirari, laudare, atque attente intue-
 ri, & vlnis geſtare, motitare, ac denique cum illis ludere.
 Scitum etiam eſt illud Hippocratis habitum qui ad ſummũ
 bonitatis attingit, periculolum eſſe, & illud Celfi, Qui niti-
 diores ſolito ſunt, ſuſpecta bona ſua habere debent. Cum
 ergo puſilli ob natalem habitum, non raro ſoleant, cum
 viderentur habere optimè, in magna pericula repente inci-
 dere, vulgus cauſam non intelligens, in laudatorum, quales
 illi quotidie habent quamplurimos, oculos, & inuidentiam,
 reiicit. Illos (quæ eſt hominum leuitas) ſequuti ſunt viri alio
 qui eruditi, & vt eſt talium ignorantia diſſerta, proceſſit pau-
 latim res ad agnos, ad gallinas, ad equos, ad ſegetes, ad arbo-
 rum fructus, ad ipſa metalla, ad ſpecula, ad lapides. Ru-
 bigine obducuntur, hebetantur, franguntur, comminuun-
 tur. mendacia mera. Iam eſt cauſa in ſubſtantiæ proprie-
 tate, in venenola natura, iam in aſtris. meræ nugæ. Neq;
 verò Diuus Paulus fascinationem aliquam naturalem eſſe af-
 ſeruit

feruit, sed quasi prouerbio quod ex vulgi opinione natum est, vtens dixit; Quis vos fascinauit recedere à fide? hac loquutione insinuans, illos temerè ac sine vlla causa recessisse à fide, cum viderentur in ea profecisse quàm plurimum. Iam verò fascinatio nugacitatis vocatur in sacris, quod à Diuo Ioanne in Epistola prima, concupiscentia oculorum, hoc est auaricia, & cupiditas rerum alienarum. quia enim is morbus concipitur oculis, vocatur per allegoriam fascinatio, dicitur verò nugacitatis, quia bonorum fallacium, iuxta illud Psalmi quarti. Fili hominum vsquequo graui corde, vt quid diligitis vanitatem & queritis mendacium? hoc est, vana, & mendacia bona. Itaque concupiscentia oculorum, est fascinatio nugacitatis. Hæc obscurat bona, quia vt dicitur in Epistola prima ad Timothæum, cupiditas radix est omnium malorum. & vt ibidem sapientiæ dicitur, Instantia cupiditatis trāsuertit sensum sine malitia. Itaque loquutio illa Sapientiæ de fascinatione, allegorica est. Allegoria verò accipitur à vulgari opinione. Neque mirum. indicatum enim est antea multis exemplis, in sacris etiam esse morales fabulas, & allegorias à fabulis translatas, non aliter atque in moralibus philosophorum libris. Velut & in ea ipsa re de qua disserimus, interpretantur nonnulli Platonici super conuiuio, siue de Pulcro, amorem, siue furorem amatorium esse fascinationem, quod ea passio, eius quæ adamat oculis plerumque videatur illata, concepta verò oculis eius qui amat semper (nisi forte quandoque concipitur auribus, rarissimè tamen solis) & oculis concepta in cor illabitur, cuius affectione corpus tabescit, sine vllò alio morbo manifesto. Vide quàm congruat hæc allegoria, quæ tamen ex vulgari, & falsa de fascinatione sententia nata est. Ita igitur, si quis placens Deo, factusq; ei dilectus

(qualem illic describit autor Sapientiæ) & vituens inter peccatores, per concupiscentiam oculorum mutetur, & amittat intellectum, dicitur appositissimè fasciatus, quia cum valeret optimè, per oculos valde læsus est, & in grauissimū coniectus periculum, quod pertingit cor per oculos. Nam ita dicitur Hieremiæ 22. Tui autem oculi, & cor, ad auariciam, ob has itaq; causas is animi affectus dicitur fasciatio. Hæ verò sunt metaphoricæ locutiones, ad formandum animum comparatæ: verus sit is sermo vulgi vnde sunt acceptæ, an non, nihil refert. Veræ enim sunt ipsæ metaphoricæ loquutiones. Velut si adulatores Syrenes esse dixeris, non mentieris, tamen si Syrenes reuera nullibi sunt.

CAPVT SEXAGESIMVM

NONVM.



AP. 11. Sapientiæ. Non enim impossibilis erat omnipotens manus tua, quæ creauit orbem terrarum ex materia inuisa, mittere illis multitudinem viduorum, aut audaces leones.

Mirari euenit hoc loco, cur dicat Salomon, ex inuisa materia creasse Deum orbem terrarum, siquidem creauit ex nihilo: Quapropter neque ex vlla materia, siue visa, siue inuisa. Hanc dubitationem facile deuitabunt, asserentes mundum hunc factum esse ex quadam congerie rerum omnium, citra vllum ordinem commistarum, quam vocant chaos, vt Plato; aut ex atomis, vt Anaxagoras, Empedocles, & Epicurus. Hi enim omnes huic rerum vniuersitati ortum aliquem tribuentes, materiam ex qua constitit, faciunt æternam. Mihi verò in ipso

ipso huius operis initio monstratum est, nihil omnino esse in rebus æternum, præter illud quod vnum, & primum, ac per se ens, hoc est, Deum. Illud igitur nunc ponentibus, videndum quid de præsentī dubitatione dicamus. Certè si quam habet mundus totus materiam, quæ eadem sit rerum omnium creatarum, aut certe corporearum, dicere possimus Deum fecisse terrarum orbem ex illa materia, non quidem præexistenti, sed concreata cum formis. Velut si nunc repente Deus creet statuas humanas, aliam cedrinam, aliam abietinā, aliam quercinam, dicemus aliam factam esse ex cedro, aliam ex abiete, aliam ex quercu, tametsi non prius constiterint illa ligna, quàm statuar: Quod si hoc ita habet, constat materiam illam communem rebus omnibus, esse per se inuisam atque adeo inuisibilem: quandoquidem si per se videri posset, haberet qualitatem aliquam aspectabilem, vt candorem, lucem, aut nigriciem: quodcunque autem illorum haberet, non posset esse materia contrariorum, vt si esset candida nigrorum, si nigra candidorum, si lucida luce carentium. Nā aut materia candida, nigrorum induens formam, maneret candida, aut candorem deponeret: si maneret, fieret res eadem simplexque candida & nigra: si deponeret, esset iam illa, materia vtriusque contrarij, eius videlicet quod deponeret, & eius quod reciperet. Quapropter vtrunque contrarium rationem haberet formæ: forma enim formam excluderēt non materiam: Quare ille candor non esset materie per se, sed per formam. Ipsa igitur materia, aspectabilem qualitatem per se habere non potest. Eodem argumento fit, vt neque audibilem, neque odorabilem, neque tangibilem, sed neque omnino ullam rationem, aut formam, siue substantiæ, siue accidentis habere possit. Itaque neque dici possit per se hoc, neque tantum, neque tale, neque ad aliquid aliud,

ita

ita aut aliter habens. Hac ratione Aristoteles communem ac primam rerum omnium materiam ponens, dicit esse meram potentiam, citra omnem actum. Plato qui disertissime de ea disputavit, ita inquit. Intelligendum est, quod cum esse debeat effigies rerum omni formarum varietate distincta, nunquam illud ipsum formationis huius gremium bene erit præparatum, nisi informe sit, & suapte natura omnibus formis quas recepturum est, careat. Nam si erit alicuius eorum quæ in se recipit simile, cum contrariam eius cuius simile est naturam, aut aliam prorsus suscipiet, nequaquã eius similitudinem, & effigiem exprimet, cum per se tulerit suã quo fit ut nullam sibi propriam habeat speciẽ, quod est oĩa genera suscepturum. Hæc & alia multa eodem spectantia scripsit Plato in Dialogo de natura, quæ ut in commentarijs de physica doctrina indicauimus, nullatenus discrepant a sententia Aristotelis: ambo enim censent, ut & cum ipsis omnes nunc philosophi, materiam per se nullum ens esse, neque omnino rem ullam, quia scilicet omni actu caret: sed neque nihil esse, quia est principium immanens omnium rerum. Meo igitur iudicio, cum hac in parte nulla illis philosophis dissentio sit, libuit Aristoteli de nomine altercan cum Platone, quod dixerit esse simpliciter non ens, quasi simpliciter non ens, idem sit quod nihil. Plato verò non ita intelligit, sed quod non sit ens, nisi quodammodo. Iuxta hanc itaque sententiam, quæ communis nunc est omnium philosophorum, dicemus fecisse Deum orbem terræ ex materia inuisa, & omnino insensibile, atque adeò per se penitus informi, hoc est, ex materia prima. Quoniam verò quæ in libris sacris scripta sunt, non oportet ad cuiuspiam opinionem interpretari, sed veritatem, videndum est quàm certa, atque firma sit de materia prima assertio, atque si eius monstratio
ad

ad probabilitatem procedit solum, aliam quæ omni careat dubitatione, præsentis loci interpretationem adhibere. Certe esse rebus omnibus corporeis vnâ communemq; materiam facile dicitur, non ita tamen intellectu facile est, si quis consideret exactius. nam vt antea indicauimus, necesse est per se omni careat forma, quod primum omnium intelligi non potest. Nam quod non est aliquid, & ens, cur non sit nihil? porro quo pacto possit non ens (ita enim illam vocat Plato) esse principium ex quo immanens entis? nam si Aristoteles rectè probat in quarto de physica doctrina cap. 1. elementa corporum non posse esse incorporea, cum tamen censeat (quod est verissimum) non manere elementa prima in rebus actu, sed potentia solum, multò minus possit esse corporum incorporea materia, siquidem ea qualisqualis sit, maneat actu in rebus necesse est. non potest autem illa esse corporea per se, sed per formam, alioqui quantitas illi per se inesset, quare non esset mera potentia. Rursum si ea corporea per se non est, quæ maior necessitas, vt corporeæ substantiæ materia constent, quam vt Angeli. Hos verò omnes immateriales appellant, quasi magnitudo materiæ ipsius sit per se, atque per hanc fiant res quantæ. Ob has et alias huiusmodi dubitationes, veteres philosophi, partim posuerunt vnâ omnium materiam, eamq; substantiam quâdam re vera quantam, alij aquam, alij aerem, alij ignem, alij etiam terram, alij substantiam mediam tenuitate & crassitie: partim nulla generationis successiuæ rerum posuerunt materiam, sed separatione & congregatione rerum similium prius existentium, oriri & interire res putabant dissimilares, vt Empedocles, Anaximander, & Anaxagoras. Qui omnes principium materiale ab elementis non distinguentes, rerum omnium resolutiones perducebant vsque ad simplicissimas

cissimas aliquas substantias, Empedocles ad ignem, aërem, aquam, & terram. Anaxagoras & Anaximander ad similia, vt carnem, os, neruum, & innumera alia eiusmodi. Alij ad vnum aliquod quatuor primorum corporum, quodcumque eis videbatur reliquis esse prius. Horum omnium sententiæ hoc vnico argumento refutari videntur, quod necesse sit illud quod primum esse ponitur, siue vnum sit siue multa, carere generatione & corruptione, atque solum recipere congregationem & separationem, secundum sententias Empedoclis, Anaximandri, & Anaxagoræ: vel densationem, & rarefactionem, vel extenuationem, & increpationem, secundum priores sententias. At verò re ipsa videtur constare illud esse falsum. Nam videmus fieri aërem ex aqua, & ex illo ignem, & ex pane sanguinem, atque ex hoc carnem, ac denique simplicissima omnia fieri alia ex alijs. quod si ita est, videtur Aristoteli necessario fieri, vt sit illis alia prior communisque materia, quæ per se nihil illorum sit, sed formarum omnium expers. Illi verò responderent, haudquaquâ fieri res illas verè vt putamus, sed separatione apparere quæ delitescabant, congregatione delitescere quæ apparuerant. Quod si cui videatur confictum ad respondendum, neque adeo dignum fide, atque ob id nullam dictarum esse probabilem sententiam, possit fortasse dicere, rerum compositarum materiam esse res simplices, vt hominis carnem & ossa: & earum quæ simplices primo intuitu apparent, alias simpliciores quæ latitant: verè autem atque exactè simplicium nullam esse materiam: sed factam esse illarum quancunque ex materia, vt ignem ex aëre: non verò in materia, vt sigillum effigiemur in cera: itaque fieri res singulas etiam simplicissimas ex materia aliqua, vnam verò eandemque omnium nullam esse. quæ enim necessitas, vt quod ex alio sit, immanenti-

tem habeat materiam? quoniā (dicunt) res artificiales nos manu ducunt, vt intelligamus, nihil nisi in quadam materia fieri, vt scilicet lectus & arca ex immanente ligno, sigilus ex cera. Dicat verò fortasse quisquam ex aduerso, hoc artificialium rerum esse proprium, naturalibus verò nō perinde accidere, quia res artificiales fiunt ex naturalibus, naturales verò non possunt fieri nisi ex seipsis mutuò; quia nō vt arte natura prior est, ita ipsa natura aliud quippiam. Cum verò fiunt res ex rebus non vt immanentibus, velut lectuli ex nuce, & cedro, fieri; sed vt desinentibus, velut mensa ex arca. Quapropter nō videtur opus esse ponere primā materiā rerū naturaliū, sed fieri alias ex alijs mutuò, atq; ita esse circularem rerū generationē, & infinitā; non finitā & rectam. Quid ergo diceret hęc sententia de primis rerum principijs? an esse nulla? non certe, sed esse formā, & potentiā proximā, & priuationem: eā verò potētiam & priuationem, esse non in vlla materia communi genito & corrupto, sed in eo ex quo res fit. Cur enim fit potius caro ex sanguine, quam ex vino aut melle? an quia sanguis potentiam proximā habet ad formam carnis, vinum verò non habet proximam. Illa ergo potentia proxima cū priuatione, quæ necessario adest, & forma quæ ingruit, prima principia sunt rerum simpliciu. Cōpositarum verò principia sunt, res simplices, ut materia, & forma totius. Atqui profecto (quanquam plerisque aliter videbitur) ego existimo hanc esse ipsissimam sententiam Aristotelis & Platonis. Nam vt in commentarijs Capitis septimi secundi libri de physica doctrina, & iterum Cap. quarti, secundi de anima (tamen si cum hęc scribo, commentaria in libros de anima, scripta multis ante annis, nondum sunt in lucem emissa) indicaui, apud Aristotelem. hęc omnia nomina, forma rei, & id quod res est, & essentia, & ipsum rei

V u u esse,

esse, & quod hoc est, eandem prorsus rem significant. Quia re vera, rei naturalis forma nihil aliud est, quam res ipsa qua hæc & talis. Id verò falsum esset, si præter formam, esset in re materia prima immanens. non enim esset rei forma, ipsa res actu qua talis, quia forma materiam non habet, res haberet. Plato quoque in Dialogo de natura hominis multis argumentis contendit, hominem esse ipsam hominis animam. quod, cum hominem animal esse, ac proinde corpoream substantiam, toties ipsemet Plato dixerit, verum esse aliter non poterat, quam si ipsa hominis anima esset nihil aliud quam ipsius essentia, essentia verò ipsum quod quid erat esse hominem, hoc est, ipse homo quia actu talis & perfectus. Tamen si hoc (ut rem totam aperte explicem) non tam exacte dicitur de ætherogeneis substantijs. Quis enim separaret ignis formam ab ignis corpore, aliter quam ratione? nimirum ignis forma est ipse ignis actu talis, & perfectus; corpus, hic idem qua ignis formam, rationem, & entelechiam, seu perfectionem consequutus; quod quidem est res eadem numero, rationes duæ, quarum coitione fit ipsum ignem esse. Quæ cogitans Plato, posuit illa tria rerum principia, idem, & alterum, & essentiam. Quæ eadem principia Ramundus Lulus vocauit, tiuum, bile, & are, hoc est factiuum esse, tactibile esse, & facere: hæc tria intelligens, non quidem effectiue, ut videtur sonare, sed formaliter. & hæc quidem Platonice. Maxime verò mihi videtur errare, quod diuinam naturam cum creaturis ineptè & arroganter coniungat, sed de illius doctrina agere loci huius non est. Illud solum interfuit dicere, sua illa tria principia, tiuum, bile, & are, eadem esse prorsus cum Platonice, eodem, altero, & essentia. Quæ omnia cum iuxta Aristot. & Platonis sententiam ratione potius separari, quam re ipsa, & numero indicauerimus, constat esse

consentaneum, iuxta illorum placita, nisi ætherogeneorum, materiam nullam, velut alteram rei partem actu inmanentem poni, sed doctrinæ solum gratia intelligi primam materiam, & formam homogenei, ut quædam ratione diuersa. si quid verò his amplius de communi & prima materia dicitur, hypothesim quandam esse ob rudiores confictam, & expeditiorem progressum philosophiæ, qua & ego in physicis auditorijs vsus sum. nunc verò cum ad recôditiore philosophiæ est peruentum, æquum est aperire prouectioribus veriora. Quandoquidem ergo assertio de materia prima, per sese formarum omnium experte, adeo vacilat, necesse est aliam loci præscripti interpretationem inuenire. Ea certe non est difficilis, neque aliunde petita quam ex sacris. Constitit enim in initio Geneseos, antequâ Deus diceret fiat lux, extitisse quatuor elementorum corpora, confusa, & delitescētiā sub tenebris, quæ futurorum omnium materia tenebrosa, ac proinde inuisa ante orbem terrarū facta est, ex qua deinceps ille. Neque igitur ob hæc diuini oraculi verba opus est communem materiam ponere, in qua omnes corporū formæ recipiantur, tametsi fieri nihil nisi ex materia potest. nihil enim fit ex nihilo: sed quoduis ex alio, ut ex ligno ignis, ex suo alimento lignum, & ita aliud quodcunque. Sed quæ (dices) necessitas, ut quoduis ex alio fiat, si quidem nullam ex corrupto accipit manentem materiam, id quod gignitur? certe quia nulla naturalis via est ad generationem, nisi per alterationem, atque necesse est generationem alteratio præcedat, alteratio verò alicuius substantiæ necessario fit. neque sane alterius quàm eius quæ corrupta in aliam substantiam commutatur. Nam alteratio immodice producta in corruptionem necessario finitur, quia naturale rei temperamētum tollit. Ut igitur res aliqua oriatur, necesse est alia int e

rire; non quidē vt ab ea mutuetur materiā, sed ob cōtrarietatem. Vt autem hoc ita fiat, hæc est causa. Rerum singularum naturæ nihil sine instrumentis agere possunt extra sese, quapropter neque generare: instrumenta verò earum sunt elementorum virtutes, calor dico, frigus, humor, & siccitas. Non potest autem ignis, verbigratia calore vti, aliter quam calefaciendo, neque aqua frigore quam refrigerando, non potest autem calfacere, neque refrigerare, nisi sit quod calefiat aut refrigeretur, non calefiet autem ignis qui nondum genitus est, neque refrigerabitur quæ nondum est aqua. Calefiat ergo necesse est vt ignis ab igne fiat, aliud quod ignis nondum est, futurus autem sit, vt lignum; aut refrigeretur, quod aqua nondum est, futura autem sit, vt aër. Quapropter rectè antea dictum est, non posse quidpiam, nisi ex aliquo fieri, quia generatio omnis ab alteratione incipit. Data autem est rebus à naturæ parente ea contrarietas, & necessitas pugnandi ad generationem: non ob communem materiam, sed quia, si aliter quam per pugnam generare possent, neque talem repugnandi vim haberent, aut nihil generarentur, aut generatio rei cuiusque procederet in infinitum. Nihil enim esset quod modum poneret rei cuiuspiam productioni, nisi omnia sibi ponerent mutuo, mutuo repugnando. Dices fortasse; locus modum poneret. Omnes igitur res generarent sibi simile, dum esset vbi caperetur, & generare desinerent, cum non esset. Igitur mox, atque vno impetu processissent rerum omnium generationes, vlque ad summam totius orbis repletionem; atque statim generatio omnis esset sublata. Vt igitur rerum generabilium successiua genesis seruetur per eum, vt ipse rerum parens voluit, necesse fuit contrarietatem indere, & res alias ex alijs fieri, velut aliæ alijs loco cedunt. eaq; contrarietas necessita-

tem affert, vt res ex rebus fiant, & si communem materiam non habeant. Igitur neque hæc dubitatio cogit primam rerum materiam ponere, sed vt dictum est. Porro iuxta hanc sententiam consequens erit dicere, principium quod vocant indiuiduationis, non esse materiam, sed magnitudinem, quod vel per sese est valde consentaneum. Nam essentia rei per sese indiuidua est, quapropter vna & tota, in multitudinem non potest abire, nisi secundum diuisibilitatem. Diuisibilitas verò neque formæ neque materiæ esse potest, nisi per quantitatem (quanti enim propria est diuisibilitas) igitur multitudo in eadem specie, quantorum solum, atque ob quantitatem est. Qua sanè causa, & qui eam ad materiam referunt, intelligentes non esse id materiæ per se, addunt signata quantitate, id verò vix intelligi potest. Si enim materiæ ipsi per se nullum inest accidens, certè neque signatio, neque quantitas. Verisimilius ergo refertur ad quantitatem ratio indiuidui, quàm ad materiam. Et tota rerum vniuersitas proprius diuiditur in corpoream, & corpore carentem substantiam, quàm in materiale, & immateriale, nisi quis his nominibus easdem res intelligat. Sic enim de nominibus altercari minime expediet. Nihil igitur prohibere videtur, quin dicamus materiam primam esse nihil; non enim solum non ens simpliciter, vt dicit Aristoteles, sed etiam aut simpliciter non ens, vt dicit Plato. Quorum virorum sententias ab hac quam nunc statuimus, nihil censo re vera differre. Non enim crepare. Non enim est, quod non est ens.

CAPVT SEPTVAGESIMVM

De Philosophia Pythagorea.



APIENTIA vndecimo Cap. Omnia, mensura, & numero & pondere disposuisti. & Quarto lib. Eldra Cap. 4. Quoniam in statu ponderauit seculum, & mensura mensurauit tempora, & numero numerauit tempora.

Vt Plato dicit in dialogo de natura fas non erat, quidquam nisi pulcherrimum facere, cum qui est optimus. Cum enim ipse sit simpliciter pulcherrimus & optimus, feceritque omnia, ut in mundi genesi indicauimus, ~~et similitudinem~~ et similitudinem suam, necesse est, ut fecerit omnia suo quodque genere pulcherrima, & optima, ut sane ipsi visa sunt. Cum igitur omnis pulchritudo sensibilis in proportionem & concinnitate sit partium, necesse fuit mundum hunc sensibilem, secundum suas partes, quae sensibiles etiam sunt, proportionem quandam tenere certam, & totum ad partes singulas, & eas omnes inter se. unde necesse est, mundum finitum & certum esse magnitudinis, & eius omnes partes praecipuas. Nam in rebus diuisibilibus, quod infinitum, aut incertum, imperfectum est & deforme. Quapropter, non solum si quampiam praecipuarum partium eleuares, ut stellam, sed etiam si cuiuspiam illarum, etiam despectissimae quantitati adijceres aliquid, aut demeres, officeres mundi machinam, & eius pulchritudini. Quia nihil temere in eo factum est, sed omnia ad mensuram, numerum, & pondus, iuxta proportionem quam habebant in diuino exemplari. Huius rerum pulchritudinis rationem aggressi sunt Pythagorei inuestigare.

gare. Res prorsus diuina, humanis verò uiribus impar, neq;
vlli (arbitror) præter ipsum Deum satis cognita. Illorum ve-
rò conatum quis non laudet, & suspiciat? qui non solum ag-
gressi sunt, sed per numerorum etiam scientiam, pro ho-
minum captu, assequuti sunt multa. Mihi nunc non est ani-
mus, totam hanc philosophandi rationem persequi; quia
neque id pro dignitate efficere possem, neque si possem, ad
meum institutum est admodum ex usu. Sed id solum indi-
cabo, quod propositum est, Omnia secundum certam ra-
tionem, & proportionem, esse facta, & primam omnium
mensurarum esse numerum; deinde & earum rationem re-
cte transferri ad insensibilia, & totam rerum naturam fa-
ctam esse ad numerum, atque exempli gratia adiciam de
numeris, quæ necesse erit, non quasi omnium numerorum
naturam persequar, sed ut viam à longe indicem, cui Pytha-
gorici instituerunt, mirabilem quidem illam, & verissimam,
neque vlla in parte philosophiæ Aristotelicæ, quæ merito nunc
omnium maximè probatur repugnantem, quod ubi factum
fuerit, grauitas sententiæ verborum quæ præscripsimus, &
aliorum quæ sparsim in libris sacris scripta sunt, elucescet.
Deum quidem omnia fecisse secundum certam rationem,
& proportionem, facile suaderi potest, consideranti Deum
omnia opera artificialia, quæ fieri iussit, ad normam certam,
mensuramque ab ipso met traditam, fieri iussisse. Quare qui
in artificialibus, certam commensurationem adeo amauit,
eam in naturalibus, cuius ipse met per sese est effectus, non
despexerit. Sed quæ sunt artificialia, quæ nos in cognitio-
nem structuræ rerum naturalium, velut manu ducunt? Iussit
Noc ut edificaret Arcam. An qualis & quanta illi videretur?
non sane. Sed, trecentorum (inquit) cubitorum erit longi-
tudo arcæ, quinquaginta cubitorum latitudo, & triginta cu-
bito-

bitorum altitudo illius: fenestram facies in arca, & in cu-
 bito consumabis summitatem illius. Exodi 25. dicitur
 monstrasse Deus exemplar, secundum quod faceret ta-
 bernaculum, & omnia ad illud spectantia. Omnium ve-
 ro eorum definiuit ipsemet Deus, magnitudinem, nu-
 merum, & pondus. Arcam testamenti habere iussit lon-
 gitudinis duos cubitos cum dimidio: Latitudinis & alti-
 tudinis cubitum cum dimidio: Mensam panum propositio-
 nis, longitudinis duos cubitos, latitudinis cubitum, altitudinis
 cubitum cum dimidio: candelabrum septem calamos pro-
 cedentes ex hastili vno, & singulos calamos ternas spheru-
 las, ternos scyphos, & terna lilia: altare quinque cubitos lon-
 gitudinis, totidem latitudinis, & tres altitudinis: atrium lon-
 gitudinis cubitos centum, latitudinis quinquaginta, altitu-
 dinis quinque. Mitto innumera ad horum ornamentum,
 & sacra destinata, quæ omnia certis, numero, & mensu-
 ra, iussit Deus fieri. Iam verò structuram templi, quod ædi-
 ficauit Salomon, longum esset recensere. Licet legere ter-
 tio libro Regum cap. sexto. In explicandis harum structu-
 rarum, & numerorum ad quos factæ sunt sacramentis, mul-
 ti feliciter laborauerunt, mea nunc non refferet, nisi solum
 animaduertere, omnes has, ad certum numerum & mensu-
 ram esse factas, vt constet multò magis, in magni huius tē-
 pli, quem mundum dicimus, structura, certam rationem ser-
 uatam esse, quam tamen ad amussim tenet solus ipse archite-
 ctus. Conferri quidem res corporales aliæ cum alijs secun-
 dum plus, aut minus, aut æquale, non possunt aliter, quam nu-
 mero, pondere, aut mensura: numero quidem vt denario,
 aut centenario: pondere vt libra, aut vncia: mensura vt cu-
 bito, aut palmo. Porrò mensura duplex est: altera enim cō-
 stat extensione, vt vlna, aut digitus: altera capacitate, vt con-
 gius,

gius, vna, modius, & semodius. Secundum omnes has mē-
 suras, seruata est ratio quædam in mundi structura. Nam est
 certus numerus partium omnium. Primum quidem ma-
 ximarum tetnarius: regio enim imma corporum mobi-
 lium & corruptibilem: & media mobilium sine corruptio-
 ne: & suprema incorruptibilem & immobilium, quæ sedes
 est beatorum, & cælum cœli. In prima est quaternarius
 elementorum: In secunda, septenarius orbium errantium
 stellarum. & denarius omnium. In suprema verisimile est
 esse vnitatē, siquidē principium est omnium corporum, &
 sedes destinata ei quod verè est vnum. Iam verò mensura
 est quædam certa partium singularum, & aliarum ad alias
 proportio quædam. Decuplo maius esse censent philoso-
 phi elementum quodcunque continens, eo quod contine-
 tur: velut aquam terra: & aërem aqua; & aëre ignem. Iam
 verò quod ad cœlestium orbium mensuram attinet, censet
 Plato, primum orbem æqualis crassifici, seu altitudinis esse,
 cum eo spacio inani quod est inter terram & cælum: secun-
 dum orbem duplo crassiores primo, siquidem æqualem
 cum toto spatio aëris & primi cœli: tertium orbem esse qua-
 druplo crassiores secundo, quia duplum totius spatij aë-
 ris, & duorum orbium: quartum ad tertium habere propor-
 tionem quadruplam sesquialteram, vt 3 6. ad 8. quintum
 orbem ad quartum habere proportionem decuplam sesqui-
 nonam, vt 3 8 4. ad 3 6. sextum ad quintum proportionem
 nonam. 3 4 5 6. ad 3 8 4. septimum ad sextum trigessimā pri-
 mam superpartientem medietatem, vt 1 0 8 8 6 4. ad 3 4 5 6.
 Iam verò & spheræ solidæ quæ intra dictos orbis continetur,
 proportionem quadam constant magnitudinum. Dicunt
 enim maximas fixarum stellarum centies & septies conti-
 nere terræ molem: Iouem nonagesies & quinquies: Satur-

num nonagesies & semel: Martem terra esse maiorem sesquialtera tantum proportionem: Solem verò maiorem terra centies sexagesies sexies: Venerem verò esse partem vigesimam terræ: Mercurium quoque minorem esse Luna: & hanc triplo minorem terra: terram autem totam (cum qua & aquam intelligo, quia vnicum conflat globum) esse 252000. stadiorum, quæ conflat septem millia leucarum Hispanarum: Hac verò magnitudine, neque maiori, neque minori constituisse terram, non casu, sed summa Dei sapientia, constat ex illis verbis capitis trigesimi octavi Job, quibus illum Deus ita affatur: Vbieras quando ponebam fundamenta terræ? indica si habes intelligentiam, quis posuit mensuras eius, si nosti. Ponderis quæque habita est ratio in mundi structura: Ita enim terræ centrum ad centrum mundi aptatum est, ut non possit eius globus in hanc aut illam partem inclinare, sed firmata quiescat, aquæ verò partes terræ partibus interiectæ, ita ut non possint seorsum abire, sed omnibus fontibus, qui vel sub exortibus quibusdam erumpunt, pondere latius adæquatatem, vnicum bum terræ reddant superficiem; quod dicitur illis sapientia verbis: Quando librabat fontes aquarum. Itaque mensura & numero & pondere disposita sunt omnia. Cum verò sint hæc tres mensuræ, quæ scilicet peculiariter vocatur mensura, estque quantitatis continuæ: & numerus, qui per se est quantitatis discretæ: & pondus, quod est substantiæ corporeæ & crassæ videtur ex rei natura, mensura prima esse videri: prior quidem pondere, quia magnitudo potest esse sine pondere, & in tenuibus elementis & cæli corpore, pondus tamen non potest esse sine magnitudine: numero verò, quia numerus fit diuisione continui, quare continua quantitas, prior esse videtur quam deiuncta, ac proinde & mensura quam nume-

rus. At verò si quis exactè consideret, videat rem non ita se habere, quin potius numerum priorem esse omni mensura. Nam diuisione fieri ex vno corpore multa, & quod actu erat vnum, & potentia multa, fieri actu multa, verissimum est. At verò non proinde verum est, numerum omnem fieri continui diuisione: nam angelorū numerus sine vlla magnitudine constitit. Nihil ergo minus est in ratione numeri, quam fieri ex continui diuisione, sed euenit aliquādo, neque id quidem secundum rationem & formam numeri, sed secundum materiam. Sic enim tripedale erat corpus, quod in tria pedalia diuisum est, habebat etiam antequam diuideretur, ternarium: alioquin non fuisset tripedale. Nam quid aliud est esse tripedale quam habere tres pedalitates, & duodecim palmos, & quadraginta octo digitos, & centum nonaginta duo grana? Tunc igitur habebat id corpus partes, non quidem separatas, cum nondum esset diuisum, sed coniunctas. Tamen nihil obstat coniunctas esse, quominus sint tres pedalitates, alioquin neque proportionem habet vllam corpus ad corpus. Cur enim tripedale ad bipedale proportionem habet sesquialteram, nisi quia hoc duas, illud tres pedalitates habet? Si autem neque illud tres, neque hoc habet duas, quia separatas non habent, sit vñ neque proportionem habeant ad se vllam: habent verò; ergo & numerum. Itaque indicatum est, quaecunque ad sese proportionem habent vllam, constare certis numeris. Habent autem aliquam magnitudines omnes, siquidem nulla est infinita. Ergo nulla magnitudo esse potest sine numero, est verò numerus sine magnitudine, vt indicatum est; igitur numerus prior est quam magnitudo: quare & quàm mensura: est verò mensura prior quam pondus, quia mensura est magnitudinis, pondus crassicie. Magnitudo verò prior est crassicie, cum

crassities non insit nisi quantis. Igitur numerus prior est
 omni alia mensura, atque omnis proportio nascitur ex nu-
 mero. Neque id solum spectatur in corpore quanto, sed
 & in alijs omnibus quantis, ut in motu, & voce, & aspectabi-
 libus figuris. Nam cantat hic ad caracteres quos intuetur
 in charta, ille saltat ad cantum. Quod fieri non posset, nisi
 singula haberent proportionales quasdam, & omnia ad se mu-
 tuo proportionalitates quas vocant, hoc est similitudines
 proportionum. Ergo sunt & in ipsis figuris, & motu saltan-
 tis, & in canentium vocibus, numeri ac proportionales. Ne-
 que in his solum, quæ etsi non omnia eodem modo, quanta
 tamen sunt, sed & in qualibus quæcunque secundum magis
 & minus dicuntur, est numerus. Nam & calidum & album
 est aliud alio duplo magis tale, & triplo, & quadruplo: in ra-
 tione verò dupli, tripli, & quadrupli, sunt duo, tria, & qua-
 tuor. Nam ne definiiri quidem sine his possunt. Sed hacten-
 us indicauimus, numerum intrinsecum esse rebus omnib.
 secundum partes magnitudinis, aut intensiōis, secundum
 id inquam, quo, tanto aut tanto, maius aut minus, magis
 aut minus, tale dicitur quidpiam. Est autem etiam secun-
 dum partes essentiae numerus in rebus. Quod in accidenti-
 bus primum, deinde & in ipsis substantiarum formis, ten-
 tandum est indicare: in transeuntibus quidem ex ipsis defini-
 tionibus, cum tempus, teste Arist. sit numerus qui numerat-
 ur in motu: motus verò numerus, quo numeratur tempus.
 Secundum Platonem verò, tempus est æternitatis in unitate
 manentis imago in numero fluens. Sed & immanentes
 constare numeris facile intelliges. Figuræ quidem omnes
 habent essentiam in numeris: Nam planæ in unitate aut mul-
 titudine linearum, solidæ superficierum. ut circulus in unita-
 te linearum: sphaera in unitate superficierum: triangulus in ternario
 linea-

linearum; cubus in senario superficierum. Ita & aliæ omnes. Ipsa verò linea in vnitatis dimensionis, superficies in binario, corpus in ternario. Sed & relationes eorum quæ dicuntur ad aliquid, habent in numero aut vnitatis essentiam, quia secundum similitudinem aliquam, aut dissimilitudinem referuntur. Similitudo verò vnitatis quædam est rationis aliquius, dissimilitudo pluralitas. Ipsæ quoque patibiles qualitates, varijs essentijs ad numerum quendam conflatis constant: seu potius in numero quodam formarum in vnâ conspirantium habent propriam essentiam. quod ex diffinitionibus colorum apud Platonem facile intelliges. Splendidū (inquit) albumq; rubeo mistum, flauum procreat. Rubeū cum albo nigroq; , purpureum generat. Fuluum flauī fuscīq; temperatione producit: fuscum verò albi & nigri confusione. Palorem albi flauīq; copula generat. Ceruleum cum albo, glaucum. Fului nigriq; temperie color viridis nascitur. Hæc Plato. Vnde constat, singulas colorum species in copula quarundam essentiarum, ad proportionē quandam, & certos numeros, habere essentiam. Constat enim non solum fieri colores quosdam ex quibusdam, sed cum certa quadam proportionē. Non enim si albi duplum cum vna nigri portione misceas, idem extat color, atque si contra apponas nigri duplum. Nimirum sola proportionis euariatio mutat essentiam: velut compositorum medicamentorum vires, & naturam mutatio proportionis simplicium, manentibus eisdem. Constant verò, vt mixta corpora corporibus ad numerum coeuntibus, ita essentia essentijs, vt colorum exemplo indicatum est: constatq; omnium essentia certa mensura & numero (indicatum enim antea est non posse esse mensuram sine numero) etiam si nobis nota esse non possit singulorum mensura. Proinde dixit ibidem

Plato

Plato. Quo autem mensuræ modo singula singulis miscetur, etiam si quis nouerit, narrare prudentis non est, præsertim cum neque necessariam, neque verisimilem de his rationem asserre villo modo possit. His verbis significat, etiam si nos eum numerum definite nesciamus in singulis, omnia tamen facta esse ex rebus ad numerum quendam compositis, ut corpora ex corporibus, ita essentias ex essentiis. at qui ipsa compositio corporum, ut potè a peccior, manifestum est ad formarum compositionem. Cuiusmodi pictores coloribus mixtis certa quadam proportionem liquoribus fuluo & nigro viridè reddant, constat verum virore fuluicis nigricisq; ad numerum aptatis constare (de corporum compositio physica, formarum metaphysica) simplices verò omnino, siue res, siue formæ corporeæ nullæ sunt scorsum, sed in ipsis compositis, ut unitates in numeris. Producentes autem amplius hanc rationationem facile intelligemus, non solum accidentium formas, sed substantiarum etiam essentias, ita constare: siquidè aliæ alias, ut numeri numeros continent. Scite enim illud dictum ab Aristotele est, vegetatiuum in sensitivo esse, ut trigonum in tetragono, scilicet ut ternarium in quaternario (nā figurarum differentias numeros esse, antea est indicatum) ut verò hæc, ita alia omnia ad substantiarum formas spectantia, habent. Nimirum essentielles vocatæ perfectiones, sunt in alijs plures, in alijs pauciores, ut unitates in numeris, & ab eminentioribus inferiores continentur, ut numeraria numeris. Iam verò & in rerum principijs primis, est ratio numeri. Nā forma unitas est, materia pluralitas, quia forma per se omnia quibus inest facit vnum; materia plura, cum participatione speciei omnes homines sint vnus homo, ob materiam verò vnum hoc animal adeo multiplicetur. Indicatum ergo videtur satis, omnia corpora, ac corporales affectiones, & formas,

formas, ac eorum principia, fecisse Deum ad numerum, atque cis omnibus esse numerum natura intimum. Quod si ita est, haud dubie multò verius id dicatur de incorporeis substantijs, quandoquidem perfectiori quadam, & eminentiori participant natura, ac proinde pulchriores sint, & magis concinnæ, fuerintq; proprius illæ factæ ad numerum, in quibus nulla alia mensura sit, cum neque magnitudinem ullam habeant, neque pondus: illarum ergo prius ac proprius est numerus, quam corporearum. Quoniam verò in tota rerum vniuersitate singula facta sunt ad numerum, & omnia ad quendam concentum, & harmoniam respondent spiritalia corporalibus, atque ut hi cœli aspectabiles nouem sunt qui circulo voluntur, ita inuisibilia & mobilia per accidens, qui etiam in sacris sanctis interpretibus vocantur cœli, sunt nouem ordines, atque ut supra nouem orbis mobiles est alius immobilis, quam dicimus esse sedem beatorum, ita supra omnia inuisibilia, est illud vnum, primum ac optimum, nulla ratione mutabile. Aristoteli quidem consentaneum videtur, moribus cœlorum substantias illas incorporeas ac perfectius mobiles præficere, non verò eas esse putat supra numerum eorum, sed singulis aptat singulas mihi verò videtur plurimum detrahi gloriæ & splendori rerum omnium domini, per tantam ministrorum penuriam. Quapropter non nouem solum substantias, sed nouem earum ordines esse censeo. Non quidem ita, ut nouem sint species, & magna multitudo singularium. Cum enim magnitudine careant, quam diximus esse principium individue multitudinis, non possunt esse multæ perfectione pares, sed inæquales omnes, ut numeri. Itaque ut quuius numerus ab alio quouis specie differt, ita quæuis incorporea substantia ab alia quacunque. Nihil tamen prohibet esse nouem ordines, velut

lut nouem genera. Nam tamenſi ſingularia ponere ratio prohibet, quia in magnitudine non eſt earum forma, vt corporearum, tamen ſpecies & genera nihil vetat, cum habeant etiam ſuam compoſitionem eſſentialem, atque (vt inquit Plato) ex quibuſdam eſſentijs colligatæ ſint, ab eodem a quo ſunt colligatæ diſſolubiles. alioqui eſſet earum ſubſtantia penitus ſimplex, quod niſi primæ non euenit. Itaque ſunt illæ ſubſtantia compactæ ex eſſentijs, quas nouit is qui compedit, non tamen coierint temere, & vtcunque, ſed ad numerū, pro ſingularum perfectione. Si enim certam ſeruata eſſe rationem, & proportionem in viliffima etiam rerum conſtitutione indicatum eſt, quo pacto illæ præſtantiſſimæ & pulcherrimæ ea caruerint? itaque omnia & viſibilia & inuiſibilia, facta ſunt ad numerum. Quod ſi ita eſt, cum non ea fecerit Deus, & qualia tunc cum faceret meditando excogitauerit, ſed ad æternum exemplar quod apud ſe habebat, quod eſt eius verbum, conſtat in ipſo omniū parente Deo eſſe vnitatem & numerum. Si enim omnia ad numerū facta ſunt, apud Deum erat numerus: Quod ſi numerus & vnitas (vnitas enim eſt principium numeri) igitur in Deo primum quidem vnitas erat, deinde & infinita illa fecunditas per quam ex nihilo fecit tam multa. Quoniam verò ea erat initiū producendæ multitudinis, rectè vocetur dualitas, accedente verò vnitatem ad dualitatem, velut vtriuſque copula, neceſſario eſſet ternarius. Nemo autem, arbitror, intelliget, ita à me dici eſſe in Deo vnitatem, aut dualitatem, aut ternariū, quaſi accidentia quædam, cū in primo non poſſit eſſe accidens: neque eſſe tria, quaſi diuerſis prædicta naturis, quia quod primum neceſſario eſt vnū. Neceſſe eſt ergo illis tribus vnitatem accidere, vnde fit quaternarius, qui cōtinet omnes numeros. Erat igitur in æterno exemplari omnis numerus, ad quē facta

Et sunt omnia. Philosophi, qui ob amorem sapientiæ nomen id consequuti sunt, rerum omnium naturam & essentiam, pro sua virili conati sunt agnoscere exactissimè. cum verò id nulli hominum contingere possit, dum huius corporis vitur ministerio, & horum sensuum, qui nihil agnoscunt præter accidentia, quasi substantiarum umbras, per quasdam rerum analogias, seu similitudines, conati sunt prope veritatem accedere, quasi circum circa versantes. Velut Pythagoras, ea omnia quæ de numeris diximus, atque alia multa, ut erat perspicacissimus, contemplatus, omnium rerum causas, & naturalium problematum solutiones, redegit in rationes, primum quidem geometricas, deinde arithmeticas. Nimirum intelligens, quandoquidem omnia certa mensura, & numero facta sunt, suo quodque genere pulcherrima, necesse esse ut omnium harmonia quædam & cœcensus, atque physica respondeant geometricis, & hæc arithmeticis. Atque quoniam, ut indicatum est, numerus est omnium prima mensura, sint arithmetice rationes quasi omnium prima principia. Plato hanc ipsam rerum concinnitatem admiratus est, numerorum naturas suspiciens, nihilominus intelligens (arbitror) numeros aliquarum rerum esse numeros, ut denarium ovium, boum, & caprarum; ac proinde oportere ut in ipsis rebus aliquæ naturæ sint subiectæ numeris, quæ ipsæ analogiam aliquam cum numeris habeant rationem quam numerorum (alioqui non differret septenarius Vergiliarum & Planetarum. non enim qua numerus cum idem sit) utranque rationem philosophandi coniunxit, & eam quæ ad numerorum perfectiones omnium causas redigit, & eam quæ considerat physica principia. Simul enim mundi omnes partes numeris adaptavit, & de forma atque materia, motu & tempore, & elementorum qualita-

tibus disputauit, modumq; agendi & patiendi; per quod rerum mutationes, ortusq; & interitus, cum violenti, tum etiam naturales contingunt, persequutus est. Quod quia non fecerunt Pythagorici, sed solis definitionibus per numeros latius contenti sunt, simplicitatis notantur ab Arist. metaphysicorum cap. 5. Ipsæ verò Arist. numerorum magna ex parte deposita cura, & sensibilibus magis considerationi sermonem accommodans, corporum substantiarum principia, per analogiam cum rebus artificialibus interpretatus est, & elementorum & rerum compositarum virtutes, non aliter quam per ipsas actiones, in his dijudicandis fidem sensibus non derogans. Nimirum, ut videmus, quæcunque res arte fiat, ut arca, mensa, aut lectus, fieri materia aliqua formam aliquam recipiente, & quancunque formam cum alia communi; ita ut, quicquid sit hoc aut tale, ex non hoc, aut non tali fiat, velut mensa ex ligno quod non erat mensa, sed arca, aut aliud, quiduis: ita (inquit) censendum est in naturalibus, ponendumque necessario, tria esse rei cuiusque principia, formam, materiam, & priuationem. Et ut arca fit ex ligno per hanc formam seu figuram, a fabro lignario ad prandendum, ita rerum quoque naturalium quadruplices esse causas: fieri enim quiduis ab aliquo, ex aliquo, per insitam formam, alicuius boni gratia. Siquidem nihil frustra: effectrices verò causas commutationum naturalium esse virtutes elementorum, calorem, scilicet, frigus, humorem, & siccitatem, quas non, ut Plato, per figuras corpusculorum, ex quibus elementa sint coagmetata exponere studet, sed per sensibiles passionem, ut quod fundit & liquat, calidum, quod cogit & densat, frigidum, quod emollit, humidum, quod indurat, siccum. Non tamen quia philosophorum principes, diuersis adeo vijs institerunt, necesse sit eorum aliquem aliquosve decrasse, aut contraria, repugnantia

pugnantia vè dogmata tradidisse, quin potius respicientes ad
 diuersa, diuersis vijs ad eadem veritatem iter fecisse, vt is eius
 plurimum videatur esse consequutus, qui ea dogmata re-
 ctè coniunxerit. Quod vno aut altero exemplo præstiterit
 indicare, vt videntes consonare ea, vt verum verò; atque ef-
 fectis Arithmeticas, Geometricas, & Physicas causas rectè
 quadrare, aliquid degustemus illius concentus, & harmoniæ,
 ac pulchritudinis, quam diximus, intelligamusq; verissimum
 dictum esse illud Sapientiæ, Omnia mensura, & numero, &
 pondere disposuisti. Dubitatur de numero elementorum,
 curque ea quatuor sint. Respondet Aristot. quia sunt qua-
 tuor qualitates actiue, per quas aguntur omnes ortus & in-
 teritus, aut igitur singulis elementis dabuntur singulæ, atq;
 ita erunt elementa quatuor: aut binæ (ternæ enim non pos-
 sunt, quia inerunt contraria) & cum ex quatuor qualitatibus
 habentibus duas contrarietates, quatuor solum possint con-
 stituti conjugia qualitatum non contrariarum, ita quoque
 erunt quatuor. Plato respondet, quia cum mundum oppor-
 teret habere non latitudinem solum, sed altitudinem quoq;
 & esse solidum, necesse fuit ipsa quoque elementa solida esse.
 Fecit ergo Deus duo solida, supremum & infimum. Illa
 verò oportuit, quod ex extremis fieret vnū, medio aliquo col-
 ligari. At verò solidis non est satis ad bonam coaptationē
 vnum medium, sed duobus indigent; contra ac latis, quibus
 sufficit medium vnicum. Velut in numeris, in quibus qui
 sunt ductu solius vnitatis, vocantur lineares, quia vt li-
 nea fit solius puncti ductu, ita illi vnitatis, vt ternarius, qui-
 narius & septenarius. Qui sunt bis replicato eodem nume-
 ro dicuntur plani, nimirum vt planities habent duas dimen-
 siones, ita illi duo latera, vt quaternarius, qui fit ex his duo-
 bus, & nouenarius ex ter tribus, qui sunt ter replicato co-

dem numero, dicuntur solidi. Quia solidum in magnitudinibus fit ex tribus dimensionibus, ut octonarius fit ex bis duobus bis, & 27. fiunt ex ter. tribus ter. inter numeros ergo planos, est inuenire vnicum medium, qui secundum eandem proportionem illos colliget, hoc est, eadem proportionem superet minorem, qua superetur à maiori. Inter solidos verò id fieri non potest, per vnicum, potest tamen per duos medios. Ut inter quatuor & nouem qui sunt primi plani sunt sex, eadem existente proportionem à nouem ad sex, quæ à sex ad quatuor in 8. tamen & 27. qui sunt primi solidi, nullus talis est numerus, sunt autem duo 18. & 12. eadem enim est proportio à 27. ad 18. & à 18. ad 12. & ab hoc ad 8. ita igitur, ut duæ solidæ magnitudines apte colligarentur, opus fuit duobus medijs, vnde quatuor elementorum corpora consistere. Hæc Plato. In qua ratiocinatione vides rationem physicam redigi ad geometricam, & geometricam ad arithmeticam, quia elementorum substantiæ indicantur per magnitudines, & magnitudines per numeros. Constat verò, hanc rationem non eleuare illam Aristotelem, neque ab ea eleuari. Simul enim consistunt, quia necesse est elementa, & alias omnes mundi partes præditas esse idoneis facultatibus, simulq; idonea mensura magnitudinis, eamq; proportionem (quæ in numeris habet essentiam, & indicatum est antea) ad alia omnia habere, & eo esse numero, ut in omnibus sit, & secundum ipsas substantias, & secundum propria accidentia, perfectæ quædam pulchritudo, & ad numeros, ac musicam harmoniam videantur omnia esse facta. Qua propter necesse est, ipsas etiam rationes philosophandi consonare, & eam quæ principiorum, & elementorum naturas considerat per se, & quæ magnitudinum proportionem, & numerorum quasi concentus. Omnia enim insunt. Atqui profecto vtram

veri præferas, haud facile sit dictu. Nam illa sensui magis se accommodat, ac proprius accedit ad materiam, hæc verò diuinior est, haud dubie, quia magis fert in contemplationem diuini exemplaris. Et hoc etiam præstat, quòd multorum reddit elegantissimas causas, quorum illa alia philosophia ne tentet quidẽm dicere vllas. velut cur sint septem Planetæ, quid dicant qui non habent rationem numerorum? illi verò dicunt quaternarium corporibus ortum & interitum habentibus, atque genitis & generantibus: septenarium verò accommodatissimum numerum esse corporibus in generalibus, neque similia sibi generantibus. cuiusmodi sunt cœlestia. Quia quaternarius primus numerus est qui generetur ab alio, & alium generet, fit enim à duobus bis, & generat octo, acceptus bis. Septenarius solus est intra decem (hi autem sunt omnes numeri) qui neque generatur ab alio neque aliũ generat. Atqui quoniam linearis est, fitq; ex vnitatibus, illis maxime congruit corporibus incorruptibilibus, quæ singula, suo quodque orbe vnum, consistenterent. Verum exempli gratia. hæc dixisse satis sit. licet cuius legere huiusmodi innumera, quæ plurimum arrideant apud Platonem, & Philonem, & Diuum Augustinum, & inter iuniores apud Marsilium Ficinum, & Augustinum Eugubinum, & Picum Mirandulæ, & innumeros alios, ex quibus perspicuè agnosceret mundi huius aspectabilis pulchritudinem & numerorum, eo quod omnia facta sint ad mensuram, numerum, & pondus. Quamquam satis certò scio exactè id agnosceret nemo, vsque dum videat diuinum illud exemplar, cuius imitatione facta sunt omnia, & sine quo factum est nihil, quod factum est. Reliqua adijciamus. Non solum res omnes visibiles & inuisibiles fecit Deus certis mensura, & numero, & pondere, sed & ipsa sæcula ita disposuit, atque vt dicitur 4. Esdræ ca. 4.

(quam-

(quamquam is liber est apocriphus, neque quid in illo dicere-
tur curarem, nisi hæc plurimum cum alijs scripturæ locis cō-
gruerent) in statera ponderavit seculum, & mensura men-
suravit tempora, & numero numeravit tempora. Quod
nihil aliud est, quam ut totius mundi moles infinita non est,
neque ex infinitis, sed certa quædam, ex certis constituta nu-
mero, atque singulas habet partes proportionem quadam con-
stantes, ita neque totius mundi decursus, & durationem, ex
quo tempus simul cum motu cœli natum est, usque dum co-
cessante finiatur, infinitum fore, sed certum quendam, cuius
partes omnes, ut sæcula, generationes, annos, menses, dies, &
horas, habet Deus in numero, facta quæ esse singula, foreque
in posterum quæ supersunt, suo quodque tempore. Ut hoc
hoc quoque sensu verissime dictum sit illud Salomonis, *Om-
nia tempus habent*. Ita sanè omnes insignes mutationes mū-
di, ut in primis illa humanæ creaturæ quasi renovatio per di-
luuium: initia imperiorum, & fines, rerum diuinarum, ac le-
gum mutationes, cetera quadam temporum mensura, ac nu-
mero distant, habent quæ tempora ad tempora proportionem
quasdam, & in illis quoque servatur ratio quadam *harmoni-
ca* numerorum. Quod cum sint plurima in sacra scriptura
quæ indicent, nihil tamen ut illa Diui Matthei in Euangelio,
cura distribuendi per quatuor decas generationes, omnes
ab Abraham ad Iesum. inquit enim, Omnes itaque genera-
tiones, ab Abraham usque ad David generationes quatuor-
decim: & à David usque ad transmigrationem Babilonis ge-
nerationes quatuordecim; & à transmigratione Babilonis
usque ad Christum, generationes quatuordecim. Quod
certum est non temere, ut neque aliud quippiam ab Euange-
lista dictum esse, sed ut indicet tres mutationes insignes fuisse
se populi Dei, perque bis septem generationes accidisse. Ni-

~~quidam ab Abraham usque ad David~~ per
~~David caput regalis prosapiæ. In transmigratione fi-~~
~~lialium est regum usque ad Christum. Si~~
~~igitur non casu quodam & ceteris ita evenit (naque enim~~
~~enim adus esset Matthæus) sed Deo ita dispositum,~~
~~temporibus quoque quidam & proportionem certo & ipsa iuxta~~
~~certo quodam numero disposita sunt. Quod vero Matthæus~~
~~ab Abraham usque ad Christum quadraginta & unum tan-~~
~~tum recensens, in ter quatuordecim distribuit, cum tamen~~
~~ter. 14. consent 42. simile est computationi medicorum,~~
~~qui ex ter septem constant viginti, quatuordecimo bis nu-~~
~~merato, ut sine scilicet secundæ, & initio tertiæ septimanæ.~~
~~Ita Iechonias in illa computatione, finis secundi seculi, & ini-~~
~~tium tertij est. Neque sane hoc ratione vacat. Nam Io-~~
~~hias non fuit pater Iechoniæ sed avus, interfuit verò Ioachim,~~
~~qui fuit partim Rex, partim priuatus. Pro hoc recensetur~~
~~filius eius Iechonias, velut duplex persona. Longè autem~~
~~difficilius est. Cur dicantur à David usque ad Iechoniam~~
~~fuisse quatuordecim generationes, cum fuerint reuera) præ-~~
~~ter reginam Athaliam) reges decem & septem, cum fuerint~~
~~inter Iorã, & Azariam seu Oziam Ochozias, Ioas, & Amasias.~~
~~quos rerer quidem prætermisissos esse, quod nō compleuerint~~
~~in pace dies suos, sed occisi sint gladio, & velut in medijs ge-~~
~~rationibus intercepti. Reclamat verò Amon, qui tamen si~~
~~annumeratus alijs, est occisus à servis cōjuratis in domo sua.~~

~~Secundum autem quod in libro Danielis dicitur, quod septuaginta septem annis durabit regnum Babilonis, per septuaginta annos. Quibus exemplum numerum septuaginta annorum scriptum est in libro Danielis, maxime in Daniele, & Esdra, quibus multa tempora reuelantur, ut in libro Apocalypsi Iohannis, quibus intelligitur, quod durabit regnum Antichristi, per septuaginta annos.~~ Ego enim, & si quæ potui commentaria in eum locum vidi, & multum diuque cogitaui, non intelligo, quanto autem intelligo minùs, eò magis credo, & arcanam numerorum dignitatem magnifico, Deiq; Optimi Maximii numero disponentis secula, suspicio sapientiam, & veneror. Non absimile est illud Danielis, cui tempus Christi Iesu, ab edificatione secunda templi, significatum est per septuaginta septenarios, numeros quidem, si quis consideret rationes armonicas, ambos insignes. Quandoquidem septimus censetur diuinissimus numerus, quia neque produci- tur neque producit, sed est vnicus, per se ex vnitatibus, alio- qui continens duos primos perfectos, ternarium, & quater- narium. Maxime verò est is numerus tempori numerando accommodatus, quia tempus quod vnà cum cælo natum est, ut inquit Plato, septem corporum Planetarum motibus numeratur primo. Septuaginta verò est septenarius den- riorum, quare cum decem omnes numeri sint, septenarius cuius vnitates sunt (ut ita dicatur) perfectæ totalitates. In

in statera ponderatum esse seculum, & mensura mensurata tempora mundi. Itaque, ut mundi huius aspectabilis partes omnes, indicatum est proportionem quandam seruare inter sese, & consonantiam cum substantijs inuisibilibus, ita & cum toto mundi tempore, & eius partibus, si quis historix valde peritus & numerorum acriter consideret, concentum mirabilem inueniat. velut enim alterabilis partes mundi quatuor sunt, ita secularis potentix toto mundi decursu, sunt quatuor Monarchix, quas Daniel Prophetice descripsit, Prima Chaldeorum vsque ad Baltasar, Secunda Medorum vsque ad Darium, quem expugnauit Alexander, à quo incepit tertia Græcorum vsque ad Cæsares, à quibus incepit quarta Romanorum, cuius imperium quia coaluit cum Ecclesia, durabit vsque ad finem temporis. Itaq; constat tempus quatuor Monarchijs, ut mundus alterabilis quatuor elementis. Porro ut tota mundi moles triplici machina, corruptibilium tantum mobilium, & penitus immobilium: ita & totum tempus tribus seculis, naturæ, legis, & gratiæ. Res verò diuinæ, velut cœlestium orbium lumina, septenarijs computantur, ut exemplo generationis Iesu, & reuelationis factæ de eius aduentu indicatum est, & constare etiam potest per septem renouationis Diuinæ legis, & mādatorum Dei, quas recenset Esdras Cap. 3. lib. 4. primam in ipso Adam, secundam in Noë, post diluuium; tertiam temporibus Abraham, Isaac, & Iacob; quartam per Mosem data lege; Quintam per Dauidem & Salomonem pro tabernaculo, ædificato templo; Sextam in transmigratōe Babylonis, renouatis omnibus, & reædificato templo; Septimam, eamque perfectam, & in secula seculorum duraturam, per Iesum Dominum. Quæ quidem septem mundi ætates sunt. Itaq; ut mundus visibilis & inuisibilis factus est ad numerum, ita

& eius duratio. Factaq; sunt ea omnia ad normam quæ erat in exemplari. atque ut mundus factus per quosdam gradus fert in id quod æternum, ita tempus per quosdam cursus certos, labitur in æternitatem. Non autem solum mundi totius ætates, certo quodam numero sunt apud Deum computatæ, sed & singulorum hominum vita & ætates, ut ex ijs quæ de clymaticis annis scripsimus super cap. sextū Genesios, constare potest. Sed adhuc videntur verba illa Eisdem maiori indigere enarratione. Nam quomodo mensurentur & numerentur tempora facile est intelligere. Siquidem mensurari potest tempus cum sit continuum & quantum; numerari verò cū sit numerus, qui numeratur in motu, ut per Solis circuitiones siue annuas, siue diurnas, & per circuitiones menstruas Lunæ, atque adeo per lineas quas percurrit gnomon in horologio, & eiusmodi alia: ponderari verò in statera quomodo possit: haud dubie hoc per metaphoram dici necesse est, cum tempus nullum habeat pondus, ut possit suspendi in statera. sed quid significet ea metaphora, iam explico. Prima causa, quæ hæc hoc, illa illo tempore fiant, est voluntas & præscientia Dei, qui ita mensura mensuravit, & numero numeravit tempora. Nimirum ut creationis, ita & durationis, & operationum rerum omnium, ac deniq; omnium quæ fiunt Deus est prima causa, neque ipse ab vlla alia extra se mouetur, ut ita aut aliter velit, aut intelligat. Quod innuit Ioannes in Euangelio sæpe dicens, factum est hoc, Ut impleretur quod dictum est per prophetam. Quæ phrasis aperte indicat, non quia ita erat futurum, prædictum fuisse à Deo per prophetam, sed ita esse factum, quia prædictum erat à Deo, & ut impleretur quod Deus prædixerat. Nimirum Deus est rerum omnium efficiens causa & finis. Omnia fiunt ab illo & propter illum, qui est *a. & a.* hoc est principium & finis. Siquidem omnia fecit propter se

se ipsum, ut dicitur: 1. 6. Prouerbiorum. Igitur quia Deus prædixit euenit, & ut impleatur, & gloriificetur Deus: igitur eueniunt omnia eo tempore, quo destinata sunt à Deo, cum in principio numerauit tempora. Neque est qui ea tempora mutare possit, aut aliter disponere, quam à Deo disposita sunt. Quod innuunt verba illa Danielis cap. 7. ubi futuri tyranni superbia, his verbis depingebatur. Sermones contra excelsum loquetur, & sanctos altissimi conteret, & putabit quod possit mutare tempora. His verbis significatur, frustra illum per superbiam putaturum, quod fieri nequit, ut scilicet mutantur tempora. Hoc etiam innuunt illa Saluatoris verba, Nondum venit hora mea, & illa, Hæc est hora uestra, & potestas tenebrarum. Nimirum cum Deus à principio numerauerit omnia secula, omnes annos, dies omnes, & omnes horas, & temporum momenta, nihil geri potest, nisi tempore à Deo definito. Verum & si hoc ita sit, non tamen. Ita disposuit Deus tempora, ut nulla alia causa sit, quam tunc fiant, quam quod ita ipse disposuerit: sed sunt etiã omnia quæ fiunt alia causa effectis proximæ. Velut temporibus Noë accidit diluuium, quia tunc corripit omnis caroviam suam. Temporibus Abrahæ combusta fuit Sodomæ, quia eousque creuerat tunc eius absurditas, ut ne decem quidem in populosis urbibus inuenti sint iusti. Tempore Iesu Naue, Deus Amorreos, & alias gentes deleuit, quia consumata tunc est iniquitas Amorreorum. Ciuitatem Sanctam Hierusalem deleuit Romanus exercitus, quia tunc desijt esse eius populus, qui Christum negauerat. Postremo toti mundo finem imponet Deus, quia tunc erit impletus numerus iustorum. Igitur cum ita res se habeat, disposuit ita Deus omnia secula, ut in destinata tempora inciderent simul res gerendæ & earum causæ, atque tanquam Deo in bi-

lance ponderante mutationes rerum & causas, in idem tempus destinavit singula, in quod pondere causarum trahebatur: atque aptare causas effectis, eaq; in tempora certa destinare, est in statera ponderare seculum. Quod quidem apertum fit ex cap. 5. Danielis, ubi narratur, qua nocte interfectus est Baltasar Rex Chaldæorum, & regnum eius occupatum à Dario Medorum rege, visam illi esse manum scribentem in opposito pariete, Mane, thecel, phares. Quam scripturam Daniel sic est interpretatus. Mane, numeravit Deus regnū tuum, & complevit illud. thecel. appensus es in statera, & inuentus es minus habens. His duobus verbis continetur fere omnia quæ diximus. Nam instabat finis regni Baltasar iuxta numerum annorum quos Deus dederat regno illi; atque adeo toti Monarchiæ Chaldæorum. Causa verò ut tunc finiretur fuit, quòd Baltasar cum appenderetur in statera, hoc est, eius merita & demerita velut in billanci appenderentur, inuentus est habens minus meriti, quam ut dignus posset esse diuturniori regno. Numero ergo, mensura & pondere, disposuit Deus illam translationem regni à Chaldæis in Medos, ut & alias omnes rerum vicissitudines. Huic interpretationi consona est illa, de Michaelē concepta ab Ecclesia opinio (minime quidem vana, ut quibusdam impijs videtur) quem depingunt altera manu ensē, altera habentem stateram. Ensē quidem, ut indicetur eum fuisse principem militiæ Dei aduersus Satanam, quem & vicit, & cœlo deturbavit. Stateram verò, quia cum sit princeps populi Dei, ad eum præcipuè spectat fidelium animas Deo præsentare, & earum merita, velut in statera appendere, iuxta id quod Baltasari denuntiaturum est. Diximus itaque, ut Deus omnia in numero, pondere, & mensura disposuerit, hac ratione mundum pulcherrimum efficiens, ac secundum harmonicas proportionēs constituens; & ipsa quoque mundi tempora

pora, ex quo cœpit moueri adhuc nascens, vsquedū moueri desinat, velut in statera ponderata esse, & numero numerata, & mensura mensurata: atque in hac quoque temporum dispositione habitam esse rationem numerorū, & concinna proportionis, quasi mutationibus ipsis seculorum cadentibus ad numerum. qua de re eius qui mouet mundum hūc, tāquam appositissimè cytharam pulset, sapientia commendatur. Vnica videtur superesse dubitatio. Videtur enim fieri, vt necessario eueniant omnia cum fiunt, siquidem mutari non possunt tempora: si autem omnia necessario, nihil videtur fieri ex deliberatione. Certè hæc dubitatio non est propria huius loci, sed communis omni doctrinæ de prædestinatione, neque aliter nobis hic, quàm illic Theologis respondendum. Nimirum in sensu composito, omnia fieri necessario cum fiunt: in sensu autem diuiso, ac simpliciter, possunt fieri aut non fieri, quæcunque pendent ex electione: quod (vt dicam apertius) nihil est aliud quam futurum necessario tunc, si Deus tunc fieri præsciuit: id verò fieri posse vt non fiat tunc: quòd si non fiat, neque Deus præsciuerit: velut fieri non potest, quin currat Petrus si cum ego currere video, potest verò ille non currere, atque si non currit, neque ego viderim. At dices, longe interest. Ego enim video currere, quia currit, ac Deus non præuidit quia erat cursurus, sed hic potius currit, quia Deus præuidit, & voluit. Nam à Ioue principium, ita est profectò, sed hoc est immensæ, indicibilisque sapientiæ Dei argumentum, ita rerum omnium causas disposuisse, & aliarum ex alijs ductum, quem Stoici vocabant Fatum, vt cum nulli liberæ causæ detrahat deliberandi, atq; eligendi facultatem, omnia tamen sint futura, cum, & vt ille disposuit. quæ est altitudo diuitiarum Sapientiæ, & scientiæ Dei: cui honor & gloria in secula seculorū. Amen.

CAPVTF SEPTVAGESIMVM



A P. 27. Ecclesiastici. Sensatus homo in sapientia manet sicut Sol, stultus sicut Luna mutatur.

Hæc verba videntur innuere, insensatos & stultos, denique eos qui non sint sana mente, per vicissitudines, & mutationes Lunæ habere grauius, eosq;

proinde vocari lunaticos, quā sententiam iuuat, quod cap. 4. Mathei legimus. Obtulerunt ei omnes male habentes: varijs languoribus & tormentis comprehensos, & qui demonia habebant, & lunaticos, & paralyticos. & rursus cap. 17. Domine miserere filio meo, quia lunaticus est, & male patitur, nam sæpe cadit in ignem, & crebro in aquam. Ex his Euangelij verbis constat, haud dubie epilepticos dici lunaticos. Constat quoque ex multis veterum locis, & ex communi hominum sententia, lunaticos vocari maniacos. Cuius tamen appellationis non omnes eandem rationem reddunt: sed genethliaci, seu iudiciarij, qui natiuitates obseruant, dicunt inde esse, quòd qui in interlunio nascuntur, aut luna male collocata, sunt plærunque epileptici. alij, censent, & furores & epilepsias mutationes accipere cum Luna, itaque increfcente crescere, & decrefcente minui. Alij verò dicunt non ob aliud appellari hos lunaticos quam quod teneantur morbo cerebri, membri adeo humidi, Luna verò humiditatibus præest. Verum si Luna humiditatibus præest, hac eadem causa augebit eas, & minuet, quare & morbos ipsos, quod si sit, quam potius ob causam appelleantur lunatici, qui

qui ita sunt affecti: augere vero Lunam humiditates, & veterum & recentium constat testimonijs. Nam Plinius cap. 41. lib. 2. ita inquit. Iam quidem lunari potestate ostrearum, conchyliorumq; , & concharum omnium corpora augeri, ac rursus minui. Hoc quoq; fateſ Aristot. 4. de generatione animalium, Omnes etiam qui de agricultura scripsere, nullo excepto, decreſcente luna putari arbores iubent, quod tunc minus humiditate redundant, & ea ipſa cauſa, ligna eo tempore deciſa, minus ſentire cariem affirmant. Itaq; communis omnium hominum ſententia eſt (cui ſine proteruitate nota nō poſſemus repugnare) cum Luna humorem omnem augeri & minui. Quod ſi ita eſt, cum dicti morbi ex humore pendeant, vt & alij plerique, non mirum ſi ij, & aliorū multi ſecundum Lunæ mutationes, ipſi quoque mutantur. Sed cur Luna humiditates augeat, aut, ſi non augeat, cur illi, alijq; ſimiles morbi mutantur cum Luna, non omnes eodē modo dicunt. Quidam enim cenſent Lunę naturam eſſe frigidam & humidam, vt Saturnum frigidum & ſiccum, vt & Martem calidum & ſiccum, ac Iouem calidum & humidum. Itaque Lunam quia humida eſt, augere humiditatem, tuncq; maximē cum eſt valentior, increſcentem ſcilicet. Ariſt. Lunā calfacere & ſiccare cenſet, vt ipſum Solem, tantō autem minus, quantō repercuſſum quam rectum lumen debilius eſſe par eſt. Augere verō Echinos & teſtacea in plenilunijs, quōd calore & lumine adiuta, ſcelicius nutriantur: humiditatem verō excrementitiā, in decremento & interlunio redundare magis ob defectum caloris, ac proinde muliebria decedentibus menſibus potius fieri. Vide caput quintum de partibus animalium quarti, & Secundum quarti de generatione animalium. Itaque videtur conſequens, vt iuxta priorem ſententiam, dicti morbi, creſcente luna creſcant,

iuxta

iuxta posteriorem verò , decreſcente . Alij autem quibus
 fortasſe nihil horum placet , cenſent , lunaticos ſolùm fuiſſe ,
 quos Dēmon præmeret . Diabolum verò lunaria ſeruare
 tempora , vt creaturam infamet , in blaſphemiam creatoris .
 Omnia quæ ad iudiciariam , ſeu Chaldaeorum vanitatē ſpe-
 ctant , reſutata mihi ſeorſum ſunt in hoc ipſo opere , præcipuè
 ſacrorum autoritate . Quapropter licet tunc intacta , repel-
 lere quæcunque genethliaci dicunt : neque minus quæ de
 temperamentis Aſtrorum leuiſſimi homines effutiunt , cum
 nulla confirmentur mōſtratione . Certè Luna plena à vacua
 ſolo differt lumine . Nam cætera eadem habet . id verò lu-
 men eſt ſolare , à Sole enim accipit . Solem vero ipſum nō
 aliter quam lumine calfacere , indicatum mihi antea eſt . Lu-
 mine quidem non per ſe , ſed ex accidenti , quod ſcilicet lu-
 minis comes eſt ignis ob analogiam . Lumini ergo , præci-
 puè Solari , & ſi per accidens , ſemper tamen accedit vis cal-
 faciendi . Quandoquidem verò per ignem qui ſe exhibet co-
 mitem , conſtat quòd & ſiccandi . Conſtat ergo haud dubie ,
 noctes plenilunij calidiores & ſicciores eſſe quam interlunij ,
 atque adeo Lunam eadem præſtare quæ Solē , & ſi debilius ,
 atque vt Sol per annum , ita Lunam per menſem ſuam æſta-
 tem facere et hyemem . quòd Ariſt. affirmat . 4. de generatio-
 ne animalium cap. 2. quod idem euidenter confirmatur ver-
 bis illis Pſalmi 120. Per diem Sol non vret te , neq; Luna per
 noctem . Vrit ſcilicet per noctem Luna , vt per diem Sol . Ni-
 mirum eſt Solis vicaria , lumen ab illo accipiens , vt pro illo
 præſit nocti , vt ille diei . Luna ergo per lumen habet vim
 calfaciendi & ſiccandi , quare ea diminuta , aut omnino defi-
 ciente , merito euenit augeri humiditates , defectu ſcilicet
 ignis . Cum tamen ita ſit , nihil prohibet , ipſam etiam ple-
 nam humiditas paſſiones augere , nō quòd frigida & humida ,

vt vulgus putat; sed quod reflexi luminis tepidus sit calor. Talis enim solet humiditates plus fundere quam resolueret, atque ita augere, & mouere, vt tepidum balneum, & vernus calor fluxiones mouet. Hinc fit, vt qui destillationibus sunt opportuni, sentiant se lēdi à Luna, quod scilicet tepidus eius calor humores fundat. Leduntur verò minus aliquando à Sole, quòd hic calidior cum sit, nō plus fundat quā absumat. Quod quidem Plinius cap. 9. lib. 2. explicuit, de Luna differens his verbis. Ideo molliore & imperfecta vi solueret tantum humorem, atque etiam augere, quem Solis radij absumant. Esse igitur morbos qui Luna crescente, aut decrecente augeantur, & eos qui ita laborent, vocari lunaticos, nihil habet rationi dissonum, idque siue dæmone exagitante fiat, siue aliter. Nam demones ipsi vtuntur ad torquendos homines succis, eorūdem obseruata natura, vt iam antea indicatum est. Porro tales præcipuè esse epilepsias, & insanias, rationi quoque est consonum, quia cerebrum est membrum redundans multa humiditate, quæ aut in plenilunio fundi, aut in interlunio augeri possit. Vtro verò potius Lunæ tempore patiantur lunatici, & an utroque, an alij in alio, res exigat vt explicemus. Quandoquidem duplex ratio est, quæ Luna humiditates augeat, constat, neque omnes, neque eosdem lædi vtraque, sed quosdam hac, quosdam illa: Nam qui vtraque ratione æqualiter efficientur semper (quod ad Lunam attinet) æqualiter ægrotabunt, qui altera afficientur grauius, ad alteram videbuntur habere leuius. Quosdam autē hoc, quosdam illo tempore habere deterius, & melius consentaneum est. Nimirum quibus fusio humiditatis inexistentis fiet maior quam accessio nouæ, lædentur plenilunio: quibus contra gignetur potius noua, quam fundetur pristina, lædentur interlunio. Quæ autem erit utrorumque differentia?

certè quæ humorum . Horum enim quidam sunt concreti, frigidi adeo, ut nisi magno calore, qualis Lunæ non est, non fundantur; frigore verò moderato maiori, magnopere augentur, huiusmodi sunt pituitosi & vitrei: Alij sunt calidi adeo, ut vel moderato calore fundantur, frigore verò non augentur, sed compescantur, & sedentur, huiusmodi sunt biliosi & exusti. Eos ergo qui huiusmodi succis abundat, verisimile est deterius habituros in plenilunio, qui verò illiusmodi in interlunio. Ergo Maniacis omnibus, & epilepticis ex atra bile, crescet malum cum ipsa Luna: Epilepticis verò ex pituita & crudis succis, decrescete crescet, & vrgebit maxime in interlunio. Natos verò esse homines in nouilunio aut plenilunio, meo iudicio, nihil refert. Refert fortasse potius, quo tempore vtero essent concepti. Sed pro alijs rebus, & alijs succis est distinctio alia. nimirum quidam succi sunt alimenta; quidam excrementa. Alimenta semper auger Lunæ lumen. moderatum enim calorem cum afferat rebus, nutritionem auget, quare & alimentis replet: excrementa verò non semper. Nam quæ per incoctionem generantur, decrescete potius augentur. Hinc fit, ut plantæ omnes, & natura illis proxima conchilia, crescant magis in plenilunio, & ea humiditate qua nutriuntur abundant: ac proinde periculosius putentur: menstrua verò quæ magna ex parte sanguis crudior est, plarumque fiant circa interlunium. Neque tamen semper, ut enim de epilecticis dictum est, ita & in hac euacuatione eueniet. Atrabiliarijs scilicet feminis, & quibus atrabiliarius erit sanguis, aut valde biliosus, & si non ater, plenilunio potius irritabitur, & fluet: pituitosis verò & quibus crudior, in coniunctione seu interlunio. Omnium igitur quæ eueniunt dicta est causa, Lunæ nulla, neque frigida, neque humida, neque maligna facultate imputata,

putata, sed ea per lumen, quod à Sole accipit calfaciente, atq; & si minùs, vrente tamen per noctem, vt per diem vrit Sol: dictumq; , qui, & quoruplices sint lunatici, & quo tempore quique lædantur. Ad insanos ergo & lunaticos potest Ecclesiasticus alludere, dicens, stultus sicut Luna mutatur. Quamquã alioqui Luna hyeroglyphicè significat stultos, & inconstantes homines, ab assiduas mutationes.

C A P V T S E P T V A G E S I M V M S E C V N D V M.



Ap. 30. Ecclesiastici. Multos occidit tristitia, & non est vtilitas in illa. Zelus & iracundia minuunt dies, & ante tempus senectam adducet cogitatus. Cap. etiam 25. Prouerborum. Sicut tinea vestimenta, & vermis ligno, ita tristitia viri nocet cordi. Medici in sex genera redigunt res omnes, quibus constat victus, seu dieta. Hæc sunt, cibus, & potus: motus, & quies: somnus & vigilia: aër in quo viuimus: animi perturbationes; & quæ excernuntur, aut retinentur. In bona enim horum moderatione consistit tota, victus salubriter instituendi, ratio. Vocant verò has res, nō naturales, quia neque naturales sunt & semper vtilis, neque præter naturam & semper noxiæ, sed eadem bonæ, & malæ pro vtendi modo. Itaque si quis illis rectè vtatur, vtilis fiut, si malè, fiunt causæ morborum, atque etiam mortis. Sunt verò hæ, quæ vocantur causæ externæ seu procathartice. Hęc igitur Ecclesiastici verba, quibus affectus animi moderatio consulitur, partim pertinent ad tractationem de causis morborum, partim ad tuendam valetudinem, priora quidem illa, Multos occidit tristitia, & non est vtilitas in illa, ad morborū

causas: vituperatur enim tristitia, ut quæ morbos & mortem inferat: posteriora verò, ad tuendam valetudinem, quia vituperatur sollicitudo, ut quæ vitam contrahat, & canos ante tempus afferat. Perpendamus singula, & apponamus causas. Videtur tristitia penitus vituperari, quasi semper noxia, & in qua nulla vnquam sit vtilitas, sæpe verò etiam occidat. Si autem hoc ita est, primum quidem male ponitur à medicis in causis non naturalibus, sed potius in ijs quæ præter naturam, ac semper noxiæ. Deinde gaudium semper esset vtile, & quantumcunque. At verò nō est, quin potius, ut Galenus docet primo de symptomatum causis, ex ingenti gaudio nonnulli pusillanimes perierunt, suntque multæ de ea re historiæ & antiquæ & recentes. Nō igitur semper gaudium vtile est, quare neque tristitia semper noxia, sed est huius quoque, ut & aliorum animi motuum quædam moderatio salutaris. Atqui profectò ego ita cenleo. Consultum enim fuisset mulieri, quæ viso filio quem mortuum crediderat exanimata est, aduentum filij, cum tristi aliqua narratione prænuntiasse, ut, scilicet, tristitia gaudium temperaret. Haud dubie procuranda nōnunquam quædam tristitia est, non minusquàm alij animi motus, velut certe & ira, quæ Hippocrate autore, consulto est in frigidis naturis & affectibus excitanda, augendi feruoris gratia; & gaudium, quod tam multis machinamentis melancholicis procuratur: & ut etiam timor, quem nonnulli in quibusdam passionibus incusserunt, & furentibus sæpe incutitur ad cohibendam iram. Nihil enim iram æquè frangit, ac timor. Non tamen proinde magna tristitia, quæq; plus, quàm profusi gaudij temperatio est, vnquam prodest. Quinimo talis semper nocet, & potest aliquando occidere. Non quidem repente, ut timor & gaudium (autor est Galenus loco citato) sed paulatim, & multo

multo tempore . Quia per gaudium affatim, & sine vlllo freno effunditur totum calidum, quare in pusillanimis totum exhalat . In timore magno affatim accurrens ad cor, suffocatur . Motus similis est tristitia timori, non tamen vehemens, vt ille, sed natura sua lentus, ac proinde paulatim facit vitalem calorem marcescere, & nutritionem partium minui, atq; ita deducit ad tabem . Quod aperte significant illa verba Prouerb. 17. Spiritus tristis exsiccat ossa . Itaque tristitia repente nullum fortasse occidit, vt & timor & gaudium, lentè verò ac paulatim quàm plurimos . Illa verba & non est utilitas in ea, duplicem ferunt sensum, naturalem & moralem . Naturali quidem significant, tristitiam nihil conferre, nam neque ad pellendos morbos, neque ad tuendam valetudinem (id verò constat ex dictis, intelligi debere de magna tristitia, & quæ omnem excludit hilaritatem) morali verò, continent exhortationem quandam, ad pellendum ex animo tristitiam . Quasi dicatur, vita tristitiam, quia multos occidit, & nihil confert ad recuperandum id cuius gratia doles. Neque enim lachrymis defunctum vita maritum suscitabis, neque filium, neque amissam inuenies pecuniam, neque incendio consumptam reficies domum . Huc pertinent illa verba cap. trigefimi octauo, vbi de lamentatione mortui agit. Ne dederis in tristitia cor tuum, sed repelle eam à te, & memento nouissimorum, & noli obliuisci . Neque enim est conuersio (à morte scilicet ad vitam) & huic nihil proderis (mortuo scilicet) & te ipsum pessimabis . Hactenus de prima præscriptæ orationis parte . Altera quam pertinere diximus ad tuendam valetudinem, vituperat zelum & iracundiam, & assiduum cogitatum, quòd minuunt dies, & ante tempus adducant senectam . Videntur autem mihi illa omnia, vnico sollicitudinis nomine significari . Sollicitos enim esse dicimus
cos,

eos, qui plus satis curant, quid agatur, quod futurum sit. Tales enim sunt zelatores, ac proinde iracundi, & cogitabundi. Quæ omnia excludit ab animo hilaritatem. Quare si vere dictum est 17. cap. Prouerbiorum *Animus gaudens ætatem floridam facit, merito euenit, vt, quæ gaudium excludit sollicitudo, afferat intempestiuam senectutem.* Verū autem illud esse constat, siquidem indicatum antea est, spiritum tristem exsiccare ossa: exsiccat ergo & ea passio cuius tristitia comes est, puta sollicitudo, & nimia cura. vt verò exsiccat, ita refrigerat, quia vt nuper diximus, siccat imminuta nutritione, per vitalis caloris & spirituum consumptionem. Refrigeratio verò naturalis cum siccitate, ipsum est senium. vnde efficitur, vt sollicitum esse, ac proinde iracundum, & cogitabundum, adducat ante tempus senectutem. Neque res vlla experimento magis cognita est. Neque quidquam ijs, qui priuatam agunt uitam consultis, quam nulla de re esse sollicitos: ijs verò qui Reipub. tenent gubernacula, qui id non possunt, tamen interponere gaudia curis, & animum tantis solutum curis, crebro laxare, ac locum dare cibis & exercitationi, y ne semper animo ad cogitationem translato, corpus tabescat.

C A P V T S E P T V A G E S I M V M
T E R T I V M.



*E*cclesiastici cap. 31. *Vigilia, & cholera, & tortura, viro infrunito: somnus sanitatis in homine parco. Dormiet vsque in mane, & anima illius cū ipso delectabitur. Et si coactus fueris in edendo multum, surge è medio & vome: & refrigerabit te, & non adduces corpori tuo infirmitatem. Audi me fili, & ne spernas*

nas me: & in nouissimo inuenies verba mea: in omnibus operibus tuis esto velox, & omnis infirmitas non occurret tibi. & rursus cap. 37. In multis escis erit infirmitas, & auiditas, & apropinquabit vsque ad choleram. Propter crapulam multi obierunt, qui autem abstinens est, adiiciet vitam. Plurimū gloriatus est Hippocrates primo libro de Dieta (si modo eius est is liber) & in initio libri de Ratione victus in acutis, se rationem victus instituendi inuenisse, quam antiquiores, aut omnino non attigissent, aut tractassent negligentius. quam tamē artis partem magnopere laudat, & merito quidem. Si quidem reliqua medicina, tam quæ pharmacis vtitur, quam quæ adhibet manuum operam (his enim tribus tota medicina continetur) ad præsentis tantum, aut iam iam imminentes morbos est utilis, quæ verò victum instituit, etiam ante omnem morbi suspicionem, ne vnquam fiant. Sed & ad multos morbos præsentis facit non minus victus, quam pharmaca, & chyrurgia, & ad quosdam multò plus, atque adeo ad nonnullos sola sufficit, cum ad nullos sit satis reliqua medicina, sine vlla victus cura. multis itaque rationibus præstat reliquis medicinæ partibus, hæc cuius inuentione gloriatur Hippocrates. Est profecto tanti momenti, vt ad animi æque ac corporis medicinā spectet. nullus enim error in victu committitur, qui non æque vtrunque partem hominis lædat. Ebrietas enim vt caput grauat, ita mentem dædit; cibi & potus ingestio nimia, vt replet succis corpus, ita facit hominem libidinosum. Otium facit corpus excrementosum, & animum mollem, ac desidem. Cibi abstinentia nimia, extenuat ac debilitat corpora, animum facit meticulosum: Vini potus (cui aqua erat ex re) fluxiones multas ciet, & iracundiam affert: potus aque (cui vino erat opus) crudirates parit, & tristitiam. Si igitur, vt ad tuendam cor-
po-

poris valetudinem humores oportet esse compositos, ita ad valetudinem animi, affectus; & utrosque modo aliquo turbat, quicumque error in victu: constat idoneam victus institutionem; ad totius hominis valetudinem, corporis inquam & animi esse necessariam. Cum præcipuè non solum talis error utrosque per se turbet, sed & alterutros per alteros. utcumque enim turbentur succi, evenit turbari affectus, & utcumque turbentur affectus, humores quoque. Quapropter verissime dictum est à Galeno, medicinæ partem esse philosophiam morum, non solum quæ ad Reip. pertinet cōstitutionem, sed quæ singulorum moribus componendis se accommodat. Hæc enim affectus temperat, quæ una quidem pars est (neque ea maxima) totius victus: cum hic, ut medicis omnibus convenit, sex constet rebus, cibo & potui; motu & quiete: somno & vigilia: aëre animi affectibus: & excretionem, aut retentionem quorundam. Haud dubie igitur, ea philosophia quæ affectus temperat, medicinæ pars est, non minus quam quæ modum ponit cibo & potui. Neque abs re Galenus, aut extra chorum saltans, scripsit, de cognoscendis, & curandis animi morbis, neque Plutarchus de sanitate tuenda, neque igitur sine causa in sacris, ac præcipuè in moralibus (cuiusmodi sunt liber hic Ecclesiastes, & omnes libri qui extant Salomonis, aut Salomoni attributi præter Cantica) tam multa scripta sunt medicinalia, & ad victus institutionem pertinentia. Cum verò multa sint, præscripta oratio continet præcipua totius victus capita, & plurimum cōgruit cum Hippocratis præceptis. Nam tamen si victus dictis sex constat rerum generibus, modus cibi, & exercitationis, primum ac summum rei caput est, & ad hæc referuntur alia omnia. Omnes enim morbi, teste Hippocrate, additione, aut detractione constant. Arqui præcipua additio & detra-

Etio, repletio & inanitio est. Repletionem facit cibus, inanitionem exercitatio. Constat verò quod repletionem natū est facere, inanitionem tollere, quod inanitionem facit, tollere repletionem. Cibus igitur & exercitatio, non vt expedit suscepta, morbos omnes nata sunt facere; &, vt expedit, tollere. Reliquæ verò omnes causæ, his sese adiungūt socias, quia aut replent, aut inaniunt. Proinde maxima pars dieticæ partis est, modum ponere cibo & exercitationi. Modus autem quem ponit Ecclesiasticus est, ne quis sit infrunitus, hoc est, intemperans in capiendo cibo, sed parcus: & vt in suscipiendis laboribus sit velox, quæ eadem sententia scripta est ab Hippocrate lib. 6. Epid. sectione quarta his verbis. Exercitatio sanitatis est, citra satietatem cibum capere, & impigrum esse ad labores. Quæ assertio quam sit eadem, quæ & Ecclesiastici, quiuis videt. Parcum enim esse, quid aliud interpretæris, quàm citra saturitatem vti cibus? esse velocem in suscipiendis laboribus, quid aliud, quam esse impigrum ad labores? Verum Ecclesiasticus, non contentus simpliciter præcipere, apponit etiam incommoda, quæ intemperanter facientibus eueniunt, & commoda quæ téperantibus. Explicat verò vtraque per notas quasdam, & signa affectionum, quæ medici symptomata appellant. Viro (inquit) infrunito accidet vigilia, & cholera, & tortura. Somnus autem sanitatis in homine parco. Nihil magis experimento cognitum, quam cum qui se cibus impleuit vsque ad satietatem, non posse dormire, sed aut totam noctem vigilare, hūc & illuc se iactantem, neque posse loco consistere: aut dormire somnum grauem, cum multis horrendisque insomnijs, neque eum longum, sed crebro interruptum, ac cum cholera nonnunquam & tortura, hoc est, cum anxietate ventriculi & vomitibus cibi corrupti, aut nauseis, & ructibus nidorosis (hic

Bbbb affectus

affectus vocatur Hippocrat. cholera sicca) & cum tormini-
 bus intestinorum. Illud quidem ob cibos corruptos, qui ad
 huc in ventriculo herent, hoc ob eos qui in intestina descen-
 derunt: cum verò, qui parce aut citra saturitatem cœnavit,
 dormire vsque in mane, & animam eius cum ipso delectari,
 hoc est magnam ex somno voluptatem capere, & expergi-
 sci alacrem, & expeditum: quod quidem signum optimè per
 actæ concoctionis, atque adeo bonæ valetudinis, est. Ob
 hæc igitur iubet, parcum esse, & præterea, in omnibus operi-
 bus esse velocem. Et omnis (inquit) infirmitas non occur-
 ret tibi. Quod non ita accipiendum est, ac si nullo possit
 morbo penitus corripi, sed quòd nullis morbis esse poterit
 valde obnoxius, sed raro, ac leuiter tentabitur: nisi casu læda-
 tur à causis, quas medici vocant non necessarias, vt ense, aut
 igne, aut lapidis iactu, aut domus ruina, aut contagio. Nam
 præter hæc, & si parcum atque exercitatum hominem reli-
 quæ quatuor victus partes lædere possint, vt ira aut Sol, hæc
 tamen ipsa rarò magnopere lædent. Quanquam non nego
 posse etiam grauiter lædere aliquando, præcipuè eorum quæ-
 dam, vt si forte, qui parcus atque exercitatus sit, vtatur multa
 venere, fortasse enim lædetur plusquam si viueret in otio.
 Superest igitur, vt illud, Omnis infirmitas non occurreret tibi,
 intelligatur ita, vt explicui: quasi, inquam, diceret,
 rarò grauiter ægrotabis, quia scilicet, præcipua, ac ma-
 xima pars rectæ victus institutionis, est hæc, quamque
 Hippocrates antonomasticè vocauit *exercitationem* sani-
 tatis. Verum expedit, cum qui nollit ex rectè dictis an-
 sam peccandi accipere, hoc loco scire, non ita esse vtilem
 cibi parsimoniam & exercitationem, vt quantò minus quis
 accipiat & plus se exerceat, tantò censeatur suæ sanitati me-
 lius consulere. non enim ita est, sed ambo fieri debent intra
 modum

modum quendam, quia ut in Aphorismo dicitur. Neque satietas, neque fames, neque aliud quiddam, quod naturæ modum excedat, bonum est; habet certe uterque excessus, & cibi & laborum, suas noxas, atque haud facile sit dicere uter maiores. nam ut cibus supramodum ingestus morbum facit, ita & nimis tenuis. dictum enim ab Hippocrate est. Morbos ex repletiōe, sanat inanitiō, & ab inanitione repletio. Porro, ut otium uituperatur, ita & defatigatio, quam interdicens Hippocr. scripsit, ubi lassari ceperit corpus, quiescere statim remediū est. Cur (igitur dices) Ecclesiasticus tenuem victum & labores commendat, ac non potius mediocritatem eorum? certe intra mediocritatis fines intelligendum est, hæc laudari. neque verba aliud sonāt. Nam parcus non est qui fame se macerat, sed qui non est infrunitus, hoc est, inutiliter cibos ingerens, aut ut referam Hippocratis verba, qui non accipit ad satietatem. Velox non qui præcipitatus, sed qui non piger. Itaque harum, ut & aliarum omnium causarum, quæ nos alterant, esse debet modus. quia omne nimium est naturæ inimicum. modus verò cibi & exercitationis, definiri primum debet ad ipsum hominem, seu ad eius facultatem, deinde alterius ad alterum, quia exercitatio esse debet pro modo cibi, & cibus pro modo exercitationis. Nam Hippocrat. in Aphorismo dicit, ubi fames, laborandum non est. Atque ita conuertenti licet dicere, ubi laborandum, fames sustinenda non est, sed capiendus cibus, atque eadem ratione colliges, ubi otium cibus capiendus non est, nisi parcissimè: & ubi multum accipiendum sit cibi, non utique, sed multum exercendus est homo: quia ut ipsemet dicit l. bro primo de Dieta, homo comedēs & non laborans non potest esse sanus. apposuit verò ibidem causam omnium eorum quæ diximus, his verbis. Contrarias enim inter

De sacra Philosophia.
in Aphorismo dicitur. Neque sa-
quiddam, quod natura mo-
erit, excelsis, & cibi
um facit,
or.

563

mati non debet) in edendo multum, consuluisse
 multitudinem cibi primum deponere, deinde
 , vt concoquatur reliquum, postea exer-
 entur excrementa. Optima autem ratio
 in vomitione est, secunda ab hac in
 o enim eijcit ex ipso ventriculi ore,
 cibi, succurritque citissimè, &
 tertium noxa. Deiectio ex inte-
 et. Utendum ergo, si modò
 one statim: si autem quif-
 illimè, vtendum aliquan-
 anc scilicet, cum tormina, aut
 is ventris cœperit sentire. Optimè
 undum Hippocratis & Galeni præcepta,
 oro septimo methodi medendi, licet videre,
 præcepit Ecclesiasticus. Si coactus fueris in
 edendo multum, surge è medio (his
 verbis significat statim id esse fa-
 ciendum, antequam cibi co-
 pia noxæ aliquid affe-
 rat) & vome:
 & refrige-
 rabit
 te (hoc est, subleuabit
 te) & non adduces
 corpori tuo
 infirmita-
 tem.

se vires habent cibi & labores. Verum inter se mixti conferunt ad sanitatem. Labores enim ea quæ insunt consumere solent, cibi autem & potus ea quæ euacuata sunt explent. Itaque modus est, ut uterque ad alterum accomoderetur, quia contrarias cum habeant facultates, neutrum oportet alterum superare, neque cibum unquam neque laborem: mutuò enim sese corrigunt, alterum cum repleat, alterum cum inaniat. Igitur si cui laborandum necessario plus solito est, adiiciendus cibus: si vescendum pluribus, exercendus etiam plus. Igitur ne nimio indigeas motu, consultius sit parcere uti cibo. Neque tamen semper, ubi solitam cibi copiam auxeris, satis sit augere exercitationem, neque ubi satietas magna fuerit, quia & si cibus & labor contraria sunt, non tamen uterque post alterum commode adhibetur; sed, ut Hippocrates inquit, labor cibum præcedere debet, non subsequi. Neque quidquam periculosius, quam pleno ventre aut toto etiam corpore pleno aut impuro vehementer exerceri, antequam magna pars copiae aut cacochymiae, manifesta euacuatione sit deposita. Quia exercitatio distrahit per corporis habitum, quæ intra ventres accavitates recondita sunt. è pleno igitur ventre cruda distrahit in partes alias omnes: quare, & capitis, & pulmonis, & hepatis, & viscerum omnium facit obstructions, atque fluxiones multas in eas ipsas partes, & in vesicam & in articulos, & totum corpus, unde innumeri nascuntur morbi. Igitur maxime ad primum curandum est, ne unquam cibum capias nisi parce, ut ab illo placide ac longum dormias, & à somno alacriter expectrectus impigre exercearis, ut omnem effugias infirmitatem. Si quando verò coactus sis, ita ut sit in conuiujs (tamen si id vir temperans, & fortis, quique rustico pudore non laboret,

laboret, pati non debet) in edendo multum, consulissimum sit, multitudinem cibi primum deponere, deinde dormitum ire, ut concoquatur reliquum, postea exercere, ut extrudantur excrementa. Optima autem ratio ventriculi vacuandi in vomitione est, secunda ab hac in deiectione. Vomitus enim eicit ex ipso ventriculi ore, antequam descenderint cibi, succurritque citissime, & maximè, sine aliarum partium noxa. Deiectio ex intestinis, quæ iam descenderunt. Utendum ergo, si modò facere id homo possit, vomitione statim: si autem quispian eorum sit qui vomunt difficillimè, utendum aliquantò post alui subductione, tunc scilicet, cum tormina, aut distentionem inferioris ventris cœperit sentire. Optimè igitur, ac secundum Hippocratis & Galeni præcepta, ut libro septimo methodi medendi, licet videre, præcepit Ecclesiasticus. Si coactus fueris in edendo multum, surge è medio (his verbis significat statim id esse faciendum, antequam cibi copia noxæ aliquid afferat) & vome: & refrigescet. Subleuabit te (hoc est, subleuabit te) & non adduces corpori tuo infirmitatem.

CAPVT SEPTVAGESIMVM
QVARTVM.

AP. 38. Ecclesiastici. Honora medicum, propter necessitatem etenim illū creauit Altissimus. à Deo est enim omnis medela, & à Rege accipiet donationem. Disciplina medici exaltabit caput illius, & in conspectu magnatū colaudabitur. Altissimus creauit medicinam de terra, & vir prudens non abhorrebit illam. Nonne à ligno indulcata est aqua amara? Ad agnitionem hominū virtus illorum, & dedit hominibus scientiam altissimus, honorari in mirabilibus suis. In his curans mitigabit dolorem, & vnguentarius faciet pigmenta suauitatis, & vnctiones conficiet sanitatis, & non consumabuntur opera eius. Pax enim Dei super faciem terræ. Fili in tua infirmitate ne despicias te ipsum. Sed ora Dominum, & ipse curabit te. Auerte à delicto, & dirige manus, & ab omni delicto munda cor tuum. Da suauitatem, & memoriam similitudinis, & impingua oblationem, & da locum medico. Etenim illum Dominus creauit: & non discedat à te, quia opera eius sunt necessaria. Est enim tempus quando manus illorum incurras. Ipsi verò Dominum deprecabuntur, vt dirigat requiem eorum, & sanitatem propter conuersationem illorum. Qui delinquit in conspectu eius qui fecit eum, incidet in manus medici. Hætenus Ecclesiasticus.

Qui medicinam dum sani sunt vilipendunt, neque pauci sunt, neque ignobiles, imprudentes tamen sunt haud dubie, vt hoc loco testatur Ecclesiasticus. Nam inquit. Vir prudens

Qui medicinam dum sani sunt vilipendunt, neque pauci sunt, neque ignobiles, imprudentes tamen sunt haud dubie, vt hoc loco testatur Ecclesiasticus. Nam inquit. Vir prudens

dens non abhorrebit illam. neque de spiritali hîc agit (huc enim confugiunt) medicina , sed de ea quam creauit Altissimus de terra,tribuens scilicet virtutes salutare herbis , lapidibus,succis,& terræ generibus,& metallis . Eorum igitur qui medicinæ detrahunt , quidam ipsas medicamentorum facultates negant , quòd nihil possint insigne, sed opinione magis consent medicorum,quam re ipsa: Quidam esse quidem re vera , hominibus verò non haberi certam de eis scientiâ , atque adeo neque ipsam medicinam scientiam vere esse, sed incertas & instabiles opiniones , & coniecturas non satis firmas ; argumento, quòd multæ fuerint , nascanturque quotidie medicorû sectæ,& abeant,& redeant semper per quasdam vicissitudines , quasi nihil certum in eis sit , fallanturq; quotidie medici , quasi nihil habentes scientificum . Quidam etiam calumniantur , defecisse iam pridem , temporis diuturnitate , medicamentorum vires,neque esse qualia antiquitus,sed elanguisse omnia . Alij stulta quadam religione affirmant,medicinæ opera necessaria non esse , quòd sanitas , & morbus,vita & mors,penes Dei voluntatem sint ,ita vt nulla arte possit vitare homo,quod de eo Deus Opt.Max.decreuerit,& apud sese habuerit statutum . Hæc omnia sigillatim refutat Ecclesiasticus,præcipitque honorem haberi medico , duplici de causa , & quòd necessaria sint eius opera , & quod creatus sit ab Altissimo . Explicat verò quem honorē illi haberi præcipiat,dicens,à Rege accipiet donationem , & in conspectu magnatum collaudabitur . Nimirum his duabus rebus constare debet honor medici , copiosa donatione,hoc est,ampla mercede,atque laudibus . Nam his duobus euadet honoratior . Cum enim ex Peripateticorum sententiâ , quæ à nostris etiam Theologis receptissima , rei familiaris amplitudo sit in bonis honorabilibus , hæc ipsa accedens ex arte

arte efficiet artificem honoratiorem. Laudibus verò comparatur bonum nomen, quod melius etiam est quam diuitiæ multæ. Cum verò duo hæc honorare adeo possint medicum, tunc maximè, cum à regibus, & magnatibus præstantur. Nam cum honor, teste Aristotele, sit in honorante, is maximè honorare potest, qui est honoratissimus. Proinde Ecclesiasticus, tum omnibus in commune mortalibus, præcipit honorem medico habere; tum maximè Regibus & magnatibus. Atqui profectò ipsa natura, cuius medicus minister est, id omnes gentes docuit. Nulla enim tam barbara aut fera est, aut vnquam exitit, vt nulla penitus vteretur medicina. Neque sanè solum natura quæ est hominibus omnibus communis, à qua naturale ius fluit, sed ea etiam quæ est illis communis cum belluis (quam naturæ impetum, ius verò vocari non vellem) medicinæ vsum ingerit, cum ab irrationalibus putentur medici multa, neque ea quidem parum vtilia, didicisse. Quæ verò gentes humanioribus usæ sunt legibus, omnes quidem publicè decreuerunt medicis multos honores, immunitates, ac priuilegia; & inter eos quidem, Regijs, longè amplissimos: præstantissimis verò medicis, etiam diuinos honores tribuebat antiquitas. Romani Imperatores certatim largiebantur medicis, & ipsam artem ac medicamentorum affluentiam, magnis sumptibus augendâ procurabât. Nulla potius ratione mortalibus vtilis se esse posse iudicantes. Quod, vt alia omnia, quæ ad Regia pertinent officia, omnium optimè nunc Philippus secundus Dominus meus exequitur, multam pecuniam impendens medicamentis conuehendis, ex America, & vndique terrarum, & medicinalibus viridarijs excolendis, & de naturali historia rerum Americarû cômētarijs cōponēdis: quo studio haud dubie, de tota hominū posteritate optimè merebitur, vt de nobis merita est antiquitas:

244

vinci quis neget? Porro nos ad motionem, aut ingestionem rerum quarundam posse laedi, refrigeratos aut exustos, aut aliter affectos si quis negat, admoue illi niuem aut glaciem, aut igni rum ferrum, aut nudum hyeme sub dio dormire, aut diem rotum per aestatem transigere in Sole coge. Quod si laedere possunt haec & alia huiusmodi, possunt etiam prodesse: non enim omnia eodem modo laedunt, sed per contrarias alterationes. Quare quibus alia nocent, alia erunt utilia, atque, quia non omnes homines eodem modo affecti sunt, eadem alijs noxia, & alijs erunt utilia. Haec solum si receperis, necesse est concedas reliqua. Si enim ad quasunque intemperies sunt res aliquae utiles, quae scilicet inducunt contrarias alterationes: constat, naturam idoneo adhibito medicamento, morbum quemcunque facilius superaturam, quam nullo. Si igitur sunt morbi alij alijs soluti faciliores, alij difficiliore, necesse est sint aliqui adeo difficiles, ut omnino vinci non possint, & alij adeo faciles, ut sine ullo medicamento vincantur. Haec duo facile dabis. Nam si neges, fiet ut nullus morbus possit sine medicamento solui, aut ut omnis possit cum medicamento, atque utrumvis horum fiat, erit ars longe magis necessaria. Si vero sunt illa duo, necesse est sit etiam inter illa medium, morbi scilicet, qui medicamento solui possint, sine illo non possint, ob quos constat, medicinam esse simpliciter necessariam. Dico autem simpliciter: nam ob quosdam etiam aliorum erit utilis. in illo enim genere morborum, qui sine medicamento solui possint, sunt qui facile, & qui difficile: ob eos vero, qui & si a sola natura vinci possint difficile autem solvuntur, utilis est medicina, ut interim natura minus laboret, & minus in posterum relinquatur noxae: ob alios vero qui nullatenus sine eius ope solvuntur, est omnino necessaria. Rursus, sunt nonnulli morbi, qui errore ipsius

sius naturæ constant, & augentur: quique proinde non nisi solius artis opera, etiam natura repugnante curationi, solui possunt. Quos si solui ad tuendam vitam necessarium est (est profectò aliquando) constat medicinam esse simpliciter necessariam. Nam pone, carnem (ita ut sit quotidie) crescere in urinae meatu, nisi dissoluatur, non magis vivere possis, quam sine mictu. Non est autem quod expectes naturæ medellam, quia ipsamet natura est quæ auget, estq; illè morbus, & si præter naturam auctæ, substantiæ verò naturalis incrementum. Sola igitur arte curari potest, ferro scilicet, aut exedente medicamento. Est igitur tunc solius artis curare id, quo non curato, vivere non possis omnino. Igitur ars est simpliciter necessaria. Ad multa itaque utilis est, & ad quædam necessaria. Utilitatis adscripsit Ecclesiasticus duo exempla, dicens. Curans mitigabit dolorem, & unguentarius faciet pigmenta suauitatis. Nam hæc duo pertinent ad meliorem tolerantiam morbi, & quandam facultatis refectionem, ut scilicet per anodinas unctiones dolor mitescat, & per suavia pigmenta voluptas concilietur. Addit verò, & unctiones conficiet sanitatis, quasi dicat, alias quoque conficiet unctiones necessarias, quibus non soluat solum dolorem, aut voluptatem conciliet, sed morbum ipsum demoliatur, dolores aliquando etiam augens. Hæc igitur ita habent. Si verò medicina est ad multa utilis, & ad quædam necessaria, constat datam esse hominibus à Deo, alioqui deficeret Deus in necessarijs. Neque hoc quospiam latuit mortalium. Omnes enim gentes medicinæ inuentionem in suos Deos retulerunt, aut illos ipsos homines qui putarentur inuenisse, retulerunt in numerum Deorum: quasi medicina non posset esse nisi Dei inuentum. Auxerunt quidem illam præstantissimi quidam viri præceptis & experimentis: & secundum Diale-

etica leges, methodo constituerunt. Atuerò primò, ab ipso rerum opifice data hominibus est, neque prius fuerunt ægroti quam medici, neque vnquam sine medicis. Illos enim sexcentum annos quibus Roma caruit arte hac, Senatusconsul to damnata, mendacium esse merum, ipsa annorum computatione constat. Nam venit Romam (teste eodem Plinio) Archagatus, anno ab vrbe condita 530. qui honorificentissimè receptus est, & post illum semper plurimi subsequuti. Si igitur plusquam 600. ante annis, damnauerat artem Roma plusquam 70. annis antequam conderetur. Futilia itaq; dicteria sunt hæc omnia. Estque medicina Dei inuentum, quo nullo vnquam tempore caruit, aut omnino carere potuit, hominum genus. atqui profecto ita oportet. Nam eiuldem est, domum facere, & labentem reficere, ita & vestē, & calceum, & rem quamcunque. Cum ergo ad Deū spectet humani corporis formatio, & temperies, ad eundem spectet necesse est, eius conseruatio & refectio. à Deo igitur est omnis medela. Quid igitur honorabilius ea arte, quæ necessaria est, & à Deo. fluxit. At dicunt, non est tanta vis medicamentis, neque experimento probantur quamplurima eorū, quæ ab ijs, qui de illorū facultatibus scripsere, dicta sunt. Ita est profecto, facileque concesserim, nulla de re magis medicos nugari, quam de medicamentorum viribus, singulis tribuentes innumera, quorum multis experimenta non respondent, aut non euidenter. Sed nugentur illi quantum lubet, sunt nihilominus plurimæ, atque mirabiles medicamentorum vires, tametsi illi de quibusdam nugentur per leuitatē, alias exploratas non habeant per inertiam. Sed sunt etiam per omnia secula nonnulli prudentes, docti & exercitati medici. Quid autem non speres, fieri posse circa humanum corpus, per naturalis cuiuspiam rei admotionem, cum Moses

iniecito

iniecito in eos ligno quodam, magnos aquæ fontes, ex adeo amaris, vt neque à valde sitientibus possent degustari, reddiderit dulces? Id quod naturali quapiam virtute effectum esse, super caput quindecimum Exodi disputauimus. Constat verò ex hoc loco. Nisi enim naturali facultate id fecisset lignum, non bene in medicinæ confirmationem accommodaretur. Sed de hoc seorsum egimus, nunc procedamus. Dicunt alij. Sint quidem multæ virtutes tributæ rebus naturalibus, earum verò cognitio non est hominibus tributa. His respondet Ecclesiasticus, dicens, ad agnitionem hominum virtus illorum (scilicet peruenit), & dedit illorum scientiam hominibus altissimus, honorari in mirabilibus suis, hoc est, vt honoraretur in mirabilibus suis. Quod est argumentum à fine. Quorsum enim fecisset Deus, nisi eorum cognitio esset ad homines peruertura? quæ enim vtilitas accederet hominibus? aut quæ gloria Deo? necesse est ergo dederit Deus in ipso mundi initio facultatum talium scientiam. quam fortasse, quia exolescebat, postea dedit Salomoni, qui scripsit de omnibus ab Hysopo vsque ad Cedrum. Ex cuius scriptis multa arbitror deriuata esse ad Græcos, & ad Latinos, & Arabes, & ad nos vsque. Dicunt alij. Ah deficit iam plurimorum medicaminum vis. Ipsa quoque terrà velut defatigata, & tabescens, minus profert efficacia. Non est iam ea virtus rebus, quæ antiquitus. Cui sententiæ fauere videntur verba illa capitis quinti Esdræ, vbi de terræ totius & mundi senio agitur. Verba verò sunt hæc, post multa alia facientia ad institutum idem. Considera ergo & tu, quoniam minori statura estis, præ his, qui ante vos, & qui post vos, ~~minores~~ vos, quasi iam senescentes creaturæ, & fortitudinem iuuentutis prætereuntes. Cæterum neque hic quartus Esdræ liber recipitur à Theologis inter sacros: neque mihi hæc sententia

tia vnquam probari potuit. Habet enim mundus ætates secundum diuinas ordinationes, & rationem temporum, quæ Deus apud se habet, non tamen secundum naturam, cum neque naturalis extiterit eius ortus, neque interitus futurus sit. Fieri quidem potest, vt vna aut altera terre particula, longa cultura & assidua seminatione defatigata, languerit, vt tamen tota terra, minime. Neque enim vnica particula langue-
 scit vnquam, velut quæ verè senescunt, vt non possit, scilicet, vnquam in posterum vires resumere, ac velut reiuuenescere. Immo circulo quodam abeunt & redeunt omnia, secundum omnes & singulas partes. secundum omnes quidem per-
 uicissitudines, alijs debilitatis, alijs foecundioribus redditis: secundum singulas autem, singulis debilitatis, & reffectis alter-
 natè. Quapropter fieri potest, vt quæ aliunde antiquitus de-
 portabantur medicamenta, veniant nunc aliunde *potiora*, ac contra: vt verò omnia vbique debiliora effecta sint, fieri non potest. Atqui profectò nunc medicamenta non valent minus quàm antiquitus. Quinimo video medicos nunc multò magis illorum potentiam formidare, ac de dosibus antiquis magnam partem detraxisse. Quod facultatum non imminutarum argumentum est. Iam verò copiam me-
 dicamentorum habemus longe maiorem, quæ nostræ Indię, & orientales abunde suppeditat. Haud dubie igitur (vt inquit Ecclesiasticus) non consumabuntur opera eius, hoc est, medi-
 ci. Pax enim Dei super faciem terræ, hoc est, quia semper Dominus dabit benedictionem, & terra dabit fructum suum, allimenta scilicet, & medicamenta. Dicunt alij, imprudenter, ~~medici~~ morbos & sanitatem, vitam, & mortem, volunta-
 te Dei dispensari, neque rationem vllam esse euadendi, cum Deus morti homines destinauerit, aliqui verò ipsos per sese sanescere: quapropter ea arte opus non esse, quæ sanat solū

non

non morituros. Hic abundè contradiximus nuper, indicantes artis necessitatem, atque adeo esse morbos quosdam, qui arte quidem possint, sine ea verò non possint superari. Verū nunc aliter procedamus, vt hic locus postulat. Non dubiū est morborum causas aliquando esse in peccatis. nam hoc ipsum præscriptæ orationis verbis vltimis testatur Ecclesiasticus, dicens, qui delinquit in conspectu eius qui fecit illum incidet in manus medici: itaque ex peccatis nascuntur morbi, vt & aliæ omnes miseriæ. Neque est in ciuitate (vt inquit Propheta) malum quod non fecerit dominus. Atque ipsa Ecclesia Catholica, penes quam prima ac sūma auctoritas est, id testatur dicens, Cum infirmitas corporalis nonnunquam ex peccato proueniat. Nihilominus habent, etiam illi iidem morbi naturales, circa nostra corpora consistentes, causas. Nā ipsemet Ecclesiasticus explicuit multas tales, inter quas, multum esum, dicens, Si coactus fueris in edendo multum, surge & vome, & non adduces corpori tuo infirmitatē. Neq; quidem Deus cum in morbum hominem ob peccata coniecit, vult nisi rarissimè & maximis de causis per sese liberare, sed per hanc dignissimam artem, quam in humanæ salutis custodiam, & reparationem creauit. Nimirum hac ratione efficiens quod præcepit, honorem inquam tribuens medicinæ. Ipsemet Deus vulnerat & sanat, neutrum tamen nisi per naturales causas, siue enim morbos infert, in vindictam, aut castigationem, aut probationem, siue salutem miseratus nostri largitur, causis vtitur secundis. Velut Tobiam excæcauit stercore hirundinum, & sanauit Calionimi piscis fele. Si igitur morbi duplicem habent ortum, alium diuinum, aliū naturalem, quid expediet ægrotos agere? certè pariter placare Deum, & medicationem adhibere. Si enim ad Deum confugiens, curationem paruipendes, peccas ob imprudentiā

in ip-

in ipsum Deum, qui post expiationes iubet locum dare medico, quia ipse creauit eum propter necessitatem, Quare falsa pietatis specie, incidis in impietatem, parui pendens illius opera: si verò oblationibus, & precibus derelictis, solis medicinæ confidas operibus, pecces grauius, aliquid sine Deo rerum naturam præstare posse, confidens. Ob quod peccatum (permittente Deo) rex Asa dolore pedum vehementissimo vexatus per biennium, mortuus est, vt narratur secundo Paralipomenon cap. 16. itaque infirmus placare debet Deum, & medicum adhibere in curationem. Quoniam verò, vt inquit Hippocrates, in ipso totius artis prohemio, non solum ægrotus se debet præstare opportuna facientem, sed & medicus, hunc quoque oportet perinde facere, adhibere, scilicet, curationem, & dominum deprecari, vt dirigat opera sua, Requirendus igitur est, vt res bene cedat, medicus doctus pariter ac probus, vt possit vtrunque præstare, curationem inquam idoneam, & preces. Huic verò habendus honor est, & sui gratia, quia eius opera sunt necessaria, Dei verò præcipue, à quo creatus est propter necessitatem nostram. Hæc omnia adeo sunt rationi consentanea, vt nisi ei qui de Deo malè sentiat, aut nullam omnino notitiam habeat rerum naturalium, dubia esse non possint. Quæ his verbis complexus est Ecclesiasticus. Fili in tua infirmitate ne despicias te ipsum (sine vlla scilicet procuratione manens, vt iumentum) sed ora dominum & ipse sanabit te. Non sit tamen satis orare, si in peccatis maneat, sed auerte à delicto, & dirige manus, restituens scilicet si quid rapueris, ac insuper tribuens pauperibus. Et ab omni delicto munda cor tuum, hoc est, neque solum non exequaris opere, sed neque concupiscas malum. & da suauitatem & memoriam simulaginis & impingua oblationē, hoc est, offer abundanter munera Deo grata, tuncq;

(placato

(placato scilicet Deo) da locum medico, etenim illum Deus creavit (ut scilicet per illum largiretur salutem, quibus vellet) & non (inquit) discedat à te. quia eius opera sunt necessaria. est enim tempus, quando in manus illorum incidas. nimirum, omnia tempus habent, & tempus ægrotandi, & tempus utendi medicis. ipsi verò, præterquam quod idonea adhibebunt medicamenta, dominum deprecabuntur, ut dirigat requiem eorum, & sanitatem, hoc est, ut tribuat ægrotis sanitatem, & ipsis requiem animorum, impetrato eo, quod vehementer exoptant, & ob hanc ipsam causam, quæ Dei est bonitas, exaudientur, & tribuet Deus sanitatem ægrotis ob conuersionem, & conuictum eorum. Haberi igitur debere honorem medico, & naturæ lege (quandoquidem gentium omnium de re aliqua confirmata opinio lex est naturæ, ut inquit Cicero) & Diuino præcepto, iam constare videtur. Possunt verò ex philosophorum placitis nonnullæ etiam oriri obiectiones, quas dilui satius sit, quam dissimulando præterire. Videtur enim scientiæ cuiuspiam dignitas, male necessitate extimari, siquidem Aristo. Cap. 2. primi metaphysicorum, de prima philosophia differens, inquit, Cætera, itaque omnes magis ea necessariae sunt, nulla verò melior. Itaque dicit artium omnium, aut scientiarum, eam esse optimam, quæ minimè necessaria, sit etiam vilissima, quare & minimo honore digna, quæ maximè necessaria. Neque profecto dubium est, longè aliud esse in rerum omnium generibus, quod honorabile, & quod necessarium. Quis enim neget naturales actiones, ut esse, bibere, egerere, & mingere, necessarias magis esse ad vitam tuendam, quam rationales, ut meditari, consultare, & disputare? constat verò quam sint hæc honorabiliores. Ita igitur dicere possis, medicinam artem esse maximè necessariam, vilem tamen, cum dignitas alia potius ra-

tione sit extimanda, quàm necessitate. Dicit enim Arist. primo Politicorum. Cap. 6. Sunt enim operationes illæ artificiosissimæ, in quibus minimum est fortunæ: illæ sordissimæ in quibus maximè inquinatur corpus: illæ seruilissimæ, in quibus corporis est vsus plurimùm: illæ verò ignobilissimæ, in quibus minimum requiritur virtutis. Ignobilis quidem hac ratione non sit medicina, non enim minimum virtutis cum eius recto vsu coniunctum est. Quin potius, ut nuper diximus, probus æquè ac doctus esse debet medicus. Videri verò possit, sordida ac seruilis, quia non potest sine magno corporis labore exerceri, cum opus sit ægros visere, & non raro medicus inquinatur, contrectatq; partes inunctas, aut per sese turpes, præcipuè cum Chyrurgia non minima pars medicinæ sit. sed neque admodum artificiosa videri alicui possit, cum in ea non minimum putetur valere fortuna. Quis igitur honor haberi debeat arti seruilis ac sordidæ, si præcipuè neque admodum artificiosa est, sed fortuna plena? his obiectionibus facturi satis, de necessitate dicamus primùm. Nam & ad rem ipsam maximè expedit, & ad verborum Ecclesiastici enarrationem. Certè neq; quo scientia est minùs necessaria est ignobilior (alioqui esset prima philosophia, quam vocamus metaphisicam, omnium ignobilissima) neque quo minus necessaria nobilior. Nam agricultura est, quàm mercatura nobilior, & multo magis necessaria. Et in ipsis mercaturæ generibus, quæ feneratorum est ignobilissima, eademq; quàm quæ emptione, & venditione constat mercium, multo minus reipublicæ necessaria. Quia agricultura, cum qua, & pecuaria intelligitur, secundum naturam est, mercatura mercium, præter naturam: feneratorio verò, etiam contra naturam, quia facit, ut pecunia pecuniam pariat, quæ tamen, natura sterilis est (auctor est Aristot.)

Aristo. primo Politicorum Cap. 7.) igitur neque quo magis necessaria, eo nobilior ars quæpiam censenda est. Neque id dicit Ecclesiasticus, sed medicinam esse honorabilem, quia est necessaria. Non tamen hinc fit, ut omnis honorabilis sit necessaria, sed ut omnis necessaria, quæ necessaria sit honorabilis. Dico autem quæ necessaria, quia cum non vnica honoris causa sit necessitas, potest ob alia multa esse quæ necessaria, ignobilissima, ut carnificis opera, qua fortasse in republica pauca sunt magis necessarie, & nulla vilior: non tamen est ob necessitatem vilis. (Nam ob hanc solum tollerabilis) sed ob alia multa. Necessitas igitur, cum accedunt alia, nobilitatem auget, sola verò non valet efficere. Consideranda igitur alia quæ ad medicinam spectant, videndumque an ob ea etiam sit honore digna. Interest, ut apud Aristotelem legimus. 2. ethicorum. Cap. 12. laudabile quid dicere, aut honorabile. Laus enim debetur virtuti, quia est boni alicuius effectiua, honor verò posterius quidam ac præstantius est, quod debetur ob dignitatem, per operationem perfectæ virtutis comparatâ. Itaque propriè laus est eius, quod boni cuiuspiam est effectiuum, honor verò eius dignitatis, quam virtus peperit. Ita mihi fieri videtur, ut laudabile merito nihil sit, quod non sit etiam honore dignum. (dignitas enim necessario sequitur virtutem) honorabilia verò nonnulla quæ laudem nullam merentur, quia laus eorum solum est quorû & virtus, honor verò etiam attingit posteros. honoramus enim viros maiorum virtute, & rebus bene gestis nobiles; idque merito, neque sine iniuria possumus illos eo honore priuare. Quia cum fortunæ posterum ad defunctos pertineant, suorum maiorum id debetur virtuti: atque, etsi virtus non possit, dignitas tamen possit esse hæreditaria. Nemo tamen qui mentis sit compos eos laudet, quod tam bo-

nis parentibus nati sint, magis quàm quòd Romę nati, aut pulchri, aut proceri, quia nulla eorum virtute id effectum est, sed nascendi sorte. Qua quidem in re præstant homines noui, ijs qui veteri gaudent nobilitate: quod hi honorandi solum, illi verò etiam laudandi sint, nisi tamen virtute propria augeant veterem nobilitatem, ita enim, & laudem habent propriam, & honorem duplicem. His itaque constitutis, constat medicum laudari debere, quia medicina virtute comparatur, & exercetur, estq; boni magni effectiua, q; si laudari, certè & honore haberi, ac tanto maiori, quanto maiorem dignitatem conciliat. Nascitur verò dignitas ex nobilitate subiecti, & finis: subiectum verò circa quòd versatur est humanum corpus, corporearum omnium substantiarum haud dubie præstantissima, finis verò sanitas, summum bonorum omniũ quæ ad corpus spectant. quæ enim sanitate sunt meliora, pertinent ad animam. Iure igitur medicis in omni bene constituta Rep. honores magni legibus decernuntur, & illorum posteris: quòd hæc ars, vt & ciuilis, & bellica honorabilissima sit. Neque quæ ex aduerso obiecta sunt, habent quippiam momenti. fortuna enim fieri, quæ in medicina bene cedunt, vulgi, & imperitorum sententia est, qui si dato medicamento expurganti, succedit expurgatio copiosa, facilis, & utilis; aut secta vena cessat dolor, aut soluitur statim febris, bonæ medici fortunæ id imputant, cum deberent arti. Nihil enim est minus quàm fortuna. Nā hæc solum est, cum quid rectè euenit præter intentionem agentis. si verò medicus vt expurgaret, dedit medicamentum expurgans, & expurgauit, artis est rectè adhibere, non fortunæ neque enim quia potuit decipi, & arte male vti, fortunæ est non esse deceptum, sed artis, vt decipi esset erroris, & inertia. Habet quidē fortuna etiam in medicina locum aliquem

ut in alia arte quacunque, cum scilicet artifice aliud procurate, aliud idque melius quam expetebatur, euenit. Ut si cum pharmacum expurgandi per alium gratiam dederit, menses qui erant suppressi erumpant, aut vomica aliqua puris in aliquo viscere, vel in ipso ventre latitans rumpatur, & expurgetur, aut calculus è rene detrudatur, & mictu erumpat. Verum hæc per pauca sunt præ illis quæ ex arte, atque ex medici instituto fiunt. Atque ea ipsa fortuita sunt huic medico, potiusquam ipsi medicine, quia non sine naturali causa fiunt, quam alius fortasse medicus intelligens, illud ipsum auxiliū direxisset, in id quod euenit. Nā iplemet Hipp. 6. Epidem. ad calculos renum iubet uti pharmaco expurganti, sciens certe illius vsu solere detrudi. minimus igitur locus superest fortunæ in medicina, quo fit ut sit artificiosissima. Multo profectò maiorem locum habet in re bellica, in qua nonnunquā euenit, qui se parabant ad fugam, videri inimicis velle præliū inire, illisque ob id fugientibus prius, victoriam fortuna manere, apud eos qui iam cœperant fugam capere. Artificiosior ergo multo est medica ars, quam militaris. Neque mirum. hæc enim vsu non adeo longo comparatur mediocriter, illa non sine philosophiæ studio, & multis lucubrationibus, ac longo insuper vsu. Haud dubie igitur est per se artificiosissima, nunc verò ab optimis auctoribus adeo eleganti methodo constituta, ut mihi videatur nulla artium cum illa posse de methodo, & constitutione contendere. Iuris enim peritia, quam hominum ambitio omni ex parte medicine anteponebat, alijs quidem causis fortasse vincit, ut mox explicabo, methodo verò longo spacio à medicina relinquitur. Iam verò medicis nullus labor corporalis, nisi ex accidenti: quia scilicet, non possunt egroti ob debilitatem ad eos adduci, alioqui constat eos non curare visendo, sed consulendo. nō aliter

ter ac cathedrę moderator, docere non potest, nisi quotidie habeat in lyceũ, eius vero officiũ docere est, non abire. neque peripatetici officium erat deambulare, nisi per accidens, quia deambulans disputabat. Nobilitas verò artis non expectatur ab eo, quod per accidens, sed quod per se facit, aut patitur artifex: nobilissima enim est ars imperatoria, quia eius est imperare, & si non possit id sine magnis laboribus exequi. Iam verò elegantior medicinę pars, à qua Chirurgia, & pharmacopęia separatur, solum medetur victus institutione, & ex syngrapha pharmacis, & sine omni sordicie tractari potest. Quinimo mundicies omnis, & ornatus splendidus, decet admodum medicos, ut licet videre apud Hipp. libello de medico, ubi consulit medicum vestitu decoro, & vnguentis odoratis uti. Neque si quid, humanę necessitatis causa, admittit sordicie, ut frequenter contemplari urinam, ac, ubi necessitas possit, etiam feces, haberi id debet turpitudini, aut ignobilitati, quàm potius virtuti. Condonandumq; id est subiecti dignitati. Neque verò quod suę operę mercedem accipiant, nobilitati detrahit. nam & milites merent, & duces, & ipsi Imperatores. Neque ad nobilitatem interest mercedem recipias an non, sed ex qua arte recipias. Neque medicus lucratur qua medicus, sed cum idem sit medicus, & pater familias, quia medicus medetur, qua pater familias victum quærit familię, ex arte honesta & nobili. Nam cum victus quærendi industria ad economicam pertineat, sitque muneris patris familias, & ea tribus cõstet, agricultura, mercatura, & arte: victum ex agricultura quærere, nobile certè est, & maximè secundum naturam, ex mercatura est præter naturam, & nisi accedat magna opulentia (quæ tamen, raro Iusta est) ignobile: ex arte verò, nunc nobile, nunc ignobile, ut ipsa est ars. Medicinam verò ex alijs indicatum est, esse no-

se nobilem : quare victum ex ea comparare, ignobile nō est
Sed quo honoris loco sit habenda, superest explicemus, ne-
quid desideretur in hac lucubratione. Multis medicis vide-
tur, eisdem argumentis effici, hanc artem honore magno
esse dignam, & esse omnium dignissimam, atque præfere-
dam Iuris peritiæ, & alijs omnibus disciplinis. Quorum sen-
tentia videtur favere Arist. Cap. 5. lib. primi rhetoricorum,
qui recensens omnes honoris causas primo loco ponit facul-
tatem benefaciendi, in ijs, quæ pertinent ad salutem, vitamq;
tuendam. Mihi verò videntur multis modis falli, neq; rem
ad exactum ducere : quod mihi nunc agendum est, republ.
in omnes suas partes distributa, & considerata singularum
dignitate. Tria mihi esse videntur totius reip. membra prin-
cipalia, vt & hominis. Ea sunt in rep. agricultura, res bellica,
& litteraria : in homine Iecur, in quo residet facultas natura-
lis, ad quam spectat omnis nutritio : Cor, in quo facultas
vitalis, & irascibilis : & cerebrum, in quo mens, & tota co-
gnitio. vides quæ cui respondeat. Agricultura enim natu-
rali, quia alimenta suppeditat ciuitati ; bellica ars irascibili,
quia repellit si quid infertur violentiæ, aut impedimenti lite-
rarum studium cognitiuæ facultati, quia spectat ad intelligē-
tiam. porro vt præter tria membra, quæ principalia vocan-
tur, sunt in homine alia multa minus principalia, externaq;
vt manus, & crura : ita in Rep. præter dictas tres partes, sunt
aliæ externæ & minus nobiles, vt mercatura, & artes mecha-
nicæ. Ex dictis haud dubie fit, vt primus honoris gradus de-
beatur in Rep. rei litterariæ, secundus bellicæ, sintq; duæ hæ
viæ ad nobilitatem : post has verò agriculturæ debeatur ho-
nor antiquitatis, & naturæ. ea enim fuit prima mundi ars,
& maximè naturalis, quam hoc nomine commendat Eccles.
Cap. 7. dicens. Non oderis laboriosa opera, & rusticationem

crea-

creatam ab altissimo. Manet etiam mechanicas artes suis honor. maximum enim dedecus est in inertia. Constat verò rem literariam honorabiliorem esse bellica, quia bello nihil esset magis ferinum, nisi compararetur ad tuendam pacem, & ut vacent homines sapientiæ, in qua est omnis veri, & boni contemplatio, & verus Dei cultus. ipsa igitur sapientiam, & intelligentia præstantior multò est quàm bellum: quia propter vnum quodque tale est, illud magis tale est. Cum verò id dicimus, secundum genus, intelligimus. Habet enim vtraque pars Reip. & bellica inquam, & literaria, partes multas dignitate dispares. Neq; omnes literarias, bellicis omnib. anteponimus (neq; n. grammaticū imperatori) sed præcipuas præcipuis, mediocres mediocribus, & infimis infimas. Porro res literaria tres habet disciplinas Principes, & quibus aliæ inferioris notæ ministrant, hæ sunt, Theologia, Iurisperitia, & Medicina. Ministrant his tres sermouiales, Grammatica, Rhetorica, & Dialectica: duæ philosophiæ naturæ, & morum: & mathematicæ vocatæ scientiæ. In tribus primis, haud dubiū est, primū & summum honorē deberi Theologiæ. Quia ut Arist. Cap. 2. primi metaphysicorū dicit, q̄ diuinissima eadē, & honorabilissima est: ea verò est, quā maximè Deus habet, & quæ maximè diuinorum est. Hæc Arist. quæ Theologiæ congruunt. Ea enim est scientia rerum diuinarum, quæ quidem principia sua penes Deum habet, & mentes beatorum. Huic itaque non est quod vlla alia ceteret: tamen si audiui quosdam sciolos, volentes huic quoque civilem artem præferre, hoc argumento, quod ut alijs omnibus artibus, ita etiam Theologia videatur ars civilis uti. Non enim minus videtur cautum legibus, & ad civilem spectare, ne in Rep. sacra desint, quàm ut iustè, & salubriter viuatur, & artium omnium ministeria exerceantur, ut oportet. si igitur

tur (adiciunt) civilis Theologia, utitur, præstabilius quàm illa est. hic verò optime occurrat Ariston calce dæpnis vltimi Sexti Ethicorum, differens de prudentia, his verbis. Ars verò neque sapientiæ præest, neque præstabilius est partis, sicut neque ars medendi præsidet sanitati, non enim utitur ipsa, sed videt, ut fiat. illius igitur gratia, non autem illi iubet. Preterea simile est, ac si quispiam facultatem civilem principiu esse Decorum, siue diuinorum dicat, propterea quod præcipit de omnibus quæ aguntur in ciuitate, his verbis, Arist. docet, eos qui prudentiam sapientiæ præferunt, aut civilem facultatem ei quæ de diuinis est, perinde errare, ac si quis dicat medicinam esse potiorem sanitati: quia ut medicina non utitur sanitate, sed medicamentis propter sanitatem, ita neque prudentia sapientiæ, sed di mediis prudenter inuentis ad consequendam sapientiæ. Et ars civilis non utitur peritiâ rerum diuinarum, sed legibus, ut rebus diuinis ciuitas vacet. Itaque in diuinis est finis rerum omnium diuinarum, Theologia verò est de rebus diuinis, ac proinde omnibus scientiis sine contentione præferenda. Solum igitur superest agitatissima illa inter medicos, & iuriconsultos controuersia, illis dicentibus, se non de fidei iussione, stipulatione, & iure hæreditario, quæ solum pertinent ad tuendam rem familiarem, agere, sed de propulsandis morbis, tuenda valetudine, ac denique seruanda vita, quam nihil esse mortalibus præciosius: his contrarepondentibus, se non singulorum hominum, sed totius reipub. vitam tueri, ac sanitatem, hoc est, iusticiam. Quam ego controuersiam citra inuidiam diuinam. Satis enim mihi esse videtur, summa ars sit in præclaris, quin sit omnium præstantissima. Iuris pericia duas habet partes, alteram civilem quæ versatur in gerenda Rep. alteram litigiosam quæ in agendis causis, Prima haud dubie medicinæ præ-

Eccc feren-

ferenda est. Nā Arist. 2. ethicorū Cap. 13. ita inquit; Facultas ci-
uilis honorabilior medicina est, atq; pitabilior. Cā verò est,
qđ medicus de seruanda solius corporis valetudine agit, atq;
si quando de temperantia, & cohibendis animi affectibus,
id quoque refert in corporis valetudinem: ciuilis verò de for-
mandis moribus, & continendis omnibus in officio. Quod
quanto sit prestabilius quā bene valere, satis constat. Ali-
teram etiam partem, & litigiosam, præfert medicinæ homi-
num auaritia, & inscitia, tamen hanc improbitū fortasse. Quia
hæc non, vt ciuili agio pepsit de B. cip. constitutione,
& bonis moribus, sed de singulorum lute, vt neque medi-
cus de hominis salute, sed huius, & illius. Bonum verò qua-
re possunt detrahant, eripui nihil est cum vita conferendum.
De eripiendis enim animi bonis (quæ sola recte vitæ præfe-
runtur) nunquā est inter homines otia. Prestabilior igitur
est ea ars quæ obrat ne homo ante fatale tempus inter-
reat, quā quæ hec illi quippiam suorum bonorum iniuria
detrahatur. Honore igitur dignam esse medicinam, & quo
honoris gradu dictum est.

CAPVT SEPTVAGESIMVM
DE CONTRARIIS



CONTRARIORVM 337. Essicintueri
in omnia opera Aristoteli, duo contra-
ria duo; & vnum contra vnum. Vnde pa-
tissimū est peripateticis omnibus Axio-
ma illud Aristotelicum, Vnum vni est
contrarium. Vnde fit, vt duo aut plu-
ra non possint esse contraria vni, quare
neque vnum duobus aut pluribus, sed necessario contra vnum

vnum,

unum, & duo contra duo, & plura contra plura. Quod evidenti demonstratione videtur confirmari posse, posita definitione contrariorum. Nam contraria sunt, quæ sub eodem genere posita longissimè distant: at verò ab vno non possunt in eodem genere plura æqualiter distare, necesse est igitur ut unum sit, quod distet longissimè, non posse autem duo distare æqualiter, constat. Nam aut illa duo distant loco, aut magnitudine, aut ratione aliqua. Si loco, aut secundum eandem lineam, aut secundum diuersas. Si secundum diuersas distant duo æqualiter ab vno, necesse est illud unum sit centrum duarum linearum, & illarum extremitatum, atque ita non potest illud unum esse quod longissimè distet ab illis duobus. Nam productis vltra centrum ambabus lineis erunt duæ aliæ extremitates longius distantes à duabus primis quàm illud medium. igitur illud unum neutri est contrariū, nedum ambabus. Si verò duo illa secundum diuersas lineas distant inæqualiter ab vno, non distant ambo longissimè, sed alterum, quare secundum diuersas lineas, non possunt esse contraria vni, duo aut plura. Multo autem minùs secundum eandem lineam. Nam aut versus eandem partem, aut versus oppositam: secundum eandem lineam, & versus eandem partem, non possunt duo ab vno æqualiter distare. nā neque duo puncta eiusdem lineæ, quæ ducatur à centro ad peripheriam, possunt æqualiter distare à centro. Si autē non distant æqualiter, non distant ambo longissimè ab vno, sed alterum longius. Si verò ponis duo illa distare ab vno secundum eandem lineam, sed non versus eandem partem, tunc à neutro distat illud unum longissimè, quia longius distat alterum ab altero. Nullo igitur modo possunt secundum locū distare duo ab vno longissimè, sed unum ab vno, ut supremū ab imo, & duo à duobus, ut supremum, & dextrum ab imo,

& sinistro: magnitudinis eadem omnino ratio est, quæ & loci. Quæ ratione aliqua, aut natura, aut forma (nihil enim refert) distant, ea etiam necesse est esse tantum duo, ita ut & uni unicum sit contrarium. Nam si duo distant ab uno, aut secundum eandem rationem, aut secundum diuersas. Secundum eandem non possunt duo ab uno distare æqualiter. nam si illa ratio distandi æqualiter participatur, secundum illam rationem, vnica sit species non duæ, velut à candore non possunt distare duo calores æqualiter, sed quæcunque à cædido recedunt æqualiter eodem colore sunt, quia colorum differentia, solo maiori aut minori recessu constat. Igitur quod summe recedit unicum est. Si verò duo illa ab unico recedunt æqualiter secundum diuersas rationes, iam non sub eodem genere sunt, sed sub diuersis. nam illa ratio secundum quam distant contraria, genus illorum est. Velut color est genus quod, & conueniunt & distant candida, & nigra. Si verò diuersis generibus communicant duo uni, illud vnum ad duo pertinet genera, quæ autem ad duo genera pertinet, non vnum, sed duo est, ut lacte, album, & dulce. Neque enim quia dulce, & candidum sunt in eodem lacte, non sunt duo, & duobus contraria, puta nigro & amaro. Vnum igitur uni, & duobus duo statuere contraria, necesse est. Neque dictis obstat, videri auaritiæ esse contraria duo, puta liberalitas, & prodigalitas: ita verò, & in alijs virtutibus, & vitijs. Cuius autem auctore Aristotelem uirtus in mediocritate, atque inter duo uitia statuatur, uidebitur uirtus contraria esse utrique uitio, & uitia ipsa inter se. Quare & uirtuti, & uitiorum utrique erunt contraria bina. Nam uirtuti duo uitia, & uitiorum utrique uirtus, & uitium alterum. Non inquam, hoc dictis obstat. Non enim liberalitas contraria est auaritiæ neque prodigalitati, si exacte loqui volumus, sed liberalitas illiberalitati, atque

que sub illiberalitatis genere, auaritia prodigalitati . itaque liberalitas, & illiberalitas sunt species contrariæ, sub eodem genere, puta sub habitu animæ pertinenti ad largitionem, hic enim habitus liberalitas, aut illiberalitas est. hæc rursum auaritia, aut prodigalitas . Atque ita ego non concederem virtutem ullam in medio vitiorum esse, quia quod in medio est participat utroque extremo, nihil autem distat magis à vitio quàm virtus. Neque sanè prodigus tantum distat ab auaro, quàm liberalis, quia hic habet cum Iustitia coniunctam liberalitatem . Illorum vterque abest à iustitia : quare facile vterque furatur, conueniuntque ambo in vno genere illiberalitatis, quo liberalis differt ab utroque. Potius dixerim virtutē omnem contrariam esse, certo cuidam generi vitiorum, idque genus diuidi in duo contraria vitia, quorum vtrunque moderatur virtus, non vt medium illorum, sed vt contrarium eorum generi. Itaque illa duo sunt vni virtuti contraria, nō quā duo, sed quā vnum genus. Mox verò ac duo fiunt, est alterum alteri contrarium. itaque in eis quoque euenit, vt sit vnum vni contrarium. Videtur dictis repugnare saporum genus, quandoquidem Aristoteles dulce, & amarum, dicit esse contraria Galenus acerbū, & amarū. Quæ si vera sunt, constat amaro esse duo contraria, dulce & acerbum. Verum hæc non eadem ratione, neque secundum eandem considerationem dicuntur : nam re vera, quā sapores dulce, & amarum contraria sunt, quia longè diuersas passionēs inferunt gustandi potentia, alterum voluptatem, alterum magnam molestiam. Verum quā alterationem aliquam nostris corporibus afferunt, quæ talibus qualitatibus sunt affecta (quod ad considerationem medicam magis spectat) acerbæ, & amara statuuntur contraria, quia illa altringunt, & refrigerant, hæc calfaciunt & dissoluunt, ac dilacerant. constat verò has esse

considerationes diuerſas. Vt cunque verò conſiderentur res vno modo, eſt vnum vni contrarium. Sed quoniam Eccleſiaſticus iubet intueri in omnia opera altiffimi, ſermonem vltèriùs producamus. Non ſolum quod diximus verum eſt in ijs, quæ propriè vocantur contraria, ſed in naturalibus etiã rerum antipathijs. Nimirũ animalia non omnia cum omnibus exercent inimicitias, atque cum multa alicui videantur aduerſari, non tamen eque omnia illa, ſed eſt quod aduerſetur præcipuè cuiſcunque quoddam certum. Velut leporem Canis inſectatur, non ita Lupus, aut Leo, neque ita felis, aut murem. felis murem, non ita aliud quodpiam animal. In inanimis quoque rebus perinde euenit: cum enim ſint quædam antidota, & ſimplicia, & compoſita, quæ cenſentur pluribus venenis aduerſari, vt lapis bezahar, & Theriaca, tamen ſunt ſingulis venenis ſingula antidota. propria, quia eſt quod cuique peculiariter ac propriè aduerſetur, velut aconito ruta, opio generoſum vinum, lepori marino lac. Itaque ſunt quædam ſimpliciter antidota, quædam quorundam. atque deleteriorum generi aduerſatur genus alexipharmacorum, vñ vni (eſt enim quodammodo etiam vnum genus omne) cuiſcunque veneno ſuum antidotum. Porro naturalem hanc contrarietatis legem imitari videntur etiam hominum ſimilitudines, & odia. quæcunque enim inter plurimos, ſiue in vna domo, ſiue in ciuitate, ſiue in regno, ſiue etiam inter multa regna, oriantur, diſſidia; mox omnes ad quos illorum cauſa vtcunque pertinet, feruntur in duas factiones. adeo diuiſioni accommodatus numerus, eſt dualitas. Itaq; videntur odia omnia, ſiue naturalia, ſiue voluntaria, exerceri per binarios, vt neceſſe ſit, vnum eſſe contra vnum, duo contra duo, & ita deinceps. Habent verò hæc omnia cauſam non valdè diſſidentem à priori. Nimirũ vnum quidam eſſe ſemper id ſe-

id secundum quod aduersari contingat: secundum vnum vero non posse distare longissimè nisi duo. . . Nam antipathia naturales, ex naturali quapiam dissimilitudine nascuntur, dissimilitudo verò est: similitudinis vacuitas: similitudini verò cuicunque est vnum subiectum. igitur & dissimilitudo omnis est secundum vnū aduersitas, iam verò causa omnis dissidij, quod nascitur inter homines, redigitur ad affirmationem, aut negationem. Quare necesse est habeant primum in duas sententias, tamen illarum quæcunque possit deinceps abire in alias diuisiones. Præter dicta videtur etiam præscripta oratio Ecclesiastici, continere dogma quoddam Epicuri de vocata illi *isomelia*, seu, vt interpretatur Cicero primo de natura Deorum, æquabili tributione, seu æquilibrato. Annotauit enim Epicurus non ineptè, eam esse naturam rerum, ut omnia omnibus, paribus paria respondeant, & similia similibus, & contraria contrarijs, & opposita. ita ut in omnibus, & singulis seruet æquabilitas, & rñdentia, quædā. Velut, totidè esse quæ conseruent, & quæ interimant: atq; corporeorum, & corpore carentium, mortalium, & immortalium, & aliorū omnium quæ secundum oppositionem dicuntur, esse quandam æquabilitatem. Quam Galenus quoq; in membris hominis, quæ secundum opposita latera sita sunt, dextram dico, & sinistram partem animaduertit, mirumq; in modum celebravit, iustitiam naturæ appellans. Nimirum nulla pars est in vilo laterum, cui non in altero sit opposita æqualis altera. Nam aut geminae sunt, estq; altera in altero latere opposita, æquabilitatem etiam situs obseruans, vt oculi, aures, narium foramina, renes, testes, manusq; & crura, & eorum digiti: aut simplices eeq; in medio sitæ, vt cerebrum, cor, pulmo, ventriculus, vesica, & vterus; inter externas, frons, os, & colis, aut secundum latera contrapositæ ad æqualitatem,

vt hepatis opponitur lien. Dux tantum particulæ videri possint *transversas* corrumpere, vena quæ vocatur *deorsum*, hoc est sine coniuge, quia ea sola inter omnes, non oritur gemina; & intestinum vocatum Cæcum, quod in dextra solum parte situm est sub rene. Verum neque hæ, rectè consideranti, citra æqualitatem esse videbuntur, quia vena, mox ac oritur ex sinistra reflectitur ad dexteram partem, vt hætenus, neque; dextra neque sinistra esse videatur, sed transversim posita in medio. Mox repetit deorsum, & æquales ramos emittens in oppositas partes per singula spatia intercostalia, vsque dum infumitur tota in modum spinæ cuiusdam. Iam verò Cæcum intestinum, totius intestini pars est, vt & Colum. rependitur verò ea pars, quæ intestinum vocatur cæcum, maiori colli ad partem oppositam amplitudine. Itaque, & secundum genera similium, oppositorum, & contrariorum, & singulas species, & partes singularum rerum retinet natura æquabilitatem, & vocatam

Epicuro *transversas*, atque vt inquit Ec-

clesiasticus, In omnibus ope-

ribus altissimi duo con-

tra duo, & vnum

contra vnum.

reuerentia

no

CAPVT SEPTVAGESIMVM.

SEX TV M.



AP. 42. Ecclesiastici. Omnia duplicia, vnum contra vnū, & non fecit quidquam deesse. Postquam Ecclesiasticus Cap. hoc percurrerat plurima, & præclarissima operum Dei, postremò paucis his verbis, totius vniuersitatis rerum rationem complexus est. Verè

enim tota rerum vniuersitas, & tota eius perfectio hac ratione constat. Fecit Deus omnia duplicia, & vnum contra vnū & non fecit quidquam deesse, eorum quæ ad perfectionem vniuersitatis spectant. Sed quo pacto sunt omnia duplicia? an est duplex Sol? & Luna duplex? aut etiam terrarum orbis duo? Immo verò videntur præcipuè mundi partes esse simplices, vnica enim terra, mare vnicum: res verò quæ multiplicitate constant, haud scio an vllæ sint geminæ, sed multæ: vt multi homines, stellæ multæ, angeli quoque, aut sua specie singuli, aut quacunque plurimi. Quæ sunt igitur hæc duplicia? In microcosmo certè quædam sunt gemina, vt res, testes, oculi, nares, aures, manus ac pedes: quædam verò singula, vt vesica, ventriculus, caput: quædam multiplicia, vt digiti, & dentes: quomodo ergo sunt duplicia omnia? certè non sunt res omnes geminæ. Immo verò non est numerus, quem non alicui rerum generi aptare possis, & si incipias ab vnitatem. Nam est vnicus mundus, & vnicus mundi rector, & vnicus Sol, sunt duo luminaria magna, duo sexus, Tres mundi corporalis partes, seu regiones, corruptibilem, tantum mobilem, & immobilem. tres corporis dimensio-

Ffff

nes,

nes, tres diuinæ personæ. Quatuor elementa, quatuor eorum virtutes, quatuor anni partes, totidem concretorum corporum temperamenta. Quinque sensus, quinque vocalia elementa, quinque digiti; Sex apparent pleiades: Septem planetæ, vt & triones: Octo orbés stellati; Nouem angelorum ordines: Decem rerum genera. Quo pacto ergo sunt omnia duplicia? Certè secundum contrarietates: quia rerum multiplicitas formalis, nascitur ex diuisione generum, & diuisiones fiunt per differentias contrarias, vni verò non est nisi vnum contrarium: & non facit Deus quidquam deficere, quia tota rerum vniuersitas opus perfectum est, ac proinde in quocunque rerum genere, si vnum contrariorum est, necesse est alterum omnino esse. Velut quoniam est numerus aliquis par, necesse est esse etiam aliquem imparem. si res aliqua calida, necesse est esse aliquam frigidam. atque si candida, aliqua etiam sit nigra. Alioqui manca esset, & insufficiens rerum vniuersitas: nisi inquam essent omnia rerum possibilium genera, & omnium generum differentiarum omnes. Non enim est perfectum, & integrum cui aliquid deest. tamen si verò sunt quorundam generum differentiarum multe, omnes tamen illæ ad duas rediguntur, aut duarum mixtura constant. Velut animalium differentiarum rediguntur ad rationale, & rationis expertum; & colores omnes constant mixtura albi & nigri; & sapores dulcis, & amari: soni grauis, & acuti. Itaque omnia genera rerum quibus constat hæc vniuersitas sunt duplicia secundum differentiarum oppositionem, quia vnum vni contrarium est, & non fecit quidquam deesse. Constare verò totam rerum vniuersitatem rebus geminis, & multitudinem omnem fluere à binario, constat primum hæc ratione. Ipsum Ens, primum quidem duplex est, alterum enim semper ens, alterum non semper ens: rursus ipsum non
semper

semper ens, duplex. nam alterum est per se existens, alterum alicui accidens. Rursus quod per se existit alterum corporeum, alterum incorporeum. Porro ens corporeum, alterum generabile, & corruptibile, alterum sine ortu, & interitu. Rursus quod ortui, & interitui obnoxium, simplex, quod & elementum vocamus, aut mistum. rursus mistum; viuens, aut vita carens. & quod viuit, sensu præditum aut sine sensu. & quod sentit, rationale est aut irrationale. Porro elementum duplex, alterum actiuum, alterum passiuum, et vtrunque horum duplex, nam alterum calidum, aut frigidum; alterum humidum, aut siccum. Alia omnia horum mistura constant. cuiusque quoque corporis, siue simplicis inquam, siue compositi, duplex est principium, forma, & potentia; Genera quoque omnium, quæ mistione constant, sunt diuisione duplicia, vt de visibilibus, gustabilibus, & audibilibus indicatum est. eadem autem est ratio omnium patibilium Qualitatum. Itaque constat omnia esse in hac vniuersitate duplicia, aut ad duo redigi, quia cuiusque generis prima diuisione est, in duas differentias oppositas. Hoc tamen non prohibet esse quinque digitos, & septem Planetas, & Stellaras fixas innumeras, & huiusmodi alia; quia illa duplicitas non est in cuiusque speciei singulis, sed in ipsis generum differentiis. Quoniam ergo genera omnia diuiduntur per opposita, & vnum est vni contrarium, constat (siquidem mundus perfectus est) fieri non posse, vt quidquam deficiat, eorum quæ vere existentibus opposita sunt, verbi gratia, quandoquidem est aliquid aliquando ens, aliquando non ens, necesse est esse aliquid semper ens. & quoniam est aliquid alteri accidens, necesse est sit aliquid per se subsistens. & quoniam est aliqua substantia corporea, sit etiam aliqua incorporea. & quoniam est aliquod corpus corruptibile, sit et aliquid incorruptibile, & quia

generabilium quædam sunt mixta, sint necessario quædam simplicia, atque in his si sunt actiua, passiua quoque sint, ut & in ipsis rerum principijs. Et quoniam calidum, & frigidum contraria sunt, si res quædam sunt calidæ, necessario sint alię frigidæ. & si enim omnes hæ, & aliæ huiusmodi consequutiones habent peculiare alias necessitates, omnes ramen illā communem, quod non fecit Deus quidquā deesse. Nimirum insufficiens, & imperfecta, atque, ut sic dicam, manca & mutila esset rerum vniuersitas, atque adeo ne vniuersitas quidem esset, nisi haberet vniuersa. Nam hæc est ratio totius, ut nihil desit. Dices hinc fieri, ut necessario sint in mundo animalia immortalia (cuiusmodi esse Deos; & cęlestia corpora multi philosophorum putauere) siquidem sunt mortalia: at verò non fit, quia mortale, & immortale non sunt differentię animalis, immo alterum repugnat, alterum necessario inest animali. non enim potest esse animal quod non sit sensitium, neque sensitium quod non passium corruptiue, neque hoc quod non mortale. Ergo mortale, per quædam media, est in ratione animalis. Non possunt ergo esse animalis differentię mortale, & immortale. velut ergo nemo dicet, quia est homo rationalis, esse hominem irrationalem, ita neque quia est animal mortale, sit animal immortale, sed quomā ipse mortalis, & immortalis rationes contrarię sunt, & sunt res quædam mortales, sint necessario alię res immortales. Itaque (ut resumentes sermōnem dicamus) sunt rationes rerum omnium duplices, & neutra ex parte claudicat vniuersitas. singula tamen, ut homines, equi, & stellę, innumera, omnis tamen multitudo rerum quarumcūque, multiplicatur per dualitatem, ut animalia per duplicem sexum. & quę sexu carent per duplex principium, materiam, & formam, seu potentiam & actum. Neque sanē quidquā est,

quod

quod omninò careat dualitate, præter id, quod perfectissimè est vnū per se ac semper ens, à quo facta sunt omnia, & non fecit quidquàm deesse, cui honor, & gloria in æternū.

CAPVT SEPTVAGESIMVM

SEPTIMVM.



AP. 43. Ecclesiastici legimus, Gelu sicut salem effundet super terram. Quæ verba nonnulli referunt ad salis naturā, dicentes salem concresecere vt gelu à frigore, habereq; similem illi generationem. Quod tamen facillimè redarguitur, quia celebratissimum est apud om-

nes physicos, à contrarijs dissolui rem quamcunque, ijs à quibus compacta est, Sal verò à nulla caula minùs dissoluitur, quàm calore, quia ad ignem siccatur ac vritur, dissoluitur verò ab aqua, vt quæ constructa sunt calore. Neque verò dici potest, constrictum esse ab vtroque, vt fictile, esset enim illiquabile vt illud, non est tamen, sed facillimè liquefeit, vbi quippiam accedit humiditatis. Illud igitur quod de sale, hoc loco dicitur, non spectat ad illius naturam, sed ad phantasiam, & id quod apparet. Nimirum nomine gelu, hic pruina designatur, quæ aspectu quidem sali per terram sparso est similima, adeo vt si procul aspicias, non valeas discernere. res verò adeo similes aspectu, discrepant natura plurimùm. Nam pruina eandem habet cum niue generationem, hoc solum discrepans, quod circa terram consistit, habet enim ad niuem pruina, vt ad pluuiā ros, & ad grandinem glacies. Hæc verò omnia sunt aqua concreta, exiguis differentia conditionibus. Sal autem insignem habet naturam, vix vlli al-


teri similem. Siquidē neq; in metallis est, quia non dissoluitur calore, neque in lapidibus, quia dissoluitur aqua, neque in terræ generibus, quia totus dissolutione abit in aquam, non quidem in ea subsidens, sed solutus in aquam crassio rem. neque verò est aqua, quia non absumitur ab igne, sed vritur potius, vt terra. quid ergo illum esse dicas, nisi *avriyay*, hoc est, sui generis? quod sit autem id genus, seu qui modus missionis, inuestigandum. Primum quidem, salsum saporem remissione amari fieri, & amarum fieri terræ vstione, aperte indicat Galenus, nam exustis rebus superest cinis, qui nihil est aliud, quàm terrea exustarum rerum pars, ignitionem retinens. Hic amarus sentitur, qui deposita in aquam ignitione fit frigida terra, aqua verò vertit in salsum lixiuium. itaque amarum fit maxima terræ vstione: salsum hoc ipso adiectione humoris, aliquatenus attenuato. Sal verò est illud terreum vstum, quod cum aqua permiscetur facile, permiscum verò ipsam reddit salsum. Id aperte percipitur, quia ex aqua salsa, quæ colligitur, siue ex mari, siue ex salinis, per distillationem separatur sal, & fit succus potui aptus: quando, quidem igitur separatione salis dulcescit, permiscitione illius erat salsa, estq; Sal terra illa exusta, quæ cum aqua facile permiscetur, non est autem vsta vsque ad amaritudinem, sed infra. argumento, quod vbi vstio plurimum creuit, mare ipsum pro salso est amarum, vt quod mortuum appellatur. Non est autem sal, terra vtcunque exusta, neq; qualiscunque sed talis; nimirum quæ sensim vrenda exalatione, atque cum aqua miscenda, constitit. neque prius est ex terra facta, deinde in aquam demissa, aut ex terræ sordibus, vt quidam dicunt, in mare congesta, sed simul y Solis eleuata, vsta, & immista, vnde illud multi corporis genus, vix vlli simile constitit, maxima ex parte terreum, & graue (nam & Ecclesiasticus salem

con-

confert cum arena, & ferro, quod ad pondus attinet) facile verò miscibile cum aqua, neque subsidens, sed retinens missionem, ut primæ suæ generationi congruentem. per minutulas quoque partes, intra exustam terram conclusit flatum, unde ut spuma quædam est, & candorem habet. Quæ etiam in re similis est niui, & pruina: qua causa, & ab igne resilit, extenuato scilicet flatu, qui concludebatur, ut & in alijs omnibus rebus flatuosis, velut castaneis, & glandibus, euenit. Itaque sal ad terram pertinet, modo quodam alteratam, & nactam quandam sympathiam cum aqua ob primam generationem, ob quam non solum in aqua, sed & in aere humidiori, ut cum instat pluuia, emollitur: ob redundantiæ verò terræ, & vrit, & est adeo grauis. inclusus. n. flatus non adeo detrahit pondus rebus cum appenduntur in aere, quam cum in aqua. Quod uidicant ligna, quæ cum sint in aere importabilia, in aqua fluitant, ac superuehuntur: hanc ob causam sal, cum in aere æquè grauis sentiatur ac terra, in aqua non subsidet, ut terra, sed commixtus pendet cum aqua. Ob dictam quoque naturam euenit, salem siccare simul, & extergere, siccitatem præstante terra vltæ, & extersionem ipsa ignitione: quia verò huius minorem habet, extergit solum. Nam amara etiam corrodunt. Atque sal quidem solus, eandem ob causam, linguæ molestus est, admixtus verò pinguibus, aut insipidis, molestiam & fastidium tollit, & gratiam addit: acida verò, contrarij causa, retundit, liberant verò utraq; & falsa, & acida inquam, à putredine, absumendo humiditatem, quia hæc cum frigore, illa cum calore sicca sunt, putredinis verò causa est redundans humiditas cum languido, & alieno calore. salis igitur natura utcuq; explicata est, quæ non adeo similis est pruinæ, quam aspectu, & forma, præcipue cum effunditur super terram in salinis.

CAPVT SEPTVAGESIMVM

OCTAVVM.



AP. 43. Ecclesiastici. Vide arcum & benedicum, qui fecit illum. valdè speciosus est in decore suo. gyravit cælum in circuitu gloriæ suæ. manus excelsi appuerunt illum. Multis in locis Sacra scripturæ commendatur Iridis pulchritudo. Nam & in Cap. quinquagesimo huius libri in Oniæ laudem dicitur. Quasi arcus resurgens inter nebulas gloriæ, & quasi flos rosarum in diebus vernis, & quasi lilia, quæ sunt in transitu aquæ. Et meritò quidem, pulcherrimis enim colorib. est, puniceo, scilicet, viridi, & rubro. quapropter plurimum nos vocat in laudem Dei, vt & aliæ omnes res pulchræ in laudem opificum. non minimum autem auget pulchritudinem eius, illa magnitudo, qua cælum videtur gyrare, hoc est in circulum comprehendere. Nunquam enim supstat hemispherio, nisi circuli medietas, quasi pars sit circuli maioris, ac totum cælum ambientis, atque altera pars sub terra sit in altero hemispherio. Cuius quidem causa est, ab opposito Sole fieri, velut in terram dispectante, ac secundum peripheriam, refractione radiorum in denso aere reddente circulum, qui terram in medio contineat. quò fit, vt quo Sol sit humilior, atq; occasui, p̄p̄n̄quior, eo sit arcus pars q̄ spectat sublimior, & quo superior Sol, eò arcus demissior. Nimirum est illi oppositus, & velut per totum cælum distentus. Miratus ergo Ecclesiasticus illam tanti arcus extensionem, vt quod videtur, pars circuli maioris appareat, dicit, Manus excelsi appuerunt illū. De Iridis causis dictū iam antea est, super genesim. Nunc hoc solum dicere refert.

CAPVT SEPTVAGESIMVM

NONVM.



A P. 6. Baruch. quod est Epistola Ieremix ad abducendos in Babiloniam, ita dicitur. Quasi possint sentire, qui non habent motum. quibus verbis, Ieremias indicare vult Idola sentire non posse, quando quidem motum proprium non habent: non possunt autem sensum habere, quæ motu carent animali. con-

tra autem videtur, motum sine sensu esse non posse, sensum verò esse posse sine motu. Quandoquidem præstantioris facultatis, & ordinis est motus. siquidem Arist. quatuor animalium gradus statuit hoc ordine, vegetatiuum, sensitivum, locomotivum, & intellectivum. ut ergo intellectivum à motivo separari non potest, motivum verò ab intellectivo separatur in brutis, ita motivum sine sensitivo esse non possit, licet sensitivum sine motivo aliquando sit. Nimirum valet argumentum à maiori ad minus, non contrà. Galenus quoque libello de causis symptomatum affirmat, in parte præternaturam affecta posse perire motum manente sensu, non tamen hunc, manente motu: quandoquidem vehementiori facultate opus sit, ad transferendum membrum, quàm ad sentiendum solum. Igitur, & in toto animali, & in parte quacunque, videtur servari posse seorsum sensum sine motu, non tamen motum sine sensu. Præterea, sensus causa est unde incipit motus per appetitum, aut phantasiam (appetitus enim est qui movet animal, is verò fluit à sensu) motus verò nullo modo causa sentiendi esse videtur: igitur motus necessario

coniunctus sit cum sensu, vt cum sua causa, sensus verò non necessario cum motu. Quapropter à motu rectè videatur quis argumentari ad sensum; dicens si quid mouetur sentit etiam, non tamen è contrario, si sentit mouetur. Videtur ergo Propheta non satis indicare, Idola non sentire, quòd non moueantur, fuisseq; rectius dicturus, non moueri, quia non sentiunt. Nihilominus Prophetæ verba secundum communem hominum sensum, prolata sunt. nulla enim alia ratione agnoscimus, animal mortuū esse, ac sensu vacuum, quàm quòd neque respirat, neque aliter mouetur. Sed & in ipso ortu, quod nondum sensum assequutum est, neque viuit vita animalis, non potest aliter dignosci ab eo, quod iam sentit, quàm quod moueatur, aut secus. Atque adeo Ecclesia ipsa ita procedit, abortiuos enim fœtus, nisi motus alicuius speciem præ se ferant, non baptizat, quasi animæ præsentia, non aliter quàm per motum agnosci possit, neque sensus, vbi motus non sit. Atqui profectò, præterquam quod re ipsa, & cõi omnium hominum sententia videtur constare, argumentis multis indicari potest, non posse sensu esse præditum, quod moueri non possit. Nam medici multis neque inevidentibus indicant, sensum & motum ab eodem principio fluere, puta à cerebro, eiusdemq; animæ partis esse (quàm vocant facultatem animalem) & eisdem instrumentis deferri, & exerceri, puta neruis, & musculis. Quæ igitur actiones, neque differentia facultatis, neque principij, neque instrumentorum possunt separari, necesse est simul insint. meritò autem si insunt simul, motus nota sentiendi est, potiusquàm sensus mouendi; quia motus sensibile quoddam est, sensus autem non est sensibilis per se ab alio quàm ab eo cui inest. Cum igitur signum notius quidam esse debeat, necesse est sensum ex motu veni-

nemur,

nemur, ut ex re notiori, simul autem existente. Præterea, cui motum denegasset natura, frustra sensum cōcessisset. Quorsum enim dedisset voluptatis atque doloris occasionem, nisi prosequendi, & fugiendi dedisset potentiam? nihil certe conferret animali ad sui custodiam, si neque cibum, quem cum voluptate olfaceret, capere posset; neque ab igne à quo vreretur se subtrahere. Frustra igitur dedisset ei sensum. Sed neque frustra solùm, sed etiam crudeliter. Quod cum tam longè absit à diuina bonitate, ubi natura esset perficienda, non punienda culpa, constat fieri non posse, atque adeò conuertibiliter dici de re quacunque sensum & motum: neque posse alterum sine altero inesse, in aliquo toto, & secundum naturam habente: velut in animali quopiam bene valente. Quare rectè consideranti, motuum à sensitiuo non rectè separari videbitur ordine, & gradu, simul enim insunt, & æqualiter, generibus omnibus. æquè inquam perfectè, aut imperfectè. Quibus enim omnes sensus, & imaginatio bona, ea & progrediuntur; quæ verò affixa tantùm contrahuntur ac dilatantur, vnum, aut duos tantùm habent, gustum scilicet, & tactum cum imaginatione leuissima. Non igitur inest cuiquam alterum sine altero. Dixi in toto & secundum naturam habente, quia in vna quapiam particula haud dubie inest secundum naturam sensu sine motu, velut in neruis omnib. qui in nullos musculos inferuntur, cuiusmodi sunt optici, & alii complures, qui ea causa vocantur à medicis nerui sensus. Præter naturam verò & per morbos, & in toto animali, & in parte, potest perire motus manere sensu, in toto quidem ut per catalepsim; in parte verò, cum paralysis non procedit vsq; ad sensus sublationem. Maiori enim noxà perit sensus, quia ut dictum est, minori facultate obiri potest. Vnde fit, ut nō statim ac sentiri desinit omnis motus,

sciri certo possit obijisse hominem, sed expectandum non raro sit, vsquedum refrigeratio integra subsequatur, præcipuè in quibusdam mortis generibus. Rectè igitur Propheta argumentatus est, dicens, quasi possint sentire qui non habent motum, non habent scilicet, motum naturalem, vt animalia. Non. n. potest quippiam, quod totum sit atque integrum, & suam naturam retineat, tali motu carens, habere sensum.

CAPVT OCTVAGESIMVM.



A P. 4. Libri Danielis. Eadem hora sermo completus est super Nabuchdonosor, & ex hominibus abiectus est, & fenum vt bos comedit, & rore celi corpus eius infectum est, donec capilli eius in similitudinem aquilarum cresceret, & vngues eius quasi auium. Videtur

Nabuchdonosor, in belluam versus per annos septem, siquidem & figura illi mutata esse dicitur ab humana, & cor à corde hominis. Nam paulò ante præscripta verba ita dicitur in eodem capite. Cum feris pars eius in herba terre, & cor eius ab humano commutetur. Porro paulò infra in eodem capite dicitur, In ipso tempore sensus meus reuersus est ad me, & ad honorè regni mei, decoremq; perueni, & figura mea reuersa est ad me. Quasi scilicet, & figuram hominis amisisset, & sensum. Ceterum constat apertè non fuisse hanc metamorphosim aliud, quàm morbum eum, quem medici vocant melancholiam morbum, quo qui laborant, insaniunt non eodem modo omnes, sed multifariam, vt sunt eius morbi multæ, ac longe diuersæ species. inter alia insanix genera, illa sunt celebratissima, quòd se in aliorum animalium for-

mas

mas mutatos esse imaginantur, faciuntque, & patiuntur omnia; quasi re vera ita esset; alij in Canes, & latrant; alij in Gallos, & cantant, & concutiunt latera; alij in Lupos, & exeunt noctu domo quæruntque sepulchra, & versantur libenter cum cadaueribus. Adeo sunt celebres hæ infaniendi differentie, ut ab illis indita sint morbis nomina. Vocatur enim canina melancholia, & Lupina, græcis *λυκανοφρενία*, arabibus Cutabut. Verum plures sunt infaniendi modi, quam morborum nomina. Non enim vllum peculiare nomen est eius insanie, qua se quis esse gallum putat, aut asinum, aut bouem: est tamen omnibus his commune nomen insania ex melancholia. Quem morbum insinuauit Arist. 7. Ethicorum Cap. 1. dicens, Ferus atque immanis est inter homines raro, maximè verò inter nationes barbaras est. Fiunt autem quidam tales, & ob morbos lésionesq; principij. Vocat Arist. lésiones principij, ipsa insanie genera, quia sunt lésionis partis principis in qua est mens. Hic Nabuchdono sor haud dubie neque Canem se, neque Lupum esse imaginabatur, siquidem fugiens semper homines, vitam agebat in siluis, & vescabatur beris, quod neque Canum, neque Luporum est, sed Onagrorum, aut bouum: aliquid igitur tale esse se ipse putabat, appetebatq; belluinam vitam, & victum, quod est, factum illi esse cor ex humano belluinum. alioqui & figura ipsi mutata est, non quidem penitus in belluinam, sed in magnam deformitatem, & faciem ab humana diuersam, corporis tota cute durata, & infecta à rore celi, cum versaretur nudus, ortisq; pilis crassissimis, ut quodammodo imitarentur plumas. quod sanè ab eiusdem morbi causa fiebat, à copiosa scilicet fuligine crassissimæ melancholiæ: vngues quoq; illi creuerunt, factiq; sunt ut rapacium auium, ob copiam crassi terreiq; alimenti, & ob tam longam intermissione-

sionem

sionem amputandi. Durauit morbus hic annos septem.
Quod tempus multis morborum longissimorum est fata-
le, & decretorium, ob vim septenarij.

CAPVT OCTVAGESIMVM

P R I M V M.



AP. 14. Danielis. Tulit ergo Daniel
pice m, & adipem, & pilos, & coxit pa-
riter, fecitq; massas, & dedit in os Dra-
conis, & disruptus est Draco. Hæc ratio
interficiendi Draconem, qua Daniel
vsus est, non fuit miraculosa, sed natu-
ralis. Quia & si neque pici, neque adi-
pi, neque pilis, vis vlla deleteria sit, ac proinde neque *illorum*
misturæ, tamen sunt alia ratione mortifera. Nimirum, quæ
deuorata mortem afferunt, quædam ob ipsius substantiæ
proprietaem, quæ accipientis animalis naturæ aduersa est,
(non enim eadem sunt omnibus venena, sed alia alijs) id fa-
ciunt, suntq; illis venena: quædam cum sint alioqui medica-
menta, in vsus quosdam vtilissima, quòd intempestiuè acci-
pantur, aut dosi nimia, mortem inferunt: quædam ob quã-
dam incommoditatem, quam à substantiæ modo, aut figu-
ra habent, & si per se nulla vehementi qualitate poleant, ve-
lut aciculæ latenter intra mazam, aut panem deuoratz, aut
frustula vitri, aut adamantis, huiusmodi sunt quæ hispani vo-
cant, çaraças. in hoc genere est, quod Daniel obtulit deuor-
andum Draconi. Nam pici nulla pernitiõsa qualitas est, ne-
que adipi, cum præcipuè non fuerit pernitiõsi cuiuspiam ani-
malis, sed vt verisimile est, cum simpliciter dicat adipem, nul-
lius animalis facta mentione, hirci, aut arietis, aut bouis, aut
alicu-

alicuius alterius familiarissimi. Sed neque pilis talem vim inesse agnosces, quia si in puluerem comminuti propinentur, nihil aliud, quam siccant. Tamen constat (mihiq; id cōtigit aliquando videre) pilos humanos deuoratos, magnam ventriculo inferre noxam atque adeo choleram morbum lethalem. Cuius causam esse existimo, quòd ob illam flexibilitatem, nauseam mouent, ipsi verò ob tenuitatem, & implicabilitatem non reijciuntur, sed continenter hærent, irritant. Iam verò pix, & adeps cum sint glutinosa, & emplastrica, obturare viam cibi nata sunt, implicata verò pilis multò hærebunt tenaciùs. quapropter meritò factum existimo, vt boli ex ea massa dati, hæserint firmiter angustissimę ventris vię, eaq; pēnitus obturata, nulloq; exitu dato, neque deuoratis, neque flatui, dirumperetur Draco.

CAPVT OCTVAGESIMVM

SECVNDVM.



LIBRO primo Machabeorum Capit. 6. ita legitur. Elephantis ostenderunt sanguinem vuę, & mori, ad acuendos eos in pręlium. his verbis constat, per fas, qui Elephantis utebantur in pręlijs, consueuisse illos irritare, posito ob oculos succo vuę, & mori. Atque eisdem verbis insinuatur, illos ob similitudinem sanguinis censuisse, Elephantos succis illis irritari, quasi conspectu sanguinis sequentes. Nam dicitur, ostenderunt sanguinem, vuę, & mori, hoc est, succum vuę, & mori sanguini effuso similem. an verò vana esset hæc consuetudo, an ratione fulciatur naturali, dignum est consideratione. Certè multarum gentium opinione

nione constat, pugnaces feras intuitu rerum rubrarum irritari, nam & in Hispania qui tauros agitant, rubris tunicis induti in forum profilire consueverunt, quasi illos ita magis irritaturi. Atqui quod multarum gentium cōstat consensione, æquum est censere esse ita; atque vt confirmatum experimento recipere, & causam inuestigare, eam esse vulgus cēset, quòd sanguinis intuitu, ad sanguinis effusionem prouocentur. Mihi verò ea causa non placet. Nam ira est feruor sanguinis, quem ciet appetitus vindictæ. Quæ autem causa est, vt sanguinis effusi phantasia, appetitum inferat vindictæ? Hunc enim appetitum nihil, nisi imaginatio contemptus, vel acceptæ iniuriæ, in animantibus quibus honoris est sensus aut doloris illati, vel prohibitionis rei expetitæ, in omnibus inferre potest. In obiectu autem sanguinis nihil horum esse videtur, quapropter multò magis placet ratio alia, quæ non incipit ab imaginatione, sed à propria sanguinis natura. Nimirum sanguis intuitu rerum rubrarum commouetur, is commotus, præsentī præcipuè iræ causa, vt in prælijs, facile feruet. Quo feruore, accedente eo quem præsens irritatio ciet, verisimile est plurimum iras incrementum. Agitari verò ac commoueri ita sanguinem, receptissimum est à medicis omnibus, qui proinde, spuētem, aut fundentem ex naribus sanguinem, vetant ipsum sanguinem, & res aliàs omnes rubras intueri, & ad cerulea, aut nigra potius iubent oculos conuertere. Contra exanthematis secundum cutem laborantes, iubent rubris indumētis operiri, atque cubiculi in quo decumbunt parietes rubris tapetibus tegi, vt scilicet rubra despectent. In illis quidem timentes, ne sanguis amplius agitatatus erumpat, in his sperantes forè, vt ita abundantius ad cutem emergat. Galenus libello de subfiguratione empirica ita inquit. Præterea color rubeus sanguinem expuentes ir-
ritat,

irritat, in reliquis verò passionibus, & symptomatibus, ipsa etiam experientia attestante planè inutilis, & superuacaneus est. itaque Galeus eo loco dicit, experimento constare irritari sanguinem conspecto colore rubro, causam verò qua irritetur non dicit, quia arbitror, illuc de Empyrica subfiguratione disserere, opus est, ergo ut à me dicatur. Hæc ego arbitror præcipuè esse in spiritibus. Nam hi tenues, & maxime mobiles cum sint, adeò ut ab Hipp. idcirco vocentur imperum facientia, & in venis, & arterijs cum ipso sanguine misti abundant, faciantq; cum fluxilem esse, alioqui concreturum, atque ut Arist. censet futurum etiam frigidum, ni spiritibus calefceret, consentaneum est, eos allici splendore illo simili splendori sanguinis, in quo volutantur naturaliter; ad oculos præcipuè, quæ partium omnium externarum maxime spirituosâ est, deinde, & ad totam cutem accurrere, & per quancunque venæ, aut arteriæ rupturam, aut laxitatem effluere. Cum præcipuè, ut medicorum opinio fert, spiritus vitales ex sanguine, & animales (duplices enim spiritus esse autumant, nisi etiam triplices) ex vitalibus generentur. Omnes ergo hæc substantiæ, sanguis dico, & duplices spiritus proximam habere naturam est necesse, atq; adeo spirituum naturalem fulgorem cum fulgore rubro sympathiam, ob quam illò alliciantur, secumq; sanguinem commoueant. Sunt certè alia quam plurima, quæ longè occultiores habent sympathiæ causas, in quibus tamen acquiescunt Philosophi, alijs euidentiorebus destituti. quapropter non videtur mihi esse hæc valdè longè petita. Vt cunque verò de causa sentias, res, certè ipsa multis, neque inevidentibus constat experimentis. Noui quendam, qui oculos in rem quampiam cum rubore splendentē aliquantisper attentius intendens, non aliter oculis ac toto vultu afficiebatur, ac si vino æstuaret, aut erysi-

H h h h

pelate

pelate corripici inciperet. Ad verò quoniam non æquè accidit omnibus, constat acciderè magis, quibus sint cum sanguine spiritus agiliores (ob hæc symptomata dicit vulgus esse quibusdam sanguinem leuiorem) aliquantisper verò acciderè omnibus, nam & qui faciei erysipelate laborant, & qui ophthalmia, vel suffusione cruenta, splendoris rubei conspectu plurimum leduntur. Mulieres verò quibus pulchritudinis est cura, siquidem albidæ sunt, purpureis vtuntur indumentis, & spectris, non solum quod specierum attemperatione apparens quidam rubor exoriatur, sed etiam quod hunc apparentem insequatur verus color incitatis spiritibus, ac cum eis sanguine. quæ eadem est causa furoris excitandi in beluis, vbi alioqui est præsens iræ occasio.

CAPVT OCTVAGESIMVM

TERTIVM.



IBRO 2. Machabeorum Cap. 7. ita alloquitur mater filium suum minimū.

Fili mi miserere mei, quæ te in utero nouem mensibus portavi, & lac triennio dedi. Dubitare hinc possit physicus, cur dicat, nouem mensibus te portavi in utero, cum Cap. 7. Sapientia dicat Salomon,

Decem mensium tempore coagulatus sum in sanguine, ex semine hominis, & delectamento somni conuenienti. Deinde, cur dicat, triennio lac dedi, an id factum est iuxta naturæ ac medicinæ rationem, an nimium fuit infantē triennio lactare. Primam quidem dubitatiunculam facile dilues quandoquidem vt Arist. dicit. Cap. 4. Septimi de historia animalium, Cum alia omnia animalia singulari, ac vno modo

do

de partum suum perficiant (vñum enim, statutum est pariendi tempus omnibus) homini vñi multiplex datum est. Nam & septimo mense, & octauo, & nono, parere potest, & quod plurimum decimo: nonnullæ etiam vñdecimum tãgunt. Hæc Arist. Autor libelli de carnibus, qui inter Hippocraticos est, affirmat postremum finem, quo mulier parere possit, decimum esse mensem, neque vllam vltra id tempus posse parere deceptasque esse omnes, quæ se vñdecimo affirmant peperisse, mensium suppressione anticipante conceptionem: infra illum verò finem, esse alios plures. Libello et de alimento, Hippocrates multos variosq; pariendi fines cõnumerans, postremum statuit tercentum dies, quos constat decem menses perfectos esse. Aristot. nonnullas vñdecimum attigisse affirmat: quod mihi non videtur inopinabile, tamen si rarum sit, quandoquidem vix quidquam est in rebus huiusmodi, quæ ad naturam spectant, impossibile, aut necessarium; adeo mira rerum varietate natura luxuriat. Itaque sunt & qui recensentur ab Aristotele pariendi fines, & plures adhuc: inter eos autem omnes, qui maximè videtur, iuxta id quod deprehenditur experimento; & Hipp. doctrinam naturales sunt dies ducenti & septuaginta, qui complent nouem menses græcos, hoc est vulgares, & constantes triginta diebus, & ducenti & octoginta, qui decem dies accipiunt decimi mensis, & trecenti qui decem integri menses sunt. Nam Hippocrates lib. 2. de morb. vulgaribus sectione tertia, ita inquit. A mensium fluxu numerandi sunt nouẽ menses, aut à conceptione, & ad septuaginta ad ducentos dies græci menses sunt. Porro libello de partu septimestri, maximã vim tribuit quadragenarijs dierũ, affirmans eos qui quinto aut septimo edantur quadragenario, vitales esse, sunt verò septies quadraginta, ducenti & octoginta. Iã verò tercen-

tum dierum finem eodem loco, & in eis quoscitauimus ex libello de alimento & de carnibus, & alibi pluries, scribit. Cum ergo optimi ac perfectissimi sint nascendi fines, nouē, & decem menses, dicere possis vtriusque in sacris factam esse mentionem, neque possit quispiam inficias ire. Ego verò magis adducor vt credam, vtrobiq; intelligi idem tempus, puta menses nouem. is enim, & Hippocratis testimonio, & omnium hominum experimento creditur esse maximè naturalis, & communis nascendi terminus. Sed quia nomē mensis non de eodem dierum numero semper dicitur, sed nunc de græco, qui, vt diximus, triginta diebus constat; nūc de Lunari qui græco semper est minor, fit vt qui nono mense græco exit vtero, exeat decimo lunari. itaque si Lunę circuitiōnes numeres nascuntur homines decimo mense, fin vulgares menses, perfectò nono, tempus verò idem est. Et hæc quidem quæstio physica est; illa verò medicinalis; An expediat integrum triennium lac dare infantibus, an prius sint ad cibos solidiores transferendi. est verò non solum medicinalis, sed etiam practica. Scire autem in primis expedit, velut earum mutationum, quæ pueris natura contingunt, cuiusmodi, ingressus, loquellæ, dentitionis, primæ & secundæ nulli sunt certi ijdemq; omnibus fines, ita neque eorum, quæ arte circa illos fiunt, velut extrahendi brachia, erigendi in pedes, contrahendi vestes, admiscendi cibi aliquid cum lacte, & omnino ablactandi. Nimirum vtraque, & quæ natura inquàm, & quæ arte fiunt, causam habent in natura: naturarum verò est mira varietas. Verum quia incertæ cadere non possunt sub artem, facit medicina quod & aliz artes, hæc irregularitatem redigens ad regularitatem, & statuens certos quosdam fines, quasi sint omnibus ijdem, qui tamen sunt plurimis communes, à quibus desistere, nisi exiguum non liceat

liceat: Galenus primo, de ruenda valetudine iubet lacte solo vti, vsque dū exeant dentes anteriores, seu incisori, postquam autem prodierint, assuefacere infantem cibo crassiori dare. verò nihilominus lac *αὐτῷ τῷ τρίτῳ ἔτος*, hoc est vsque ad tertium annum. Dubitare possis in Galeni verbis, an spectanda esset integra eruptio dentium anteriorum, ad primam solidioris cibi oblationem, & an tertius quoque annus esset transigendus ante ablactationem. vtrunque exposuit eius interpretas Auicena, sen tertia primi, dicens, naturale tempus lactandi est tempus duorum annorum, & rursus, postquam duales (vocat Duales anteriores, quia nascuntur bini, supra & infra) apparere ceperint dentes, ipse adnutriens mouendus erit ordinatè, quod sit fortius. Itaque vt assuefacere incipias puerum crassiori cibo, Galeno autore, & interprete Auicena, latis est, si anteriores dentes incipiant apparere: ad ablactandum autem si duos annos transegerit, itaq; lac acceperit, vsque ad tertium. Eandem sententiam sequuti sunt Oribasius, & qui ab illo mihi videtur hæc, & multa alia transcripsisse Paulus. Dicunt enim. Satis erit biennium lacte nutrire. eadem quoque esse videtur Actij sententia, qui cum frumentaceum cibum (hoc est panem) intropide accipit, ablactandum censet infantem, quod (inquit) circa vigesimum mensem plerunque accidit, tunc ergo paulatim ab ubere desuescat. Eadē inquam penitus mihi videtur esse sententia. Nā in illud paulatim infumuntur quatuor menses, qui vsque ad integrū biennium restant. ergo & quod mater Machabeorum dixit, triennio lac dedit, ita est intelligendum, ac si diceret, vsque ad tertium annum. Non est autē res parui momenti, neque parum refert scire, quo tempore sint ablactandi pueri: nam si ante tempus id fiat, maxima nascuntur incommoda; si ultra tempus differatur, maiora. Nascuntur verò

utraque ex eadem causa: ea videlicet, qua datur lac infantibus. ea est, quia humiditas illa infantilis, quam ex utero, & suae generationis principijs contraxerunt, conseruationem postulat, & quia secundum naturam est, ut certè quodcumque temperamētum aetatis, & praeterea, est optima, quia non solū naturalis, sed etiam natua, & ad reliquam vitam, & futurum incrementum apprime necessaria. Calor enim naturalis tali humiditate seruatur, & incrementum, non nisi in humida materia fieri potest. igitur multis causis, eisque optimis, infantilis humiditas, seruari se postulat. Conseruatio autem omnis agitur similibus, velut curatio contrarijs. Humido autem humiditate natua, nihil vel excogitari quidem potest similis lacte, quod ita est humidum, suctumque ex ipso vbere spirituosum, ut vnica, eaque exigua transmutatione factum ex ipso met sanguine, ex quo coagulatus est infans. Si igitur ab hoc adeo simili cibo ante tempus abstrahatur, eueniet, id temperamentum non conseruari quandiu potest, sed intempestiuè commutari in aridius. Vnde euenient, vnum, ut cibi ante tempus oblatis non bene conficiantur, & infans in morbos incidat; alterum, ut caro intempestiuè siccescat, & infantilis aetas contrahatur, atque cum illa ad proportionem sequentes aetates, & incrementum minùs succedat sitque proinde homo, & minor, & breuioris vitae, & morbosior. Si autē plus satis in vsu lactis persistitur, & haec eadem nascuntur mala (praeter id quod spectat ad incrementum) & moribus et, ingenio incommodatur. Nam ut infans aetate procedit, siccat naturaliter, & durescit. Si igitur eius temperamento alterato, cibus manet idem, fit ut qui similis erat, contrarius iam sit, atque qui naturalem seruabat humiditatem, excrementiciam inducat, quare & morbosam. Humidum igitur faciet praeter naturam. Sed & frigidum, & caloris naturalis inopem

inopem. quia ubi iam est tempus ab lactandi, infans solidiores appetit cibos, quos & potest conficere. Si igitur dentur tenuiores, & debiliores quàm pro eius concoctrice facultate, debiliior fiet homuncio, & naturali calore minùs abundans (marcescit enim naturalis calor cibo tenuiori) ac proinde breuioris vitæ. Nam caloris naturalis robore seruatur, & producitur vita. In hanc sententiam dixit Hippocr. 6. Epid. comm. 4. imbecilli victus frigidi, robusti verò calidi: & rursum Comm. 3. eiusdem sexti, imbecilliora cibaria breuem vitam habent. Sed & quod ad mores attinet, & ingenium, perinde probatur. Si enim Plato recte dicit, humiditatis redundantiæ stupiditatis infantilis causam esse, constat nimium usum cibi adeo humidi contrarium esse prudentiæ: Quoniam verò calori detrahere naturali indicatum est, augebit timiditatem, eritq; contrarius fortitudini. Fiet igitur, qui non ab lactabitur tempestiuè, debilis, mollis, & stolidus. Plurimum itaque refert, suo tempore infantes ab uberibus abducere. tempus verò legitimum esse perfectum bienniũ, constat ex communi medicorum omnium sententiã, & ipsis naturalibus inditijs. Ad id enim tempus in plerisq; dentibus os impletur, & pueros panem auide euenit arripere, ac plerumque rantes poscere. natura scilicet, & instrumentis, necessitatẽ, ut digito, indicante.

nonnulli

non

CAPVT OCTVAGESIMVM

QVARTVM.



N Euangelio Matthei. Cap. 6. Lucerna corporis tui, est oculus tuus. si oculus tuus simplex, fuerit, totū corpus tuum lucidū erit. Si aut oculus tuus fuerit nequam, totum corpus tuū tenebrosū erit. his consonare vī, quod ab Hipp. 6. Epid. sectione 4. dicitur, his verbis, Oculi ut valent, ita & totum corpus, eam enim orationem in nostris commentarijs indicauimus, eque ad medicinam, & physiognomoniam, & philosophiam morum pertinere posse, si quidem oculi præ alijs omnibus corporis partibus notas præbere possunt morborum qui infestant, & morum in quos quisque natura est propensus, & motuum animi, siue hilaris est, siue tristis, siue iratus, siue timet, siue aliud quiduis patitur. Nimirum librum Prognostici inchoat Hippa a facie & oculis: & physiognomici nulla ex parte accipiunt plura signa, quam ex oculis, neque verò tot, ut facile est videre apud Arist. in libello de physiognomia, & apud Hippocr. libro 2. Epid. sectionibus quinta, & sexta, in quibus sunt multa pertinentia ad hanc philosophiam, eorū verò pars maxima spectat ad oculos. Nimirum, ut super ultimo cap. libri Ecclesiastis explicuimus, hominis facies vocatur platea animæ, & oculi vocantur aspicientes per foramina, quia in facie sunt omnes sensus, quapropter illic videtur anima, ut in foro versari, ac negociari cum rebus externis. Sensuum verò perfectissimus, atque exactissimus est visus. Atque per oculos, quam per aures, & nases, & os, tantò magis videtur exire ipsa

re ipsa vis animæ, ac se se manifestè prodere quasi per fenestras: ut à Platoniceis omnibus, atque adeò à Galeno, existimatum sit, vere ipsam animæ facultatem exire ad videndum atque visionem longe ab homine agi. Certè constat fulgoris illius sensifici, qui spiritibus animalibus inest, multò plus abundantiusq; venire ad oculos, quàm ad aliud quodpiam sentiendi instrumentum, atque per hoc multo magis cum externis communicare animam. Hinc fit, ut quid patiatur, qualisq; sit, nulla in parte apertius indicet: atq; ut verissimū sit, quod Hipp. loco citato dixit, ut oculus valet, ita & totum corpus. Porro nomen oculi propriè dicitur de corporali videndi organo: metaphoricè verò de acie mentis, hoc est, intellectu. Quia ut ille videt corporalia, ita hic incorporea. Hac metaphora, & Philosophi omnes, & Poetæ etiam vtuntur. in sacris verò est frequentissima. Illud enim Psalmi duodecimi, Illumina oculos meos, ne vnquàm obdormiam in morte, & illud vigesimi quarti, Oculi mei semper ad Dominū, nō de corporalibus his oculis, sed de mente venit intelligendum. Neque enim optandum est, ne vnquam obdormiamus corpore, sed mente, & in peccatis. Neque refert corporeos oculos intentos semper esse in Deum, quem illis oculi non videbit homo, & viuet, sed mentem. Significatur verò hæc nomine oculi. Quam metaphoram persequutus optimè est Plato. lib. 7. de Rep. seu de iusto, ita de mente disserens, comparansq; cum corporali oculo. Præsens autem ratio nobis innuit, primū vim quæ est in animo cuiunque, deinde instrumentum quo res discere quisq; potest, perinde ac si oculum impossibile esset, aliterquam vnà cum toto corpore ad clarum obiectū ex obscuro conuertere. Itā tota mente à generatione vsq; ad id qđ ens dicitur, circum agere oportet, ut quòd clarissimum est, possit speculando transcendere.

Hoc autem ipsum bonum esse dicimus. Ad hoc igitur ipsum eruditio competens erit, facultas quædam animi dirigendi, ut ipsius oculus, quàm facillimè & efficacissimè conuertatur, quæ huic oculo aciem, visumq; non dabit, sed cū potius, cum visum quidem habeat, neque tamen rectè conuersus sit, neque quod decet aspiciat, conuertere omni machinatione contendet. Ecce ut Plato mentis aciem oculum vocet, atque per oculi analogiam definiat. Ergo quod physici, & physiognomici de corporali oculo affirmant, qualis scilicet is est, tale esse & totum corpus, hoc Dominus transfert ad oculum animi, hoc est intellectum, dicens, Lucerna corporis tui est oculus tuus, si oculus tuus simplex fuerit, totum corpus lucidum erit. Quasi diceret, ut oculus est lucerna corporis, ita mens seu intellectus, animæ, quæ est præcipua hominis pars, ac per quam homo bonus, aut malus dicitur. Velut ergo, ut valet oculus, ita valere agnoscitur totum corpus; ita ut valet intellectus, valet anima, ac per eam totus homo, qui nunc significatur nomine corporis. Si igitur (inquit) oculus tuus simplex, hoc est bonus est, totum corpus (hoc est, totus homo) lucidum erit. Si autem oculus fuerit nequâ, homo totus erit tenebrosus. Vbi est animaduertendum, in sacris, cum hæc de mente, aut de homine enunciantur, idem esse simplex, seu bonum, & lucidum; atque nequâ, & tenebrosum. Nimirum radix, ac principium peccati, est ignorantia, & tenebra. Principium autem verè virtutis, lux & perspicacia mentis, intuentis primum ac verum bonum. Vnde à causa ad effectum translato nomine malus vocatur tenebrosus, & bonus lucidus, & ipsa bonitas, lux & sapientia: & malitia tenebra, & stultitia. Qua phrasi rota scriptura sacra, maximè verò libri Sapiētiales referti sunt. Philosophis etiam omnibus est semper in ore illud Aristoteli.

Ethicorum Cap. 1. Omnis peccans est ignorans, Causam verò non omnes assequuntur, immo plerique dubitant, quod non videantur peccata ex ignorantia fluere omnia, sed quædam. Immo verò, quæ verè ex ignorantia, ea aut omnino non esse peccata, aut leuiora videantur, siquidem & Paulus de seipso dicit in Epistola prima ad Timotheum, Misericordiam consequutus sum, quia ignorans feci in incredulitate. ignorantia igitur non videtur facere, sed aut tollere, aut imminuere peccatum. Porro plerisque hominibus videtur, se non ignorare quid faciant, cum quid peccant, sed velle potius scientes & volentes, sequi deteriora. Hæc autem dubitatio nulla ratione melius dilluitur, quàm adhibita causa, quæ dicta asseritur thesis, puta peccatum omne nasci ex ignorantia, & tenebra. eam verò reddit optimè Plato, loco nuperri-
mè citato ex septimo de Rep. dicens, mentem humanam velut oculum quendam esse, eumque cum conuersus est, ad res & negocia huius sæculi, auersum necessario esse à veris & æternis bonis, ac proinde nō posse ea perspicaciter intueri, ideoque neque videre, nisi tenuiter, neque ab illis permoueri, sed à rebus caducis trahi, utpotè quas videat exactius: eum verò, cuius mens diuinis rebus sit intenta, circa humanas cecutire, non aliter ac qui è luce splendida repente se transfert ad tenebras. Hinc fit, ut filij huius sæculi (dicitur hoc Cap. 16. Lucæ) hoc est qui res huius sæculi habent cariores, quàm diuinas, prudentiores sint in generatione sua, hoc est, in tractandis negocijs secularibus, quàm filij lucis, qui in his id solum quod verè bonum, & verè ens est, habent intentos mentis oculos. Idem verò, qui in his rebus sunt perspicaciores, circa diuinas cœcutientes, & stulti facti peccant: quia vera bona tenuiter vident, utpotè à quibus habent oculos auersos. itaque utriusque sunt perspicaces circa quæ

habent oculos intentos, & cęcutientes circa contraria, vnde & illud Pauli prima ad Corinthios Cap. 3. etiam intelligitur facile. Si quis videtur inter vos sapiens esse in hoc seculo, stultus fiat, vt sit sapiens. Sapientia enim huius mundi stultitia est apud Deum. Ignorantia itaque eius qui peccat, est in auersione oculorum mentis à Deo. Proinde monet ibidē Plato, eius oculos disciplina, & meditatione ad vera bona sensim conuerti. quia si quis repente velit, diu occupatum in rebus caducis ad vera bona transferre, nihil proficiet, quia excęcabitur repentino lucis intuitu, vt qui diu moratus sit in tenebris. paulatim verò meditatione, & exhortationibus transfertur mentis oculus ad veri boni contemplationem facile, vnde & resipiscet. Quamquam nonnulli etiā repente translati sunt, atque ijs quidem solet repentinus fulgor multas excutere lachrymas; quorum multi quasi dolore *perterriti* retrocedunt, nonnulli verò quibus Deus maxime fauet, etiā perseuerant. Constat itaque vt vera virtus ex vera mentis oculorum luce; nequitia verò nascatur ex tenebris. Nam & si vtrique, & boni inquam & mali, in suis quique rebus sint perspicaces, tamen quantò res diuinę humanis sunt illustriores, ac meliores, tantò etiam præstat bonorum sapientia malorum sagacitati (nimirum scientia ex obiectis accipit dignitatem) quare hæc ad illam tenebra est, illa verò lux. Prouerb. 4. Via impiorum tenebrosa, nesciunt vbi corruant: iustorum semita quasi lux splendida procedit, & crescit vsque ad perfectam diem. Meritò igitur in tenebris versari dicuntur impij, boni verò ambulare in luce, atq; adeò, quod probum lucidum, quod nequā tenebrosum. Quòd verò eorum qui peccant, plerique nihil se sentiant ignorare, nihil obstat dictis, qui potius hoc ipso sunt insipientiores, hoc ipsum adijcentes suę incipientię, quod se putant scire, quæ

igno-

ignorant. Nimirū teste Arist. Cap. 3. septimi Ethicorū, sunt velut furentes, & ebrij, qui de quacunque re interrogentur, respondent nonnunquā, ita, vt videantur sapere, & eligūt, faciuntque contraria. Duodecimo etiam Cap. Prouerb. legimus. Via stulti recta in oculis eius. Quod verò obijciebatur de ignorantia, quæ peccatum minuere, potiusquā augere videtur, explicemus. Dicta ignorantia, quæ auersio intellectus à vero bono est, non potest abesse ab eo qui peccat, illam enim facit perturbatio mentis qua tenetur; & qui in illud bonum habet mentem intentam, videtque illud perspicaciter, fieri non potest vt mala eligat præ illo. naturaliter enim ferimur in bonum, atque hoc ipsum in ratione boni est. Quare qui deteriora eligit, meliora non satis vidit, & ea qui dem ignorantia non minuit, sed auget peccatum, quia ea ipsa maxima improbitas est. Habere inquam mentem auersam a Deo, cum possis conuertere, aut studere, vt conuerstas. Quidam verò præter hanc, quæ communis omnibus qui peccant est, ignorantiam, habent aliam peculiarem circa propriam materiam peccati, vt qui ignorans diem festum esse, rei sacre non interfuit, aut ignorans esse alienum, quidpiam abstulit. ea quidem ignorantia culpam semper minuit, nisi sit studio procurata. grauius enim esset, sine vlla excusatione, scientem ac considerantem diem esse festum, & rem alienam, peccare; si verò nulla negligentia in causa fuit vt ignoraret, etiam tollit omnino peccatum, quia vt Aristot. Cap. citato ex tertio Ethicorū dicit, cum tali ignorantia non est electio, sine qua esse peccatum non potest. Nihilominus est semper peccatis adiuncta ignorātia ea, quæ in oculi mentis auersione consistit, vt oīs vera bonitas ab eius oculi in Deū conuersione, pcedit. Quapropter

pter vt habet is oculus, ita & totus homo. Atque si oculus is fuerit simplex, totum corpus erit lucidum; si nequam, tenebrosus. vt explicatum est.

CAPVT OCTVAGESIMVM

QVINTVM.



AP. 16. Mathei, ait dominus. Vespere facto dicitis serenū erit, rubicūdum est enim cēlum: & mane, hodie tempestas, rutilat enim triste cēlum. Quæ verba haud dubie non sunt dicta à Domino, vt doceremur tempestatis, aut serenitatis præfagia, sed vt arguerentur illi ad quos ea verba habita sunt, ex suo ipsorum sermone. Nam addit faciem ergo cœli dijudicare nostis, signa autem temporū, nō potestis? Verum quia non vulgi solum, sed Philosophorum etiam, & agricolarum, & nautarum est ea assertio, quibus, ut potè talibus obseruationibus deditissimis, fides non debet denegari, huius quoque si fieri potest, reddenda hoc loco causa est. Ea verò mihi esse videtur, quòd nubes densæ tactæ Sole obliquo, qualis est qui iam occidit, nigriciem præ se ferunt. Quæ ergo rubicundæ sunt, non sunt adeo opacæ, & densæ, sed penetrantur lumine, quapropter in diem posterum nullum indicant tempestatis apparatus; serenitatem ergo promittunt. Cum verò oriente Sole, triste hinc inde, & nubilosum se exhibet cēlum, plerunque solent ad primum orientis Solis occursum dispergi nubes. Quæ tamen si densæ sunt, quales cū tristo cēlū, non dissipantur, sed excepti per eas radij Solis videntur rutilare. Postremo vero, vesperi, cum Sol, cum quo toto die sunt colluctatæ, languescit, concurrunt, densantur, fiuntque imbres.

CAPVT OCTVAGESIMVM

S E X T V M.



A P. etiam 12. Lucæ eodem modo arguens hypocritas, ait Dominus, cum videritis nubem oriëntem ab occasu, statim dicitis nimbus venit, & ita fit, & cū Austrum flantem, dicitis quia æstus erit & fit. Horum verborum multò magis rationem reddi oportet, quàm priorū.

Quia non solùm quasi vulgi sermonem protulit, sed adiecit, & ita est. Quasi in eo iudicio ferendo de imminente tempestate, non deciperentur. Sanè vt incipiam ab vltimis, Austro succedere estum, & experimento est compertissimum, & rationi valdè consentaneum, cum Austrum calidum ventum esse, & oppositum illi Aquilonem frigidum, omnes qui de ventorum agunt naturis, vno ore confiteantur, neque solum secundum hanc qualitatū primarum oppositionem, sed secundum alteram etiam cōtrarios esse putant illos flatus, Austrum scilicet humidum, Aquilonem siccum, vel hoc argumento, quòd tempestates Austrinæ plerunque sunt etiam pluuiosæ, ac semper blandæ; Aquilonares plerunque serenæ ac semper arentes: atque adeo, quòd flante Austro facile res putrescunt, vtpotè calidi, & humidi flatus contractu alterata, Aquilo à putredine liberat, siccans, & refrigerans. Huc pertinent illa verba Iob. Cap. 37. Nonne vestimenta tua calida sunt cum perflata fuerit terra Austro? Verum cur Auster talis sit, memini me antea dixisse. Nimirum quia flat à meridie versus Septentrionem: meridiana vero mundi pars abundat igne præ mundi lateribus, hunc ergo allicit Auster.

Aqui-

Aquilo contrariam ob causam frigidus est, quia scilicet, aduersus ignem latus, illum abigit. Sed dices, oportere ut eadem causa Auster siccus, & Aquilo humidus sit, quia ignis non solum calidus, sed siccus etiam est. Cæterum, ut hæc illis insint, alia causa est. Nimirum qui venit à frigidiori mundi parte, a frigidiori cælo repulsus, non effertur in sublimine, sed decurrit iuxta terram, ac proinde humiditati aeris sublimioris minus admiscetur, contra, qui venit a parte mundi calidiori effertur in regionem mediam aeris, ubi a vaporibus, quibus cum miscetur, multam recipit humiditatem. Cur ergo flanti Austro succedat æstus, hæc est causa. Cur vero nimbus ascendente nube ab occasu, oportet scrutemur. Certè Elias cum futuram copiosam pluuiam, post tam longam ariditatem Regi Achab prophetauit. 3. Regum Capit. 18. dicitur vidisse nubem ascendentem a mari. Dicitur enim Ecce nubecula parua, quasi vestigium hominis ascendebat à mari. Constat autem ascendisse ab occasu Solis. Nam Palestina ad occasum habet mare. Censebatur ergo, ut existimo, in illa regione pluuiæ signum, nubes ex occasu ascendens, quia cum ad occasum haberent mare, inde ascendebant, eratque id signum illi regioni proprium. Nobis

verò quibus mare æquè ad occasum, & meri-

diem, & Septentrionem est, æquè ex his

omnibus partibus ascendunt nubes

nimborum nuntiæ, Britanis

ascendunt vndiq; ut

qui mari, vndiq;

cinguntur.

~~~~~

Ω



## CAPVT OCTVAGESIMVM

## SEPTIMVM



Ap. 10. Lucæ ait Dominus. Et appropians alligauit vulnera eius, infundēs oleum & vinum. Quibus verbis per insinuationem, videtur commendare ad vulnera oleum & vinum, quod græcis vocatur *βίαιον*. Videtur verò ad id alia quidem ex parte medicinæ placitis consonum, ex alia autem dissonum. Nam de vino Hipp. libello de Vlceribus ita inquit, Vlcera vniuersa, nisi vino, humectari non oportet, nisi in articulo fuerit vlcus. His verbis Hipp. commendat vinum ad lauandum vlcera: Vituperat verò omnem aliam humectationem, quantò magis eam quæ agatur oleo. De quo paulò infra idem Hippoc. dicit, At oleum, & quæcunque mollia, aut oleosa sunt medicamenta, talibus vlceribus non conducunt, si non valde iam ad sanitatem tendant. Neque vlceribus ex recenti vulnere oleum conducit, neque mollientia, neque adiposa medicamenta, tum aliàs, tum quòd vlcus ampliore purgatione opus habet, Gal. quoque tertio libro meth. commendat vinum, & vituperat oleum ad curanda vlcera. Nam Cap. 4. ita inquit, vinum igitur omnis vlceris, quà ulcus est, optimum est medicamentum, Cap. autem 2. eiusdem libri inquit, Oleum namque cauo vlceri infusum, ad verissimum omnium medicamentorū est, cum si ita mederi voles, ipso vsu intelliges sordidum ac male olens vlcus fieri. Videtur ergo id medicamen, quo in parabola dicitur vsus Samaritanus, partim fuisse vtile, partim verò etiam noxium. Neque sanè

(vt hoc obiter dictum sit) & si id medicamen fuisse ineptissimum quise xistimet, quidquam detrahitur sacræ lectionis auctoritati. Nam illo in loco hominis charitas, non medicinæ peritia commendatur. Nihilominus mihi etiam sonat, velut medicaminis ad eam rem idonei, facta mentio. Quæ autem vino & oleo vteretur, duplex ratio est, aut enim seorsum aut admistis. Seorsum quidem, interius, & in ipso ulcere: vino exterius verò, & super circumfinis partibus, oleo haud dubie utilissimè vteretur, nisi essent ulcera in articulis, aut penetrantia in capite. Nam vinum mundat, confortat, & siccatur ulceratam partem; oleum verò sanat circum circa existentes fouet, & si quæ est in illis doloris causa, mitigat. At verò, an infusum Oleum, quod vino & oleo constat, vile esse potest, difficiliorem habet inquisitionem. Certè vlcus simplex, & quod prima, vt dicunt intentione curandum sit non indiget oleo, quia tale siccationem solùm, & agglutinationem desiderat, quorum neutrum præstare potest oleum. Non læditur autem oleo magnopere, nisi quod sordidum est, & putredini valde opportunum, quia oleum hæc magnopere auget, est nihilominus aliquod vlcus quod vsu olei multum iuuatur: in quo scilicet pus moueri est opus, vt quod cum contusione consistit. Sunt ergo quædam ulcera, quæ oleum amant non solùm partibus sanis quæ circumstant, ad motum, sed infusum etiam intro. Atqui neque ea quæ oleum solùm purumq; respuunt, vt quæ caua & sordida, statim etiam læduntur omnibus, quæ partem aliquam eius recipiunt: nam cerato ex oleo cera & erugine eris expurgantur, replentur carne, & sanescunt. Cum igitur sint ulcera, quæ solo oleo gaudent, & recentia omnia quæ in carne consistunt vino solo plurimum iuuentur, & ea etiam quæ solo oleo læduntur, commistum cum alijs amicè recipiant, plus aut minus, vt



res exigit, sint etiam haud dubie quibus mistura ex oleo, & vino sit accommodatissima, quibus, scilicet, Vetus sit crudiusculum in carne (nam nervi neque vinum, neque oleum simplex amant) & asperum, & phlegmonis aliquid per partes habens. Ea enim solum oleum fecerit sordida, solum vinum irritauerit, & exasperauerit, vineum, verò mitigaverit (anodinum enim est) emollierit, simulque roboraverit particulam (constat verò id modicè calidum debere infundi) fuerint verò talia haud dubie vlcera eius qui à latronibus percussus, semivivus relictus est. Siue enim fustibus ictus sit, quod plagarum nomen sonat, siue ense vulneratus, oleo necessario indigebat. Nam si contusione erant inflicta vulnera, nihil potius: sin autem sola incisione, tamen destituta sine alligatione tandiu sub diò, ab aere haud dubie essent exasperata, & refrigerata partes, cui malo nulla re melius succurreretur, quàm calente vineo. Itaque bonus ille Samaritanus, non piè solum, sed prudenter etiam videtur succurrisse. Idem etiam medicamentum utile sit ad partes verberibus contusas, simul,

& dilaceratas. Quod innuitur etiam illis

verbis Isaie Capiè primo. Vulnus,

& liuor, & plaga tumens,

non est circumligata,

neque curata medi-

camine, neque

fota oleo.

## CAPVT OCTVAGESIMVM



AP. 20. Actuum Apostolorum scriptum est, Iesum Seruatorem nostrum, suo ore dixisse. Beatius est magis dare, quàm accipere. Quæ assertio et si nullum desideret argumentum, utpote diuina autoritate confirmata, physicam etiam habet monstrationem, solo co posito, quòd beatitudo in bonorum abundantia sit, miseria in priuatione, aut contrario; quod ex ipsis nominum notionibus, manifestum est. Cum igitur dandi principium sit, ipsum habere, recipiendi verò in vacuitate, quia nihil potest dare id quo caret, neque recipere id quod habet, constat beatius quidam esse ipsum dare, quàm recipere. Obijciat autem quispiam recipiendi cupidus, quia beatius est habere quàm carere, beatius esse recipere quàm spoliari, quandoquidem ex fine debent æstimari omnia, finis vero recipiendi est habere, dandi verò carere. Coniunctis ergo utrisque rationibus constat fieri, ut illud sit longè beatissimum, dare semper, & abundanter, & nihil amittere, quod primæ, ac summæ, & beatissimæ causæ necesse est tribui, cui ex sese est sufficientia summa. Causis quoque naturalibus, quæ scilicet, sine deliberatione operantur, euenit dare nihil amittendo ex suo, hæque tunc dare possunt magis, cum habent melius. Ignis enim cum actu est, ignis formam tribuit, quod verò est potentia ignis, & adhuc caret, recipere potest. Itaque in mere naturalibus, haud dubie, dare est melius habentis, & per eam largitionem nihil ammittitur, eius quod inerat largienti.



gienti. Verum quoniam de talibus nomen beatitudinis nō dicitur, nisi fortè æquiuoce, necesse est videre, an de humanis largitionibus, quæ non sine aliqua bonorū expensā fieri possunt, dicatur illud verè. Constat autem quandoquidem hoc ad mores hominum spectat, Ethicam desiderare demonstrationem. Quam non aliunde possimus melius petere, quā ex Arist. Cap. 7. libri 9. Ethicorum. ea pendet ex bonorum differentia. Nimirum bona omnia, & hominibus expetibilia, sunt in triplici genere: nam honesta, aut vtilia, aut voluptuosa. Horum, quiuis homo bonus (penes tales enim oportet esse iudicium) concedat, præstantissima esse quæ honesta: posthæc quæ vtilia: omnium vilissima tantum voluptuosa. Dico autem tantum voluptuosa. quæ nihil aliud afferunt quàm voluptatem. Nam voluptas quæ accedit ex honestate, aut utilitate, aut etiam ex eo quod assequutus sit ea quæ voluptuosa, & animum suum expleverit, ea non est differentia bonorum, sed perfectio, & finis, ac summum cuiusque generis. Velut summum virtutis est, cum iam quis cum delectatione bene agit. Summum etiam artis quæstus, cum quis negotiatione delectatur. Summum turpitudinis, cum quis gaudet expleisse se voluptatibus. Has enim penitentiam sublequi oportet, non gaudiū. Ita cum sic se habeant bona, & fecilitas sit in fruitione bonorum, optimorum præcipuè, plurimorum, & maximorum: & largiri sit res honestior, accipere vtilior, constat, tanto beatius esse dare quàm recipere, quanto præstat honestas utilitati. Præstat autem, tum ex sese, quia ita videtur omnibus hominibus, qui non sunt animo egro: tum etiam quia honestas diuturnior est, quàm utilitas. Quin etiam honestas per sese æterna est, utilitates verò, paucae non breues. Nam utilitas accipiendo perit, simul ac consumptum est quod donatur, quia inde  
solum

solum est, honestas verò dandi est æterna, quia non est ex re  
 donata, sed ex ipso dedisse. Fieri autem non potest, ut qui  
 dedit non dederit, per accidens quidem perire potest hone-  
 stas dandi pereunte memoria, ex se se autem æterna est. Qua  
 propter si quæ est in rebus memoria, quæ in nullam vnquã  
 obliuionem possit incidere (ut certè est) constat nullam vn-  
 quàm honestatem, nihil quod recte actum sit, penitus peri-  
 re posse, sed æternum esse. Contra verò in eo qui accipit, cõ-  
 sumpro dono perit utilitas, manet verò illa inhonestas, & il-  
 liberalitatis nota, quæ est in recipiendo. Præterea, beatitudo  
 (autore Arist. qui maximè sequitur communem hominum  
 bonorum sensum) consistit in operatione secundum virtu-  
 tem, cum omnium bonorum sufficientia. Largitria autem est  
 liberalitatis, virtutis quidè honestissimæ: accipere verò ad nul-  
 lam virtutem spectat, nisi fortè rarò ad amicitiam. *Esse autè*  
*ita, vel inde constat, quòd dare difficilius est, ut potè in quo*  
*virtus versatur, accipere verò facile, ut quod plerunque ex*  
*vitio est, aut indigentia. Igitur haud dubie est beatius dare,*  
*quàm recipere. Constat verò ex dictis, non vtrunque neq;*  
*vbicunque esse beatius, sed cum agitur secundum virtutem*  
*(ea enim dicebatur esse summa beatitudinis causa) cum opor-*  
*ret, scilicet, & ut oportet. Hæc enim virtutes omnes com-*  
*mittantur, siquidem cum prudentia coniunctæ necessario*  
*sunt. Talis autem largitio alios sanè augebit bonis, largito-*  
*rem autem ipsum non spoliabit, neque miserum reddet. Ra-*  
*tionem enim habet propriorum bonorum liberalitas. Igitur*  
*liberalis largitionis extremum, non est bonorum vacuitas,*  
*sed adiectio potiorum, puta honestatis, & honoris. Neq; re-*  
*cipiendi extremum est abundantia bonorum, sed quorundã*  
*abundantia, cum quadam nota potiorum, puta cum qua-*  
*dã illiberalitate. Quapropter ij, qui bene de rebus sentiunt,*  
 bea-



beatiores iudicant eos, qui largiuntur, quàm qui recipiunt. Atque hac ipsa causa censet Arist. plus amare eos qui beneficia conferunt, quàm in quos sint collata, utpotè maius inde bonum consequuti. Ita etiam à parentibus amari filios, plusquam redament. Contra qui receperint, citius recedere ab amicis, quàm qui largiti sint, quòd scilicet amissa utilitate, nihil illis restet in amicitia præter illiberalitatis memoriam: his verò restet semper suavis recordatio benefactorum. At dices non ergo omnis largitio commendatur præ receptione, sed ea tantum quæ liberalis est. Multæ autem largitiones sunt pessimæ, quæq; in summam miseriam ipsos largitores adigunt. Certe laudari, diciq; beata non potest, nisi ea quæ sit studiosa largitio. Neq; dubium est, honestius esse recipere ab amicis, ne illis videaris intractabilis, & ex arte honesta mercedem, ut familiam nutrias, quam dando siccarijs, aut meretricibus, patrimonium perdere. Sed oportet ut alijs omnibus in rebus, æqualitatem comparisonum servare, conferre; studiosa cum studiosis, & prava cum pravis, eritque ita generatim atque omnino, beatiùs dare quàm recipere. Nam & liberalis qui largitur, beator est multo, eo qui recipit mercedem iustam; & prodigus est minùs malus, quam avarus, ut idem Arist. multis argumentis probat Cap. 1. quarti Ethicorum ad Nicomachum. Quorum hæc sunt præcipua. quòd prodigalitas prodest multis, avaritia nulli: quod curari facilius potest; idque multis de causis, & quia propinquior est liberalitati, cum habeat communem cum ea voluptatem dandi, & dolorem recipiendi, & quia ipsa seipsam curat, conservans suas facultates, sine quibus largitio cessat. Avaritia verò pecunias cumulans, seipsam auget, curatur etiam ætate prodigalitas; avaritia crescit senectute. Itaque prodigalitas his causis minùs mala esse probatur, quam avaritia. Quod quidem

quidem vt exacte consideretur aliqua indiget animaduersione. Non enim omnino, neque semper ita habet. Nam sunt vtriusque vicij multi gradus. Est siquidem prodigus, qui sua omnia, sibiq; necessaria distribuit, etsi non omnino indignis: deterior adhuc qui talibus largitur sua & aliena, aliena scilicet rapiens, vt det quibusuis: omnium pessimus, qui consumptis iam proprijs, rapit aliena, tribuitq; indignissimis. Porro auarus est, qui non largitur ex suo pro modo suarum facultatum: multò autem magis, qui penitus largitur nihil: magis adhuc, qui retinet sua & aliena: omnium pessimus, qui sibi etiam denegat necessaria ad victum, & aliena quacunq; ratione arripit, atque omnia congerit. His ita positis, constat quosdam prodigos deteriores esse quibusdam auaris. Si tamen pares paribus gradus componas, stant adhuc argumenta quibus efficiebatur, prodigum minus malum esse, quàm auarum, atque adeo beatius esse dare quàm accipere, quia in bonis melius, in malis minus malum est. Euenit autem mox dubitare ex dictis: si liberalitas rationem habere debet suarum facultatum, atque ea cura deposita vitiosa largitio sit, quo pacto consultum esse possit cuiquam, vt vendat omnia quæ habet, & det pauperibus, quod tamen scimus dominum cōsuluisse cuidam (Marci 10. & Lucæ. 18.) atque adeo in initio nascentis Ecclesiæ ab omnibus solitum fieri Hierosolymis? tametsi enim hi conferebant in indigentes, & dignos, tamen suarum facultatum rationem non habebant, cum darent omnia. Quod tamen necessarium esse ad veram liberalitatem indicauimus. Multò melius ad hæc intuenti, videri possit consilium Tobix, qui (Cap. 4.) ad filium dixit, ex substantia tua fac eleemosinam, & nolli faciem tuam auertere ab villo paupere, ita enim fiet, vt neque à te auertatur facies domini. Quo modo potueris, ita esto misericors. Si multū  
tibi



tibi fuerit, abundanter tribue, si exiguum tibi fuerit, etiam exiguum libenter impartiri stude. Hic considerare oportet conditiones simpliciter liberalis largitionis, aut commutationis. Qui largitur enim primam rationem habere debet sui, secundam eius cui tribuit. Sibi quidem cauere, ne auferat necessaria; alteri prospicere, ut tribuat utilia. Ratio igitur quam suarum facultatum habere debet liberalis, eo redigitur tota, quam sibi sint necessaria, quæ largitur. Cui ergo nulla bona necessaria sunt, omnia potest largiri sine vlla prodigalitate, modo recte collata sint. Porro qui commutat, id solum videre debet, quid pro quo det. Dans enim quod minus, pro eo quod magis eligibile, vel simpliciter, vel saltem sibi, errare non potest: immo quanto excessus maior, tanto prudentius aget. Tobias igitur sapienter consulebat filio, ne omnia, sed pro modo suarum facultatum largiretur, ut potè patri familias futuro, uxoriq; ac proli necessariò prospecturo: sapientius autem multò Dominus adolescenti, qui ad celibatum, & statum nullis indigentem vocabatur, ut se ab omnibus expediret, & primum perfectè virtutis faceret gradum, pauperibus tribuendo. Eorum etiam qui in initio nascentis Ecclesiæ, prædiorum prætia ponebant ad pedes Apostolorum, est eadem ratio. Nam etsi uxores habebant, & filios, transferebant tamen ad aliam viuendi formam, ad communionem scilicet bonorum, in qua nulla esse poterat indigentia, ut nunc etiam qui cænobia ingrediuntur. Porro utrique, & hi inquam, & qui relictis retribus sequuti sunt dominum, commutabant bona hæc vilissima, & maximè caduca pro optimis & æternis. quæ verissima sapientia est, & beatissima liberalitas.

## CAPVT OCTVAGESIMVM

## NONVM.



A P. 2. Epistolæ secundæ Petri, ita scriptum est, Adueniet autem dies Domini ut fur, in quo celi magno impetu transibunt, Elementa verò calore soluentur, terra autem, & quæ in ipsa sunt opera, exurentur (paucis interpositis) properantes in aduentum domini, per quæ celi ardentes soluentur, & elementa ignis ardore tabescent novos verò celos, & nouam terram, & promissa ipsius expectamus. Hoc idem videtur esse quod Ioanni reuelatum est vigesimo primo Apocalypsis, vbi inquit. Et vidi celum nouum, & terram nouam. Primum enim celum, & prima terra abiit. & mare iam non est. Quod idem reuelatum antea erat per Isaiam Cap. 65. his verbis. Ecce enim ego creo celos novos, & terram nouam, & non erunt in memoria priora. Dauid quoque in Psalmo centesimo primo dixit. Opera manuum tuarum sunt celi, ipsi peribunt, tu autem permanes, & omnes sicut vestimentum veterascent, & sicut operatorium mutabis eos, & mutabuntur, tu autem idem ipse es, & anni tui non deficient. Dominus quoque in Euangelio dicit. Celum & terra transibunt, verba autem mea non transibunt. Multa alia sunt oracula, quæ nobis indicant, mundum hunc, quem conspiciamus, mutandum esse, atque formam aliam longè præstantiorem subiturum, tunc scilicet, cum cessabunt ortus, & interitus rerum, cessantibus motu, & tempore. Plerique nolunt intelligere, mutandas esse naturas, & formas corporum celestium, & elementarium, sed motum cum



cum quiete commutandum, & tempus cum aeternitate, manentibus tamen eisdem formis, & essentijs, atq; ob has tam insignes mutationes quas subibunt, dici mutanda faciendaeque noua. Itaque permansura in illa aeternitate, Solem, Lunam, & Astra, & hos ipsos in quibus nunc sunt orbes, nullas autem circumuolutiones eorum futuras. Veniunt autem in hanc sententiam, primum quidem, quoniam non videtur esse necessarium, hos celos, & haec elementa delere, ut creentur alia denuò, sed si quàm maximè oporteret, satius esse, haec reddi speciosiora, adijciq; illis decorem manente substantia. Cum praecipuè dictum sit ab Ecclesiaste Cap. 3. (quod cum Platonico dogmate maxime consonare antea indicauimus) Didici, quod omnia opera, quae fecit Deus perseverent in perpetuum. Cum ergo celum, & elementa ab initio facta sint, ab ipso Deo sine vlla causa secunda, videtur oportere, ut perseverent in aeternum. Deinde Petrus dicit celos ardore esse soluendos, terram autem, & quae in ea sunt exurenda. Coelorum autem substantia non est vltionis, neq; verò alterius alterationis capax. Alioqui quid prohiberet multò iam antea exaruisse? si eorum cauitas plena est igne, & illi adeo rapide mouentur, & Solis fulgor eum vndecunque attrahit? multò minus intelligi possit celum praeter ardore dissipandum, si quis ponat cum Ambrosio, Isidoro, & Basilio, celestia corpora ignea esse, ne autem ardore soluantur prohibere aquas, quae supra celos sunt. Nam si ardore soluenda sunt illa corpora, nihil sunt minus, quàm ignea. Ardor igni non potest esse alienus, neque corruptius magis quàm aquae frigus. Perinde ergo sit dicere, ignea corpora calore soluenda, ac si diceret aquam frigore absumendam. Quin potius oporteret corpora illa pertinere ad aquam, & frigore esse concreta modo. nam quae concreta sunt frigore soluantur calo-

re, quæ calore humore. Non videtur ergo consentaneum, celestia corpora calore, neq; vlla alia virtute elementari corrumpi posse, sed vt Arist. sensit, ac nunc omnes consentiunt esse incorruptibilia, & inalterabilia, ac proinde si quis ortuum & interituum rerum futurum finis est, sistenda priuandaque motu, ea figura qua deprehensa sint, in æternum permanens, non tamen mutanda secundum substantiam, & naturam. Nihilominus maius aliquid mihi sonant illa oraculorum præscriptorum verba, mutandos celos, vt opertorium, ipsos perituros, soluendos, nouos creandos. Quapropter si quæ ratio inueniri possit, quam propositis argumentis pari probabilitate obijciamus, in ea certe acquiescere equum est. Videtur autem ex hypothesi probabilissimum esse, mundum hunc corporalem quem conspiciamus, periturum aliquando esse, ac pro illo alium longè præstantiorem denuò creandum. Si scilicet, hæc series ortuum, & interituum in æternum duratura non est, sed cessatura aliquando, cessurusque morus quieti, & tempus æternitati. Alienum enim omninò à ratione est, corpora natura mobilia, quæque naturali impetu ferantur, vt celestes orbes, in æterna violentia contineri. Nihil enim philosophis certius quàm nullum violentum esse æternum. Cælum autem cum naturaliter feratur circulo, præter naturam, & violentur detineretur. Neque minor inferretur violentia elementorum naturæ, si ea quoque qua nunc sunt natura durarent. Etsi enim, corporibus suis ordine dispositis, naturalis succederet quies, esset tamen necesse, statim & illum ordinem, & quietem interturbari, actione mutua virtutum elementarium, nisi essent actiua passiuæ proxima sine vlla actione: quod nihilominus rationi repugnat. Quid enim posset eas illis induriâs firmare, nisi à maiori virtute illata violentia? neque enim satis sit (vt quispiam fortasse



tasse putet) sublatam esse lationem, utpotè morum primum ut tolleretur alteratio. Est enim latio prior alteratione, nulla causa, quàm ob admotionem efficientis, & recipientis. Si autem essent ordine posita, non solum propè essent, sed & contigua. Essent itaque omnia violenter detenta, & actione orbara, quo nihil absurdius, in illo præcipuè felicissimo euo, in quo oporteret omnia esse pulcherrima, & propriam perfectionem consequuta. Verisimilius ergo multò est, corpora hæc cælestia, & elementaria, quæ ad hanc velut rerum generis optimè comparata nunc sunt, exacto toto tempore, & eleuatis successiuis mutationibus, quasi toto iam negotio peracto, velut defuncta munere suo, finiri, atque alia pro illis longè pulchriora, & æternam illam requiem naturaliter expectentia, & secundum se tota inalterabilia, creari denuò, quæ immutabilibus, & æternis subserviant, ut priora hæc nascentibus, & intereuntibus deserviant modò. Videtur itaque inuenta optima ratio, qua quæ nunc sunt deleantur, & illis eleuatis, creentur pro eis alia, ut scilicet, ad tam diuersos status, res etiam diuersæ accommodentur. Neque obstat esse hæc corpora à Deo creata, ut deleri possint. Nō enim ab ulla naturali causa, sed ab ipsomet Deo qui creauit, delenda dicimus: neque sanè in nihilum (non enim hoc dignum censent Dei bonitate) sed in alia essentialiter perfectiora, in quibus horum ipsorum perfectiones mancant eminenter, demptis mobilitate cælestium, & corruptibilitate elementarium, quæ imperfectionis sunt. Velut autem mutatio naturalis formæ in aliam perfectiorem, non vocatur interitus, sed ortus, ut cum ex embrione fit animal, ita neque mutatio quæ diuina virtute fit in substantiam præstantiorem, vocari debet annihilatio, sed creatio. alioqui limum ex quo Adam creatus est, annihilauit Deus, & coltam Adæ ex qua Eua. Ita

igitur

igitur dissolvere quæ fecerat, non est à bonitate diuina alienum, mutando scilicet in potiora, in quibus priorum perfectiones maneant eminenter. Alioqui necesse esset in æterno illo, & felici quo, Equos esse, & Leones, & Vrsos, ac reliqua animalia, quorum species æternæ sunt: etsi ortu, & interitu singulorum seruantur, sed omnia huiusmodi habent firmam æternitatem præcipuè in exemplari, deinde & in alijs rebus perfectioribus, in quibus sunt, vt trigonus in tetragono. Ita ergo animalia reliqua erunt in homine, & priora hæc corpora in illis posterioribus, omnia autem in exemplari diuino. Hoc est quod mihi sonant illa verba Pauli ad Romanos, omnis creatura parturit vsque adhuc, hoc est in potentia est ad aliam perfectiorem naturam: Quod non solum soluendos esse cælos, sed ardore soluendos. Petrus dicit, aliquantò vñ difficilius, & ob eas obiectiones quas antea scripsimus, & ob eam quæ tetigimus modò. Nimirum quæ à Deo ipso p se, ac sine eâ secunda compacta sint, non posse ab alia cā solui, sed solum ab eo ipso à quo sint coagmentata. Quæ igitur Deus ipse cōposuit, vt cælestia corpora, haud quaquam dissoluet ignis, neque alia causa ipso Deo minor. Certè ita est, virtutem diuinam apponi necesse est, vt deleatur quod Deus ipse fecit. nō igitur ignis delere, aut dissolvere cælos poterit sua vi, sed diuina, quam Deus illi tunc, ad id ministerium exequendum apposuerit. Velut damnatorum corpora torquet non corrumpens, ac multò magis, vt nunc torquet animas damnatorum. Nimirum corpore hoc natura violentissimo vtitur Deus ad actiones, quæ omnes naturæ vires excesserunt, aut igitur hoc modo ignis dissoluet cælos, aut orbis mutationem inchoabit, totam hanc corruptibilem corporum molem exurens, interimque Deus sua virtute demolietur cælos, vt videatur tota mundi machina conflagrare. Diceturque ita verè,



verè, per synedochem, totus mundus igne perire, quia vren-  
dis omnibus combustilibus, mutationem recipiet. Com-  
plebiturque tunc quod Psalmo quadragésimo nono cecit-  
nit David dicens, Deus manifeste veniet, Deus noster &  
non silebit. Ignis in conspectu eius exardescet, & in cir-  
cuitu eius tempestas valida. Solùm igitur superest, de  
hypothesis, ex qua fluit hæc, probabilitate dicere.

An scilicet, futurus aliquis ortuum, & interituum finis sit.  
Futurum autem esse, videtur facile ex indicatis antea col-  
ligi posse. Indicatum enim est, mundum hunc æternum nō  
esse, sed incepisse aliquando, cum antea non extitisset. Indi-  
catum quoque cum esse vnicum, totum, pulchrum, & per-  
fectum, ferriq; totum in summum bonum, à quo creatus est.  
Creati verò mundi velut apicem, & per quem in Deum fe-  
runtur omnia, esse hominem. Hunc enim esse propter  
Deum, & propter ipsum reliqua, atque animos hominum  
esse immortales. Ex his fit quod quærimus. Si enim mundus  
pulcher, ac perfectus est, necesse est omnia in illo esse, mēsu-  
ra, numero, & pondere, certis effecta. Nam neque magni-  
tudo, neque multitudo actu infinita esse, neque intelligi po-  
test. Quod autem infinitum potentia, deforme, & imperfe-  
ctum est. Nam est id cui semper aliquid deest, constatq; ea  
infinitas, ex nunquam finienda adiectione, quæ perfectioni  
est contraria. Nam perfectò, quā tale, nihil deest, nihil adij-  
ci potest. Cum igitur humani animi à mundi exortu conti-  
nenter creentur in corporibus, atque separati permanant.  
si generatio hominum nunquam esset cessatura, illorum es-  
set futura multitudo potētia infinita, quo nihil imperfectius,  
neque magis inconcinuum. Cum præcipuè sit mundi pars,  
earum quæ cum corporibus habent aliquid commercij, præ-  
stantissima. Ad pulchritudinem ergo & perfectionem mun-  
di spe-

dispectat, esse certum numerum creandarum animarum, qui ubi perfectus erit, necesse est, aut easdem rursus redire ad corpora per palynginesiam Pythagoricam, aut generationum naturalium esse finem: si autem generatium, & motus, & temporis. Quantum igitur habet improbabilitatis naturalis illa Palynginesia, tantum probabilitatis habebit, finem habituram hanc rerum genesim. Sed ex ipsa humane anime natura colligitur hæc ipsa assertio. Indicatum enim animam hominis id habere præcipuum præformis corporum, quod est separabilis, idque singulare præ omnibus substantiis incorporeis, quod est etiam actus corporis. Itaque est pariter substantia incorporea, sine corpore potens existere, ut Angelus Dei, & actus corporis, ut forma alia quavis. Igitur & cum est in corpore potest separari, & cum separata, expetere *vniri* non sunt igitur sine corporibus æternum victuræ. Alioquin quod corporibus celestibus, & elementaribus timebamus, eueniret animabus, ut scilicet, æterna priuatione rei naturaliter expetitur tenerentur. Quod ratio longius à ratione abest quanto vacuitas cum sensu miserabilior est, quam sine illo. Verissimum ergo est, illas sua corpora aliquando resumpturas. Si ergo naturalis palynginesia impossibilis est, superest, ut sit alia longè superior, quæ diuina virtute peragatur. Non autem ut naturalis virtus, proferet aliã post aliã regeneratione quasi generationem pristinam ordine repetens (successio enim hæc impotentia naturalis est) sed vnã totamque omnium simul efficiet palynginesiam, tunc scilicet, cum perfectus earum erit is numerus, quem ratio proportionis ad alias intelligentes substantias exiget. Si quando igitur animi omnes sunt sua corpora resumpturi, certe postquam separati sint omnes. Separati autem esse omnes non poterunt, antequam finis sit nascendi. Necesse est igitur, nascendi finis aliquando



quando futurus sit, atque ideo & mouendi, & temporis. Hinc autem fiebat, vt & celi, & elementa essent in alia corpora praestantiora abitura. Verè igitur tota hæc mundi moles peritura est, ac pro ea alia longè pulchrior creanda, nullis mutationibus idonea, sed domus æternitatis futura. Quæ propter omnia oracula quæ æternitate in corporum, quæ nunc sunt videntur asserere, & immutabilitatem, vsque ad mundi huius finem intelligi debent. Quale est illud Psalmi centesimi quadragesimi octau. Quia ipse dixit, & facta sunt, ipse mandauit & creata sunt. Statuit ea in æternum, & in seculum sæculi, præceptum posuit & non præteribit. Et illud psalmi nonagesimi secundi, Etenim firmavit orbem terræ, qui non commouebitur. Nimirum Ecclesia Catholica semper proclamat Dies illa in qua celi mouendi sunt, & terra. Itaq; vsq; ad mundi finem stabunt hæc qualia nunc sunt, nullam sentientia mutationem naturalem, tunc autem deleta, mutabuntur in alia noua, & pulchriora.

## CAPVT NONAGESIMVM.



**POCALYPSIS** Cap. 3. Utinam frigidus aut calidus esses, sed quia tepidus, neque calidus, neque frigidus, incipiam te euomere ex ore meo. Res est medicis omnib. notissima, & confirmatissima experimento, tepida omnia ventriculum subuertere, frigida verò aut calida retineri multò melius. Vsque adeo, vt sola aqua quæ per sese nullam vim vomitoriam habet ea solùm causa, q̃ tepida bibatur, vomitum moueat, non omnino segniter. Huius rei causa est, quod tepidarum rerum tactus, blandus, placidus,

M m m m

dus,

dius, ac laxans est. Quod aperte indicant medicamenta propriè anodina, à soluendo dolore vocata, quæ tepidi caloris sunt, quia immoderatiùs frigida, & calida vtræque mordet, frigida quidem, quia contrahendo exasperant, calida quia pungunt, & ad vtrorumque tactum contrahuntur partes; ad tepidum autem, blandum & suauem, laxantur, atque extenduntur, non aliter atque animalia affixa, aut crustatecta, quæ videmus quæcunque causa doloris accedat, siue mordēs siue pungens, sese contrahere, perfusa verò tepida, seu ad solis moderatum calorem, distendi. Ita faciunt spontè naturæ ventriculi partes. Cum verò primo occurſu cum quadam voluptate id accidat partibus, mox ea tactus voluptas vertitur in tristitiam, & anxietatem, ob quam accidit abominatio, & vomitus. Nam ventriculus bene constrictus, atque corrugatus circa cibum, aut potum, continet illum sine molestia, & nullam offensam ab eo sentit. Si verò laxatur, demittit, qui dimissus ponderi est ac molestiæ. Non aliter ac manus laxata euertitur ab eodem pondere, quod firmiter constricta facile sustentaret. Itaque eandem passionem afferunt ventriculo tepida, & si alioqui vomitoria non sint facultate, quam quæ sunt per sese, & propria potentia talia. Horum enim quædam, quia sunt laxantia, & emollientia, sunt etiam vomitoria, vt oleum & omnia quæ sine sale sunt pingua: quædam sunt malignitate quadam abominabilia, vt Agaricus Turpetum, & Eleborus, & succus Raphani. Vtræque verò & si longè diuersa ratione, faciunt ventriculi in quem ingeruntur laxitatem, saltem secundum fibras obliquas, quæ subseruiunt retentioni. Transuersæ enim & quæ seruiunt expulsionì, constringuntur, insurgente virtute partis in id quod molestum ei est. Similem huic etiam passionem facit tactus rerum tepidarum. Fibras obliquas laxat per se ob blandum sensum,



sum, transuersas per accidens facit constringi, ad explendum quod quia male continetur, grauat. Vt ergo famem non mouet sola penuria, & suetus ab habitu corporis excitatus, sed quæcunque similem faciunt in ore ventriculi corrugationē ut acida: ita abominationem, contrariam ei appetitui in quo famem ponimus, efficiunt non solum quæ abominabilia per se sunt, sed & quæ quacunque ratione laxari illud faciūt, in quibus sunt quæ accipiuntur tepida, præcipuē verò quæ liquida. His. n. accedit fluctuatio, quæ non parū facit ad vomitionē. Ex hac calidorū frigidorū, & tepidorū proprietate, accepit Spiritus Sanctus allegoriā transferens ad hominū mores, dicēs q̄, vtinā frigidus aut calidus esses, sed quia tepidus es & neq; frigidus, neq; calidus, incipiā te euomere. Quæ verba sunt Dei ad hoīem improbū, possunt q̄ Theologicos sensus recipere, mei verò muneris solum sit, ea Ethicē interpretari ut id vnde allegoria accipitur sum interpretatus physicē. Cōstat nomine frigidi & calidi non intelligi contrarios affectus inter quos sit tepiditas, ut mediocritas quædam, nihil admit tens nimium. Nam ut in secundo libro Ethicorum Aristot. monstrat, virtus quæcunque, atque adeo virtus omnino, in mediocritate consistit, inter excessum, & defectum constituta: vitia verò consistunt in extremo. Si igitur calidi, & frigidi nomina extremos affectus significarent, & tepiditas eorum mediocritatem, videretur virtus præ contrarijs vitijs vituperari, quod consentaneum non est. Ob hanc obiectionē plerique, calidorum, & frigidorum hominum nomine, intelligi putant optimos, & pessimos: tepidos verò vocari remissæ cuiusdam, & imperfectæ virtutis homines, hosque vituperari plus alijs, non quod virisque sint deteriores, sed quod sua mediocritate decepti, minus soleant resipiscere, & ad perfectam virtutem aspirare. Placet hoc non pauis: mihi verò

non satis. Nam præterquàm quod manifestum, meliorem esse conditionem hominum, qui etsi perfecta virtute nō sint neque vendiderunt omnia quæ haberent, vt pauperibus largirentur, sequuntur tñ te mperatū quoddā, & mediocre viuēdi genus, seruantq; mandata, quàm eorū qui sunt manifestè improbi: sed & ad proficiendū, ac ad resipiscendū à peccatis, sunt illi quàm hi paratiores. Nam si naturales ipsorum vires consideres, constant tantò cuiq; esse difficilius bene agere, quantò plus criminibus afflucit. Quandoquidem habitus omnis facilitatem parit ita operandi, & contrarij difficultatem: habitus quidem virtutis facilitatem bene operandi, & secundum rationem; vitiosus verò difficultatem, & quantò maior, tantò maiorem. Sin autem consideres auxiliū quod diuinitus accedit, id quoque constat tantò desiderari *maius*, quantò homo pluribus maioribusq; peccatis est implicatus, vel hoc Solū argumento, quòd ea auxilia morborum animi medicamina sunt, morbi autem maiores maioribus indigent. Tamen si ergo pessimi, & iniquissimi hominis iustificatio meritò sit Deo gloriosissima, & cēlitibus iocundissima vt scilicet medico & eius amicis reuocatio deplorati, eius tamen status nulli exoptandus, neque imprecandus est, vt potè periculosissimus, & ex quo per pauci euadunt. Hæc igitur cum ita se habeant, & Dominus particula exoptandi vtatur dicens, vtinam frigidus aut calidus esses, necesse est nomine tepiditatis, significari dispositionem quampiam animæ, quæ mediocritatis, & tranquillitatis cuiusdam speciem præ se ferat: re vera autem sit vitiosissima, dicaturque tepiditas ob apparentem pacem, vituperetur autem omnium maximè, ob verissima, & maximè latentia vitia. Quæ autem sit hæc dispositio, optimè mihi videtur Aristo. explicasse 7. Ethicorum ad Nicomachum, continentis ac incontinentis, & temperan-



tis, ac intemperantis rationes exponens, atque differentiam. Nimirum dicit intemperantiam, & incontinentiam (eadem est contrariorum ratio) circa eadem versari. Nam Speciatim ac propriè acceptis his nominibus, versantur circa voluptates tactus, & gustus, neque quidem circa omnes tactiles, sed solum circa venereas: itaque circa ingluuiem, & venerè: translatiè verò & latius patentibus nominibus, versantur circa omnem dolorem, & voluptatem, atque ut est incontinens cibi, & potus, & lasciuia, est etiam incontinens ira, & cupiditatis diuitiarum, & honorum. In quocunque horum generum est perturbatio animi, & ipsum peccatum, & vitium per quod peccatur. Velut est ira, & vitio, & ipsum vitium animi, per quod homo spontè sua deliberat vlcisci. Non esse autem idem, iram & illud vitium, constat, quia multi etsi irascuntur abstinēt à vindicta, quia sunt probi. Est igitur virtus quæ obstitit iræ. Cum ergo ira & virtus illa non sint in eodem genere proximo, quia virtus est affectus in anima permanens, habitus scilicet; ira autem passio, constat præter iram esse vitium quoddam, illi virtuti contrarium, in eo qui irascitur, & cum deliberatione, & spontè vlciscitur, aut vlcisci vult. Cum tamen sint hæc tria, ira, vindicta, & illud vitium, constat malignitatem per se non esse nisi in illo vitio. Nam vindicta potest esse bona, ut vindicauit Moyses in fratres suos. Ira quoque nam in satelitium recte rationis data est hominibus à Deo. Vitium verò nunquam potest esse bonum, quia est per se malum. Dicit ergo Arist. temperantiam & intemperantiam versari circa actiones bonas, aut malas; continentiam & incontinentiam potius circa ipsas passiones, & perturbaciones, siue animi, siue corporis. Animi dico, ut circa iram, gaudium, & cupiditates diuitiarum, aut honoris; corporis, ut circa carnis lasciuiam, seu pruritus, & cupiditates cibi aut potus. Temperans enim

est, qui & si irritetur commoueturque temperat à crimine  
 intemperans qui non temperat, utcumque habeat circa irrita-  
 tionem. Incontinens verò aut continens, potius propter  
 perturbationes dicitur. Est enim incontinens, qui leuiter,  
 & ob quacunque irritamenta perturbatur, ut qui de quavis  
 leuicula causa. Irascitur, aut prurit, aut concupiscit. Itaque  
 qui conspecta muliercula non se videtur posse continere, sed  
 citra deliberationem mox irruit, ita verò aut irascitur, aut ut-  
 cunque aliter patitur, incontinens est. Continens contra,  
 qui talis est, ut minus etiam quàm homines solent perturbe-  
 tur, quacunque occurrant irritamenta. Ex his definitioni-  
 bus constat, continentiam, & incontinentiam, quodammo-  
 do non esse virtutem, neque vitium, quia per se non versan-  
 tur circa actiones bonas, aut malas, sed circa passionem, quæ na-  
 tura indifferentes sunt. Præterea incontinentia, & contra-  
 rium, nascuntur sæpè ex cuiusque hominis temperamento,  
 aut compositione, denique ex natura, ob quàm neque lau-  
 de, neque vituperio dignus est homo, ob ea autem sunt ve-  
 ra vitia aut virtutes, merito vituperatur quis aut laudatur.  
 Verbi gratia, culpa non est in ira, sed in vindicta. Ira verò  
 fugienda est, quia est animæ perturbatio, cum qua per diffi-  
 le est, à vindicta velle abstinere. Per se autem culpa est, in  
 vindictæ cupiditate spontanea, & cum deliberatione. Dixi ve-  
 rò incontinentiam quodammodo non esse vitium, neque  
 continentiam virtutem, quia quodammodo etiam sunt. Sæ-  
 pè enim illi naturali, siue impotentia, siue potentia, admi-  
 scetur aliquid voluntarij. Ut qui facile irascitur, non tamen  
 omnino penitet leuiter admissæ iræ. Is enim iam non merà  
 habet incontinentiam, sed intemperantiæ etiam aliquid &  
 vitij, quatenus vult, & delectatur. Ita etiam continentia quæ  
 non venit ex natura, sed hac repugnante, usu comparata est,  
 timore



timore Dei aut amore, ea maxima temperantia, & eximia virtus est. Itaque signum incontinentiæ meræ, & quæ nihil habuit culpæ, est, mox à sedata perturbatione penitentia vera conceptæ perturbationis. Contra si quis incontinenter est iratus, postea verò illum perturbationis non penitet, ac multò magis, si quem iratus læsit, evidenti argumento est, aliquid ibi fuisse vitiosæ voluntatis, & culpæ. Cum igitur quispiam iratus est, quantumvis vehementer, nullum tamen læsit, aut non spontè, & cum deliberatione, & illum cito incontinentiæ illius penitet, in nulla culpa est. Quod apertè satis insinuant illa verba Psalmi quarti. Irascimini & nolite peccare, quæ dicitis in cordibus vestris, & in cubilibus vestris compungimini. Quasi dicat, cum irascimini (id quod natura hominibus inest) nolite peccare, id est, opere exequi, aut cum deliberatione velle, ea quæ in cordibus vestris dicitis cū estis irati, quæ scilicet, comminamini, sed ab iniurijs temperantes postea in vestris cubilibus; vbi sedari consuevit hominum animus, compungimini, & penitentiam agite conceptæ iræ. Ita enim ob naturalem quidem debilitatem egeritis incontinenter, non eritis autem in culpa. Ex his quæ dicta sunt, constat, temperantium, & intemperantium posse esse quatuor modos. Nam potest esse quis temperans simul, & continens qui scilicet, minus perturbatur quàm homines solèt, simulq; à peccatis abstinet. Potest etiam esse incontinens, sed temperans, qui etsi ob naturale vitium, aut inneteratam consuetudinem, eorum quibus cum vixit, vt domus, aut urbis, aut gentis facile irritatur, à committendis peccatis abstinet, cum locum deliberationi passio concedit. Intemperantium quoque sunt duo modi. Nam potest esse quis simul incontinens, & intemperans, qui quacunq; occasione perturbetur, & quidvis opere exequatur, non primo solum impetu, sed etiam postquam

postquam deliberandi tempus aliquod nactus est, neq; cum  
facti penitet; potest etiam esse intemperans, etsi non sit incō  
tinens, qui scilicet, non admodum permouetur, neque irri  
tatur in occasionibus: imperturbatus verò, & extra irritatio  
nem, nihilominus committit peccata. Horum quatuor, duos  
quidem constat studiosos esse, temperantes scilicet siue con  
tinentes etiam sint, siue secus: Atqui & si multitudini viden  
tur esse meliores longè, qui continentes simul sunt & tempe  
rantes, reuera tamen non semper ita est, sed tunc solum, cū  
continētia meditatione virtutis cōparata est, aut incontinen  
tia culpa est contracta. Si enim tam continentia, quàm incō  
tinentia naturalis est, aut gentilis, melior multo est tempera  
tus incontinens, quia longè maioris difficultatis est, cum ea  
incontinentia temperare; difficultas vcrò nulla sua culpa or  
ta est. Duos alios constat esse vitiosos, & prauos intemperan  
tes, s. quorum, ij qui simul sunt, & incontinentes, vulgo viden  
tur esse deteriores, reuera aut sunt tollerabiliōres Reliqui. n.  
qui. s. sine incōtinentia sunt intēperātes, oīum sunt pessimi.  
idq; multis de causis. Primum quidem, quia quod quis cum  
minori perturbatione, eò peccat cum maiori libertate, & de  
liberatione. Passio enim libertati detrahīt, adeo vt nonnun  
quam in ipso primo impetu omnino tollat. Cum igitur ma  
lignitas in libertate operandi consistat, malignior sit is, qui  
sine perturbationibus, transgreditur nihilominus recte ratio  
nis fines. Atque vt dicitur Ecclesiastici 19. Melior est homo  
qui minuitur sapientia, & deficiens sensu in timore domini,  
quàm qui abundat sensu, & transgreditur legem altissimi. Is  
certè est de quo dicitur Prouerb. decimo. Quasi per risum  
stultus committit scelus. Deinde, & quia est insanabilior, id  
que etiam multis de causis. Primum quia peccatorum me  
della, vt idem Arist. loco citato apertè dicit, penitentia est,

hunc



hunc verò rarò facti penitet, qui cum peccauerit imperturbatus, in eadem voluntate persistit. Deinde, quia hic non agnoscit propriam culpam, sed eadem causa, qua vulgo videtur minus malus quàm incontinens, sibi videtur etiam esse bonus. Adeo vt dicat Aristot. 2. Magnorum moralium cap. 6. in talibus corruptum esse principium, hoc est, rationem & mentem, eoq; in prauis rationem aliquam magni boni coniectare, velut Dionisius, Phalaris, & Clearchus, haud dubie immaniter peccantes, illustria facinora coniectabant. Neque enim per iram ea semper patrabant, sed plerunque per errorem talem; multi etiam mulieribus abutuntur non per amorem, neque verò admodum per pruritum, sed per licentiam, & corruptionem principij, quapropter neque peccata sua satis agnoscunt. Nam perturbationes, vt ira, & tentigo, & reliquæ cupiditates manifestæ admodum passionnes sunt, & ei qui patitur, & intuentibus. Peccata verò sine perturbationibus latent, quia nullam per sese sensibilem notam præstant, cum præcipuè non finiuntur in externa opera. Hinc nascitur tanta illa difficultas agnoscendi peccata, quæ Dauidem in illa verba fecit prorumpere. Delicta quis intelligit? ab occultis meis munda me domine. In hos igitur quos omnium esse pessimos dicit Arist. optime quadrant illa verba capitis duodecimi Prouerb. Via stulti recta in oculis eius. Quomodo igitur curationem quæret, qui se putat bene valere? est itaque hic pessimus, & quia re ipsa malignior, & quia incurabilior, deinde & quia inexcusabilis; nō enim habet perturbationes quas causetur, sed ob solum legis & virtutis contemptum, quasi nihil intersit ita aut aliter agere - imperturbatè, ac proinde inemendabiliter peccat. In hoc genere sunt simulatores, & callidi, parati scilicet, ad prodictiones fratrum, urbium, & regnorū, qui (vt dicitur Iob 16.)

N n n n pro-

prouocant iram Dei. Nam vt dicitur Prouerb. 12. Qui statim indicat iram suam fatuus est ( nimirum , vt Arist. indicat cap. decimo septimi Ethicorum, incontinens non potest esse prudens ) qui verò dissimulat iniuriam ( vt scilicet vlciscatur melius ) callidus est. In hoc etiam genere sunt hypocritæ, qui speciem virtutis præ se ferentes, alios primùm, deinde & se ipsos aliquando seducunt. hos vocat Sanctus Spiritus tepidos, quia neq; boni sunt, neq; conspicuè mali, cum reuera sint omnium pessimi. hos euomit Deus, atq; a se reijcit, & indurat, traditq; non rarò in reprobum sensum. Ergo inquit, vtinam calidus, aut frigidus esses, hoc est, bonus, aut apertè malus, & perturbationibus plenus, vt ijs sedatis ageres pœnitentiam, ac resipisceres, sed quia tepidus es, hoc est sub specie boni iniquus & impenitens, & legis contemptor, incipiam te euomere, velut qui tepida deglutierunt iuscula. Tu autem domine miserere nostri.

## CAPVT NONAGESIMVM

## PRIMUM.



A P. 21. Apocalypsis. Ego sum α, & ω initium, & finis, quæ eadem verba repetuntur Cap. vltimo. Additis his duabus voculis, Primus & Nouissimus, quæ ad philosophiam non videntur pertinere, sed grandius aliquod continere arcanum fidei, quæ est Domini nostri IESV Christi. Priora verò illa à Deo prolata, rationem mihi videntur habere naturalem, & consonare cum illis decimi sexti capitis Prouerb. Vniuersa propter semetipsum operatus est Dominus. Itaq; est Deus vniuersorum principium & finis,



nis, quia ab ipso & propter ipsum facta sunt. Ab ipso quidem facta esse omnia super caput primum Genescos, quod huius operis est primum, firmissimis, ut mihi videtur, argumentis est indicatum. Superest ut qui in principio, principium esse rerum ostendimus, iam nunc in fine, finem esse indicemus. Erunt autem nobis hinc positiones, quæ illic sunt indicata: nimirum mundum hunc vniuersum factum esse, neque ab æterno extitisse, factumq; ab vno quodam principio quod æternum, vnicum, simplicissimum, idemq; potentissimum, sapientissimum, & optimū, pulcherrimumq; His positis, fit, illum mūdi opificem sui ipsius gratia fecisse vniuersa, esseq; & principium à quo omnia, & finē, cuius gratia effecta sunt. Nam aut fecit mundū alicuius gratia, aut temerè. Operari autē temere nō cadit in sapientē, fecit ergo alicuius gratia. Id verò cuius gratia aliquid fit, melius esse debet q̃ ipsum quod fit, ut sanitas quā medicina, & habitatio quā domus. Boni. n. gratia fiunt, quæcunq; alicuius gratia fiunt, à causa non errante; & ipsa ratio finis, est ratio boni. Igitur id cuius gratia Deus fecit vniuersa, melius est vniuersis que facta sunt, non factum autem nihil est præter ipsum Deum. Ipse met igitur est finis, qui & principium. Dices fortasse, Deum cum sit summum infinitumq; bonum, esse etiam sibi sufficientissimum, atq; nullam boni accessionem posse recipere, ac proinde nullius gratia operari, cuius enim gratia operetur, qui nulla re indiget? atque si quam maximè alicuius gratia, certe non sui ipsius, cum nihil possit sibi comparare, sed gratia aliorum, ut forte rerum ipsarum quæ fiunt, ut scilicet, sint, quia res ipsas esse, quā non esse, melius est illis. Itaq; sit finis fiendi ipsum esse, sicut rei cuiusq; generatio finitur in eius formam. Ita est profecto, res factę sunt ut sint, sed hinc rursus efficitur, quod asserimus. Nam cur Deus vo-

luit eas esse? an non quia melius erat, quàm non esse? igitur ut illis benefaceret. Sed cur voluit benefacere? an non quoniam bonus. Igitur postremus rerum faciendarum finis, ut effector benefaceret, secundum quod bonus est. Is autem finis est in ipso principio, sua gloria. Deus igitur ipse est finis ultimus rerum omnium. Dico ultimus quia singularum rerum, sunt singuli fines proximi. nam res ipse sunt aliae propter alias, postremo verò omnia deuoluuntur ad vnum finem. Porro eisdem argumentis quibus effectum est, vnicum esse rerum omnium principium, omniaq; ab vno fluere, efficitur vnicum etiam esse finem: nimirum ex vnitatem & perfectionem vniuersi: multo enim magis dissoluit vnitatem & perfectionem multitudo finium ultimorum, & qui non ordine feruntur in vnicum, quàm principiorum. Esse enim & perfectio rei ex fine magis pendet, quàm ex vlla alia causarum. Necesse est igitur, siquidem mundus est vnus, pulcher, ornatus (vnde & nomen accepit) & perfectus, vnicum esse rerum vniuersarum finem. Vnicus autem, omnium non potest esse vlla rerum effectarum. Nam aut ipsius esset alius finis, aut nullus. Si nullus, ea res esset facta temerè, quod non minus est absurdum, quàm ita esse facta omnia. Sin esset alius, is alius esset ultimus finis omnium. Si enim est finis proximus eius, quod est finis aliorum omnium, est simpliciter ultimus omnium. Ille igitur, aut esset res creata, aut ipse Deus; si creata, redit eadem dubitatio, & in infinitum ibitur. Necesse est igitur stare in fine increato, qui est ipse Deus. Si igitur alia omnia facta sunt propter hominem, ipsum hominem necesse est factum esse propter Deum, atq; ordine quodam extitisse alia propter alia, postremo verò omnia propter Deum, ut prata irrigua propter pabula, hęc propter pecora, hęc propter hominem, hominem propter Deum. Igitur



tur si mundum oportet esse perfectum, & vnum, oportet etiam ab vno principio fluere, & in vnum finem ferri. Non potest autem differre ille finis, ab illo principio. Nam cum indicatum sit seorsum, neque principium, neque finem posse esse creatum; fieret vt essent duo æterna. Indicatum autem est antea, quod & nunc ponitur, quod æternum, esse vnicum & simplicissimum: necesse ergo est idem, esse vniuersorum principium & finem. Sed & ipsa forma aspectabilis mundi, ob ipsam rerum necessariam concinnitatem, hoc idem indicat. Velut enim ipsum mundi corpus, quod conspiciamus, perfectissima figura, hoc est circulari, est, & incessanter circumuoluitur, ita necesse est ipsam rerum seriem, non in rectum ferri, sine fine, vt quæ imperfecta sunt, sed circulum imitari, finiriq; vnde cepit. Nam quod huiusmodi, est perfectum & infinitum. Perfectum quidem, quia finitum suo ipsius principio, infinitum verò, quia nullibi intercisum, & pendens, vt quod recta producitur. Indicatum verò antea est multis argumentis, Cap. quod de Philosophia Pythagorea inscripsimus, in hac vniuersitate rerum, quæ ab æterno fluxit exemplari, quod penes Deum est ipse Deus, concinnitatem habere perfectâ, & ad se singula, & inter se, Arithmetica, Geometrica, Physica, & Methaphisica entia, ex eaque concinnitate nasci mirabilem quandam perfectionem, quæ est ipsa forma & ratio vniuersitatis. Eloquamur igitur iam, vt in libri calce decet, aperte, principia & causas totius vniuersitatis, & rerum singularum. Cum sint generatim quinque causarum genera, efficiens, materia, forma, finis, & exemplar: vniuersitatis totius creandæ materia, nulla fuit ex qua, siquidẽ ex nihilo est facta, nunc autem immanens materia sunt eius partes: efficiens verò, & finis, & exemplar, est ipse Deus. For-

ma quidem eius non est Deus (etsi aliquibus veterum id quoq; visum est) forma enim, essentia, & quod quid erat esse rei, est, mundus verò non est Deus. Neq; verò est anima mundi, quam Plato inuexit, censens mūdum animal quoddam esse perfectissimum, & sapientissimum. Nam ne animal quidem est, vt Arist. multis firmissimisq; argumentis ostendit, & omnium iam philosophorum communis sententia est. Sed illa aptissima omnium ad omnia coaptatio, & ordinatissima concinnitas, quæ facit ipsam verè vnā, ac perfectā, ipsa illius forma est. Est verò non accidentalis, vt, lignorum, & lapidum dispositio talis est forma domus, sed substantialis. siquidem vniuersitas vna substantia perfecta est, vocariq; potest illa, vniuersalis natura, quæ adeo est ipsum mundi esse, vt quin mundus deficiat, deficere illa vnitas, & coordinationis appetitus non possit. Hinc fluunt omnes motus, & quietes, ac deniq; omnes naturales actiones, & passionēs, quæ cōmunes æque rebus omnibus sunt. Moueri scilicet, & quiescere, vtcunq; expedit ad retinendam continuitatem, & rerum ordinem: velut quæ cuiq; rei sunt propriæ, fluunt ex cuiusq; rei peculiari natura, velut calfacere, aut calefieri, refrigerare, aut refrigerari, durare, aut durari, mollire, aut emolliri, trahere, aut trahi, repellere, aut repelli, aut quiduis aliud eiusmodi facere, aut pati. Itaq; vniuersitatis totius hæ sunt causæ. Singulæ autē res ab vniuersitate discrepant: primū quidē, quod eorū plurima habent materiā ex qua fiunt, non immanentē, quod vniuersitati repugnat. Nā cū vniuersitas constet ex omnibus rebus creatis, nihil potuit esse ante ipsam quod in eius creatio nem infumeret, alioqui fiens desineret esse vniuersitas. Quare vel ipsa ratio vniuersitatis exigit, vt facta sit ex nihilo. Aliarū verò rerū, artificiales quidē oēs, siue homogeneæ, siue ætherogeneæ, sunt ex materia immanente, & nulla (nisi per accidēs, vt si



vt si fit ex arca mensa)desinente,hac in parte quodāmodo similes vniuersitati,vt lectus ex cedro, mensa ex nuce, arca ex pinu, statua ex ære, domus ex lateribus, lignis, tegulis & calce: nauis ex tabulis, trabibus, & ferramentis. Naturales verò, omnes quæ ætherogenæ, habent materiam vtranq;, aliā ex qua desinentem, vt animal fit ex semine aut ouo desinentibus, & ex carne, osse, neruo, medulla, & pelle, manentibus: arbor ex nucleo desinente, radice, cortice, ligno, fibrisq;, manentibus. Ipse verò homogenæ, quæ summe tales sunt, actu immanētem nullā materiā habent, nisi fortè potentia: fiunt verò aliæ ex alijs desinentibus, vt ex arena lapis, ex lapide rursum arena, accedente, & recedente humore. Discrepant etiam vniuersitas & res singulæ, efficiente & fine. Quòd vniuersitatis solus Deus est effector primus & proximus, & finis vltimus & proximus, quia inter Deum & vniuersitatem nihil potest interesse. Cum vniuersitas sit òmnia præter Deum. Singulorum verò sunt aliæ causæ effectrices, & aliæ finales proximæ, nisi fortè hominis, qui hac ratione videtur conuenire cum vniuersitate, (ipse non alia ratione potius microcosmus nuncupatus) quòd propter solum Deum effectus est. Dico autem secundum speciem. Nam in singulari cuiusque generatione fuit proximus finis, speciei productio. Itaque Deus est prima & vltima causa omnium, proximus verò effector vniuersitatis, finis tamen & vltimus simul & proximus vniuersitatis, & solius hominis secundum speciem. Quod ad formam attinet nullum est discrimen. Nam & vniuersitatis, & rei cuiusque forma est sua ratio, & ipsum rei esse. Exemplaris causa eadem est vniuersitatis & rerum omnium secundum speciem, vt hominis, equi, & bouis, puta Deus: singularum verò generationum non est causa vlla exemplaris. Neque enim

enim æ. ignis fecit æ. ignem ad exemplar, sed naturaliter in nihil intuens. Homo quoque ab homine fit sine exemplari, sed naturaliter. Nam tametsi intuitus rei cuiuspiam, faciat id quod gignitur simile, vt de virgis Iacob discentes recepi-  
mus, causa non est in imitatione, vt cum transcribitur ali-  
quid ab exemplari, sed in similitudine quam cogitantis ani-  
ma induit, vt illo loco explicauimus. En finis totius Philoso-  
phiæ naturæ, cognitio scilicet causarum, quæ omnes cum ad  
ipsum summum Deum deuoluantur, ipso existente, totius  
vniuersitatis, & rerum in ea omnium æ. à quo primo fluunt,  
vt à principio & exemplari, & æ. in quem finē feruntur, con-  
stat, quam recta via tendat, immo quam proximè accedat  
naturalis contemplatio in Dei Opt. Max. contemplationē.  
Qui vt est mundi totius, fuerit mihi huius operis princi-  
pium sitque

F I N I S.

---

AVGVSTÆ TAVRINORVM.

*Apud Hæredem Nicolai Benilaqua, 1587.*



# INDEX

## TOTIVS OPERIS



### Admonitio.

Vbi ( amice lector ) hanc notam inueneris [ & seq. ] diligenter attendeq; lege, siquidem multa & præclara videbis ab auctore animaduersa fuisse. hoc te monitum volo. Tu vale, & tanti viri ingenio, ac doctrina excellenti fruiere. Loca scripturæ sacra ab auctore tractata in Indicem non retulimus, quod sacri voluminis librorum ordinem persequatur.



|                                        |                                                                                                                                                                                                                                            |            |
|----------------------------------------|--------------------------------------------------------------------------------------------------------------------------------------------------------------------------------------------------------------------------------------------|------------|
| <i>Blasphationis tempus. fo. 613</i>   | <i>Alopecia.</i>                                                                                                                                                                                                                           | <i>178</i> |
| <i>&amp; seq.</i>                      | <i>Alteratio duplex.</i>                                                                                                                                                                                                                   | <i>104</i> |
| <i>Abortus quando fiant. 136</i>       | <i>Amyli utilitas.</i>                                                                                                                                                                                                                     | <i>299</i> |
| <i>Abyssus. 465</i>                    | <i>Anacreontis mors.</i>                                                                                                                                                                                                                   | <i>320</i> |
| <i>Aceti in nitro soluti vis. 452</i>  | <i>Angelica saluatio.</i>                                                                                                                                                                                                                  | <i>67</i>  |
| <i>Accipitrum natura 428</i>           | <i>Angelorum apparentia.</i>                                                                                                                                                                                                               | <i>82</i>  |
| <i>Achores. 176</i>                    | <i>Angelorum cursus.</i>                                                                                                                                                                                                                   | <i>277</i> |
| <i>Aëtus quomodo separabilis.</i>      | <i>Angelorum motus &amp; locus. 308. &amp; seq.</i>                                                                                                                                                                                        |            |
| <i>Adamas. 359</i>                     | <i>Angeli creatores Platoni. 483 &amp; seq.</i>                                                                                                                                                                                            |            |
| <i>Adami statua lutea. 84</i>          | <i>Animalium cognitio. 410.</i>                                                                                                                                                                                                            |            |
| <i>Adamus sine morbo creatus. 24</i>   | <i>Motus. 325. Differentia 151. Morbi 317. Gradus. 691. Actiones, &amp; passiones. 187</i>                                                                                                                                                 |            |
| <i>Adultera maledictio. 136</i>        | <i>Animalia perfecta sanguinea. 99</i>                                                                                                                                                                                                     |            |
| <i>Aëris motus circularis. 457</i>     | <i>Animalium nullum immortale. 168</i>                                                                                                                                                                                                     |            |
| <i>In aëre nihil gignitur. 53</i>      | <i>Animalia ex excrementis. 24</i>                                                                                                                                                                                                         |            |
| <i>Aëris materia proxima. 54</i>       | <i>Animalia ante semina. 44</i>                                                                                                                                                                                                            |            |
| <i>Aër pro calo. 24</i>                | <i>Anima an ex Dei substantia. 60</i>                                                                                                                                                                                                      |            |
| <i>Aëris temperies. 53. &amp; seq.</i> | <i>Animarum transmigratio. 77. &amp; seq.</i>                                                                                                                                                                                              |            |
| <i>Aequalitas 499</i>                  | <i>Anima motus in morbis. 80</i>                                                                                                                                                                                                           |            |
| <i>Aequilibris. 591</i>                | <i>Anima immortalis. 82. ex quo 82. 83. quid 122. quorum principium 64. 85. 90. Natura gemina 88. inorganica ibid. omnia quodammodo 128. quaido imperfecta. 91. antiquior corpore. 92. an sanguis. 94. quomodo in sanguine, 92 vis 98.</i> |            |
| <i>Aëstus noxa. 321</i>                | <i>Anima due Philoni. 94</i>                                                                                                                                                                                                               |            |
| <i>Aëstui calores vnde. 200</i>        | <i>Anima assistentis refutatio. 90</i>                                                                                                                                                                                                     |            |
| <i>Aeternitas quid. 38</i>             | <i>Animam que forme præcedant. 122</i>                                                                                                                                                                                                     |            |
| <i>Aeterna quæ Platoni. 56</i>         | <i>Anni climaterici. 109</i>                                                                                                                                                                                                               |            |
| <i>Aeternum vnum solum. 47</i>         |                                                                                                                                                                                                                                            |            |
| <i>Aeternum pro longo. 102</i>         |                                                                                                                                                                                                                                            |            |
| <i>Agarici malignitas. 642</i>         |                                                                                                                                                                                                                                            |            |
| <i>Albugo. 312</i>                     |                                                                                                                                                                                                                                            |            |
| <i>Alfonsi regis tabula. 420</i>       |                                                                                                                                                                                                                                            |            |
| <i>Alexipharmaca. 590</i>              |                                                                                                                                                                                                                                            |            |
| <i>Alga</i>                            |                                                                                                                                                                                                                                            |            |

# INDEX.

|                                                             |                                                                                                                       |                        |
|-------------------------------------------------------------|-----------------------------------------------------------------------------------------------------------------------|------------------------|
| <i>Anni partes. 1</i> <u>32.</u> <i>earum cum diei par-</i> | <i>Et sequenti.</i>                                                                                                   |                        |
| <i>tibus comparatio. ibi d.</i>                             | <i>Atheorum reprehensio.</i>                                                                                          | <u>445</u>             |
| <i>Anni decretorij</i>                                      | <i>Atlanticum mare.</i>                                                                                               | <u>323</u>             |
| <i>Annorum supputatio.</i>                                  | <i>Auctoris edita volumina.</i>                                                                                       | <u>2</u>               |
| <i>Annus magnus.</i>                                        | <i>Auctoris protestatio.</i>                                                                                          | <u>3</u>               |
| <i>Antipathia naturalis.</i>                                | <i>Anaritie contraria.</i>                                                                                            | <u>385</u>             |
| <i>Antipode.</i>                                            | <i>Aurifera prouincia.</i>                                                                                            | <u>363</u>             |
| <i>Appetitus peccati.</i>                                   | <i>Aurum consideratio.</i>                                                                                            | <u>440. 441.</u>       |
| <i>Apis taurus.</i>                                         | <i>Aures purgantia.</i>                                                                                               | <u>453</u>             |
| <i>Apologus de lignis regē petentibus.</i>                  | <i>Aues in qua aeris parte volent.</i>                                                                                | <u>54</u>              |
| <i>Apoplectici.</i>                                         | <i>Animum temperamentum.</i>                                                                                          | <u>ibid.</u>           |
| <i>Apolophanes philosophus.</i>                             | <i>Sicitas.</i>                                                                                                       | <u>52</u>              |
| <i>Aqua principium frigidorum.</i>                          | <i>Aues ignea.</i>                                                                                                    | <u>52</u>              |
| <i>generationis mater. 25. duplex.</i>                      | <i>Aues rapaces.</i>                                                                                                  | <u>428</u>             |
| <i>Congregatio. ibid. maior terra.</i>                      | <i>Aues insaufa.</i>                                                                                                  | <u>429</u>             |
| <i>Aquarum dulcedo. 1</i> <u>41. 42.</u> <i>differe-</i>    | <i>Aufter</i>                                                                                                         | <u>154</u>             |
| <i>tia. 462.</i>                                            |                                                                                                                       |                        |
| <i>Aqua cur fluxilis</i> <u>29. 30.</u> <i>Facunda ibi.</i> |  <i>Alnea quibus interdicta. 219</i> |                        |
| <i>Aque motus.</i>                                          | <i>Baptismus abortiuorum. 602</i>                                                                                     |                        |
| <i>Aqua falsa nocumenta.</i>                                | <i>Basiliscus.</i>                                                                                                    | <u>512</u>             |
| <i>Aque sale iniecto curata.</i>                            | <i>Beatitudo in quo sita.</i>                                                                                         | <u>630</u>             |
| <i>Aqua supra firmamentum.</i>                              | <i>Bezaar lapis.</i>                                                                                                  | <u>590</u>             |
| <i>Aque frigide potus</i>                                   | <i>Binarium rerum principium.</i>                                                                                     | <u>594</u>             |
| <i>Aque, &amp; terre globus.</i>                            | <i>Binarij imperfectio.</i>                                                                                           | <u>163</u>             |
| <i>Aque creatio.</i>                                        | <i>Bonum.</i>                                                                                                         | <u>61</u>              |
| <i>Aquila.</i>                                              | <i>Bonus non inuider.</i>                                                                                             | <u>18</u>              |
| <i>Aquilarum genera. ibi. &amp;</i> <u>429</u>              | <i>Boreas.</i>                                                                                                        | <u>371</u>             |
| <i>Aquilo</i>                                               | <i>Brutorum anima.</i>                                                                                                | <u>98</u>              |
| <i>Arborum ortus.</i>                                       | <i>Brutorum opera.</i>                                                                                                | <u>122</u>             |
| <i>Ardea</i>                                                | <i>Bruta cur presentiant.</i>                                                                                         | <u>256</u>             |
| <i>Aristotelis laus.</i>                                    | <i>Bruta libertate carent.</i>                                                                                        | <u>324</u>             |
| <i>Aron.</i>                                                | <i>Bruta quomodo rationabilia.</i>                                                                                    | <u>325</u>             |
| <i>Ars naturam imittatur.</i>                               | <i>Bruta quomodo intelligant. 411. &amp; seq.</i>                                                                     |                        |
| <i>Arcturus</i>                                             | <i>&amp; 413. &amp; seq. quo à nostra ratione</i>                                                                     |                        |
| <i>Artis &amp; nature progressus.</i>                       | <i>differant. 415.</i>                                                                                                |                        |
| <i>Aselepiadis mors.</i>                                    |                                                                                                                       |                        |
| <i>Astra ignea. 36. in signa facta.</i>                     |  <i>Abaliffa. 66. eorum repre-</i> |                        |
| <i>Astrorum creatio. 37. vis. 263. distan-</i>              | <i>hensio.</i>                                                                                                        | <u>68</u>              |
| <i>tia.</i>                                                 | <i>Cebetis de anima sententia. 85</i>                                                                                 |                        |
| <i>Astris nihil cum fortuna.</i>                            | <i>Celum quid. 34. quando factum. 31</i>                                                                              |                        |
| <i>Astra non necessitant.</i>                               | <i>De calo multa.</i>                                                                                                 | <u>380. &amp; seq.</u> |
| <i>De astris praclara</i>                                   | <i>Cali interitus.</i>                                                                                                | <u>384. 634.</u>       |
| <i>Astrologia iudiciaria reprehensio. 261.</i>              | <i>Cali motus.</i>                                                                                                    | <u>263</u>             |
|                                                             | <i>Cali</i>                                                                                                           |                        |



# I N D E X.

|                                                |               |                                                      |             |
|------------------------------------------------|---------------|------------------------------------------------------|-------------|
| <i>Cali regularitas.</i>                       | 39            | <i>De circulari motu.</i>                            | 456. & seq. |
| <i>Cali &amp; astri differentia.</i>           | 38            | <i>Circuncisio.</i>                                  | 152         |
| <i>Cali imonatio.</i>                          | 480           | <i>Cynocephalus cur sacrificij nota.</i>             | 153         |
| <i>Calum chrysellinum.</i>                     | 36            | <i>Colochintidos natura.</i>                         | 292. & seq. |
| <i>Ceruorum industria.</i>                     | 424           | <i>Cogitationis principium.</i>                      | 89          |
| <i>Callyonimi piscis natura.</i>               | 318. & seq.   | <i>Cognoscentis &amp; cogniti similitudo.</i>        | 128         |
| <i>Caligines quæ.</i>                          | 349           | <i>Cometa.</i>                                       | 457         |
| <i>Calidum effluuium.</i>                      | 221           | <i>Cometa anni.</i>                                  | 1573. 41    |
| <i>Calidi me. aphorice qui.</i>                | 643           | <i>Conceptio qua die perfecta.</i>                   | 153. & seq. |
| <i>Calor duplex. 222. effectrix causa. 22.</i> |               | <i>Concoctio a quo.</i>                              | 28          |
| <i>Vis. 223. differentia. 225. auxilia.</i>    |               | <i>Concupiscentia non est peccatum.</i>              | 330         |
| <i>ibidem.</i>                                 |               | <i>Copernici reprehensio.</i>                        | 420. 458    |
| <i>Calor Solis quid.</i>                       | 32. 33. 223.  | <i>Congressus matutinus.</i>                         | 131         |
| <i>Calor calestis.</i>                         | 265. & seq.   | <i>Continui diuisibilitas.</i>                       | 8           |
| <i>Caluities.</i>                              | 177. & seq.   | <i>Continents &amp; incontinents ratio.</i>          | 645.        |
| <i>Canicie causa.</i>                          | 495           | <i>&amp; sequenti.</i>                               |             |
| <i>Caparis virtus. 490. Ortus. ibid.</i>       |               | <i>Contraria.</i>                                    | 181. & seq. |
| <i>Caricarum vires. 303. cataplasma. ibid.</i> |               | <i>Contrariis sublatis generatio tollitur. 21</i>    |             |
| <i>Carmina Phrygia.</i>                        | 222           | <i>&amp; sequenti.</i>                               |             |
| <i>Castor 75. Astutia. ibid.</i>               |               | <i>Contraria.</i>                                    | 181. & seq. |
| <i>Castori qui similes. ibid.</i>              |               | <i>Contrariis sublatis generatio tollitur. 22</i>    |             |
| <i>Causarum naturalis ordo.</i>                |               | <i>Contraria quæ.</i>                                | 586         |
| <i>Causarum externarum vis.</i>                | 106           | <i>Contrarietas omnis ad unam reducitur.</i>         |             |
| <i>Cause prima facundia. 15.</i>               | 15            | <i>586. &amp; seq.</i>                               |             |
| <i>Cause procathartica.</i>                    | 555           | <i>Conservatio rerum.</i>                            | 72          |
| <i>Causonis generatio.</i>                     | 454           | <i>Cordis motus.</i>                                 | 265         |
| <i>Catacumbæ Nili.</i>                         | 430           | <i>Cor vitæ radix.</i>                               | 339         |
| <i>Catochus.</i>                               | 212           | <i>Cor primo gignitur.</i>                           | 43          |
| <i>Colore rubeo cur sanguis moueatur.</i>      |               | <i>Corpora celestia quorsum.</i>                     | 22          |
| <i>608. 629.</i>                               |               | <i>Corporis partes trina.</i>                        | 591         |
| <i>Coturnicum natura.</i>                      | 435           | <i>Corporis frigus.</i>                              | 222         |
| <i>Coturnicum nocumenta. ibid.</i>             |               | <i>Corporis exsiccatio.</i>                          | 104         |
| <i>Coturnicum cibum.</i>                       | 436           | <i>Corruptibilia non æterna.</i>                     | 7           |
| <i>Coturnices Hieroglyphicè quid. ibid.</i>    |               | <i>Corruptibilium communis natura.</i>               | 150         |
| <i>Chaos.</i>                                  | 22. 392. 398. | <i>Coruscationes.</i>                                | 305         |
| <i>Chaldeorum reprehensio.</i>                 | 220. 397.     | <i>Corui nidificatio, &amp; de eius pullis multa</i> |             |
| <i>Chile. 321. Chimista.</i>                   | 360           | <i>præclara.</i>                                     | 422. & seq. |
| <i>Chimicus ortus.</i>                         | 358           | <i>Creata sex diebus.</i>                            | 25          |
| <i>Chironiantis examen.</i>                    | 278. & seq.   | <i>Creata an erunt æterna.</i>                       | 482. & seq. |
| <i>Cibi conuallentes.</i>                      | 450           | <i>Creata in suis principijs quæ.</i>                | 25          |
| <i>Sine cibo quousque vita duret.</i>          | 454           | <i>Creata duplicia.</i>                              | 593         |
| <i>Ciborum differentia.</i>                    | 100. 105.     | <i>Creare quid.</i>                                  | 17. 18      |
| <i>Cicatrix depilis. 124. rubet. 125</i>       |               | <i>Creare duplex.</i>                                | 18          |

# I N D E X.

Critica de Anima opinio. 44  
 Cucurbita deserti. 298  
 Cultura vis. 298  
 Cutis vitia. 165  
 Causa. 166. & seq.



**D**æmones cur dicantur filij Dei.

112. An mulieres ament,

& congregiantur. 113.

& sequenti.

Dæmones quos inuadant. 220

quibus illudant. ibidem,

Dæmones Dei Simia. 240. 246.

Dæmonum responsa. 241

Dæmones religantur. 310. includuntur.

315.

Dæmones non sentiunt. 106

Dæmones quibus alliciantur. 148

Dæmones quibus fugentur. 150

De dæmonibus. 114. & seq.

Dare an beatus quam accipere. 628.

& sequenti.

Deus principium & finis. 650. & seq.

Deum esse probatur. 437

De Deo opiniones ibid.

Dei thronus. 61

Deus inalterabilis ibid. potentia infini-

tus. 15. Quibus delectari dicatur. 148

Deus quid ante mundum faceret. 12

Dei nomina. 137

Deus causa libera. 40

Deus indefinibilis. 138. Omnipotens.

444.

Deus omnia eminenter continet. 439.

& sequenti.

Dij geminum. 114

Deleteriorum diuersitas. 606

Dentes cur nobiscum non nascantur.

493.

Deriuatiua. 22

Dextri definitio. 51. perfectio. 329

Diaphanum quid. 421

De Dieta multa. 555. & seq. & 559.

& sequenti.

Diei naturalis partes. 132

Dies decretory. 110

Distillandi ratio. 334

Diarrhea maligna. 307

Dyonisius Arcopagita. 245

Disciplinarum adiumenta ex sacris li-

teris. 2

Disciplina qua principes. 584. qua mi-

nistra. ibid.

Diurnitium dispositiones. 255. 243

De diuinatione opiniones. 228

Diuinationum genera. ibid.

De diuinatione multa. 228. & seq.

Dolores cur die tertia grauissimi 134

138.

Draco diruptus. 606

Dualitatis natura. 593. & seq.



**E**fficientis ex antiquis commen-

datio. 208

Efficiens causarum prima. 49

Efficiens æternum. 47

Elegiaci qui. 496

Elementorum confusio. 27

Elementa quando creata. 24

Elementa actu nullibi. 22. 28

Elementorum impuritas. 27. 333

Elementorum nomina. 28. motus. ibid.

diuersitas. 336. forma. 22.

De Elementis 332. & seq. & 457.

Elementis sublati tollitur mixtio. 22

Elephantia. 172. & seq.

Elephas cur viso colore sanguineo irri-

retur. 607. & seq.

Ens & vnum conuertibilia. 12

Entis analogia. 139

Ente qua priora. 138

Epidimia causa. 188

Epilepsia. 211. signa. 213. manifesta-

tio. 219

Epileptici quando magis afficiantur. 554

Epoches. 424

Equi



# I N D E X.

*Equi natura.* 426  
*Esse pulchrum ac perfectum.* 14  
*Esse ex quibus.* 52  
*Essentia verum indiuidua.* 325  
*Est dupliciter dicitur.* 137  
*Esthiomenum.* 339  
*Eunuchi.* 194  
*Excrementa quando esse debeant copio-*  
*sa. 172. quid sint.* 347  
*Exercitationis utilitas.* 562  
*Exemplar mundi aeternum.* 47. 56  
*Exemplar hominis.* 58  
*Existentia sine essentia nulla.* 15  
*Exorcista 69. eorum vis. 79. 144. 214.*  
*Expiationum inuentio.* 217  
*Expurgatio a partu.* 157. 158  
*Extasis. 257. exempla. ibid.*



*Fabularum utilitas.* 74. 75  
*Fabula morales.* 76  
*Fabula serpentis & incanta-*  
*toris.*

*Facies plateae corporis.* 494  
*Facta simul omnia. 24. valde bona. 18*  
*Facta necessario in principio.* 21. 23.  
*Facultatum sedes. 122. Simpatbia. ibi.*  
*Fieri ex nihilo. nihil a finito potest. 16.*  
*Farina triticea vis.* 299  
*Fascinatio.* 504. & seq.  
*Fatum.* 149  
*Fatuorum diuinationes.* 256  
*Febris. 182. 187.*  
*Fellis vires.* 318  
*Fel terra. 298.*  
*Fermentum.* 149  
*Ferri natatio.* 299  
*Festum Purificationis.* 162  
*Ficum vires.* 303  
*Finis omnium Deus.* 47  
*Firmamentum quid sit. 23. 34.*  
*Flumina aurifera.* 358  
*Fluminalium aquarum vis.* 301  
*Fluxus & refluxus maris consideratio.*



2391. & sequenti.  
*Fontium generatio.* 463. & seq.  
*Fontium gflus.* 469  
*Forma nomina.* 521  
*Formae plures in vno. 83. earum esse ibi.*  
*actu aut potentia semper.* 24  
*Forma & finis & efficiens idem.* 49  
*Fetus variatio. 126. & seq. similitudo*  
*128. 130. exempla ibid.*  
*Fetus formationis tempus.* 157  
*Frigore sublato calor tollitur.* 22  
*Frigidi metaphoricè qui.* 644  
*Fulmina.* 365  
*De fulminibus.* 463. & seq. 31  
*Fulgur.* 31  
*Furor diuinus. 259. amatorius.* 515  
*Fusilium nulla mentio in creatione.* 23.  
*Futura nunquam.* 102  
*Futurorum cognitor solus Deus.* 240



*Gyates lapis.* 502  
*Galenus delusus. 80. de incan-*  
*tatione. ibid.*  
*Galli gallinaei natura. 419.*  
*& sequenti.*


*Ganges aurifer.* 358  
*Gaudio mortui.* 556  
*Gelu.* 368  
*Gemmarum nulla mentio in creatione.* 23  
*De gemmis.* 358  
*Generatio in quo.* 18. 202  
*Generatio a simili & dissimili.* 19  
*que ad materiam referantur. ibid.*  
*Generationis animalium triplex modus.* 20  
*Generationis pater & mater.* 28  
*Genita non necesse est interire.* 101  
*Generationis tempus. 122. materia. 123.*  
*Efficiens. ibid. 124. 130.*  
*Generatio ad femora refertur.* 126  
*Generationem antecedit corruptio.* 523  
*Generationes finiendae.* 639  
*Genealogia Christi.* 543. & seq.  
*Generum per opposita diuisio.* 595

# I N D E X:

|                                                                                                              |             |                                              |               |
|--------------------------------------------------------------------------------------------------------------|-------------|----------------------------------------------|---------------|
| Gigantum ortus.                                                                                              | 113         | Iecur cuius rei symbolum.                    | 150           |
| Gigantes cur pessimi.                                                                                        | 119         | Iesu nominis efficacia.                      | 29            |
| Glaciei consideratio.                                                                                        | 406. & seq. | Ignis an sit & quando creatus.               | 26            |
| Grandinis generatio.                                                                                         | 365         | Ignis motus.                                 | 28. 32        |
| De grandine.                                                                                                 | 406. & seq. | Ignis anima mundi. 28. generationis pa-      |               |
| De gravitate & leuitate.                                                                                     | 352. & seq. | ter. 29. per omnia fusus ibid.               |               |
|  Armonia celestis. 268. 421 |             | Ignis est spiritus ille incubans aquis. 29.  |               |
| De celesti harmonia contra                                                                                   |             | 30. 31. 32                                   |               |
| Pythagoram. 429. & seq.                                                                                      |             | Ignis necessitas ibid. natura insensibilis.  |               |
| Habitus & nature differen-                                                                                   |             | 30. 31.                                      |               |
| tia.                                                                                                         | 327         | Ignis vsus quando coeperit.                  | 31            |
| Hebraicarum vocum vsus in sacris. 66                                                                         |             | Ignis nullibi separatus.                     | 31. & seq.    |
| Hebdomadarum principium.                                                                                     | 40. 190     | Solem sequitur. 33. 457. quomodo nu-         |               |
| Heremitici curatio.                                                                                          | 65          | triat & erat ibid.                           |               |
| Hepatis egestio.                                                                                             | 307         | Ignis diuini amoris symbolum. 54. du-        |               |
| Herodius.                                                                                                    | 425         | plex. 36. 222.                               |               |
| Heroes.                                                                                                      | 114         | In igne animal non gignitur.                 | 53            |
| Hiena, & ex ea remedia.                                                                                      | 318         | Ignis semper calidus. 86. eternus. 102       |               |
| Hierosolymorum excidium.                                                                                     | 245. 547.   | Ignis vsus in sacris. 151. imputribilis. 188 |               |
| Hirundinis stercus.                                                                                          | 316. & seq. | Ignobilia primo creata.                      | 26            |
| Hydromantia.                                                                                                 | 286         | Ignorantia.                                  | 619. & seq.   |
| Hypericon.                                                                                                   | 144. 219    | Imaginationis vis ad morbos tollendos.       |               |
| Hypocrita pessimi.                                                                                           | 650.        | 80. ad formandum fetum.                      | 126           |
| Homo ex terra.                                                                                               | 12.         | Immortalitatis argm.                         | 417. 487. 126 |
| Homo ex clementis. 18. cur ultimo crea-                                                                      |             | Immunditiei uitande precepta.                | 164           |
| tus. 43. an sola anima. 59. 326. cur                                                                         |             | Impij cur prosperentur.                      | 445           |
| natura iners. 70.                                                                                            |             | Inanimatorum motus.                          | 346           |
| Hominis ortus quid imitetur.                                                                                 | 154         | Incantationes. 64. & seq. Incubi. 14         |               |
| Hominis & Dei contrarietas & simili-                                                                         |             | Incorruptibilia non ab eterno. 110. 111      |               |
| tudo. 322. & seq.                                                                                            |             | Indiuisibilitatis perfectio.                 | 340           |
| Hominis differentia propria.                                                                                 | 325         | Indiuiduatio.                                | 525           |
| Homo ex quo primum.                                                                                          | 336         | Infans sine doctore quo idiomate loqu-       |               |
| Hominum communis ortus.                                                                                      | 337.        | turus.                                       | 69            |
| Homogeneorum forma in homine.                                                                                | 84          | Infinitum in multitudine quomodo. 7. 8.      |               |
| Honoris gradus in Repub.                                                                                     | 583         | actu impossibile. 8. 9. in successione. 8    |               |
| Horologia artificata.                                                                                        | 39          | Infinito nihil maius.                        | 9             |
| Humiditas materialis causa.                                                                                  | 28          | Inflammationum malignitas.                   | 305           |
| Humores quomodo nutriant.                                                                                    | 114         | Influentia caelestes.                        | 262           |
| Humoris christallini agitatio visum im-                                                                      |             | Insomnia.                                    | 248. & seq.   |
| pedit.                                                                                                       | 216         | Insufflationis utilitas.                     | 296           |
|  Bi cum natura.           | 424         | Intelligendi modus.                          | 214           |
| Idea.                                                                                                        | 55. 56      | Intemperantes. 116. eorum vitia. 648         |               |
| Idiomatum origo.                                                                                             | 70          | Intestini ieiunii coactio ex inedia. 154.    |               |
|                                                                                                              |             | Intesti-                                     |               |



# I N D E X.

|                                                                                                             |                   |                                            |                   |
|-------------------------------------------------------------------------------------------------------------|-------------------|--------------------------------------------|-------------------|
| Intestinum cecum.                                                                                           | 592               | Luna macula.                               | 48                |
| Ira cur data.                                                                                               | 645               | Luna Hieroglyphice quid.                   | 555               |
| Iris semen.                                                                                                 | 21                | Lunaticorum consideratio.                  | 550. & seq.       |
| De Iride multa:                                                                                             | 119. & seq. & 600 | Lux.                                       | 402               |
| Iubilei consideratio.                                                                                       | 189. & seq.       | Lux an omnis à Sole.                       | 42                |
| Iudeorum opinio de sapientia.                                                                               | 60                | Lux ante Solem.                            | 39.42             |
| Iurisprudencia & medicina comparatio                                                                        |                   | Lux causa vita.                            | 43                |
| seu. & seq.                                                                                                 |                   | Lucis creatio.                             | 35                |
| De iustitia eiusq; partibus,                                                                                | 491. & seq.       | Lucis divisio. ibid.                       |                   |
| Iustus nimis quis.                                                                                          | 492               | Lycanthropia.                              | 213               |
|                                                                                                             |                   | Lymphatici.                                | 233               |
|  Ac ex quo & quomodo gene- |                   |                                            |                   |
| retur.                                                                                                      | 337               | Aiz.                                       | 205               |
| Lac suggere quandiu puer de-                                                                                |                   | Magi. 80. Marfi. 73                        |                   |
| beat.                                                                                                       | 612               | Magorū cōsuetudo. 68. 218                  |                   |
| Lachrymari quibus lachrymale signū.                                                                         | 496               | Magi cibos quosdam cur in-                 |                   |
| Lamiarū cū Dæmonib. familiaritas,                                                                           | 112               | terdicant.                                 | 219               |
| Lapis Lazuli.                                                                                               | 359               | Manna consideratio.                        | 432. & seq.       |
| Largitio liberalis.                                                                                         | 630               | Manna diuersitas.                          | 432               |
| Laferis ortus.                                                                                              | 20                | Mas perfectior femina.                     | 48                |
| Leguminum noxa.                                                                                             | 183               | Mare fecundissimum.                        | 29                |
| Leonis natura.                                                                                              | 422               | Maris æstus.                               | 391. & seq.       |
| Lepra. 166. & seq. iudicium ibid. explo-                                                                    |                   | Mare cur non crescat.                      | 462. & seq.       |
| ratio. 170. vestiendi & viuendi ra-                                                                         |                   | Cur agitur. 462. motus causa. 394.         |                   |
| tio. 179. curatio. 301.                                                                                     |                   | Termini. 395. 396                          |                   |
| Lex naturalis quid.                                                                                         | 419               | Marcor.                                    | 339               |
| Liberalitatis contrarium.                                                                                   | 588               | Materia prima.                             | 517. & seq.       |
| Liberalitas beatissima.                                                                                     | 633               | Materia immanētia & desinentia.            | 654               |
| Liberum arbitrium.                                                                                          | 89. 323           | Materia mera potentia.                     | 15                |
| Libri plumbei.                                                                                              | 363               | Materia sine forma nec est, nec intelligi- |                   |
| Ligna cur supernatent.                                                                                      | 32. 599           | tur. ibid.                                 |                   |
| De ligno vite disputatio.                                                                                   | 99. & seq.        | Materia æterna Platoni & Pythag.           | 6.                |
| Lingua vsus.                                                                                                | 68                | Materia propter formā. 4. Imperfecta. ib.  |                   |
| Localis motus primus.                                                                                       | 264               | Mathematici Italia pulsi.                  | 269               |
| Locorum naturalis ordo.                                                                                     | 353               | Mathematicorum vituperatio. ibid.          |                   |
| Logos quid.                                                                                                 | 412               | Maturatio.                                 | 336               |
| Loquella inuentio.                                                                                          | 70                | Medicina pars Ethica.                      | 560               |
| Lumen caeleste an causa.                                                                                    | 264               | De Medicina.                               | 566. & seq. & 305 |
| Luminis consideratio.                                                                                       | 398. & seq.       | Medicina & iurisprudentie collatio.        |                   |
| Lumen gloria.                                                                                               | 404               | 581. & seq.                                |                   |
| De Luna multa.                                                                                              | 550. & seq.       | Medicorum præmia.                          | 568               |
| Luna plenitudo.                                                                                             | 552               | Melancholicorum genera.                    | 604. 605          |
| Luna lumen. ibid.                                                                                           |                   | Melancholie remedia.                       | 209. vis. 218.    |

# I N D E X.

221.415. Ad animi morbos translatio. 529  
Mellis vsus. 149. 150. ortus. 25  
Meninx. 497  
Mens. 81. cur dicatur oculus. 617  
Menstrua. 123. quibus sistantur. 124.  
fluant. 123. 154. & seq. & 255. lēpus. 124. malignitas. 510. 513.  
Mensura quid. 529  
Mercurius fires facere creditur. 272  
Metallorum generatio. 20  
De metallis. 355. & seq.  
Metallorum genera. ibid.  
Meteorologicorum utilitas. 378  
Mielu quandiu cavere contingat. 498  
Michaelis archangeli pictura. 548  
Microcosmus. 58  
De mineralibus multa. 356. & seq.  
Mineralium nomina & genera ibid.  
Miraculorum ratio. 291. 297  
Miraculosa curatio. 302  
Mixtio. 727  
Monarchie. 545. translatio. 548  
Montium & collium in æqualitas. 450  
Monstra. 246  
Morborum ætas 109. circuitus. 135.  
Symptomata. 252. curadi ratio. 296  
contagia. 181. & seq.  
Morborum superstitiosa curationes. 64  
Morbi & atrq. 184  
Morbi a demonibus quomodo curandi.  
209. & seq.  
Morbi diuini. 306  
Morbandi prophetant. 260  
Mortis necessitas. 101  
Morum differentia vnde. 283  
Motus contrarij inter quæ. 22  
Motus celeritas nō mutat speciem. 25  
Motus animalium duplex. 98  
Motus difficultas & facilitas. 105  
Mulier propter virum. 45  
non ex semine. 50  
Mulier quando cœncipere desinet. 122.



& seq. excrementosa. ibid.  
Mundi exordium scire cur oēs cupiāt. 6.  
De mundi ortu philosophorum sententia  
6. & seq.  
Mundus ex rudi materia. 6  
Mundi æterna emanatio. 6  
Mūdi creatio per reuelationē habita. ibi.  
Mundus ex nihilo. 7. 13. 15. an totus in  
stanti. 40. Aeternus a parte pos. 7  
Mundi ortus probationes 7. & seq.  
Mundum esse ab æterno cōtradict. 10  
Mundi partes duplices. 7. 26. 42. 456.  
Mundi necessaria dependentia a quo. 11  
Mundi partium diuersitas. 41  
Mundus in fione factus. 15. eius pfectio.  
16. etates. 189. firmitas. 342. cur nō  
prius factus. 17  
Mundus intelligibilis. 59. 60.  
Mundus æternus & factus. 62  
Mundus enigma dicitur. 472. dispositio  
ni datus. 411  
De mundi fine egregia. 634. & seq.  
Mundus nouus. 641  
Munditiei uis. 184  
Musices vs. 209. eius i sacris vsus. 260  
Mutationis multiplicis causa. 268



Nabuchodonosoris metamorphosis. 604  
Nabuchodonosoris morbus  
tunc. 605  
Nascuntur non sata antiq. opin. 20  
Natalitia ex mari orta. 54  
Natura nihil frustra. 24  
Naturalia in scripturis sacris & mira-  
culis multa. 2. & toto opere.  
Nebula 347. & seq.  
Necromantia. 276  
Necromantia confutatio. 297. & seq.  
Neccsaria non omnia. 549  
Nervi cuius instrumenta. 497  
Nimbi prasagia. 624  
Niuis generatio. 365  
Nympha



# I N D E X.

|                                                                                                                    |                   |                                                    |                   |
|--------------------------------------------------------------------------------------------------------------------|-------------------|----------------------------------------------------|-------------------|
| Nympha virginea.                                                                                                   | 196               | Perfectum imperfecto prius.                        | 48                |
| Nomina an effectricia.                                                                                             | 64                | Pestis praeuiciationes.                            | 184. 247.         |
| Nomina ab Adamo imposita.                                                                                          | 81                | Pessimi qui. 649.                                  | Phantasmata. 214  |
| Nominis octauo die imponēdi rō.                                                                                    | 153               | Phlegmon.                                          | 182               |
| De Nominū significatione. 63. & seq.                                                                               |                   | Philosophiae naturale desiderium.                  | 473               |
| Non ens entis principium.                                                                                          | 12. 14            | Philosophorum de mundi exordio opinio-<br>nes.     | 5. & seq.         |
| Nubes. 347.                                                                                                        | Nubium lumen. 376 | Philosophorum sectae.                              | 473               |
| Nubium eleuatorum signum.                                                                                          | 624               | Philonis de hominis creatione sūa.                 | 59                |
| Nutritio quorum sit.                                                                                               | 96. 103           | Physiognomiae consideratio. 280. & seq.            |                   |
| Nutritionis necessitas.                                                                                            | 99. & seq.        | Physica cur ignorentur.                            | 478               |
| Nutritio quid.                                                                                                     | 199. 201. 103     | Physicorum utilitas.                               | 479               |
|  Culi natura.                     | 265               | Pbrenitis.                                         | 417               |
| Oculis medentia.                                                                                                   | 318               | Phthisis duplex.                                   | 307               |
| Oculorum fabrica.                                                                                                  | 441               | Pilorum temperamētū s. materia. 605                |                   |
| Oculus metaphoricè quid.                                                                                           | 617               | Pisium temperamentum.                              | 54                |
| Oculorum vires ad mala inferēda. 513                                                                               |                   | Pisces au sub terra.                               | 193               |
| Oinelei ortus.                                                                                                     | 25                | Platonis & veritatis de mundi ortu di-<br>scrimen. | 2                 |
| Oliuarum vbertas praedicta.                                                                                        | 275               | Plantarū generationis modus triplex. 20            |                   |
| Oleum quomodo noceat aut prosit vlc-<br>eribus.                                                                    | 625               | De Plātariū seminibus questio. 19. 21. 44          |                   |
| Operatio a natura & esse.                                                                                          | 11                | Plantis quae aquae noceant.                        | 295               |
| Ophyasis.                                                                                                          | 178               | Plonarum temperamentum.                            | 55                |
| Ophthalmiae contagium.                                                                                             | 513               | Pluuiam quae praenuncient.                         | 251               |
| Orbis regiones.                                                                                                    | 193               | Pluuiarum considerio.                              | 344. & seq.       |
| Orbis totus habitabilis.                                                                                           | 199               | Poli mundi.                                        | 368               |
| Ordinis resoluiui utilitas.                                                                                        | 5                 | De mundi Polis.                                    | 197. & seq. & 368 |
| Organorum consideratio.                                                                                            | 282. & seq.       | Portenta.                                          | 244. & seq.       |
| Orphei cythara.                                                                                                    | 79                | Possibile quod.                                    | 16                |
| Orus Appollo.                                                                                                      | 153               | Possibile & necessariū idē in aeternis. ibi.       |                   |
|  illi nigri vsus iterdictus 219 |                   | Potentia prior actu.                               | 23                |
| Palingenesia.                                                                                                      | 326               | Potentia sublata tolluntur omnia.                  | 46                |
| Panis                                                                                                              | 205. & seq.       | Potionum genera. 205. multis.                      |                   |
| Paralyfi obnoxij.                                                                                                  | 497               | Potu quae vrantur.                                 | 55                |
| Parfimonia utilitas.                                                                                               | 561. & seq.       | Practica.                                          | 496               |
| Partum iuuantia.                                                                                                   | 424               | Præensionis ratio.                                 | 248. & seq.       |
| Paxus multiplicitas.                                                                                               | 611. & seq.       | Primum, aeternum, simplex, & vnum ē<br>quo mundus. | 13                |
| Passiones corporum duplices.                                                                                       | 165               | Principia rerum tria.                              | 18. 25            |
| Pedicularum generatio.                                                                                             | 185               | Principium rerū quod optimum.                      | 46                |
| Peccatum.                                                                                                          | 619. & seq.       | De libro problematum Arist. authoris<br>iudicium.  | 253               |
| Peccatorū medella. 648. cognitio. 649                                                                              |                   | Prodigalitatis contrarium.                         | 528               |
| Petei & Thetidis connubium.                                                                                        | 327               |                                                    |                   |

Pro-

# I N D E X:

|                                            |             |
|--------------------------------------------|-------------|
| Prodigialitatis & Auaritia comparatio.     | 631         |
| Propheta.                                  | 259         |
| Prophetarum ad vaticinandum preparationes. | 259         |
| De Providentia multa.                      | 435. & seq. |
| Pruiua generatio.                          | 365         |
| Psittacorum regio.                         | 371         |
| Pueri fascinationi obnoxij.                | 514         |
| Puerperarum vacuatio.                      | 162         |
| Puella quinquemeſtris.                     | 160         |
| Putei. 468. Putcorni aſtus.                | 469         |
| Putredine orta.                            | 24          |
| Putreſcentia Analoga.                      |             |
| Pyromantia.                                | 286         |
| Pythagorica Symbola.                       | 99. i 50    |
| Pythagoricorum dogmatum examen.            | 526. & ſeq. |
| Pythagorica harmonia conſtitutio.          | 430         |
| Pythoniſſa.                                | 288         |



|                                     |             |
|-------------------------------------|-------------|
| Quadragenarij numeri ratio in ſætu. | 155. & ſeq. |
| Qualitates elementorum forma.       | 22          |
| Qualitates actiua & paſſiua.        | 22          |
| Quantitas diſcreta & numerus idẽ.   | 9           |
| Quaternarij uis.                    | 110         |



|                                  |             |
|----------------------------------|-------------|
| Abiem qua animalia patiantur.    | 414         |
| Raymundus Lulus.                 | 522         |
| Recidiua malum.                  | 169         |
| Renes minguntur interdum.        | 307         |
| Repletionis mala.                | 561         |
| Reſolutio.                       | 334         |
| Reſurrectionis probatio.         | 640         |
| Reſuſcitatus ab Helifeo.         | 295. & ſeq. |
| Roma avis clamore ſeruata.       | 246         |
| Rubeus color ſanguinem mouet.    | 608         |
| 609. Feras incitat. ibid. & ſeq. |             |
| Rutæ vis.                        | 219. 508    |



|                                                                    |             |
|--------------------------------------------------------------------|-------------|
| Acri libri cuſcripti.                                              | 8           |
| De ſacris libris antiquorum iudicium. ibidem. eorum utilitas.      | 8           |
| Salicis ſemen.                                                     | 21          |
| Salis uſus in ſacris.                                              | 143. & ſeq. |
| Sal cur terris aſpergatur.                                         | 221         |
| Sal Hieroglyphyce quid.                                            | 294         |
| Sal cuius rei Symbolum.                                            | 148         |
| Salis pactum.                                                      | 149         |
| De ſale copioſe.                                                   | 597. & ſeq. |
| Saliua vis contra venenata.                                        | 512         |
| Salſugo.                                                           | 293         |
| Samuel an vere ſuſcitatus.                                         | 282         |
| Sanguis non eſt pars uiuentis.                                     | 95          |
| Sanguis alimentum eſt. 96. natura frigidus calorem ſeruatur. ibid. |             |
| Sanguine abundantia.                                               | 123         |
| Sanguinis differentia.                                             | 92          |
| Sanguinis & anime Sympathia.                                       | 98          |
| contactus ibidem.                                                  |             |
| Sanguinis intritus quibus noceat.                                  | 608         |
| Sapientia ab æterno. 52. quid. 418. quia eius capax. ibid.         |             |
| Saporum contrarietas.                                              | 389         |
| Sara ſterilitas.                                                   | 122         |
| Sarcofiſ uteri.                                                    | 196         |
| Satyron orebis.                                                    | 506         |
| Saulis morbus.                                                     | 220         |
| De Sciẽtia opi. 478. eius appetitus. 479                           |             |
| Scientia naturalium an neceſſaria.                                 | 1           |
| Scibile quid.                                                      | 16          |
| Scire reminiſci Platoni.                                           | 8           |
| Scabies. 165. remedia.                                             | 169         |
| Scriptura inuentio.                                                | 70          |
| Sceptici philoſophi.                                               | 435         |
| Scyphus auguratorius.                                              | 244         |
| Semen quodammodo omnia.                                            | 129         |
| Seminis differentia. ibid. vis.                                    | 136         |
| ex quo & quomodo.                                                  | 337         |
| De ſemine quid Pythagoras.                                         | 43          |
| Seminalis vis in lachryma plantis.                                 | 25          |
| Senes calefaciendi ratio.                                          | 221         |

Se-



# I N D E X.

|                                                               |                            |                                                   |                                   |
|---------------------------------------------------------------|----------------------------|---------------------------------------------------|-----------------------------------|
| <i>Senes cur cōprimāe labia introrsum.</i>                    | <i>494</i>                 | <i>Spinalis medulla.</i>                          | <i>497</i>                        |
| <i>Senectutis descriptio &amp; eius excellens declaratio.</i> | <i>490. &amp; seq.</i>     | <i>Squammarum temperamentū.</i>                   | <i>55</i>                         |
| <i>Sensus an sine mente.</i>                                  | <i>412. &amp; seq.</i>     | <i>Stellarum nomine Angeli.</i>                   | <i>277</i>                        |
| <i>Sensus ad stellas accommodatio.</i>                        | <i>115</i>                 | <i>Stella nulla de nouo.</i>                      | <i>40</i>                         |
| <i>Sensus est presentium.</i>                                 | <i>415</i>                 | <i>Stella anni.</i>                               | <i>1573. 41</i>                   |
| <i>Sensus sensibilis, &amp; organi cōmuniō.</i>               | <i>488</i>                 | <i>Stranguria.</i>                                | <i>498</i>                        |
| <i>Sensus custodes corporis.</i>                              | <i>492</i>                 | <i>Struthio camelli natura.</i>                   | <i>428</i>                        |
| <i>Sensus an sine motu.</i>                                   | <i>601. &amp; seq.</i>     | <i>Stulti serui.</i>                              | <i>327</i>                        |
| <i>Sensus &amp; motus ab eodem.</i>                           | <i>602</i>                 | <i>Substantia quomodo fiat.</i>                   | <i>18</i>                         |
| <i>Septenarij ratio in vita.</i>                              | <i>153. 190</i>            | <i>Succi quatuor. 186. quō nutriāt.</i>           | <i>96</i>                         |
| <i>Sermo quomodo naturalis.</i>                               | <i>20</i>                  | <i>Surdi ex vehementi sonitu.</i>                 | <i>430</i>                        |
| <i>Sermonis &amp; scripturæ comparatio.</i>                   | <i>71.</i>                 | <i>Surdi loqui docti.</i>                         | <i>71</i>                         |
| <i>Serenitatis prasagium.</i>                                 | <i>622</i>                 | <i>Sus.</i>                                       | <i>151</i>                        |
| <i>Serpentis aslutia.</i>                                     | <i>67</i>                  | <i>Suum differentia.</i>                          | <i>152</i>                        |
| <i>Serui peccatores.</i>                                      | <i>328</i>                 | <i>Sybilla</i>                                    | <i>237</i>                        |
| <i>Seseli herba.</i>                                          | <i>424</i>                 | <i>Syncope.</i>                                   | <i>295</i>                        |
| <i>Sodomæ interitus.</i>                                      | <i>547</i>                 |                                                   |                                   |
| <i>Socrates.</i>                                              | <i>472</i>                 | <b>T</b> <i>Abularū plūbearū vsus.</i>            | <i>363</i>                        |
| <i>Silue ingentis ortus inusitatus.</i>                       | <i>20</i>                  | <i>Tagus aurifer.</i>                             | <i>358</i>                        |
| <i>Simulacrum contrarietas quomodo ad ad vnum reuocetur.</i>  | <i>590</i>                 | <i>Thaletis prædictio.</i>                        | <i>278</i>                        |
| <i>Somni utilitates.</i>                                      | <i>132</i>                 | <i>Thimi semen.</i>                               | <i>21</i>                         |
| <i>Somniabundi.</i>                                           | <i>257. 258</i>            | <i>Theologia &amp; iurisprudentiæ comparatio.</i> | <i>584</i>                        |
| <i>Sol cur non primus creatus.</i>                            | <i>39</i>                  | <i>Theriaca.</i>                                  | <i>590</i>                        |
| <i>Sol an calidus.</i>                                        | <i>200</i>                 | <i>Thlibæ.</i>                                    | <i>194</i>                        |
| <i>De Sole multa.</i>                                         | <i>201. &amp; seq. 265</i> | <i>Tapsia.</i>                                    | <i>104. 105</i>                   |
| <i>Solis lux quousque pertingat.</i>                          | <i>42</i>                  | <i>Temperantiā &amp; intemperantiā circa quæ.</i> | <i>645. &amp; seq.</i>            |
| <i>Solis accessus &amp; recessus.</i>                         | <i>200</i>                 | <i>Temperies quid &amp; quorum causa.</i>         | <i>283</i>                        |
| <i>circutiones.</i>                                           | <i>459. &amp; seq.</i>     | <i>Temperies multiplex.</i>                       | <i>475</i>                        |
| <i>Sol beatorum.</i>                                          | <i>42</i>                  | <i>Tempestas</i>                                  | <i>368</i>                        |
| <i>Solstitia.</i>                                             | <i>200</i>                 | <i>Tempus quid.</i>                               | <i>38</i>                         |
| <i>Sollicitudo vitanda.</i>                                   | <i>552</i>                 | <i>Tenarcus lapis.</i>                            | <i>476</i>                        |
| <i>Sophistæ Aegyptij de morte sententiæ.</i>                  | <i>161</i>                 | <i>Tepidorum natura.</i>                          | <i>641. &amp; seq.</i>            |
| <i>Sortium consideratio.</i>                                  | <i>247. &amp; seq.</i>     | <i>Tepidi metaphorice qui.</i>                    | <i>643</i>                        |
| <i>Spado.</i>                                                 | <i>195</i>                 | <i>Ternarij perfectio.</i>                        | <i>110</i>                        |
| <i>Specilli quando vitandi.</i>                               | <i>133</i>                 | <i>Terra vacuitas.</i>                            | <i>34 Globus 193</i>              |
| <i>Spiritualis substantiæ creatio.</i>                        | <i>61</i>                  | <i>Terra cana.</i>                                | <i>37. Solidior in centro ib.</i> |
| <i>Spiritualium consideratio.</i>                             | <i>191. &amp; seq.</i>     | <i>cur partim latēs. partim detectā.</i>          | <i>350</i>                        |
| <i>Spirituum natura.</i>                                      | <i>265</i>                 | <i>Submergenda tota. 351. immobilis.</i>          |                                   |
| <i>Spiritus pro dono.</i>                                     | <i>192</i>                 |                                                   |                                   |
| <i>Spiritus duplices.</i>                                     | <i>609</i>                 | <i>448. &amp; seq.</i>                            |                                   |
| <i>Sphæra recta &amp; obliqua.</i>                            | <i>370</i>                 | <i>Terræ &amp; aquæ cōsideratio.</i>              | <i>385. &amp; seq.</i>            |
|                                                               |                            | <i>Terremotus prædictus.</i>                      | <i>247</i>                        |



# I N D E X.

|                                                 |             |                                                                         |             |
|-------------------------------------------------|-------------|-------------------------------------------------------------------------|-------------|
| Testes.                                         | 136         | Vita quomodo in sanguine.                                               | 96          |
| Tonitruui consideratio.                         | 363. & seq. | Vita longitudo. 287. productio. 102. 110.                               |             |
| Tristitia.                                      | 556         | Vitalis facultas in primo principio generationis a quo. 43. Vbi         | 97          |
| <b>V</b> Accuum vulgo quod.                     | 343         | Viteligo. 165. a lepra differentia.                                     | 176         |
| Vaticinia vnde.                                 | 215         | Vitia duo an vni virtuti contraria.                                     | 588         |
| De vaticinijs multa.                            | 227. & seq. | Vinentium consumptio.                                                   | 100         |
| & seq.                                          |             | Vlcerum exacerbationis causa & tempus. 134. 135. locus. 174. malignitas |             |
| Vena Azygos.                                    | 592         | 305. curatio. 304. 301.                                                 |             |
| Veneris motus vnde.                             | 119         | Vlcera quid desiderent. 303. an oleo munda. 625. 626. 627.              |             |
| Ventorum materia.                               | 354         | Vlmi semen.                                                             | 21          |
| De Ventis multa.                                | 369. & seq. | Vmbilici & hepatis prima formatio. 43.                                  |             |
| Verbum omnium Idea.                             | 58          | Vnguium materia.                                                        | 605         |
| Vesica 498. carentia. 55. habentia. ibid.       |             | Vnitatis perfectio.                                                     | 163. 340.   |
| Vestium infectio. 182. putredo. 185. vsus. 221. |             | Vocum significatio.                                                     | 72          |
| Via lactea.                                     | 41          | Volatilia aquea.                                                        | 52. & seq.  |
| Vini ortus.                                     | 25          | Voluntas duplex.                                                        | 322         |
| De vino multa.                                  | 201. & seq. | Voluntatis libertas.                                                    | 323         |
| Vinum senibus interdicitur.                     | 226         | Vomitur utilitas.                                                       | 565         |
| Vinum vlceribus aptum.                          | 625         | Vomitum incitantia.                                                     | 641. & seq. |
| Vir ante feminam quare.                         | 45          | Vrbs intelligibilis Philonis. 59. eius reprobatio. 60                   |             |
| Vir est gloria Dei.                             | 50          | Vteri gestationis exacta consideratio.                                  | 610. & seq. |
| Viragines.                                      | 125         |                                                                         |             |
| Virginis exploranda ratio.                      | 195         |                                                                         |             |
| Virginis aperienda ratio.                       | 196         |                                                                         |             |
| De Virginitate multa.                           | 195. & seq. |                                                                         |             |
| Virtus infinita incommunicabilis creatura.      | 62          |                                                                         |             |

F I N I S.

## Errata sic corrigito.

Pag. 6. es pro &. 17. ò abundat. 27. a Deo pro adè. 29. colorem pro calore. 39. tres pro res. 53. ey qua pro ex aqua. 64. omnia pro nomina. 67. beluas pro belluas. 69. laryngeni pro laryngeu. 74. multa pro iuxta. 86. Cebitis pro Cebetis. 90. superficies pro superficie. 159. insignum pro insignium. 196. vtiore pro vteri ore. Ceteros facile, si qui sunt errores legendo emendabis.







